

উপেন্দ্রনাথ বন্দ্যোপাধ্যায়ের

—=— গ্রন্থাবলী —=—

অগ্নিযুগের বিপ্লবী-নায়ক

উপেন্দ্রনাথ বন্দ্যোপাধ্যায় প্রণীত

বঙ্গমতী - - সাহিত্য - - মন্দির

১৬৬, বহুবাজার স্ট্রীট, কলিকাতা-১২

উপেন্দ্রনাথ বন্দ্যোপাধ্যায়ের

—প্রবাসী—

[প্রথম ভাগ]

অগ্নিযুগের বিপ্লবী-নায়ক

উপেন্দ্রনাথ বন্দ্যোপাধ্যায় প্রণীত

- | | | | | | |
|----|--------------------|----|----------------------|----|-----------------|
| ১। | সিন ফিন। | ২। | নির্বাসিতের আত্মকথা। | ৩। | বর্তমান সমস্যা। |
| ৪। | অনন্তানন্দের পত্র। | ৫। | পথের সন্ধান। | ৬। | ধর্ম ও কর্ম। |
| ৭। | জাতির বিড়ম্বনা। | ৮। | স্বাধীন মানুষ। | ৯। | উনপঞ্চাশী। |

১৩৫৭

বঙ্গুমতী -- সাহিত্য -- মন্দির

১৬৬, বহুবাজার স্ট্রিট, কলিকাতা-১২

ବନ୍ଧୁବନ୍ଧୀ-ଗାହିତ୍ୟ-ମନ୍ଦିର
୧୭୭, ବନ୍ଧୁବନ୍ଧୀ ଗାଁ
କଲିକାତା—୨୧

ମୂଲ୍ୟ—୨॥୦ ଟଙ୍କା

ପ୍ରକାଶକ ଓ ମୁଦ୍ରାକର
ଶ୍ରୀମଦ୍‌ବିହାରୀ ଦତ୍ତ,
ବନ୍ଧୁବନ୍ଧୀ ପ୍ରେସ୍, କଲିକାତା।

সিন ফিন

—:~:—

প্রথম পরিচ্ছেদ

আয়র্লণ্ডে ইংরাজাধিকার

আজকাল বক্তারা বক্তৃতার মুখে প্রায়ই বলিয়া থাকেন যে, আয়র্লণ্ডবাসীদের মধ্যে বাহারা ইংলণ্ডের সহিত মিলনপ্রার্থী, তাহাদের জ্ঞায অধিকারটুকু না দিবার ফলেই আয়র্লণ্ডে যত মারামারি, লাঠালাঠির উৎপত্তি। জায়সদত অধিকার পাইলেই আয়র্লণ্ড শান্ত, শিষ্ট, সুবোধ হইয়া উঠিবে। কথাটা বেশ আশাপ্রদ বটে; কিন্তু আয়র্লণ্ডেব সমগ্র ইতিহাস একটু চোখ খুলিয়া পড়িলে কথাটা বিশ্বাস করিবার যথেষ্ট কারণ পাওয়া যায় না। যেখানে ভৌগোলিক সম্বন্ধ ভিন্ন আর সমস্ত সম্বন্ধ গায়ের জোরে পাতান, সেখানে কতটুকু অধিকার জ্ঞায আর কতটুকু অজ্ঞায, তাহা বীমাংসা করিবার উপযোগী দর্শনশাস্ত্র আজও আনিবৃত্ত হয় নাই। আয়র্লণ্ডে সে কথাটা বেশ ভাল করিয়া বুঝে বলিয়াই আজ পর্যন্ত স্বাধীনতার জন্ত প্রাণপণে লড়িয়া আসিতেছে। হোমরুল লাভেব চেষ্টা সে নিয়মের কণিক ব্যতিক্রম মাত্র।

আয়র্লণ্ড-বিজয় হইতে আরম্ভ করিয়া লিমারিকের (Limerick) পতন পর্যন্ত এই সুদীর্ঘ কাল আয়র্লণ্ডে রক্তারক্তি কখনও থামে নাই। ইংলণ্ডের রাজমন্ত্রিগণ আয়র্লণ্ডকে শুধু রাজনৈতিক হিসাবে পরাধীন করিয়াই তুষ্ট ছিলেন না; ছলে, বলে, কৌশলে উহার আর্থিক ও মানসিক স্বাধীনতারও লোপ করিতে চেষ্টা করিতেন; আর আইরিসেরা প্রকৃত বুদ্ধবুদ্ধেই হোক বা অজ্ঞাত ইউরোপীয় জাতির সহিত বড়বড় করিয়াই হোক, ইংরাজকে আপনাদের দেশ ও মন হইতে তাড়াইবার চেষ্টা করিত। এত দীর্ঘকালব্যাপী বন্দ ইতিহাসে আর বড় একটা দেখা যায় না, কেননা ইহা শুধু “বর্ষে বর্ষে কোলাহুলি” নহে, ইহা দুইটা জাতীয় প্রকৃতি ও সভ্যতার মধ্যে চিরন্তন বিরোধ। ইংরাজ বাহাকে বাহুবলে জয় করিয়াছে, তাহাকে কখনও প্রেমের

বলে আপনায় করিয়া লইতে পারে নাই; এমন কি, প্রথম আয়র্লণ্ড বিজয়ের পর ইংরাজ রাজ-পুরুষেরা আইরিসদিগকে তাহাদের কাছে ধৌসিতেই দিতেন না। কিন্তু আইরিস প্রকৃতি অন্তরূপ। যে সমস্ত ইংরাজ দুই পুরুষ ধরিয়া আয়র্লণ্ডে গিয়া বাস করিত, আইরিস প্রকৃতির গুণে তাহারা একেবারে হাড়ে হাড়ে আইরিস হইয়া বাইত। দেশের স্বাধীনতার জন্ত খাটি আইরিসেবা যেমন প্রাণপণ করিয়া লড়িত, ইংরাজও সেরূপ করিতে কখনও পশ্চাৎপদ হয় নাই। স্বকৃততত্ত্ব ইংরাজ-সম্মানের উপর আর খাটি ইংরাজের বিশ্বাস করিবার উপায় ছিল না।

লিমারিকের বখন পতন হইল, তখন ইংলণ্ড ভাবিলেন যে, এত দিনে তাহার কাজ শেষ হইয়াছে; আয়র্লণ্ডের মেরুদণ্ড ভাঙ্গিয়া গিয়াছে। বাস্তবিকই আয়র্লণ্ডের তখন আর উত্থান-শক্তি নাই। সেই সুযোগে বাধনের উপর বাধন চড়াইয়া ইংলণ্ড আয়র্লণ্ডকে একটা প্রকাণ্ড কয়েদখানা করিয়া তুলিলেন। আইনের চক্ষে আয়র্লণ্ডের ক্যাথলিক সমাজের অস্তিত্বই রহিল না। তাহারা মানুষের মধ্যেই গণ্য নহে। তাহাদের ব্যবসা বাণিজ্য, শিল্পকলা বেশ নির্ধম ভাবেই ধ্বংস করা হইল। প্রোটেষ্ট্যান্টেরা তাহাদের উপর খবরদারি করিবার অধিকার পাইলেন। ইংলণ্ডের পোষ্য-পুত্ররূপে তাহারা হইলেন—ঐ জেলখানার দারোগা। কিন্তু জেলখানার এমনি একটা গুণ আছে যে, সেখানে ঢুকিলেই কয়েদীই হোক আর দারোগাই হোক, সকলকেই পুরা মানুষের অধিকার হইতে বঞ্চিত হইতে হয়। যে সকল ইংরাজেরা আয়র্লণ্ডে শান্তিরক্ষকরূপে বাস করিলেন, তাহারা অল্পদিনের মধ্যেই আবিষ্কার করিলেন যে, খাটি আইরিসদিগের উপর অভ্যাচার করিবার সুখটুকু তাহাদের আছে বটে, কিন্তু ইংলণ্ডবাসী ইংরাজেরা তাহাদের দণ্ডমুণ্ডের কর্তা গাছিয়া তাহাদিগকে নির্ধাতন করিতে ছাড়েন না। দুয়ের ঠাকুর

উপেক্ষা বন্দোপাধ্যায়

হইলে যে বিদেশের কুকুর হইতে হইবে, এমন ত কোন বাধাধরা নিয়ম নাই। তাই তাঁহারা সুর ধরিলেন যে, আরলণ্ডের পার্লামেন্ট ইংলণ্ডের পার্লামেন্টের অধীন হইয়া থাকিবে না। অনেক কথা কাটাকাটি চলিল। ইংলণ্ডের কর্তৃপক্ষ কখন বা রাগ করিলেন, কখন বা ভয় দেখাইলেন; শেষে যখন দেখিলেন যে, আরলণ্ডের প্রোটেষ্ট্যান্টেরা বড় বীকিখা দাঁড়াইয়াছে, তখন অগত্যা তাহাদের কথায় স্বীকৃত হইলেন। স্বীকৃত হইবারই কথা। কিছুদিন আগে আমেরিকা স্বাধীন হইয়া গিয়াছে, পাছে আরলণ্ডও সেই পথ ধরে, এ ভয় তাঁহাদের মনে ঝেঁপেই ছিল। শুধু কথায় ভুলিবার পাত্র তাঁহারা নহেন। ফলে লিমারিকের পতনের পর একশত বৎসর যাইতে না যাইতেই ইংলণ্ডকে আরলণ্ডের উপর কর্তৃত্বস্ব ত্যাগ করিয়া এক আইন (Renunciation Act, 1783) বিধিবদ্ধ করিতে হইল। স্থির হইল যে, আরলণ্ডের লোকে আইরিশ পার্লামেন্ট ও রাজ্য কর্তৃক বিধিবদ্ধ আইন ভিন্ন অন্য কোনও আইন মানিতে বাধ্য নহে।

ইংলণ্ডের কর্তৃত্ব হইতে অব্যাহতি পাইয়া দেশটা বেন আবার একটু বাঁচিয়া উঠিল। ব্যবসা, বাণিজ্য, শিল্প আবার মাথা তুলিল। জাতীয় পতাকা কাঁপে লইয়া আবার আরলণ্ডের বাণিজ্যতরী সমুদ্রবক্ষে দেখা দিল। দেশের সৌভাগ্য বলিতে তখন অবশ্য প্রোটেষ্ট্যান্টদিগেরই সৌভাগ্য বুঝাইত; কেননা আরলণ্ডের বিধিব্যবস্থা প্রণয়নের তার তখন তাহাদেরই হাতে ব্রহ্ম। তবে ক্যাথলিক সম্প্রদায় নানা বিষয়ে কঠোর শাসনের অধীন হইলেও সে সৌভাগ্য হইতে একবারে বঞ্চিত হয় নাই। মানুষ খেলা বা বিষেবের বশে অপরের জন্ত যতই কঠোর বিধিব্যবস্থা গাড়িয়া তুলুক না কেন, এক সঙ্গে থাকিতে গেলে সে সমস্ত আর কার্যতঃ প্রয়োগ করিয়া উঠিতে পারে না। ক্যাথলিকদের পার্লামেন্টের সভ্য হইবার অধিকার না থাকিলেও ১৭২০ খৃষ্টাব্দে তাঁহারা সভ্য নির্বাচনের অধিকার পাইলেন। দেশের অধিকাংশ লোক যেখানে ক্যাথলিক, সেখানে ক্যাথলিকদের ভোট পাইতে হইলে, কাজে কাজেই প্রোটেষ্ট্যান্টদিগকে ক্যাথলিক-দিগের সহিত সন্ধ্যা রাখিতে হয়। বাস্তবিকই ইংলণ্ডের রাজপ্রতিনিধি আইরিশ পার্লামেন্টের বাড়ির উপর বসিয়া না থাকিলে ক্রমে ক্রমে সব কঠোর আত্মনিয়ন্ত্রণই তিরোহিত হইতে পারিত।

কিন্তু আরলণ্ডের উন্নতি ইংলণ্ডের প্রাণে সহিল না। ইংলণ্ড যখন প্রোটেষ্ট্যান্টদিগের উপর আরলণ্ডের কর্তৃত্বভার দিয়াছিলেন, তখন আশা করিয়াছিলেন যে, আইরিসেরা চিরদিনের জন্ত দুইটা পৃথক জাতিতে পরিণত হইয়া থাকিবে। আইরিশ জাতির পরকে আপনার করিয়া লইবার ক্রমভায়ে ইংরাজেরা বাস্তবিকই চিন্তিত হইয়া উঠিয়াছিলেন। সে সময়কার আর্কবিশপ বোলটার (Archbishop Boulter) তাই লিখিয়া গিয়াছেন:—“The worst of this is that it tends to unite Protestant with Papist, and whenever that happens, good bye to the English interest in Ireland for ever.” “এই সম্মিলন-প্রবণতার ফলে প্রোটেষ্ট্যান্ট ও ক্যাথলিক এক হইয়া যায়, আর তাহা ঘটিলে ইংরাজের স্বার্থসংরক্ষণ অসম্ভব হইয়া উঠে।” কিন্তু আইরিশ কর্তৃপক্ষের অতি-বুদ্ধির দোষে রাম উন্টা বুঝিয়া বসিল। তাঁহাদের ধর্মবিদ্বেষ শুধু ক্যাথলিকদিগকে নির্ধ্যাতিত করিয়াই ক্ষান্ত হইত না; প্রেসবিটারিয়ানদিগকেও তাহার যথেষ্ট ভাগ লইতে হইত। এই উভয় সম্প্রদায় মিলিয়া আরলণ্ডে “ইউনাইটেড আইরিশ-মেন” (United Irishmen) নামে এক নতুন দল গড়িয়া তুলিল। সমস্ত সম্প্রদায়ই বাহাতে আইরিশ পার্লামেন্টের সভ্য হইবার অধিকারী হয়, অনেকদিন ধরিয়া তাহারা সেই চেষ্টাই করিতে লাগিল। কিন্তু ইংলণ্ডের মন্ত্রিসভা প্রাণপণে সে সম্বন্ধে বাধা দিতে লাগিলেন। শেষে আইরিসেরা বেশ বুদ্ধিতে পারিল যে, ইংলণ্ডের সহিত সমস্ত সম্বন্ধ বিচ্ছিন্ন না করিলে আরলণ্ডের যথার্থ উন্নতির সম্ভাবনা নাই। “ইউনাইটেড আইরিশমেন” তখন গুপ্তসভায় পরিণত হইল! আরলণ্ডে প্রজাতন্ত্র প্রবর্তিত করিবার ইচ্ছাই প্রথম চেষ্টা। ফরাসী “দিরেক্তোয়ার” (Directoire) এর সহিত এই গুপ্তসভার বড়যন্ত্র চর্চাতে লাগিল। স্থির হইল যে, ফরাসীরা সৈন্ত পাঠাইয়া আইরিশ-দিগকে সাহায্য করিবে। কিন্তু অল্পদিনের মধ্যেই বড়যন্ত্রের সংবাদ ইংরাজ মন্ত্রিসভায় কানে উঠিল। তাঁহারা যে প্রতিকার ব্যবস্থা করিলেন, তাহাতে একাগারে হস্ত, রোজ ও বাঁধন রস সন্মিলিত। তাঁহাদের গুপ্তচরেরা আরলণ্ডে গিয়া স্থানে স্থানে বিশবন্ধে হাপিত করিয়া লোকসাধারণকে গুপ্ত সভায় বোগদান করিবার জন্ত উৎসাহিত করিতে লাগিলেন। ইংরাজ গবর্নরেন্ট এদিকে আইরিশ গবর্নরেন্টকে সাহায্য করিবার তাল করিয়া দলে

দলে আয়র্লণ্ডে পল্টন পাঠাইতে আরম্ভ করিলেন। বন্দোবস্ত বখন বেশ পাকা হইয়া উঠিল, তখন তাঁহারাই বিদ্রোহ ঘনাইয়া তুলিয়া তাহা নির্মমভাবে দমন করিতে লাগিয়া গেলেন। আয়র্লণ্ডকে স্বতন্ত্র পার্লামেন্ট দিয়া অবধি ইংরাজেরা একদিনও স্বত্ত্বলাভ করিতে পারেন নাই। এইবার তাঁহার এক চিলে দুই পাখী মারিবার সংকল্প করিলেন। বিদ্রোহ ত শান্ত হইল, সঙ্গে সঙ্গে আইরিস স্বাভাব্য ও লুপ্ত হইল। ইংরাজেরা বঝিলেন যে, হয় আয়র্লণ্ডকে সম্পূর্ণ স্বাধীনতা দিতে হইবে, নথ্য উহাকে একেবারে ইংলণ্ডের আয়ত্তাধীন করিয়া রাখিতে হইবে। ইংরাজ মন্ত্রিগণ (Pitt ও Castlereagh) দেখিলেন যে, আয়র্লণ্ডের স্বতন্ত্র পার্লামেন্ট উঠাইয়া দিয়া জনকতক আইরিস সভ্যকে ইংরাজী পার্লামেন্টভুক্ত করিয়া লইতে পারিলেই তাঁহাদের উদ্দেশ্য সিদ্ধ হয়। কিন্তু আইরিস পার্লামেন্টের বিনা সম্মতিতে ত তাহাকে উঠাইয়া দিবার উপায় নাই। কর্তৃপক্ষ তখন উৎকোচের ব্যবস্থা করিলেন। কাহাকেও বড় পদের লোভ দেখাইয়া, কাহাকেও পেন্সন দিয়া, কাহাকেও বা নগদ মূল্য ধরিয়া দিয়া, দুই দশ জনকে ভয় দেখাইয়া, উক্ত ব্যবস্থায় সম্মত করান হইল। সে সময়কার লোকসংখ্যার হিসাব করিলে আয়র্লণ্ডের যত জন সভ্য হওয়া উচিত, তাহার অর্ধেক সংখ্যক সভ্যও আয়র্লণ্ড হইতে লওয়া হইল না। সে সময়কার যে সমস্ত পত্রাদি আজকাল মুদ্রিত হইয়াছে, তাহা হইতে আইরিস পার্লামেন্ট উঠাইয়া দিবার মূল কারণ বেশ বুঝিতে পারা যায়। কিন্তু মুখে মন্ত্রিবর্গ বলিতে ছাড়িলেন না, যে, এই সম্মিলন ব্যবস্থা উত্তর দেশের মজল-কামনা-প্রসূত!

উত্তর রাজ্যের এক পার্লামেন্ট হইয়া যাইবার পর আয়র্লণ্ডের অভিজাতবর্গ ও নেতৃবৃন্দ অনেকেই ইংলণ্ডে আসিয়া বাস করিতে লাগিলেন। তাঁহাদের সন্তানদের শিক্ষাও ইংলণ্ডে হইতে লাগিল। ফলে দুই এক পুরুষের মধ্যেই তাঁহার আদর্শ আইরিস রহিলেন না, ইংরাজ হইয়া গেলেন। আয়র্লণ্ডের প্রোটেষ্ট্যান্ট সম্প্রদায়ও দেখিলেন যে, সমান রাজ-নৈতিক অধিকার হইতে ক্যাথলিকদিগকে বঞ্চিত করিয়া রাখিতে হইলে, ইংরাজের সাহায্য আবশ্যক। ইহাদের মিলনে “ইউনিয়নিস্ট” (Unionist) দলের উৎপত্তি। যে অলস্টার (Ulster) এক সময়ে “ইউনাইটেড আইরিসমেন” দলের কেন্দ্র ছিল, তাহাই কালক্রমে “ইউনিয়নিস্ট” দলের কেন্দ্র হইয়া

দাঁড়াইল। ধর্মের নোঁড়াষি হইতেই এই সঙ্গীর্ণতার উৎপত্তি; সুতরাং ইংরাজ গবর্ণমেন্টের অল্পশ্রু পাদরির দলও দিন দিন তাহা বাড়াইয়া তুলিতে তুলিলেন না।

এদিকে ক্যাথলিক সম্প্রদায় একেবারে নিরাশ হইয়া পড়িলেন। একে ত বাস্তবনৈতিক দাঙ্গা, তাহাব উপর ধর্মের নামে উৎপীড়ন; আর প্রতিকাষেব কোন উপায়ও হাতে নাই। দুঃখের বাঁধনে সংঘবদ্ধ হইয়া তাহাবাই ক্রমে “ন্যাশনালিস্ট” (Nationalist) দল গঠন করিলেন। তাঁহাদের আন্দোলন নানা অবস্থার মধ্যে পড়িয়া নানা রূপ ধারণ করিয়াছে; কিন্তু বিজিত হইবার পর হইতেই যে আয়র্লণ্ডেব দুর্গতিব আরম্ভ, এ কথা তাঁহার কখনও বিশ্বত হন নাই। স্বতন্ত্র ব্যবস্থাপক সভা-সৃষ্টির চেষ্টা যে পূর্ণ স্বাধীনতা প্রাপ্তির প্রথম সোপান মাত্র—এ ভাবও তাঁহাদের রক্তে মাংসে জড়িত হইয়া গিয়াছে।

স্বতন্ত্র পার্লামেন্ট উঠাইয়া দিয়া ইংলণ্ড যখন প্রেমালিঙ্কনে আয়র্লণ্ডকে গ্রাস করিয়া ফেলিলেন, “ইউনাইটেড আইরিসমেন” সভা তখনও একেবারে মবে নাই। ববার্ট এমেট একবার ১৮০৩ খৃষ্টাব্দে মরণ কামড় কামড়াইবার চেষ্টা করিলেন, কিন্তু কলে তাঁহাকে ফাঁসিকাঠে ঝুলিতে হইল। সেই দিন হইতে আজ পর্যন্ত আইরিসদিগকে দমন করিবার জন্য নিত্য নূতন বিধিব্যবস্থা প্রণীত হইয়া আসিতেছে। ক্যাথলিকেরা দিনকতক একটু চুপ করিয়াছিল; শেষে ১৮২৩ খৃষ্টাব্দ হইতে ওকনেল (O'Connell) প্রোটেষ্ট্যান্টদিগের সহিত সমান অধিকার পাইবার জন্য বিপুল আন্দোলন আরম্ভ করিলেন। ওকনেল বৈধ আন্দোলনের একজন প্রধান পাণ্ডা। শুধু নৈতিক বলে জয় লাভ করা যাইবে, এই কথাই তিনি প্রচার করেন; তবে মাঝে মাঝে বিদ্রোহের ভয় দেখাইতেও ছাড়েন নাই। দেশবর উদ্বেজনা এত প্রবল হইয়া উঠিল যে, ইংরাজ মন্ত্রিসভা বিচলিত হইয়া পড়েন। পাছে যথার্থই বিদ্রোহ হয়, সেই ভয়ে তাঁহার ক্যাথলিকদিগকে পার্লামেন্টের সভ্য হইবার অধিকার দিয়া ফেলিলেন।

একবার ক্রুতকাষ্য হইয়া নৈতিক বলের উপর ওকনেলের অগাধ বিশ্বাস জন্মিয়া গেল। আয়র্লণ্ড যাহাতে পুনরায় স্বতন্ত্র পার্লামেন্ট পায়, সেই জন্য তিনি আবার নূতন করিয়া আন্দোলন করিতে ক্রতসংকল্প হইলেন। ১৮৪০ খৃষ্টাব্দে তিনি ঐ উদ্দেশ্যে এক সভা স্থাপন করিলেন। দুই বৎসরের

মধ্যে প্রায় সমস্ত ক্যাথলিক ও অনেক প্রোটেষ্ট্যান্ট তাঁহাদের দলে আসিয়া জুটিল। দেশময় সমস্ত সমিতির বৈঠক বসিল। গবর্ণমেন্ট কিন্তু নৈতিক বল-প্রয়োগের ভয়ে আয়ারল্যান্ডকে স্বতন্ত্র পার্লামেন্ট দিবার কোনই লক্ষণ দেখাইলেন না। অধিকন্তু ওকনেল-স্থাপিত সমস্ত সভাসমিতির অধিবেশন একে একে বন্ধ করিয়া দিতে লাগিলেন। অনন্তোপায় হইয়া শেষে ওকনেল আপনাব জনকতক বন্ধু বাঙ্কবেব্ সহিত পরামর্শ করিবার জন্য তাঁহাদিগকে এক প্রান্তর্ভোজনের নিমন্ত্রণ বলিলেন। রাজপ্রতিনিধি লক্ষ্যার মাথা খাইয়া যখন তাহাও বন্ধ কৈবশ্য দিলেন, তখন ওকনেল এক বিজ্ঞাপন প্রচার করিয়া লিখিলেন—At breakfast, dinner and supper, let every Irishman recollect that he lives in a country where one Englishman's will is law.” “ত্রিসন্ধ্যা আহাের সময় প্রত্যেক আয়ারল্যান্ডবাসীই যেন স্মরণ রাখে, যে, সে যে দেশে বাস করে, সেখানে একজন ইংরাজের খেয়ালই আইন।” ওকনেলের নৈতিক বল-প্রয়োগ কিন্তু ক্রমাগতই ব্যর্থ হইতে লাগিল; শেষে ইংরাজ গবর্ণমেন্টের সাহায্য করিতে গিয়াও তাঁহাকে নানাপ্রকারে লাঞ্চিত হইতে হইয়াছিল।

দেশের যুবকেরা কিন্তু নৈতিক বলের মোহিনী শক্তির উপর নির্ভর কবিরাই নিশ্চিন্ত হইতে পারে নাই। তাহারা ওকনেলের দল হইতে বিচ্ছিন্ন হইয়া ‘ইয়ং আয়ারল্যান্ড’ দল গঠন কবিল। ডেভিস (Davis), ডফি (Duffy) ও মিচেল (Mitchel) এই দলের নেতা। কোন সাম্প্রদায়িক অভাবমাত্র দূর করা তাহাদের লক্ষ্য নহে। ক্যাথলিক, প্রোটেষ্ট্যান্ট সকলকেই এক জাতীয়তাসূত্রে আবদ্ধ করিয়া আয়ারল্যান্ডকে সর্ববিষয়ে স্বাধীন করাই ইহাদের উদ্দেশ্য। কিন্তু পূর্বের সমস্ত আন্দোলন বিফল হওয়ার মধ্যে তখন উৎসাহের বেগ অনেকটা মন্দীভূত হইয়া গিয়াছে। ইংরাজও সর্বতোভাবে আয়ারল্যান্ডে স্বাভাব্যের বীজ নষ্ট করিবার জন্য বন্ধপরিকর হইয়া উঠিলেন। ১৮৩১ খৃষ্টাব্দে স্থাপিত সরকারী শিক্ষা-বিভাগের অল্পগ্রহে বিভাগের সমুহ হইতে আয়ারল্যান্ডের জাতীয় “গেলিক” ভাষা বহিস্কৃত হইল এবং আয়ারল্যান্ডের ইতিহাস ও স্বদেশী কবিতার পঠন-পাঠনও নিষিদ্ধ হইল। আইরিস্ জাতির প্রাণ কাহাতে ইংরাজী ছাচে ঢালাই হয়, সে বিষয়ে যত্নের ত্রুটি হইল না। এ দিকে ব্যবসা বাণিজ্য ইংরাজের হস্তগত হওয়ার অবশ্যতাবী বল ফলিল। দারিদ্র্যে

দেশ ভরিয়া গেল; দুডিকে লক্ষ লক্ষ লোক মরিল; কিন্তু দেশ হইতে শস্তের রপ্তানি বন্ধ হইল না। দেশে থাকিলে যাহাদের অনাহারে মরিতে হয়, তাহাদের দেশত্যাগ করা ভিন্ন আর উপায় কি? এই কারণে ১৮৪৬ খৃষ্টাব্দ হইতে ১৮৬১ খৃষ্টাব্দের মধ্যে প্রায় ৩০ লক্ষ লোক আয়ারল্যান্ড ছাড়িয়া অন্য দেশে গিয়া বাস করিতে বাধ্য হইয়াছিল।

দেশেব এই দুর্গতি দেখিয়া “ইয়ং আয়ারল্যান্ডের” যুবকবৃন্দ দেশের লোককে ইংরাজের বিরুদ্ধে অস্ত্রধাৰণ করিবার জন্য উত্তেজিত করিতে লাগিল। কিন্তু কর্ম-কুশল নেতাব অভাবে সব আয়োজন বিফল হইল। মিচেল ধৃত হইয়া কারাবদ্ধ হইলেন, এবং অন্ততম নেতা স্মিথ ওব্রিয়েনের (Smith O'Brien) বিদ্রোহ চেষ্টাও অচিরে বিনষ্ট হইল।

যে দেশে বৈধ আন্দোলনে কোন প্রতিকার হয় না, এবং জাতীয় জীবন গড়িয়া তুলিবার উপায়ান্তর নাই, সেখানে স্বতঃই লোকে বাঙ্গালীত্ব উপব ক্রমশঃ বীতশ্রদ্ধ হইয়া উঠে। আয়ারল্যান্ডও কতকটা তাহাই হইল। সমস্ত চেষ্টা যে এতদিন ধরিয়া কেন বিফল হইতেছে, লোকে তাহাই অনুসন্ধান করিতে লাগিল। যদি দেশের স্বাধীনতা লাভের ফলে সাধারণ প্রজাদিগের আর্থিক ও সামাজিক উন্নতির পথ পরিষ্কৃত না হয়, তাহা হইলে তাহা বা শুধু জনকতক নেতাব কথাব অপরের সুবিধার জন্য প্রাণ দিতে যাইবে কেন? আয়ারল্যান্ডেব কৃষকেবা সমস্তদিন খাটিয়াও অনাহারে মরে, না হয়, জমিদারের উৎপীড়নে দেশত্যাগী হয়, আব বিলাসী জমিদারেরা কৃষকের পরিশ্রমলব্ধ অর্থ লইয়া বিদেশে বাবুমানি করিয়া বেড়ায়। কৃষকদের এই দুর্দশা যদি না ঘুচে ত স্বতন্ত্র পার্লামেন্ট পাইলেই কি তাহাদের প্রাণ শীতল হইয়া যাইবে? জনকতক হোমরা চোমরাকে লইয়া দেশ নহে; তাহাদের আবেদন বা আন্দোলনে দেশ স্বাধীন হওয়া অসম্ভব। যিনি এই নূতন ভাব প্রচার করিতে আরম্ভ করিলেন, তাঁর নাম লেলর (Lalor)। তিনি কৃষকদিগকে উপদেশ দিলেন,—“চোমরা জোর করিয়া জমি দখল কর। খাজনা দিও না। কেহ খাজনা আদায় করিতে আসিলে প্রতিপদে বাধা দাও।” প্রজাশক্তি লাগিলেই যে দেশের স্বার্থ উন্নতি সম্ভবপর, এ কথা অনেককেই বুঝিলেন। আরও বুঝিলেন যে, জমিদারদিগের সহিত মিলিতে বাইরাই মিচেল ও ওব্রিয়েনের বিদ্রোহচেষ্টা বিফল হইয়াছে। জমিদারেরা নামে আইরিস হইলেও

কাজে আইরিশ নহে। তাহারা বিদেশীর হাত হইতে মুক্ত হইতে চায়, কিন্তু দরিদ্র স্বদেশীকে দাবাইরা রাখিতে প্রস্তুত নহে। যে বিপ্লব প্রজাতন্ত্র-মূলক নহে, তাহা এ যুগে নিফল হইবেই হইবে।

একদিকে কৃষিজীবীদের এই আন্দোলন চলিতে লাগিল, অপর দিকে “ইয়ং আয়র্লণ্ড” এর ভগ্নাবশেষ লইয়া একটি নতুন গুপ্তসভা গঠিত হইল। ইহার নেতারা সকলেই ১৮৪৮ খৃষ্টাব্দের বিপ্লব-চেষ্টায় লিপ্ত ছিলেন। তাঁহাদের মধ্যে স্টিফেন্স ও ও’মেলরীই প্রধান। বিপ্লব নিফল হইবার পর উভয়েই ১৮৫০ খৃষ্টাব্দ পর্যন্ত পারিষে ছিলেন। স্টিফেন্স (Stephens) আয়র্লণ্ডে ফিরিয়া আসিয়া ফিনিয়ান (Fenian) গুপ্তসভা গঠন করিলেন। ওমেলরী (O’Malory) নিউ ইয়র্কে গেলেন। আমেরিকার অন্তর্বিগ্রহের সময় সহস্র সহস্র আইরিশ উভয় দিকে যুদ্ধ করিয়াছিলেন। ১৮৭৫ খৃষ্টাব্দে তাঁহাদের অধিকাংশই স্বদেশে ফিরিয়া আসিয়া স্বাধীনতার জন্য যুদ্ধ করিতে প্রস্তুত ছিলেন। কিন্তু স্টিফেন্স আমেরিকা হইতে অর্থ ভিন্ন অল্প কোনরূপ সাহায্য লইতে অস্বীকৃত হন। অর্থ অল্পে অল্পে আসিতে লাগিল; সুতরাং স্টিফেন্স যথাসময়ে তাঁহার লোকদিগকে অস্ত্রশস্ত্র জোগাইতে পারিলেন না। এই লইয়া উভয় পক্ষে মনোমালিঙ্গ হয়, কিন্তু তাহা সত্ত্বেও সভার কার্য চলিতে থাকে। ১৮৬৫ খৃষ্টাব্দে গবর্নমেন্টের সৈন্যদিগের মধ্যে ১৩০০০ ও পুলিশ বিভাগে ততোধিক ফিনিয়ান ছিল। কিন্তু সরকারী গুপ্ত পুলিশের হাত তাঁহারা এড়াইতে পারিলেন না। স্টিফেন্স ধৃত হইয়া জেলে গেলেন; সেখান হইতে তিনি প্রথমে ফ্রান্স ও পরে আমেরিকায় পলাইয়া যান। ১৮৬৭ খৃষ্টাব্দে আমেরিকায় নেতৃবৃন্দের অধীনে পুনরায় বিপ্লব ঘটাইবার চেষ্টা হয়; কিন্তু তাহাও পূর্ববৎ বিফল হইয়া যায়।

যে উদ্দেশ্যে এই সমস্ত বিপ্লবের আয়োজন, তাহা ব্যর্থ হইল বটে, কিন্তু ইংলণ্ডের মন্ত্রিসভার দৃষ্টি আয়র্লণ্ডের দুর্দশার দিকে আকৃষ্ট হইল। গ্লাডষ্টোন আইরিশ কৃষকদিগের অবস্থা উন্নত করিতে সচেষ্ট হইলেন।

তাঁহার আশা ছিল যে, কৃষকদিগের অবস্থা অপেক্ষাকৃত সচ্ছল হইয়া উঠিলে, তাহারা আর ফিনিয়ানদিগের সহিত যোগ দিতে বাইবে না। সে আশা কতকটা ফলবতীও হইয়াছিল। ইহার পর আর ত্রিশ বৎসর প্রকাক্ষভাবে আয়ার্লণ্ডে বিদ্রোহের

চেষ্টা হয় নাই। আইরিশ সভ্যরা পার্লামেন্টে বক্তৃতা দিয়াই আপনাদের শক্তির সম্ভাবনার করিতে লাগিলেন।

পার্নেলের আবির্ভাবের সঙ্গে সঙ্গে আইরিশ আন্দোলন আবার সতেজ হইয়া উঠিল। তিনি শুধু প্রতিপদে গবর্নমেন্টকে বাধা দিয়াই নিশ্চিন্ত হন নাই; আয়র্লণ্ড ও আমেরিকাকে এ কথাটা বেশ স্পষ্ট করিয়া বুঝাইয়া দিয়াছিলেন যে, হোমরুল-স্বাপনের চেষ্টা জাতীয় স্বাধীনতা লাভের প্রথম গোপান মাত্র। এই জন্যই ফিনিয়ানদিগের ভগ্নাবশেষ তাঁহার সহিত সংযুক্ত হইয়াছিল। কিন্তু কতকটা নিজেই দোষে যখন তাঁহার পতন হইল, তখন পার্লামেন্টের আইরিশ দল একেবারে ছিন্ন ভিন্ন হইয়া গেল। লিবারেলদিগের ভোটের লোভে তাহারা পার্নেলকে নেতৃত্ব হইতে অপসারিত করিল, কিন্তু এই বিশ্বাসঘাতকতার সঙ্গে সঙ্গে তাহাদের সমস্ত শক্তির বিলুপ্ত হইল। তাহারা লিবারেল-দিগের হাতে খেলার পুতুল মাত্র হইয়া রহিল।

বহুকাল পরে রেডমণ্ডের নেতৃত্বে আইরিশেরা আবার সংঘবদ্ধ হইয়া উঠিয়াছিল; কিন্তু রেডমণ্ডের আদর্শ পার্নেলের আদর্শ হইতে পৃথক। পার্নেলের হোমরুলের মধ্যেও একটা স্বাধীনতার তীক্ষ্ণ গন্ধ ছিল। ব্রিটিশ সাম্রাজ্যকে তিনি কখনও আপনায় বলিয়া ভাবেন নাই। সাম্রাজ্যের সহিত আয়র্লণ্ডের যে কোন প্রাণের টান আছে, এ কথা তিনি স্বীকার করিতেন না। সাম্রাজ্যের গৌরব তাঁহার দেশের গৌরব নহে! আয়র্লণ্ডের আন্দোলনকে তিনি আইরিশ জাতির স্বতন্ত্র জাতীয় জীবন রক্ষার জন্য চেষ্টা বলিয়াই মনে করিতেন। কিন্তু রেডমণ্ড আয়র্লণ্ডকে ব্রিটিশ সাম্রাজ্যের অংশ রূপেই দেখিতেন। সাম্রাজ্যের অন্তর্ভুক্ত অংশ যেরূপ সুখ-স্বাচ্ছন্দ্য ভোগ করিয়া আসিতেছে, তিনি আয়র্লণ্ডের জন্য তাহাই দাবী করিতেন। সাম্রাজ্য হইতে বিচ্ছিন্ন হইবার সংকল্প তিনি কখনও করেন নাই। কিন্তু আদর্শকে খর্ব করিয়াও তাঁহার অতীষ্টসিদ্ধি হইল না। হোমরুল বিল কাগজে-কলমেই আবদ্ধ রহিয়া গেল। শেষে বিগত যুদ্ধের সময় ইংলণ্ডের জন্য সৈন্য সংগ্রহ করিতে গিয়া তাঁহাকে নিজের দেশবাসীর নিকটেই “England’s recruiting sergeant” বলিয়া উপহাসাস্পদ হইতে হইল। পার্লামেন্টে আন্দোলন করিয়া কতটুকু পাওয়া সম্ভব, তাহা পার্নেল ও রেডমণ্ড দেখাইয়া গিয়াছেন। বর্ষাবর্ত্তাবে দেখিতে

গেলে, তাঁহারা সমগ্র আয়র্লণ্ডের প্রতিনিধি নহেন। বাহাদুর লর্ডরা দেশের তিন-চতুর্থাংশ, সেই কৃষক বা শ্রমজীবীর প্রাণের ব্যথা তাঁহাদের কথায় সম্যক ধ্বনিত হয় নাই। তাঁহাদের আদর্শ ও কাব্য-প্রণালীর মূলেই বিফলতার বীজ নিহিত ছিল। রেডমণ্ড যখন পার্লামেন্টের দ্বারে হোমরুল ভিক্ষা করিতে বাস্তব, তখন হইতেই আয়র্লণ্ডের ভ্রান্ত বিধাতা অলক্ষ্যে অস্ত্র অস্ত্র শাণিত করিয়া তুলিতে-ছিলেন। উহার নাম সিন ফিন।

দ্বিতীয় পরিচ্ছেদ

সিনফিনের জন্মকথা

১৮৪৮ ও ১৮৬৭ সালের বিদ্রোহ-চেষ্টা নিফল হইবার পর আয়র্লণ্ডে সকলেই একরূপ বসিলেন যে, বাহুবলে স্বাধীনতা ফিরিয়া পাইবার চেষ্টা করা এখন বিড়ম্বনা মাত্র। এ দিকে পার্লামেন্টে একশত বৎসর ধরিয়া বিধিসম্মত আন্দোলনের ফল দেখিয়া হতাশ হওয়া ভিন্ন উপায়ান্তর নাই। দয়া, ধর্ম, সুবিচার, স্বায়ত্তশাসন অধিকার—এক কথায় দুর্বল সবলের নিকট যে সমস্ত বুলি আওড়াইয়া কৃপা ভিক্ষা করে, সেগুলি পার্লামেন্টের কানে সময়ে সময়ে ধ্বনিত করিতে আইরিশেরা ছাড়ে নাই। কিন্তু “চোরা না শোনে ধর্মের কাহিনী।”

আইরিশেরা দেখিল যে, জাতীয় পরাধীনতার ফলে তাহাদের পেটের ভাতও মারা বাইতে বসিয়াছে। ব্রিটিশ সাম্রাজ্যের ভার বহনের ভ্রান্ত ভ্রান্ত্য তাহাদের যে কর দেওয়া উচিত, পার্লামেন্ট তাহাদের নিকট হইতে তাহার অপেক্ষা বাৎসরিক ৭৫০,০০০ পাউণ্ড অধিক আদায় করিয়া লইতেছে। ইংরাজ ব্যবসাদারের স্বার্থের দিকে লক্ষ্য রাখিয়াই আইরিশ ব্যাঙ্ক ও রেলওয়ের কাজকর্ম চালান হইতেছে। আইরিশদের সওদাগরী আহাজগুলি অনেক দিন হইল মারা পড়িয়াছে। দেশে লোহা কমলা প্রভৃতি বা কিছু খনিজ দ্রব্য ছিল, সেগুলি বাহির হইলে পাছে ইংরাজ ব্যবসাদারদের ক্ষতি হয়, এই ভয়ে কর্তৃপক্ষেরা সে দিকে ফিরিয়াও চান না। লোকসংখ্যা এত দ্রুতবেগে কমিয়াছে যে, ইউরোপে তাহার তুলনা বেলাই তার। ইংরাজ-ভক্ত “কল্টরেই” লোকসংখ্যা সম্বন্ধে বৎসরের মধ্যে প্রায় আধাখাশি হইয়া পাড়াইয়াছে। এ সমস্ত

দুর্ঘটনা চুপ করিয়া দেখা ছাড়া উপায় নাই। কারণ যে কি, তাহা সকলেই জানে ও বুঝে, কিন্তু সেই সর্বনাশা কারণ দূর করিবার সামর্থ্য যে কাহারও নাই।

তা’ হোক, কিন্তু মানুষ সহজে হাল ছাড়ে না। যতক্ষণ শ্বাস, ততক্ষণ তাহার আশ। স্বাধীনতা গিয়াছে, শ্রীমঙ্গল গিয়াছে—কিন্তু জাতির প্রাণটুকু যতক্ষণ ধুকধুক করে, ততক্ষণ সব ফিরিয়া পাইবার আশা যায় না। আধ্যাত্মিক স্বাধীনতা জাতির প্রাণ। আয়র্লণ্ডের সবই গিয়াছিল; কেবল একেবারে যায় নাই গেলিক ভাষা। জাতীয় স্বাধীনতার ক্ষীণ আলো ঐ দীপেই মিট মিট করিয়া জ্বলিতেছিল। আয়র্লণ্ডের অতীত যুগের গৌরব-কাহিনী, আশা-আকাঙ্ক্ষা, সুখ-দুঃখের ইতিহাস ঐ ভাষার মধ্যেই নিবদ্ধ। বিদেশী আসিয়া সবই কাড়িয়া লইয়াছিল; কেবল অতীতের গৌরব-মণ্ডিত সুখস্মৃতিটুকু বহুদিন পর্যন্ত কাড়িয়া লইতে পারে নাই। কিন্তু “জাতীয় শিক্ষা”র নাম দিয়া যেদিন হইতে ইংরাজ-প্রতিষ্ঠিত বিদ্যালয়ে ইংরাজী ভাষায় বিদ্যাদান আরম্ভ হইল, সে দিন হইতে “গেলিক” ভাষার কপাল গুড়িল। আইরিশ ইতিহাসের পঠন পাঠন বন্ধ হইল; জাতীয়-ভাব-উদ্দীপক কবিতাদি পাঠ্যপুস্তক হইতে বহিষ্কৃত হইল, এবং পিতৃপুরুষের নাম তুলিয়া আইরিশ বালকেরা আপনাদিগকে “ব্রিটিশ” নামে পরিচয় দিয়া গৌরব বোধ করিতে শিখিল। দুই এক পুরুষের মধ্যেই জাতীয় “গেলিক” ভাষা মৃতপ্রায় হইয়া উঠিল।

দেশের যখন এইরূপ অবস্থা, তখন “সিনফিনের” উৎপত্তি। বিদেশীকে অস্ত্রবলে দেশ হইতে তাড়াইবারও সামর্থ্য নাই; আর তাহার দ্বারে “ধরণা” দিয়াও লাভ নাই দেখিয়া, কয়েক জন আইরিশ স্থির করিলেন যে, বিদেশীর প্রভুত্ব সর্ব বিধে অস্বীকার করিয়া, আত্মনির্ভরশীল হইয়া, দেশের সমস্ত কাজ স্বাধীনভাবে নিজের হাতে করিতে হইবে। সর্ববিধে এইরূপ স্বদেশী ভাবাপন্ন হওয়ারই নাম আইরিশ ভাষায়—সিনফিন।

আইরিশেরা দেখিলেন যে, জাতীয় ভাব বাঁচাইতে গেলে আগে জাতীয় ভাষা ও সাহিত্য বাঁচাইতে হয়; এবং সেই উদ্দেশ্যেই তাঁহারা ১৮৮৩ খ্রীষ্টাব্দে “গেলিক লিগ” নামক সভা প্রতিষ্ঠিত করেন। ক্যাথলিক হোক, প্রোটেষ্ট্যান্ট হোক, সকলেই এই সভার সভ্য হইতে পারিতেন। ধর্ম

বা রাজনীতিসংক্রান্ত কোন প্রশ্নই সেখানে উঠিত না। “লিগ” শুধু জাতীয় ভাষা, সাহিত্য, সঙ্গীত ও শিল্প-বাণিজ্যের উন্নতি ও প্রচারেই মনোযোগ করিতেন। কিন্তু জাতীয় ভাষা ও সাহিত্য প্রচারেব সঙ্গে সঙ্গে জাতীয় ভাবও পুনর্জীবিত হইতে লাগিল; জাতীয় স্বাতন্ত্র্যবোধও পরিস্ফুট হইয়া উঠিল। ফলে সাক্ষাৎ সম্বন্ধে রাজনীতির সহিত গেলিক লিগের কোন সংস্রব না থাকিলেও উহার প্রভাব ক্রমশঃ রাজনৈতিক ক্ষেত্রেও ব্যাপ্ত হইয়া পড়িল। একটা জাতি নবজীবনের আশাদ পাইয়া যখন জাগিয়া উঠে, তখন তাহার কৰ্ম ক্ষেত্রবিশেষে আবদ্ধ থাকে না।

গেলিক লিগ স্থাপনের পর হইতেই নানা স্থানে “সাহিত্য-সভা” স্থাপিত হইতেছিল; সেগুলি প্রাচীন “ইয়ং আয়র্লণ্ড” দলের ভাবেই রক্ষিত। ১৮৯৯ খৃষ্টাব্দে আর্থার গ্রিফিথ “ইউনাইটেড আইরিসম্যান” নামক সাপ্তাহিক সংবাদপত্র বাহিব করিয়া জাতীয় জীবনের সর্বক্ষেত্রে প্রবল স্বদেশী ভাবের স্রোত প্রবাহিত করিতে চেষ্টা করেন। ১৭৮২ খ্রীষ্টাব্দে আয়র্লণ্ডে ধেরূপ স্বতন্ত্র পার্লামেন্টের ব্যবস্থা ছিল, গ্রিফিথ তখন তাহারই পক্ষপাতী। কিন্তু আয়র্লণ্ডের স্বাতন্ত্র্যের পক্ষপাতী হইলেও তিনি তাহা লাভ করিবার জন্য বিপ্লবক্ষুটির সমর্থন করিতেন না। তিনি বলিতেন :— “আয়র্লণ্ডের উপর ইংরাজের কোনও অধিকার আমরা স্বীকার করিব না। পার্লামেন্টে কোনও আইরিস সভ্য পাঠাইব না; কেননা তাহা হইলে প্রকায়ান্তরে স্বীকার করিয়া লওয়া হয় যে, ইংরাজের আয়র্লণ্ড সম্বন্ধে আইন গড়িবার অধিকার আছে। তবে ইংরাজের বিরুদ্ধে অস্ত্রধারণও আমরা করিব না; অস্ত্রধারণ অস্ত্রাঘ বলিষা নহে, সে সামর্থ্য আমাদের আপাততঃ নাই বলিষা। আমাদের জাতীয় জীবন আমরা আত্মশক্তিবলে গড়িয়া তুলিব। প্রথমে মানসিক স্বাধীনতা লাভ করিতে হইবে; রাজনৈতিক স্বাধীনতা তাহার অবশ্যস্বাবী ফল।”

গ্রিফিথ নিজে স্বতন্ত্র পার্লামেন্টমূলক রাজতন্ত্রের পক্ষপাতী হইলেও, ঐহারা সম্পূর্ণ প্রজাতন্ত্রের পক্ষপাতী, তাহাদের প্রবন্ধাদিও “ইউনাইটেড আইরিসম্যান” প্রকাশিত ও আলোচিত হইত।

এই সমস্ত শিকার প্রভাবে আয়র্লণ্ডে কতকগুলি নূতন নূতন স্বদেশী দল গড়িয়া উঠিতেছিল। ১৯০০ খৃষ্টাব্দে স্থাপিত Cuman na Geadhal (কুমান না গেডাল) ইহাদের মধ্যে সর্বপ্রধান। স্বাধীন জাতীয় ভাষা, সাহিত্য, সঙ্গীত, ব্যায়াম-চর্চা

ও শিল্প-বাণিজ্য-বিজ্ঞান এবং গৌণতঃ আয়র্লণ্ডের স্বাধীনতা লাভে সহায়তা করাই এই সমিতির উদ্দেশ্য। কিন্তু সকলে এ আদর্শ স্বীকার করিল না। তাহার বলিল—“সাময়িক রাজনীতির সহিত সম্বন্ধ রাখা চাই। দেশের বৃকের উপর বলিয়া বাহারী রাজত্ব করিতেছে, তাহাদের অধীকার করিব বলিলেই তো আর তাহাদের হাত হইতে নিষ্কৃতি পাওয়া যায় না। দেশের শক্তি কেন্দ্রীভূত করিয়া যখন একদিন না একদিন তাহাদের বিরুদ্ধে প্রয়োগ করিতেই হইবে, তখন শুধু জাতীয় সাহিত্য ও শিল্প-বাণিজ্যের উন্নতির দিকেই মন দিলে চলিবে না, দেশকে সংযত করিয়া শক্তিশালী করিয়া তুলিবার ব্যবস্থাও থাকা চাই।” এই উদ্দেশ্য সিদ্ধ করিবার জন্য Cuman na Geadhal (কুমান না গেডাল) সভাব তৃতীয় বার্ষিক অধিবেশনে (১৯০২ খৃষ্টাব্দে) গ্রিফিথ যে বক্তৃতা দেন, তাহাতে তাহার আদর্শ ও কার্যপ্রণালী স্পষ্টভাবে ব্যক্ত হইয়া উঠে। সভায় স্থির হয় যে, ভবিষ্যতে ইংলণ্ডেব পার্লামেন্টে আর বাহাতে আইরিস সভ্য না যায়, তাহার ব্যবস্থা করিতে হইবে। বর্তমান পার্লামেন্টের আইরিস সভ্যেরা স্বদেশের এই অপমানজনক ব্যাপাব হইতে নিবৃত্ত হইয়া দেশে থাকিয়া দেশবন্ধুত্ব ব্রতী না হন, ততদিন যেন বিদেশবাসী আইরিসেবা তাহাদের কোনরূপ সাহায্য না করেন।

এই প্রস্তাব গৃহীত হইবার পর হইতেই প্রকৃত পক্ষে সিনাক্ষনের জন্ম। ইহা কার্যে পরিণত করিবার জন্য ১৯০৫ খৃষ্টাব্দে ডবলিন শহরে জাতীয় পরিষদের (National Council) প্রতিষ্ঠা হয়। গ্রিফিথ প্রস্তাব করেন যে, ৩০০ সভ্য নির্বাচন করিয়া আয়র্লণ্ডেব এক পার্লামেন্ট গঠিত হউক। ইংরাজী পার্লামেন্টের যে সমস্ত আইরিস সভ্য ওয়েস্টমিনষ্টারে যাইতে অস্বীকৃত, তাহারাও এ নূতন পার্লামেন্টের সভ্য বলিয়া গণ্য হইতে পারিবেন। দেশের মধ্যে যত মিউনিসিপ্যালিটি বা স্থানীয় স্বায়ত্তশাসন সভা আছে, সেগুলি বাহাতে এই পার্লামেন্টের আদেশ অঙ্গীকারে চলে, তাহার ব্যবস্থা করিতে হইবে।

আইন ভঙ্গ না করিয়াও যে যে উপায়ে আয়র্লণ্ডকে কার্যতঃ ইংরাজের শাসনস্থল হইতে মুক্ত করা যায়, জাতীয় পরিষদ তাহারই অঙ্গসজ্জান করিতে লাগিলেন। স্থির হইল, প্রথমতঃ শিকার ভাঙ্গ নিজেদের হস্তে লইয়া এমন একদল যুবককে

গড়িয়া তুলিতে হইবে, বাহারা দেশের কবি, শিল্প-বাণিজ্য ও শাসন-কার্য পরিচালন করিতে পারে। কাউন্সীল সভার (County Council) তত্ত্বাবধানে যত কিছু কর্তব্য আছে, সেই সমস্ত কর্তব্য প্রতিযোগী পরীক্ষার ফলে এই সমস্ত যুবককে ভণ্ডি করিয়া দিতে পারিলে ক্রমশঃ ইহাদের দ্বারা একটা “আইরিস সিভিল সার্ভিস” গড়িয়া তুলিতে পারা যায়। ভিন্ন ভিন্ন দেশে এই পরিষৎ কর্তৃক নির্ধারিত দ্রুত রাখিয়া বিদেশের সহিত ব্যবসা-বাণিজ্যের উন্নতির চেষ্টা করিতে হইবে। আইরিস ব্যাঙ্কসমূহ যদি আইরিস শিল্পের উন্নতির জন্য ঋণ না দেয়, তাহা হইলে লোকে বাহাতে ঐ সমস্ত ব্যাঙ্ক হইতে টাকা তুলিয়া লয়, সে দিকে দৃষ্টি রাখিতে হইবে। আইরিসদিগের তত্ত্বাবধানে নৌ-বাহিনীর সৃষ্টি করিতে হইবে। স্বদেশী শিল্পরক্ষার জন্য আয়র্লণ্ড হইতে ইংরাজী পণ্য বহিষ্কার করিতে হইবে এবং বিচার ভিকার জন্য বাহাতে ইংরাজের দ্বারে না বাইতে হয়, সে জন্য ‘সালিসী’ বিচারালয় স্থাপিত করিতে হইবে। এক কথায়, দেশের মধ্যে নিজেদের একটা স্বতন্ত্র শাসনবিভাগ গড়িয়া তুলিতে হইবে। ইহাই সিনফিনের প্রথম অবস্থার কার্য-প্রণালী।

দুই বৎসর কাজকর্ম বেশ উৎসাহের সহিত চলিল; কিন্তু কয়েক বৎসরের মধ্যেই সিনফিনের চীৎকার যেন অরণ্যে রোদন হইয়া দাঁড়াইল। জাশনালিষ্ট (Nationalist) দলের নেতা রেডমণ্ড তখন পার্লামেন্টের নিকট হইতে হোমরুল আদায় করিয়া লইবার জন্য উঠিয়া পড়িয়া লাগিয়াছেন। সকলেরই দৃষ্টি তাঁহার উপর নিবদ্ধ। সিনফিনের নেতারাও স্থির করিলেন যে, এ সময় রেডমণ্ডকে বাধা দিয়া হোমরুল প্রাপ্তির অন্তরায় হওয়া সমীচীন নহে।

১৯১০ হইতে ১৯১৩ পর্য্যন্ত সিনফিন একরূপ নির্জীব হইয়াই পড়িয়াছিল। কিন্তু অস্ফুট শক্তি ধীরে ধীরে আয়র্লণ্ডে মাথা তুলিয়া উঠিতেছিল। তাহারাই ক্রমে ক্রমে সিনফিনের সহিত মিলিত হইয়া সিনফিনকে গুঁঠ করিয়া তুলিল।

দ্বিতীয় পরিচ্ছেদ

সিনফিনের পরিণতি

সিনফিন যে প্রথমাবস্থায় সমগ্র আইরিস জাতির সহায়ত্ব পায় নাই, তাহার একটা প্রধান কারণ এই যে, ইহা মধ্যবিত্ত শ্রেণীর মধ্যেই আবদ্ধ ছিল। শ্রমজীবীদের স্বার্থের দিকে ইহারা তত দৃষ্টি রাখে নাই। কিন্তু সারা ইউরোপে শ্রমজীবীদের অত্যাখানের সঙ্গে সঙ্গে আয়র্লণ্ডেও একটা প্রবল শ্রমজীবীদল গড়িয়া উঠিতেছিল; ও’কনলীর নেতৃত্বে সংঘবদ্ধ হইয়া ইহারা ১৮৯৭ খৃষ্টাব্দে একটা প্রজাতন্ত্রমূলক সোসিয়ালিষ্ট দল গঠন করিয়া তুলে। প্রথম অবস্থায় সিনফিন দলের সঙ্গে এই শ্রমজীবী-সম্প্রদায়ের মধ্যে যে সম্বন্ধ উপস্থিত হইত, তাহা হইতেই বেশ বুঝা যায় যে, কেবলমাত্র মধ্যবিত্ত শ্রেণীর শক্তির উপর নির্ভর করিয়া বাহারা পরাধীন দেশকে স্বাধীন করিবার আশা করেন, তাহার কতদূর ভ্রান্ত। পতিত দেশের উদ্ধার করিতে গেলে, দেশের মধ্যে বাহারা পতিত, তাহাদেরই উদ্ধার আগে করিতে হয়।

আয়র্লণ্ডের পুরাতন বিপ্লবপন্থীদের ভাবাবেশ-গুলি ক্রমে ক্রমে এই শ্রমজীবী-সংঘের সহিত মিলিত হইয়া একটা নূতন দল গড়িয়া তুলিল। বাহারা হোমরুলের আশায় রেডমণ্ডের নেতৃত্ব স্বীকার করিয়াছিলেন, হোমরুল বিলের রূপ দেখিয়া তাঁহারাও অনেকটা নিরুৎসাহ হইয়া পড়িলেন। অধিকন্তু এই ভাঙ্গা-চোরা হোমরুল বিলের বিরুদ্ধাচরণ করিবার জন্য অলস্টার-বাসিগণ যখন অস্ত্র ধারণের ভয় দেখাইল, এবং গোপনে তাহার কামান বন্দুক সংগ্রহ করা সম্বন্ধে যখন ইংলণ্ডের কর্তৃপক্ষগণ তাহাদের প্রতিক্রিয়া করিবার চেষ্টা করিলেন না, তখন জাশনালিষ্ট দলের অনেকেই বিপ্লবপন্থী হইয়া দাঁড়াইলেন।

এ দিকে দেখিতে দেখিতে ইউরোপে তুমুল সংগ্রামের রণভেরী বাজিয়া উঠিল। বাণিজ্য ব্যাপার লইয়া ইংলণ্ডের সহিত জার্মানীর যুদ্ধ যে একদিন অনিবার্য, একথা দুই তিন বৎসর হইতে অনেকেই বুঝিয়াছিল। যুদ্ধ যখন ঘোষিত হইল, তখন যদি রেডমণ্ড জিদ ধরিতেন যে, হোমরুল কার্যে পরিণত না হইলে আয়র্লণ্ড হইতে সাহায্য পাওয়া যাইবে না, তাহা হইলে হয়ত হোমরুলের এমন অকাল-মৃত্যু ঘটিত না, কিন্তু তিনি নিতান্ত ভয়-

লোকের মত ইংলণ্ডের কথার উপর নির্ভর করিয়া আইরিশদিগকে সাম্রাজ্য-রক্ষার জন্য সাহায্য করিতে অস্বীকার করিলেন। কলে ৪০ হইতে ৫০ হাজার আইরিশ সৈন্য সাম্রাজ্যরক্ষার জন্য প্রাণ দিতে ছুটি। সিনকিনদিগের মুখপত্র এ কার্যের তীব্র প্রতিবাদ করিয়া বলে যে, ইহার ফল বিষম হইবে :—
“If England wins this war she will be more powerful than she has been at any time since 1864 and she will treat Ireland which kissed the hand that smote her as such as Ireland ought to be treated.”

‘ইংলণ্ড যদি এ যুদ্ধে জয়ী হয়, তাহা হইলে ইংলণ্ড এত প্রবল হইয়া উঠিবে যে, ১৮৬৫ খৃষ্টাব্দের পর এমনটি আর হয় নাই; এবং যে আয়র্লণ্ড যাক্কেব হস্ত লেহন কবিরাজে, তাহার প্রতি যেরূপ ব্যবহার করা উচিত, সেইরূপই করিবে।’

আজ আয়র্লণ্ডের দুর্দশা দেখিয়া ঐ ভবিষ্যদ্বাণীর কথা মনে পড়ে।

সিনকিনদিগের মুখপত্রে অন্তরে লিখিত হয়—
“যুদ্ধের সময় আইরিশ সৈন্যসৈনিকগণকে যদি আয়র্লণ্ড রক্ষা করিতে হয়, তাহা হইলে তাহারা আইরিশ সেনাপতির অধীনে ও আইরিশ পতাকার তলে তাহা করিবে। আর তাহা না হইলে তাহারা আপনাদের দেশের দাসত্ব চিরস্থায়ী করিবে মাত্র।”

যুদ্ধ-বোম্বার তিন মাস পরে সিনকিন, শ্রমজীবী ও প্রজাতন্ত্র দলের সমস্ত সংবাদ-পত্র পুলিসে বন্ধ করিয়া দেয়। কিন্তু যুদ্ধের জন্য আইরিশদের বিদেশ যাত্রা করা উচিত কি না, এ বিষয়ে মতবৈধ ক্রমশঃ অধিকতর পরিস্ফুট হইয়া উঠিতে লাগিল। রেড-মণ্ডের জ্ঞানশালী দল ও অলষ্টরের ইউনিয়ানিস্ট দল ইংলণ্ডের সাহায্য করিবার জন্য সৈন্যসংগ্রহের পক্ষপাতী আর সিনকিন ও প্রজাতন্ত্রের দল উহার বিরোধী রহিলেন। অবস্থার চাপে পাড়য়া ক্রমশঃ সিনকিন ও প্রজাতন্ত্রবাদীরা এক হইয়া উঠিতেছিল। ১৯১৪ খ্রীষ্টাব্দের অক্টোবরে গ্রীষ্ম একখানা নূতন সংবাদ-পত্র প্রচার করিয়া ইংরাজ-স্বার্থের বিরুদ্ধে মত প্রচার আরম্ভ করেন, কিন্তু ছয় সপ্তাহের মধ্যেই সেখানির প্রচার বন্ধ করিতে হয়।

এদিকে ইংলণ্ড, বেলজিয়ম প্রভৃতি যুদ্ধ যুদ্ধ জাতি-সমূহের স্বাধীনতা-রক্ষার জন্য উচ্চকণ্ঠে আকর্ষণবালীকে আহ্বান করিতে লাগিলেন। আয়র্লণ্ডের মনে শুধু এই কথাই উঠিতে লাগিল—

“যুদ্ধ যুদ্ধ জাতিদের জন্য বাহাদুরের এত গভীর সহায়ত, তাহারা আয়র্লণ্ডের জন্য কিছু করে না কেন?” ইংলণ্ডের উদ্দেশ্য সবে তাহারা চিরদিনই সন্নিহান; এখন তাহাদের বেশ দৃঢ় প্রতিজ্ঞা হইল যে, হোমরুল-বিল পুঁথির মধ্যেই থাকিয়া রাইবে; কাজে কখনও লাগিবে না। কিন্তু যুদ্ধ ছুটিয়া কোন কথা বলিবার উপায় নাই, বিরোধী সংবাদপত্রের পরমাণু নিত্যই অল্প। শেষে গ্রীষ্ম “Scissors and Paste” নাম দিয়া এক সংবাদ-পত্র প্রচার আরম্ভ করেন। সম্পাদকীয় মন্তব্য শুধু একটা মাত্র প্রবন্ধে প্রকাশিত হইয়াছিল—
—বাকি সমস্ত সংবাদাদি অন্যান্য সংবাদ-পত্র হইতে উদ্ধৃত। কিন্তু সেই একটা মাত্র সম্পাদকীয় প্রবন্ধে আয়র্লণ্ডের মনের কথা স্পষ্টই ছুটিয়া উঠিয়াছিল :—

“It is high treason for an Irishman to argue with the sword the right of his small nationality to equal political freedom with Belgium or Servia or Hungary. It is destruction to the property of his printer now when he argues it with the pen. Hence while England is fighting the battle of the small nationalities, Ireland is reduced to Scissors and Paste. Up to the present the sale and use of these instruments have not been prohibited in Ireland.”

“বেলজিয়াম, সার্বিয়া বা হাঙ্গারীর মত স্বাধীনতা পাইবার জন্য আইরিশেরা যদি তরবারি লইয়া দাঁড়ায়,—তাহা হইলে তাহার নাম রাজদ্রোহ; সে স্বাধীনতার কথা লইয়া যদি সংবাদ-পত্রে বিচার বিতর্ক করে, তাহা হইলে যুদ্ধাশ্রয় ত্যাগ করা হইবে। তাই ইংলণ্ড যখন যুদ্ধ রাজ্যগুলির স্বাধীনতা লাভের জন্য যুদ্ধ-নিরত, তখন আয়র্লণ্ডকে ‘কাঁচ ও কাঁচ’ সার হইয়া দাঁড়াইতে হইয়াছে। ওগুলির ক্ষয় ও ব্যবহার আয়র্লণ্ডে এখনও নিষিদ্ধ হয় নাই।”

বলা বাহুল্য, এ সংবাদ-পত্রখানিও অল্পদিনের মধ্যে বন্ধ করিয়া দেওয়া হইল। কিন্তু তাবপ্রচার কার্য বন্ধ হইল না; অনেকগুলি যুদ্ধ যুদ্ধ পুঁথিকা রচিত হইয়া আইরিশদিগের ঘরে ঘরে স্বাধীনতার বার্তা বোম্বা করিয়া কিরিতে লাগিল। কয়েক আয়র্লণ্ডে যুদ্ধের জন্য সংগৃহীত বেঙ্গলসৈন্তের দল দুই ভাগে বিভক্ত হইয়া পড়িল। ইংলণ্ড

রেড মণ্ডের কর্তৃত্বাধীনে রহিলেন, বাহারা ইংলণ্ডের সাহায্য-প্রার্থী, তাঁহাদের নাম হইল জাশনাল ভলটিয়ার্স। আয়ারলণ্ডের স্বাধীনতার জন্ত যে একদিন যুদ্ধ করিতে হইবে, অন্ততঃ অলষ্টারের হাত হইতে হোমরুল বিলকে বাঁচাইতে হইলেও শক্তি প্রয়োগের প্রয়োজন হইতে পারে, এই বিশ্বাস বৃকে লইয়া আইরিস ভলটিয়ার্স দল গড়িয়া উঠিতে লাগিল।

শ্রমজীবী সম্প্রদায়ের নেতা জেসস্ ও'কনলীর সহিত প্রজাতন্ত্রীদলের তখনও একটা বোঝাপড়া হয় নাই। ও'কনলী শুধু জাতীয় পতাকা, জাতীয় পালামেণ্ট বা জাতীয় স্বাধীনতার নামে জুলিতে চাহিতেন না। তিনি বলিতেন যে, যে জাতীয় স্বাধীনতার ফলে আপামর সাধারণ খ্রী-পুরুষের আপন আপন জীবন স্বাধীনভাবে গড়িয়া তুলিবার শক্তি না আসিবে, সে স্বাধীনতার শুধু শ্রেণী-বিশেষের আধিপত্য লাভ হইবে মাত্র; তাহার জন্ত মরিয়া লাভ নাই।

এদিকে পিয়ার্সের (P. H. Pearse) শিক্ষার ফলে আইরিস ভলটিয়ার্সগণও ব্যাপকভাবে স্বাধীনতার অর্থ হৃদয়ঙ্গম করিতে শিখিল। যে উলফটোন আইরিস স্বাধীনতার ভাব-কেন্দ্রস্বরূপ, তাঁহার শিক্ষা বিশ্লেষণ করিয়া পিয়ার্স দেখাইতে লাগিলেন যে, ও'কনলীর শিক্ষার সহিত উহার মূলতঃ কোনই প্রভেদ নাই; উলফটোন শুধু শ্রেণী-বিশেষের স্বাধীনতার জন্ত জীবন দিয়া যান নাই; সর্ব-শ্রেণীর স্বাধীনতাই তাঁহার মূলমন্ত্র। “Let no man be mistaken as to who will be lord in Ireland when Ireland is free. The people will be lord and master.” “If the men of property will not support us, they must fall, we can support ourselves by the aid of that numerous and respectable class of the community, the men of no property,”

“আয়ারলণ্ড স্বাধীন হইলে কর্তৃত্ব কাহার হাতে আসিবে, এ বিষয়ে যেন আমাদের ভুল ধারণা না থাকে। প্রজাসাধারণই সর্বময় কর্তা হইবে।” “ধনী সম্প্রদায় যদি আমাদের সাহায্য না করে, তাহা হইলে তাহাদের পতন অনিবার্য। বাহারা অর্থ-সম্পদহীন, সেই বহুসংখ্যক ভদ্রশ্রেণীর সাহায্যের উপর আমরা নির্ভর করিব।” বলা বাহুল্য, অর্থ-সম্পদহীন ভদ্রশ্রেণী অর্থে শ্রমজীবী সম্প্রদায়।

পিয়ার্স এবং ও'কনলীর শিক্ষার ফলে প্রজাতন্ত্রের দলের সহিত শ্রমজীবীদল একীভূত হইয়া গেল। ১৯১৬ খ্রীষ্টাব্দে ডিসেম্বর মাসে আয়ারলণ্ডে ইহারা প্রজাতন্ত্র ঘোষণা করিলেন। বিপ্লববহিঃ জলিয়া উঠিল।

সিনফিন দলের সহিত এ বিপ্লবের ঘনিষ্ঠ সন্ধক ছিল না, কিন্তু বিপ্লব যখন দমন করা হইল, তখন সিনফিন দলের নেতারাও দেশ হইতে বিতাড়িত হইলেন।

প্রকৃত পক্ষে কিন্তু বিদ্রোহের সময় আয়ারলণ্ড সম্পূর্ণরূপে সিনফিন বা প্রজাতন্ত্রমতাবলম্বী হয় নাই। রেড মণ্ডের জাশনালিষ্ট দল তাদিয়া আসিতেছিল; বিদ্রোহের পর বেশ বুঝা গেল যে, হোমরুল বিল কার্যে পরিণত হইবার আর বড় আশা ভরসা নাই। প্রজাতন্ত্রবাদীদের অবস্থাও শোচনীয় হইয়া দাঁড়াইল; বিদ্রোহ থামিবার অল্প দিন পরেই একটা গুপ্ত বিচারের পর পিয়ার্স, ও'কনলি ও অপর তের জন নেতাকে গুলি করিয়া মারা হইল! দেশময় ধরপাকড় আরম্ভ হইল; ৩০০০ জনকে কারাবদ্ধ করিয়া দেশান্তরিত করা হইল। বিদ্রোহদমন কার্যটা বেশ জাঁকজমকের সহিতই সম্পন্ন হইল।

আয়ারলণ্ড চূপচাপ করিয়া দেখিল। শেষে ক্রমে ক্রমে সকলের মাথায় এই কথাটা ঢুকিল যে, এতগুলো লোককে যে গুলি করা হইল, ইহারা যদি ইংরাজ হইত ত প্রকাশ্য বিচারালয়ে ইহাদের বিচার হইত; জর্জাণ হইলে ইহারা যুদ্ধের বন্দীর মত ব্যবহার পাইত, কিন্তু পরাধীন আয়ারলণ্ডবাসী বলিয়াই ইহাদের আজ এই বিড়ম্বনা। শেষে ইংলণ্ডের প্রধান সচিব যখন পালামেণ্টে ঘোষণা করিলেন যে, আইরিস বিদ্রোহীদের প্রতি এইরূপ ব্যবহার সাধারণ ইংলণ্ডবাসীর অভিপ্রায়-সম্মত, তখন আয়ারলণ্ড একেবারে জলিয়া উঠিল। লোকে শুধু দুঃখ বা রাগ প্রকাশ করিয়াই নিশ্চিন্ত লইল না। বাহারা পূর্বে ও'কনলী বা পিয়ার্সের নাম পর্যন্ত শুনে নাই, তাহারাও বুঝিতে চাহিল যে, অকাতরে এ লোকগুলো এমন করিয়া প্রাণটা দিল কেন? সিনফিন-সাহিত্য পড়িবার জন্ত লোকে আগ্রহান্বিত হইয়া উঠিল। লোকে ক্রমে ক্রমে বুঝিল যে, উলফটোন হইতে আরম্ভ করিয়া পিয়ার্স, ও'কনলী পর্যন্ত সকলেই আয়ারলণ্ডের স্বাধীনতার জন্ত মরিয়াছে; হাজার হাজার সৈন্ত যে জার্মানীর সহিত যুদ্ধ করিয়া মরিয়া—তাহারা বুঝায় মরিয়াছে।

কিন্তু অল্পবলে ইংরাজকে তাড়ান ত সম্ভব নয়। সিনফিন যে ইংরাজ-শাসন কার্য্যতঃ অস্বীকার করিতে বলিতেছে—সেই পন্থাই অবলম্বনীয়। কিন্তু ১৭৮২ খৃষ্টাব্দের শাসনপ্রণালীর ধূয়া ধরিলে আর চলিবে না। যাহারা আয়র্লণ্ডের জন্ত প্রাণ দিয়াছে—তাহাদের প্রচারিত প্রজাতন্ত্রই আদর্শ বলিয়া মানিতে হইবে।

সারা আয়র্লণ্ডের মনে দেখিতে দেখিতে যে পবিত্রবর্তন ঘটিল, ইংরাজ কর্তৃপক্ষ তাহার বড় একটা সংবাদ রাখিলেন না। তাঁহারা ভাবিলেন, রাজ-নৈতিক কয়েদীদের ছাড়িয়া দিয়া ক্রমে একটা হোমরুলের বন্দোবস্ত করিলেই দেশ শান্ত হইয়া যাইবে। কয়েদীরা ছাড়া পাইল, প্রধান মন্ত্রী বলিলেন যে, অচিরে আয়র্লণ্ডের জন্ত একটা সুব্যবস্থা করিবেন; কিন্তু তিনি রাজ্যময় সকল দলের কাছেই তাহাদের মনোমত এক একটা প্রতিজ্ঞা করিয়াছিলেন। কাজেই তাঁহার প্রতিজ্ঞার আর কাহারও নিকট মূল্য রহিল না।

১৯১৭ সালে সিনফিনের কর্তৃপক্ষগণ আবার কার্য্য আরম্ভ করিলেন। “জাতীয়তা” (Nationality) নামে একখানি নূতন সাপ্তাহিক বাহির হইল। এবার দেশশুদ্ধ লোক তাহা পড়িতে আরম্ভ করিল। ইংলণ্ডে বাহারা কর্তৃপক্ষ, তাঁহারা আয়র্লণ্ডের বিরোধী; সুতরাং সকলেই বুঝিয়াছিল যে, পার্লামেন্টে গিয়া বক্তৃতা দিয়া আর কোনও লাভ নাই। সিনফিন-নির্দিষ্ট পন্থাই একমাত্র পথ বলিয়া সকলে মানিয়া লইল। এদিকে ‘আইরিশ নেশনাল লিগ’ নামে সিনফিন-ভাবাপন্ন একটা স্বতন্ত্র দল গাঁড়িয়া উঠিল। অস্ত্রাস্ত্র দেশের নিকট আয়র্লণ্ডকে স্বতন্ত্র রাজ্য বলিয়া স্বীকার করাইয়া লওয়া ও আয়র্লণ্ডের আত্মশক্তির পরিপুষ্টি-সাধন করাই এই সভার প্রধান উদ্দেশ্য। আয়র্লণ্ডে যাহাতে বাধ্যতামূলক সৈন্ত-সংগ্রহ (conscription) না চলিতে পারে, ও আয়র্লণ্ডে যাহাতে দুই ভাগে বিভক্ত না হয়, তাহা লইয়া তুমুল আন্দোলন চলিতে লাগিল।

দেখিতে দেখিতে সমগ্র আয়র্লণ্ডই সিনফিন-ভাবাপন্ন হইয়া উঠিল। ১৯১৭ খৃষ্টাব্দে অন্ততঃ ১০।১২ খানি কাগজে সিনফিন মতবাদ সমর্থিত হইতে লাগিল। পার্লামেন্টে যখন সভ্য নির্বাচনের সময় আসিল, তখন সিনফিনেরই জয় হইল। কর্তৃপক্ষ আবার ভস্মবিত হইয়া পড়িলেন; শেষে যে সমস্ত রাজনৈতিক বন্দীকে মুক্তি দেওয়া হইয়া-

ছিল, তাঁহাদিগকে পুনরায় নির্কাসিত করাই স্থির করিলেন। কিন্তু অদৃষ্টের লিখন তাহাতে খণ্ডিত হইল না। সিনফিন শান্তি সমিতির (Peace Conference) নিকট বিচার-ভার দিবার জন্ত ডাবলিনে এক সভা আহ্বান করিলেন। ইংলণ্ডের প্রধান মন্ত্রী একটা ভাষাচোরা হোমরুল খাড়া করিয়া বলিলেন—‘হয় ইহা গ্রহণ কর; নয় সমগ্র আয়র্লণ্ডের প্রতিনিধিগণ মিলিয়া তাহাদের মনোমত একটা প্রস্তাব খাড়া করুক।’ সিনফিন দলকে এই প্রতিনিধি-সভায় পাঁচ জন মাত্র সভ্য নির্বাচনের ক্ষমতা দেওয়া হইল, অথচ আয়র্লণ্ডে তখন সিনফিন মতাবলম্বীর সংখ্যাই অধিক;—কাজে কাজেই সিনফিন এই সভায় যোগদান করিল না। এদিকে আবার নূতন করিয়া ‘আইরিশ ভলান্টিয়ারের’ দল সরকারী পক্ষ হইতে সহস্র বাধা সত্ত্বেও বাড়িয়া উঠিতে লাগিল। ‘জাঙ্গনালিষ্ট’ ভলান্টিয়ারদের নিকট হইতেও অস্ত্রশস্ত্র কাড়িয়া লওয়ার তাহারাও মনে মনে ইংরাজ-কর্তৃপক্ষের বিরোধী হইয়া উঠিল।

সরকারী প্রতিনিধি-সভার বিচার-বিতণ্ডা একদিকে চলিতে লাগিল, অপরদিকে সিনফিনদল আপনাদের এক সভা আহ্বান করিয়া ডি, ভ্যালেরাকে সভাপতির পদে নির্বাচন করিলেন। ডি, ভ্যালেরা প্রথমে প্রজাতন্ত্রবাদী বিপ্লবপন্থী ছিলেন, সুতরাং তাঁহার সিনফিনের সভাপতিত্ব-গ্রহণে প্রমাণিত হইল যে, সিনফিনদল ক্রমশঃ প্রজাতন্ত্রবাদী হইয়া উঠিয়াছেন এবং বিপ্লবপন্থীরাও বিদ্রোহ-চেষ্টা পরিত্যাগ করিয়া সিনফিন-মতাবলম্বী হইয়া উঠিয়াছেন। এই সময় হইতেই বর্তমান সিনফিনের আরম্ভ। উহার উদ্দেশ্য ও কার্য্যপ্রণালী সৰ্ব্বদে ডি, ভ্যালেরা বলিয়াছেন—“সিনফিন অস্ত্রাস্ত্র দেশের নিকট হইতে আয়র্লণ্ডকে স্বাধীন প্রজাতন্ত্র বলিয়া স্বীকার করাইয়া লইতে চেষ্টা করিবে। সে চেষ্টা সফল হইবার পর সমস্ত আইরিশ জাতি মিলিয়া যে শাসন-প্রণালী নির্বাচন করিয়া লইবে, তাহাই গ্রাহ্য হইবে। ইংলণ্ড বা অন্য কোনও বিদেশী শক্তির আয়র্লণ্ডের জন্ত আইন বিধিবদ্ধ করিবার শক্তি তাহারা স্বীকার করিবে না; ইংলণ্ড সৈন্যবল বা অন্য কোনও শক্তি দ্বারা আয়র্লণ্ডকে পরাধীন করিয়া রাখিতে চেষ্টা করিলে, তাহারা যে কোনও উপায়ে হোক সে শক্তির প্রতিরোধ করিতে চেষ্টা করিবে; আয়র্লণ্ডের জনসাধারণ কর্তৃক নির্বাচিত এক প্রতিনিধি-সভার উপর সমস্ত বিধিব্যবস্থা প্রণয়নের ভার অর্পিত হইবে।”

পুঁথাতন সিনফিন হইতে এই নতন সিনফিন দুই এক বিষয়ে পৃথক। পূর্বে সিনফিন একমাত্র স্বাধীনবনেরই পক্ষপাতী ছিল; এখন ইহা শান্তি-সভা প্রকৃতি বহিঃশক্তিরও আশ্রয় লইতে কুণ্ঠিত হইল না। পূর্বে ইহা অস্বাধীনতার পক্ষপাতী ছিল না, এখন সে কথার উপর আর বড় একটা জোর দিল না।

সিনফিন দল যখন ক্রমে দুর্ভিক্ষ-দমনের জন্য ঋণগ্রস্ত দেশের বাহিরে যাওয়া বন্ধ করিতে লাগিল, তখন সাধারণ লোকে উহার পক্ষপাতী হইয়া উঠিল।

ইংলণ্ডের কর্তৃপক্ষ আরলণ্ডের শাসন-প্রণালী স্থির করিবার জন্য যে প্রতিনিধি-সভার (Convention) আহ্বান করিয়াছিলেন, তাহা পরিণামে নিফল হইয়া পাড়াইলেও, যখন আইরিশদিগকে বাধ্য করিয়া সৈন্ত-শ্রেণীভুক্ত করিবার কথা উঠিল, তখন আরলণ্ডের সর্বসাধারণ তাহাতে বাধা দিবার জন্য সিনফিনের সহিত যোগ দিল। ফলে ইংলণ্ডের সহিত আরলণ্ডের মানসিক বিচ্ছেদ সম্পূর্ণ হইয়া পাড়াইল। সেইদিন হইতে যে সংঘর্ষের সূত্রপাত হইয়াছে, আজও তাহার নিবৃত্তি হয় নাই।

নির্বাসিতের আত্মকথা

—:—

উপেন্দ্রনাথ বন্দ্যোপাধ্যায় প্রণীত

ভূমিকা

বাংলায় বা ভারতবর্ষের অন্যান্য প্রদেশে যে সমস্ত যুবক ইংরাজ গবর্ণমেন্টের বিরুদ্ধে ষড়যন্ত্র করিয়াছিল, সরকারী কাগজপত্রে ও ইংরাজী সংবাদপত্রে তাহাদিগকে ‘আনারকিষ্ট’ (anarchist) আখ্যা দেওয়া হইয়াছে। যাহারা সৰ্ব্ববিধ শাসনপ্রণালীর বিরোধী, ইংরাজীতে তাহাদিগকেই আনারকিষ্ট বলে। এরূপ কোনও দল ভারতবর্ষে আছে বা ছিল বলিয়া আমি জানি না। যে সমস্ত পরাধীন দেশে লোকমত প্রভাবে বিদেশীয় শাসনব্যবস্থা পরিবর্তিত করিবার উপায় নাই, সে সমস্ত দেশে স্বাধীনতাস্পৃহা জাগিয়া উঠিলে গুপ্ত সভা-সমিতির সৃষ্টি অনিবার্য। ইটালী, পোলাণ্ড, আয়ারল্যান্ড প্রভৃতি দেশে যে সমস্ত কারণে বিপ্লবপন্থীদের আবির্ভাব হইয়াছিল, ভারতবর্ষে সেই কারণগুলি সম্পূর্ণরূপে বর্তমান ছিল বলিয়াই এখানেও বিপ্লবপন্থীর ক্ষুধা দেখা দিয়াছিল। আমাদের শাসকসম্প্রদায়ও সে কথা বেশ ভাল করিয়া জানেন বলিয়াই তাড়াতাড়ি রিফর্ম বিলের শাস্তিভুল ছিটাইয়া দিয়া সে অগ্নিক্ষুধি নির্বাপিত করিতে চেষ্টা করিয়াছিলেন। তাঁহাদের সে চেষ্টা সফল কি ব্যর্থ হইয়াছে, তাহা বিচার করা আমার উদ্দেশ্য নহে। আমার শুধু এইটুকু বক্তব্য যে, এদেশের বিপ্লবপন্থীরা আনারকিষ্ট নহেন! বিপ্লব-সমিতিগুলির ইতিহাস যাহারা জানেন, তাঁহারা এই কথা স্বীকার করিবেন। সে কথা প্রমাণ করিবার জন্য অতীতের অন্ধকারময় গহ্বর হইতে সে বিন্যস্ত ইতিহাস আপাততঃ টানিয়া বাহির করিবার আবশ্যকতা নাই। বাঙালীদের আত্মসম্মানবোধ রাজপুরুষদিগের ব্যবহারে প্রতিপদে ক্ষুণ্ণ হইতেছিল বলিয়াই, ইংরাজাধিকারে তাঁহাদের মনুষ্যত্ব লাভের সম্ভাবনা ছিল না বলিয়াই, বাঙালীরা তাহাদের ক্ষীণ প্রাণের সমগ্র শক্তি একত্র করিয়া ইংরাজের দুৰ্জয় শক্তি প্রতিরোধ করিবার চেষ্টা করিয়াছিল। বঙ্গভঙ্গের আন্দোলনের পূর্বে যে ভারতবর্ষকে স্বাধীন করিবার জন্য গুপ্ত সভা-সমিতি স্থাপনের চেষ্টা না হইয়াছিল, তাহা নহে, কিন্তু তাহা কার্যতঃ বিশেষ ফলদায়ী হয় নাই। ১৯০৫ খৃষ্টাব্দে সমস্ত বাংলাদেশ লর্ড কর্জনকৃত অপমানে যে বাত্যাভিযুক্ত সাগরবন্ধের মত চঞ্চল হইয়া উঠিয়াছিল, সেই চঞ্চল্য হইতে প্রকৃতপক্ষে বাংলায় বিপ্লববাদের উৎপত্তি। দেশের মধ্যে তখন যে প্রবল উত্তেজনা-স্রোত বহিতেছিল, তাহাই আধার বিশেষে ঘূর্ণ্যাবর্তে পরিণত হইয়া বিপ্লবকেজের সৃষ্টি করিয়া তুলিয়াছিল। ‘ঘৃণাস্তর’ ছিল ঐরূপ একটি বিপ্লবকেজের মূখপত্র। ঐ সংবাদপত্রের পরিচালকগণের সংস্রবে আসিয়াই আমি বিপ্লবীদলে যোগ দিয়াছিলাম।

নির্বাসিতের আত্মকথা

—:—

প্রথম পরিচ্ছেদ

১৯০৬ খৃষ্টাব্দে তখন শীতকাল। আসর বেশ গরম হইয়া উঠিয়াছে। উপাধ্যায় মহাশয় সবে মাত্র ‘সন্ধ্যা’র চাটম চাটম বুলি ভাঁজিতে আরম্ভ করিয়াছেন, অরবিন্দ জাতীয় শিকার জন্ত বরোদার চাকরী ছাড়িয়া আসিয়াছেন। বিপিনবাবুও পুরাতন কংগ্রেসী দল হইতে ভাঙ্গিয়া পড়িয়াছেন; সারা দেশটা যেন নৃতনের প্রতীক্ষায় বসিয়া আছে। আমি তখন সবেমাত্র সাধুগিরির খোলস ছাড়িয়া জোর করিয়া মাষ্টারীতে মনটা বসাইবার চেষ্টা করিতেছি, এমন সময় এক সংখ্যা “বন্ধুখাতরম্” হঠাৎ একদিন হাতে আসিয়া পড়িল। ভারতের রাজনৈতিক আদর্শের কথা আলোচনা করিতে করিতে লেখক বলিয়াছেন—“We want absolute autonomy free from British control.” আজকাল এ কথাটা হাতে মাঠে বাটে বাজারে খুব সস্তা হইয়া দাঁড়াইয়াছে, কিন্তু সেকালের বড় বড় রাজনৈতিক পাণ্ডাও মুখ ফুটিয়া কথাটা বাহির করিতেন না। একেবারে ছাপার অক্ষরে ঐ কথাগুলো দেখিয়া আমার মনটা তড়াং করিয়া নাচিয়া উঠিল। সেকালের নেতারা ভাজিতেন বিজ্ঞা, আর বলিতেন পটোল। যখন Self-Government সম্বন্ধে বক্তৃতা করিতেন, তখন তাহার পিছনে colonial কথাটা জুড়িয়া দিয়া শ্রাম ও ফুল দুইই রক্ষা করিতে চেষ্টা করিতেন। তাহাতে আইনও বাঁচিত, হাততালিও পড়িত।

কিন্তু আমার কেমন পোড়া অদৃষ্টের লিখন। ঐ ছাপার অক্ষরগুলো ভেঁ। ভেঁ। করিয়া কানের ভিতর ঘুরিতে ঘুরিতে একেবারে মাথার চড়িয়া বসিল। মনটা কেবল থাকিয়া থাকিয়া বলিতে লাগিল—“আরে ওঠ, ওঠ, সময় বে হয়ে গেল।” সে রাত্রে আর ঘুম হইল না। শুইয়া শুইয়া স্থির করিলাম, এ সব কথাই মূলে কিছু আছে কিনা, খোঁজ লইতে হইবে। সভ্যই কি এর সবটা শুধু

মচনৎ খোঁজ লইতে বাহির হইয়া যে সমস্ত অজুত গুজব শুনিলাম, তাহাতে চক্ষু স্থির হইয়া গেল। পাহাড়ের কোন নিভৃত গহবরে বসিয়া নাকি লাখ দুই নাগা সৈন্ত তলোয়ার সানাইতেছে, হাতিয়ার সব মজুত, ভারতবর্ষের অস্ত্রান্ত্র প্রদেশও নাকি প্রস্তুত, শুধু বাংলা পিছাইয়া আছে বসিয়া তাহার কাছে নামিতে একটু বিলম্ব করিতেছে। হবেও বা!

সেই সময় কলিকাতা হইতে “যুগান্তর” কাগজখানা বাহির হইতে আরম্ভ হইয়াছে। লোকে কানাকানি করে যে, যুগান্তরের আড্ডাটা নাকি একটা বিপ্লবের কেন্দ্র। বিপ্লবের নাম শুনিয়াই অনেক যুগের সঞ্চিত রোমাঞ্চ আমার মনের মধ্যে ঢেউ খেলিয়া উঠিল; ফ্রান্সের রবসপিয়ের হইতে আরম্ভ করিয়া আনন্দমঠের জীবানন্দ পর্য্যন্ত সবাই এক একবার মনের মধ্যে উঁকি মারিয়া গেল। এ দেশে বাহারা বিপ্লব আনিবে, ভবিষ্যৎ স্বাধীন ভারতের বাহারা মুগ্ধ বিগ্রহ, শেঙলি কি রকমের জীব, তাহা দেখিবার বড় আগ্রহ হইল। আমি ঘরের কোণে চূপ করিয়া বসিয়া থাকিব, আর পাঁচজনে মিলিয়া রাতারাতি ভারতটাকে স্বাধীন করিয়া লইবে, এতো আর সহ করা যায় না।

কলিকাতার যুগান্তর অফিসে আসিয়া দেখিলাম, ৩৪টি ঘরক মিলিয়া একখানা ছেঁড়া মাছরের উপর বসিয়া ভারত উদ্ধার করিতে লাগিয়া গিয়াছেন। যুদ্ধের আসবাবের অভাব দেখিয়া মনটা একটু দমিয়া গেল বটে, কিন্তু সে ক্ষণেকের জন্ত। গুলি-গোলায় অভাব তাঁহার বাকের দ্বারাই পূরণ করিয়া দিলেন। দেখিলাম, লড়াই করিয়া ইংরেজকে দেশ হইতে হটাইয়া দেওয়া যে একটা বেশী কিছু বড় কথা নয়, এ বিষয়ে তাঁহার সকলই একমত। কাল না হয় দুদিন পরে যুগান্তর অফিসটা যে গবর্ণমেন্ট হাউসে উঠিয়া বাইবে, সে বিষয়ে কাহারও সন্দেহমাত্র নাই। কথায়, বার্তায়, আভায়ে, ইজিতে এই ধারণাটা আমার মনে আসিয়া পড়িল

যে, এসবের পশ্চাতে একটা দেশব্যাপী বড় রকমের কিছু প্রজ্জ্বল হইয়া আছে।

দুই চারিদিন আনাগোনা করিতে করিতে ক্রমে “যুগান্তরের” কর্তৃপক্ষদের সঙ্গে আলাপ পরিচয় হইল। দেখিলাম—প্রায় সকলেই জাতকট ভবঘুরে বটে। দেবব্রত (ভবিষ্যতে স্বামী প্রজ্ঞানন্দ নামে ইনি প্রসিদ্ধ হইয়াছিলেন) বি-এ পাশ করিয়া আইন পড়িতেছিলেন; হঠাৎ ভারত উদ্ধার হয়-হয় দেখিবা, আইন ছাড়িয়া “যুগান্তরের” সম্পাদকতায় লাগিয়া গিয়াছেন। স্বামী বিবেকানন্দের ছোট ভাই ভূপেনও সম্পাদকদের মধ্যে একজন। অবিনাশ এই পাগলদের সংসারে গৃহিণী-বিশেষ। যুগান্তরের ম্যানেজারি হইতে আরম্ভ করিয়া, ঘর-সংসারের অনেক কাজের ভারই তাহার উপর। বারীজের সহিত আলাপ হইতে একটু বিলম্ব হইল, কেন না সে তখন ম্যালেরিয়ার জ্বালায় দেওঘরে পলাতক। পরে তাহার হাড় ক’খানার উপর চামড়া জড়ানো শীর্ণ শরীর, মাঠের মত কপাল, লম্বা লম্বা বড় বড় চোখ, আর খুব ষোটা একটা নাক দেখিয়াই বুঝিয়াছিলাম যে, কল্পনা ও ভাবের আবেগে বাহারা অসম্ভবকে সম্ভব করিয়া তোলে, বারীজ তাহাদেরই একজন। অক্ষশাস্ত্রের জ্ঞানায় কলেজ ছাড়িয়া অবধি সারেক বাঙাইয়া, কবিতা লিখিয়া, পাটনায় চায়ের দোকান খুলিয়া, এখানেও অনেক কীর্ত্বিই সে করিয়াছে। বড় লোকের ছেলে হইয়াও বিধাতার ক্রুপায় দুঃখ-দারিদ্র্যের অভিজ্ঞতা হইতে বঞ্চিত হয় নাই। এইবার ৫০ টাকা পুঁজি লইয়া যুগান্তর চালাইতে বসিয়াছে। দেখা হইবার পর তিন কথায় সে আমাকে বুঝাইয়া দিল যে, দশ বৎসরের মধ্যে ভারত স্বাধীন হইবেই হইবে।

ভারত-উদ্ধারের এমন সুযোগ ত আর ছাড়া চলে না! আমিও বাসা হইতে পুঁটলী-পাঁটলা গুটাইয়া যুগান্তর আফিসে আসিয়া বসিলাম।

কিছুদিন পরে দেবব্রত ‘নবশক্তি’ আফিসে চলিয়া গেল। ভূপেনও পূর্ববঙ্গে ঘুরিতে বাহির হইল। স্মৃতরাং ‘যুগান্তর’ সম্পাদনের ভার বারীজ ও আমার উপরেই আসিয়া পড়িল। আমিও “কেটে বিটু”দের মধ্যে একজন হইয়া দাঁড়াইলাম।

বাংলার সে একটা অপূর্ণ দিন আসিয়াছিল। আশায় বকীল নেশার বাঙালীর ছেলেরা তখন ভয়পূর। “লক্ষ পর্যাণে শঙ্কা না মানে, না মাখে কাহারো ঞ্ণ।” কোন্ দৈব স্পর্শে যেন বাঙালীর বুস্তু প্রাণ সজাগ হইয়া উঠিয়াছিল। কোন্ অজানা

দেশের আলোক আসিয়া তাহার মনের যুগযুগান্তের জাঁধার যেন মুছিয়া দিয়াছিল। “জীবন-মৃত্যু পায়ের তৃত্য, চিন্তা ভাবনাহীন।”—রবীন্দ্র যে ছবি আঁকিয়াছেন, তাহা সেই সময়কার বাঙালী ছেলেরদের ছবি। সত্যসত্যই তখন একটা অসন্ত বিদ্বাস আমাদের মনের মধ্যে জাগিয়া উঠিয়াছিল। আমরাই সত্য; ইংরেজের তোপ, বাকদ, গোলাগুলি, পল্টন, মেশিনগান—ওসব শুধু মায়ার ছায়া! এ ভোজ-বাজীর রাজ্য, এ তালের ঘর—আমাদের এক ফুৎকারেই উড়িয়া যাইবে। নিজেদের লেখা দেখিয়া নিজেরাই চমকিয়া উঠিতাম; মনে হইত যেন দেশের প্রাণ-পুরুষ আমাদের হাত দিয়া তাঁহার অন্তরের নিগূঢ় কথা ব্যক্ত করিতেছেন।

হ হ করিয়া দিন দিন ‘যুগান্তর’ গ্রাহকসংখ্যা বাড়িয়া যাইতে লাগিল। এক হাজার হইতে পাঁচ হাজার, পাঁচ হাজার হইতে দশ হাজার, দশ হাজার হইতে এক বৎসরের মধ্যে বিশ হাজারে ঠেকিল। ছোট প্রেসে ত আর অত কাগজ ছাপা চলে না। লুকাইয়া অল্প প্রেসে ছাপান ভিন্ন গতাস্তর রহিল না।

ঘরের কোণে একটা ভাঙ্গা বাসে ‘যুগান্তর’ বিক্রয়ের টাকা থাকিত। তাহাতে চাষি লাগাইতে কখন কাহাকেও দেখি নাই। কত টাকা আসিত আর কত টাকা খরচ হইত, তাহার হিসাবও কেহ লইত না। যুগান্তর আফিসে অনেকগুলি ছেলেও মাঝে মাঝে আসিয়া থাইত ও থাকিত। তাহাদের বাড়ী কোথায়, তাহারা কি করে, এসংবাদ বড় কেহ রাখিত না। এইটুকু শুধু জানিতাম যে, তাহারা “স্বদেশী”; স্মৃতরাং আমাদের আত্মীয়।

বাহিরে যাইবার সময় বাড়ীর সম্মুখে দুই একটা লোককে প্রায়ই দাঁড়াইয়া থাকিতে দেখিতাম, আমাদের দেখিলে তাহারা কেহ আকাশ পানে চাহিত, কেহ সম্মুখের চায়ের দোকানে ঢুকিয়া পাড়ত, কেহ বা সীস দিতে দিতে চলিয়া বাইত। স্মৃতরাং—সেগুলি নাকি সি-আই-ডির অঙ্গুগৃহীত জীব। সি—আই—ডি। ফুঃ। কে কার কড়ি ধারে?

দিন এইরূপে কাটিতে লাগিল। একদিন সরকার বাহাদুরের তরফ হইতে একখানা চিঠি আসিয়া হাজির হইল যে, যুগান্তরে বেকরপ লেখা বাহির হইতেছে, তাহা রাজস্রোহ-সূচক। ভবিষ্যতে ওরূপ করিলে আইনের কবলে পড়িতে হইবে। আমরা ত হাসিয়াই অস্থির। আইন কিরে, বাবা? আমরা

ভারতের ভারী সম্রাট, গবর্নমেন্ট-হাউসের উত্তরাধিকারী—আমাদের আইন দেখায় কেটা ?

একদিন কিন্তু সত্য সত্যই পালে বাঘ পড়িল। ইম্পের্টর পূর্ণ লাহিড়ী জনকতক কম্পেটবল লইয়া যুগান্তর আফিসে খানাতল্লাসী করিতে আসিলেন। যুগান্তরের সম্পাদককে গ্রেপ্তার করিবার পরওয়ানাও তাঁহার সঙ্গে ছিল। কিন্তু সম্পাদক কে ? এ বলে ‘আমি’, ও বলে ‘আমি’। শেষে ভূপেনই একটু মোটা-সোটা ও তাহার বেশ মানানসই রকমের দাড়ি আছে বলিয়া, তাহাকেই সম্পাদক বলিয়া স্থির করা হইল। ভূপেন যখন আদালতে সাফাই গাহিয়া আপনাকে বাঁচাইবার চেষ্টা করিল না, তখন দেশে ছেলে-ছোকরাদের মধ্যে একটা খুব হৈ চৈ পড়িয়া গেল। এ কাণ্ডটা নূতন আজগুবি কাণ্ড বটে। ভূপেন যাহাতে ক্রটি স্বীকার করিয়া নিষ্কৃতি পায়, সরকারী পক্ষ হইতে সে চেষ্টা করা হইয়াছিল, কিন্তু ভূপেন রাজী হইল না। ফলে ম্যাজিস্ট্রেট কিংসফোর্ড তাহাকে এক বৎসরের জন্ত জেলে রাখিয়া দিলেন।

এই সময় হইতে দেশে রাজদ্রোহের মামলার ধুম লাগিয়া গেল। দুই সপ্তাহ যাইতে না যাইতেই যুগান্তরের উপর আবার মামলা সুরু হইল এবং যুগান্তরের প্রিন্টার বসন্তকুমারকে জেলে যাইতে হইল।

একে একে এক্রপ অনেকগুলি ছেলে জেলে যাইতে লাগিল। তখন বারীজ বলিল—“এক্রপ বৃথা শক্তিকর্ম করিয়া লাভ নাই। বাক্যবাণে বিদ্ধ করিয়া গবর্নমেন্টকে ধরাশায়ী করিবার কোনও সম্ভাবনা দেখি না। এতদিন যাহা প্রচার করিয়া আসিলাম, তাহা এইবার কাজে করিয়া দেখাইতে হইবে।” এই সঙ্কল্প হইতেই মাণিকতলার বাগানের সৃষ্টি।

মাণিকতলায় বারীজদের একটা বাগান ছিল। স্থির হইল যে, একটা নূতন দলের উপর ‘যুগান্তর’ের ভার দিয়া, যুগান্তর আফিসের জনকতক বাছাই বাছাই ছেলে লইয়া ঐ বাগানে একটা নূতন আড্ডা গড়িতে হইবে। যাহাদের সংসারের টান নাই, অথবা টান থাকিলেও অকাতরে তাহা বিসর্জন দিতে পারে, এক্রপ ছেলেই লইতে হইবে। কিন্তু ধর্ম-জীবন লাভ না হইলে এক্রপ চরিত্র প্রায় গড়িয়া উঠে না ; সেই জন্ত স্থির হইল যে, বাগানে ধর্মশিক্ষার ব্যবস্থা করিতে হইবে। আমি তখন সাধুগিরির ফেরত আসাধী ; সুতরাং পুণ্ড্রিগত মাধুলী ধর্মশিক্ষার উপর আমার যে বড় একটা গভীর প্রভা ছিল, তা

নয়। বারীজ কিন্তু নাছোড়বান্দা ! গেক্সার উপর তাহার তখন অসীম ভক্তি। একজন ভাল সাধু-সন্ন্যাসীকে ধরিয়া আমাদের দলে পুরিতে পারিলে তাহার শিক্ষায় দীক্ষায় যে ছেলেদের ধর্মজীবনটা গড়িয়া উঠিবে, এই আশায় সে সাধু খুঁজিতে বাহির হইয়া পড়িল। কি করিব, সঙ্গে আমিও চলিলাম। কিন্তু যাই কোথা ? আমাদের পাল্লায় পড়িবার জন্ত কোথায় সাধু বসিয়া আছে ? বরোদায় থাকিবার সময় বারীজ শুনিয়াছিল যে, নর্মদার ধারে কে নাকি একজন ভাল সাধু আছে। অতএব চলো সেইখানে। তাহাই হইল। কিন্তু যে আশা লইয়া আসিয়াছিলাম, তাহা মিটিল না। সাধুজী তাঁহার কাটা জিহ্বাটা উল্টাইয়া তালুতে লাগাইয়া দমবন্ধ করিয়া থাকিতে পারেন। শুনিলাম—তিনি নাকি ঐরূপে ব্রহ্মরন্ধ্র হইতে করিত সুধাধারা পান করিয়া থাকেন। বিশ পঞ্চাশ রকমের আসনও তিনি আমাদের বাংলাইয়া দিলেন, রকম বেরকমের ধোতি বস্তির কসরৎও দেখাইতে তুলিলেন না। কিন্তু আমাদের পোড়া মন তাহাতে উঠিল না।

দুই তিন দিন বেশ মোটা মোটা দ্রুতগতির ক্রীড়া ও অড়হর ডাল ধ্বংস করিয়া আমরা তাঁহার আশ্রম হইতে বাহির হইয়া পড়িলাম। বারীজ কিন্তু নিরুৎসাহ হইবার পাত্র নয়। আমায় বলিল—“দেখ, গিরিডির কাছে কোথায় একজন সাধু আছেন শুনেছি। তুমি একবার সেইখানে গিয়ে খোঁজ কর, আর রাস্তায় কানীতেও একবার চুঁ মেরে যেয়ো। আমি এই অঞ্চলে আরও দিন কতক দেখি।” আমি ‘তথাস্থ’ বলিয়া গিরিডি যাত্রার নাম করিয়া সটান মাণিকতলায় আসিয়া উপস্থিত হইলাম। দিন কয়েক পরে শুনিলাম—বারীন আর একটা সাধুকে পাকড়াও করিয়াছে। ১৮৫৭ সালে সিপাহী-বিদ্রোহের সময় তিনি ধানুলীর রাণীর পক্ষ হইয়া ইংরেজের বিরুদ্ধে যুদ্ধ করিয়াছিলেন। তারপর সাধু হইয়া চুপচাপ এতদিন সাধন-ভজন করিতে ছিলেন। বারীজের সংস্পর্শে আবার সেই বহুদিনের নির্বাপিতপ্রায় অগ্নিশূলি দগ্ধ করিয়া জ্বলিয়া উঠিল। বারীজ তাহাকে বলিল—“ঠাকুর, তুমি আমায় একখানা গেক্সা কাপড় আর কানে বা হয় একটা মস্তুর হুক দাও ; বাকি সবটা আমিই করে নেব।” সাধু বারীনকে বড় ভালবাসিতেন ; তিনি তাহাতেই রাজী হইলেন। বারীন সাধুর নিকট বথশাস্ত্র মন্ত্রলীকা লইল। কিছুদিন পরে বারীনকে

জিজ্ঞাসা করিয়াছিল—“সাধু কি মজ্জা দিলেন?” বারীজ বলিল—“ভুলে মেরে দিমেছি।” বাই হোক, বারীজ তাঁহাকে লইয়া মধ্যভারতের কোনও তীর্থস্থানে একটা আশ্রম গড়িবার সঙ্কল্প করে; কিন্তু অল্পদিনের মধ্যে জলাতঙ্করোগে বাবাজীর মৃত্যু হওয়ায় সে সঙ্কল্প আর কাজে পরিণত হইল না।

কিছুদিন পরে বারীজ আর একজন সাধুর নিকট হইতে সাধন লইয়া দেশে ফিরিল। ঐ সাধুটি মধ্যভারত ও বোম্বাই অঞ্চলে একজন সিদ্ধ পুরুষ বলিয়া প্রসিদ্ধ। পরে তাঁহাকে আমিও দেখিয়াছি। তিনি যে অসাধারণ শক্তিসম্পন্ন, সে বিষয়ে কোন সন্দেহ নাই।

বারীজ ফিরিয়া আসিবার পর একটা আশ্রম গড়িবার বেঁক আমাদের ঘাড়ে খুব ভাল করিয়াই চাপিল। কিন্তু মনের মত জায়গা মিলিল না। শেষে স্থির হইল, ষতদিন না ভাল জায়গা পাওয়া যায়, ততদিন মাণিকতলার বাগানেই আশ্রমের কাজ চলুক।

দ্বিতীয় পরিচ্ছেদ

মাণিকতলার বাগানে যখন আশ্রমের সূত্রপাত হইল, তখন সেখানে চার পাঁচ জনের অধিক ছেলে ছিল না। হাতে একটাও পয়সা নাই, ছেলেরা সকলেই বাড়ী ঘর ছাড়িয়া আসিয়াছে, সুতরাং তাহাদের মা বাপদের কাছ থেকেও কিছু পাইবার সম্ভাবনা নাই। অথচ ছেলেদের আর কিছু জুটুক আর নাই জুটুক, দুবেলা দু’মুঠো ভাত ত চাই। দু একজন বন্ধু মাণিক কিছু কিছু সাহায্য করিতে প্রতিশ্রুত হইলেন, আর স্থির হইল যে, বাগানে শাকসব্জীর ক্ষেত করিয়া বাকী খরচটা উঠাইয়া লওয়া হইবে। বাগানে আম, জাম, কাঁঠালের গাছও যথেষ্ট ছিল। সেগুলো জমা দিয়াও কোন না দু-দশ টাকা পাওয়া যাইবে? আর আমাদের খাইতেও বেশী খরচ নয়—ভাতের উপর ডাল আর একটা তরকারী। অধিকাংশ দিনই আবার ডালের মধ্যেই দুই চারিটা আলু ফেলিয়া দিয়া তরকারীর অভাব পূরাইয়া লওয়া হইত। সমস্যাভাব হইলে খিচুড়ীর ব্যবস্থা। একটা মস্ত সুবিধা হইল এই যে, বারীন তখন ঘোরতর ব্রহ্মচারী। মাছের আঁশ বা পেঁয়াজের খোসাটা পর্যন্ত বাগানে

চুকিবার হুকুম নাই; তেল, লব্ধা একেবারেই নিষিদ্ধ। সুতরাং খরচ কতকটা কমিয়া গেল।

উপার্জনের আরও একটা পথ বারীজ আবিষ্কার করিয়া ফেলিল—হাঁস ও মুরগী রাখা। কতকগুলো হাঁস ও মুরগী কেনাও হইয়াছিল, কিন্তু দেখা গেল যে, তাহাদের ডিম ত পাওয়াই যায় না; অধিকন্তু তাহাদের সংখ্যা দিন দিন কমিতেছে। কতক শেয়ালে খায়, কতক বা লোকে চুরি করে। অধিকন্তু আমাদের পাড়াপড়শীদের আমাদের বাগানে মুরগী রাখা সম্বন্ধে বিষম আপত্তি। একদিন একজন হাড়ি তাড়ি খাইয়া আসিয়া হিন্দুধর্মের পক্ষ হইতে দুই ঘণ্টা বক্তৃতা দিয়া মুরগী পালনের যে রকম ভীষণ প্রতিবাদ করিয়া গেল, তাহাতে তাড়াতাড়ি মুরগী কয়টাকে বেচিয়া ফেলা ছাড়া আর আমাদের উপায়ান্তর রহিল না। হাড়ি বাবুটির নাম ভুলিয়া গিয়াছি। তা’ না হইলে ব্রাহ্মণসভায় লিখিয়া তাঁহাকে একটা উপাধি জোগাড় করিয়া দিতাম।

আমাদের বাজে খরচের মধ্যে ছিল চা। ওটা না থাকিলে সংসার নিতান্তই ফিকে ফিকে, অনিশ্চয় বলিয়া মনে হইত। বিশেষতঃ বারীন চা বানাইতে সিদ্ধহস্ত। তাহার হাতের গোলাপী চা, ভাঙ্গা নারিকেলের মালায় ঢালিয়া চক্ষু বুজিয়া তারিফ করিতে করিতে খাইবার সময় মনে হইত যে, ভারত উদ্ধারের যে কয়টা দিন বাকি আছে, সে কয়টা দিন যেন চা খাইয়াই কাটাওয়া দিতে পারা যায়।

প্রথম দিনেই বারীন আইন জাহির করিয়া দিল যে, নিজে রাঁধিয়া খাইতে হইবে। এক আশ জন ত রাঁধিবার ভয়ে বাগান ছাড়িয়া পলাইয়া গেল। কিন্তু তা বলিয়া বাগানের ভিতর ত আর বাহিরের লোককে ঢুকিতে দেওয়া যায় না—বিশেষতঃ পয়সার অভাব। কিন্তু চিরদিন গাড়ীতে মায়ের হাতের আর মেসে ঠাকুরের হাতের রান্না খাইয়া আসিয়াছি। সাধুগিরির সময় ভিক্ষা করিয়া যা খাইয়াছি, তাও পরের হাতের রান্না। আজ এ আবার কি বিপদ! পালা করিয়া প্রত্যহ দুই জনের উপর রান্নার ভার পড়িল। সুতরাং আমাকেও মাঝে মাঝে রন্ধন-বিভাগ নিগূঢ় রহস্ত লইয়া নাড়াচাড়া করিতে হইত; কিন্তু ব্রাহ্মণের ছেলে হইলেও ও-বিভাগটা কখনও বড় বেশী আয়ত্ত করিয়া উঠিতে পারি নাই।

খালা, ঘটা, বাটার নাম গন্ধ বাগানে বড় বেশী ছিল না। প্রত্যেকের এক একটা নারিকেল-মালা আর একখানা করিয়া মাটির সানকি ছিল; তাহাই আহারাদির পর খুইয়া মুছিয়া রাখিয়া দিতে হইত। কাপড় সকলেই নিজের হাতে সাবান দিয়া কাচিয়া লইত; বাহার্য্য একটু বেশী বুদ্ধিমান, তাহার পরের কাচা কাপড় পরিয়াই কাজ চালাইয়া দিত।

ক্রমে ক্রমে বাংলাদেশের নানা জেলা হইতে প্রায় ২০ জন ছেলে আসিয়া জুটিল। তাহাদের মধ্যে ৫৭ জন অধিকাংশ সময় কাজকর্ম লইয়া থাকিত আর বাহার্য্য বয়সে একটু ছোট, তাহার্য্য প্রধানতঃ পড়াশুনা করিত। পড়াশুনায় মধ্যে ধর্মশাস্ত্র, রাজনীতি ও ইতিহাস চর্চা, আর কর্মের মধ্যে বিপ্লবের আয়োজন। অনেক রকম ছেলে আসিয়া আমাদের কাছে জুটিয়াছিল। কলেজী বিদ্যার হিসাবে কেহ বা পণ্ডিত, কেহ বা মূর্খ; কিন্তু এখন মনে হয় যে, অনন্তসাধারণ একটা কিছু সকলেরই মধ্যে জুটিয়া উঠিয়াছিল; ইহুদের মাষ্টার মহাশয়দের কাছে যেসব ছেলে পড়া মুখস্থ করিতে না পারিয়া লক্ষীছাড়া বলিয়া গণ্য, অনেক সময় দেখিয়াছি তাহার্য্য মানুষ হিসাবে “ভাল ছেলেদের” চেয়ে ঢের বেশী ভাল। ইংরাজীতে যাহাকে Adventurous বলে, আমাদের বর্তমান জাতীয় জীবনে সেরকম ছেলের স্থান নাই। ঘান ঘান করিয়া পড়া মুখস্থ করা তাহাদের পোষায় না; কাজে কাজেই তাহার্য্য বিশ্ববিদ্যালয়ের ত্যজ্যপুত্র; কিন্তু যেখানে জীবন মরণ লইয়া খেলা, যেখানে আমাদের ভাবী ডেপুটী-মার্কী ছেলেরা এক পা আগাইয়া গিয়া দশ পা পিছাইয়া আসে, সেখানে ঐ “দস্তি” “বয়াটে” “লক্ষীছাড়া” ছেলেগুলোই হাসিতে হাসিতে কাজ হাসিল করে।

বাগানের কাজকর্ম যখন আরম্ভ হইয়া গেল, তখন ছেলেদের বারীনের কাছে রাখিয়া দেবব্রত ও আমি আর একবার আশ্রমের উপযুক্ত স্থান খুঁজিতে বাহির হইলাম। দেবব্রতের তখন বাগানের কাজকর্মের সহিত ঘনিষ্ঠ সম্বন্ধ কিছু ছিল না; কিন্তু তাহার মনটা তীর্থস্থানের সাধু দেখিবার জন্য ব্যস্ত হইয়া পড়িয়াছিল; কাজকর্ম তাহার আর ভাল লাগিতেছিল না।

প্রথমেই গিয়া এলাহাবাদে একটা প্রকাণ্ড ধর্মশালায় দুই চারিদিন পড়িয়া রহিলাম। বাজারের পুরি কিনিয়া খাই, আর লম্বা হইয়া পড়িয়া

থাকি। মাঝে মাঝে এক একবার উঠিয়া এ সাধু ও সাধুর কাছে চু মাঝিয়া বেড়াই। মাঝে একজন স্থানীয় বন্ধু জুটিয়া আমাদের “মুসি” দেখাইতে লইয়া গেলেন। সেখানে দেখিলাম—গঙ্গার ধারে শিম্বালের মত গর্ত খুঁড়িয়া দুই চারিজন সাধু সেই গর্তের মধ্যে বাস করিতেছেন। এক জায়গায় দেখিলাম, একটা সিন্দুর মাখান রামমূর্তি; সম্মুখে তন্ত্রগ্রন্থ চার পাঁচটি পয়সা, আর পাশেই একটা *ছাইখাখা সাধু হাঁপানীতে খুঁকিতেছে। শুনিলাম—মাটির নীচে সাধুদের সাধন ভজনের জন্য অনেক-গুলি ঘর আছে; কিন্তু আমাদের বন্ধুটির নিকট সাধনের যে রকম বীভৎস বর্ণনা শুনিলাম, তাহাতে দেবব্রতেরও সাধুদর্শনের আগ্রহ অনেকটা কমিয়া গেল।

প্রয়াগ হইতে বিদ্যাচলে আসিয়া এক ধর্মশালায় কিছুদিন পড়িয়া রহিলাম। মাঠের মাঝখানে একখানি ছোট কুঁড়ের বাঁধিয়া একজন জটাভূটারী সাধু সেখানে থাকেন। প্রণাম করিয়া তাহার কাছে বসিলাম। তাহার মুখ হইতে অনর্গল তত্ত্বকথা ও খুখু সমান বেগে ছুটিতে লাগিল। বাবাজী আহারাদির কোনও চেষ্টা করেন না; তবে তাঁহার কাছে ভক্তেরা যা প্রণামী দিয়া যায়, তাঁহার একজন গোয়াল ভক্ত তাহা কুড়াইয়া লইয়া গিয়া তাঁহার পরিবর্তে সাধুকে দুধসাগু তৈয়ার করিয়া দেয়। ঐ দুধসাগু খাইয়াই তিনি জীবনধারণ করেন। খুখু ও তত্ত্বকথা সংগ্রহ করিয়া ধর্মশালায় ফিরিয়া আসিয়া দেখি, এক গেক্সা পরিহিতা ত্রিশূলধারিণী ভৈরবী আমাদের কঞ্চল দখল করিয়া বসিয়া আছেন। দেবব্রত ব্রহ্মচারী মানুষ, স্ত্রীলোকের সহিত একাসনে বসে না; সে ত ভৈরবীকে দেখিয়া প্রমাদ গণিল। এই সম্ভার সময় তাহার পর্কতপ্রমাণ বিপুল দেহভার লইয়া বেচার্য্য কঞ্চল ছাড়িয়া যায়ই বা কোথায়? ভৈরবীর আপাদ-মস্তক দেখিয়া দেবব্রত জিজ্ঞাসা করিল, “আপনি কে?”

ভৈরবী—“আমি সাধুগজ করতে চাই।”

দেবব্রত—“সাধুগজ করতে চান ত আমাদের কাছে কেন? দেখছেন না আমরা বাবুগোক; আমাদের পরণে ধুতি, চোখে সোনার চশমা?”

ভৈরবী—“তা হোক, আমি জানি—আপনারা ছদ্মবেশী সাধু।”

আমরা অনেক করিয়া বুঝাইলাম যে, আমরা ছদ্মবেশীও নই, সাধুও নই, কিন্তু ভৈরবী ঠাকরুণ

সেখান হইতে নড়িবার কোনই লক্ষণ দেখাইলেন না। শেষে অনেকক্ষণ তর্কবিতর্কের পর দেবব্রতই রণে ভঙ্গ দিয়া সে রাত্রি এক গাছতলায় পড়িয়া কাটাইয়া দিল।

কিন্তু তৈরবী হইলে কি হয়, বাঙালীর মেয়েত বটে। সকাল বেলা ঘুরিয়া আসিয়া দেখি, কোথা হইতে চাল ডাল যোগাড় করিয়া তৈরবী রান্না চড়াইয়া দিয়াছেন। বেলা দশটা না বাজিতে বাজিতে আমাদের জন্ত খিচুড়ী প্রস্তুত। কামিনী-কাঞ্চনে ব্রহ্মচর্যের ব্যাঘাত ঘটাইতে পারে, কিন্তু কামিনীর রান্না খিচুড়ী সম্বন্ধে শাস্ত্রের ত কোন নিষেধ নাই; স্মৃতরাং আমরা নির্কির্বাদে সেই গরম গরম খিচুড়ী গলাধঃকরণ করিয়া ফেলিলাম। আমাদের খাওয়া দাওয়া শেষ হইলে তবে তৈরবী আহাৰ করিতে বসিলেন। দেখিলাম, বাঙালীর মেয়ের স্নেহসুখাতুর প্রাণটুকু গৈরিকের ভিতর দিয়াও ফুটিয়া বাহির হইতেছে।

বিন্ধ্যাচল হইতে চিত্রকূটে আসিলাম। ষ্টেশনে নামিতে না নামিতে ছোট বড় মাঝারি অনেক রকমের পাণ্ডা আমাদের উপর আক্রমণ করিল। আমরা যে তীর্থ দর্শন করিয়া পুণ্য সঞ্চয় করিতে চিত্রকূটে আসি নাই, একথা ভাড়া ভাড়া হিন্দীতে অনেকক্ষণ বক্তৃতা দিয়া তাহাদের বুঝাইলাম। কিন্তু তাহারা ছিনেজ্ঞাঁকের মত আমাদের পিছনে লাগিয়াই রহিল। তাহাদের হাত হইতে নিষ্কৃতি পাইবার আশায় আমরা পাণ্ডাদের আন্তান্না ছাড়িয়া নদীর ধারে একটা পোড়ো ঠাকুরবাড়ীতে আসিয়া আড্ডা গাড়িলাম। কিন্তু পাণ্ডাদের অদ্ভুত অধ্যবসায়। পাঁচ সাত জন আমাদের ঘিরিয়া বসিয়া রহিল। তীর্থে আসিয়া ঠাকুর দর্শন করে না—এ আবার কেমন তীর্থযাত্রী? তিন চার ঘণ্টা বসিয়া থাকিবার পর গালি দিতে দিতে একে একে সকলেই পৃষ্ঠ প্রদর্শন করিল—একটা ১০।১২ বছরের ছোট ছেলে নাছোড়বান্দা। সে তখনও বক্তৃতা চালাইতে লাগিল। একখানি হাত আপনার পেটের উপর রাখিয়া, একখানি হাত দেবব্রতের মুখের কাছে ঘুরাইয়া বলিল—“দেখ বাবু—সে জীবাত্মা, সেই পরমাত্মা। আমাকে খাওয়ালেই পরমাত্মার সেবা করা হবে।” পেটের জ্বালায় সন্ধে পরমার্থের এক্রপ ঘনিষ্ঠ সম্বন্ধের কথা শুনিয়া দেবব্রত হাসিয়া ফেলিল। বলিল—“দেখ, তোর কথাটার দাম লাখ টাকা। তবে আমার কাছে এখন অত টাকা নেই বলে তোকে এখাত্তা একটা পরসা

নিয়েই বিদায় হতে হবে।” জীবরঙ্গী পরমাত্মা তাহাই লইয়া প্রস্থান করিল।

যে ঠাকুরবাড়ীতে আমরা পড়িয়া রহিলাম, তাহার চারিদিকে গাছে গাছে বানর ছাড়া আর কোন জীবের দেখা সাক্ষাৎ পাওয়া যাইত না। সেখান হইতে প্রায় এক মাইল দূরে রেওয়ার রাজা বৈষ্ণব সাধুদের জন্ত একটা মঠ তৈয়ারি করিয়া দিয়াছেন। সেখানে “আচারী” ও “বৈরাগী” প্রধানতঃ এই দুই সম্প্রদায়ের বৈষ্ণব সাধুরা থাকেন। তাঁহাদের দুই একজনের সঙ্গে মাঝে মাঝে দেখা সাক্ষাৎ হইত।

একদিন সকাল বেলা বসিয়া আছি, এমন সময় সেখানে একজন সন্ন্যাসী আসিয়া উপস্থিত। তিনি বুবা পুরুষ; বয়স আনুজ ৩২।৩৩; পরিচয়ে জানিলাম, তাঁহার জন্মস্থান গুজরাত; তাঁহার গুরুর আদেশ অনুযায়ী এই অঞ্চলে ঘুরিয়া বেড়ান। আমাদের যে রাজনীতির সহিত কোনোও সম্পর্ক আছে, তাহা তিনি কি করিয়া টের পাইলেন, ভগবানই জানেন। দুই একটা কথা পরই তিনি আমাদের বলিলেন—“দেখ, তোমরা যে মনে কর এ অঞ্চলের লোক দেশের অবস্থা বুঝে না—সেটা মিথ্যা। সময় আসিলে দেখিবে, ইহারও ভিতরে ভিতরে প্রস্তুত হইয়া আছে।” আমরা কথাটা চুপ করিয়া শুনিলাম—দেখি শ্রদ্ধা কোন্ দিকে গড়ায়। তিনি বলিতে লাগিলেন—“দেখ, তোমাদের একটা কথা বলিয়া রাখি। বিশ্বাস কর ত কথাটা খুবই বড়, আর না করত বাজে কথা বলিয়া ফেলিয়া দিও। জগতে ধর্মরাজ্য স্থাপনের জন্ত ভগবান আবার অবতীর্ণ হইয়াছেন; তবে এখনও প্রকট হন নাই। তাঁহাকে নরদেহে টানিয়া আনিবার জন্তই যোগীদের সাধনা। সে সাধনা এবার সিদ্ধ হইবে। ভারতের দুঃখ তখনই ঘুচিবে।”

আমরা জিজ্ঞাসা করিলাম—“আপনি এসংবাদ জানিলেন কিরূপে?” সন্ন্যাসী বলিলেন—“আগি সন্ন্যাস লইবার পূর্বে হহুমানজীর সাধন করিতাম। অনেক সাধন করিয়া কোন ফল না পাওয়ায় একবার নিরাশ হইয়া দেহত্যাগ করিতে চাই। সেই সময় হহুমানজী আমার নিকট প্রকাশিত হইয়া এই আশার সংবাদ আমাকে দিয়া যান।” ব্যাপারটা সন্ন্যাসীর মাথার খেয়াল, কি ইহার মূলে কোন সত্য নিহিত আছে, তাহা ভগবানই বলিতে পারেন।

সন্ন্যাসীর নিকট হইতে আমরা বিদায় লইয়া একবার অমরকন্টক যাইব স্থির করিলাম। বিন্ধ্য

পূর্বতের যেখান হইতে নর্যদার উৎপত্তি, অমরকণ্টক সেইখানে। কোন্ ঠেগনে নামিয়া কোথা কোথা দিয়া যে সেখানে গিয়াছিলাম, এই দীর্ঘকাল পরে তার সবই ভুলিয়া গিয়াছি। শুধু মনে আছে যে, রাস্তায় একজন আসামী ভদ্রলোকের বাড়ী অতিথি হইয়া দিন দুই বেশ চব্যচোব্য আহার করিয়াছিলাম। বহুদূর হাঁটিয়া ত' বিদ্যা পূর্বতের কাছে উপস্থিত হইলাম। পূর্বতটা কিন্তু আমাদের ভাল লাগিল না। কেমন নেড়া-নেড়া মনে হইতে লাগিল। শৃঙ্গ-সম্বলিত হিমালয়ের বেশ একটা প্রাণকাড়া সৌন্দর্য্য আছে; বিদ্যাচলের তাহার নামগন্ধ নাই। তিন চার দিন চড়াই-উৎরাই-এর পর যখন অমরকণ্টকে পৌছিলাম, তখন দেখিলাম উহা আশ্রমের উপযুক্ত স্থান একেবারেই নয়। চারিদিকে শুধু বন-জঙ্গল আর মাঝখানে একটা ভাঙ্গা ধর্ম্মশালায় জনকয়েক রামায়ণ সাধু বসিয়া গাঁজা খাইতেছে। যেখানে পাহাড় হইতে বৃদ্ধ বৃদ্ধ করিয়া নর্যদার ধারা বাহির হইতেছে, সেখানে নর্যদা দেবীর একটা ছোট মন্দির আছে; তাহাও সংস্কারাভাবে নিতান্তই জীর্ণ। অমরকণ্টক এককালে যে বৌদ্ধদিগের তীর্থ ছিল, তাহার নিদর্শন এখনও সেখানে বর্তমান। ব্রহ্মদেশীয় পাগোদার মত অনেকগুলি পুরাতন কাঠের মন্দির সেখানে রহিয়াছে। কোন কোনটার মধ্যে বুদ্ধমূর্তি এখনও প্রতিষ্ঠিত, কোথাও বা অস্ত্রসম্প্রদায়ের সাধুরা বুদ্ধমূর্তি সরাইয়া দিয়া রাম বা কৃষ্ণমূর্তি স্থাপিত করিয়াছেন। চারিদিকে শালবন,—সেখানে বাঘের দৌরাশ্রয়ও যথেষ্ট। আশপাশের গ্রাম হইতে গরু ছাগল প্রায়ই বাঘে লইয়া যায়। যখন দুই চারজন মানুষকে লইয়া বাঘে টানাটানি করে, তখন রেওয়া রাজ্যের সিপাহীরা একশ বৎসর আগেকার মুজেরী বন্দুক লইয়া গোটা দুই ফাঁকা আওয়াজ করিয়া কর্তব্য পালন করে। সাধারণ লোকেদেরও বাঘের হাতে মরা সহিয়া গিয়াছে। জঙ্গলে চুকিবার আগে তাহার বাঘের দেবতার পূজা দেয়, তাহার পরেও যদি বাঘে ধরে ত সেটাকে পূর্বজন্মের কর্মফলের উপর বরাত দিয়া নিশ্চিন্ত হয়। সাধুদেরও সেই অবস্থা; তবে তাঁহারা নর্যদা পরিক্রম করিতে বাহির হইবার সময় প্রায়ই দল বাঁধিয়া বাহির হন। এই নর্যদা-পরিক্রম আমার বড়ই অভূত ব্যাপার বলিয়া মনে হইল। অমরকণ্টক হইতে আরম্ভ করিয়া পদব্রজে নর্যদার ধারে ধারে গুজরাত পর্য্যন্ত যাইতে ও গুজরাত হইতে পুনরায় নর্যদার অপর পার

ধরিয়া অমরকণ্টকে ফিরিয়া আসিতে চার পাঁচ বৎসর লাগে। কত সাধুই যে এই কাজ করিতেছেন, তাহার ইয়ত্তা নাই। কোন কোন স্ত্রীলোককে গতি কাটিতে কাটিতে নর্যদা পরিক্রম করিতে দেখিয়াছি। ফল কি হয় জানি না। তবে এইটুকু মনে বিশ্বাস জন্মিয়া গিয়াছে যে, তাঁহাদের শ্রদ্ধা ও নিষ্ঠার শতাংশের একাংশ পাইলেও আমরা মানুষ হইয়া যাইতাম।

অমরকণ্টকের চারিধারে দশ বারো ক্রোশ পর্য্যন্ত বনে জঙ্গলে ঘুরিলাম। পুরাতন সংস্কৃত গ্রন্থে চণ্ডাল-পন্নীর যে রকম বিবরণ পাওয়া যায়, সেরূপ কতকগুলি পন্নীও দেখিলাম। সেখানকার পালিত কুকুরগুলি প্রায় একক্রোশ আমাদের তাড়া করিয়া আসিয়াছিল। নদীর ধার ধরিয়া ছুটিতে ছুটিতে এক জায়গায় বাঘের পায়ের ছাপ ও সন্ধানিত রক্তচিহ্নও দেখিলাম। তবিস্যতে আন্দামানে যাইতে হইবে, সে কথা যদি তখন জানিতাম, তাহা হইলে ছুটিয়া পলাইবার চেষ্টা না করিয়া বাঘের আশায় সেইখানেই বসিয়া থাকিতাম। কিন্তু সে যাত্রা বাঘও দেখা দিল না, আর ঘুরিয়া ঘুরিয়া আমাদের আশ্রমের উপবোগী স্থানও কোথাও মিলিল না। পাহাড় হইতে অগত্যা নামিতে হইল। নামিয়াই দেখিলাম—বারীনের চিঠি বলিতেছে “শীঘ্র ফিরিয়া এস”।

তৃতীয় পরিচ্ছেদ

বারীনের চিঠি পাইয়াই তন্নি-তন্না গুহাইয়া রওনা হইলাম। তন্নির মধ্যে লোটা কষল আর তন্নার মধ্যে একগাছা মোটা লাঠি। স্তত্রাং বেশী দেরি হইবার কোনও কারণ ছিল না। বাগানে ফিরিয়া আসিয়া দেখিলাম একেবারে “সাজ সাজ” রব পড়িয়া গিয়াছে। যে সমস্ত নৃতন ছেলে আসিয়া জুটিয়াছে, উল্লাসকর তাহাদের মধ্যে একজন। প্রেসিডেন্সী কলেজের রসেল সাহেব বাঙ্গালার ছেলেদের গালি দিয়াছিল বলিয়া, উল্লাসকর একপাটা ছেঁড়া চটাজুতা বগলে পুরিয়া কলেজে লইয়া যায় এবং রসেল সাহেবের পিঠে তাহা সজোরে বখশিস দিয়া কলেজের মুখদর্শন বন্ধ করিয়া দেয়। তাহার পর কিছুদিন বোম্বাই-এর ইঞ্জিনিয়ারিং কলেজ ঘুরিয়া আসিয়া, দেশ গরম হওয়ার সঙ্গে সঙ্গে বাগানে আসিয়া পৌছিয়াছে। সে সময়ে কিলংফোর্ড

সাহেব একে একে সব স্বদেশী কাগজওয়ালাদের জেলে পুরিতেছেন। পুলিশের হাতে এক তরফা মার খাইয়া দেশশুদ্ধ লোক হাঁকাইয়া উঠিয়াছে। বাহার কাছে যাও, সেই বলে—“নাঃ, এ আর চলে না। ক’ বোটার মাথা উড়িয়ে দিতেই হবে।” তথাস্ত্। পরামর্শ করিয়া স্থির হইল—যখন সাহেবদের মধ্যে ছোটলাট আণ্ড্রেজারের মাথাটাই সবচেয়ে বড়, তখন তাঁহারই মুণ্ডপাতের ব্যবস্থা আগে করা দরকার। কিন্তু লাট-সাহেবের মাথার নাগাল পাওয়া ত সোজা কথা নয়। ডিনামাইট কাটিজ লাটসাহেবের গাড়ীর তলায় রাখিয়া দিলে কাজ চলিতে পারে কি না, তাহা পরীক্ষার জন্ত চন্দননগর স্টেশনের কাছাকাছি রেলের উপর গোটা কয়েক ডিনামাইট কাটিজ রাখিয়া দেওয়া হইল। কিন্তু উড়া ত দূরের কথা—ট্রেনখানা একটু হেলিলও না। শুধু কাটিজ ফাটার গোটা দুই ফুট ফুট আওয়াজ শ্রুতে মিলিয়া গেল, লাট-সাহেবের একটু ঘূমের ব্যাঘাত পর্যন্ত হইল না। দিন কতক পরে শোনা গেল যে, লাট-সাহেব রাঁচি না কোথা হইতে কলিকাতায় স্পেসাল ট্রেনে ফিরিতেছেন। যেদিনপূরে গিয়া নারায়ণগড় স্টেশনের কাছে বাঁটা আলগান হইল। বোমা-বিষ্ফোর যিনি পণ্ডিত, তিনি পরামর্শ দিলেন যে, রেলের জোড়ের মুখের নীচে মাটির মধ্যে যেন বোমাটা পুঁতিয়া রাখা হয়। তাহার পর সময়মত তাহাতে “স্নো ফিউজ” লাগাইয়া আশুন ধরাইয়া দিলেই কার্যোদ্ধার হইবে। কিন্তু লাট-সাহেবের এমনি অদৃষ্টের জোর যে, বোমা পুঁতিবার দিন আমাদের ওস্তাদজী পড়িলেন জরে, আর বাহার। কেব্বা ফতে করিতে ছুটিলেন, তাঁহার। একেবারে “ও রসে বঞ্চিত গোবিন্দদাস”। কাজেই বোমা ফাটিল, রেলও বাঁকিল, কিন্তু গাড়ী উড়িল না। তবে ইঞ্জিনখানা নাকি জখম হইল; এবং খড়াপুর স্টেশন হইতে আর এম একটা ইঞ্জিন লইয়া গিয়া লাট-সাহেবের স্পেসালকে টানিয়া আনিতে হইল।

এই গাড়ী-ভাঙ্গা পর্ষ সাঙ্গ হইবার পর চারিদিকে গুজব রটিয়া গেল যে, কলিয়া হইতে নাকি এদেশে নিহিলিষ্টের আয়দানী হইয়াছে। একদিন আমার আত্মীয় একজন বৃদ্ধ সরকারী কর্মচারীর মুখে শুনিলাম যে, তিনি বিশ্বস্ত স্মৃত্তে জানিতে পারিয়াছেন যে, ইউরোপ হইতে এদেশে নিহিলিষ্টরা আসিয়াছে। ঐ নিহিলিষ্ট দলের একজন যে তাঁহার সম্মুখে বলিয়া নিতান্ত ভাল মানুষটির মত চা খাইতেছে, একথা জানিতে পারিলে বৃদ্ধ কি

করিতেন কে জানে? যাই হোক, পুলিশের কর্তারা গাড়ী ভাঙ্গার আসামী ধরিবার জন্ত পাঁচ হাজার টাকা পুরস্কার ঘোষণা করিয়া দিলেন। সুতরাং আসামীর অভাব হইল না। জনকন্ডক রেলের হুলিকে ধরিয়া চালান করা হইল; তাহার। নাকি পুলিশের কাছে আপনাদের অপরাধও স্বীকার করিল। জজ-সাহেবের বিচারে কাহারও পাঁচ, কাহারও বা দশ বৎসর বীপাস্তরের হুকুম হইল। পুলিশের রিপোর্টের উপর নির্ভর করিয়া যখন লোককে বিনা বিচারে অন্তরীণে রাখা হয়, আর লাট-সাহেব হইতে আরম্ভ করিয়া সরকারী পেন্সদা পর্যন্ত পুলিশকে নির্ভুল প্রতিপন্ন করিবার জন্ত একেবারে পঞ্চমুখে বক্তৃতা জুড়িয়া দেন, তখন ঐ নারায়ণগড়ের ব্যাপার মনে করিয়া আমাদের হাসিও পায়, কান্নাও আসে।

এই সময় পুলিশের বোরাঘুরি একটু বাড়িয়াছে দেখিয়া, আমাদের মনে হইল যে, কিছুদিনের জন্ত বাগানে বেলী ছেলে রাখিয়া কাজ নাই। উল্লাস প্রভৃতি আমরা চার পাঁচ জন দেশটা একটু ঘুরিয়া দেখিবার জন্ত বাগান হইতে বাহির হইয়া পড়িলাম। কলিকাতা হইতে গয়া গিয়া বাঁকীপুর পৌঁছিবার পর একদল উদাসী সম্প্রদায়ের পাঞ্জাবী সাধুর সহিত মিশিবার সুবিধা হইয়া গেল।

গুরু নানকের প্রথম পুত্র শ্রীচাঁদ এই সম্প্রদায়ের প্রতিষ্ঠাতা। ইহাদের মাথায় লম্বা লম্বা জটা; গায়ে ছাই মাখা; কোমরে একটু কষলের টুকরা পিতলের শিকল দিয়া আঁটা। গাঁজার কলিকা অষ্ট প্রহর সকলকার হাতে হাতেই ঘুরিতেছে। বাহার। ইহাদের দলপতি, দেখিলাম একশো আট ছিলিম গাঁজা না খাইলে তাঁহাদের মুখ দিয়া কথাই বাহির হয় না। তামাকু সেবনও ইহার। করিয়া থাকেন, তবে তাহাও এমনি প্রচণ্ড যে, তাহাতে একটান মারিলেই আমাদের মত পার্থিব জীবের মাথা ঘুরিয়া পড়িয়া যাইতে হয়। গাঁজা ও তামাকের এত সদ্ব্যবহার দেখিয়াই বোধ হয় গুরুগোবিন্দ সিং শিখদের মধ্যে গাঁজা ও তামাক খাওয়া রহিত করিয়া দিয়া যান।

সাধুদের দলে একটা দশ বারো বৎসরের আর একটা পনেরো বোল বৎসরের বাচ্চা সাধু দেখিলাম। আমাদের দেশের সৌখিন ছেলের। যেমন কামাইয়া গোঁফ তোলে, ইহার।ও তেমনি চাঁচর কেশে আটা লাগাইয়া জটা বানায়। সংসারটা যে মরীচিকা, তা ইহার। এত অল্প বয়সে কি করিয়া আবিষ্কার

করিয়া ফেলিল, জানিবার জ্ঞান আমার বড় কৌতূহল হইল। শেষে জানিলাম যে, ইহারা গরীবের ছেলে, সাধু হইলে পেট ভরিয়া খাইতে পাইবে বলিয়া, ইহাদের মা বাপ ইহাদের সাধুর দলে ভর্তি করিয়া দিয়াছে।

সাধুরা ভোর বেলা উঠিয়া স্নান করে; অর্থাৎ মাথা ছাড়া আর সর্ব্বাঙ্গ ধুইয়া ফেলে। দশ বারো দিন অন্তর জটা এলাইয়া এক এক বার মাথা ধুইবার পালা আসে। মেয়েদের খোঁপা বাঁধার চেয়ে ইহাদের জটাবাধা আরও জটিল ব্যাপার। পাকের পর পাক রাখিয়া চুলের শুছি দিয়া আঁটিয়া কেমন করিয়া সাজাইলে জটাগুলি বেশ চূড়ার মত মানানসই দেখায়, তাহা ঠিক করা একটা দস্তুর মত ললিত শিল্পকলা। সকালবেলা স্নানের পর ধুনি জালিয়া সকলে গায়ে ছাই মাখিতে লাগিয়া যায়; সঙ্গে সঙ্গে স্তোত্র পাঠও চলে। বেলা আটটা নয়টার সময় ‘কড়া-প্রসাদের’ বন্দোবস্ত। সত্যপীরের সিন্ধি হইতে আরম্ভ করিয়া, মা কালীর প্রসাদ পর্যন্ত, এ বয়সে অনেক রকম প্রসাদই খাইয়াছি। কিন্তু এই কড়াপ্রসাদের তুলনা নাই। এটা আমাদের হালুয়ার পাঞ্জাবী সংস্করণ। অনিত্য সংসারে এই ভগবৎ প্রসাদই যে সার বস্তু, তাহা খাইতে না খাইতেই বুঝিতে পারা যায়; এবং সঙ্গে সঙ্গে ভক্তি-রসে ভিজিয়া মনটা উদাস হইয়া আসে। মধ্যাহ্নে তোফা মোটা মোটা নরম নরম মৃতসিক্ত পাঞ্জাবী রটি ও ডাল—এবং রাত্রিকালেও তৎসং। দেখিতে দেখিতে চেহারাটা বেশ একটু লালত হইয়া উঠিল, আর মাঝে মাঝে মনে হইতে লাগিল যে, মাণিকভলার বাগানে পোড়া খিচুড়ীর মধ্যে আর ফিরিয়া গিয়া কাজ নাই। এই সাধুদের মধ্যেই জটাছুট রাখিয়া বৈরাগ্য সাধনায় লাগিয়া যাই। কিন্তু কপাল বাহার মন্দ, তাহার এত সুখ সহিবে কেন ?

নেপালে ‘ধুনি সাহেব’ নামে উদাসী সম্প্রদায়ের এক তীর্থস্থান আছে। সাধুরা সেইখানে তীর্থ দর্শন করিতে যাইতেছিলেন। আমরা স্থির করিলাম তাঁহাদের সহিত রওনা হইব। কিন্তু আমাদের শ্রীঅঙ্গে তখন এক একটা গেকুয়া আলাপেলা আঁটা; এবং উদাসী সম্প্রদায়ের ঐ গেকুয়াটা সম্বন্ধে বিবম আপত্তি। গেকুয়া পরা সাধুদের উপর তাঁহাদের বেশ একটু সাম্প্রদায়িক বিবেচ আছে। তাঁহারা নিজেদের ছাই-মাথা অবধূত-মার্গকেই শ্রেষ্ঠ মনে করেন। সে কথাটা আমাদের জানা ছিল না;

তাহা হইলে গেকুয়া না পরিয়া খানিকটা ছাই মাখিয়াই বসিয়া থাকিতাম। কিন্তু এখন উপায় ? একজন প্রবীণ সাধু এই দুঃস্থ সমস্তার মীমাংসা করিয়া বলিলেন যে, আমরা যদি তাঁহাদের নিকট দীক্ষা লইয়া উদাসীদের সেবকরূপে গণ্য হই, তাহা হইলে গেকুয়ার সঙ্গে একটা রফা করা যাইতে পারে। আমরা ভক্তিগদগদকণ্ঠে তাহাই করিতে স্বীকৃত হইলাম। আমাদের দীক্ষা দিবার আয়োজন হইল। একজন সাধু একটা বড় বাটীতে একবাটা চিনি জুলিয়া লইয়া আসিলেন। যিনি মঠাধ্যক্ষ, তিনি ঐ চিনি-গোলায় আপনার পায়ের বুদ্ধাজুঠ ডুবাইয়া আমাদের তাহা খাইতে দিলেন। আমরা চোঁ চোঁ করিয়া তাহা খাইয়া ফেলিবার পর বুদ্ধ আমাদের “এক ওঙ্কার সৎনাম কৰ্ত্তাপুরুষ” প্রভৃতি মন্ত্রপাঠ করাইয়া আমাদের পিঠে এক একটা চড় মারিয়া বলিয়া দিলেন যে, আজ হইতে আমরা উদাসী সম্প্রদায়ভুক্ত। দীক্ষাকার্য্য সুসম্পন্ন হওয়ায় আমাদের গেকুয়ার দোষ খণ্ডিত হইল। আমরাও ভক্তি, বিশ্বাস ও পূজক ভরে আমাদের নতুন গুরুজীর পদধূলি মাথায় লইয়া কড়া প্রসাদের অনুসন্ধানে বাহির হইয়া পড়িলাম।

তীর্থদর্শনে যাত্রা করিলাম আমরা পাঁচ সাতজন বাঙ্গালী, আর ঐ ত্রিশ পয়ত্রিশজন পাঞ্জাবী সাধু। কিন্তু রেলওয়ে স্টেশন হইতে নামিবার পর যখন হাঁটাপথ আরম্ভ হইল, তখন বুঝিলাম ব্যাপারটা নিতান্ত সুবিধার নহে। কুশী নদীর ধারে ধারে গভীর জঙ্গল; আর তাহার মাঝ দিয়া পাঁচ ছয় দিন ধরিয়া প্রত্যহ পনেরো ঘোল ক্রোশ করিয়া হাঁটিতে হাঁটিতে আমার পায়ে ত গোদ নামিয়া গেল। কিন্তু সাধুদের ক্লান্তি নাই, অবসাদ নাই, কাতরোক্তি নাই। দিনের পর দিন তাহারা রোদ মাথায় করিয়া অবলীলাক্রমে চলিয়াছে।

“তরাই” অতিক্রম করিয়া ক্রমে নেপালে একটা ছোট শহরে আসিয়া পৌছিলাম। জায়গাটার নাম হনুমান নগর। অধিবাসী প্রায় সমস্তই হিন্দুস্থানী; অনেকগুলি মারোয়াড়ীর দোকানও আছে; কিন্তু রাজকর্ম্মচারীরা সমস্তই গুর্খা। শহরের রাস্তাঘাট-গুলি বেশ পরিষ্কার পরিচ্ছন্ন; এবং বড় রাস্তার ধারে ধারে ফুট-পাথও আছে। নেপালকে ছেলেবেলা হইতে আমার একটু “জঙ্গলী” বলিয়া ধারণা ছিল; আজ সে ধারণা অনেকটা গেল। স্বাধীন হিন্দুরাজার রাজ্যে আসিয়া পৌছিয়াছি, এই কথা ভাবিয়া মনটা যেন তোলাপাড় করিতে

লাগিল। ভক্তিতে ন্যেপালের মাটিতে মাথা ঠেকাইয়া ঠা করিয়া খুব খানিকটা স্বাধীন দেশের হাওয়া খাইলাম। দেশটা বাস্তবিকই বড় সুন্দর।

পাড়াগাঁয়ের পাশ দিয়া বাইবার সময় দেখিলাম যে, চালাঘরগুলি আমাদের দেশের চালা ঘরের চেয়ে ঢের বেশী সুন্দর। যে দিকে চাও, যেন সৌন্দর্যের ঢেউ খেলিতেছে, কোথাও একটু বিবাদ বা দৈন্তের ছায়াত্রা নাই। গ্রামবাসীরা সাধুদের বিশেষ ভক্ত। একদিন চলিতে চলিতে জরাজীর্ণ হইয়া একটা গ্রামের ধারে মাঠের উপর পড়িয়াছিলাম। আমার সঙ্গীটি গ্রামের মধ্যে জল আনিতে গিয়া তাঁহার প্রকাণ্ড মোটা ভরিয়া দুধ লইয়া আসিলেন। তৃষ্ণার্ত সাধুকে কি জল দেওয়া যায়! শুনিলাম নেপালে সাধুদের দোৰ্দ্দণ্ড প্রতাপ। ক্ষুধার কাতর হইলে সাধুরা যে কোন স্থান হইতে আহাৰ্য্য উঠাইয়া লইতে পারেন। তাহার জন্ত তাঁহারাজ্যে দণ্ডনীয় হ'ন না।

‘ধুনি সাহেবে’ উপস্থিত হইয়া দেখিলাম—চারিদিকে শুধু শাল বন আর শাল বন। একজন উদাসী সাধু—বাবা প্রীতম দাস—বহুকাল পূর্বে এইখানে সিদ্ধিলাভ করেন বলিয়া, তাঁহার ধুনি আজ পর্যন্ত সেখানে জলিতেছে; এবং সেই ধুনি হইতেই এইস্থানের নামকরণ হইয়াছে। অনেক রকম অভূত গল্প শুনিলাম। বাবা প্রীতম দাসের দুই শিষ্য তাঁহার নিকট হইতে আম খাইতে চাহিলে, তিনি সিদ্ধির বলে দুটা শাল গাছে আম ফলাইয়া দিয়াছিলেন; আর সেই অবধি সেই দুটা শাল গাছে নাকি এখনও দুই একটা আম ফলে। গজিকাসিদ্ধি কি সোজা কথা!

তিন দিন সেই সিদ্ধপুরীতে বাস করিয়া আবার নরলোকে ফিরিয়া আসিলাম। বাঁকীপুরে আমাদের দুই চারিজন বন্ধুবান্ধব জুটিয়াছিলেন। তাঁহারাজ্যগৃহে আমাদের থাকিবার জন্ত মঠ বানাইয়া দিতে চাহিলেন কিন্তু বাংলাদেশের মাটি আমাদের নাড়ী ধরিয়া টানিতেছিল। আমরা রওনা হইয়া পড়িলাম। ফিরিবার পথে একখানা কাগজে পড়িলাম যে, ঢাকার ম্যাজিষ্ট্রেট এলেন সাহেবকে কে গুলি করিয়াছে। বুঝিলাম, এবার শ্রদ্ধ অনেক দূর গড়াইবে।

বাগানে ফিরিয়া আসিয়া দেখিলাম বারীন সেখানে নাই। সে কংগ্রেস উপলক্ষে সুরাত গিয়াছে। সুরাতে যে সেবার একটা লঙ্কাকাণ্ড ঘটবে, তা' মেদিনীপুরের কনফারেন্সে গিয়াই বুঝিতে

পারিয়াছিলাম। দুই একদিন পরে বারীন ফিরিয়া আসিল। সুরাতে নরম, গরম, অতি-গরম, সব রকম নেতারা এই একত্র হইয়াছিলেন। তাঁহাদের সহিত কথাবার্তা কহিয়া বারীন বাহা সার-সংগ্রহ করিয়া আনিয়াছিল, তাহা সে এক কথায় বলিয়া দিল—“চোর, বেটারা চোর।”

সমস্বরে আমরা সকলেই ধনি করিয়া উঠিলাম—

“কেন? কেন? কেন?”

বারীন বলিল—“এতদিন স্ৰাক্ষাতেরা পটি ঘেরে আসছিলেন যে, তাঁরা সবাই প্রস্তুত; শুধু বাংলা-দেশের খাতিরে তাঁরা ব'সে আছেন। গিয়ে দেখি না সব ঢু' ঢু'। কোথাও কিছু নেই; শুধু কর্তারা চেয়ারে বসে বসে মোড়লি কচ্ছেন। দু'একটা ছেলে একটু আধটু কাজ করার চেষ্টা করছে, তা'ও কর্তাদের লুকিয়ে। খুব কসে ব্যাটাদের শুনিয়ে দিয়ে এসেছি।”

এতদিন শুনিয়া আসিতেছিলাম বর্গীরা একেবারে খাপ খুলিয়া বলিয়া আছেন; আর আজ এই সব ফক্কিকারের কথা শুনিয়া মনটা বেশ খানিকটা দমিয়া গেল। কিন্তু বারীন বলিল—

“কুছ, পরোয়া নেই। ওরা যদি সঙ্গে এল তো এল; আর তা যদি না হয়—‘ত একলা চলরে’। আমরা বাংলা দেশ থেকেই পাঁচ বছরের মধ্যে গেরিলা যুদ্ধ আরম্ভ করে দেব। লেগে যাও সব আজ থেকে ছেলে জোগাড় করতে।”

সুতরাং চারিদিক হইতেই একটা হৈ হৈ রৈ রৈ সাড়া পড়িয়া গেল। ক্রমাগতই নতুন নতুন ছেলে আসিয়া জুটিতে লাগিল; কিন্তু আমাদের পিছে যে পুলিশ লাগিয়াছে, এ সন্দেহ করিবারও নানা কারণ ঘটিল। ছেলেদের ভিন্ন ভিন্ন স্থানে রাখিবার চেষ্টাও হইল, কিন্তু অতগুলো বাড়ী ভাড়া করিবার পরস্যা কোথায়? ছেলেদের খাইবার পরস্যা জোটানই যে মুশ্কিল। শেষে বৈজ্ঞান্যের কাছে মাঠের মাঝখানে একটা ছোট বাড়ী ভাড়া করিয়া সেই খানেই বোমার আড্ডা উঠাইয়া লইয়া যাওয়া স্থির হইল। বাগানটা প্রধানতঃ নতুন ছেলেদের পড়াশুনা করিবার আড্ডা হইয়া রহিল। বোমার আড্ডায় উল্লাসকর আড্ডাধারী হইয়া বলিল; আমি বটীবুড়ী হইয়া বাগানে ছেলেদের আগলাইতে লাগিলাম। বারীন চিরদিনই কর্ম্মা পুরুষ; তাহাকে এক জায়গায় স্থির হইয়া বসিবার হুকুম বিধাতা দেন নাই। সে সমস্ত কর্ণের কেন্দ্রগুলি তদারক করিয়া ছুটাছুটি করিতে লাগিল।

এই সময় একটা দুর্ঘটনায় আমাদের মন বড় খারাপ হইয়া গেল। আমাদের একটা ছেলে বোমা ফাটিয়া মারা পড়ে। আমাদের যতগুলি ছেলে ছিল, তাহাদের মধ্যে সেইটাই বোধ হয় সব চেয়ে বুদ্ধিমান। তাহার প্রকৃতির মধ্যে এমন একটা কি ছিল যে, যে তাহাকে দেখিয়াছে, সেই ভাল না বাসিয়া থাকিতে পারে নাই। তাহার মৃত্যু সংবাদ শুনিয়া মাথার মাঝখান হইতে কোমর পর্যন্ত মেরুদণ্ডের ভিতর দিয়া কি যেন একটা সড়াৎ করিয়া নামিয়া গেল। একটা অন্ধ রাগ আর ক্ষোভে মনটা ভরিয়া গেল। মনটা শুধু আর্জনা করিতে করিতে বলিতে লাগিল—“সব চুলোয় থাক, সব চুলোয় থাক।”

বৈজ্ঞানিকে তাহাকে দেখিতে গিয়াছিলাম। সেখানে মন টিকিল না। অন্ধকার পথ যে দিন দিন আরও অন্ধকারময় হইয়া উঠিতেছে, তাহা বেশ বুঝিলাম।

কিন্তু উপায় নাই—চলিতেই হইবে। অনশন, অর্ধাশন, আসন্ন বিপদ ও প্রিয়জনের ভীষণ মৃত্যুর মধ্য দিয়া এ দুর্গম পথ অতিক্রম করিতেই হইবে। এ বিবাহের যে এই মন্ত্র।

বাহিরে কাজকর্ম তুমুল বেগে চলিতে লাগিল; কিন্তু মনের মধ্যে কেমন যেন একটা শক্তির অভাব অনুভব করিতে লাগিলাম। এই যে অকূল সমুদ্রে পাড়ি দিয়া চলিয়াছি, ইহার শেষ কোথায়? এই যে এতগুলো ছেলেকে ক্রমশঃ মরণের মুখে ঠেলিয়া লইয়া চলিয়াছি, মরণের ভয়টা কি আমাদের নিজেদের মন হইতে সত্যসত্যই মুছিয়া গিয়াছে? আর তা’ও যদি না হয়, ত দিনের পর দিন অন্ধের মত ছেলেগুলোকে কোথায় টানিয়া লইয়া যাইব? পথ যে নিজেদের চোখেই ক্রমশঃ অন্ধকার হইয়া উঠিতেছে। বারোনের মনে এ সময় কি হইত ঠিক জানি না। কোন দুঃসাহসের কার্যে তাহাকে এ পর্যন্ত কখনও ভয়ে পিছাইয়া আসিতে দেখি নাই। তবে সেও যেন মাঝে মাঝে নিজের ভিতর ঢুকিয়া শক্তি সংগ্রহের জন্য ব্যাকুল হইয়া উঠিত বলিয়া মনে হয়। একটা কিছু উপর নির্ভর করিয়া নিশ্চিন্ত হইতে পারিলে আমাদের কাঁধের বোঝাটা যেন একটু হালকা হইয়া যাইত। এই জন্যই বোধ হয় যে সাধুটির নিকট গুজরাতে সে দীক্ষা লইয়াছিল, তাঁহাকে এই সময় একবার বাংলাদেশে আসিবার জন্য সে অনুরোধ করিয়া পত্র লেখে।

১৯০৮ সালের ফেব্রুয়ারী মাসে সাধুটি মাশিকতলার বাগানে আসিয়া উপস্থিত হন। দুই চারিদিন আমাদের সমস্ত ব্যাপার দেখিয়া তিনি বলিলেন—“তোমরা যে পন্থা ধরিয়াছ, তাহা ঠিক নহে। অশুদ্ধ মন লইয়া এ কাজে লাগিলে খানিকটা অনর্থক খুনোখুনির সম্ভাবনা। এ অবস্থায়, বাহারা দেশের নেতৃত্ব করিতে চায়, তাহাদের অন্ধের মত কাজ করা চলিবে না। ভবিষ্যতের পরদা ষাঁহাদের চোখের কাছ থেকে কতকটা সরিয়া গিয়াছে, ভগবানের নিকট হইতে ষাঁহারা প্রত্যাশা পাইয়াছেন, তাঁহারা এই কাজের যথার্থ অধিকারী। তোমাদের মধ্যে জন কয়েককে এই প্রত্যাশা পাইবার জন্য সাধনা করিতে হইবে।”

সাধনার ফরমাইল শুনিয়া ছেলেরা মুখ চাওয়া-চাওয়ি করিতে লাগিল। প্রত্যাশা না অস্বাভাবিক। ইংরেজের সহিত যুদ্ধ করিব, তাহার মধ্যে আবার ভগবানকে লইয়া এত টানাটানি কেন?

সাধু বলিলেন—“সকলের জন্য এ সাধনা নয়, শুধু নেতাদের জন্য। বাহারা দেশের লোককে পথ দেখাইবে, তাহাদের নিজেদের পথটা জানা চাই। দেশ স্বাধীন করিতে হইলেই যে খুব খানিকটা রক্তারক্তি দরকার,—এ কথাটা সত্য নাও হইতে পারে।”

বিনা রক্তপাতে যে দেশোদ্ধার হইবে, এ কথাটা আমাদের নিতান্ত আরব্য উপজ্ঞাসের মত মনে হইল। আমরা একটু বিজ্ঞতার হাসি হাসিয়া জিজ্ঞাসা করিলাম—“তা’ও কি সম্ভব?”

সাধু বলিলেন—“দেখ, বাবা, যে কথা আমি বলিতেছি, তাহা জানি বলিয়াই বলিতেছি। তোমরা যে উদ্দেশ্যে কাজ করিতেছ, তাহা সিদ্ধ হইবে, কিন্তু যে উপায়ে হইবে তাবিত্ত, সে উপায়ে নয়। আমার বিশ বৎসরের সাধনার ফলে আমি ইহাই জানিয়াছি। চারিদিকের অবস্থা এক সময় এমন হইয়া দাঁড়াইবে যে, সমস্ত রাজ্যভার তোমাদের হাতে আপনা হইতেই আসিয়া পড়িবে। তোমাদের শুধু শাসন-ব্যবস্থা-প্রণালী গড়িয়া লইতে হইবে মাত্র। আমার সঙ্গে তোমরা জন কতক এস; সাধনার প্রত্যক্ষ ফল যদি কিছু না পাও, ফিরিয়া আসিও।”

সে-দিন সাধু চলিয়া যাইবার পর আমাদের মধ্যে বিষম তর্কাতর্কি বাধিয়া গেল। বারীন বাড়ি বাঁকাইয়া বলিল—“কিছুতেই নয়। কাজ আমি ছাড়বো না। বিনা রক্তপাতে ভারত উদ্ধার—

এটা ঠুর খেয়াল। সাধুর আর সব কথা মানি, শুধু এটে ছাড়া।”

আমার মনটা কিন্তু সাধুর কথায় বেশ একটু ভিজিয়াছিল; দেখাই যাক না, রাস্তাটা যদি কোন রকমে একটু পরিষ্কার হয়। নিজের সঙ্গে বেশ একটা বোঝাপড়া না হইলে কোন কাজেই যে মন যায় না।

আমি আর দুই একটা ছেলেকে লইয়া সাধুর সঙ্গে যাইব বলিয়া স্থির করিলাম। সাধু আর একদিন বারীনকে বুঝাইতে আসিলেন; কিন্তু পরের উপদেশ লইবার স্ম-অভ্যাস বারীনের একেবারেই নাই। কোন রকমে বারীনকে বাগাইতে না পারিয়া শেষে সাধু বলিলেন—“দেখ, এ রাস্তা যদি না ছাড়, ত তোমাদের অন্নদিনের মধ্যে ভীষণ বিপদ অনিবার্য।”

বারীন দুই হাত নাড়িয়া বলিল—“না হয় ধঁরে ঝুলিয়ে দেবে—এই বৈ ত নয়। তার জন্ত ত প্রস্তুত হয়েই আছি।”

সাধু ঘাড় নাড়িয়া বলিলেন—“বা ঘটবে, তা মৃত্যুর চেয়েও ভীষণ।”

সে-দিনের সন্ধ্যা ঐ খানেই ভজ হইল। সাধু ফিরিয়া যাইবার দিন স্থির করিলেন। কিন্তু সে-দিন যতই নিকটবর্তী হইয়া আসিল, আমার পা-ও যেন ততই বাগান ছাড়িয়া উঠিতে চাহিল না। স্ত্রী, পুত্র, ঘর, বাড়ী ছাড়িয়া আসিয়াছি, সেটা তত কঠিন বলিয়া মনে হয় নাই; কিন্তু বাহারা আমাদের দেখিবা মা বাপের স্নেহ, ভবিষ্যতের আশা, এমন কি প্রাণের মমতা পর্যন্ত জলাঞ্জলি দিয়াছে, তাহাদের ছাড়িয়া আজ কোথায় পলাইব? অনেক আশা, আকাঙ্ক্ষা, প্রীতি, উৎসাহ এই বাগানের সঙ্গে জড়িত হইয়া গিয়াছে; আজ সেই গড়া জিনিস ছাড়িয়া কোন অজানা দেশে আপনায় লক্ষ্য খুঁজিতে বাহির হইব? নির্দিষ্ট দিনে সাধুর সহিত আর আমাদের যাওয়া হইল না। মার্চ মাসের মাঝামাঝি তিনি একাই ক্ষুণ্ণ মনে ফিরিয়া গেলেন।

চতুর্থ পরিচ্ছেদ

সাধু চলিয়া যাইবার পর আবার ভাঙ্গা মন জোড়া দিয়া কাজ কর্শে লাগিয়া গেলাম। আমরা তখন স্থির করিয়াছিলাম যে, দেশময় নিজেদের কেন্দ্র স্থাপন করিয়া দেশের শক্তি বেশ সংহত

করিয়া তাহার পর বিপ্লবের কার্য আরম্ভ করিয়া দিব। কিন্তু দেশের লোকের মাথায় তখন খুন চাপিয়াছে। সুদূর আদর্শের দিকে লক্ষ্য রাখিয়া নীরবে সমস্ত লজ্জা, অপমান, নির্ধ্যাতন সহ করা যে কত কঠোর সাধনা সাপেক্ষ, তাহা ভুক্তভোগী ভিন্ন কেহ বুঝিবে না। দেশের সে শিক্ষা তখনও হয় নাই,—এখনও হইয়াছে কি?

অর্থ সংগ্রহ করা ক্রমে বিবম দায় হইয়া উঠিল। কাজ বাড়িতেছে; ছেলের সংখ্যাও বাড়িতেছে—কিন্তু টাকা কোথায়? এক আধ জন ধনবান কাণ্ডে ন। পাকড়াইলে ত আর কাজ চলে না। কিন্তু তাহাদের তুষ্ট করিতে গেলে এক আধটা বড় লাট বা ক্ষুদে লাটের ঘাড়ে বোমা ফেলিতে হয়।

যাতায়াতের ব্যয় স্কেচ করিবার জন্য বোমার আড্ডা দেওঘর হইতে কলিকাতায় উঠাইয়া আনা হইল। সেখানে বাহাতে লোকের গতিবিধি কম হয় ও পুলিশের নজর না পড়ে, সেই জন্য ভবানীপুরে আর একটা বাড়ীতে পুরাতন ছেলেদের রাখিয়া দিবার ব্যবস্থা করা হইল। বাগানে রহিল প্রধানতঃ নূতন ছেলেরা।

কিন্তু শত চেষ্টায়ও পুলিশের দৃষ্টি অমরা এড়াইতে পারিলাম না।

পুলিস যে আমাদের সন্দেহ করিয়াছে, একথা মনে করিবার নানা কারণ ঘটিতে লাগিল। দেখিলাম বাগানের আশে-পাশে রকম বেরকমের অজানা লোক ঘুরিতেছে। রাস্তা চলিবার সময়ও দুই একজন পিছে পিছে চলিয়াছে। একদিন চলিতে চলিতে হঠাৎ পিছন ফিরিয়া দেখিলাম একজোড়া প্রকাণ্ড পৌফের উপর হইতে দুইটা গোল গোল চোখ আমার দিকে প্যাট প্যাট করিয়া চাহিয়া আছে। যেদিকে যাই, চোখ দুইটা আমার পিছে পিছে ছুটিতে লাগিল। শেষে ভিড়ের মধ্যে মিশিয়া গিয়া যেদিন কোনরূপে সে শনির দৃষ্টি হইতে নিষ্কৃতি পাইলাম।

মাণিকতলার সব-ইন্সপেক্টর বাবুও মাঝে মাঝে বাগানে আসিয়া আমাদের সহিত আলাপ করিয়া যাইতেন, কিন্তু আমরা তাঁহাকে বুঝাই সন্দেহ করিতাম। তিনি বাগানটাকে শেষ পর্যন্ত ব্রহ্মচারীর আশ্রম বলিয়াই জানিতেন।

এই রকমে আরও একটা মাস কাটিল। শেষে মোজাকরপুরে বোমা পড়িবার সঙ্গে সঙ্গেই বাগানের পরমাণু ফুটাইল।

সেদিনের কথা আমার চিরকালই মনে থাকিবে। একে বৈশাখ মাস, দারুণ রৌদ্র। তাহার উপর সমস্ত দিন টো টো করিয়া ঘুরিয়া ঘুরিয়া আসিলাম, তখন হাত পা এবং পেট সকলেই সমস্বরে আমাকে বাপান্ত করিতে আরম্ভ করিয়াছে। স্বয়ং যমরাজ-যদি তাঁহার মহিষটীর স্বন্ধে চড়িয়া আমাকে তখন তাড়া করিয়া আসিতেন, তাহা হইলেও আমি এক পা নড়িয়া বসিতাম কিনা সন্দেহ। সকলেরই প্রায় ঐ এক দশা। কিন্তু পেটের জ্বালা বড় জ্বালা; ছুটা রাখিয়া না খাইলে নয়। আমাদের ত আর রাঁধুনি বা চাকর ছিল না যে, ঘুরিয়া আসিয়া বাড়ি ভাতের খালে বসিয়া বাইব। ভাত রাঁধা, কাপড় কাচা, ঘর বাট দেওয়া, সবই আমাদের নিজের হাতে করিতে হইত। ছেলেরা তাড়াতাড়ি রাখিতে বসিয়া গেল, আর আমরা কল্পনার রথে চড়িয়া ভারত উদ্ধার করিতে বাহির হইলাম। কিন্তু সেদিন আমাদের উপর শনির এমন খরদৃষ্টি যে, ভাত নামাইবার সময় ইাড়ি ফাঁসিয়া সব ভাত মাটিতে পড়িয়া গেল। ছেলেরা হোঃ হোঃ করিয়া হাসিয়া উঠিল। অমি বুঝিলাম সে দিন মা লক্ষ্মী আর অদৃষ্টে অন্ন লেখেন নাই। পেটে তিনটা কিল মারিয়া উপুড় হইয়া শুইয়া পড়িলাম। কিন্তু বারীন্দ্র চিরদিনই উত্তোঙ্গী পুরুষ, দমিবার পাত্র নয়; সে সেই রাত দশটার সময় জ্বালানী কাঠের অভাবে খবরের কাগজ জ্বালাইয়া ভাত রাঁধিতে গেল। রাত এগারটার সময় ভাত খাইতে বসিতেছি, এমন সময় আমাদের এক বন্ধু কলিকাতা হইতে নাচিতে নাচিতে উপস্থিত। কি সংবাদ? তিনি ভাল লোকের কাছে খবর শুনিয়া আসিয়াছেন যে, বাগানে নীত্রেই পুলিশের খানাতল্লাস হইবে; সুতরাং আমাদের বাগান ছাড়িয়া অন্ত্র চলিয়া বাওয়া উচিত। তথাস্ত; কিন্তু এ রাতে ত চ্যাং ধরিয়া টানিয়া বাহির না করিলে কেহ বাগান ছাড়িতে রাজী হইবে না। সুতরাং স্থির হইল যে, কাল সকালেই সকলে আপন আপন পথ দেখিবে। বারীন্দ্র কিন্তু কয়েকজন ছেলেকে লইয়া সেই রাত্রেরই কোদাল বাড়ে করিয়া, যে দুই চারিটা রাইফেল ও রিভলভার বাহিরে পড়িয়াছিল, সেগুলোকে মাটির তলায় পুঁতিয়া রাখিয়া আসিল। আমাদের শুইতে রাত বারোটা বাজিয়া গেল।

* * *

রাত্রি যখন প্রায় চারটা, তখনও কতকটা

গ্রীষ্মের জ্বালায়, কতকটা মশার কামড়ে শুইয়া শুইয়া ছটকট করিতেছি। এমন সময় অনিলাম যে, কতকগুলো লোক মসুম করিয়া সিঁড়িতে উঠিতেছে; আর তাহার একটু পরেই দরজায় বা পড়িল—শুম্ শুম্ শুম্। বারীন্দ্র তাড়াতাড়ি উঠিয়া দরজা খুলিয়া দিতেই একটা অপরিচিত ইউরোপীয় কণ্ঠে প্রশ্ন হইল :—

“Your name?”

“Barindra Kumar Ghose”

হুম হইল—“বাঁধো ইসকো।”

বুঝিলাম, তাঁরত উদ্ধারের প্রথম পর্ব এইখানেই সমাপ্ত। তবুও মানুষের যতক্ষণ শ্বাস, ততক্ষণ আশ। পুলিশ প্রহরীরা ঘরে ঢুকিয়া যাহাকে পাইতেছে তাহাকেই ধরিতেছে, কিন্তু ঘর তখনও অন্ধকার। ভাবিলাম—Now or never. আর এক দরজা দিয়া বারান্দায় বাহির হইয়া দেখিলাম চারিদিকে আলো জ্বলিয়া পুলিশ প্রহরী দাঁড়াইয়া আছে। বারান্দার একটা ভাঙ্গা জানালা দিয়া বাহিরে লাফাইয়া পড়া যায়; সেখানে গিয়া উঁকি মারিয়া দেখিলাম নীচে দুইজন পুলিশ প্রহরী। হায়রে! অভাগা যেদিকে চায়, সাগর শুকায়ে যায়! অগত্যা বারান্দার পাশে একটা ছোট ঘর ছিল, তাহারই মধ্যে ঢুকিয়া পড়িলাম। ঘরটা ভাঙ্গাচুরা কাঠ কাঠরায় পরিপূর্ণ; আরম্ভলা ও ইস্ক্র ভিন্ন অপর কেহ সেখানে বাস করিত না। চাহিয়া দেখিলাম একটা জানালার সম্মুখে একখানা জরাজীর্ণ চটের পরদা ঝুলিতেছে। তাহারই আড়ালে দাঁড়াইয়া দাঁড়াইয়া জানালার ফাঁক দিয়া পুলিশ প্রহরীদের গতিবিধি লক্ষ্য করিতে লাগিলাম। সে রাতটুকু যেন আর কাটে না!

ক্রমে কাক ডাকিল; কোকিলও এক আখটা বোধ হয় ডাকিয়াছিল। পূর্বদিক একটু পরিষ্কার হইলে দেখিলাম, বাগান লাল পাগড়ীতে ভরিয়া গিয়াছে। কতকগুলো গোরা সার্জেন্ট হাতে প্রকাণ্ড প্রকাণ্ড চাবুক লইয়া ঘুরিতেছে। পাড়ার যে কয়জন কোচম্যান জাতীয় জীবকে খানাতল্লাসির সাক্ষী হইবার জন্য পুলিশের কর্তারা সঙ্গে করিয়া আনিয়াছিলেন, তাহারা এক বিপুলকায় ইম্পেক্টর সাহেবের পশ্চাৎ “হুজুর, হুজুর” করিতে করিতে ছুটিতেছে। পুহুর ঘাটের একটা প্রকাণ্ড আমগাছের তলায় আমাদের হাতবাঁধা ছেলেগুলো জোড়া জোড়া বসিয়া আছে; আর উল্লাসকর তাহাদের মধ্যে বসিয়া ইম্পেক্টর সাহেবের ওজন

তিন মণ কি সাড়ে তিন মণ এই সম্বন্ধে গবেষণাপূর্ণ বিচার আরম্ভ করিয়া দিয়াছে।

ক্রমে ছয়টা বাজিল, সাতটা বাজিল; আমি তখনও পর্দানসিন বিবিত্তির মত পর্দার আড়ালে। ভাবিলাম, এ যাত্রা বুঝি কর্তারা আমাকে তুলিয়া যায়। কিন্তু সে বুধা আশা বড় অধিকক্ষণ পোষণ করিতে হইল না। আমাদের অতিকায় ইন্সপেক্টর সাহেব জুতার শব্দে পাশের ঘর কাঁপাইতে কাঁপাইতে আসিয়া আমার ঘরের দরজা খুলিয়া ফেলিলেন। পাছে নিশ্বাসের শব্দ হয়, সেই ভয়ে আমি নাক টিপিয়া ধরিলাম। কিন্তু বলিহারী পুলিশের ভ্রাণশক্তি! সাহেব সোজা আসিয়া আমার লজ্জানিবারিণী পর্দাখানি একটানে সরাইয়া দিলেন। তারপরই চারিচক্ষের মিলন—কি স্নিগ্ধ! কি মধুর! কি প্রেমময়! সাহেব ত দৃষ্টিজয়ী বীরের মত উল্লাসে এক বিরাট “Hurrah” ধ্বনি করিয়া ফেলিলেন। সেই ধ্বনির সঙ্গে সঙ্গে তাঁহার চার পাঁচজন পার্শ্ব সেখানে আসিয়া উপস্থিত হইল। কেহ ধরিল আমার পা, কেহ ধরিল হাত, কেহ ধরিল মাথা। তাহার পর কাঁধে তুলিয়া হুলুধ্বনি করিতে করিতে আমাকে একেবারে হাতবাঁধা ছেলের দলের মাঝখানে বসাইয়া দিল। আমার হাত বাঁধিবার হুকুম হইল। যে পুলিশ প্রহরী আমার হাত বাঁধিতে আসিল—হরি। হরি!—সে যে আমাদের ‘বন্দেমাতরম’ আফিসের ভূতপূর্ব বেহারী। কতকাল সে আমাকে ‘বাবু’ বলিয়া সেলাম করিয়া চা খাওয়াইয়াছে। আজ আমার হাত বাঁধিতে আসিয়া সে বেচারী লজ্জায় মুখ ফিরাইল।

এদিকে খানাতল্লাসী করিতে করিতে গত রাত্রের পোতা রাইফেল ও শোমাগুলি বাহির হইয়া পড়িল। আর কোনও জিনিস কোথাও পোতা আছে কি না জানিবার জন্ত পুলিশ ছেলেদের উপর উৎপীড়ন আরম্ভ করিতেছে দেখিয়া, বারীন্দ্র ইন্সপেক্টর জেনারেল প্লাউডেন সাহেবের নিকট নালিস করে। সাহেব হাসিয়া সে কথা উড়াইয়া দেন। বলেন—“You must not expect too much from us” “আমাদের নিকট হইতে বড় বেশী কিছু আশা করিও না।”

সেদিন ভিন্ন ভিন্ন থানায় লইয়া গিয়া আমাদেরকে আবদ্ধ রাখা হইল। অদৃষ্টে তিনখানা পুরী ভিন্ন আর কিছু জুটিল না। পরদিন প্রাতঃকালে সি-আই-ডি পুলিশ আফিসে গিয়া শুনিলাম যে, বাগান ভিন্ন আরও দুই তিন স্থানে তল্লাসী করা

হইয়াছে এবং আমাদের সহিত সংশ্রব ছিল না, এরূপ অনেক লোকও ধৃত হইয়াছেন। ডেপুটি সুপারিন্টেনডেন্ট রামসদয় বাবু আমাদেরকে দিদি-শান্তীর মত আদর যত্ন করিয়া তুলিয়া লইলেন। তাঁহার হাতে বাঁধা একটা প্রকাণ্ড ঢোলকের মত মাছুলী বাহির করিয়া বলিলেন যে, তিনি খ্যাতনামা সাধক কমলাকান্তের বংশধর; আর ঐ মাছুলীর মধ্যে কমলাকান্তের সর্কবিশ্ববিনাশন পদধূলি বিস্তারিত। আমাদের মাথায় সেই মাছুলীটি ঠেকাইয়া আশীর্বাদ করিয়া, কখনও হাসিয়া কখনও বা কাঁদিয়া কমলাকান্তের বংশধরটা আমাদের বুঝাইয়া দিলেন যে, তাঁহার মত সুহৃদ আমাদের আর জিভুবনে নাই। তিনি নাকি আমাদের কাজ-কর্মের সহিত গভীর সহায়ভূতিসম্পন্ন। তবে কি করেন, পেটের দায়—ইত্যাদি। বাগবাজারের আর একজন ইন্সপেক্টর বাবু অশ্রুনিরে গণ্ড প্লাবিত করিয়া আধ আধ স্বরে আমাদের জানাইয়া দিলেন যে, আমাদের ধরিয়া তিনি যে কসাইবুত্তি করিয়াছেন, তাহার জন্ত তিনি মর্মে মর্মে পীড়িত। বলা বহল্য, আমাদের নিকট হইতে স্বীকারোক্তি (Confession) বাহির করাই এ সমস্ত অভিনয়ের উদ্দেশ্য। আইন কাগুন সম্বন্ধে আমাদের অভিজ্ঞতা যেরূপ প্রচণ্ড, তাহাতে আমাদেরকে বধ করিতে তাঁহাদের বড় অধিক বেগ পাইতে হইল না। উল্লাস বলিল যে, যে সমস্ত বাহিরের লোক বিনা কারণে আমাদের সঙ্গে ধরা পড়িয়াছে, তাহাদের বাঁচাইবার জন্ত আমাদের সব সত্য কথা বলা দরকার। উল্লাসের ধারণা আমরা সত্যকথা বলিলেই ধর্ম্মাশ্রয়ী পুলিশ কর্মচারীরা তাহা বিশ্বাস করিয়া বেচারাদের ছাড়িয়া দিবে। বারীন্দ্র বলিল—“আমাদের দফা ত এই—খানেক রফা হইল, এখন আমরা যে কি করিতে-ছিলাম, তাহা দেশের লোককে বলিয়া যাওয়া দরকার।” এই সমস্ত কথা লইয়া বিচার বিতর্ক চলিতেছে, এমন সময় রায় বাহাদুর রামসদয় এক খণ্ড হাতেলেখা কাগজ লইয়া ঘরে ঢুকিলেন। মহা উৎসাহে বলিলেন—“এই দেখ, বাবা, হেমচন্দ্রের statement; সে সব কথাই স্বীকার করেছে।” বলা বাহুল্য, কথাটা স্টেরিও টিপ্পা; হেমচন্দ্রের বলিয়া যে Statementটা তিনি আমাদের শুনাইলেন, তাহা একেবারেই তাঁহার মনগড়া। কিন্তু আমাদের বৃদ্ধির অবস্থা তখন এমনই শোচনীয় যে, সমস্ত ব্যাপারটা যে আমাদের নিকট হইতে স্বীকারোক্তি বাহির করিবার জন্ত অভিনয়মাত্র, তাহা বুঝিয়া

উঠিতে পারিলাম না। আমরা দুই একটা ঘটনা সম্বন্ধে আমাদের দায়িত্ব স্বীকার করিয়া সে রাত্রেই জন্ত নিকৃতি পাইলাম।

পর দিন দুপুর বেলা যখন আমাদের লালবাজার পুলিশ কোর্টে হাজির করা হইল, তখন ধর-পাকড়ের উদ্দেশ্যে অনেকটা কমিয়া গিয়াছে; ছেলেদের মধ্যে অনেকেরই মূখ শুকাইয়া গিয়াছে। একটা ছেলে কাছে আসিয়া বলিল—“দাদা, পেটের জ্বালাতেই মরে গেলুম! কাল সমস্ত দিন পেটে ভাত পড়েনি। দুপুর বেলা শুধু দুটা মুড়ি খেতে দিয়েছিল।” বারীজ লাফাইয়া উঠিল। কাছেই ইন্সপেক্টর বিনোদ গুপ্ত দাঁড়াইয়া ছিলেন; তাঁহাকে বলিল—“বাপু, আমাদের ফাঁসি মাসি যা কিছু দিতে হয় দাও; ছেলেগুলোকে এমন করে দক্ষাচ্ছ কেন?” বিনোদ গুপ্ত তাড়া-তাড়ি—“এই, ইয়া ল্যাও, উয়া ল্যাও” করিয়া একটা সবইন্সপেক্টর বাবুর উপর খাবার আনিবার জন্ত হুকুম চালাইলেন; সবইন্সপেক্টর বাবুটা হেড কমন্টেবল ও হেড কমন্টেবলটা একজন অভাগা কমন্টেবলের উপর হুকুম জাহির করিয়া সরিয়া পড়িলেন। ফলে পুনঃ পুনঃ তাগাদায় এক গ্লাস জল ভিন্ন আর কিছু আসিয়া পৌঁছিল না। বিনোদ গুপ্তকে সে কথা জানাইলে তিনি একজন কাল্পনিক কমন্টেবলের উপর তাঁটার মত চক্ষু রক্তবর্ণ করিয়া অস্ত্র গালিবর্ণ করিতে করিতে কোথায় যে অন্তর্হিত হইলেন, তাহা আমরা খুঁজিয়াও পাইলাম না।

পুলিস কোর্টের লীলা সাজ হইবার পর আমাদের গাড়ীতে পুরিয়া আলিপুরের ম্যাজিস্ট্রেটের কোর্টে হাজির করা হইল। ভ্রাতৃত্ব ধর্মতঃ আমি স্বীকার করিতে বাধ্য, যে, রাস্তায় পুলিশ কর্মচারীরা আমাদের দুই খানা করিয়া কচুরী ও একটা করিয়া সিঙ্গাড়া খাইতে দিয়াছিলেন, এমন কি, ম্যাজিস্ট্রেট সাহেবের কাছে Statement করিবার সময় গলা বাহাতে না শুকাইয়া যায়, সেই জন্ত কাহাকে কাহাকেও এক এক গ্লাস জল পর্যন্ত দিয়াছিলেন! তবে সেটা ম্যাজিস্ট্রেট সাহেবের নিকট ধমক খাইবার পর।

কোর্টে গিয়া দেখিলাম ম্যাজিস্ট্রেট বার্লি (Birley) সাহেব বিকট বদনে উঁচু তক্তের উপর বসিয়া আছেন। মুখখানি যেন সাদা মার্বেল পাথর দিয়া বাঁধান। দেখিলে মনে হয় যেন একটা মূর্তিমান শাসনযন্ত্র। তিনি আমাদের Statement

গুলি লিখিয়া লইয়া জিজ্ঞাসা করিলেন—“তোমরা কি মনে কর তোমরা ভারতবর্ষ শাসন করিতে পার?”

কথাটা শুনিয়া এত দুঃখের মধ্যেও একটু হাসি আসিল। জিজ্ঞাসা করিলাম—“সাহেব, দেড়শ বৎসর পূর্বে কি তোমরা ভারত শাসন করিতে? না, তোমাদের দেশ হইতে আমরা শাসনকর্ত্তা ধার করিয়া আনিলাম?”

“সাহেবের বোধ হয় উত্তরটা তত ভাল লাগিল না। তিনি খবরের কাগজের সংবাদদাতাদের বারণ করিয়া দিলেন যে, আমাদের সহিত তাঁহার এ সমস্ত কথাবার্ত্তাগুলো যেন ছাপা না হয়।

কোর্ট হইতে গাড়ী বন্ধ হইয়া যখন আলিপুর জেলের দরজার কাছে হাজির হইলাম, তখন সন্ধ্যা। জেল তখন বন্ধ হইয়া গিয়াছে; অন্ন ব্যঞ্জনও প্রায় ফুরাইয়া গিয়াছে। কিন্তু জেলার বাবু কোথা হইতে সংগ্রহ করিয়া এক এক মুঠা ভাত ও একটু করিয়া ডাল আমাদের খাইতে দিলেন। প্রায় দুই দিন অনাহারের পর সেই এক মুঠা ভাতই যেন অমৃত বলিয়া মনে হইল।

পঞ্চম পরিচ্ছেদ

যে রাত্রে জেলে গিয়া পৌঁছিলাম, সে রাত্রে আর ভালমন্দ কিছু ভাবিবার মতো অবস্থা আমাদের ছিল না। ধরা পড়িবার পর বারীজ বলিয়াছিল—My mission is over—আমার কাজ ফুরিয়ে গেছে।—কিন্তু সে কথার প্রতিধ্বনি ত নিজের মধ্যে একটুও খুঁজিয়া পাইলাম না। দেশের কাজ ত সবই বাকি।—শুধু আমার কাজই ফুরাইয়া গেল! প্রাণতরা সহস্র আকাজ্জা, কত কি বিচিত্র কল্পনা লইয়া যুগান্তর গড়িতে নামিয়াছিলাম—এক ভূমিকম্পে সবটাই ধূলিসাৎ হইয়া গেল! এ জগতে শুধু পাহারাওয়ালার লাল পাগড়ীটাই সত্য, আর বাকি সবটাই মায়্যা? অতীতের কত স্মৃতি ভুবড়ী-বাজীর মত মাথায় ফুটিয়া উঠিতে লাগিল। মনে পড়িল তিন চার মাস দেশময় টো টো করিয়া ঘুরিয়া যখন শীর্ণ ক্লান্ত দেহভার লইয়া একদিন বাড়ীতে ফিরিয়াছিলাম, তখন মা আমার মূখের দিকে চাহিয়া অভিমান ভরে বলিয়াছিলেন—“ছেলের আমার আর মায়ের রান্না ভাত ভাল লাগে না। কোথায় দীন দুঃখীর মত ঘুরে ঘুরে বেড়াস, বাবা!

‘ভদ্র নোকের’ ছেলে; শেষে কি কোন্ দিন পুলিশে ধরে ‘অপমাজ্জি’ করবে।’—আজ সত্য সত্যই পুলিশে ধরিয়া ‘অপমাজ্জি’ করিল। আবার মনে পড়িল সেই পাহারাওয়ালার কথা, যে আসিতে আসিতে বলিয়াছিল—“বাবুজী, তোমরা যদি একটা কিছু গোলাগুলি ছুঁড়তে, তাহলে আমরা সবাই পালিয়ে যেতুম।” তাইত! চুপচাপ একেবারে ভেড়ার দলের মতো ধরা পড়িলাম। এ দুঃখ যে মরিলেও ঘুটিবে না! একজন পুলিশ সার্জেন্ট ঠাট্টা করিয়া বলিয়াছিল—“এরা এমনি নুবোধ ছেলে যে, বাগানে ঘুমাইবার সময় রাস্তায় একজন পাহারা পর্য্যন্ত রাখে নাই।” কথাটা সারারাত মাথার ভিতর ঘুরিয়া ঘুরিয়া বেড়াইতে লাগিল, কিন্তু এখন আর হাত কামড়ান ছাড়া উপায় নাই। একবার উল্লাসের উপর রাগ ধরিল। পুলিশের দল যখন প্রথম বাগানে আসিয়া ঢুকে, তখন সে জাগিয়া উঠিয়াছিল; ইচ্ছা করিলে সে পলাইতেও পারিত। কিন্তু নির্বিকার সাক্ষীস্বরূপ ব্রহ্ম পুরুষের ত্রায় সে ব্যাপারটা চুপ চাপ বসিয়া দেখিয়াছিল মাত্র; পলাইবার কথা তাহার মনে আসে নাই।

সে রাতটা এই রকম দুশ্চিন্তায় কাটিয়া গেল। সকালে উঠিয়া কুঠরীর (cell) বাহিরে উঁকি মারিয়া দেখিলাম—নরক একেবারে গুলজার। আমাদের সব আড্ডাগুলির ছেলেরাই আসিয়া জুটিয়াছে। অধিকন্তু পাঁচ সাতজন অপরিচিত ছেলেও দেখিলাম। ইহারা আবার কোথাকার আমদানী? একটাকে জিজ্ঞাসা করিলাম—“বাপু হে, তুমি কে বট?”

ছেলেটা কঁাদ কঁাদ হইয়া বলিল—“আজ্ঞে, আমার বাড়ী মানিকতলায়। আপনাদের বাগানের কাছে সকালবেলা একটু মর্শিং ওয়াক করাটা যে এত বড় মহাপাপ তা’ত জানতুম না।”

দেখিলাম নগেন সেনগুপ্ত আর তাহার ভাই ধরনীকেও পুলিশ জেলে পুরিয়াছে। বেচারারা বোমার ‘ব’ পর্য্যন্ত জানে না। পুলিশে বোমার আড্ডার সন্ধান পাইয়াছে তাবিয়া উল্লাসকর বোমাগুলি কোথায় সরাইয়া রাখিবে স্থির করিতে না পারিয়া, বাল্যবন্ধু নগেনের বাড়ীতে একটা বোমার প্যাটরা রাখিয়া আসিয়াছিল। প্যাটরার ভিতর যে সাপ আছে কি ব্যাঙ আছে, নগেন বা ধরনী তাহার বিদ্যু-বিসর্গও জানিত না। তাহাদের ঝাঁচাইবার জন্তই উল্লাস পুলিশের নিকট সব কথা স্বীকার করিল। উল্লাসের বিশ্বাস ছিল যে, সত্য

কথা জানিতে পারিলেই পুলিশের কর্তারা নগেন ও ধরনীর উপর আর মোকদ্দমা চালাইবে না। পুলিশ যে ঠিক ধর্মপুত্র যুধিষ্ঠিরের বংশ-সম্মত নয়, এ কথাটা তখন উল্লাসের মাথায় ভাল করিয়া ঢুকে নাই।

ক্রমে পুলিশ নানা জেলা হইতে অনেকগুলি ছেলে আনিয়া হাজির করিল। শ্রীহট্ট হইতে সুনীল সেন ও তাহার দুই ভাই বীরেন ও হেমচন্দ্র আগিল। সুনীলকে আমরা পূর্বে চিনিলাম কিন্তু তাহার দুই ভাইকে ইহার পূর্বে কখনও দেখি নাই। মালদহ হইতে কৃষ্ণজীবন, যশোহর হইতে বীরেন ঘোষ ও খুলনা হইতে সূর্য্যবীণা আসিয়া পৌছিল।

আর আসিয়া পৌছিলেন আমার পুরাতন বন্ধু পণ্ডিত হরীকেশ। হরীকেশ আমার কলেজের সহপাঠী। কলেজ হইতে মা ইংরাজী সরস্বতীকে বয়কট করিয়া আমি যখন সাধুগিরি করিতে বাহির হই, তখন পণ্ডিত হরীকেশ ভাবাধিক্যবশতঃ নিমন্তলার বাটে গন্ধাজল স্পর্শ করিয়া প্রীতিজ্ঞা করিয়াছিল যে, সমস্ত সংকর্ষে সে আমার সহগামী হইবে। একে নিমন্তলার বাটে—মহাতীর্থ বলিলেই হয়; তাহার উপর মা গন্ধা—একেবারে জাগ্রত দেবতা। সেখানকার প্রীতিজ্ঞা কি আর বিফল হইবার জো আছে? মা গন্ধা কি কক্ষণেই তাহার প্রীতিজ্ঞা শুনিয়া মনে মনে ‘তথাস্ত’ বলিয়াছিলেন জানি না, কিন্তু সেইদিন হইতে আজ অবধি পণ্ডিত হরীকেশ আমার পিছনেই লাগিয়া আছে। শাস্ত্রে বলে যে উৎসবে, ব্যসনে, দুর্ভিক্ষে, রাষ্ট্রবিপ্লবে, রাজঘারে ও শ্রশানে যে একসঙ্গে গিয়া দাঁড়ায়, সেই বান্ধব। হরীকেশের বিবাহে ও তাহার পুত্রের অন্নপ্রাশনে আমি নুচি থাইয়া আসিয়াছি, দুর্ভিক্ষের সময় দুজনে পীড়িতের সেবা করিয়াছি; এক সঙ্গে উভয়ে সাধুগিরি করিয়া ফিরিয়াছি, মাষ্টারীও করিয়াছি। আজ রাষ্ট্রবিপ্লব করিতে গিয়া একসঙ্গে উভয়ে পুলিশের হাতে ধরাও পড়িলাম। ভবিষ্যতে যে উভয়কে একসঙ্গে শ্রীধাম আন্দামান বাস করিতে হইবে, তাহা তখন জানিতাম না। বান্ধবের সব লক্ষণই মিলিয়াছে; বাকি আছে শুধু শ্রশানটুকু। নিমন্তলার ব্রতটুকু এখন নিমন্তলায় উদ্‌ঘোষন করিয়া আসিতে পারিলেই আমি নিশ্চিন্ত হই।

যাক, সে ভবিষ্যতের কথা। জেলে গিয়া দুই দিন বিশ্রাম করিতে না করিতেই দেখি পণ্ডিত হরীকেশ বিশাল দেহভার দোলাইতে দোলাইতে সেখানে আসিয়া উপস্থিত। তাহার সহিত

মাণিকতলার বাগানের কোনও ঘনিষ্ঠ সঞ্চ ছিল না ; আমাদের কার্যকলাপের কিছু কিছু সে জানিত যাত্র। তাহার বিরুদ্ধে বিশেষ কোন প্রমাণও ছিল না। বাগানের কাগজ-পত্রের মধ্যে দু এক জায়গায় তাহার নাম পাইয়া পুলিশ সন্দেহ করিয়া তাহাকে ধরিয়ছিল। কিন্তু গদাঙ্গল ছুঁইয়া প্রতিজ্ঞা ত আর বিফল হইবার নয়। তাহাকে যে আন্দামানে বাইতেই হইবে। পুলিশ যখন তাহাকে ম্যাজিষ্ট্রেটের নিকট লইয়া গিয়া হাজির করে, তখন তাহার ব্রাহ্মণ-পণ্ডিতের মত গোলগাল নাড়ুসুড়ুস চেহারা দেখিয়া ম্যাজিষ্ট্রেটের তাহাকে নিরপরাধ বলিয়াই ধারণা হইয়াছিল। কিন্তু ম্যাজিষ্ট্রেটের মুখ দেখিয়াই বন্ধুর আমার মেজাজটা একেবারে বিগড়াইয়া গেল। মহামান্ত্র সরকার বাহাদুরের রাজ্য ও শাসননীতি সঞ্চ বন্ধু আমার ম্যাজিষ্ট্রেটের নিকট যে সমস্ত মন্তব্য প্রকাশ করিয়াছিলেন, তাহা আর এখানে পুনরুক্ত করিয়া এ বন্ধু বয়সে বিপদে পড়িবার আমার ইচ্ছা নাই। পূর্ববন্ধের ছোটলাট কুলার সাহেবের টম-কুলারির (tom foolery) আলোচনা হইতে আরম্ভ করিয়া, লাট মরুলীর পিতৃ-শ্রদ্ধের ব্যবস্থা পর্যন্ত তাহার মধ্যে সবই ছিল। পণ্ডিতজীর বক্তৃতা শুনিয়া ম্যাজিষ্ট্রেট তাঁহাকে জেলের মধ্যে এক পৃথক কুঠরীতে আবদ্ধ করিয়া তাঁহার রাজনৈতিক মতামতের সংস্কার করিতে আদেশ দিলেন।

সপ্তাহের মধ্যে আসিয়া হাজির হইলেন শ্রীমান দেবব্রত। প্রায় এক বৎসর পূর্বে তিনি যুগান্তরের সহিত সঞ্চ পরিত্যাগ করিয়া নবশক্তির সম্পাদকের কাজ করিয়াছিলেন। নবশক্তি উঠিয়া যাওয়ার পর আপনার সাধন ভজন লইয়াই বাড়ীতে বসিয়া থাকিতেন। বাহিরের লোকের সহিত বড় একটা দেখাশুনা করিতেন না। চলমান পর্ত্তবৎ তিনিও একদিন সুপ্রভাতে জেলে আসিয়া হাজির হইলেন।

পুলিস কোর্টে শুনিয়াছিলাম যে, আমরা যে-দিন ধরা পড়ি সে-দিন অরবিন্দ বাবুকেও ধরা হইয়াছিল। কিন্তু আমরা জেলের যে অংশে আবদ্ধ ছিলাম, সেখানে তাঁহার দেখা পাইলাম না। শুনিলাম তাঁহাকে অন্ত্র আবদ্ধ করিয়া রাখা হইয়াছে।

দ্ব্যবশ্যকে যে দিন পুলিশ ধরিয়া আনে, তাহার দুই একদিন আগে শ্রীরামপুর হইতে গোস্বামীদের বাড়ীর নরেন্দ্রকেও ধরিয়া আনিয়াছিল। সে আমাদের সহিত এক জায়গায় আবদ্ধ ছিল।

আমাদের বাগানে একখানা নোটবুকে একটা নাম লেখা ছিল—চারুচন্দ্র রায়-চৌধুরী। খুলনার

ইন্দুভবণকে আমরা চারু বলিয়া ডাকিতাম। পুলিশ তাহা না জানিয়া চারুচন্দ্র রায়-চৌধুরীকে খুঁজিয়া বেড়াইতে লাগিল। শেষে স্থির করিল যে, চন্দননগরে ডুপ্পে কলেজের অধ্যাপক শ্রীযুক্ত চারুচন্দ্র রায়ই ঐ চারুচন্দ্র রায়-চৌধুরী। চারুবাবুর বোধ হয় অপরাধ যে কানাইলাল দত্ত ও আমি উভয়েই তাঁহার ছাত্র ও উভয়েই বাড়ী চন্দননগর। বাহার ছাত্রেরা এমন রাজদ্রোহী, তিনি ‘রায়’ই হোন, আর ‘রায়’ চৌধুরী’ই হোন, তাহাতে কি আসিয়া যায় ? তাঁহাকে ত ধরিতেই হইবে।

যাক্ সে কথা। অল্পদিনের মধ্যেই এক এক করিয়া পুলিশ প্রায় ত্রিশ পরিত্রাশজন লোককে হাজতে টানিয়া আনিল। তিন চারটা কুঠরীতে তিন তিন জন করিয়া রাখিল ; বাকি সকলের জন্ত পৃথক পৃথক কুঠরীর ব্যবস্থা হইল।

ধরাপড়ার উত্তেজনা সামলাইতেই প্রায় এক সপ্তাহ কাটিয়া গেল। প্রকৃতিস্থ হইয়া দেখিলাম একটা প্রায় সাত হাত লম্বা পাঁচ হাত চওড়া কুঠরীর মধ্যে আমরা তিনটা প্রাণী আবদ্ধ আছি। আমি ছাড়া দুইটাই ছেলে মানুষ ; একটার বয়স বছর দুড়ি, আর একটার বয়স পনেরো। প্রথমটা নলিনীকান্ত গুপ্ত—প্রেসিডেন্সী কলেজের চতুর্থ বাবিক শ্রেণীর ছাত্র, নিতান্ত সাম্প্রিক প্রকৃতির ভাল ছেলে ; আর দ্বিতীয়টি শচীন্দ্রনাথ সেন—গ্রামান্তাল কলেজের পলাতক ছাত্র—একেবারে শিশু বা বাচ্চা বলিলেই হয়। সেই কুঠরীর এক কোণে শৌচ প্রস্রাবের জন্ত দুইটা গামলা। তিন জনকেই সেইখানে কাজ সারিতে হয় ; সুতরাং একজনকে ঐ অবস্থায় বস্তু অশ্লীল কর্মটুকু করিতে গেলে আর দুই জনের চক্ষু মুদ্রিয়া বসিয়া থাকা ভিন্ন উপায়ান্তর নাই। কুঠরীর সামনে একটা ছোট বারান্দা। সেইখানে হাত মুখ ধুইবার ও স্নানাহার করিবার ব্যবস্থা। বারান্দার সামনে সরু লম্বা উঠান, আর তাহার পরেই অস্ত্রভেদী প্রাচীর। প্রাচীরটা ছিল আমাদের চক্ষুশূল। সেটা যেন অহরহঃ চীৎকার করিয়া বলিত—“তোমরা কয়েদী, তোমরা কয়েদী। আমার হাতে যখন পড়িয়াছ, তখন আর তোমাদের নিস্তার নাই।”

প্রাচীরের উপর দিয়া খানিকটা আকাশ ও একটা অশ্বখ গাছের মাথা দেখিতে পাওয়া যাইত। জেলখানার কবিত্ব কেবল এইটুকু লইয়াই ; বাকি সবটাই একেবারে নিরেট গম্বু। আর সব চেয়ে কটমটে গম্বু আহািরের ব্যবস্থাটা। প্রথম দিন তাহা দেখিয়া হাসি পাইল, দ্বিতীয় দিন রাগ

ধরিল, তৃতীয় দিন কান্না আসিল। সকাল বেলা উঠিতে না উঠিতেই একটা প্রকাণ্ড কালো জোয়ান বালন্তি হইতে সাদা সাদা কি খানিকটা আমাদের লোহার খালের উপর ঢালিয়া দিয়া গেল। শুনিলাম, উহাই আমাদের বাল্যভোগ এবং আলীপুরী ভাষায় উহার নাম ‘লপ্‌সী’। লপ্‌সী কিরে বাবা! শতীন দূর হইতে খানিকটা পরীক্ষা করিয়া বলিল,—“ওহো! এ যে ফেন মিশান ভাত।”—পরদিন দেখিলাম, ডালের সহিত মিশিয়া লপ্‌সী পীতবর্ণ ধরিয়াছে; তৃতীয় দিন দেখিলাম উহা রক্তবর্ণ। শুনিলাম উহাতে গুড় দেওয়া হইয়াছে এবং উহাই আমাদের প্রান্তরশের রাজ সংস্করণ। সাড়ে দশটার সময় একটা টানের বাটার এক বাটা রেজুন চালের ভাত, খানিকটা অরহর ডাল, কি খানিকটা পাতা ও ডাঁটা সিদ্ধ ও একটু তেঁতুল গোলা। সন্ধ্যার সময়ও তদ্বৎ, কেবল তেঁতুল গোলাটুকু নাই।

ডাক্তার সাহেব ও জেলার বাবু আমাদের সহিত দেখা করিতে আসিবামাত্র আমরা একটা প্রকাণ্ড উদরনৈতিক আলোচনায় মগ্ন করিয়া দিলাম। ডাক্তার সাহেব জাতিতে আইরিস, নিতান্ত ভদ্রলোক। আমাদের সব কথাগুলি চূপ করিয়া শুনিয়া বলিলেন—“উপায় নাই। জেলের কয়েদীর খোরাক একেবারে সরকারের হিসাব মত বাঁধা।” কাহারও অসুখ-বিসুখ হইলে তিনি হাঁসপাতাল হইতে পৃথক বন্দোবস্ত করিতে পারেন; কিন্তু সুস্থ অবস্থায় অল্প আহার দিবার অধিকার তাঁহার নাই। জেলার বাবু বলিলেন,—“জেলের বাগানে আলু বেগুন কুমড়া পেঁয়াজ প্রভৃতি সব তরকারীই ত হয়; জেলের খোরাক ত মন্দ নয়।” শতীন নিতান্ত ঠোঁটকাটা ছেলে; সে বলিল—“বাগানে ত হয় সবই; কিন্তু পুই ডাঁটা আর এঁচোড়ের খোসা ছাড়া বাকি সব গুলা বোধ হয় রাস্তা ভুলিয়া অজ্ঞে চলিয়া যায়।”

দেখিলাম অসুখ করা ছাড়া আর বাঁচিবার উপায় নাই। কাজেই আমাদের সকলকার অসুখ করিতে লাগিল। নিত্য নিত্য নূতন অসুখ কোথায় খুঁজিয়া পাওয়া যায়? পেট কামড়ান, মাথা ধরা, বুক দুড় দুড় করা, গা বমি বমি করা, সবই যখন একে একে ফুটাইয়া আসিল, তখন বাহিরে প্রকাশ পায় না এমন অসুখ আবিষ্কারের জন্য আমাদের মাথা ঘামিয়া উঠিল। রোগ ত একটা কিছু চাই—তা না হইলে প্রাণ যে বাঁচে না।

ডাক্তার সাহেব আসিলে পণ্ডিত হুবীকেশ গম্ভীর ভাবে জানাইলেন যে, তাঁহার বামচক্ষুর উপরের পাতা তিনদিন ধরিয়া নাচিতেছে, সুতরাং তিনি যে কঠিন পীড়াগ্রস্ত, সে বিষয়ে আর সন্দেহ নাই। তাঁহার মনে হইতেছে যে, হাঁসপাতালের অল্প ভিন্ন তাঁহার বাঁচিবার আর উপায় নাই। ডাক্তার বেচারী হাসিয়া তাহারই ব্যবস্থা করিয়া দিয়া গেলেন।

হঠাৎ আমরা আরও একটা পথ আবিষ্কার করিয়া ফেলিলাম। সেটা এই, পয়সা থাকিলে জেলখানার মধ্যে বসিয়াই সব পাওয়া যায়। জেলের প্রহরী ও পাচকের হাতে যৎকিঞ্চিৎ দক্ষিণা দিতে পারিলেই ভাতের ভিতর হইতে কৈমাছ ভাজা ও কুটির গাদার ভিতর হইতে আলু পেঁয়াজের তরকারী বাহির হইয়া আসে; এমন কি পাহারাওয়ালার পাগড়ীর ভিতর হইতে পান ও চুফট বাহির হইতেও দেখা গিয়াছে।

একটা মহা অসুবিধা ছিল এই যে, এক কুঠরীর লোকের সহিত অপর কুঠরীর লোকের কথা কহিবার হুকুম ছিল না। প্রথমে লুকাইয়া লুকাইয়া এক আধটা কথা কওয়া হইত; তাহাতে পাহারা-ওয়ালাদের ঘোরতর আপত্তি। তাহারা জেলায়ের কাছে রিপোর্ট করিবার ভয় দেখাইতে লাগিল। হঠাৎ কিন্তু একদিন দেখা গেল তাহারা বেশ শাস্ত শিষ্ট হইয়া গিয়াছে; আমরা চীৎকাব করিয়া কথা কহিলেও আর তাহারা শুনিতো পায় না। অসুস্থকালে জানা গেল আমাদের একজন বন্ধু রোপ্য-খণ্ড দিয়া তাহাদের কানের ছিদ্র বন্ধ করিয়া দিয়াছেন। জেলার বা সুপারিন্টেন্ডেন্ট আসিবার সময় তাহারাই আমাদের সতর্ক করিয়া দিতে লাগিল। রোপ্যখণ্ডের যে অনন্ত মহিমা, তাহা এতদিন কানেই শুনিয়াছিলাম, এইবার তাহার প্রত্যক্ষ প্রমাণ পাইয়া মানব জন্ম সফল হইল। কিন্তু একটা দুঃখ কতকটা ঘুচিতে না ঘুচিতে আর এক দুঃখ দেখা দিল।

আমরা জেলে আসিবার পর হইতেই জেলের মধ্যে সি-আই-ডি-র কর্তাদিগের শুভাগমন আরম্ভ হইয়াছিল। তাঁহাদের কথাবার্তা শুনিতে মনে হইত যেন আমাদের বীরত্বের গৌরবে তাঁহাদের বুক ফুলিয়া দশ হাত হইয়াছে, আমাদের সহিত সহানুভূতিতে প্রাণ যেন তাঁহাদের ফাট-ফাট। কথাগুলি তাঁহাদের এমনি মোলায়েম, হাব-ভাব এমনি চিন্তাবিমোহন যে, দেখিলে শুনিতেই মনে

হইত ইহারা আমাদের পূর্বজন্মের পরমাশ্রয়ী। তবে ধরা পড়িবার পরদিন তাঁহাদের ঘরে একরাত্রি বাস করিয়া এসব ছলাকলার পরিচয় অনেক পূর্বেই পাইয়াছিলাম—তাই রক্ষা। ইহারা সপ্তাহ খানেক যাতায়াতের পর নরেন্দ্র গোস্বামী যেন হঠাৎ একটু বেশী অনুসন্ধিৎসু হইয়া দাঁড়াইল। বাংলা ছাড়া ভারতের অল্প কোথাও বিপ্লবের কেন্দ্র আছে কি না, আর থাকিলে সেখানকার নেতাদের নাম কি— ইত্যাদি অনেক রকম প্রশ্নই সে আমাদের জিজ্ঞাসা করিতে লাগিল। জেলের কর্তৃপক্ষের এক আধ জনের কথাবাত্তায়ও বুঝিলাম—একটা গোলমাল কোথাও লাগিয়াছে।

স্বীকৃতি একদিন আসিয়া আমায় বলিল—
“গোটা দুই তিন বেড়াই রকমের মাদ্রাজী বা বর্গি টর্গির নাম বানিয়ে দিতে পারিস্ ?”

“কেন ?”

“নরেন বোধ হয় পুলিশকে খবর দিচ্ছে ; গোটা কতক উদ্ভট রকমের নাম বানিয়ে দিতে পারলে সাজাতরা দেশময় অশুভিষ খুঁজে খুঁজে বেড়াবে খ’ন।” তাহাই হইল ; মহারাষ্ট্রের কেন্দ্রের সভাপতি হইলেন শ্রীমান্ পুরুষোত্তম নাটেকার, গুজরাতে সভাপতি হইলেন কিশণজী ভাওজী বা এই রকম একজন কেহ ; কিন্তু মাদ্রাজের ভার লইবেন কে ? মাদ্রাজী নাম যে তৈয়ারী করা শক্ত। খবরের কাগজে তখন চিদম্বরম্ পিলের নাম দেখা গিয়াছিল। স্বীকৃতি বলিল, যখন চিদম্বরম্ মাদ্রাজী নাম হইতে পারে, তখন বিশ্বস্তরম্ কি দোষ করিল ? আর পিলের বদলে যকুৎ বা অমনি একটা কিছু জুড়িয়া দিলেই চলবে।

ষষ্ঠ পরিচ্ছেদ

নানা প্রকারের জল্পনা কল্পনা চলিতেছে, এমন সময় হঠাৎ একদিন আমাদের অদৃষ্ট খুলিয়া গেল। জেলের কর্তৃপক্ষগণ হুকুম দিলেন যে, ৪৪ ডিগ্রী হইতে অল্পস্থানে লইয়া গিয়া আমাদের একত্র রাখা হইবে। ভাগ্য-বিধাতা সহসা প্রসন্ন হইয়া কেন উঠিলেন, তাহা তিনিই জানেন ; কিন্তু আমরা ত হাসিয়াই খুন। আলিজন, গলা-জড়া-জড়ি, লাফালাফি আর চীৎকার থামিতেই এক ঘন্টা কাটিয়া গেল। তাহার পর প্রকৃতিস্থ হইয়া দেখিলাম যে, তিনটি পাশাপাশি কুঠরীতে

আমাদের রাখা হইয়াছে ; তাহার মধ্যে পাশের দুইটা কুঠরী ছোট ; আর মাঝেরটা অপেক্ষাকৃত বড়। অরবিন্দ বাবু ও দেবব্রতের মত বাঁহারা অপেক্ষাকৃত গম্ভীর-প্রকৃতি, তাঁহারা পাশের দুইটা কুঠরীতে আশ্রয় লইলেন ; আর আমাদের মত “চ্যাংড়া” বাঁহারা, তাহারা মাঝের বড় কুঠরীটি দখল করিয়া সর্বদিনব্যাপী মহোৎসবের আয়োজন করিতে লাগিল। যেদিনীপুরের শ্রীযুক্ত হেমচন্দ্র কাননগুও আমাদের সঙ্গে আসিয়া জুটিলেন। হেমচন্দ্রের সহিত পূর্বে কখনো বিশেষ ভাবে পরিচিত হইবার অবসর পাই নাই ; এবার কাছে আসিয়া দেখিলাম যে, বাঁহাদের মাথার চুল পাকে, বুদ্ধিও পাকে, কিন্তু বয়স বাড়ে না, হেমচন্দ্র তাঁহাদের মধ্যে একজন। অসাধারণ শক্তিমত্তার সহিত বালশূলভ তরলতা মিশিলে যে অদ্ভুত চরিত্রের সৃষ্টি হয়, হেমচন্দ্রের তাহাই ছিল। দুই একদিনের মধ্যেই সর্বসম্মতিক্রমে তিনি সাধারণের “হেমদা” হইয়া দাঁড়াইলেন। আমাদের পাশের দুইটি ঘরে লেখাপড়া ও ধর্ম্মালোচনা চলিতে লাগিল ; আর আমাদের ঘরটা হইয়া উঠিল নাচ, গান, হাসি, ঠাট্টা, তামাসা ও চিমাটি-কাটাকাটির কেন্দ্র। বলা বাহুল্য, উল্লাসকর আমাদের সহিত একত্রই ছিল। সে না থাকিলে আসর জমিত না। আমরা বাড়ীঘর ছাড়িয়া যে জেলে আসিয়াছি, হট্টগোলের মধ্যে সে কথা মনেই হইত না।

দিন কয়েক পরে সূতের মাত্রা আরও এক পর্দা চড়িয়া গেল। বাহির হইতে পুলিশ আরও কয়েক জনকে ধরিয়া আনি। মোট আমরা প্রায় চল্লিশ পঞ্চাশ জন হইলাম। এত লোককে তিনটা কুঠরীর মধ্যে পুরিতে গেলে অন্ধকূপহত্যার পুনরতিনয় করিতে হয়। ডাক্তার সাহেব বলিলেন যে, একটা ওয়ার্ড খালি করিয়া আমাদের সকলকে সেখানে রাখা হোক। কাজেই সকলে আসিয়া একসঙ্গে মিশিলাম। নরক একেবারে গুলজার হইয়া উঠিল।

জেলের খাওয়া সঘন্থে নানারূপ অভিযোগ করায়, ডাক্তার সাহেব আমাদের জল্প বাহির হইতে ফল মূল বা মিষ্টান্ন পাইবার ব্যবস্থা করিয়া দিয়াছিলেন। স্মৃশীল সেনের পিতা প্রায়ই আম, কাঁঠাল ও মিষ্টান্ন পাঠাইয়া দিতেন। কলিকাতার অস্মৃশীল সমিতির ছেলেরাও মাঝে মাঝে ঘি, চাল, মসলা ও মাংস পাঠাইয়া দিত। সর্ববিভাগি “হেমদা” সেগুলি হাসপাতালে লইয়া গিয়া গোলাও বানাইয়া আমাদের

ভূমি-ভোজনের ব্যবস্থা করিয়া দিতেন। আম কাঁঠাল এত অধিক পরিমাণে আসিত যে, খাইয়া শেষ করা দায় হইত; সুতরাং শেগুলি পরস্পরের মুখে ও মাথায় মাখাইয়া সন্ধ্যাবহার করা ভিন্ন উপায়ান্তর ছিল না।

সন্ধ্যার সময় গানের আড্ডা বসিত। হেমচন্দ্র, উল্লাসকর, দেবব্রত, কম্বু জনেই বেশ গাহিতে পারিত; কিন্তু দেবব্রত গম্ভীর পুরুষ—বড় একটা গাহিতেন। অনেক পীড়াপীড়িতে একদিন তাহার স্বরচিত একটা গান আমাদের শুনাইয়াছিল। ভারত-ব্যাপী একটা বিপ্লবকে লক্ষ্য করিয়াই তাহা রচিত। তাহার সুরের এমন একটা মোহিনী শক্তি যে, গান শুনিতে শুনিতে বিপ্লবের রক্তচিত্র আমাদের চোখের সম্মুখে যেন স্পষ্ট হইয়া উঠিয়া উঠিত। গান বা পদ্ম কস্মিনকালেও আমার বড় একটা মনে থাকে না, কিন্তু দেবব্রতের সেই গানটার দুই এক ছত্র আজও মনে গাঁথিয়া আছে—

“উঠিয়া দাঁড়াল জননী।
কোটা কোটা স্নাত হুকারি দাঁড়াল।

* * *
রক্তে আঁধারিল রক্তিম সবিতা
রক্তিম চন্দ্রমা তারা,
রক্তবর্ণ ডালি, রক্তিম অঞ্জলি,
বীর-রক্তময়ী ধরা কিবা শোভিল।

গানটা শুনিতে শুনিতে মানস-চক্ষে বেশ স্পষ্টই দেখিতাম যে, হিমাচলব্যাপী ভাবোন্মত্ত জনসভ্য বরাভয়করার স্পর্শে সিংহগর্জনে জাগিয়া উঠিয়াছে; যাদের রক্ত-চরণ বেড়িয়া বেড়িয়া গগনস্পর্শী রক্তশীর্ষ উত্তাল তরঙ্গ ছুটিয়াছে; দ্যুলোক ভুলোক সমস্তই উন্মত্ত রণ-বাণে কাঁপিয়া উঠিয়াছে। মনে হইত যেন আমরা সর্ববন্ধনমুক্ত—দীনতা, ভয়, মৃত্যু আমাদের কখন স্পর্শও করিতে পারিবে না।

ছেলেরা অনেকেই সেকালের স্বদেশী গান গাহিত। তাহাদের অদম্য উৎসাহ আর ক্ষুধা চাপিয়া রাখাই দায়। শচীন সেন ছিল তাহাদের অগ্রণী। পনেরো বৎসর যখন তাহার বয়স, তখন সে মা-বাপের কথা ঠেলিয়া, একরূপ জোর করিয়াই, কলিকাতা ত্রাশনাল কলেজে আসিয়া ভর্তি হয়। কিন্তু তাহার প্রাণের গভীরতর আকাঙ্ক্ষা কলেজের বিদ্যায় মিটিল না; শেষে বাড়ী হইতে পলাইয়া আসিয়া সে বাগানে যোগ দিল। জেলে আসিবার

পর চীৎকার করিয়া, লাফালাফি করিয়া, গান গাহিয়া, কাঁধে চড়িয়া, আম কাঁঠাল চুরি করিয়া, সে যে শুধু আমাদেরই অস্থির করিয়া তুলিল, তাহা নহে; জেলের কর্তৃপক্ষগণও তাহার বক্তৃতার ও গানের জালায় অতিষ্ঠ হইয়া উঠিলেন। রাত বারোটা একটা বাজিয়া চলিয়াছে, শচীনের গানের আর বিরাম নাই। জেলার বাবুটা নিতান্ত ভদ্রলোক। এতগুলি ভদ্রলোকের ছেলেকে তাঁহার জেলের মধ্যে পুরিয়া দেওয়ার তিনি নিতান্তই বিরত হইয়া পড়িয়াছিলেন। একদিকে সরকারী চাকরী, পেম্সন পাইবার আর বৎসর খানেক মাত্র বিলম্ব—আর অপর দিকে চক্ষুলাজ—এই দোতানায় পড়িয়া বেচারার একেবারে প্রাণান্ত। একে ভদ্রলোক প্রোট বয়সে চতুর্থ না পঞ্চম পক্ষের পাণিপীড়ন করিয়াছেন, তাহার উপর রাত্রিকালে ছেলেদের গানের জালায় অস্থির! একদিন প্রাতঃকালে তিনি নিতান্ত ভাল মানুষের মত আসিয়া নিবেদন করিলেন যে, ছেলেদের বুঝাইয়া সুঝাইয়া যেন আমরা একটু শান্ত করিয়া রাখি। কেননা রাত্রিকালে গৃহিণীর ও মশকের উপদ্রবের সঙ্গে সঙ্গে ছেলেদের গানের উপদ্রব আসিয়া জুটিলে, তাঁহার আর এক বৎসর বাঁচিয়া থাকিয়া পেম্সন ভোগ করিবার সুবিধা মিলিবে না। এ হেন সদস্যের পর আর কি করা যায়? কথামালা ও শিশুশিক্ষা হইতে উদ্ধৃত করিয়া অনেকগুলি ভাল ভাল উপদেশ ছেলেদের শুনাইয়া দিয়া যথাশাস্ত্র কর্তব্যপালন করিলাম; কিন্তু সদৃশ উপদেশ মত কার্য করিবার বুদ্ধিসূচিই যদি তাহাদের থাকিবে, তাহা হইলে আর ভারত-উদ্ধার করিবার কুপ্রবৃত্তি তাহাদের স্বন্ধে চাপিবে কেন?

অরবিন্দ বাবু, দেবব্রত ও বারীন্দ্র ভিন্ন আর সকলেই এই হট্টগোলে যোগ দিত, তবে মধ্যে মধ্যে উহারও যে বাদ পড়িতেন—তাহা নহে। ধরা পড়িবার পর বারীন্দ্রের মনে কোথায় একটা বিষম ধাক্কা লাগিয়াছিল বলিয়া মনে হয়, সে প্রায় সমস্ত দিন একখানা চাদর মুড়ি দিয়া লম্বা হইয়া পড়িয়া থাকিত। দেবব্রত সকালে উঠিয়া পায়ের উপর পা তুলিয়া দিয়া সেই যে অচলপ্রতিষ্ঠ হইয়া বসিত, বেলা দশটা পর্যন্ত তাহাকে আর নাড়িবার উপায় ছিল না। আহা! তার পর আবার বেলা চার পাঁচটা পর্যন্ত চুপ করিয়া বসিয়া থাকিত; কখনও বা গীতা ও ভাগবত পড়িত। তাহার সময় এইরূপেই কাটিয়া যাইত। অরবিন্দ

বাবুর জন্ত একটা কোণ নির্দিষ্ট ছিল। সমস্ত প্রাতঃকাল তিনি সেইখানে আপনায় সাধন ভজনের মধ্যে ডুবিয়া থাকিতেন। ছেলেরা চীৎকার করিয়া তাঁহাকে বিরক্ত করিলেও কোন কথাই কহিতেন না। অপরাহ্নে দুই তিন ঘণ্টা পাশ্চাত্যী করিতে করিতে উপনিষদ বা অন্য কোনও ধর্মশাস্ত্র পাঠ করিতেন। তবে সন্ধ্যাবেলায় এক আধ ঘণ্টার জন্ত ছেলেখেলার যোগ না দিলে তাঁহারও নিষ্কৃতি ছিল না।

কানাইলাল প্রভৃতি চার পাঁচজন নিদ্রার কাজটা সন্ধ্যার পরেই সারিয়া লইত। রাত ১০টা ১১টার সময় সকলে যখন ঘুমাইয়া পড়িত, তখন তাহারা বিছানা ছাড়িয়া কাহার কোথায় সন্দেশ, আম বা বিস্কট লুকান আছে, তাহার সন্ধান করিয়া ফিরিত। যে দিন সে সব কিছু মিলিত না, সে দিন এক গাছা দড়ি দিয়া কাহারও হাতের সহিত অপরের কাছা বা কাহারও কানের সহিত অপরের পা বাঁধিয়া দিয়া ক্ষুণ্ণমনে শুইয়া পড়িত। একদিন রাত্রে প্রায় ১টার সময় ঘুম ভাঙ্গিয়া দেখি—কানাই একজনের বিছানার চাদরের তলা হইতে একটা বিস্কুটের টিন চুরি করিয়া মহানন্দে বগল বাজাইতেছে। অরবিন্দ বাবু পাশেই শুইয়াছিলেন। আনন্দের সশব্দ অভিব্যক্তিতে তাঁহারও ঘুম ভাঙ্গিয়া গেল। কানাই অমনি খানকয়েক বিস্কট লইয়া তাঁহার হাতের মধ্যে গুঁজিয়া দিল। বিস্কট লইয়া অরবিন্দ বাবু চাদরের মধ্যে মুখ লুকাইলেন; নিজাভঙ্গের আর কোন লক্ষণই দেখা গেল না। চুরিও ধরা পড়িল না।

রবিবারে আমাদের ক্ষুণ্ণতার মাত্রা একটু বাড়িয়া যাইত। আত্মীয়-স্বজন ও বাহিরের অনেক লোক আমাদের সঙ্গে দেখা করিতে আসিতেন; স্মৃতির অনেক প্রকার সংবাদাদি পাওয়া যাইত। মিষ্টান্নও যথেষ্ট পরিমাণে মিলিত। বিপুল হাঙ্গরসের মাঝে মাঝে একটু আধটু করুণ রসও দেখা দিত। শতীনের পিতা একদিন তাহার সহিত দেখা করিতে আসিয়াছিলেন। জেলে কি রকম খাদ্য খাইতে হয় জিজ্ঞাসা করায় শতীন লপ্‌সীর নাম করিল। পাছে লপ্‌সীর স্বরূপ প্রকাশ পাইয়া তাহার পিতার মনে কষ্ট হয়, সেই ভয়ে শতীন লপ্‌সীর গুণগ্রাম বর্ণনা করিতে করিতে বলিল—“লপ্‌সী খুব পুষ্টিকর জিনিস।” পিতার চক্ষু জলে ভরিয়া আসিল। তিনি জেলার বাবুর দিকে-মুখ ফিরাইয়া বলিলেন—“বাড়ীতে ছেলে আমার পোলাওএর বাটি টান মেরে কেলে দিত; আর আজ লপ্‌সী তার কাছে

পুষ্টিকর জিনিস।” ছেলের এ অবস্থা দেখিয়া বাপের মনে যে কি হয়, তাহা তখনও ভাল করিয়া বুঝি নাই, তবে তাহার ক্ষীণ আভাস যে একেবারে পাই নাই, তাহাও নয়। একদিন আমার আত্মীয়-স্বজনেরা আমার ছেলেকে আমার সহিত দেখা করাইতে লইয়া আসিয়াছিলেন। ছেলের বয়স তখন দেড় বৎসর মাত্র; কথা কহিতে পারে না। হয়ত এ জন্মে তাহার সহিত আর দেখা হইবে না ভাবিয়া, তাহাকে কোলে লইবার বড় সাধ হইয়াছিল। কিন্তু মাঝের লোহার রেলিংগুলো আমার সে সাধ মিটাইতে দেয় নাই। কারাগারের প্রকৃত মূর্তি সেইদিন আমার চোখে ফুটিয়াছিল।

এইরূপে ত’ মুখে দুঃখে জেলখানার আমাদের দিন কাটিতে লাগিল। ওদিকে ম্যাজিস্ট্রেটের আদালতে বিচারও আরম্ভ হইয়া গেল। রাস্তায় লোকে লোকারণ্য; আদালতে উকিল ব্যারিষ্টারের ছড়াছড়ি; কিন্তু আমাদের সে দিকে লক্ষ্য নাই। সবটাই যেন আমাদের চোখে একটা প্রকাণ্ড তামাসা বলিয়া মনে হইতে লাগিল। কত রকম বেরকমের সাক্ষী আসিয়া সত্য মিথ্যার খিচুড়ী পাকাইয়া বাঁহত; আমরা শুধু শুনিতাম আর হাসিতাম। তাহাদের সাক্ষ্যের সহিত যে আমাদের মরণ বাঁচনের সম্বন্ধ, এ কথাটা মনেই আসিত না। স্থলের ছুটির পর ছেলেরা যেমন মহাক্ষুণ্ণিতে বাড়ী ফিরিয়া আসে, আমরাও সেইরূপ আদালত ভাঙ্গিবার পর গান গাহিতে গাহিতে চীৎকার করিতে করিতে গাড়ী চড়িয়া জেলে ফিরিয়া আসিতাম। তাহার পর সন্ধ্যার সময় যখন সভা বসিত, তখন বালি সাহেব কি রকম ফিরিঙ্গি-বাদ্যালয় সাক্ষীদের জেরা করে, নর্টন সাহেবের পেটলুনটা কোথায় ছেঁড়া আর কোথায় তালি লাগান, কোর্ট-ইন্সপেক্টরের গৌফের ডগাইঁ দুরে খাইয়াছে কি আরস্থলার খাইয়াছে—এই সমস্ত বিষয়ে উল্লাসকর গভীর গবেষণা করিত, আর আমরা প্রাণ ভরিয়া হাসিতাম। কিন্তু এই হাসি-পর্কের পর যে একটা প্রকাণ্ড কন্না-পর্ক আছে, তাহা ভাল করিয়া তখন বুঝি নাই।

নরেন্দ্র গোস্বামীর কথা পূর্বেই বলিয়াছি। আমরা বাহা ভয় করিয়াছিলাম, ফলে তাহাই হইল। বিচার আরম্ভ হইবার দুই চারি দিন পরেই সে সরকারী সাক্ষী হইয়া কাঠগড়ায় গিয়া দাঁড়াইল। তাহার সাক্ষ্যের ফলে চারিদিকে নূতন নূতন খানা-ভল্লাসী আরম্ভ হইল; আর পণ্ডিত হবীকেশের উর্ধ্বর-মস্তিষ্ক-প্রসূত বারান্টি ও মাদ্রাজী নেতৃবৃন্দকে

আবিষ্কার করিবার জন্য পুলিশ চারিদিকে ছুটাছুটি করিতে লাগিল।

নরেন সরকারী সাক্ষী হইবার পরেই তাহাকে আমাদের নিকট হইতে সরাইয়া, হাসপাতালে ইউরোপীয় প্রহরীর তত্ত্বাবধানে রাখা হইয়াছিল। পাছে কেহ তাহাকে আক্রমণ করে, সেই ভয়ে জেলের কর্তৃপক্ষগণ সর্বদাই সাবধান হইয়া থাকিতেন। জেলার বেচারী একদিন বলিলেন—“দেখুন, আমার হয়েছে তালগাছের আড়াই হাত। তালগাছ সবটা চড়া যায়, কিন্তু শেষ আড়াই হাত ষষ্ঠবার সময় প্রাণটা বেরিয়ে যায়। এতদিন চাকরী করে এলুম, বেশ নির্দিষ্টবাদে কেটে গেল। আর এই পেনসন নৈবার সময় আপনাদের হাতে গিয়ে পড়েছি। এখন মানে মানে আপনাদের বিদেয় করতে পারলে ঝাঁচি।” কিন্তু অদৃষ্টের পরিহাস! তালগাছের শেষ আড়াই হাত আর তাঁহাকে চড়িতে হইল না।

ম্যাজিস্ট্রেট আমাদের মোকদ্দমা সেসনে পাঠাইয়া নিশ্চিত হইলেন। আমরাও লম্বা ছুটি পাইলাম। নিকরার দল—কাজেই সকলেই হাসে, খেলে, লাকালারি করে, মোকদ্দমার ফলাফল লইয়া মাঝে মাঝে বিচার-বিতর্কও করে। ছেলেরা কাহাকেও বা ফাঁসিকাঠে চড়ায়, কাহাকেও বা খালাস দেয়। কানাইলাল একদিন বলিল “খালাসের কথা তুলে যাও, সব বিশ বৎসর করে কালাপানি।” শতীনের তাহাতে বোরতর আপত্তি। সে প্রমাণ করিতে বলিল যে, বিশ বৎসরের মধ্যে দেশ স্বাধীন হইবেই হইবে। কানাইলাল খানিকক্ষণ গম্ভীর ভাবে বলিয়া থাকিয়া বলিল—“দেশ মুক্ত হোক আর না হোক, আমি হবো। বিশ বৎসর জেলখাটা আমার পোষাবে না।” এই কথার দুই একদিন পরেই একদিন সন্ধ্যাবেলা হঠাৎ পেটে হাত দিয়া শুইয়া পড়িয়া সে বলিল যে, তাহার পেটে ভারি যন্ত্রণা হইতেছে। ডাক্তার বাবু আসিয়া তাহাকে হাসপাতালে পাঠাইয়া দিলেন। সেই অবধি সে হাসপাতালেই রহিয়া গেল। যেদিনীপুরের সত্যেনকে কিছুদিন পূর্বে পুলিশ ধরিয়া আনিয়া ছিল। কঠিন কাশরোগগ্রস্ত বলিয়া সেও হাসপাতালেই থাকিত।

কানাই হাসপাতালে বাইবার তিন চারি দিন পরেই, একদিন সকালবেলা বিছানা হইতে উঠিয়া আমরা মুখ-হাত ধুইতেছি, এমন সময় হাসপাতালের দিক হইতে দুই একটা বন্দুকের মত আওয়াজ

শুনিলাম। কিছুক্ষণ পরে দেখিলাম চারিদিক হইতে কয়েকী পাহারাওয়ালারা হাসপাতালের দিকে ছুটিতেছে। ব্যাপার কি? কেহ বলিল—বাহির হইতে হাসপাতালের উপর গোলা পড়িতেছে, কেহ বলিল—সিপাহিরা গুলি চালাইতেছে। হাসপাতালের একজন কম্পাউণ্ডার ঘুরপাক খাইতে খাইতে ছুটিয়া আসিয়া জেলের অফিসের কাছে শুইয়া পড়িল। ভয়ে তাহার মুখ বিবর্ণ হইয়া গিয়াছে। যে সংবাদ দিবার জন্য সে ছুটিয়া আসিয়াছিল, তাহা তাহার পেটের মধ্যেই রহিয়া গেল। প্রায় দশ পনের মিনিট এইরূপ উৎকণ্ঠায় কাটিল, শেষে একটা পুরাণো চোর ছুটিয়া আসিয়া আমাদের সংবাদ দিল—

“নরেন গোঁসাই ঠাণ্ডা হয়ে গেছে।”

“ঠাণ্ডা হয়ে গেছে কি রে?”

“আজ্ঞে, ই্যা বাবু; কানাই বাবু তাঁকে পিস্তল দিয়ে ঠাণ্ডা করে দিয়েছে। ঐ দেখুন গে না—কারখানার স্মুখে সে একদম লম্বা হয়ে পড়েছে। আর জেলার বাবুরও আর একটু হলে হয়ে যেত। তিনি কারখানায় ঢুকে পড়ে বেক্সির তলায় লুকিয়ে খুব প্রাণটা ঝাঁচিয়েছেন।”

প্রায় পনের মিনিট পরে জেলের পাগলা ঘণ্টা (alarm bell) বাজিয়া উঠিল। চারিদিক হইতে জেলের প্রহরীরা ছুটিয়া আসিয়া হাসপাতালের দিকে চলিল। কিছুক্ষণ পরে দেখিলাম, তাহার কানাই ও সত্যেনকে ধরিয়া ৪৪ ডিগ্রীর দিকে লইয়া চলিয়াছে।

সপ্তম পরিচ্ছেদ

নানারূপ গুজবের মধ্য হইতে সার সঙ্কলন করিয়া এই ঘটনা সম্বন্ধে যাহা বুঝিলাম, তাহা এই :—হাসপাতালে থাকিবার সময় সত্যেনের মনে হয় যে, যখন কাশরোগে ভুগিতেছি, তখন ত অল্পদিনের মধ্যে মরিতেই হইবে; বুধা না মরিয়া নরেনকে মারিয়া মরিলেই ত বেশ হয়। কানাইলাল সে কথা শুনিয়া তাহাকে সাহায্য করিবার জন্য পিস্তল লইয়া হাসপাতালে আসে। পেটের যন্ত্রণা শুধু ডাক্তারকে ঠকাইবার জন্য তাণ মাত্র। তাহার পর সত্যেন নরেনকে বলিয়া পাঠায় যে, জেলের কষ্ট আর তাহার সম্বন্ধ হইতেছে না; সেও নরেনের

মত সরকারী সাক্ষী হইতে চায়; সুতরাং পুলিশের কাছে কি কি বলিতে হইবে, তাহা যদি দুইজনে মিলিয়া পরামর্শ করিয়া ঠিক করে, তাহা হইলে আদালতে জেরার সময় কোন কষ্ট পাইতে হইবে না। সত্যেনের ছলনায় ভুলিয়া নরেন তাহাই বিশ্বাস করিল এবং একজন ইউরোপীয় গ্রহরী সঙ্গে লইয়া সত্যেনের সঙ্গে দেখা করিতে আসিল। কথা কহিতে কহিতে যখন সত্যেন পিস্তল বাহির করিয়া তাহার উরু লক্ষ্য করিয়া গুলি করে, তখন নরেন ঘর হইতে পলাইয়া যায়। পলাইবার সময় তাহার পায়ে একটা গুলি লাগিয়াছিল, কিন্তু আঘাত সাংঘাতিক হয় নাই। গুলির শব্দ শুনিবামাত্র কানাইলাল হাসপাতালে নীচে হইতে উপরে ছুটিয়া আসে। ইউরোপীয় গ্রহরী তাহাকে ধরিতে যায়, কিন্তু হাতে একটা গুলি খাইয়া সে সেইখানেই পড়িয়া চীৎকার করিতে থাকে। ইতিমধ্যে নরেন নীচে আসিয়া হাসপাতালের বাহির হইয়া পড়ে। ইউরোপীয় গ্রহরীকে ধরাশায়ী করিয়া কানাই যখন নরেনকে খুঁজিতে থাকে, তখন সে হাসপাতালের বাহিরে চলিয়া গিয়াছে এবং হাসপাতালের দরজা বন্ধ করিয়া দিয়া একজন গ্রহরী সেখানে দাঁড়াইয়া আছে। কানাই তাহার বৃকের কাছে পিস্তল ধরিয়া ভয় দেখায় যে, নরেন কোথায় পলাইয়াছে, তাহা যদি সে বলিয়া না দেয়, ত তাহাকে গুলি খাইয়া মরিতে হইবে। বেচারী দরজা খুলিয়া দিয়া বলে যে, নরেন অফিসের দিকে গিয়াছে। কানাই ছুটিয়া আসিতে আসিতে দূর হইতে নরেনকে দেখিতে পায় ও গুলি চালাইতে থাকে। গুলির শব্দ শুনিয়া জেলার, ডেপুটী জেলার, অ্যাসিষ্ট্যান্ট জেলার, বড় জমাদার, ছোট জমাদার, সবাই সদলবলে হাসপাতালের দিকে আসিতেছিলেন। পথের মাঝে কানাই-এর রক্তমুগ্ধি দেখিয়া তাঁহারা রণে ভঙ্গ দেওয়াই শ্রেয়ঃ বোধ করিলেন। কে যে কোথায় পলাইলেন, তাহার ঠিক বিবরণ পাওয়া যায় না; তবে জেলার বাবু যে তাঁহার বিপুল কলেবরের অঙ্কেকটা কারখানার একটা বেঞ্চের নীচে ঢুকাইয়া দিয়াছিলেন, একথা সর্ববাদিসম্মত। এদিকে কানাইএর হাত হইতে গুলি খাইতে খাইতে নরেন কারখানার দরজার কাছে গিয়া আছাড় খাইয়া পড়িল। কানাইয়ের গুলি যখন ফুটাইয়া গেল, তখন বন্দুক, কীরিচ, লাঠি গোটা লইয়া সকলেই বাহির হইয়া আসিল এবং কানাইকে ঘিরিয়া ফেলিল।

এখন প্রশ্ন এই, পিস্তল আসিল কোথা হইতে? কয়েদীরা গুজব রটাইল যে, বাহির হইতে আমাদের জন্ত যে সমস্ত ঘিয়ের টিন বা কাঁঠাল আসিত, তাহার মধ্যে ভরিয়া কেহ পিস্তল পাঠাইয়া থাকিবে। কানাইলাল বলিল, ক্ষুদ্রিরানের ভৃত্য আসিয়া তাহাকে পিস্তল দিয়া গিয়াছে। প্রেততত্ত্ববিদদের এক আশ্বাসনা বই পড়িয়াছি, কিন্তু ভৃত্যকে পিস্তল দিয়া যাইতে কোথাও দেখি নাই। আর আমাদের স্বদেশী ভৃত্যেরা গৃহস্থের বাড়ীতে ইট-পাটকেল ফেলে; খুব জোর কচুপাতায় মুড়িয়া এক আঘাত খারাপ জিনিষ ছুঁড়িয়া মারে; সুতরাং পিস্তলের ব্যাপারে ভৃত্যের খিওরিটা একেবারে অবিশ্বাসযোগ্য বলিয়াই মনে হয়। কাঁঠাল বা ঘিয়ের টিনও ডাক্তার-গাহেব নিজে পরীক্ষা করিয়া দিতেন, সুতরাং তাহার ভিতর দিয়া দুই দুইটা রিভলভার আসা তত সুবিধার কথা বলিয়া মনে হয় না। তবে কর্তৃপক্ষের চক্ষুর অগোচরে জেলের মধ্যে গাঁজা, গুলি, আফিম, সিগারেট, সবই যে রাস্তা দিয়া যাইতে পারে, সে রাস্তা দিয়া পিস্তল যাওয়া ত বিচিত্র নয়।

যাক্ সে কথা। তাহা লইয়া এখন মাথা ঘামাইয়া কোন ফল আর নাই। কিন্তু নরেনের মৃত্যুর সঙ্গে সঙ্গে আমাদের অদৃষ্ট পুড়িল। আশ-ঘন্টার মধ্যেই জেলের সুপারিন্টেন্ডেন্টে গশস্ব সিপাহি শাস্ত্রী লইয়া ব্যারাকে আসিয়া উপস্থিত হইলেন, আর একে একে আমাদের সকলের তল্লাসী লইয়া বাহির করিয়া দিলেন। তাহার পর ব্যারাকে তল্লাসী আরম্ভ হইল। বিছানার মধ্যে বা এদিক ওদিক দশ বিশটা টাকা লুকান ছিল। তল্লাসীর সময় গ্রহরীরা তাহা নির্বিবাদে হস্তম করিয়া লইল। আমাদের কাছে ত কিছুই পাওয়া গেল না, কিন্তু ইন্সপেক্টর-জেনারেল হইতে আরম্ভ করিয়া ছোট বড় পুলিশের কর্মচারীতে জেল ভরিয়া গেল। আরও রিভলভার জেলের মধ্যে লুকান আছে কি না, পুকুরের মধ্যে দুই একটা ফেলিয়া দেওয়া হইয়াছে কি না—ইত্যাদি বহুবিধ গবেষণা চলিতে লাগিল। আমাদের বড় আশা হইয়াছিল যে, রিভলভার অমূল্যদান করিবার জন্ত যদি জেলখানার পুকুরের জল ছেঁচিয়া ফেলে, তাহা হইলে এক আশ্বাসিন বখেটে পরিমাণে মাছ খাইতে পাওয়া যাইবে; কিন্তু অদৃষ্টে তাহা ঘটিল না। অধিকন্তু ইন্সপেক্টর-জেনারেল আসিয়া আবার আমাদের পৃথক পৃথক কুঠরীর (cell) মধ্যে বন্ধ করিবার হুকুম দিয়া

গেলেন। ডিগ্রী খালি করিয়া আমাদের সেখানে লইয়া যাইবার বন্দোবস্ত চলিতে লাগিল।

সন্ধ্যার সময় জেলার বাবু আমাদের সহিত দেখা করিতে আসিলেন। ভদ্রলোকের মুখ একেবারে শুকাইয়া গিয়াছে। তিনি বলিলেন—“মশায়, এতই যদি আপনাদের মনে ছিল, ত জেলের বাইরে কাজটা করলেই হতো। দেখছি, ত আপনারা একেবারে মরিয়া ; তবে ধরা পড়তে গেলেন কেন ?” আমরা সমস্তের প্রতিবাদ করিয়া তাঁহাকে বুঝাইতে চেষ্টা করিলাম যে, এ কার্যের সহিত আমাদের কিছুমাত্র সম্বন্ধ নাই। তিনি অবিশ্বাসের হাসি হাসিয়া বলিলেন—“আজ্ঞে হাঁ, তা বুঝতেই পারচি। যাই হোক, আপনাদের যা হবার তা হবে ; এখন আমার দফা রফা হয়ে গেল।”

এক সপ্তাহের মধ্যেই ৪৪ ডিগ্রী হইতে সমস্ত কয়েদী অস্ত্রাস্ত্র জেলে চালান করিয়া আমাদের সেখানে স্থানান্তরিত করা হইল। জেল যে কাহাকে বলে, এতদিনে তাহা বুঝিলাম।

পুরাতন সুপারিন্টেন্ডেন্টের উপর নরেন্দ্রের হত্যাকাণ্ডের অসুসন্ধানের ভার পড়িল ; তাঁহার জায়গায় নতুন সুপারিন্টেন্ডেন্ট আসিয়া কাজ করিতে লাগিলেন। পুরাতন জেলার ও ডাক্তার বদলি হইয়া গেলেন। আমাদের হাসপাতাল যাওয়া সম্পূর্ণরূপে বন্ধ হইয়া গেল। অসুখ হইলে কুঠরীর মধ্যে পড়িয়া থাকিতে হইত। কাহারও সহিত আর কাহারও কথা কহিবার উপায় রহিল না। সমস্ত দিন কুঠরীর মধ্যে খাও দাও, আর চুপ করিয়া বসিয়া থাক। জেলের অস্ত্রাস্ত্র অংশ হইতেও কোন লোক ৪৪ ডিগ্রীতে ঢুকিতে পাইত না।

ক্রমে দেশী প্রহরীর পরিবর্তে ইউরোপীয় প্রহরী আসিল, আর দিনের বেলা ও রাত্রি কালে দুইদল গোরু সৈন্ত আসিয়া জেলের ভিতরে ও বাহিরে পাহারা দিতে আরম্ভ করিল। কর্তৃপক্ষের সন্দেহ হইয়াছিল যে, আমরা বোধ হয় জেল হইতে পলাইয়া যাইবার চেষ্টা করিব।

প্রথম দুই কুঠরীতে কানাই ও সত্যেন আবদ্ধ থাকিত। পাঁচ সাত দিন অন্তর এক কুঠরী হইতে অস্ত্র কুঠরীতে বদলী হইতাম। যখন কানাই বা সত্যেনের কাছাকাছি কোন কুঠরীতে আসিতাম, তখন রাত্রিকালে চুপি চুপি তাহাদের সহিত কথা কহিতে পারিতাম। দিনের বেলা কাহারও সহিত কথা কহিবার কোন উপায়ই ছিল না। প্রাতঃকালে

ও বৈকালে আধঘণ্টা করিয়া উঠানের মধ্যে ঘুরিতে পাইতাম ; কিন্তু সকলকেই পরস্পরের কাছ হইতে দূরে দূরে থাকিতে হইত। প্রহরীদের চক্ষু এড়াইয়া কথা কহিবার সুবিধা হইত না।

সমস্ত দিন চুপ করিয়া বসিয়া থাকার যে কি যন্ত্রণা, তাহা ভুক্তভোগী ভিন্ন অপর কাহারও বুঝিবার উপায় নাই। একদিন সুপারিন্টেন্ডেন্ট সাহেবের নিকট হইতে পড়িবার জন্ত বই চাহিলাম। তিনি দুঃখের সহিত জানাইলেন যে, গবর্ণমেন্টের অনুমতি ব্যতীত আমাদের সম্বন্ধে তিনি কিছুই করিতে পারেন না। নরেন্দ্রের মৃত্যুর পর তাঁহার হাত হইতে সমস্ত ক্ষমতা কাড়িয়া লওয়া হইয়াছে।

আমরা যখন বাহিরে ঘুরিতাম, তখন কানাই ও সত্যেনের কুঠরীর দরজা বন্ধ থাকিত। একদিন দেখিলাম, কানাইলালের দরজা খোলা রহিয়াছে। আমরা সেদিকে যাইবার সময় প্রহরীও বাধা দিল না। পরে শুনিলাম যে, কানাইলালের ফাঁসির দিনও স্থির হইয়া গিয়াছে। সেই জন্ত প্রহরীরা দয়া করিয়া কানাইকে শেষ দেখিবার জন্ত আমাদের কাছে ছাড়িয়া দিয়াছে।

যাহা দেখিলাম, তাহা দেখিবার মত জিসিয়ই বটে। আজও সে ছবি মনের মধ্যে স্পষ্টই জাগিয়া রহিয়াছে ; জীবনের বাকি কয়টা দিনও থাকিবে। জীবনে অনেক সাধুসন্ন্যাসী দেখিয়াছি, কানাইএর মত এমন প্রশান্ত মুখচ্ছবি আর বড় একটা নাই। সে মুখে চিন্তার রেখা নাই, বিষাদের ছায়া নাই, চাঞ্চল্যের লেশ যাত্র নাই—প্রকৃত কলমের মত তাহা যেন আপনার আনন্দে আপনি ফুটিয়া রহিয়াছে। চিত্রকূটে ঘুরিবার সময় এক সময় এক সাধুর কাছে শুনিয়াছিলাম যে, জীবন ও মৃত্যু যাহার কাছে তুল্যমূল্য হইয়া গিয়াছে, সেই পরমহংস। কানাইকে দেখিয়া সেই কথা মনে পড়িয়া গেল। জগতে যাহা সনাতন, যাহা সত্য, তাহাই যেন কোন শুভ মুহূর্ত্তে আসিয়া তাহার কাছে ধরা দিয়াছে। আর এই জেল, প্রহরী, ফাঁসীকাঠ, সবটাই মিথ্যা, সবটাই স্বপ্ন। প্রহরীর নিকট শুনিলাম, ফাঁসির আদেশ শুনিবার পর তাহার ওজন ১৬ পাউণ্ড বাড়িয়া গিয়াছে। ঘুরিয়া ফিরিয়া, শুধু এই কথাই মনে হইতে লাগিল যে, চিন্তাবৃত্তিরোধের এমন পথও আছে, যাহা পতঞ্জলিও বাহির করিয়া যান নাই। ভগবানও অনন্ত, আর মানুষের মধ্যে তাঁহার লীলাও অনন্ত।

তাহার পর একদিন প্রভাতে কানাইলালের ফাঁসি হইয়া গেল। ইংরাজশাসিত ভারতে তাহার স্থান হইল না। না হইবারই কথা। কিন্তু ফাঁসির সময় তাহার নির্ভীক, প্রশান্ত ও হাস্যময় মুখশ্রী দেখিয়া জেলের কর্তৃপক্ষরা বেশ একটু ভাবাচাকা হইয়া গেলেন। একজন ইউরোপীয় গ্রহরী আসিয়া চুপি চুপি বারীনকে জিজ্ঞাসা করিল—“তোমাদের হাতে এ রকম ছেলে আর কতগুলি আছে?” যে উদ্ভ্রান্ত জনসমূহ কালীঘাটের ক্ষণে কানাইলালের চিত্তার উপর পুষ্প বর্ষণ করিতে ছুটিয়া আসিল, তাহারাই প্রমাণ করিয়া দিল যে, কানাইলাল মরিয়াও মরে নাই।

কিছুদিন কুঠরীতে বদ্ধ থাকিবার পরে আলিপুরের জজের আদালতে আমাদের মোকদ্দমা আরম্ভ হইল। দিনের মধ্যে ষণ্টা কয়েকের জন্ত একটু খোলা হাওয়া খাইয়া ও লোকজনের মুখ দেখিয়া আমাদের প্রাণগুলি হাঁপ ছাড়িয়া বাঁচিল। দুই একজন ভিন্ন মোকদ্দমার খরচ যোগাইবার পরগা কাহারও নাই; সুতরাং অরবিন্দ বাবুর সাহায্যের জন্ত যে টাকা উঠিয়াছিল, তাহা হইতেই উকিল-ব্যারিষ্টারদের অল্পস্বল্প খরচ দেওয়া হইতে লাগিল। ষাঁহদের অল্প দক্ষিণায় পোবাইল না, তাঁহারা দুই চারিদিন পরেই সরিয়া পড়িলেন; শেষে ত্রিযুক্ত চিত্তরঞ্জন দাশ অর্থের মায়া ত্যাগ করিয়া আমাদের মোকদ্দমা চালাইতে লাগিলেন।

হাইকোর্ট ছাড়িয়া আলিপুরে মোকদ্দমা চালাইতে আসায় ব্যারিষ্টারদের অনেক অসুবিধা; সুতরাং মোকদ্দমা বাহাতে হাইকোর্টে যায়, সে জন্ত তাঁহাদের মধ্যে কেহ কেহ চেষ্টা করিয়াছিলেন, বিশেষতঃ, হাইকোর্টে গেলে বিচারের ভার জুরির উপর পড়িত। বারীষ্টারের বিলাতে জন্ম; সে একজন পুরাদস্তুর European British-born subject, সুতরাং সে ইচ্ছা করিলে মোকদ্দমা হাইকোর্টে লইয়া যাইতে পারিত। কিন্তু ম্যাজিস্ট্রেট যখন তাহাকে জিজ্ঞাসা করেন যে, সে বিলাতী সাহেবের অধিকার চায় কি না, তখন সে একেবারে স্পষ্ট ভাষায় বলিয়া দিয়াছিল—না। কাজে কাজেই আলিপুরের জজের কাছে আমাদের বিচার আরম্ভ হইল।

কিন্তু বিচারের কে খবর রাখে, আমরা হটগোল লইয়াই ব্যস্ত। আদালত খোলার আরও একটা মহানুবিধা এই যে, দুপুর বেলা জলখাবার পাওয়া যায়। জেলের ডাল-ভাত খাইয়া খাইয়া প্রাণপুরুষ

বেরূপ মুমূর্ষু হইয়া পড়িলেন, তাহাতে অনন্তকাল যদি এই মোকদ্দমা চলিত, তবুও জলখাবারটুকুর খাতিরে তিনি ঐ ব্যবস্থায় রাজী হইয়া পড়িতেন।

কোর্টে আসিবার ও যাইবার সময় আমাদের হাতকড়ার ভিতর দিয়া শিকল বাঁধা থাকিত। দুপুর বেলা শৌচ প্রস্রাব ত্যাগ করিতে গেলে সেই হাতকড়া পরান অবস্থায় পুলিশ আমাদের রাস্তা দিয়া টানিয়া লইয়া যাইত। আমাদের জন্ত ততটা ভাবনা ছিল না; কেন না “জাংটার নেই বাট-পাড়ের ভয়।” যাহার মান নাই, তাহার আবার মানহানি কি? কিন্তু অরবিন্দ বাবুকে হাতকড়া পরাইয়া টানিয়া লইয়া যাইতে দেখিলে মনটার ভিতর একটা বিদ্রোহ জমাট হইয়া উঠিত। তিনি কিন্তু নিতান্ত নির্বিরোধ ভদ্রলোকের মত সমস্তই নীরব হইয়া সহ্য করিতেন।

সাক্ষীরা একে একে আসিয়া আমাদের বিরুদ্ধে সাক্ষ্য দিয়া যাইত; আমাদের মনে হইত যেন থিয়েটার দেখিতে আসিয়াছি। উকিল, ব্যারিষ্টারের জেরা; পুলিশ-কর্মচারীদের ছুটাছুটি, সবই যেন একটা বিরাট ভাষা। আমাদের হাশ-কোলাহলে মাঝে মাঝে আদালতের কাজকর্ম বন্ধ হইয়া যাইবার উপক্রম হইত। জজ সাহেব আমাদের হাতকড়া লাগাইবার ভয় দেখাইতেন, ব্যারিষ্টারেরা ছুটিয়া আসিয়া অরবিন্দবাবুকে অহরোধ করিতেন “ছেলেদের একটু থামতে বলুন।” অরবিন্দবাবু নির্বিকার প্রশ্নের মুক্তির মত এক কোণে চুপ করিয়া বসিয়া থাকিতেন; ব্যারিষ্টারদের অহরোধের উত্তরে জানাইতেন যে, ছেলেদের উপর তাঁহার কোনও হাত নাই।

বিচারসংক্রান্ত সব স্থিতিটাই প্রায় ছায়ার মত অস্পষ্ট হইয়া গিয়াছে—শুধু মনে আছে, ইন্সপেক্টর শ্রামশূল আলমের কথা। আমাদের বিরুদ্ধে সাক্ষী-সাব্দ যোগাড় করিবার ভার তাঁহার উপরই ছিল। মিষ্ট কথায় কিরূপে কাজ গোছাইতে হয়, তাহা তিনি ভাল করিয়াই জানিতেন; তাই ছেলেরা তাঁহাকে লক্ষ্য করিয়া গান গাহিত—“ওগো, সরকারের শ্রাম তুমি, আমাদের শূল। তোমার ভিটের কবে চরবে ঘুঘু, তুমি দেখবে চোখে সরসে-ফুল।” আমাদের মোকদ্দমা শেষ হইবার পর সরকার বাহাদুর তাঁহার বখেটে পদোন্নতি করিয়া দেন, কিন্তু অদৃষ্টের নিষ্ঠুর পরিহাসে তাঁহাকে সে পদ-গৌরব অধিক দিন ভোগ করিতে হয় নাই।

কোর্ট-ইন্সপেক্টর ত্রিযুক্ত আবদর রহমান সাহেবের কথাও মনে পড়ে, কেননা আমাদের জলখাবার যোগাইবার ভার তাঁহারই উপর ছিল। দৈত্যকুলে প্রহ্লাদের মত তিনিই ছিলেন পুলিশ-কর্মচারীদের মধ্যে এক মাত্র ভক্তলোক। আমাদের সম্ভবতঃ বীপান্তরে বাঁহিতে হইবে, এই কথা ভাবিয়া, তাঁহার মুখে যে করুণার ছবি ফুটিয়া উঠিত, তাহা আজও বেশ স্পষ্ট মনে পড়ে।

কিন্তু এ সমস্ত বাহিরের কথা আমাদের খুব বেশী আন্দোলিত করিত না। আমাদের মধ্যে তখন অন্তর্বিপ্লব আরম্ভ হইয়া গিয়াছে। তাহাই তখন আমাদের কাছে মোকদ্দিমার দৈনন্দিন ঘটনা অপেক্ষা চের বেশী সত্য।

অষ্টম পরিচ্ছেদ

শুধু কাজ লইয়া যাহাদের একতার বাঁধন, কাজ ফুরালেই তাহাদের একতাও ফুরাইয়া আসে। ধরা পড়িবার পর আমাদের কতকটা সেই দশা ঘটিয়াছিল। বাঁহারা বিপ্লবপন্থী, তাঁহারা সকলেই এক ভাবের ভাবুক নহেন। দেশের পরাধীনতা দূর হওয়া সকলেরই বাঞ্ছনীয়, কিন্তু স্বাধীন হইবার পর দেশকে কিরূপ ভাবে গড়িয়া তুলিতে হইবে, তাহা লইয়া যথেষ্ট মতভেদ ছিল। তাহার পর আমরা যে ধরা পড়িলাম, তাহা কতটা আমাদের নিজেদের দোষে, আর কতটা ঘটনাচক্রের দোষে—তাহা লইয়াও আমাদের মধ্যে ভীত সমালোচনা চলিত। বাহিরে কাজ-কর্মের তাড়ায় যে সমস্ত ভেদ চাপা পড়িয়া থাকিত, ধরা পড়িবার পর তাহা ফুটিয়া বাহির হইতে লাগিল।

একদল শুধু ধর্মচর্চা লইয়াই থাকিতেন; আর বাঁহারা রাজনীতির উপাসক, তাঁহারা ঐ দলকে ঠাট্টা করিয়া দিন কাটাইতেন। ঐ সময় আমাদের মধ্যে হেমচন্দ্র “ভক্তিতত্ত্ব কুস্মাটিকা” কথাটির সৃষ্টি করেন। হেমচন্দ্রের বিশ্বাস যে, ভক্তিতত্ত্বে প্রবেশ লাভ করিলে মানুষের বুদ্ধি ঘোলাটে হইয়া যায়, আর সে কাজের বাহির হইয়া পড়ে। ডকের মধ্যে বসিয়া উভয় দলেরই বিচার কার্য চলিত। দেবব্রত ধর্মতত্ত্ব ব্যাখ্যা করিতেন; হেমচন্দ্র ধার্মিকদিগের নামে ছড়া ও গান বাঁধিতেন। বারীন্দ্র এককোণে দু’ একটি

অমুচর লইয়া কখনও বা ধর্মালোচনা করিত, কখনও বা চুপ করিয়া পড়িয়া থাকিত। আমি উভয় দলেরই রসান্বাদন করিয়া ফিরিতাম।

এই হট্টগোল ও দলাদলির মধ্যে একেবারে নিশ্চল স্থানুর মত বসিয়া থাকিতেন—অরবিন্দ বাবু। কোন কথাতেই হাঁ, না, কিছুই বলিতেন না। জেলের প্রহরীদের নিকট হইতে তাঁহার আচরণ সম্বন্ধে অদ্ভুত অদ্ভুত গল্প শুনিতে পাইতাম। কেহ বলিত—তিনি রাজে নিদ্রা যান না, কেহ বলিত—তিনি পাগল হইয়া গিয়াছেন। ভাত খাইবার সময় আরম্ভলা, টিকটিকি ও পিঁপড়াদের ভাত খাইতে দেন; স্নান করেন না, মুখ ধোন না, কাপড় ছাড়েন না—ইত্যাদি ইত্যাদি। ব্যাপারটা জানিবার জন্য বড় কৌতূহল হইত; কিন্তু তাঁহাকে কোন কথা জিজ্ঞাসা করিবার সাহস কুলাইত না। মাথায় মাখিবার জন্য আমরা কেহই তেল পাইতাম না; কিন্তু দেখিতাম যে, অরবিন্দ বাবুর চুল যেন তেলে চক্‌চক্ করিতেছে। একদিন সাহসে ভর করিয়া জিজ্ঞাসা করিলাম—“আপনি কি স্নান করবার সময় মাথায় তেল দেন?” অরবিন্দ বাবুর উত্তর শুনিয়া চমকিয়া গেলাম। তিনি বলিলেন—“আমি ত স্নান করি না।” জিজ্ঞাসা করিলাম—“আপনার চুল তবে অত চক্‌চক্ হয় কি করে?” অরবিন্দ বাবু বলিলেন—“সাধনের সঙ্গে সঙ্গে আমার শরীরে কতকগুলি পরিবর্তন হয়ে যাচ্ছে। আমার শরীর থেকে চুল বসা (fat) টেনে নেয়।”

দুই একজন সম্মানীয় ওরূপ হইতে দেখিয়াছি; কিন্তু ব্যাপারটা ভাল করিয়া বুঝি নাই। তাহার পর ডকের মধ্যে একদিন বসিয়া থাকিতে থাকিতে লক্ষ্য করিলাম যে, অরবিন্দবাবুর চক্ষু যেন কাচের চক্ষুর মত স্থির হইয়া আছে; তাহাতে পলক বা চাঞ্চল্যের লেশ মাত্র নাই। কোথায় পড়িয়াছিলাম যে, চিত্তের বৃত্তি একেবারে নিরুদ্ধ হইয়া গেলে চক্ষে ঐরূপ লক্ষণ প্রকাশ পায়। দুই একজনকে তাহা দেখাইলাম; কিন্তু কেহই অরবিন্দ বাবুকে কোন কথা জিজ্ঞাসা করিতে সাহস করিল না। শেষে শচীন আস্তে আস্তে তাঁহার কাছে গিয়া জিজ্ঞাসা করিল—“আপনি সাধন ক’রে কি পেলেন?” অরবিন্দ সেই ছোট ছেলেটির কাঁধের উপর হাত রাখিয়া হাসিয়া বলিলেন,—“যা খুঁজছিলাম, তাই পেয়েছি।”

তখন আমাদের সাহস হইল, আমরা তাঁহার চারিদিক ঘিরিয়া বসিলাম। অন্তর্জগতের যে

অপূর্ণ কাহিনী শুনিলাম, তাহা যে বড় বেশী বুঝিলাম, তাহা নহে; তবে, এই ধারণাটা হৃদয়ে বহুমূল হইয়া গেল যে, এই অভূত মানুষটার জীবনে একটা সম্পূর্ণ নূতন অধ্যায় আরম্ভ হইয়া গিয়াছে। জেলের মধ্যে বৈদান্তিক সাধনা শেষ করিয়া তিনি যে সমস্ত তাত্ত্বিক সাধনা করিয়াছিলেন, তাহারও কতক কতক বিবরণ শুনিলাম। জেলের বাহিরে বা ভিতরে তাঁহাকে তজ্ঞশাস্ত্র লইয়া কখনও আলোচনা করিতে দেখি নাই। এ সমস্ত গুহ্য সাধনের কথা তিনি কোথায় পাইলেন জিজ্ঞাসা করার অরবিন্দ বাবু বলিলেন যে, একজন মহাপুরুষ স্মৃৎস্মরীয়ে আসিয়া তাঁহাকে এই সমস্ত বিষয় শিক্ষা দিয়া যান। মোকদ্দমার ফলাফলের কথা জিজ্ঞাসা করার তিনি বলিলেন—“আমি ছাড়া পাব।”

ফলে তাহাই হইল। মোকদ্দমা আরম্ভ হইবার এক বৎসর পরে যখন রায় বাহির হইল, তখন দেখা গেল, সত্যসত্যই অরবিন্দ বাবু মুক্তি পাইয়াছেন। উল্লাসকর ও বারীজের ফাঁসির, আর দশজনের যাবজ্জীবন দ্বীপান্তরের হুকুম হইল। বাকি অনেকের পাঁচ সাত দশ বৎসর করিয়া জেল বা দ্বীপান্তর-বাসের আদেশ হইল। ফাঁসির হুকুম শুনিয়া উল্লাসকর হাসিতে হাসিতে জেলে ফিরিয়া আসিল; বলিল,—“দায় থেকে বাঁচা গেল।” একজন ইউরোপীয় প্রহরী তাহা দেখিয়া তাঁহার এক বন্ধুকে ডাকিয়া বলিলেন—Look look, the man is going to be hanged and he laughs। (দেখ, লোকটার ফাঁসি হইবে, তবু সে হাসিতেছে)। তাঁহার বন্ধুটাই আইরিশ; তিনি বলিলেন—“Yes, I know; they all laugh at death” (হাঁ, আমি জানি; মৃত্যু তাহাদের কাছে পরিহাসের জিনিস।)

১৯০২ এর মে মাসে রায় বাহির হইল। আমরা পনের বোল জন মাত্র বাকি রহিলাম; বাকি সবাই হাসিতে হাসিতে বাহিরে চলিয়া গেল। আমরাও হাসিতে হাসিতে তাহাদের বিদায় দিলাম; কিন্তু সে হাসির তলায় তলায় একটা যেন বৃক্ষাটা কান্না জমাট হইয়া উঠিতেছিল। জীবনটা যেন হঠাৎ অবলম্বনশূন্য হইয়া পড়িল। পণ্ডিত হুবীকেশ মূর্ত্তিমান বেদান্তের মত বলিয়া উঠিলেন—“আরে কিছু নয়, এ একটা দুঃস্বপ্ন।” হেমচন্দ্র ব্রুকে সাহস বাধিয়া বলিলেন—“কুচ পরোয়া নেহি, এ ভি গুজর যারেগা” (কোন ভয় নেই, এদিনও কেটে যাবে)।

বারীজ ফাঁসির হুকুম শুনিয়া ঘাড় নাড়িয়া বলিল—“সেজদা (অরবিন্দ) বলে দিয়েছে, ফাঁসী আমার হবে না।” আমিও সকলকার দেখাদেখি হাসিলাম; কিন্তু বীরের মন যে ধাতু দিয়া গঠিত হয়, আমার মন যে সে ধাতু দিয়া গঠিত নয়, তাহা এইবার বেশ ভাল করিয়াই দেখিতে পাইলাম। মনটা যেন নিতান্ত অসহায় বালকের মত দিশেহারা হইয়া উঠিল। বাকি জীবনটা জেলখানাতেই কাটাইয়া দিতে হইবে! উঃ! এর চেয়ে যে ফাঁসী ছিল ভাল। ভগবানের দোহাই দিয়া যে নির্বিক্রমে দুঃখকষ্ট হজম করিব, সে উপায়ও আমার ছিল না। ভগবানের উপর বিশ্বাসটা অনেক দিন হইতেই ভাঙিয়া পড়িয়াছিল। ছেলেবেলা একবার বৈরাগ্যের ঝুলি কাঁধে লইয়া সাধু সাজিতে বাহির হইয়াছিলাম। তখন ভগবানের উপরে ভক্তি, বিশ্বাস ও নির্ভরের ভাব বেশ একটা ছিল। মায়াবতীর মাঠে স্বামী স্বরূপানন্দের নিকট নির্ভণ ব্রহ্মবাদে দীক্ষিত হইবার পর ধীরে ধীরে সে ভক্তি ও বিশ্বাস কোথায় উড়িয়া গেল। স্বামীজী বিদ্রূপ ও যুক্তিতর্কের তীক্ষ্ণবাণে বিদ্ধ করিয়া যেদিন আমার ভগবানটিকে নিহত করেন, সে দিনের কথা আমার এখনও রেশ মনে পড়ে। এই বিশাল মায়ী-সমুদ্রের মাঝখানে একাকী ডুব-সাঁতার কাটিতে কাটিতে সম্পূর্ণ হিম্মত হইয়া ওপারে নির্বিকল্প সমাধিতে উঠিতে হইবে ভাবিয়া, আমার রক্ত একেবারে শীতল হইয়া গিয়াছিল। নির্বিকল্প সমাধির মধ্যে ডুব দিয়া চূপ করিয়া পড়িয়া থাকার নামই মুক্তি—এ তত্ত্ব আমার মাথার মধ্যে বেশী দিন রহিল না। চরম তত্ত্ব বলিয়া একটা কিছু মানুষ আপনার মধ্যে পাইয়াছে কিনা, সে বিষয়েও সন্দেহ উপস্থিত হইল। মনে হইতে লাগিল, নির্বিকল্প সমাধি হইতে আরম্ভ করিয়া জাগ্রত অবস্থা পর্য্যন্ত সব অবস্থাগুলাই অনন্তের এক একটা দিক মাত্র; এ দুই অবস্থার উপরে ও নীচে এরূপ অনন্ত অবস্থা পড়িয়া আছে। সেই অনন্তের মধ্যে এমন একটা কিছু সত্য আছে, যাহা মানুষের জীবনে কর্মরূপে আপনাকে অভিব্যক্ত করিতে চেষ্টা করিতেছে। স্মৃতরাং জীবনকে ছাড়িয়া পলাইতে যাইব কেন? সমাধির চেয়ে কর্ম কিসে ছোট?

কর্মকেই জীবনের শ্রেষ্ঠ উদ্দেশ্য করিয়া স্বদেশী আন্দোলনে যোগ দিয়াছিলাম। শ্রীযুক্ত লেলে আসিয়া যখন আমাদের মধ্যে ভক্তিমূলক সাধনা প্রবর্ত্তিত করিতে চেষ্টা করেন, তখন মহাবিজ্ঞের জ্ঞান

তাঁহার ভক্তিবাদকে হাসিয়া উড়াইয়া দিয়াছিলাম। সবটাই যখন সেই অনন্তের মূর্তি, তখন ভগবানের যে রূপ জগতে মূর্ত, তাহা ছাড়িয়া অল্প রূপ ধ্যান করিবার সার্থকতা কি? লেলে তখন শুধু এই কথাটা বলিয়াছিলেন—“যাহা বলিতেছ, তাহা যদি বুঝিয়া থাক, তাহা হইলে আর আমার বুঝাইবার কিছু নাই; কিন্তু অষ্টমের মধ্যে ঐশ্বরেরও স্থান আছে, এ কথা ভুলিও না।”

আজ যখন বিধাতা জোর করিয়া কর্মক্ষেত্রে হইতে অপসারিত করিয়া দিলেন, তখন নিজের মধ্যে কোন অবলম্বনই খুঁজিয়া পাইলাম না; একটা অজ্ঞাতপূর্ব আশ্রয় পাইবার জন্য চঞ্চল হইয়া উঠিলাম; প্রাণটা কাতর হইয়া বলিতে লাগিল—“রক্ষা কর, রক্ষা কর”।

বিপদে পড়িলে আর কিছু লাভ না হোক, মানুষ নিজেকে চিনিবার অবসর পায়। কঠোর নিষেধণের মধ্য দিয়া ধীরে ধীরে তাহাই আরম্ভ হইল। সেন্স কোর্টের রায় বাহির হইতেই আমাদের পায়ে বেড়ী লাগাইয়া কুঠরীর মধ্যে ফেলিয়া রাখা হইল। সমস্ত দিন চুপ করিয়া বসিয়া থাকিবার সময় এক একবার মনে হইত যেন পাগল হইয়া গেলাম। মাথার ভিতর উন্মত্ত চিন্তার তরঙ্গ যেন মাথা কাটাইয়া বাহির হইবার চেষ্টা করিতেছে। সমস্ত দিন কাহারও সহিত কথা কহিবার জো নাই।

একদিন সন্ধ্যার সময় এইরূপ চুপ করিয়া বসিয়া আছি, এমন সময় পাশের কুঠরীতে একটা ছেলে চীৎকার করিয়া গান গাইয়া উঠিল। ভাল মান লয়ের সহিত সে গানের বড় একটা সম্বন্ধ নাই; কিন্তু সে গান শুনিয়া খুব এক চোট হো হো করিয়া হাসিয়া আর মাটিতে গড়াগড়ি দিয়া যে আমার প্রচণ্ড মাথাধরা ছাড়িয়া গিয়াছিল, তাহা বেশ মনে পড়ে। গান শুনিয়া চারিদিক হইতে ইউরোপীয় প্রহরীরা ছুটিয়া আসিল; এবং পরদিন সুপারিনটেনডেন্ট সাহেবের বিচারে বেচারার চারিদিন চালগুঁড়া সিদ্ধ (penal diet) খাইবার ব্যবস্থা হইল।

আর একটা ছেলে একদিন দেওয়াল হইতে চুপ খসাইয়া দরজার গায়ে লিখিয়া রাখিল—“Long live Kanailal!” তাহারও চারিদিন সাজা হইল।

প্রহরীদের মধ্যে সকলেই আমাদের জব্দ করিবার চেষ্টায় ফিরিত। কিন্তু হু একজন বেশ ভাল-মানুষও ছিল। আমাদের মধ্যে বাহারী সাজা পাইত,

তাহাদের জন্য একজন ইউরোপীয় প্রহরীকে পকেটে করিয়া কলা লুকাইয়া আনিতে দেখিয়াছি। চুপি চুপি কলা খাওয়াইয়া বেচারার পকেটে পুরিয়া খোঁসাগুলি বাহিরে লইয়া যাইত।

একজন লম্বা চওড়া হাইলাণ্ডার প্রহরী মাঝে মাঝে আমাদের জ্বালাতন করিয়া আপনার প্রহরীজন্য সার্থক করিত। আমরা তাহার নাম দিয়াছিলাম “Ruffian warder”; মাঝে মাঝে সে আমাদের বক্তৃতা দিয়া বুঝাইয়া দিত যে, সে ও তাহার স্বজাতিরা ভারতবর্ষকে সভ্য করিবার জন্য এখানে আসিয়াছে। কিন্তু সকলের চেয়ে মিষ্টমুখ সয়তান ছিল চিফ ওয়ার্ডার স্বয়ং। সে আবার মাঝে মাঝে ধর্মের তত্ত্বকথাও আমাদের শুনাইত; এবং আশা দিত যে, জীবনের বাকি কয়টা দিন ২৭ হইয়া চলিলে স্বর্গে গিয়া আমরা ইংরাজের মত ব্যবহারও পাইতে পারি। হায়রে ইংরাজের স্বর্গ! জেলখানার মধ্যে গালাগালি, মারামারি সবই সহ্য হয়; কিন্তু ইহাদের মুখে ধর্মের বক্তৃতা সহ্য করা দায়।

আমাদের মধ্যে হেমচন্দ্র চিত্র-বিভাগে বেশ নিপুণ। তিনি দেওয়ালের শ্রাওলা, চুপ, ইটের গুঁড়া বসিয়া নানারূপ রং প্রস্তুত করিয়া সুন্দর সুন্দর ছবি দেওয়ালের গায়ে আঁকিয়া রাখিতেন। প্রহরীদের অত্যাচার হইতে বাঁচিবার জন্য মাঝে মাঝে কাগজের উপর নথি দিয়া নানারূপ ছবিও তাহাদিগকে আঁকিয়া দিতেন।

বাহারা চিত্রবিভাগে নিপুণ নন, তাঁহারা মাঝে মাঝে দেওয়ালের গায়ে কবিতা লিখিয়া মনের খেদ মিটাইতেন। একদিন এক কুঠরীর মধ্যে গিয়া দেখিলাম, একজন অজ্ঞাতনামা কবি দেওয়ালের গায়ে দুঃখ করিয়া লিখিয়াছেন—

ছিঁড়িতে ছিঁড়িতে পাট, শরীর হইল কাঠ,
সোনার বরণ হৈল কালি।

প্রহরী যতক বেটা, বুদ্ধিতে বোকা পাটা,
দিন রাত দেয় গালাগালি।

আমাদের সে সময় কাজ ছিল পাট-ছেঁড়া।

মাঝে মাঝে এক আশ্চর্য বৈশিষ্ট্য ভাল কবিতাও নজরে পড়িত। আমার মনের ফাদে কবিতা প্রায় ধরা পড়ে না; কিন্তু এই দুইছত্র বিরূপে আটকাইয়া গিয়াছিল—

“রাখার দুটা রাঙ্গা পায়

অনন্ত পড়েছে ধরা—

উঠে ভালে কত বিশ্ব

চিদানন্দে মাতোয়ারা।”

হায়রে মানুষের প্রাণ। জেলের কুঠরীর মধ্যে বন্ধ থাকিয়াও রাধার ছুটা রান্না পায় আছাড় খাইয়া পড়িতেছে।

সেসম কোর্টের রায় বাহির হইবার পর হইতেই হাইকোর্টে আমাদের আপিলের শুনানি চলিতেছিল। নভেম্বর মাসে রায় বাহির হইল। উল্লাসকর ও বারীশ্বের ফাঁসির হুকুম বন্ধ হইয়া যাবজ্জীবন দ্বীপান্তর বাসের হুকুম হইল। অনেকের কারাদণ্ড কমিয়া গেল, কেবল হেমচন্দ্রের ও আমার যাবজ্জীবন দ্বীপান্তরের দণ্ড পূর্ববৎই রহিয়া গেল।

পাছে দড়ি পাকাইয়া ফাঁসি খাই, সেই ভয়ে আমাদের পাট ছিঁড়িতে দেওয়া বন্ধ হইয়া গেল।

অল্পদিনের মধ্যেই যাহারা দ্বীপান্তর দণ্ডে দণ্ডিত তাহারা ভিন্ন অপর সকলকে ভিন্ন ভিন্ন জেলে পাঠাইয়া দেওয়া হইল। আমরা আন্দামানের জাহাজের প্রত্যাশায় বসিয়া রহিলাম।

নবম পরিচ্ছেদ

হাইকোর্টের রায় বাহির হইবার পর হইতেই পুলিশের আনাগোনা একটু ঘন ঘন আরম্ভ হইয়াছিল—সাজা কমান্ডার প্রলোভনে যদি কেহ কোন নতুন কথা বলিয়া দেয়। আমাদের ধরা পড়বার পরই নানা কারণে এতকথা বাহির হইয়া গিয়াছিল যে, পুলিশের জানিবার আর বোধ হয় বেশী কিছু বাকী ছিল না। কিন্তু তথাপি পুলিশ একবার নাড়া চাড়া দিয়া দেখিল, আর কিছু সংগ্রহ করা যায় কিনা। নির্জ্ঞন কারাবাসের সময় মানুষের মন অপরের সঙ্গে কথা কহিবার জন্য যেক্রম অস্থির হইয়া উঠে, পুলিশেরা তাহা বেশ ভাল করিয়াই জানে। দুই এক মাস যদি কাহারও সহিত কথা কহিতে না পাওয়া যায়, তাহা হইলে মানুষের টিকটিকি, আরম্মুলার সহিতই কথা কহিতে ইচ্ছা হয়—পুলিস ত তবু মানুষ। কতকগুলো বাজে কথা কহিতে গেলে তাহার সহিত দুই একটা গোপনীয় কথাও বাহির হইবার সম্ভাবনা। বিশ ত্রিশ জন লোকের নিকট ঘুরিলে অন্ততঃ চার পাঁচ জনের নিকট হইতে একরূপ এক আখটা কাজের কথা পাওয়া যায়। পুলিশের তাহাই ভরসা।

কথা বাহির হইবার আরও একটা কারণ এই যে, নামে ‘গুপ্তসমিতি’ হইলেও, কতকটা অভিজ্ঞতা ও কতকটা অর্থের অভাবে আমাদের কার্যপ্রণালী

শৃঙ্খলাবদ্ধ হইয়া উঠিতে পারে নাই। ইউরোপীয় গুপ্তসমিতিগুলির ভিন্ন ভিন্ন বিভাগ ভিন্ন ভিন্ন অধ্যক্ষের অধীনে থাকে; এবং এক বিভাগের লোক অন্য বিভাগের লোকের সহিত বিনা প্রয়োজনে পরিচিত হইবার অবসর পায় না। সমিতির অধ্যক্ষদের এই চেষ্টা থাকে, যেন প্রত্যেক ব্যক্তি আপন আপন কর্ম ভিন্ন অপরের কর্ম না জানিতে পারে। এইরূপ নিয়ম থাকায় এক আধ জনের দুর্বলতায় সমস্ত কাজ নষ্ট হইতে পায় না। নানা কারণে সেরূপ ব্যবস্থা আমাদের মধ্যে হইয়া উঠে নাই, আর তাহার উপর আমাদের স্বভাবসিদ্ধ গল্প করিবার প্রবৃত্তি ত আছেই। আমাদের দেশে প্রত্যেক সমিতির ভিতর হইতে যে দুই একজন করিয়া সরকারী সাক্ষী বাহির হইয়াছিল, কার্যপ্রণালীর শিথিলতাই তাহার প্রধান কারণ। দলাদলি ও পরস্পরের প্রতি বিদ্বেষের ফলেও অনেক সময় অনেক সমিতির গুপ্ত কথা প্রকাশ হইয়া গিয়াছে। যে জাতি বহুদিন শক্তির আশ্বাদন পায় নাই, তাহাদের নেতারা যে প্রথম প্রথম ক্ষমতালোলুপ হইয়া দাঁড়াইবে, তাহাতে আশ্চর্য্য বোধ করিবার কিছুই নাই। আর নেতাদিগের মধ্যে অযথা প্রভুত্ব প্রকাশের ইচ্ছা থাকিলে অমুচরদিগের মধ্যে দ্বিধা ও অসন্তুষ্টি অনিবার্য।

একটা সুবিধার কথা এই যে, গল্প করিবার প্রবৃত্তি শুধু আমাদের মধ্যে আবদ্ধ নহে। ইউরোপীয় প্রহরীরাও প্রায় সমস্ত দিন জেলের মধ্যে থাকিয়া ইপাইয়া উঠিত। তাহাদের মধ্যেও বেশ একটু দলাদলি ছিল। একদল অপর দলকে জব্দ করিবার জন্য মাঝে মাঝে আমাদেরও সাহায্যপ্রার্থী হইত; এবং তাহাদের কথাপ্রসঙ্গে জেলের অনেক গুপ্ত রহস্য প্রকাশ পাইত।

কিছুদিন এইরূপ থাকিবার পর শুনিলাম যে, Civil Surgeon আমাদের আন্দামানে পাঠাইবার জন্য পরীক্ষা করিতে আসিবেন। যথাসময়ে Civil Surgeon আসিয়া পেট টিপিয়া, চোখ দেখিয়া, সাতজনের ভবনদী পারের ব্যবস্থা করিয়া গেলেন। সুধীর ও আমি তখন রক্ত-আমাশয়ে ভুগিতেছিলাম বলিয়া আমাদের আরও কিছুদিনের জন্য অপেক্ষা করিতে হইল।

সাধারণ কয়েদীর পক্ষে নিয়ম এই যে, একবার রোগের জন্য আন্দামান যাওয়া বন্ধ থাকিলে, আরও তিন মাস অপেক্ষা করিতে হয়; কিন্তু আমাদের বেলা সে আইন খাটিল না। সরকার বাহাদুরের

আদেশক্রমে আমাদের ছয় সপ্তাহের মধ্যেই পাঠাইয়া দেওয়া হইল।

কারাগৃহ হইতে একবার দেশকে শেষ দেখা দেখিয়া লইলাম। একদিন ভোরবেলা আমাদের হাতে হাতকড়ি লাগাইয়া আমাদের একখানা গাড়ীতে চড়ান হইল। দুই পাশে দুইজন সার্জেন্ট বসিল; আর গাড়ী খিদিরপুর ডকের দিকে ছুটিল।

জাহাজে উঠাইয়া দিয়া একজন সার্জেন্ট বিজ্ঞপ করিয়া বলিল—Now say, 'my native land, farewell,' আমরা হাসিয়া বলিলাম—“Au revoir!” বলিলাম বটে, কিন্তু ফিরিবার আশাটা নিতান্তই জ্বরদন্তি মনে হইতে লাগিল।

রাজনৈতিক কয়েদী আমরা শুধু দুই জন মাত্র ছিলাম—সুধীর ও আমি। জাহাজের খোলের মধ্যে একটা কামরায় আমরা ছিলাম; অপর কামরায় অস্ত্রান্ত কয়েদী ছিল। জাহাজের একজন বাচ্ছা কর্মচারী আসিয়া আমাদের ফটো তুলিয়া লইল। বিলাতের কোন্ কাংজে সে এই সমস্ত ফটো ছাপিবার জন্য পাঠাইয়া দেয়। কথাটা শুনিবামাত্র পাগড়ীটা ভাল করিয়া বাঁধিয়া লইলাম। সস্তাদরে যদি একটা ছোট খাট বড়লোক হইয়া পড়া যায় ত মন্দ কি।

তিন দিন তিন রাত সেই জাহাজের খোলের মধ্যে চিড়া চিবাইতে চিবাইতে বাইতে হইবে দেখিয়া, সুধীর ত বিদ্রোহী হইয়া উঠিল। সে একটা হাতীর মত জোয়ান—তিন মুঠো চিড়া চিবাইয়া তাহার কি হইবে? পুলিশের একজন পাঞ্জাবী মুসলমান হাওলদার বলিল—“বাবু, যদি আমাদের হাতের ভাত খাও, ত দিতে পারি।” মুসলমানদের মধ্যে সহানুভূতিও আছে, আর ভাত খাওয়াইয়া হিন্দুর জাত মারিবার ইচ্ছাও একটু একটু আছে। আমরা বলিলাম—“খুব ভাল কথা। আমাদের জাত এত পাকা যে, যে কোন লোকের হাতের ভাত খাইলেও তাহা ভাঙ্গিয়া পড়ে না।” সেখানে শিখ হাওলদারও ছিল, তাহারা ভাবিল পেটের জ্বালায় আমরা পরকালটা একেবারে নষ্ট করিতে বসিয়াছি। তাই তাহারাও আমাদের ভাত দিতে চাহিল। আমরা নির্ঝিন্দা উভয় দলের রান্না ভাত খাইয়া পেটের জ্বালাও থামাইলাম, ও আপনাদের উদারতাও প্রশংসা করিলাম। শিখেরা ভাবিল—“বাঙ্গালী বাবুরা বুদ্ধিমান বটে, কিন্তু উহাদের ধর্ম্মার্থ জ্ঞান একেবারে নাই।” বাই

হোক, ধর্ম্ম ঝাটিল কি মরিল, তাহা ঠিক জানি না, কিন্তু ছুটি ভাত খইয়া সে যাত্রা প্রাণটা বাঁচিয়া গেল। জাহাজে আমাদের নোয়াখালী জেলার অনেকগুলি বাঙ্গালী মুসলমান মান্নাও ছিল, তাহাদের হাতে রান্না ভাত ও কুমড়ার ছকা বেন অমৃতোপম মনে হইল।

বাই হোক, কোনও রূপে তিন দিন জাহাজে কাটাইয়া চতুর্থ দিনে পোর্টব্লেরারে হাজির হইলাম। দূর হইতে জায়গাটি বড়ই রমণীয় মনে হইল। গারি গারি নারিকেল গাছ, আর তাহার মাঝে মাঝে সাহেবদের বাংলোগুলি যেন একখানি ফ্রেমে বাঁধান ছবির মত। ভিতরের কথা তখন কে জানিত?

দূরে একখানা প্রকাণ্ড ত্রিভুজ বাড়ী দেখাইয়া দিয়া একজন সিপাহী বলিল—“ঐ কালাপানীর জেল, ঐখানে তোমাদের থাকিতে হইবে।”

জাহাজ আসিয়া বন্দরে লাগিল। ডাক্তার আসিয়া সকলকে পরীক্ষা করিয়া গেল। তাহার পর ডাক্তার নামিয়া আমরা বিছানা মাথায় করিয়া বেড়ী বাজাইতে বাজাইতে জেলের দিকে রওনা হইলাম।

জেলের মধ্যে ঢুকিবামাত্র একজন স্থলকায় ধর্ম্মাক্রান্ত খেতাজ পুরুষ আমাদের আপাদ মস্তক নিরীক্ষণ করিয়া বলিলেন—“So, here you are at last! Well, you see that block yonder. It is there that we tame lions. You will meet your friends there, but mind you don't talk”

(এই যে এসেছে। ঐ দেখছো বাড়ীটা, ঐখানে আমরা সিংহদের পোষ মানাই। ওখানে তোমার বন্ধুদের দেখতে পাবে, কিন্তু খবরদার, কথা ক'রো না)।

আমরাও খেতাজটিকে একবার চক্ষু দিয়া মাপিয়া লইলাম। লম্বায় পাঁচ ফুট, আর চওড়ায় প্রায় তিন ফুট। একটি প্রকাণ্ড কোলা ব্যাঙ্কে কোট-পাণ্টুলান পরাইয়া মাথায় টুপি পরাইয়া দিলে যেরূপ দেখায়, অনেকটা সেই রকম। তখন জানিতাম না, ইনিই মহামহিম শ্রীমান্ ব্যারী, জেলের হর্ত্তা কর্ত্তা বিখ্যাত। তাহার বুলডগের মত মুখখানি দেখিলে মনে হয় যে, কয়েদী তাড়াইতে বাঁহাদের জন্য, ইনি তাঁহাদের অন্ততম। ভগবান নির্জনে বসিয়া ইঁহাকে কালাপানির জেলে কর্ত্ত্ব করিবার

জুজুই গড়িয়াছিলেন। তাঁহাকে দেখিলে Uncle Tom's Cabin এর লেখিকে মনে পড়ে।

ভবিষ্যতে তাঁহার সহিত ভাল করিয়া পরিচিত হইবার অবসর পাইয়াছিলাম, কেননা প্রায় এগার বৎসর তাঁহার অধীনে এই জেলে বাস করিতে হইয়াছিল।

ইনি রোমান ক্যাথলিক আইরিশ। সারা বৎসর কয়েদী ঠেকাইয়া যে পাপের বোঝা তাঁহার ঘাড়ে চড়িত, তাহা যীশুখ্রীষ্টের জন্মদিন উপলক্ষে গির্জায় গিয়া পাদরী সাহেবের পদপ্রান্তে নামাইয়া দিয়া আসিতেন। বৎসরের মধ্যে ঐ একদিন তিনি শাস্ত সোম্যমুর্তি ধরিতেন; সে দিন কোন কয়েদীকে তাড়না করিতেন না; আর বাকি ৩৬৪ দিন মুর্ত্তমান যমের মত কয়েদী তাড়াইয়া বেড়াইতেন।

কয়েদীদের স্বভাবের মধ্যে এই বিশেষত্ব লক্ষ্য করিয়াছি যে, দুর্দান্ত লোকদিগের প্রতি তাহারা সহজেই আকৃষ্ট হয়, এবং এইরূপ লোকদিগেরই সহজে বশতা স্বীকার করে। ব্যারী সাহেবের নিকট প্রহার খাইবার পর অনেক কয়েদীকে বলিতে শুনিয়াছি—“শালা বড় মরদ হৈ।” বাহারা ভাল মানুষ, তাহারা কয়েদীদের মতে স্ত্রী জাতীয়। কয়েদীরা কোন কুকার্য করিয়া ভগবানের নাম করিয়া ক্ষমা চাহিলে ব্যারী বলিতেন—“জেলখানা আমার রাজ্য; এটা ভগবানের এলাকাভুক্ত নহে। ত্রিশ বৎসর ধরিয়া আমি পোর্টরেক্সারে আছি; একদিনও এখানে ভগবানকে আসিতে দেখি নাই।”—ব্যারী সাহেবের মুখের কথা হইলেও ইহা সম্পূর্ণ সত্য।

জেলে পৌঁছিতে না পৌঁছিতেই আমাদের মধ্যে বাহারা ব্রাহ্মণ, তাহাদের পৈতা কাড়িয়া লওয়া হইল। দেশের জেলে ঐরূপ কোনও নিয়ম না থাকিলেও, কালাপানিতে ঐ নিয়মই বলবৎ। জেল জগন্নাথক্ষেত্র, এখানে জাতিভেদ মরিয়া প্রেতলশা লাভ করিয়াছে। তবে মুসলমানদের দাড়ি বা শিখের চুলে হাত দেওয়া হয় না; কিন্তু গোবেচারী ব্রাহ্মণের পৈতা কাড়িতে সবাই ক্ষিপ্ৰহস্ত। তাহার কারণ—শিখ, মুসলমান গোঁয়ার, কিন্তু ব্রাহ্মণ নিরীহ। যাই হোক, তেজহীন ব্রাহ্মণের নির্বিষ খোলসখানাকে ত্যাগ করিয়া আমরা বাঁকের কই বাঁকে মিশিয়া গেলাম।

জেলে ঢুকিলে প্রথমেই নজরে পড়ে বহু জাতির সমাবেশ। বাঙ্গালী, হিন্দুস্থানী, পাঞ্জাবী, পাঠান,

সিন্ধী, বর্ম্মা, মাদ্রাজী, সব মিশিয়া খিচুড়ি পাকাইয়া গিয়াছে। হিন্দু মুসলমানের সংখ্যা প্রায় সমান সমান; বর্ম্মাও যথেষ্ট। ভারতবর্ষে মুসলমানের সংখ্যা প্রায় হিন্দুর এক-চতুর্থাংশ কিন্তু জেলখানায় হিন্দু মুসলমানের সংখ্যা প্রায় সমান কি করিয়া হইল, তাহা স্থির করিতে গেলে উভয় জাতির একটা প্রকৃতিগত পার্থক্য আছে বলিয়া মনে হয়। ব্রহ্মদেশে লোকসংখ্যা মোট এক কোটি; অর্থাৎ সমস্ত বাঙ্গালীর প্রায় চার ভাগের এক ভাগ; কিন্তু এখানে বাঙ্গালী অপেক্ষা ব্রহ্মদেশীয় লোকের সংখ্যা অনেক বেশী। খুন, মারামারি করিতে ব্রহ্মদেশীয় লোক বিশেষ মজবুদ। অল্পদিন মাত্র তাহারা স্বাধীনতা হারাইয়াছে, সুতরাং ভারতবর্ষের লোকের মত একেবারে শিষ্ট শাস্ত হইয়া যায় নাই। হিন্দুস্থান ব্যতীত অত্র দেশের উচ্চশ্রেণীর লোকের সংখ্যা খুব কম। শিক্ষা প্রচারের আধিক্যবশতঃই হোক বা প্রকৃতির নিরীহতাবশতঃই হোক, মাদ্রাজী ব্রাহ্মণ একেবারে নাই বলিলেই চলে। আমরা যে সময় উপস্থিত হইলাম, তখন জেলখানার মধ্যে পাঠানের প্রাধান্ত খুব বেশী। সব জাতিকে একত্র রাখার ফলে যে দুর্বল জাতিদের উপর অযথা অত্যাচার যথেষ্ট হয়, তাহা বলাই বাহুল্য।

দিনকত থাকিতে থাকিতেই দেখিলাম যে, জেলখানায় দুর্বলের পক্ষে সুবিচার পাইবার কোনই সম্ভাবনা নাই। কর্ম্মচারীদের বিরুদ্ধে সাক্ষ্য-সাবুদ দিবার বুকের পাটা কয়েদীদের মধ্যে বড় একটা দেখা যায় না। পরের জন্ত নিজের ঘাড়ে বিপদ কে টানিয়া আনিতে যাইবে? যে যার নিজের নিজের প্রাণ বাঁচাইতেই ব্যস্ত। বাহারা খোলামোদ করিতে সিদ্ধহস্ত, মিথ্যা কথা বাহারা জলের মত বলিয়া যাইতে পারে, তাহারাই 'কর্তৃপক্ষের কাছে ভাল মানুষ এবং তাহারাই প্রভুদিগের প্রসাদ লাভে সমর্থ। আর বাহারা স্ত্রায় বিচারের প্রত্যাশা করিয়া অপরের জন্ত লড়াই করিতে যায়, তাহাদের অদৃষ্টে বিনা মেঘে বজ্রাঘাত ঘটে। মিথ্যা মোকদ্দমার ফাঁদে পড়িয়া তাহারা অযথা প্রহার খাইয়া মরে। ফলে জেলখানায় যত কয়েদী আসে, তাহার মধ্যে একজনও যে জেল খাটার ফলে গচ্ছরিত হইয়া যায়, তাহা মনে করিবার কারণ নাই।

বাস্তবিকই কয়েদীদের ভাল করিয়া তুলিবার চেষ্টা সেখানকার কর্তৃপক্ষদের মোটেই নাই বলিলে চলে। অসচ্ছরিত করিয়া তোলাতেই যে জেলখানার সার্থকতা, সে ধারণাও তাঁহাদের আছে বলিয়া মনে

হয় না। কয়েদী তাঁহাদের কাছে কাজ করিবার যত্ন বিশেষ, আর যে অফিসার কয়েদী ঠেকাইয়া যত বেশী কাজ আদায় করিতে পারে, সে তত কাজের লোক; তাহার পদোন্নতি তত দ্রুত।

আর একটা মজার কথা এই যে, সে উন্ট রাভার দেশে মুড়ি মিছরী সব একদর—সব রকম অপরাধের জন্ত দণ্ডিত কয়েদীই প্রায় এক রকম ব্যবহার পায়। কঠোর বা লঘু পরিশ্রমের সঙ্গে সব সময় অপরাধের গুরুত্বের বা লঘুত্বের বড় একটা সম্বন্ধ থাকে না। যে সময় কোথাও নারিকেল ছোবড়ার তার (cior) পাঠাইবার দরকার হয়, সে সময় সকলকেই ছোবড়া কুটিতে লাগাইয়া দেওয়া হয়, আর যখন নারিকেল বা সরিষার তেলের আবশ্যক হয়, তখন একটু মোটাসোটা সকলকেই ধরিয়া ঘানি গাছে জুড়িয়া দেওয়া হয়। সবটাই ব্যবসাদারী কাণ্ড। কয়েদী সরকার বাহাদুরের গোলাম; আপনাদের দেহের রক্ত জল করিয়া সরকারী কোষাগার পূর্ণ করাতেই তাহাদের অস্তিত্বের সার্থকতা।

অপরাধের তারতম্য অনুসারে কয়েদীকে ভিন্ন ভিন্ন শ্রেণীভুক্ত করিবার প্রথা সরকারী পুঁথিতে আছে বটে, কিন্তু কার্যকালে তাহা ঘটয়া উঠে না। কিসে জেলের আয় বৃদ্ধি হয়, সুপারিন্টেন্ডেন্ট হইতে আরম্ভ করিয়া চূণো পুঁটি অফিসার পর্যন্ত সকলেরই সেই দিকে দৃষ্টি। কয়েদী মরুক আর বাঁচুক, কে তাহার খবর রাখে? ভারতবর্ষে লোকের অভাবও নাই আর মাসে মাসে জাহাজ বোঝাই করিয়া দরকার মত কয়েদী সরবরাহ করিবার জন্ত বিলাতী বিচারকেরও অভাব নাই।

একবার একটা পাগলকে জেলখানায় দেখিয়াছিলাম। বেচারীর বাড়ী বর্ধমান জেলায়; জেলখানায় সে বাড়ুদারের কাজ করিত। তাহার নিজের বাড়ীর সম্বন্ধেও তাহার ধারণা অতি অস্পষ্ট; কেন যে সে সাজা পাইয়া কালাপানিতে আসিয়াছে, তাহাও ভাল করিয়া বুঝিত না। এক দিন তাহাকে জিজ্ঞাসা করিলাম—“তোমরা ক ভাই?” সে উত্তর করিল—“সাত।” তাহাদের নাম করিতে বলায় সে আঙ্গুলের পাঁচ গণিয়া পাঁচ জনের নাম করিল। বাকি দুইজনের নাম করিতে বলায় উত্তর দিল—“ভুলে গেছি।” তাহার খাওয়ান-পরার বড় একটা ঠিকানা থাকিত না; কখন আপন মনে চুপ করিয়া বসিয়া থাকিত; কখনও বা সারাদিন রাস্তা পরিষ্কার করিয়া বেড়াইত। একটু লক্ষ্য করিলেই বুঝিতে

পারা যায় যে, লোকটার মাথা খারাপ। তাহাকে পাগলা গারদে না দিয়া কোন সুবিচারক যে তাহার যাবজ্জীবন বীপান্তরের ব্যবস্থা করিয়াছেন, তাহা বলিতে পারি না। এরূপ দৃষ্টান্ত জেলখানায় অনেক পাওয়া যায়।

তবে মাঝে মাঝে দুই একজন এমন ওস্তাদ মিলে, যাহারা কাজের ভয়ে পাগল সাজে। একজন বাঙালীকে এরূপ দেখিয়াছিলাম। একদিন বেগতিক বুঝিয়া সে মাথায় কাপড় বাঁধিয়া গান জুড়িয়া দিল। চোখে চুণের সামান্য গুড়া লাগাইয়া চোখ দুইটা লাল করিয়া লইল; আর আবল তাবল বকিতে আরম্ভ করিল। ভাত খাইবার সময় মুখ ফিরাইয়া বসিয়া রহিল। গ্রহরীরা তাহাকে জেলারের কাছে ধরিয়া লইয়া গেল। জেলার গোটা দুই কলা আনিয়া তাহার হাতে দিলেন। সে কলা দুটো খাইয়া পরে খোসাগুলোও মুখে পুরিয়া চিবাইতে লাগিল। জেলার স্থির করিলেন লোকটা সত্য সত্যই পাগল; তা' না হইলে খোসা চিবাইতে যাইবে কেন? লোকটা ফিরিয়া আসিলে তাহাকে জিজ্ঞাসা করিলাম—“হারে, খোসা চিবুতে গেলি কেন?” সে বলিল—“কি করি, বাবু সাহেব, বেটাকে ত বোকা বানাতে হবে। একটু কষ্ট না করলে কি আর পাগল হওয়া চলে?”

দশম পরিচ্ছেদ

বাংলা ভাষায় “উঠতে লাগি, বসতে বাঁটা” বলিয়া যে একটা কথা আছে, তাহার অর্থ যে কি, তাহা জেলখানায় দুই চারি দিন থাকিতে থাকিতেই বেশ বুঝিতে পারিলাম। একেত আমাদের পরস্পরের সহিত কথা কহিবার জো নাই; তাহার উপর যেখানে আমাদের রাখা হইয়াছিল, সেখানে শুধু মাজাজী আর ব্রহ্মদেশীয় লোক। কাহারও কথার এক বর্ণও বুঝিবার উপায় নাই। আহাদের ব্যবস্থা দেখিলে প্রবল বৈরাগ্য উপস্থিত হয়। রেঙ্গুন চালের ভাত, ও মোটা মোটা রুটি, এ না হয় এক রকম চলে; কিন্তু কচুর গোড়া, ডাঁটা ও পাতা, চুপড়ি আলু, খোসাসমেত কাঁচা কলা ও পুঁই শাক, ছোট কাঁকর আর ইন্দুরনাদি এক সঙ্গে সিদ্ধ করিয়া যে পরম উপাদেয় ভোজ্য প্রস্তুত হয়, তরকারীর বদলে তাহার ব্যবহার করিতে গেলে

চক্ষে জল না আসে, বাঙলা দেশে এমন ভদ্রলোকের ছেলে এ দুর্ভিক্ষের বৎসরেও বড় বিরল।

কাজ কর্ত্তের ব্যবস্থাও বেশ চমৎকার। কালাপানিতে প্রচুর পরিমাণে নারিকেল জন্মায়। সেগুলি সবই সরকারী সম্পত্তি। সেই জন্ত সেখানে প্রধানতঃ নারিকেল লইয়াই কারবার। নারিকেলের ছোবড়া পিটিয়া তার বাহির করা ও তাহা হইতে দড়ি পাকান, শুষ্ক নারিকেল ও সন্নিবা ঘানিতে পিষিয়া তেল বাহির করা, নারিকেলের মালা হইতে হাঁকার খোল প্রস্তুত করা—এই সমস্তই জেলখানার প্রধান কাজ। এ ভিন্ন এখানে বেতের কারখানাও আছে। তাহাতে প্রধানতঃ অল্পবয়স্ক ছেলেরাই কাজ করে।

ঘানি ঘুরান ও ছোবড়া পেটাই সব চেয়ে কঠিন। আমাদের মধ্যে বারীন্দ্র ও অরিনাশ নিতান্ত দুর্বল ও ক্লান্ত বলিয়া, তাহাদিগকে দড়ি পাকাইতে দেওয়া হইল; অপর সকলের ভাগ্যে ছোবড়া পেটা মিলিল। সকাল বেলা উঠিয়া শৌচকর্ম্মের কিঞ্চিৎ পরেই সকলে অন্ন বা “কজ্জি” গলাধঃকরণ করিয়া, “ল্যাকোট” আঁটিয়া, ছোবড়া পিটিতে বসিয়া যাইতে হয়। প্রত্যেককে বিশটা নারিকেলের শুষ্ক ছোবড়া দেওয়া হয়। একখণ্ড কাঠের উপর এক একটি ছোবড়া রাখিয়া একটা কাঠের মুণ্ডর দিয়া তাহা পিটিতে পিটিতে ছোবড়াটা নরম হইয়া আসে। ছোবড়াগুলি পিটিয়া নরম হইলে তাহাদের উপরকার খোসা উঠাইয়া ফেলিতে হয়। তাহার পর সেইগুলি জলে ভিজাইয়া পুনরায় পিটিতে হয়। পিটিতে পিটিতে ভিতরকার ভূসি ঝরিয়া গিয়া কেবলমাত্র তারগুলিই অবশিষ্ট থাকে। এই তারগুলি রোদ্রে শুকাইয়া পরিকার করিয়া প্রত্যহ এক সেরের একটা গোছা প্রস্তুত করিতে হয়।

প্রথম দিন এই ছোবড়া পেটা ব্যাপারটা হাঁ করিয়া বুঝিতেই আমাদের অনেককণ্ণ গেল; তাহার পর পিটিতে গিয়া দেখিলাম, হাতময় ফোন্স পড়িয়া গিয়াছে। সমস্ত দিন মাথা খুঁড়িয়া কোন রকমে আধ পোয়া তার প্রস্তুত করিলাম। অষ্টমীর পাঠায় মত কাঁপিতে কাঁপিতে যখন বেলা তিনটার সময় কাজ দাখিল করিতে হাজির হইলাম, তখন দাঁত খিচুনির বহর দেখিয়াই চক্ষু স্থির হইয়া গেল। গালাগালিটা নির্বিন্যাসে হজম করিবার সু-অভ্যাস কস্মিনকালেও ছিল না; আজ বিদেশে এই শত্রু-পুত্রীর মধ্যে কঠোর পরিশ্রম ও গালাগালি সঘল করিয়া দীর্ঘজীবন কাটাতে হইবে ভাবিয়া, যেন

প্রাণটা হাঁপাইয়া উঠিতে লাগিল। আর সে গালাগালির বা কি বাহার। শরৎবাবুর কি একখানা বই পড়িয়াছিলাম যে, গালাগালিতে হিন্দুস্থানীর মত লম্বা ভিহ্বা আর কোন জাতির নাই। তাঁহাকে একবার পোর্টব্লেকারে গিয়া ভাষাতত্ত্বের অমূল্য লিখন করিতে আমাদের সবিনয় অনুরোধ। হিন্দুস্থানীর সহিত পাঞ্জাবী, পাঠান ও বেলুচ মিশিয়া যে অমৃতের উৎস সেখানে খুলিয়া দিয়াছে, তাহার আনন্দন একবার বাহার অদৃষ্টে ঘটয়াছে, সেই মজিয়াছে। স্নাত জন্ম সে ভাষা চর্চ্চা করিলেও আমাদের দেশের হাড়ী, বাগ্দী পর্য্যন্ত সে রসে সম্যক অধিকারী হইতে পারিবে কি না সন্দেহ। বীভৎসতার মধ্যে এত রকমারি থাকিতে পারে, পূর্বে তাহা জানিতাম না।

মাঝে মাঝে এক আধজন প্রহরী একটু ভাল কথাও বলিত। একদিন সন্ধ্যার সময় গালাগালি খাইয়া মুখ চূর্ণ করিয়া কুঠরির মধ্যে বসিয়া আছি, এমন সময় একজন পাঠান প্রহরী জিজ্ঞাসা করিল—“বাবু, কি হয়েছে?” আমি গালাগালি খাওয়ার কথা বলিলাম। সমস্ত শুনিয়া সে বলিল—“দেখ বাবু, আমি প্রায় চার পাঁচ বৎসর এই জেলে আছি। গালাগালি খেয়ে যারা মন গুমনে বসে থাকে, তারা হয় পাগল হয়ে যায়, নয় ত মারামারি করে ফাঁসি খায়। ও সব মন থেকে ঝেড়ে ফেলাই ভাল। খোদাতালার হুকুমে এমন দিন চিরকাল থাকবে না।” অব্যাহিত উপদেশ প্রায়ই ভাল লাগে না, কিন্তু পাঠানের মুখে খোদাতালার নাম সে রাজ্জে বড় মিষ্ট লাগিয়াছিল। মাঘষ যখন সব আশ্রয় হাগাইয়া দিশেহারা হইয়া পড়ে, তখন অগতির গতিকে তাহার মনে পড়ে। সেই জন্তই জেলখানায় দেখিতে পাই যে, বাহারা দুর্দান্ত পাষাণ, তাহারাও এক একগাছা মালা লইয়া নাম জপ করে। প্রথম প্রথম এসব দেখিয়া বড় হাসি পাইত। তাহার পর মনে হইতে লাগিল—ইহাতে হাসিবার কি আছে? আন্তর্ভক্তও ত ভগবানের ভক্তের মধ্যে গণ্য।

ছোবড়া পিটিয়া, কচু পাতার তরকারী ও গালাগালি খাইয়া, একরকমে ত দিনগত পাপকর্ম্ম করিতে লাগিলাম; কিন্তু উপদেবতাদের দোরায়ে ক্রমে জীবন প্রায় অতিষ্ঠ হইয়া উঠিতে লাগিল। দেশের জেলে যেমন ‘মেট’ ও কালাপাগড়ী, কালাপানিতে সেইরূপ warder, petty officer, tindal ও জমাদার। সাধারণ কয়েদীই পাঁচ সাত বৎসর সাজা কাটিবার পর এই সব পদে উন্নীত হয়; কিন্তু

কালাপানিতে ক্ষুদ্র বৃহৎ বহুবিধ কর্ণের ভার ও কর্তৃত্ব ইহাদের উপর স্তম্ভ। যমরাজ্যের কারাধ্যক্ষের ইহারাই প্রহরী। ছেলেবেলা একজন সুরসিক বাঙালী বক্তার মুখে শুনিয়াছিলাম যে, যিনি “আঠে পিঠে” মারেন, তিনিই “মাঠার”। আমারও সেইরূপ মনে মনে একটা বেশ বিশ্বাস জন্মিয়াছিল যে, “প্রহার” শব্দের সহিত “প্রহরী” শব্দের নিশ্চয় একটা ঘনিষ্ঠ সম্বন্ধ আছে। গালাগালি ও মারপিটে ইহার সকলেই সিদ্ধহস্ত। “রামলাল ফাইলে টেড়া হইয়া বসিয়াছে, দাঁও উহার ঘাড়ে দুইটা রুদা; মুক্তকা আওয়াজ দিবামাত্র খাড়া হয় নাই, অতএব উহার গৌক ছিঁড়িয়া লও; বকাউল্লার পায়খানা হইতে কিরিতে বিলম্ব হইয়াছে, অতএব তিন ডাঙা লাগাইয়া উহার পশ্চাদ্দেশ ঢিলা করিয়া দাও।” এইরূপ বহুবিধ সদৃশ্যক্তি প্রয়োগে তাঁহারা জেলখানার শাস্তি (discipline) রক্ষা করেন।

কয়েদীরা অনেক সময় গলার মধ্যে গর্ত করিয়া পয়সা-কড়ি লুকাইয়া রাখে; নানারূপে অত্যাচার করিয়া কয়েদীর নিকট হইতে সেই পয়সার ভাগ আদায় করাই প্রহরীদের প্রধান উদ্দেশ্য। আমাদের ত পয়সা-কড়ি নাই, আমরা যাই কোথায়? বারীজ নিতান্ত জীর্ণশীর্ণ বলিয়া হাসপাতাল হইতে তাহার প্রত্যহ বারো আউন্স দুগ্ধ পাইবার ব্যবস্থা ছিল। আমাদের petty officer খোয়েদাদ মিঞার মুখে সেই দুধটুকু ঢালিয়া দিয়া তবে সে অত্যাচারের হাত হইতে নিস্তার পাইত। খোয়েদাদ একজন প্রচণ্ড নমাজী মোল্লা; পুরাদস্তুর “খোদাকা বন্দা।” তিনি তাঁহার গৌফাঁটা মুখখানির মধ্যে দুধটুকু ঢালিয়া দিতে দিতে বলিতেন—“ইয়া: বিসমিল্লা! খোদানে কেয়া আজব্ চিঙ্গ পয়দা কিয়া।”

আরও বিপদের কথা এই, এ সকল অত্যাচারের প্রতিকার নাই। রক্ষকই যেখানে ভক্ষক, সেখানে প্রাণ বাঁচে কিরূপে?

এইরূপে ছয় মাস যাইতে না যাইতে নাসিক, খুলনা ও এলাহাবাদ হইতে দশ বারো জন রাজ-নৈতিক কয়েদী আসিয়া উপস্থিত হইলেন। সর্বসমেত আমাদের সংখ্যা হইল প্রায় বিশ বাইশ জন।

এই সময় আমাদের ভাগ্যগগনে নূতন জেল-সুপারিন্টেন্ডেন্টরূপী এক ধুমকেতুর উদয় হইল। আমাদের কপাল এইবার পুরাপুরি ভাঙ্গিল। তিনি আসিবার কিছুদিন পরেই আমাদের জনকতককে ঘানিতে দিয়া তেল পিষাইবার ব্যবস্থা করিলেন।

উল্লাসকরকে যে সরিষা পিষিবার ঘানিতে জোড়া হইল, তাহা অনেকটা আমাদের কলুর বাড়ীর দেশী ঘানির মত; আর হেমচন্দ্র, সুধীর, ইন্দু প্রভৃতি বাকি কয়জনকে যে ঘানিতে পাঠান হইল, তাহা হাত দিয়া ঘুরাইতে হয়। প্রত্যহ এক এক জনকে দশ পাউণ্ড সরিষার তেল বা ত্রিশ পাউণ্ড নারিকেল তেল পিষিয়া প্রস্তুত করিতে হয়। মোটা মোটা পালোরান লোকও ঘানি ঘুরাইতে হিমসিম খাইয়া যায়; আর আমাদের যে কি দশা হইল, তাহা মুখে অবর্ণনীয়। জেলের যে অংশে তেল পেয়া হয়, দুইজন পাঠান পেটি-অফিসার তখন সেখানকার হস্তাকর্ভা। সেখানে ঢুকিবামাত্র তাহাদের মধ্যে একজন তাহার বন্ধমুষ্টি আমাদের নাকের উপর রাখিয়া বেশ জোর গলায় বুঝাইয়া দিল যে, কাজকর্ম ঠিক ঠিক না করিতে পারিলে সে আগাদের নাকগুলি ঘুসার চোটে খ্যাঁবড়া করিয়া দিবে। কিন্তু নাকের ভবিষ্যৎ দুর্দশার কথা ভাবিয়া সময় নষ্ট করিবার উপায় নাই। তাড়াতাড়ি কাঁধের উপর পঞ্চাশ পাউণ্ড নারিকেলের বস্তা ও হাতে একটা বালতি লইয়া তেতলায় চড়িয়া কাজ আরম্ভ করিতে হইবে। আর সে ত কাজ নয়, রীতিমত মল্লযুদ্ধ। আট দশ মিনিটের মধ্যেই দম চড়িয়া জিত শুকাইতে আরম্ভ হইল। এক ঘণ্টার মধ্যেই গা হাত পা যেন আড়ষ্ট হইয়া উঠিল। রাগের চোটে মনে মনে সুপারিন্টেন্ডেন্ট সাহেবের পিতৃশ্রদ্ধের ব্যবস্থা করিতে লাগিলাম, কিন্তু সে নিফল আক্রোশ। একবার মনে হইল ডাক ছাড়িয়া কাঁদিলে বুঝি এ জালা মিটিবে, কিন্তু লজ্জায় তাহাও পারিলাম না। দশটার ঘণ্টার পর যখন আহ্বার করিতে নীচে নামিলাম, তখন হাতে ফোঁকা পড়িয়াছে, চোখে সরিষার ফুল ফুটিতেছে, আর কানে ঝিঁ ঝিঁ পোকা ডাকিতেছে। প্রথমেই দেখিলাম বৃদ্ধ হেমচন্দ্র এককোণে চূপচাপ বসিয়া আছেন। জিজ্ঞাসা করিলাম—“দাদা, কি রকম?” দাদা হাত দুখানা দেখাইয়া বলিলেন—“দারুভূতো মুরগি।” কিন্তু হাত দুখানা আড়ষ্ট হইয়া দারুণমুই হোক আর পাবাণুমুই হোক, তাঁহার মনের জোর কখনও একবিন্দু কমিতে দেখি নাই। দুঃখকষ্ট হাসিমুখে সহ করিতে, তীব্র যন্ত্রণার মাঝখানে অবিচলিতভাবে ভবিষ্যৎ কর্তব্য স্থির করিতে, হেমচন্দ্র একরূপ অদ্বিতীয়। হেমচন্দ্রকে আশ্রয়িতা হইতে কেহ বড় একটা দেখে নাই। যন্ত্রণায় অস্থির হইয়া যখন কেহ কেহ একটা যা-হয়-কিছু করিয়া ফেলিবার

সঙ্কল্প করিয়াছে, তখন হেমচন্দ্রই আপনার মনের বল তাহাদের মধ্যে সংক্রামিত করিয়া তাহাদিগকে নিরস্ত করিয়াছেন।

অতটা মনের জোর আমাদের ছিল না। একে ত আন্দামান নিকোবর ম্যানুয়াল অনুসারে বাবজীবন বীপান্তর মানে পঁচিশ বৎসর এই রূপ কর্মভোগ; তাহার পরও খালাস পাওয়া সরকার বাহাদুরের ইচ্ছাধীন। মনে হইতে লাগিল, গলায় একগাছা দড়ি লাগাইয়া না হয় খুলিয়া পড়ি; কিন্তু সাহসে কুলাইল না। কাজে কাজেই যথাসাধ্য তেল পিষিয়া সরকারী তেলের গুদাম ভর্তি করিতে লাগিলাম।

এক দিনের দুর্ভিক্ষার কথা বেশ মনে পড়ে। সকাল হইতে সন্ধ্যা পর্যন্ত ঘানি ঘুয়াইয়াও ত্রিশ পাউণ্ড তেল পুরা করিতে পারিলাম না। হাত পা এমনি অবশ হইয়া গিয়াছে যে, মনে হইতেছিল বুঝি বা মাথা ঘুরিয়া পড়িয়া যাই। তাহার উপর সমস্ত দিন প্রহরীদের কাছে কাজের জন্ত গালি খাইয়াছি। সন্ধ্যাবেলা আমাকে জেলারের নিকট লইয়া গেল। জেলার ত সুশ্রাব্য ভাষায় আমার পিতৃশ্রদ্ধ করিয়া পশ্চাদ্দেশে বেত লাগাইবার ভয় দেখাইলেন। ফিরিয়া আসিয়া যখন ভাত খাইতে বসিলাম, তখন খাইব কি, দুঃখ ও অভিমানে পেট ফুলিয়া কণ্ঠরোধ করিয়া দিয়াছে। একজন হিন্দু প্রহরীর মনে একটু দয়া হইল। সে বলিল—“বাবলোক তকলিফমে হৈ; খানা জাতি দেও।” কথাগুলো শুনিয়া চীৎকার করিয়া কাদিয়া উঠিবার প্রবৃত্তি হইল। নিজের গলাটা নিজের হাতে চাপিয়া ধরলাম। এ সময় লাথি কাঁটা সহ্য করা যায়; কিন্তু সহানুভূতি সহ্য হয় না।

রবিবারেও কর্ণের হাত হইতে নিষ্কৃতি নাই। নীচে হইতে বালতি বালতি জল উঠাইয়া দোতলা ও তেতলার বারান্দা নারিকেল ছোবড়া দিয়া ঘসিয়া পরিষ্কার করিতে হইত। একদিন ঐরূপ পরিষ্কার করিবার সময় দেখিলাম, উল্লাসকর কিছু দূরে কাজ করিতেছে। কথা কহিবার হুকুম নাই, তবু কথা কহিবার বড় সাধ হইল। ছই এক পা করিয়া অগ্রসর হইয়া উল্লাসের কাছাকাছি গিয়া তাহাকে ডাকিলামাত্র আমার পিঠের উপর গুম্ব করিয়া একটা বিষম কিল পড়িল। পিছনে মুখ ফিরাইবামাত্র গালে আর এক ঘুসি। মুর্ত্তমান যমদূতসদৃশ পাঠান প্রহরী মহম্মদ সা এইরূপে

সরকারী হুকুম তামিল ও জেলের শাস্তিরক্ষা করিতেছেন।

সেবার কিছুদিন এইরূপে কাটাইয়া ঘানির হাত হইতে নিষ্কৃতি পাইলাম। কিন্তু জেলার নাছোড়বান্দা। দিন কতক পরেই আবার ঘানিতে পাঠাইবার ব্যবস্থা করিলেন। কিন্তু আমি তখন মোরিয়া হইয়া দাঁড়াইয়াছি। একেবারে সাফ জবাব দিয়া বসিলাম—“আমি ঘানি পিষব না, তুমি যা করতে পার কর।” জেলার ত অগ্নিশর্মা হইয়া উঠিলেন। একটা কুঠরীতে বন্ধ রাখিয়া পর্যায়ক্রমে হাতকড়ি, বেড়ী ও কজির (penal diet) ব্যবস্থা হইল। শেষে শরীর যখন নিতান্তই ভাঙ্গিয়া পড়িবার উপক্রম হইল, তখন আবার ছোবড়া পিটিবার অধিকার পাইলাম; কিন্তু ছোবড়া পিটিয়াই কি শাস্তি আছে? প্রহরী, বিশেষতঃ পাঠান ও পাঞ্জাবী মুসলমানেরা স্থির করিয়া লইয়াছিল যে, আমাদের দাবাইতে পারিলেই কর্তৃপক্ষের প্রিয়পাত্র হওয়া যায়। কাজেই তাহারা সর্বদা আমাদের বিপদে ফেলিবার জন্য সচেষ্ট হইয়া থাকিত। ছোটখাট খুঁটিনাটি লইয়া যে কতজনকে বিপদে পড়িতে হইয়াছে, তাহার আর ইয়ত্তা নাই। একদিন কুঠরীর মধ্যে পায়ে বেড়ী দিয়া শুষ্ক ছোবড়া পিটিতেছি। দারুণ গ্রীষ্মে ও কঠোর পরিশ্রমে মাথা হইতে পা পর্যন্ত ঘামের স্রোত ছুটিয়াছে, ছোবড়া পিটিবার মুণ্ডর মাঝে মাঝে লাফাইয়া লাফাইয়া আমারই মাথা ভাঙ্গিয়া দিবার চেষ্টা করিতেছে, এমন সময় কুঠরীর বাহিরে একজন পাঞ্জাবী মুসলমান প্রহরীকে দেখিয়া ছোবড়াগুলো ভিজাইবার জন্য একটু জল চাহিলাম। সে একেবারে দাঁতমুখ খিঁচাইয়া জবাব দিল—“না, না, হবে না, ঐ শুকনো ছোবড়াই পিটুতে হবে।” আমারও মেজাজটা বড় সুবিধার ছিল না। আমি জিজ্ঞাসা করিলাম—“জল না হয় নাই দেবে, কিন্তু অত দস্ত বিচ্ছেদ করছ কেন?” প্রহরী কথিয়া দাঁড়াইল, “কেয়া গোস্তাকি করতা?” আমি দেখিলাম, এখন আর হটিয়া যাওয়া চলে না। বলিলাম—“কেন, তুমি নবাবজাদা নাকি?” বলিবামাত্র প্রহরী জানালা দিয়া হাত বাড়াইয়া আমার গলার হাঁতুলি ধরিয়া এমনি টান মারিল যে, জানালার লোহার গরাদের উপর আমার মাথা ঠুকিয়া গেল। রাগটা এত প্রচণ্ড হইয়া উঠিল যে, লোকটা যদি কুঠরীর ভিতরে থাকিত, তাহা হইলে হয়ত তাহার মাথায় মুণ্ডর বসাইয়া দিতাম। কিন্তু

একটা না করিলেই নয়, কিন্তু করিবই বা কি ? শেষে তাহার হাতখানা চাপিয়া ধরিয়া এমনি কানড় বসাইয়া দিলাম যে, তাহার হাত কাটিয়া বর বর করিয়া রক্ত পড়িতে লাগিল। হাত লইয়া সে জেলারের কাছে নাশিশ করিতে ছুটিল; কিন্তু রাস্তার মাঝখানে আমাদের বন্ধু একজন হিন্দু পেটি-অফিসার (Petty officer) তাহাকে কতকটা ভাল কথা বলিয়া কতকটা ভয় দেখাইয়া ফিরাইয়া লইয়া আসিল। প্রহরীদের সঙ্গে আরও দু'একবার এইরূপ বগড়া হইয়াছে, কিন্তু দেখিয়াছি, যাহাদের নিকট তাহারা হারিয়া যায়, তাহাদেরই ভক্ত হইয়া পড়ে। দুর্বলের উপর নির্ধ্যাতন সব জায়গায়ই হয়, আর সে নির্ধ্যাতন পাঠানোরাই বেশী করে। কিন্তু পাঠানদের সহস্র দোষ সত্ত্বেও একটা গুণ দেখিয়াছি যে, যাহাকে একবার বন্ধু বলিয়া স্বীকার করিয়া লয়, নিজের মাথায় বিপদ লইয়াও তাহার সাহায্য করে। তাহাদের মধ্যে নৃশংসতা যথেষ্ট আছে, কিন্তু তাহাদের মনের দৃঢ়তা আমাদের দেশের লোকের চেয়ে অধিক। ধর্মঘটের সময় জেলার আমাদের দাবাইবার জন্ত আমাদের উপর পাঠান প্রহরী লাগাইয়া দিত; কিন্তু পাঠান অনেক সময় বিশেষ ভাবে আমাদের বন্ধু হইয়া উঠিত। জেলে দলাদলির অন্ত নাই। প্রবল দলকে আপনাদের স্বপক্ষে রাখিয়া আমরা আত্মরক্ষা করিবার চেষ্টা করিতাম।

হিন্দুমুসলমানের ভেদটা জেলখানার মধ্যে মাঝে মাঝে তীব্র হইয়া উঠিত। স্বর্নীদের উপর টানটা মুসলমানদের মধ্যে স্বভাভেই একটু বেশী; সেজন্য জেলের মধ্যে কর্তৃত্বের জয়গাঙলা যাহাতে মুসলমানদের হাতেই থাকে, এজন্য তাহারা সর্বদা চেষ্টা করিত। অধিকন্তু নানা প্রলোভন দেখাইয়া তাহারা হিন্দুকে মুসলমান করিতে পারিলেও ছাড়িত না। কোনরূপে হিন্দুকে মুসলমান ভাঙার খানা খাওয়াইয়া তাহার পৌঁফ ছাটিয়া দিয়া একবার কলমা পড়াইয়া লইতে পারিলে বেহেস্তে যে খোদাতালা তাহাদের জন্ত বিশেষ আরাযের ব্যবস্থা করিবেন, এ বিশ্বাস প্রায় সকল যোদ্ধারই আছে। আর কালাপানির আর্ন্তভক্তদের মধ্যে যোদ্ধারও অসম্ভাব নাই। কাজে কাজেই হিন্দুর ধর্মাস্তর গ্রহণ লইয়া উভয় সম্প্রদায়ের ধর্মধর্মীদের মধ্যে প্রায়ই বগড়া-বগড়ি চলিত। একজন হিন্দু বিশেষতঃ ব্রাহ্মণের

ছেলে যদি ঘনি পিষিতে যায়, তাহা হইলে পাঁচ সাতজন যোদ্ধা মিলিয়া তাহাকে নানারূপ বিপদে ফেলিবার ষড়যন্ত্র করে। আর সে যদি মুসলমান হয়, তাহা হইলে যে বিরূপ স্ত্রুখে দিন কাটাইতে পারিবে, সে সম্বন্ধে নানারূপ প্রলোভন দেখায়। মুসলমানদের মত আর্থ্যসমাজীরাও জেলের মধ্যে প্রচার কার্য চালাইতে থাকে এবং ধর্মভ্রষ্ট হিন্দুকে আর্থ্যসমাজভুক্ত করিয়া লইবার জন্ত প্রাণপণে চেষ্টা করে। সাধারণ হিন্দুদের মধ্যে সেক্ষেপ কোন আগ্রহ দেখা যায় না। তাহারা দল হইতে বাহির করিয়া দিতেই জানে, নতুন কাহাকেও দলে টানিয়া লইবার সামর্থ্য তাহাদের নাই। এই দলাদলির ফলে আর কিছু হোক নাই হোক, হিন্দুর টিকি ও মুসলমানের দাড়ী সেখানে যথেষ্ট পরিমাণে বাড়িয়া গিয়াছে। বাংলার নিম্নশ্রেণীর মধ্যে যাহারা দেশে কস্মিনকালেও টিকি রাখে না, তাহারাও কালাপানিতে গিয়া হাত দেড়েক টিকি গজাইয়া বসে, আর মুসলমানেরা ছলিয়া ছলিয়া “আলির সহিত হুম্মানদের যুদ্ধ”, “শিবের সহিত মহম্মদের লড়াই”, “সানাভান বিবির কেছা” প্রভৃতি অদ্ভুত অদ্ভুত উপাখ্যান পাঠ করিয়া পরকালের পাথের সংগ্রহ করিতে লাগিয়া যায়। আমরা হিন্দু মুসলমান সকলকার হাত হইতেই নির্কিচারে রুটি খাই দেখিয়া, মুসলমানেরা প্রথম প্রথম আমাদের পরকালের সদৃশতার আশায় উদ্ভাসিত হইয়া উঠিয়াছিল, হিন্দুরা কিঞ্চিৎ ক্ষুণ্ণ হইয়াছিল; শেষে বেগভিক দেখিয়া উভয় দলই স্থির করিল যে, আমরা হিন্দুও নই, মুসলমানও নই—আমরা বাঙালী। রাজনৈতিক কয়েদী মাত্রেদেরই শেষে সাধারণ নাম হইয়া উঠিল—বাঙালী।

দুঃখের কথা, লজ্জার কথাও বটে যে, দলাদলিটা শুধু সাধারণ কয়েদীদের মধ্যেই আবদ্ধ ছিল না; রাজনৈতিক কয়েদীদের মধ্যেও দলাদলির অভাব ছিল না। আমাদের সংখ্যা বৃদ্ধি পাইবার সঙ্গে সঙ্গেই দলাদলির বেশ পুষ্টি হইতে লাগিল। বাহারি টলষ্টয়ের (Tolstoy) Resurrection নামক গ্রন্থখানি পাঠ করিয়াছেন, তাহারা জানেন যে, সে পুস্তকখানিতে বিপ্লবপর্যায়ের মনস্তত্ত্বের বিরূপ স্তম্ভের চিত্র বর্ণিত হইয়াছে। সে বর্ণনা যে কত সত্য, তাহা নিজেদের দলের দিকে লক্ষ্য করিয়াই বুঝিতে পারিলাম। বাস্তবিকই সাধারণ বিপ্লবপর্যায়ের নিজেদের একটু বড় করিয়াই দেখে। একটু

অহঙ্কার ও আত্মবিশ্বাসের মাত্রা বেশী করিয়া থাকে বলিয়াই হয়ত তাহারা কাজে অগ্রসর হইতে পারে। কিন্তু আমার মনে হয়, তাহাদের চরিত্রে যতখানি তীব্রতা থাকে, ততখানি গভীরতা থাকে না। তাহারা সাধারণতঃ কল্পনাশ্রবণ ও একদেশদর্শী; এবং তাহাদের মধ্যে অধিকাংশই neurotic। রাজনৈতিক কয়েদীদের মধ্যে নতুন ছেলে আসিলেই আমি সন্ধান লইতাম যে, তাহাদের পিতৃকুলে বা মাতৃকুলে তিন পুরুষের মধ্যে কেহ বায়ুরোগগ্রস্ত ছিলেন কি না। অধিকাংশ ক্ষেত্রেই বায়ুরোগের ইতিহাস পাইতাম। আমার পুরাতন বন্ধুবর্গ কথাতো শুনিয়া আমার উপর চটিয়া যাইবেন, কিন্তু ক্রোধের সেরূপ অপব্যয় করিবার কোনও কারণ নাই, কারণ আমিও তাঁহাদের দলভুক্ত এবং আমার পিতামহী বায়ুরোগগ্রস্ত ছিলেন।

বিলম্বপন্থীদিগের এই চরিত্রগত বিশেষত্ব জেলের বাহিরে কাজকর্মের উত্তেজনার অনেক সময় চাপা পড়িয়া থাকে, কিন্তু জেলের ভিতর অন্তরূপ উত্তেজনার অভাবে তাহা নানারূপ নিরর্থক দলাদলির রূপ ধরিয়া দেখা দেয়। কোন্ দল বেশী কাজ করিয়াছে, কোন্ দল ফাঁকি দিয়াছে, কোন্ নেতা সাঁচ্চা আর কোন্ নেতা বুটা—এরূপ গবেষণার আর অস্ত ছিল না। এবং প্রায় প্রত্যেক দলই আপনাকে ‘আদি ও অকৃত্রিম’ বলিয়া প্রমাণ করিবার জন্য পরস্পরের বিরুদ্ধে সত্য মিথ্যা অভিযোগ উপস্থিত করিত। এই প্রতিষ্ঠা লাভের চেষ্টার সহিত প্রাদেশিক দ্বন্দ্বা মিশিয়া ব্যাপারটাকে বেশ বীভৎস করিয়া তুলিত। জাতীয় সম্মিলন ও ভারতীয় একতার দোহাই দিয়া কত অভূত জিনিস যে প্রচার করিবার চেষ্টা হইত, তাহার আর ইয়ত্তা নাই। মারাঠী নেতারা মাঝে মাঝে প্রমাণ করিতে বসিতেন যে, যেহেতু বঙ্কিমচন্দ্রের “বন্দে মাতরম্” গানে সপ্তকোটি কণ্ঠের কথা আছে, ত্রিশ কোটি কণ্ঠের কথা নাই, এবং যেহেতু বাঙালী কবি লিখিয়াছেন “বঙ্গ আমার, জননী আমার”—সেই হেতু বাঙালীর জাতীয়তাবোধ অতি সঙ্গীর্ণ। একজন পাঞ্জাবী আধ্যাত্মিক নেতা তাঁহার বাঙালী-বিষেব প্রচার করিবার আর কোন রাস্তা না পাইয়া, একদিন বলিয়াছিলেন যে, যেহেতু রামমোহন রায় এদেশে ইংরাজী শিক্ষা প্রচলন করিবার জন্য ইংরাজ গবর্ণমেন্টকে পরামর্শ দিয়াছিলেন, সেহেতু তিনি দেশদ্রোহী, বিশ্বাসঘাতক। এরূপ যুক্তির পাগলা-গারদ ভিন্ন আর অন্য উত্তর নাই। মারাঠী নেতাদের মনে এই বাঙালী-বিষেবের ভাবটা কিছু

বেশী প্রবল বলিয়া মনে হয়। ভারতবর্ষে যদি একতা স্থাপন করিতে হয়, তাহা হইলে তাহা মারাঠার নেতৃত্বেই হওয়া উচিত—ইহাই যেন তাঁহাদের মনোগত ভাব। হিন্দুস্থানী ও পাঞ্জাবীরা গোঁয়ার, বাঙালী বাক্যবাগীশ, মাদ্রাজী দুর্বল ও ভীক—একমাত্র পেশোয়ার বংশধরেরাই মানুষের মত মানুষ—নানা যুক্তি তর্কের ভিতর দিয়া এই সুরই ফুটিয়া উঠিত।

একাদশ পরিচ্ছেদ

আমাদের নিজেদের অন্তবিরোধের ফলে আমরা অনেক দিন পর্য্যন্ত কর্তৃপক্ষের অত্যাচারে বাধা দিতে পারি নাই। শেষে কষ্টের যখন বাড়াবাড়ি আরম্ভ হইল, তখন নিজেদের বিরোধ চাপা দিয়া ধর্মঘটের আয়োজন আরম্ভ হইল। এ বিষয়ে প্রধান উত্তোক্তা শ্রীমান নন্দগোপাল। নন্দগোপাল পাঞ্জাবী কৃত্রিম। দীর্ঘকায় সুপুরুষ, ১২৪-ক ধারার অভিমুখ হইয়া দশ বৎসরের জন্য বীপান্তরিত হন। তিনি যানিতে যাইয়া এক নতুন কাণ্ড করিয়া বসিলেন। প্রথমেই বলিলেন “অত জোরে ঘানি ঘুরান আমার পোষাইবে না।” ঘানি সাধ্যমত আস্তে আস্তে ঘুরিতে লাগিল; ফলে দশটার মধ্যে তেলের এক-তৃতীয়াংশও পেশা হইল না। দশটার সময় নীচে আসিয়া সাধারণ কয়েদীরা পাঁচ সাত মিনিটের মধ্যেই তাড়াতাড়ি ভাত খাইয়া লইয়া আবার কাজ করিতে ছুটে। দশটা হইতে বারোটা পর্য্যন্ত আইন অনুসারে আহাৰ ও বিশ্রামের জন্য নির্দিষ্ট থাকিলেও, কাজ পাছে শেষ না হয়, এই ভয়ে তাহারা বিশ্রাম লইতে সাহস করে না। কাজ নীচ শেষ হইলে হাত পা ছড়াইয়া একটু জিরাইতেও পায়। নন্দগোপালের সে ভয় নাই। পেটি-অফিসার আসিয়া তাড়াতাড়ি খাইয়া লইবার জন্য তাঁহার উপর হুকুম জারি করিল। নন্দগোপাল তাহাকে স্থিতবদনে স্বাস্থ্যনীতি বুঝাইয়া দিয়া বসিলেন, তাড়াতাড়ি আহাৰ করিলে পাকস্থলীর বিশেষ অনিষ্টের সম্ভাবনা; আর দশ বৎসর যখন তাঁহাকে সরকার বাহাদুরের অতিথি হইয়া থাকিতেই হইবে, তখন কোনও কারণে তিনি আপনার স্বাস্থ্যভঙ্গ করিয়া সরকারের বদনাম করিতে অপারগ। জেলার সাহেবের কাছে রিপোর্ট পৌঁছিয়া; তিনি আসিয়া দেখিলেন,

নন্দগোপাল ধীরে ধীরে গ্রাস পাকাইয়া বজ্রিশ দাঁতে চৌষটি কামড় মারিয়া এক এক গ্রাস গলাধঃকরণ করিতেছেন। খুব খানিকটা তর্জ্জন গর্জ্জন করিয়া তিনি নন্দগোপালকে বুঝাইয়া দিলেন যে, কাজ যথা সময়ে শেষ করিতে না পারিলে বেত্রাঘাত অনিবার্য। নন্দগোপাল নিতান্ত ভদ্রভাবে স্বাস্থ্যনীতি পুনরাবুত্তি করিয়া জেলার সাহেবকে মধুর হান্তে জানাইলেন যে, সরকার বাহাদুর যখন দশটা হইতে বারোটা পর্যন্ত আহার ও বিশ্রামের জন্ত নির্দিষ্ট করিয়া দিয়াছেন, তখন তিনি ত নিজে সে আইন ভঙ্গ করিবেনই না, অধিকন্তু জেলার সাহেবও বাহাতে সে আইন ভঙ্গ না করেন, সে বিষয়েও দৃষ্টি রাখিবেন। বলা বাহুল্য, জেলার সাহেবের অঙ্গ জুড়াইয়া দ্রব হইয়া গেল। তিনি তর্জ্জন গর্জ্জন করিয়া মানে মানে প্রস্থান করিলেন। আহাতিদি যথাসময়ে শেষ করিয়া নন্দগোপাল কুঠরীতে গিয়া ঢুকিলেন। বিব্রত পেটি-অফিসার ডাবিল এইবার বুঝি কাজ আরম্ভ হইবে। নন্দগোপাল কিন্তু একখানি কবল লইয়া আস্তে আস্তে বিছানা পাতিয়া শুইয়া পড়িলেন। অজস্র গালাগালিতেও তাঁহার বিশ্রামের ব্যাঘাত হইল না। Passive resistanceএ তিনি মহাচ্ছা গাঙ্গিরও গুরু। বারোটার সময় উঠিয়া নন্দগোপাল আরও একঘণ্টা ঘানি ঘুরাইলেন, যখন দেখিলেন যে, বালতিতে প্রায় পনেরো পাউণ্ড তেল হইয়াছে, তখন বাকি নারিকেল বস্তায় বন্ধ করিয়া চুপচাপ বসিয়া রহিলেন। কাজের ত অর্ধেক মাত্র হইয়াছে, বাকি অর্ধেক এখন করিবে কে? নন্দগোপাল বলিলেন, “বাহার খুসি সেই করিবে। আমি সত্যই বলব বলদ নই যে, সমস্ত দিনই তেল পিষিব। দিনে ত ছয় পয়সাও খোরাক পাই না, তা ত্রিশ পাউণ্ড তেল পিষিব কেমন করিয়া?” কর্তৃপক্ষ মহলে একটা হলুয়ল পড়িয়া গেল। তর্জ্জন গর্জ্জন অনেক হইল; কিন্তু নন্দগোপাল নির্ভীকর পরমপুরুষের মত নিষ্পন্দ এবং সদা শ্রিতবদন। নন্দগোপালের নিকট হইতে ত্রিশ পাউণ্ড তেল বাহির হইবার কোন আশাই নাই দেখিয়া, সুপারিন্টেন্ডেন্ট সাহেব তাঁহাকে পায়ে বেড়ী দিয়া অনির্দিষ্ট কালের জন্ত (till further orders) কুঠরীতে বন্ধ রাখিতে আজ্ঞা দিলেন।

এইরূপে আরও এক মাস কটিল। ইতিমধ্যে জেলার সাহেব নন্দগোপালের সহিত একটা রফা করিয়া ফেলিলেন। বলিলেন যে, চার দিন পুরা

কাজ করিলে তিনি ভবিষ্যতে তাঁহাকে ঘানি ঘুরান হইতে অব্যাহতি দিবেন। নন্দগোপালও রাজি হইয়া অস্বাভাবিক পরিমাণে অপরের সাহায্যে চার দিন পুরা কাজ দাখিল করিয়া সে-সাজা নিষ্কৃতি পাইলেন।

এ নিষ্কৃতির আনন্দ কিন্তু অধিক দিন স্থায়ী হইল না। অল্প দিন পরেই আবার তাঁহাকে বড় ঘানিতে তেল পিষিতে দেওয়াতে তিনি সে কাজ করিতে অস্বীকৃত হন। ফল—বেড়ি ও কুঠরী বন্ধ। হুকুম হইল—সকলকে পুনরায় তিন দিনের জন্ত জেলে ঘানি ঘুরাইতে হইবে; একে ত আমরা সকলে অনির্দিষ্ট কালের জন্ত জেলে আবদ্ধ, তাহার উপর প্রত্যহ এই ঘানির বিভীষিকা। সকলেই বুঝিলেন যে, কাজকর্ম সম্বন্ধে একটা সুবিধা রকমের পাকা বন্দোবস্ত করিয়া না লইতে পারিলে, পোর্টব্রেনারেরই ভবলীলা সাজ করিতে হইবে। সাজা ত আছেই, তবে আর নিজের হাতে নিজেকে শাস্তি দেওয়া কেন? অনেকেই এবার ঘানিতে কাজ করিতে অস্বীকার করিলেন। ধর্মঘট আরম্ভ হইল।

কর্তৃপক্ষও রুদ্ধমুগ্ধি ধরিলেন। জেলখানা ভরিয়া সে এক আন্দোলনসব পড়িয়া গেল। সাজার উপর সাজা চলিতে লাগিল। চার দিন কঞ্জিভক্ষণ ও সাত দিন দাঁড়া হাতকড়ি, ইহাই সাধারণতঃ সাজার প্রথম কিস্তি। গুঁড়া চাউল ফুটন্ত গরম জলে ঢালিয়া দিলে যে সুখান্ড প্রস্তুত হয়, তাহাই আমাদের কঞ্জি। তাহাই মাপিয়া এক এক পাউণ্ড করিয়া দিনে দুইবার খাইতে দেওয়া হয়, এবং কয়েদী কোনও উপায়ে আর কিছু সংগ্রহ করিয়া খাইতে না পায়, সে বিষয়ে কড়া পাহারা থাকে। জেলের শাস্ত্র অনুসারে চার দিনের অধিক এ কঞ্জি (penal diet) খাওয়াইবার নিয়ম নাই; কিন্তু কর্তৃপক্ষের আমাদের উপর দয়ার আধিক্যবশতঃই হোক আর যে কারণেই হোক, উল্লাসকর, নন্দগোপাল ও হোতিলালকে বারো তেরো দিন এই কঞ্জি খাওয়াইয়া রাখা হয়। ১৯১৩ সালে যখন শ্রীবুদ্ধ রেজিনাল্ড ক্র্যাডক পোর্টব্রেনার পরিদর্শন করিতে যান, তখন নন্দগোপাল তাঁহার নিকট এই সম্বন্ধে অভিযোগ করেন; কিন্তু সাজা দিলেও কর্তৃপক্ষগণ টিকিটে এ সম্বন্ধে কোনও কথা লিখেন নাই। জেলার সাহেবও অমানবদনে বলিলেন যে, অভিযোগ মিথ্যা। সুতরাং ফল কিছুই হইল না। জেলারের বিরুদ্ধে কয়েদীর কথা কোন কালেই প্রমাণিত হয় না।

সাজার পর সাজা চলিতে লাগিল; নানা রকমের বেড়ীর পালা শেষ করিয়া আমাদের কুঠরীতে বন্ধ করা হইল। তাহারও একটু রকমারি আছে। সাধারণ কয়েদীদের কুঠরী বন্ধ করা হইলে, তাহারা নীচে আসিয়া স্নানাহার করিতে পারে; অপর কয়েদীদের সঙ্গে কথাবার্তা কহিবারও তাহাদের বাধা নাই। এখন নতুন সাজা প্রচাৰিত হইল যে, আমাদের সঙ্গে কেহ কথা কহিলে তাহাকে দণ্ডনীয় হইতে হইবে। সুতরাং নামে পৃথক কারাবাস (separate confinement) হইলেও কার্যতঃ আমাদের পক্ষে উহা নিৰ্জন কারাবাস (solitary confinement) হইয়া দাঁড়াইল। অনেককেই তিন মাস বা ততোধিক কাল এইরূপ কুঠরী-বন্ধ অবস্থায় কাটাইতে হইল।

অনেকেরই এই সময় স্বাস্থ্যভঙ্গ হইতে লাগিল। একে পোর্টব্লেকারে ম্যালেরিয়ার প্রচণ্ড প্রকোপ; জরজাড়ি লাগিয়াই আছে, তাহার উপর আমাশয় স্রব হইল। কর্তৃপক্ষও বোধ হয় ভাবিলেন যে, ব্যবস্থার একটু পরিবর্তন দরকার। সেই জন্ত আমাদের মধ্যে বাছিয়া বাছিয়া জন কয়েককে করোনেশন উৎসবের সময় জেলের বাহিরে Settlementএ পাঠান হইল। বারীজ গেলেন Engineering fileএ, অর্থাৎ রাজমিস্ত্রীর সহিত মজুরী করিতে, উল্লাসকর গেলেন মাটি কাটিয়া ইট বানাইতে; কেহ গেলেন জঙ্গলে (Forest Department) কাঠ কাটিতে; কেহ বা দ্রিক্ষ টানিতে; আর কেহ বা গেলেন বাঁধ বাঁধিতে।

আমাদের কিন্তু অদৃষ্টগুণে 'উন্টা বুঝিলি রাম' হইয়া দাঁড়াইল। জেলখানার মধ্যে কাজ যতই কঠোর হোক না কেন, সরকার হইতে নির্দিষ্ট খোরাক পাওয়া যাইত, আর জল-বুট্টিতে বেশী ভিজিতে হইত না। বাহিরে গিয়া সে স্বথটুকুও চলিয়া গেল। প্রাতঃকালে ৬টা হইতে ১০টা ও অপরাহ্নে ১টা হইতে ৪১০টা পর্যন্ত কঠোর পরিশ্রম করিতেই হয়; অধিকন্তু রোজে পুড়িতে ও বুট্টিতে ভিজিতে হয়। বিশেষতঃ পোর্টব্লেকারে বৎসরে সাত মাস বর্ষাকাল, তাহার উপর জঙ্গলে জোঁকের উপদ্রব। জঙ্গলে কাজ করিবার ভয়ে কত লোক যে পলাইতে চেষ্টা করিয়াছে, তাহার ইয়ত্তা নাই।

একত এই কষ্ট, তাহার উপর পুরা খোরাক মিলে না। কয়েদীর খোরাক চুরি হইয়া বাজারে ও গ্রামে গ্রামে বিক্রীত হয়। সাধারণ

কয়েদী হইতে ইউরোপীয় কর্মচারী পর্যন্ত সকলেই এই চুরির কথা বেশ জানেন; কিন্তু চুরি কখনও বন্ধ হয় না। অধিকাংশ কর্মচারীই ঘুঘোর; সুতরাং এ চুরি-রোগের প্রতিকার নাই। সাধারণ কয়েদী ইহার বিরুদ্ধে সহজে কিছু বলিতে চায় না; কেননা সে বিলক্ষণ জানে যে, মুখ খুলিলেই তাহাকে বিপদে পড়িতে হইবে।

রোগীর জন্ত জেলের বাহিরে চারিটি হাসপাতাল; কিন্তু সেগুলি বাঙালী Asst. Surgeonএর তত্ত্বাবধানে বলিয়া, চীফ-কমিশনার কর্ণেল ব্রাউনিং আদেশ দিলেন যে, আমাদের অনুমতি হইলে আমরা সে সমস্ত হাসপাতালে যাইতে পারিব না; আমাদেরকে জেলে ফিরিয়া আসিতে হইবে। জরে ঝুঁকিতে ঝুঁকিতে বিছানা ও থালা বাটা ঘাড়ে করিয়া পাঁচ-সাত-দশ মাইল হাঁটিয়া আসা বড় সুবিধার কথা নয়। আর জেলে আসিয়াই বা সূচিকিৎসা কোথায়? হাসপাতাল-সংলগ্ন কতকগুলি ছোট ছোট কুঠরীর মধ্যে আমাদের দিনে প্রায় একুশ ঘণ্টা পড়িয়া থাকিতে হইত; আর সেই কুঠরীর মধ্যেই একটি গামলায় মল-মূত্র ত্যাগের বন্দোবস্ত। বুষ্টির সময় পিছন দিকের ঘুলঘুলি দিয়া জলের ছাট আসিবার বেশ সুব্যবস্থা আছে, কিন্তু কুঠরীতে বিশুদ্ধ বায়ু সংগ্রহনের তেমন উপায় নাই। ১৯২০ সালে জামুয়ারী মাসে যে জেল-কমিশন পোর্টব্লেকার পরিদর্শন করিতে যান, তাঁহারা এই কুঠরীগুলির বিরুদ্ধে তীব্র মন্তব্য প্রকাশ করিয়া, এগুলির সংস্কার করিতে বলেন।

এত দিন আমরা ভাবিয়াছিলাম যে, বুঝি জেলের বাহির হইতে পারিলেই আমাদের দুঃখ কতকটা ঘুচিবে; কিন্তু সে আশা এবার নিশ্চুল হইল। আমাদের জন্ত জলে কুমীর, ডাক্কায় বাঘ; সাধারণ কয়েদী ক্রমে ওয়ার্ডার, পেটি-অফিসার বা লেখাপড়া জানিলে মুন্সি হইয়া কঠোর কর্ম হইতে অব্যাহতি পায়; কিন্তু আমাদের সে পথও বন্ধ।

এক এক করিয়া প্রায় সকলেই ক্রমে বাহিরের কাজ করিতে অস্বীকৃত হইয়া জেলে ফিরিয়া আসিলেন।

এই সময় একটা শোচনীয় ঘটনা ঘটিল। ইন্দুভূষণ উদ্বন্ধনে আত্মহত্যা করিল। তাহার বলিষ্ঠ শরীর কঠোর পরিশ্রমেও কখন কাতর হয় নাই; কিন্তু জেলখানার ক্ষুদ্র ক্ষুদ্র অপমানে সে যেন দিন দিনই অসহিষ্ণু হইয়া উঠিতেছিল; মাঝে মাঝে

বলিত—‘জীবনের দশটা বৎসর এই নরকে থাকা আমার পক্ষে অসম্ভব।’ একদিন রাত্রে সে নিজের জামা ছিঁড়িয়া দড়ি পাকাইয়া পিছনের ঘুলঘুলিতে লাগাইয়া ফাঁসি খাইল। রাত্রেই জেলের সুপারিন্টেন্ডেন্টকে টেলিফোন করা হইল, কিন্তু পরদিন বেলা ৮টা পর্যন্ত তাঁহার দেখা মিলিল না। সে দিন রাত্রে জেলারের সহিত যে সমস্ত প্রহরী ইন্দুভূষণের কুঠরীতে ঢুকিয়াছিল, তাহাদের মধ্যে অনেকে বলিল, যে, তাহার গলায় হাঁশুলিতে (neck ticket) একখণ্ড লেখা কাগজ বাঁধা ছিল। সত্যমিথ্যা ভগবান জানেন, কিন্তু সে কাগজের কোনও সন্ধান পাওয়া গেল না। পরে আমরা জেলার সাহেবকে ঐ কাগজের কথা জিজ্ঞাসা করিয়াছিলাম, তিনি তাহার অস্তিত্ব অস্বীকার করেন। পরে ইন্দুভূষণের জ্যেষ্ঠভ্রাতা তাহার মৃত্যু সম্বন্ধে তদন্ত করিবার জন্ত গবর্ণমেন্টের নিকট আবেদন করিলে পোর্টরেন্সারের ডেপুটি কমিশনারের উপর ঐ ভার অর্পিত হয়। ফলে কিন্তু কিছুই হইল না। ব্যাপারটা হ-য-ব-র-ল হইয়া চাপা পড়িয়া গেল।

এই সময়ে অনেকেই কাজের তাড়ায় বাহির হইতে ভিতরে চলিয়া আসিতে লাগিলেন। উল্লাসকরও তাহাই করিলেন। তাঁহাকে রোডে ইট তৈয়ার করিতে দেওয়া হইয়াছিল। সেখানকার হাসপাতালের যিনি Junior Medical Officer, তিনি বলিলেন যে, উল্লাসকরের রোডে কাজ করা সহ হইবে না। কিন্তু বাঙালী ডাক্তারের কথা গোরা Overseer সাহেব গ্রাহ্য করিবেন কেন? উল্লাসকরকে সেই কার্খোই বহাল রাখা হইল। ফলে তিনি কাজ করিতে অস্বীকৃত হইয়া পুনরায় জেলে ফিরিয়া আসিয়া বলিলেন যে, শুধু পীড়নের ভয়ে কাজ করিতে হইলে মনুষ্যত্ব সঙ্কটিত হইয়া যায়; সাজার ভয়ে কাজ করিতে তিনি রাজী নহেন। তাঁহার সাত দিন দাঁড়া হাতকড়ির ব্যবস্থা হইল। কিন্তু সাত দিন আর পূর্ণ হইল না। প্রথম দিনই বেলা ৪০টার সময় হাতকড়ি খুলিতে গিয়া পেটি অফিসার দেখিল যে, উল্লাসকর জরে অজ্ঞান হইয়া হাতকড়িতে ঝুলিতেছে। তখনই তাঁহাকে হাসপাতালে পাঠান হইল। রাত্রে শরীরের উত্তাপ ১০৬ ডিগ্রী পর্যন্ত চড়ে। প্রাতঃকালে দেখা গেল যে, জর ছাড়িয়া গিয়াছে, কিন্তু উল্লাসকর আর সে উল্লাসকর নাই। আগর বিপদের মধ্যেও যিনি চিরদিন নির্বিকার, ভীত

যন্ত্রণায় বাহ্যিক মুখ হইতে কখনও হাসির রেখা মুছে নাই, তিনি আজ উন্মাদরোগগ্রস্ত।

জেলখানার প্রকৃত মূর্তি যেন সেই দিন আমাদের চক্ষে ফুটিয়া উঠিল। বাঁচিয়া দেশে ফিরিবার ত আর আমাদের কোনও আশা নাই—কেহ ফাঁসি খাইয়া মরিবে, কেহ বা পাগল হইয়া মরিবে। আর যদি মরিতেই হয়, তবে আর স্বহস্তে এই যন্ত্রণার বোঝা উঠান কেন? প্রায় সকলেই স্থির করিলেন যে, যত দিন আমাদের জন্ত কোন বিশেষ ব্যবস্থা করা না হয়, তত দিন কাজ কর্ষ করা হইবে না। এদিকে আমরা ultimatum দিয়া ভাল চুক্তি করিয়া হইয়া রহিলাম, ওদিকে কর্তৃপক্ষও তাঁহাদের তুণ হইতে চোখা চোখা বাণ হানিতে আরম্ভ করিলেন।

বেশ একচোট গজ-কচ্ছপের যুদ্ধ বাধিয়া গেল। ইহার কিছু পূর্বে চুঁচুড়ার ননীগোপাল ও ঢাকার পুনিলবাব প্রভৃতি তিন চার জন আসিয়া পৌঁছিলেন। ননীগোপাল ছেলোমাহু হইলেও তাহাকে যানি প্রভৃতি কঠোর কর্ষ দেওয়া হয়। সেও বাধ্য হইয়া ধর্মঘটে যোগ দিল। অল্প সকল কয়েদী হইতে পৃথক করিয়া আমাদের এক আলাদা ব্লকে বন্ধ রাখিয়া কর্তৃপক্ষ আমাদের উপর বাছা বাছা পাঠান প্রহরী নিযুক্ত করিলেন। খাণ্ডের পরিমাণ আরও কমাইয়া দেওয়া হইল, এবং বাহাতে আমরা পরস্পরের সহিত কোনরূপ কথাবার্তা চালাইতে না পারি, সে বিষয়েও সতর্কতার অভাব রহিল না। পায়খানায় গিয়া পাছে কথা কহি, সে জন্ত সম্মখে প্রহরী খাড়া থাকিত। কিন্তু বাঁধন বেশী শক্ত করিতে গেলে অনেক সময় ছিঁড়িয়া যায়; আর আইনের প্রতি যাহাদের ভক্তি নাই, শুধু ভয় দেখাইয়া তাহাদের আইন মানাইবার চেষ্টা বিড়ম্বনা মাত্র।

আমরা প্রধানতঃ তিনটা জিনিস চাহিলাম— ভাল খাওয়া-পরা, পরিশ্রম হইতে অব্যাহতি ও পরস্পরের সহিত মেলামেশার সুবিধা।

মধ্যে চার পাঁচ কুঠরী ব্যবধান রাখিয়া এক এক জনকে বন্ধ করা হইল। ফলে কথাবার্তা আগে আস্তে আস্তে হইতেছিল, এখন ‘চীৎকার’ করিয়া চলিতে লাগিল। হাতকড়িতে ঝুলাইয়া রাখিলেও মাহুঘের মুখ ত আর বন্ধ করা যায় না। কর্তৃপক্ষের অবস্থা যেন সাপে ছুঁচো ধরা গোছ হইয়া দাঁড়াইল। সুনাম বা prestigeএর খাতিরে আমাদের আবদার শুনানো চলে না, আর এদিকে ধর্মঘটও ভাঙে না। এমন সময়ে আমাদের নূতন সুপারিন্টেন্ডেন্ট বদলি

হইয়া পুরাতন সুপারিনটেন্ডেন্ট ফিরিয়া আসিলেন। তাঁহার পরামর্শে চীফ কমিশনার আমাদের জন কয়েককে সহজ কাজ দিয়া জেলের বাহিরে পাঠাইয়া দিবার ব্যবস্থা করিলেন। আমরা বলিলাম যে, সকলকে যদি জেলের বাহিরে পাঠান হয়, তাহা হইলে আমরা বাহিরে কাজ করিতে স্বীকৃত হইব, নচেৎ পুনরায় জেলে ফিরিয়া আসিব।

প্রায় দশ বারো জনকে নারিকেল গাছের পাহারাওয়ালার করিয়া বাহিরে পাঠান হইল। নারিকেল গাছ সরকারী সম্পত্তি, তাহা হইতে নারিকেল না চুরি যায়, ইহা দেখাই পাহারাওয়ালার কাজ। কাজ খুব সহজ, কিন্তু সকলকেই ভিন্ন ভিন্ন স্থানে রাখা হইল, পাছে পরস্পর দেখা শুনা হয়।

জেলখানায় কিন্তু ধর্মঘট চলিতে লাগিল। নন্দগোপাল ও ননীগোপালকে কিছুদিন পরে Viper বীপে একটা ছোট জেলে বদলি করা হইল। সেখানে গিয়া ননীগোপাল আহাৰ ত্যাগ করিল। জেল হইতে সকলকে বাহিরে পাঠাইবার যে কথা ছিল, তাহা আর কার্যে পরিণত হইল না।

এদিকে বাহাদিগকে জেলের বাহিরে কাজ করিতে পাঠান হইয়াছিল, তাঁহারাও একজোটে কর্মত্যাগ করিলেন। পরস্পরের ঠিকানার সন্ধান লইয়া ধর্মঘটের আয়োজন করিতে প্রায় এক মাস অতিবাহিত হইল। তিন মাসের সাজা লইয়া তাঁহারা যখন জেলে ফিরিয়া আসিলেন, তখন দেখা গেল যে, জেলখানার ধর্মঘট প্রায় ভাঙ্গিয়া গিয়াছে। নিরাশ হইয়া অধিকাংশ লোকেই কাজ করিতে আরম্ভ করিয়া দিয়াছে। ননীগোপালকে চার দিন অনশনের পর জেলে ফিরাইয়া আনা হইল; নাকে রবারের নল পুরিয়া তাহার অঙ্গ অঙ্গ দুঃস্থানের ব্যবস্থা করা হইল, পাছে সে মরিয়া গিয়া কর্তৃপক্ষের বদনাম করে। সেবারকার ধর্মঘটের কর্মভোগের বোঝা ননীগোপাল, বীরেন প্রভৃতি দুই তিনটা ছেলেকেই বহিতে হয়। সাজার পর সাজা বাইয়া বিফলমনোরণ হইয়া একে একে সকলেই ধর্মঘট ছাড়িল; শেষে একা ননীগোপাল যেন মরণ পণ করিয়া বসিল।

দিনের পর দিন কাটিয়া গেল, ননীগোপাল কঙ্কালের মত শীর্ণ হইয়া পড়িল, কিন্তু আপনার গৌ ছাড়িল না। যখন সে দেড় মাসের অধিককাল অনশন-লিষ্ট, তখনও তাহাকে দাঁড় করাইয়া হাতকড়িতে ঝুলাইয়া রাখিতে কর্তৃপক্ষের সঙ্কোচ বোধ হয় নাই। ফলে দেখিতে দেখিতে আবার Hunger strike

হুড়াইয়া পড়িল এবং কর্তৃপক্ষের শত সাবধানতা সত্ত্বেও ইন্দুভূষণ, ননীগোপালের কথা দেশের কানে আসিয়া পৌঁছিল। সংবাদপত্রে সে বিষয় আলোচনার ফলে গবর্নমেন্ট ডাক্তার Lukis সাহেবকে তদন্তের জন্ত পোর্টব্লোয়ারে পাঠান। Lukis সাহেবের রিপোর্ট আজ পর্যন্ত প্রকাশিত হয় নাই, কিন্তু তাঁহার রিপোর্টের ফলে উল্লাসকরকে মাস্ত্রাজের পাগলা গারদে পাঠাইয়া দেওয়া হয় এবং ‘অপর সকলেও অল্পদিনের জন্ত একটু হাঁপ ছাড়িয়া বাঁচে।

ননীগোপালকেও অনেক বুঝাইয়া-সুঝাইয়া তাহার বন্ধুবান্ধবেরা আহাৰ করিতে স্বীকৃত করান এবং ইহার অল্পদিন পরেই বাঁহারা তিন মাসের সাজা লইয়া জেলখানায় আসিয়াছিলেন, তাঁহাদের সময় উত্তীর্ণ হওয়ায় তাঁহাদিগকে আবার জেলের বাহিরে পাঠাইয়া দেওয়া হইল।

ধর্মঘটের প্রথম পর্ব এইখানেই সমাপ্ত হইল।

দ্বাদশ পরিচ্ছেদ

বিধি যাহার প্রতি বাম, তাহার মরিয়াও নিস্তার নাই। আমরা বাহিরে রহিলাম বটে, স্ত্র্ণে দুঃখে একরূপ দিন কাটিতে লাগিল, কিন্তু অল্পদিনের মধ্যেই আবার জেলখানা হইতে গোলমালের সংবাদ পাইলাম—‘উৎপীড়িত হইয়া ননীগোপাল আবার কর্মত্যাগ করিয়া বসিয়াছে।’ শাস্তিস্বরূপ তাহাকে চটের কাপড় পরিতে দেওয়ায় সে তাহা পরিতে অস্বীকৃত হয়। জোর করিয়া তাহার জাজিয়া কাড়িয়া লইয়া তাহাকে কুঠরীর মধ্যে চটের জাজিয়া দেওয়া হয়, কিন্তু সে “Naked we came out of our mother's womb and naked shall we return—‘মায়ের পেট থেকে নগ্ন এসেছি, নগ্নই ফিরে যাব’ এই মন্ত্র আওড়াইতে আওড়াইতে চটের জাজিয়া ফেলিয়া দিয়া উলঙ্গ হইয়া বসিয়া থাকে। গলার টিকিট ভাজিয়া ফেলিয়া দেয়, চীফ কমিশনার কাছে আসিলে দাঁড়ায়ও না, সেলামও করে না। কি চাও জিজ্ঞাসা করিলে বলে—‘কিছু চাই না’ ইত্যাদি ইত্যাদি।

ছেলেটা কি শেষে পাগল হইয়া গেল?—এই ভাবনাই সকলের মনে উঠিল। কিন্তু অমুসন্ধানে জানা গেল—না, জ্ঞান বেশ টনুটনে আছে। ইংরাজ যখন নিজের খুশিমত আইন আদালত

বানাইয়াছে, সে সকল ব্যবস্থার সহিত যখন তাহার দেশের লোকের কোনও সম্বন্ধ নাই, তখন কেন যে সে এই সমস্ত আইন ভাঙতে ধর্ম্মত: মাথা পাতিয়া মানিয়া লইতে বাধ্য, এ প্রশ্নের মীমাংসা লইয়াই ননীগোপাল ব্যস্ত। তাহার ধর্ম্মবুদ্ধি বাহাতে গায় দেয় না, শুধু প্রাণটা বাঁচাইবার জন্য সে কেন সে কাজ করিতে বাইবে? প্রাণ রাখিতে রাখিতেই যেখানে প্রাণান্ত হইতে হয়, সেখানে প্রাণের মূল্য কতটুকু?

ভগবানু যাহার মনের উপর স্বাধীনতার ছাপ লাগাইয়া দিয়াছেন, অতি বড় প্রচণ্ড শাসনকর্ত্তাও তাহার শরীরকে চিরদিন পরাধীন করিয়া রাখিতে পারে না, এই আশ্বাস ও অভয় ভিন্ন আমরা প্রশ্নের আর যে কি উত্তর দিব—তাহা খুঁজিয়া পাইলাম না।

এদিকে আমাদেরও কপাল ভাঙ্গিল। কলিকাতার কাগজে এই সময় আন্দামানের রাজনৈতিক কয়েদীদের অবস্থা সম্বন্ধে আলোচনা হইতেছিল; কর্ত্তৃপক্ষের ধারণা—আমরাই সে সমস্ত সংবাদ পাঠাইতেছিলাম। প্রকৃতপক্ষে আমরাও যে সকল বিষয়ে আইন-কাহুন মানিয়া চলিতে পারিতাম, তাহা নহে। পেটের জ্বালায় নানা স্থান ঘুরিয়া আমাদের ফলটা পাকড়টা ও মুখরোচক কিছু কিছু আহার্য্য সংগ্রহ করিতে হইত, আর সাধারণ কয়েদীদের সহিত মেলা একরূপ অসম্ভব বলিয়াই আমাদের লুকাইয়া বন্ধুবান্ধবদের সঙ্গে সাক্ষাৎ না করিলে প্রাণ হাঁপাইয়া উঠিত। কর্ত্তারা হয় তাহা বুঝিলেন না; অথবা না বুঝিবার ভাণ করিয়া আমাদের বিপদে ফেলিবার চেষ্টা করিতে লাগিলেন—সে কথা ভগবানই জানেন।

একদিন সুপ্রভাতে চারিদিকে তন্মাসীর ধূমধাম পড়িয়া গেল। আমাদের থাকিবার বসিবার শুইবার সব স্থান পুলিশে ঘেরাও করিয়া ফেলিল। মাণিকতলা বাগানের একটা প্রহসনাত্মক পুনরভিনয়—tempest in a tea-pot হইয়া গেল। দুই একখানা বাজে চিঠি ও এক আঁট্টা কবিতা ভিন্ন আর কিছুই মিলিল না; কিন্তু চীফ কমিশনারের আদেশ মত আমাদের সকলকেই জেলে পাঠান হইল। ক্রমে নানারূপ গুজব শুনিতে লাগিলাম, আমরা নাকি বোমা বানাইয়া পোর্টব্লেয়ার উড়াইয়া দিয়া একখানা সরকারী steamer পাকড়াও করিয়া পলাইয়া বাইবার সংকল্প করিতেছিলাম; আর অন্তর্ভাবী চীফ কমিশনার লালমোহন সাহা নামক এক হিতৈষী কয়েদীর কথায় সেই আসন্ন বিপদ

হইতে তাঁহার রাজ্যটিকে রক্ষা করিবার জন্য এই সুবন্দোবস্ত করিয়াছেন। চীফ কমিশনার জেলে আসিলে আমরা জিজ্ঞাসা করিলাম—“কর্ত্তা, ব্যাপারখানা কি? অধীনদের উপর এ অযথা আক্রমণ কেন?” কর্ত্তা নিতান্ত ভাল মানুষটার মত বলিলেন—“আমি কিছুই জানি না। ইণ্ডিয়া গবর্নমেন্টের নিকট হইতে যেক্রম আদেশ পাইয়াছি, সেইরূপ করিয়াছি।”

ভাল, এ কথার আর উত্তর কি। কিন্তু কিছুদিন পরে শুনিলাম—আমাদের সহিত মিশিত বা কথাবার্ত্তা কহিত বলিয়া বাহিরের অনেক লোককে সাজা দেওয়া হইতেছে, এবং পুলিশের একজন সাক্ষী কোথা হইতে গ্রামোফোনের পিন, লোহার টুকরা প্রভৃতি সংগ্রহ করিয়া নিঃসংশয়ে আমাদের বোমা স্বষ্টির দুর্ভিসন্ধি প্রমাণ করিয়া ফেলিয়াছে। নারায়ণগড়ে লাট সাহেবের ট্রেন ভাঙা লইয়া যখন জনকতক নিরপরাধ লোক দণ্ডিত হয়, তখন হইতেই আমরা পুলিশের অপার মহিমার কথা বেশ জানিতাম। সুতরাং কর্ত্তৃপক্ষকে জিজ্ঞাসা করিলাম—“আমাদের বিক্ষোভ যদি কোনও সন্দেহ বা প্রমাণ থাকে, তাহা হইলে এইরূপ চোরাগোষ্ঠা চাল না চালিয়া আমাদের প্রকৃত আদালতে বিচার করা হয় না কেন?” কর্ত্তারা কিন্তু এ কথার কোনও উত্তর না দিয়াই মুখ টিপিয়া চলিয়া গেলেন। আমরা কিংকর্ত্তব্যবিমূঢ় হইয়া রহিলাম।

মাস কয়েক পরে সার রেজিনাল্ড ক্র্যাডক্ (Sir Reginald Craddock) পোর্টব্লেয়ার পরিদর্শন করিতে যান। আমরা ভাবিলাম, খুব কাণ্ডেন পাকড়াইয়াছি; এইবার আমাদের বা' হয় একটা ব্যবস্থা হইবে। তাঁহার নিকট দুঃখের কাহিনী আরম্ভ করিতে না করিতে চীফ কমিশনার নিজ মুক্তি ধরিয়া বলিয়া ফেলিলেন, “তোমরা বাহিরে রাজদ্রোহের পরামর্শ (Conspiracy) করিতে-ছিলে।”

আমরা জবাব দিলাম, “তাই যদি আপনার ধারণা, ত প্রথমে যখন আপনাকে জিজ্ঞাসা করিয়া-ছিলাম তখন ভাল মানুষ সাজিয়া ‘জানি না’ বলিয়াছিলেন কেন? আর সে কথা বলিবার পরে যদি আমাদের অপরাধের প্রমাণ পাইয়া থাকেন, ত প্রকৃত আদালতে আমাদের বিচার করিতে এত সতর্কতা বোধ করেন কেন?” সার রেজিনাল্ড মুখ টিপিয়া হাসিতে হাসিতে উত্তর দিলেন—“কি জান, —এ সব কথার প্রমাণ হয় না।”

ননীগোপালও তাহার সমস্ত ইতিহাস বিবৃত করিল; মহামাঝ ক্যাডক সাহেব শুধু উত্তর করিলেন—“তুমি সরকারের শত্রু, তোমাকে মারিয়া ফেলাই উচিত ছিল।”

“তাই যদি উচিত, ত আইন-আদালতের এ ঠাট সাজাইয়া রাখিয়া বুথা পয়সা খরচ কেন? কাজটা সংক্ষেপে সারিলেই ত ছিল ভাল।”

বিচার ত এইখানে সাজ হইয়া গেল। এখন উপায়? নিরুপায়ের যিনি উপায়, তিনি না মুখ তুলিয়া চাহিলে আর গত্যন্তর নাই। কিন্তু এবার তাঁহারও সিংহাসন বুঝি টলিয়াছিল।

এক এক করিয়া প্রায় সকলেই পুনরায় কাজ-কর্ম ছাড়িয়া দিল। জেলের কর্তৃপক্ষ সাজা দিয়া বখন হাঁপাইয়া পড়িলেন, তখন বাঁহারা যাবজ্জীবন বীপান্তর দেও দণ্ডিত নন, তাঁহাদিগকে ম্যাজিস্ট্রেটের নিকট বিচারের জন্য পাঠাইয়া দিলেন। ডেপুটী কমিশনার Lowis সাহেবের উপর সেই ভার পড়িল। তিনি বিচারের পূর্বে একদিন ধর্মঘটের কারণ সম্বন্ধে কথাবার্তা কহিয়া অস্থগন্ধান করিতে আসিলেন।

আমাদের প্রতি যেরূপ ব্যবহার করা হইয়াছিল, তাহা শুনিয়া তিনি বলিলেন, “ইণ্ডিয়া গবর্ণমেন্টের ইচ্ছা যে, আমাদের প্রতি সাধারণ কয়েদী অপেক্ষা ভাল ব্যবহার করা না হয়; এ বিষয়ে পোর্টস্বেয়ারের কাহারও কোনও হাত নাই।” কিন্তু সাধারণ কয়েদীর যে সমস্ত সুবিধা আছে, আমাদের সে সমস্ত কিছুই নাই। সাধারণ কয়েদী লেখাপড়া জানিলে আফিসে ভাল কাজ-কর্ম পায়; তাহার লেখাপড়া না জানিলেও ওয়ার্ডার, পেটি-অফিসার হইতে পারে, আমরা যে সে সমস্ত অধিকার হইতে বঞ্চিত! অপরে পাঁচ বৎসর পরে মাসে বারো আনা করিয়া মাহিনা পায় এবং দশ বৎসর পরে নিজে উপার্জন করিয়া খাইতে পারে, আর আমাদের যে চিরদিনই জেলে পচিয়া মরিবার ব্যবস্থা। Lowis সাহেব উত্তর করিলেন যে, এ সমস্ত ব্যবহার ও দায়িত্ব ইণ্ডিয়া গবর্ণমেন্টের। একজন জিজ্ঞাসা করিলেন—“সাহেব, ভাল করিবার কোন অধিকারই তোমাদের নাই, শুধু কি সাজা দিবার অধিকারটুকুই হাতে রাখিয়াছিলে?”

সাহেব হাসিয়া ফেলিলেন, বলিলেন—“কি করিব? জেলের শাস্তি (discipline) ত রক্ষা করিতে হইবে।”

“জায়ই হোক, অজায়ই হোক, disciplineটা রক্ষা করিতেই হইবে, মোট কথা এই, না?”

সাহেব এ কথায় কোনও উত্তর দিলেন না। ব্যাপারটা কি, তাহা তিনি বেশই জানিতেন; কিন্তু তিনিও ত সরকারী চাকর। তাই কাহারও এক মাস, কাহারও তিন মাস, কাহারও বা ছয় মাস সাজা বাড়াইয়া দিয়া চলিয়া গেলেন। ভবিষ্যতে একবার ইঁহার সহিত আমাদের দেখা হইয়াছিল। কথাপ্রসঙ্গে উল্লাসকরের কথা উঠিলে তিনি বলেন—“Ullaskar is one of the noblest boys I have ever seen, but he is too idealistic।” “উল্লাসের মত মহাপ্রাণ ছেলে খুব কম দেখিয়াছি, তবে সে বড় বেশী উচ্চতাবোধ।” অথচ চাকরীর খাতিরে তাঁহাকে উল্লাসকরকে সাজা দিতেও হইয়াছিল।

Discipline আইন-কানুন রক্ষার জন্য ত সাজা, কিন্তু ক্রমশঃ সেই শাস্তিরক্ষাই দায় হইয়া উঠিল। আমাদের দেখাদেখি সাধারণ কয়েদীদের মধ্যেও ধর্মঘটের দল বাড়িয়া উঠিল। জেলের কাজকর্মের ক্ষতি হইতে লাগিল। কর্তৃপক্ষ দেখিলেন, একটা কিছু না করিলেই নয়।

রাজনৈতিক অপরাধীর মধ্যে বাঁহারা মেয়াদী কয়েদী (term convict), তাঁহাদের সাত আট জনকে হঠাৎ একদিন দেশের জেলে পাঠাইয়া দেওয়া হইল, এবং যে জেলার আমাদের গালাগালি দিতেও কুণ্ঠিত হন নাই, তিনিই একদিন নিতান্ত ভদ্রভাবে আমাদের ধর্মঘট ছাড়িয়া দিতে অহরোধ করিয়া বলিলেন—“Now you can retreat with honour।”—“এখন তোমরা আপন সম্মান বজায় রেখে কাজে নেমে পড়তে পার।” তিনি নাকি সংবাদ পাইয়াছেন যে, অধিকাংশ মেয়াদী কয়েদীকে দেশের জেলে পাঠাইয়া দেওয়া হইবে এবং বাঁহারা পোর্টস্বেয়ারে থাকিয়া যাইবেন, তাঁহাদের কাজ-কর্ম ও আহারাদির একটু বিশেষ ব্যবস্থা হইবে।

আমরা বলিলাম—“তথ্যস্ত, কিন্তু ছুই মাসের মধ্যে যদি আপনাদের বিশেষ ব্যবস্থার নমুনা না দেখা যায়, তাহা হইলে পুনর্মুখিক হইয়া আমরাই বিশেষ ব্যবস্থা করিয়া লইব।”

এইরূপে উভয় পক্ষে সন্ধিপত্র স্বাক্ষরিত হওয়ায় ধর্মঘটের দ্বিতীয় পর্ব সমাপ্ত লইল।

অল্পদিনের মধ্যে আলিপুরের বারীজ, হেমচন্দ্র ও আমি, ঢাকার পুলিবাহারী ও সুরেশচন্দ্র

এবং নাসিকের সাভারকর জাতৃষ্ণ ও বোশী ভিন্ন অপর সকলকে দেশের জেলে পাঠাইয়া দেওয়া হইল।

মেয়াদী কয়েদীদিগকে যখন ভারতবর্ষে পাঠাইয়া দেওয়া হইল, তখন আমরা কতকটা নিশ্চিন্ত হইলাম। যে ছয় সাত জন বাকি রহিলাম, তাহাদের যখন পোর্টব্ল্যারে থাকিতেই হইবে, তখন আর বেশী গোলমাল করিয়া লাভ কি? ছাড়া পাইবার যখন কোন আশা নাই, তখন মরণের অপেক্ষায় শান্তভাবে দিন কাটানই ভাল।

কিন্তু অদৃষ্টে সে শাস্তি আমাদের ছিল না। ১৯১৪ সালে যুদ্ধ বাধিয়া গেল। "ভারতবর্ষে যে চাকুল্যের স্রোত আসিয়া ধাক্কা মারিল, তাহার ফলে লাহোর বড়যন্ত্রের উৎপত্তি ও 'গদর' দলের প্রায় পঞ্চাশ জনের পোর্টব্ল্যারে আগমন। পোর্টব্ল্যারের অনেক শিখ সিপাহীও রাজনৈতিক অপরাধে দণ্ডিত হইল। বাংলা দেশ হইতেও পনেরো বোল জন আসিল। ফলে পোর্টব্ল্যারের জেলখানা এবার রাজনৈতিক কয়েদীতে ভরিয়া, এ স্থানের নরক গুলজার হইয়া উঠিল। ইহাদের মধ্যে চার পাঁচ জন ভিন্ন অপর কাহাকেও ঘানি ঘুরাইতে দেওয়া হয় নাই; কিন্তু নারিকেলের ছোবড়া পেটাও বড় কম পরিশ্রম নহে। তাহার উপর আর এক উপসর্গ এই যে, সরকারী খোরাকে ইহাদের পেট ভরে না। একে ত প্রকাণ্ড প্রকাণ্ড লম্বা চওড়া পাঞ্জাবী, তাহার উপর অনেকেই বহুদিন আমেরিকায় থাকার ফলে যথেষ্ট পরিমাণে মাংসাদি খাইতে অভ্যস্ত। সুতরাং দুইখানা রুটি ও এক বাটি ভাত ইহাদের পেটের এক কোণে কোথায় তলাইয়া যায় তাহার সম্ভাবনাও পাওয়া যায় না। বিশেষতঃ, অপমানিত ও লাঞ্চিত হইয়া চূপ করিয়া বসিয়া থাকিবার পাত্রও ইহারা নহেন। সুতরাং অল্পদিনের মধ্যেই জেলের কর্তৃপক্ষগণের সঙ্গে ইহাদের নরম গরম খটখটি বাধিয়া উঠিল।

বাল্লির পরমানন্দকে লইয়াই বাগড়া আরম্ভ হইল। কি একটা কথা লইয়া তাঁহাকে জেলারের নিকট লইয়া যাওয়া হয়। জেলার আপনার কর্তৃত্ব জানাইয়া যে ওজনের কথা कहিলেন, পরমানন্দও সেই ওজনের কথা ফিরাইয়া দিলেন। মুখোমুখি শেষে হাতাহাতিতে দাঁড়ইল। বিচারে পরমানন্দের বিশ ঘা বেত্রদণ্ড হওয়ার ধর্মঘট আরম্ভ হইল। কিন্তু তাহা অধিক দিন

হইল না। জেলার নিজেই সকলকে বুঝাইয়া সুঝাইয়া ভবিষ্যতে সচিবহার করিবার আশা দিয়া সে ধর্মঘট ভাঙাইয়া দিলেন।

অসন্তোষের বীজ কিন্তু মরিল না। দিন কতক পরে সামান্য কারণে আবার গোলমাল বাধিল। রবিবারে কয়েদীদের ছুটি, সেদিন আপন আপন বস্ত্রাদি পরিষ্কার ভিন্ন অল্প কর্ম হইতে তাহাদিগকে অব্যাহতি দেওয়া হয়। পোর্টব্ল্যারে কিন্তু সেদিন জেলের উঠানে ঘাস ছিঁড়িতে হয়। একে ত ছুটির দিন সমস্ত দুপুর বেলা কয়েদীদিগকে কুঠরীর মধ্যে বদ্ধ থাকিতে হয়, তাহার উপর সকাল বেলা ঘাস ছিঁড়িয়া বেড়াইতে হইলে তাহাদের ছুটি নিতান্তই নামমাত্র হইয়া দাঁড়ায়। আমেরিকার 'গদর' পত্রিকার সম্পাদক জগৎরাম প্রভৃতি কয়েকজন এই ব্যবস্থার প্রতিবাদ করিয়া রবিবারে ঘাস ছিঁড়িতে অস্বীকৃত হন। সুপারিনটেন্ডেন্ট সাহেবের বিচারে তাঁহাদের প্রত্যেকের ছয় মাস করিয়া বেড়ি ও কুঠরীবদ্ধ হওয়ার দণ্ড হয়। বলা বাহুল্য, লঘুপাপে এই গুরুদণ্ড দেখিয়া কেহই বিশেষ প্রীত হন নাই। তাহার পর, দিনের পর দিন যখন কষ্টের মাত্রা কমিবার কোনই সম্ভাবনা দেখা গেল না, তখন অনেকেই আবার কাজকর্ম ত্যাগ করিলেন। এই সময় একটা ব্যাপার লইয়া বড় গোলমাল হয়। একজন বুদ্ধ শিখের সহিত জেলের প্রহরীদিগের বিবাদ হয়; তিনি বলেন যে, প্রহরীরা তাঁহাকে কুঠরীর মধ্যে লইয়া গিয়া অত্যন্ত প্রহার করে। সত্য মিথ্যা ভগবান জানেন, ফলে কিন্তু তিনি দুই এক দিনের মধ্যে কঠিন রক্ত আমাশয় রোগে আক্রান্ত হইয়া হাসপাতালে আসেন। সেখানে যক্ষ্মারোগের সূত্রপাত হয় এবং অল্পদিনের মধ্যেই তিনি মারা পড়েন। সেখানকার অনেকের বিশ্বাস যে, গুরুতর প্রহারই তাঁহার মৃত্যুর কারণ, কিন্তু কর্তৃপক্ষ একথা সত্যতা স্বীকার করেন। এই ব্যাপারের কোনও প্রতিকার হইল না ভাবিয়া চার পাঁচ জন আহার ত্যাগ করিলেন। পৃথী সিং তাঁহাদের অগ্রণী। তাঁহাকে নাক দিয়া জোর করিয়া দুধ খাওয়াইয়া দেওয়া হইত। এ অবস্থায় তিনি পাঁচ মাস থাকেন। অন্তিমেষ্টে হইলে একটা হলুদ পড়িয়া যাইত; কিন্তু পোর্টব্ল্যারের সংবাদ কে রাখে? সেখানে দুই দশ জন কয়েদী মরিলেই বা কাহার কি আসে যায়?

শিখদের মধ্যে আরও তিন চার জন এই যক্ষ্মারোগে আক্রান্ত হইয়া দুই তিন মাস জুগিয়া

মারা যান। পূর্বেই বলিয়াছি, জেলে ঢুকিবার সময় শ্রামদেশ হইতে ধৃত পণ্ডিত রামরক্ষার পৈতা কাড়িয়া লওয়া হয় বলিয়া, তিনি আহাৰ ত্যাগ করিয়াছিলেন; এই সময় যক্ষ্মারোগে তাঁহারও মৃত্যু হয়। অব্যাহতির অল্প কোন উপায় না দেখিয়া, একজন একখণ্ড সিনা খাইয়াও মরিয়াছিলেন।

বাহার মরিলেন, তাঁহার ত বাঁচিয়া গেলেন; বাহার পাগল হইয়া জীবন্ত মরিয়া রহিলেন, তাঁহাদের অবস্থা আরও শোচনীয়। বালেশ্বর মোকদ্দমার যতীশচন্দ্র পাল তাঁহাদের অন্ততম। কুঠরীবদ্ধ অবস্থায় তিনি একেবারে উন্মাদ হইয়া যান। তাঁহাকে পাগলা গারদে পাঠান হয়, পরে ভারতবর্ষে লইয়া আসা হয়। এখন বহরমপুর পাগলা গারদে তাঁহার দিন কাটিতেছে।

এরূপ ঘটনার সংখ্যা নাই। কাহার কথা ছাড়িয়া কাহার কথা লিখিব? ছত্র সিংহ নামে একজন শিখ লায়লপুর খালসা স্কুলের শিক্ষক ছিলেন। দেশে তাঁহার অপরাধ কি জানি না; কিন্তু পোর্টব্লেরারে তাঁহাকে প্রথম হইতে কুঠরীবদ্ধ অবস্থায় রাখা হয়। ধর্মঘট লইয়া যখন গোলযোগ চলিতেছিল, তখন তিনি একদিন উত্তেজিত হইয়া সুপারিনটেনডেন্টকে আক্রমণ করিবার চেষ্টা করেন বলিয়া প্রবাদ। ফলে প্রহরীগণ তাঁহাকে মারিতে মারিতে অজ্ঞান করিয়া ফেলে। তাহার পর তাঁহাকে কুঠরীতে পোরা হয়; তাহা হইতে তাঁহাকে দুই বৎসরের অধিক কাল আর বাহির করা হয় নাই। বারান্দার এক কোণে জাল দিয়া ঘিরিয়া তাঁহার জন্ত পিঞ্জরা প্রস্তুত করিয়া দেওয়া হইয়াছিল; সেই পিঞ্জরার মধ্যেই তাঁহাকে আহাৰ, তাঁড়ে শৌচ প্রস্রাবাদি ত্যাগ, রাত্রিকালে নিদ্রা যাইতে হইত। ইহাতে স্বাস্থ্যভঙ্গ হইয়া তাঁহাকে ক্রমে মরণাপন্ন হইতে হইয়াছিল, এ কথা বলাই বাহুল্য। আর একজন শিখ অমর সিংএরও এরূপ অবস্থা।

মৃত্যুর হার যখন ক্রমে বাড়িতেই চলিল, তখন কর্তৃপক্ষদিগের একটু হঁস হইল। অনেককে অপেক্ষাকৃত সহজ কাজ (দড়ি পাকান) দেওয়া হইল। জগৎরাম বহুদিবস পৃথক-কারাবাসের (separate confinement) ফলে শিরোরোগে ভুগিতেছিলেন, তাঁহাকে ও অপর দুই এক জনকে ছাপাখানার কাজ দেওয়া হইল। দয়ানন্দ কলেজের ভূতপূর্ব অধ্যাপক তাই পরমানন্দ ধর্মঘটে কখনও

যোগ দেন নাই বলিয়া, তাঁহাকে হাসপাতালে কম্পাউণ্ডার করিয়া দেওয়া হইল। কিন্তু অধিক দিন সে সুখ তাঁহাকে ভোগ করিতে হইল না। তাঁহার স্ত্রী তাঁহার চিঠি হইতে এক অংশ উদ্ধৃত করিয়া সংবাদপত্রে রাজনৈতিক কয়েদীদিগের অবস্থা সম্বন্ধে লিখিয়া পাঠান। চীফ কমিশনার ইহাতে বিশেষ অসন্তুষ্ট হইয়া পরমানন্দকে বিনা বিচারে হাজতে বদ্ধ করিলেন। পরমানন্দ বলেন যে, তাঁহার এই চিঠি যথারীতি জেলের সুপারিনটেনডেন্ট সাহেবের হাত দিয়া পাস হইয়া গিয়াছিল। সে কথা অবিস্ময় করিবার কোনও কারণ নাই, কিন্তু তথাপি পরমানন্দ লাজনা হইতে নিষ্কৃতি পাইলেন না। সকলেই একটা অস্বস্তির মধ্যে দিন কাটাইতে লাগিলেন।

ত্রয়োদশ পরিচ্ছেদ

ধর্মঘটের ফলে সরকার বাহাদুরের সঙ্গে আমাদের যে রফা হইল, তাহার মোকদা কথা এই যে, আমাদের চৌদ্দ বৎসর কালাপানির জেলে বদ্ধ থাকিতে হইবে! চৌদ্দ বৎসরের পর আমাদের জেলের বাহিরে ছাড়িয়া দেওয়া হইবে, আর তখন আমাদের কয়েদীর মত পরিশ্রম করিতে হইবে না। জেলখানার ভিতরেও আমরা বাহিরের কয়েদীর মত নিজের নিজের আহাৰ রাখিয়া খাইতে পারিব ও বাহিরের কয়েদীর মত পোষাক পরিতে পারিব অর্থাৎ জামিয়া, টুপি ও হাতকাটা কুর্তা না পরিয়া, কাপড় ও হাতাওয়ালা কুর্তা পরিতে পাইব আর মাথায় একটা চার হাত লম্বা কাপড়ের পাগড়ী জড়াইবার অধিকার পাইব। অধিকন্তু দশ বৎসর যদি আমরা ভাল ব্যবহার করি অর্থাৎ ধর্মঘটে যোগ না দিই বা জেলের কর্তাদের সহিত ঝগড়া না করি, তাহা হইলে দশ বৎসর কয়েদ খাটিবার পর সরকার বাহাদুর বিবেচনা করিবেন আমাদের আরও অধিক সুখে রাখিতে পারেন কি না। জামিয়া ছাড়িয়া আট হাতি মোটা কাপড় পরিয়া বা মাথায় পাগড়ী বাঁধিয়া আমাদের সুখের মাত্রা যে কি বাড়িয়া গেল, তাহা বুঝিতে পারিলাম না। তবে নিজের হাতে রাখিবার অধিকার পাইয়া প্রত্যহ কচুপাতা সিদ্ধ খাইবার দায় হইতে কতকটা অব্যাহতি পাইলাম। সঙ্গে সঙ্গে কঠিন পরিশ্রমের হাতও এড়াইলাম। বারীজকে বেতের কারখানার

তত্ত্বাবধানের ভার দেওয়া হইল; হেমচন্দ্রকে পুস্তকাগারের অধ্যক্ষ করা হইল, আর আমি হইলাম বানি-ঘরের মোড়ল। প্রাতঃকাল ১০টা হইতে ১২টার মধ্যে রন্ধন ও আহাৰাদি শেষ করিয়া লইবার কথা; কিন্তু ঐ অল্প সময়ের মধ্যে সব কাজ সারিয়া লওয়া অসম্ভব দেখিয়া, আমরা সাধারণ ভাণ্ডার (পাকশালা) হইতে ভাত ও ডাল লইতাম; শুধু তরকারিটা নিজেদের মনোমত রঁধিয়া লইতাম। রন্ধন-বিভাগ হেমচন্দ্রের ওস্তাদ বলিয়া নামডাক ছিল। প্রকৃতপক্ষে মাংস, পোলাও প্রভৃতি নবাবী খানা তিনি বেশ রঁধিতে পারিতেন, তবে সোজাসুজি তরকারি রঁধিতে আমাদের চেয়ে বেশী পণ্ডিত ছিলেন বলিয়া মনে হয় না। একদিন একটা মোচা পাইয়া বহুকাল পরে মোচার ঘণ্ট খাইবার সাধ হইল। কিন্তু কি করিয়া রঁধিতে হয়, তাহাত জানি না। মোচার ঘণ্ট রঁধিবার জন্ত যে প্রকাণ্ড কনকারেন্স বলিল, তাহাতে রন্ধন-প্রণালী সম্বন্ধে কাহারও সহিত কাহারও মত মিলিল না। বারীজ বলিল—“আমার দিদিমা হাটখোলার দস্তবাড়ীর মেয়ে এবং পাকা রঁধুনী, সুতরাং আমার মতই ঠিক।” হেমচন্দ্র বলিল—“আমি ফ্রান্সে গিয়ে ফরাসী রান্না শিখে এসেছি, সুতরাং আমার মতই ঠিক।” আমাদের সব স্বদেশী কাজেই যখন বিদেশী ডিপ্লোমার আদর অধিক, তখন আমরা স্থির করিলাম যে, মোচার ঘণ্ট রান্নাটা হেমদার পরামর্শ মতই হওয়া উচিত। আমি গম্ভীর ভাবে রঁধিতে বলিলাম, হেমদা কাছে বলিয়া আরও গম্ভীর ভাবে উপদেশ দিতে লাগিলেন। কড়ার উপর তেল চড়াইয়া যখন হেমদা পেঁয়াজের ফোড়ন দিয়া মোচা ছাড়িয়া দিতে বলিলেন, তখন তাঁহার রন্ধন-বিভাগ ডিপ্লোমা সম্বন্ধে আমার একটু সন্দেহ হইল। মোচার ঘণ্টে পেঁয়াজের ফোড়ন কি রে বাবা! এবে বেজায় ফরাসী কাণ্ড। কিন্তু কথা কহিবার উপায় নাই। চুপ করিয়া তাহাই করিলাম। মোচার ঘণ্ট রান্না হইয়া যখন কড়া হইতে নামিল, তখন আর তাহাকে মোচার ঘণ্ট বলিয়া চিনিবার জো নাই। দিব্য তোকা কাল রং আর চমৎকার পেঁয়াজের গন্ধ। খাইবার সময় হাসির ধ্বংস পড়িয়া গেল। বারীজ বলিল—“হাঁ, দাদা একটা ফরাসী chef-de cuisine বটে; দিদিমা আমার এমনটা রঁধিতে পারিত না।” হেমদা হটিবার পাত্র নহেন। তিনি বলিলেন—“ঐ ত তোমাদের রোগ। ভেঁমুরা সবাই দিদিমা-পছন্দী, দিদিমা যাঁ করে

গেছেন তা আর বদলাতে চাও না।” মোচার ঘণ্ট যে দিন রন্ধনের গুণে মোচার কাবাব হইয়া দাঁড়াইল, তাহার দিন কতক পরে একবার স্নক্ত রঁধিবার প্রস্তাব উঠিয়াছিল। কিন্তু স্নক্ত রঁধিবার সময় কি কি মসলা দিতে হয়, সে বিষয়ে মতবৈধ রহিয়া গেল। হেমদা বলিলেন যে তরকারীর মধ্যে এক আউন্স কুইনাইন মিকচার ফেলিয়া দিলেই তাহা স্নক্ত হইয়া যায়। আমাদের দেশের যে সমস্ত নবীনা গৃহিণী পাঁচ খণ্ড পাক-প্রণালী কোলে করিয়া রঁধিতে বসেন, তাঁহারা স্নক্ত রঁধিবার এই অভিনব প্রণালীটা পরীক্ষা করিয়া দেখিতে পারেন। ব্যাপারটা যদি সত্য হয়, তাহা হইলে এই ম্যালেরিয়া-প্রদীপ্ত দেশে তাঁহারা একাধারে আহাৰ ও পথ্যের আবিষ্কার করিয়া অমর হইয়া যাইতে পারিবেন। দাদারও জয় জয়কার পড়িয়া যাইবে।

রঁধিবার জন্ত আমরা জেল হইতে কিছু কিছু তরকারী লইতাম, তবে তাহার মধ্যে চুবড়ী আলু আর কচুই প্রধান। কাজে কাজেই বাজার হইতে মাঝে মাঝে অল্প তরকারী আনাইয়া লইতে হইত। সরকার বাহাদুরের নিয়মানুযায়ী আমরা মাসিক বেতন পাইতাম বারো আনা। আমরা শারীরিক দুর্বল ছিলাম বলিয়া জেলের কর্তৃপক্ষগণ আমাদের প্রত্যেককে বারো আউন্স করিয়া দুধ দিয়া তাহার আংশিক মূল্য স্বরূপ মাসিক আট আনা কাটিয়া লইতেন। বাকি চার আনার উপর নির্ভর করিয়া আমাদের সংসারযাত্রা নির্বাহ করিতে হইত। কিছুদিন পরে জেলের মধ্যে একটা ছাপাখানা স্থাপন করিয়া বারীজের উপর তাহার তত্ত্বাবধানের ভার দেওয়া হয়; আর হেমচন্দ্রকে বই-বঁধাই বিভাগের অধ্যক্ষ করিয়া দেওয়া হয়। সেই সময় সুপারিন্টেন্ডেন্ট সাহেব উহাদের প্রত্যেককে মাসিক পাঁচ টাকা করিয়া তাতা দিবার জন্ত চীফ কমিশনারের অনুমতি চান। পাঁচ টাকার নাম শুনিয়াই চীফ কমিশনার লাফাইয়া উঠিলেন। কয়েকদিন মাসিক তাতা পাঁচ টাকা। আরে বাপ! তাহা হইলে ইংরেজরাজ যে ফতুর হইয়া যাইবে। অনেক লেখালেখির পর মাসিক একটাকা করিয়া বরাদ্দ হইল। যথা লাভ।

ক্রমে ক্রমে আমাদের রান্নাঘরের পাশে একটি ছোট পুদিনার ক্ষেত দেখা দিল; তাহার পর দুই চারিটা লঙ্কা গাছ, এক আঁঠটা বেগুন গাছ ও একটা কুমড়া গাছও আগিয়া জুটিল। এ সমস্ত শাস্ত্রবিরুদ্ধ ব্যাপার ঘটতে দেখিয়া জেলার মাঝে মাঝে তাড়া

করিয়া আসিত ; কিন্তু সুপারিনটেন্ডেন্টের মনের এক কোণে আমাদের উপর একটু দয়ায় আবির্ভাব হইয়াছিল। তিনি এ সমস্ত ব্যাপার দেখিয়াও দেখিতেন না। জেলাবের প্রতিবাদের উত্তরে বলিতেন—‘এরা যখন চূপ চাপ করে আছে, তখন এদের আর পিছু লেগো না।’ এরূপ দয়া প্রকাশের কারণও ঘটিয়াছিল। কর্তৃপক্ষের আট বাট বন্ধ রাখিবার শত চেষ্টা সত্ত্বেও মাঝে মাঝে দেশের খবরের কাগজে তাঁহাদের কীটিকাহিনী প্রকাশ হইয়া পড়িত। তাহাতে তাঁহাদের মেজাজটা প্রথম প্রথম বিলক্ষণই উগ্র হইয়া উঠিত ; কিন্তু শেষে অনেকবার ঠেকিয়া ঠেকিয়া তাঁহারাও শিথিয়াছিলেন যে, কয়েদীকে বেশী খাটাইয়া লাভ নাই।

মেজাজ একটু ঠাণ্ডা হইবার প্রবলতর কারণ জার্মানীর সহিত ইংরাজের যুদ্ধ। যুদ্ধ বাধিবার অল্পদিনের মধ্যেই কর্তাদের মুখ যেন শুকাইয়া গেল। কয়েদীদের তাড়া করিবার প্রবৃত্তি আর বড় বেশী রহিল না। অষ্ট্রিয়ার রাজপুত্রের হত্যাকাণ্ড হইতে আরম্ভ করিয়া প্যারী নগরীর হুড়ি মাইলের মধ্যে জার্মান সৈন্তের আগমন সংবাদ সবই আমরা জেলের ভিতরে বসিয়া পাইতেছিলাম। শেষে যখন ‘এমডেন’ আসিয়া মাদ্রাজের উপর গোলা ফেলিয়া চলিয়া গেল, তখন ব্যাপারটা আর সাধারণ কয়েদীর নিকট হইতে লুকাইয়া রাখা সম্ভবপর হইল না। ইংরেজের বাণিজ্য ব্যাপারের যে যথেষ্ট ক্ষতি হইতেছে, তাহা কয়েদীদের বৃত্তিতে বাকি রহিল না। আগে পিপা পিপা নারিকেল ও সরিষার তৈল পোর্টব্রেরার হইতে রপ্তানী হইত, এখন সে সমস্তই গুদামে পচিতে লাগিল। জেলে ঘানি চালান বন্ধ হইয়া গেল। শেষে যখন কয়েদীর নিকট হইতে নানারূপ প্রলোভন দেখাইয়া যুদ্ধের জন্য টাকা সংগ্রহ (war loan) করা হইতে লাগিল, তখন পোর্টব্রেরারে গুজব রটিয়া গেল যে, ইংরাজের দফা এবার রফা হইয়া গিয়াছে। জেলের দলাদলি ভাঙিয়া গিয়া শত্রুমিত্র সবাই মিলিয়া জার্মানীর জন্য কামনা করিয়া ঘন ঘন মালা জপিতে আরম্ভ করিল। জার্মানীর বাদশা নাকি হুকুম দিয়াছে যে, সব কয়েদীকে ছাড়িয়া দিতে হইবে। সাহেবদের আরদালীরা আসিয়া খবর দিতে লাগিল যে, আজ সাহেব সংবাদপত্র পড়িতে পড়িতে কাঁদিয়া ফেলিয়াছে, সাহেব না খাইয়া বিছানায় মুখ ভুজিয়া পড়িয়া ছিল, ইত্যাদি ইত্যাদি। কাঁকে কাঁকে ভবিষ্যৎকা জুটিয়া গেল। কেহ বলিল, পীর সাহেব স্বপ্ন দেখিয়াছেন যে, ১৯১৪ সালে ইংরেজের

ভরা ভুবিলে ; কেহ বলিল, এ কথা ত কেতাবে স্পষ্টই লেখা আছে। মোটের উপর সকাল হইতে সন্ধ্যা পর্যন্ত এই একই আলোচনা চলিতে লাগিল।

কয়েদীদের মনের ভাব শেষে কর্তৃপক্ষেরও অগোচর রহিল না। ইংরেজ যে যুদ্ধে হারিতেছে না, এ কথা প্রমাণ করিবার জন্য জেলের সুপারিনটেন্ডেন্ট আমাদিগকে বিলাতের ‘টাইমস’ পত্রের সাপ্তাহিক সংস্করণ পড়িতে দিলেন। কিন্তু ‘টাইমস’ের কথা বিশ্বাস করাও ক্রমে দায় হইয়া উঠিল। টাইমসের মতে ইংরাজ ও ফরাসী সৈন্ত প্রত্যহ যত মাইল করিয়া অগ্রসর হইতেছিল, মাস কতক পরে তাহা যোগ দিয়া দেখা গেল যে, তাহা সত্য হইলে, ইংরাজ ও ফরাসী সৈন্তদের জার্মানীর দর হইয়া পোলাণ্ডে গিয়া উপস্থিত হওয়া উচিত ছিল ; অথচ পোলাণ্ড ত দুয়ের কথা, রাইন নদীর কাছাকাছি হওয়ার কোন সংবাদ পাওয়া যাইতেছে না। সাধারণ কয়েদীরা ইংরাজের স্বপক্ষে কোন কথা কহিলে একেবারে খান্সা হইয়া উঠিত। কর্তারা যে মিথ্যা খবর ছাপাইয়া তাঁহাদের পটি দিতেছে, এ বিষয়ে আর কাহারও সন্দেহ না হইতেছিল না।

নূতন নূতন যে সমস্ত কয়েদী দেশ হইতে আসিতে লাগিল, তাহারা নানা প্রকার অদ্ভুত গুজব প্রচার করিয়া চাকল্য আরও বাড়াইয়া তুলিল। এক দল আসিয়া আমাদের সংবাদ দিল যে, তাহারা বিশ্বস্তসূত্রে দেশ হইতে শুনিয়া আসিয়াছে যে, এমডেন পোর্টব্রেরার জেলখানা ভাঙিয়া দিয়া রাজনৈতিক কয়েদীদের লইয়া চলিয়া গিয়াছে। আমাদিগকে শরীরে সেখানে উপস্থিত দেখিয়াও তাহারা বিশ্বাস করিতে চাহিল না যে, গুজব মিথ্যা। তাহারা যে ভাল লোকের কাছে ও-কথাটা শুনিয়াছে। শ্রুতির চেয়ে প্রত্যক্ষতা ত আর বড় প্রমাণ নয়।

ক্রমে পাঠান ও শিখ পণ্টনের অনেক লোক বিদ্রোহের অপরাধে পোর্টব্রেরারে আসিয়া পৌঁছিল। তাহাদের কেহ কেহ ফ্রান্স, কেহ বা মোগোপোটেমিয়া হইতে আসিয়াছে। পাঠানদের মুখে মুখে এনভার বের দৈব শক্তি সম্বন্ধে যে সব চমৎকার গল্প প্রচারিত হইতে লাগিল, তাহা শুনিয়া কয়েদীদের বুক আশায় দশ হাত হইয়া উঠিল। এনভার যে তোপের সম্মুখে দাঁড়াইলে নাকি খোদার কোদরতে তোপের মুখ বন্ধ হইয়া যায়। তিনি আবার নাকি পক্ষীরাজ বোড়ায় চড়িয়া একদিন

মুলতান সরিফে আসিয়া অচিরে জগন্নাথী মুসলমান সাম্রাজ্য প্রতিষ্ঠার আশা দিয়া গিয়াছেন। জাঙ্গানীর বাদশাও নাকি কল্যাণ পড়িয়া মুসলমান ধর্ম গ্রহণ করিয়াছেন।

এ সব কথাই প্রতিবাদ করিয়া কয়েদীদের বিষয়ভাজন হওয়া ছাড়া আর অল্প কোনও ফল নাই দেখিয়া, আমরা চুপ করিয়া থাকিতাম। তবে যথাসম্ভব সত্য ব্যাপার জানিবার জন্য সংবাদপত্র জোগাড় করিবার জন্য উঠিয়া পড়িয়া লাগিয়া গেলাম। গদর দলের শিখেরা পোর্টব্লেনারে কয়েদী হইয়া আসিবার পর পাছে জেলের মধ্যে দাঙ্গা হাঙ্গামা হয়, সেই ভয়ে জেলে পাহারা দিবার জন্য দেশী ও বিলাতী পল্টন আমদানি করা হইয়াছিল। বিলাতী পল্টনের মধ্যে আইরিশ অনেক ছিল। আর তাহারা যে ইংরেজের বিশেষ শুভাখা ছিল, তাহাও নয়। সুতরাং সংবাদপত্র সংগ্রহ করা একেবারে অসম্ভব ছিল না। তা' ছাড়া নতুন নতুন যে সমস্ত রাজনৈতিক কয়েদী আসিতে লাগিল, তাহাদের নিকট হইতেও দেশের অবস্থা বুঝিতে পারিতাম। এমডেন ধরা পড়িবার পরে একটা গুজব শুনিয়াছিলাম যে, ঐ জাহাজে যে সমস্ত কাগজপত্র পাওয়া গিয়াছিল, তাহার মধ্যে পোর্টব্লেনারের একটা প্রান ছিল; বোধ হয় ভবিষ্যতে কোনরূপ আক্রমণের ভয় হইতে উদ্ধার পাইবার জন্য পোর্টব্লেনারে সৈন্তসংখ্যা বৃদ্ধি করা হইয়াছিল ও দুই চারিটা তোপের আমদানি করা হইয়াছিল।

পোর্টব্লেনারে মিলিটারী পুলিশের মধ্যে পাঞ্জাবীর সংখ্যাই অধিক, এবং তাহাদের মধ্যে শিখও যথেষ্ট। পাছে গদর দলের শিখেরা মিলিটারি পুলিশের সহিত কোনরূপ ঝড়ঝন্ড করিয়া একটা দাঙ্গা হাঙ্গামা বাধায়, এই চিন্তায় পোর্টব্লেনারের কর্তারা যেন একটু চঞ্চল হইয়া পড়িয়াছিলেন বলিয়া মনে হয়। এই ভয়ে জেলের ভিতরকার শিখদিগের উপর তাহাদের ব্যবহার বেশ একটু কঠোর হইয়া দাঁড়াইত। একে ত আমেরিকা-প্রত্যাগত শিখদিগের ক্রটি ও মাংস খাওয়া অভ্যাগ; জেলের খোরাক খাইয়া তাহাদের পেটই ভরে না; তাহার উপর মাথার লম্বা লম্বা চুল ধুইবার জন্য সাবান ও সাজিমাটি কিছুই পায় না। শেষে যখন তাহাদের উপর ছোট ছোট অত্যাচার শুরু হইল, তখন তাহাদের মধ্যে ছত্র সিং ক্ষিপ্তপ্রায় হইয়া

সুপারিনটেনডেন্টকে আক্রমণ করিবার চেষ্টা করে। বেচারীকে তাহার ফলে দুই বৎসর কাল শিঙ্গারার মধ্যে আবদ্ধ থাকিতে হয়। ধর্মঘটও পুনরায় আরম্ভ হইল। কিন্তু যে সকল নেতা শিখদিগকে ধর্মঘট করিবার জন্য উত্তেজিত করিলেন, তাহারাও কার্যকালে সরিয়া দাঁড়াইলেন। শেষে দলাদলির সৃষ্টি হইয়া ধর্মঘট ভাঙ্গিয়া গেল। যুদ্ধ থামিয়া গেলে আমাদের ভাগ্যবিধাতা আমাদের জন্য কোন নতুন ব্যবস্থা করেন কি না, তাহাই দেখিবার জন্য সকললেই উদ্গ্রীব হইয়া বসিয়া রহিল।

চতুর্দশ পরিচ্ছেদ

রাজনৈতিক মতামত লইয়া মাঝে মাঝে সুপারিনটেনডেন্টের সহিত আমাদের তর্ক-বিতর্ক হইত। বলা বাহুল্য, ইংরেজ গবর্নমেন্টের মহিমা প্রচার করাই তাহার উদ্দেশ্য। স্বীলোক ও রাজপুরুষের সহিত তর্ক উপস্থিত হইলে হারিয়া যাওয়াই ভদ্রতাসঙ্গত; কিন্তু সে কথা জানিয়াও আমরা মাঝে মাঝে দুই চারিটা অগ্রিম সত্য কথা বলিয়া ফেলিতাম। যেখানে গায়ের ঝাল মিটাইবার জন্য উপায় নাই, সেখানে জিহ্বা সঞ্চালন ভিন্ন আর কি করা যায়?

রুসিয়ায় তখন বিপ্লব আরম্ভ হইয়া গিয়াছে, একদিন জেলার আমায় ডাকিয়া জিজ্ঞাসা করিলেন, —“সুপারিনটেনডেন্ট যে তোমাদের সঙ্গে অভক্ষণ ধরিয়া তর্কবিতর্ক করেন, তা'র কি কারণ বলিয়া মনে হয়?”

আমি বলিলাম—“কি জানি, সাহেব। স্বজাতির গুণগান করা ছাড়া আর যদি কোন গুণ উদ্দেশ্য থাকে ত বলিতে পারি না।”

জেলার বলিলেন—“এ কথা বোধ হয় জান যে, ছয় মাস অন্তর ইণ্ডিয়া গবর্নমেন্টের কাছে তোমাদের প্রত্যেকের সম্বন্ধে এক একখানি করিয়া রিপোর্ট যায়। তোমরা সুপারিনটেনডেন্টের কাছে যে মতামত প্রকাশ কর, তিনি সেগুলি নোট করিয়া রাখেন, আর তাহার উপর নির্ভর করিয়াই রিপোর্ট প্রস্তুত হয়। চারিদিকে যেরূপ হলুহলু কাণ্ড বাধিয়া গিয়াছে, তাহাতে ইংরেজ যদি হারে, ত ল্যাঠা চুকিয়াই গেল; আর যদি জয়ী হয় ত আনন্দের প্রথম-ধাক্কা তোমাদের

ছাড়িয়াও দিতে পারে। ইংরেজ রাজত্বটা যে কি, তাহা আমি আইরিশ, স্মৃতরাং ভাল করিয়া বুঝি। জেলখানার ভিতর সব সময়ে পেটের কথা মুখে আনিয়া লাভ নাই।”

ভাবিয়া দেখিলাম, কথাগুলো ত ঠিক। জেলখানাটা ঠিক বক্তৃতা দিবার জায়গা নয়। শত্রুর মুখ হইতেও উপদেশ শাস্ত্রমত গ্রাহ্য; স্মৃতরাং জিহ্বাটা সেই সময় হইতে অনেক কষ্টে সংযত করিয়া ফেলিলাম।

সুপারিন্টেন্ডেন্ট মাঝে মাঝে যুদ্ধের বিষয় লইয়া আলোচনা করিতেন। জার্মানী যে কি ভীষণ রকম পাজি, তাহাই তাঁহার প্রতিপাদ্য। আমরাও এক বাক্যে জার্মানীর পাজি স্বীকার করিয়া লইয়া তাঁহাকে জনাইয়া দিলাম যে, মরিবার পর জার্মানী নিশ্চয় নরকে যাইবে। দেবলোকে ইংরেজের পার্শ্বে স্থান পাইবার তাহার কোনই সম্ভাবনা নাই।

ইংরাজচরিত্রে একটা কেমন সঙ্গীর্ণতা আছে—সে কোন জিনিসের নিজের দিক ছাড়া পরের দিক সহজে দেখিতে পায় না। তেজিখ কোটা ভারতবাসী যে চিরদিন ইংরেজের আশ্রয়েই থাকিতে চায়, এ কথা বিশ্বাস করিবার জন্ত ইংরেজের প্রাণ একেবারেই লালান্নিত। ভারতে ইংরেজ রাজত্ব যে আদর্শ শাসনযন্ত্রের খুব কাছাকাছি, এ বিষয়ে তাঁহাদের বড় একটা সন্দেহ নাই।

কিন্তু এ বিশ্বাস সুপারিন্টেন্ডেন্ট সাহেবের শেষ পর্য্যন্ত ছিল বলিয়া মনে হয় না। যুদ্ধের সময় ত বেচারী প্রাণপণ করিয়া পরিশ্রম করিলেন, কয়েদীর খরচ কমাইয়া সরকারী তহবিলে অনেক টাকা জমা দিলেন; কিন্তু যুদ্ধ শেষ হইবার পর নিজের একমাত্র শিশু কন্তাকে বিলাতে রাখিয়া আসিবার জন্ত যখন ছয় মাসের ছুটি চাহিলেন, তখন ছুটি আর মিলিল না। আবেদনের পর আবেদনের যখন কোনও উত্তর পাওয়া গেল না, তখন তিনি বলিতে আরম্ভ করিলেন—All governments are bad, I am an anarchist. শেষে চটিয়া গিয়া তিনি চাকরী ছাড়িয়া দিবার প্রস্তাব করিয়া বলিলেন—“The gods of Simla are incorrigible।” কিছুদিন পূর্বে মটেরু সাহেবের রিফর্ম বিলের খসড়ায় যখন ইণ্ডিয়া গবর্নমেন্টকে একেবারে সর্বময় প্রভু করিয়া খাড়া করা হইয়াছিল, তখন ঐ সুপারিন্টেন্ডেন্টই একদিন কথাপ্রসঙ্গে বলিয়াছিলেন—“তাহাতে কোন দোষ হইবে না। The Government of India are sensible

people.” নিজের লেজে পা না পড়িলে কেহ পরের দুঃখ বুঝিতে পারে না।

যাক—এ দিকে যুদ্ধ ত শেষ হইয়া গেল। যুদ্ধের পূর্বে যখন ছাড়া পাইবার আশা ভরসা একেবারে ছাড়িয়া দিয়া মরণের প্রতীক্ষায় বসিয়াছিলাম, তখন দুঃখের মাঝখানে দিন একরূপ কাটিয়া যাইতেছিল; কিন্তু যুদ্ধের পর আবার কয়েদী ছাড়িবার কথা উঠিল। তখন আশা ও আশঙ্কায় দিন কাটান ভার হইয়া উঠিল। একদিন সংবাদ আসিল যে, যে সমস্ত যাবজ্জীবন দণ্ডে দণ্ডিত রাজনৈতিক কয়েদী পিনাল কোডের ৩০২ ধারা অনুসারে অপরাধী নয়, তাহারাজেলখানায় যদি সাত বৎসর কাটাইয়া থাকে ত তাহাদিগকে মুক্তি দেওয়া হইবে। আমাদের সাত বৎসর ছাড়িয়া দশ বৎসর হইয়া গিয়াছে, স্মৃতরাং প্রাণে একটু আশার সঞ্চার হইল। কিছুদিন পরে শুনিলাম যে, যে সমস্ত কয়েদীর মুক্তির জন্ত ইণ্ডিয়া গবর্নমেন্টের কাছে নাম পাঠান হইয়াছে, তাহাদের সঙ্গে আমাদের নামও গিয়াছে; এখন বেঙ্গল গবর্নমেন্ট তাহা মঞ্জুর করিলেই নাকি আমরা নাচিতে নাচিতে দেশে ফিরিয়া যাইতে পারি।

এ পর্য্যন্ত কোনও যাবজ্জীবন দণ্ডে দণ্ডিত রাজনৈতিক কয়েদী পোর্টব্লেকারে হইতে বাঁচিয়া ফিরে নাই। ১৮৫৭ সালে যাহারা সিপাহী বিপ্লবের পর পোর্টব্লেকারে গিয়াছিল, তাহাদের সকলকেই সেখানে একে একে দেহরক্ষা করিতে হইয়াছে। শিবর সহিত যুদ্ধের পর যে সমস্ত ব্রহ্মদেশীয় কয়েদী আসিয়াছিল, তাহারাও কেহ ছাড়া পায় নাই। আজ আমাদের জন্ত যে ইণ্ডিয়া গবর্নমেন্টের ইতিহাসে নতুন অধ্যায় আরম্ভ হইবে, একথা সহসা বিশ্বাস করিতে সাহস হইল না। কিন্তু না বিশ্বাস করিয়াই বা করি কি? প্রাণ যে ফুলিয়া ফুলিয়া ইপাইয়া উঠিতেছে।

ক্রমে জার্মানীর সহিত সন্ধিপত্র স্বাক্ষরিত হইল। ইংলণ্ডে বিজয়-উৎসব ফুরাইয়া গেল। কিন্তু কই, কয়েদী ত ছাড়িল না। যুদ্ধ বন্ধ হইবার পর হইতেই দিন গণনা আরম্ভ করা গিয়াছে; দিন গণিতে গণিতে সপ্তাহ, সপ্তাহ গণিতে গণিতে মাস, ক্রমে মাস গণিতে গণিতে বৎসর ফুরাইয়া গেল; কিন্তু বিড়ালের ভাগ্যে শিকারি হিঁড়িল না। খবরের কাগজে কিন্তু পড়িয়াছিলাম যে, অক্টোবর মাসে ভারতবর্ষে বিজয়-উৎসব হইবে, স্মৃতরাং মনের কোণে একটু আশা রহিয়া গেল।

ভারতে যখন বিজয়-উৎসব কুরাইয়া গেল, তখন মনটা ছটফট করিতে আরম্ভ করিল—খবর বুঝি এই আসে, এই আসে। শেষে ইণ্ডিয়া গবর্নমেন্টের নিকট হইতে খবরও একদিন আসিল। সুপারিন্টেন্ডেন্ট আমাদের অফিসে ডাকাইয়া শুনাইয়া দিলেন যে, সরকার বাহাদুর কৃপা-পরবশ হইয়া আমাদের বৎসরে একমাস করিয়া মাফ দিয়াছেন।—ব্যোম ভোলানাথ। এত দিনের আশা এক ফুৎকারে উড়িয়া গেল।

তখন দেখিলাম যে, পোর্টব্লেয়ারে জীবনের বাকী কয়টা দিন কাটান ছাড়া আর উপায়ান্তর নাই। তাই যদি করিতে হয় ত ভুতের বেগার আর খাটিয়া মরি কেন? চীফ কমিশনারের নিকট আবেদন করিলাম যে, সমস্ত মাফ লইয়া যখন আমাদের চৌদ্দ বৎসর পূর্ণ হইয়াছে, তখন সরকারী প্রতিশ্রুতি অনুসারে আমাদের জেলের কাজকর্ম হইতে অব্যাহতি দেওয়া হোক। কিন্তু সে আবেদন-পত্র যে চীফ কমিশনারের দপ্তরে গিয়া কোণায় ধামা চাপা পড়িয়া গেল, তাহার আর কোন উত্তর পাওয়া গেল না।

এই সময় জেল কমিটির পোর্টব্লেয়ারে আসিবার কথা ছিল। আমি স্থির করিলাম যে, আমাদের যা কিছু বক্তব্য সমস্ত জেল-কমিটির নিকট গায়ের বাল ঝাড়িয়া বলিয়া দিয়া তাহার পর কাজকর্ম হাড়িয়া দিয়া বসিয়া পড়িব। কিন্তু রাখে কৃষ্ণ মারে কে? জেল-কমিটি চলিয়া যাইবার অল্পদিন পরেই একদিন প্রাতঃকালে সুপারিন্টেন্ডেন্ট আসিয়া আমাদের সংবাদ শুনাইয়া দিলেন যে, বেঙ্গল গবর্নমেন্ট আমাদের আলীপুর জেলে পাঠাইয়া দিবার আদেশ দিয়াছেন; সেখান হইতে আমাদের মুক্তি দেওয়া যাইবে।

অল্পদিনের মধ্যে গবর্নমেন্টের মতিগতি কি করিয়া পরিবর্তিত হইল, সে রহস্য উন্মোচন করিবার কৌতুহল মনের মধ্যেই চাপা পড়িয়া রহিল। লম্বা হইয়া মেজের উপর পড়িয়া ক্ষুধিত্তে কেহ চীৎকার করিতে লাগিল, কেহ হাত পা ছুঁড়িতে লাগিল, কেহ বা গান জুড়িয়া দিল। একজন বিজ্ঞ বন্ধু সকলকে শাস্ত করিবার জন্ত বলিলেন—“একটু স্থির হও, দাদারা; এ বাড়ীতে ফলার করতে এলে না আঁচানো পর্য্যন্ত বিশ্বাস নেই। শেষে মাঝ দরিয়ায় না জাহাজ ডুবিয়ে দেয়।”

জাহাজে চড়িবার আর দুই দিন বাকী। রাজ্রে চোখে নিজা নাই। আহারে প্রবৃত্তি নাই। কল্পনার

শক্তি চিত্র চোখের সামনে ভাসিয়া উঠিতেছে। বহুদিন বিশ্বত সুপরিচিত মুখগুলি আবার মনের মধ্যে ফুটিতেছে। বাহাদের সহিত ইহকালের সব বন্ধন কাটিয়া গিয়াছিল, তাহারা আবার স্নেহের শতভোরে বাঁধিতে আরম্ভ করিয়াছে।

দুই দিন কাটিয়া গেল। দল বাঁধিয়া ছাব্বিশ জন জেল হইতে বাহির হইলাম। তখনও কাহারও কাহারও পায়ে বেড়ী বাজিতেছে। জেলের বাহির হইয়াই শিখেরা আকাশ পাতাল কাঁপাইয়া চীৎকার করিয়া উঠিল—“ওয়া গুরুজী কি কতে।” তাহার পর গান আরম্ভ হইল।—

ধন্ত ধন্ত পিতা দশমেশ গুরু

যিন চিড়িয়াসে বাজ তোড়াসে—”

(হে পিতা, হে দশম গুরু। চটক দিয়া তুমি বাজ শিকার করিয়াছিলে; তুমি ধন্ত।)

আজ আবার চটক দিয়া বাজ শিকার করিবার দিন আসিয়াছে, তাই ঐ সঙ্গীতের তালে তালে আমাদের প্রাণও নাচিয়া উঠিল। মনে মনে বলিলাম—“হে ভারতের ভাবী গুরু, হে ভগবানের মূর্ত্তপ্রকাশ, সমুদ্র পার হইতে তোমার দীন ভক্তের প্রণাম গ্রহণ কর।”

তাহার পর জাহাজে চড়িয়া একবার পোর্টব্লেয়ারের দিকে শেষ দেখা দেখিয়া লইলাম। Wordsworthএর কবিতা মনে পড়িল—“What man has made of man.”

জাহাজ তিন দিন ধরিয়া ছুটিয়াছে; মনটা তাহার আগে আগে ছুটিয়াছে। ঐ সাগর স্বীপে বাতি জ্বলিতেছে, ঐ রূপনারায়ণের মোহানা। আজই খিদিরপুরের ঘাটে জাহাজ গিয়া পৌঁছাবে।

নাঃ—জাহাজ ত কৈ ডুবিল না। এ যে সত্য সত্যই ঘাটে আসিয়া লাগিল। পুলিশ প্রহরী আমাদের সঙ্গে লইয়া আলীপুরের জেলের দিকে চলিল।

আবার আলীপুরের জেল—কিন্তু সে চেহারা আর নাই। আমাদের শুভাগমন-বার্তা সুপারিন্টেন্ডেন্ট সাহেবের কাছে গেল। আমাদের কাছে যা কিছু জিনিস-পত্র ছিল, প্রহরীরা আশিয়া, তাহা বুঝিয়া লইল। বড় বিশেষ কিছু ছিলও না। পোর্টব্লেয়ার হইতে আসিবার সময় বইটাই সমস্ত নতুন নতুন ছেলেদের মধ্যে বিলাইয়া দিয়া আসিয়াছিলাম। স্থির করিয়াছিলাম, দেশে ফিরিয়া আর মা সন্ন্যস্তীর সহিত কোন সঞ্চয় রাখা হইবে না। চূপ করিয়া শুধু দুটি ভাত খাইব আর পড়িয়া থাকিব।

ঘণ্টা খানেক জেলে থাকিবার পর সুপারিন-টেনডেন্ট আসিয়া উপস্থিত হইলেন। সেদিন শনিবার। আমরা ভাবিয়াছিলাম, সেদিন ও তাহার পরদিন বৃষ্টি আমাদের জেলেই থাকিতে হইবে। কিন্তু কিছুক্ষণ পরেই সুপারিনটেনডেন্ট ঘর হইতে বাহির হইয়া আসিয়া জিজ্ঞাসা করিলেন—“তোমরা বোধ হয় আজই বাহিরে যাইতে চাও ? কলিকাতায় তোমাদের থাকিবার জায়গা আছে ?” বাহিরে যাইবার নাম শুনিয়া আমরা লাফাইয়া উঠিলাম। মুখে বলিলাম—“জায়গা যথেষ্ট আছে”; আর মনে মনে বলিলাম—“জায়গা না পাই, রাস্তায় শুয়ে থাকবো; একবার ছেড়ে ত দাও।”

সে রাত্রে হেমচন্দ্র, বারীন্দ্র ও আমি ছাড়া পাইলাম। কিন্তু যাই কোথায় ? শ্রীযুক্ত সি, আর, দাশের বাড়ী গিয়া দেখিলাম, তিনি বাড়ীতে নাই; তখন সেখান হইতে ফিরিয়া হেমচন্দ্রের বন্ধু হাই-কোর্টের উকিল শ্রীযুক্ত সাতকড়িপতি রায়ের বাড়ীতে গিয়া আতিথ্য গ্রহণ করিলাম। হেমচন্দ্র ও বারীন্দ্র সে রাত্রে সেইখানেই রহিয়া গেল। আর আমি চন্দননগরে বাড়ী ষাওয়াই স্থির করিলাম। ভাবিলাম রাত ১০।০টার সময় হাবড়া ষ্টেশনে গিয়া ট্রেন ধরিব।

কিন্তু বাড়ীর বাহির হইয়া দেখিলাম যে, কলিকাতার রাস্তাঘাট সব ভুলিয়া গিয়াছি। ঘুরিতে ঘুরিতে যখন হাবড়া ষ্টেশনে আসিয়া হাজির হইলাম, তখন ট্রেন ছাড়িয়া গিয়াছে। তবানীপুরে ফিরিয়া যাইবার আর প্রবৃত্তি হইল না। শ্রামবাজারে খণ্ডরবাড়ী—ভাবিলাম, সেইখানে গিয়া রাতটা কাটাইয়া দিব। শ্রামবাজারে যখন পৌঁছিলাম, তখন রাত বারোটো বাজিয়া গিয়াছে। বাড়ীর দরজা বন্ধ। দুই চারিবার কড়া নাড়িয়া যখন কোন সাড়া পাইলাম না, তখন ভাবিলাম “কুচ পরোয়া নেহি; আজ রাতটা কলিকাতার রাস্তায় না হয় ঘুরিয়া ঘুরিয়া বেড়াইব।” প্রাণে একটা নূতন রকম আনন্দ দেখা দিল। আজ বারো বৎসর পরে খোলা রাস্তায় ছাড়া পাইয়াছি। সঙ্গে জেলার নাই, পেটি-অফিসার নাই, একটা ওয়ার্ডার পর্যন্ত নাই। অতীতের বন্ধন কাটিয়া গিয়াছে, নূতন বন্ধন এখনও দেখা দেয় নাই। আজ সংসারে বাস্তবিকই আমি একা। কিন্তু এই একাকিত্ববোধের সঙ্গে কোন বিবাদের কালিয়া জড়িত নাই, বরং একটা শান্ত আনন্দ উহার তালে তালে হুটিয়া উঠিতেছে।

শ্রামবাজার হইতে গার্লুলার রোড ধরিয়া

শিয়ালদহ ষ্টেশনের দিকে রওনা হইলাম। বারো বৎসর জুতা পরা অভ্যাস নাই; নুতন আঙ্গুঠি জুতায় পা একেবারে ক্ষত বিক্ষত হইয়া গেল। জুতা খুলিয়া বগলে পুরিয়া চলিতে লাগিলাম। বগলে পুঁটুলী দেখিয়া রাস্তায় এক পাহারাওয়াল ধরিয়া বলিল—কোথা হইতে আসিতেছি, কোথায় যাইব, ইত্যাদি ইত্যাদি। একবার মনে হইল সত্য কথা বলিয়াই দিই যে, আমি কালাপানির ফেরত ‘আশীমী’; তাহা হইলে আর কিছু না হোক, থানায় একটু মাথা শুদ্ধিবার জায়গা পাওয়া যাইবে। তাহার পর ভাবিলাম, আর সত্যনিষ্ঠার বাড়াবাড়ি করিয়া কাজ নাই। একবার সত্য কথা বলিতে গিয়া ত বারো বৎসর কালাপানি ঘুরিয়া আসিলাম। শেষে বলিলাম—“আমি কালীঘাট হইতে আসিতেছি, শিয়ালদহ ষ্টেশনে যাইব।” কনষ্টেবল সাহেব আমার বগলের পুঁটুলী পরীক্ষা করিয়া অনেকক্ষণ আমার মুখের দিকে চাহিয়া জিজ্ঞাসা করিলেন—“তুমি কি উড়ে ?” বহু কষ্টে হাস্ত সম্বরণ করিয়া বলিলাম—“হাঁ”। তখন তাঁহার নিকট হইতে যাইবার অনুমতি পাইয়া তাঁহাকে একটা দীর্ঘ সেলাম দিয়া আবার রওনা হইলাম। সেই রাত্রে রাত একটার সময় গাড়ী চড়িয়া যখন শ্রামনগরের ষ্টেশনে আসিয়া পৌঁছিলাম, তখন রাত দুইটা বাজিয়া গিয়াছে। নৌকায় গঙ্গাপার হইয়া যখন নিজেদের পাড়ার ঘাটে আসিয়া নামিলাম, তখন রাত প্রায় তিনটা; রাস্তাঘাট একেবারে জনশূন্য; টিম টিম করিয়া রাস্তার মোড়ে মোড়ে এক একটা কেরোগিনের বাতি জ্বলিতেছে। বাড়ীর সম্মুখে গিয়া দেখিলাম, বাড়ীর চেহারা সম্পূর্ণ পরিবর্তিত হইয়া গিয়াছে। জানালায় ধাক্কা মারিয়া ভায়াদের নাম ধরিয়া ডাকিতে ডাকিতে একটা জানালা খুলিয়া গেল আর ভিতর হইতে হর্বোষেগ-চঞ্চল একটা সুপরিচিত বামা-কণ্ঠে প্রশ্ন হইল—“তুমি কে ?” সঙ্গে সঙ্গে আর একটা জানালা খুলিয়া যা ঐ একই প্রশ্ন জিজ্ঞাসা করিলেন। বাহার আশা সকলেই ছাড়িয়া দিয়াছে, সে যে আবার ফিরিয়া আসিয়াছে, এ কথা বিশ্বাস করিতে যেন কাহারও সাহসে কুলাইতেছে না।

বাড়ীর ভিতর চারিদিকে ছুটাছুটি পড়িয়া গেল। এক পাল ছেলে আসিয়া চোখ মুছিতে মুছিতে আমার চারদিকে খিরিয়া পাড়াইল। কারা এরা ? ইহাদের কাহাকেও যে চিনি না। একটি ছোট ছেলে একটু দূরে দাঁড়াইয়া হাঁ করিয়া আমার মুখের

দিকে চাহিয়া ছিল। আমার ভ্রাতৃপুত্র তাহার আবার নুতন করিয়া সংসারের খেলা-ঘর
সহিত আমার পরিচয় করাইয়া দিয়া বলিল—“এই পাতিয়া বসিলাম।
আপনার ছেলে।” যাহাকে বেড় বৎসরের রাখিয়া ওগো খেয়াপায়ের কর্ণধার ! এবার কোন্ কুলে
গিয়াছিলাম, সে আজ তেরো বৎসরের হইয়াছে। পাড়ি দিবে ?

সমাপ্ত

বর্তমান সমস্যা



উপেন্দ্রনাথ বন্দ্যোপাধ্যায় প্রণীত

নিবেদন

হে বাজালী, তোমার আত্মস্থ হইবার দিন আসিয়াছে। বিশ্বাস কর, বর্তমান জীবন-যজ্ঞের তুমিই প্রধান ও প্রথম পুরোহিত। তোমার অতীত জীবনের সমগ্র সাধনা স্বারাজ্যসিদ্ধিকেই লক্ষ্য করিয়া আসিতেছে। জ্ঞান, প্রেম ও কর্মরূপিণী গঙ্গা, পদ্মা ও ব্রহ্মপুত্র সহস্রে অতি আদরে তোমার বাসভূমি নির্মাণ করিয়া দিয়াছেন; গগনভেদী হিমালয় তোমার মাথার মুকুট, অতলস্পর্শী সমুদ্র তোমার পাদপীঠ; আৰ্য্য, মোক্ষলীল, দ্রাবিড়ী সভ্যতার সার তোমার মধ্যে সংগৃহীত। জ্ঞানের আদিগুরু কপিল ও তাঁহার অংশাবতার ত্রায়চার্য্যগণের তোমরা বংশধর, ভাগবতশ্রেষ্ঠ ত্রীচৈতন্তের প্রেম তোমাদের শিরায় শিরায় প্রবাহিত, কলির বেদ তত্ত্ব শাস্ত্র তোমাঙ্কেই দেশে উদ্ভূত।

আপনার অতীত ইতিহাস অম্লসন্ধান করিয়া দেখ,—জ্ঞান, ভক্তি ও কর্মের তত্ত্বজ্ঞের সমন্বয় তোমাদের দেশেই সাধিত হইয়াছে। সে অতীত সাধনা লুপ্ত হয় নাই; কর্মজগতে তাহা প্রয়োগ করিবার দিন আজ আসিয়াছে। সহস্র বৎসরের পুঞ্জীকৃত তপশ্রাই আজ তোমাকে কর্মের পথে অগ্রসর করিয়া দিবে। যে শক্তি জ্ঞান, প্রেম ও কর্মে ত্রিধারারূপে মানুষের মনে প্রবাহিত, তাহাই পূর্ণরূপে তোমার মধ্যে আত্মপ্রকাশ করিয়া, তোমাকে নব যুগধর্ম প্রচারের উপযোগী করিয়া তুলিবে।

এক দিকে ভোগবাসনাপীড়িত অভিজাতবর্গের উন্মত্ত হৃদ্যর, অপর দিকে দীন-দরিদ্র-নির্যাতিতের আর্ত ক্রন্দন। এক দিকে সংসারাতিক্রমপ্রয়াসী ইহামুক্তবিমুখ সাধু, অপর দিকে বাসনাচঞ্চল ইন্দ্রিয়-পরতন্ত্র ভোগবিলাসের দাস গৃহস্থ। দেখিতেছ না—মানুষ সর্বত্রই আপনাকে খণ্ডিত ও বিক্ষিপ্ত করিয়া সমাজকে জর্জরিত করিয়া তুলিতেছে? মর্ত্যে সর্বদুঃখহরা অমৃত-মন্দাকিনী-স্রোত প্রবাহিত করাইয়া; তোমাকেই এই সংসারকে ভূস্বর্গে পরিণত করিতে হইবে।

হে আমার দেবাংশ-সম্ভূত স্বদেশবাসিগণ। তোমাদের বহুযুগের নিজ্যা ত্যাগ করিয়া আজ আবার গুপ্ত হৃদয় লইয়া কর্মক্ষেত্রে প্রবেশ কর। অহঙ্কার বর্জন করিয়া, বজের—ভারভের—নিখিল জগন্তের চিত্তকমলারূঢ়া মায়ের চরণে আত্মনিবেদন করিয়া কৃতার্থ হও।

বর্তমান সমস্যা

—:~:—

ইংরেজের আগমন

ইষ্ট-ইণ্ডিয়া কোম্পানী যখন এদেশে প্রথম ব্যবসা করিতে আসে, তখন যদি তাহাদের ভাগ্য-বিধাতা ভবিষ্যতের পর্দা উঠাইয়া তাহাদের দেখাইয়া দিতেন যে, কোন মেওয়া গাছ নাড়া দিয়া তাহারা সোণার ফল কুড়াইয়া লইতে আসিয়াছে, তাহা হইলে বোধ হয় তাহারা আহ্লাদে ও বিশ্বাসে কাটিয়া চৌ-চির হইয়া যাইত। জব চার্ণকের প্রেতাত্মা যদি আজ প্রেতলোক হইতে ধপ্ করিয়া কলিকাতার উপর নামিয়া পড়ে, তাহা হইলে সে বিশ্বাসে একটা এত বড় হাঁ করিয়া ফেলিবে যে, তাহা পয়সা খরচ করিয়া দেখিবার জিনিষ। নবাবদের সিংহাসনকে দূর হইতে কুণ্ঠিত করিতে করিতে তাহাদের কোমরে খিল ধরিয়া যাইত, নবাবদের বংশধরেরা আজ তাহাদের বংশধরদিগের জামাসেলাই করিয়া ও জুতা বানাইয়া কৃতকৃতার্থ। অদৃষ্টের পরিহাস।

ধীরে ধীরে যখন ইংরেজ কোম্পানী এ দেশে কল্পা বানাইতে আরম্ভ করিল, তখনও রাজ্যভারতের স্বপ্ন তাহাদের মনের কোণে উঠে নাই। বেণের জাত, দু পয়সা ট্যাকে পুরিতে পারিলেই তাহারা স্তুখী। কিন্তু কড়ি কুড়াইতে গিয়া তাহাদের হাতে ঠেকিল মোহর; আর মোহর খুঁজিতে খুঁজিতে মিলিয়া গেল একেবারে সোণার খনি। ব্যবসা হইতে একচেটিয়া ব্যবসা; তাহা রক্ষা করিবার জন্ত লাঠালাঠি; লাঠালাঠির ফলে বাংলা, বেহার ও উড়িষ্যার দেওয়ানি; আর শেষে দেওয়ানি করিতে করিতে গুলিখোর নবাবকে ঠেলিয়া দিয়া একলক্ষ মলনদে আরোহণ—ইহাই ইংরেজের বাংলা অধিকারের ইতিহাস। আজ যেমন ভারত রক্ষা করিবার জন্ত সমস্ত দক্ষিণ-এসিয়া গ্রাস করা আবশ্যক হইয়া দাঁড়াইয়াছে, দেড়শত বৎসর পূর্বে তেমনি বাংলা রক্ষা করিবার জন্ত সমস্ত ভারত গ্রাস করা ক্রমে ক্রমে আবশ্যক হইয়া দাঁড়াইয়াছিল।

উদ্দেশ্য বাণিজ্য বিস্তার, অর্থসংগ্রহ—রাজ্যভার গ্রহণ তাহার উপায়মাত্র।

বিড়ালের মত পা ফেলিতে ফেলিতে অগ্রসর হইয়া ইংরাজ ছোট ছোট রাজ্যগুলিকে ইঁদুর ছানার মত টুপ, টাপ, করিয়া মুখে ফেলিতে লাগিল। পণ্ডিতারীর ফরাসী শাসনকর্তা ডুপ্রে এ দেশের লোককে পন্টনে ভক্তি করিয়া আমাদেরই শীল নোড়া দিয়া আমাদের দাঁতের গোড়া ভাঙ্গিবার যে মূলত ও সহজ পন্থা আবিষ্কার করিয়া গিয়াছিলেন, ইংরাজ তাহাই কাজে লাগাইল। দলে দলে এ দেশের লোক ইংরেজের পন্টনে ভক্তি হইয়া নিজেদের দেশ দখল করিয়া ইংরেজের হাতে তুলিয়া দিল। বাকী ছিল মারাঠা ও শিখ। মারাঠা গৃহ-কলহে অবসন্ন হইয়া শেষে বিদেশীর নিকট মাথা নোয়াইল; আর রঞ্জিতসিংহের মৃত্যুর সঙ্গে সঙ্গে শিখেরও অদৃষ্ট পুড়িল। মাদ্রাজ, কলিকাতা ও বোম্বাই প্রথমে যে রক্তবর্ণে রঞ্জিত হইয়াছিল, তাহা সমগ্র ভারতের মানচিত্রে ছড়াইয়া পড়িল। ইংরাজ ঐতিহাসিক যে বলেন—The English acquired India in a fit of absent-mindedness—তা বড় ঠিক কথা। ইংরাজ রাজ্য-লোভে এদেশে আসে নাই; বিধাতার চক্রান্তে বাদশাহের মাথার কোহিনুর বণিকের পুঁটলির মধ্যে ঢুকিয়া পড়িয়াছে। ইংরাজ আগে বণিক, তাহার পর রাজা।

কেন এমন হইল? সাত সমুদ্র তের নদী পার হইয়া মুষ্টিমেয় লোকে এত বড় একটা দেশ দখল করিয়া রাজ্য হইয়া বসে তাহাঙ্গার কথা নয়। জগতের ইতিহাসে এ হেন কাণ্ড আর ত ঘটে নাই। ব্যবসা বাণিজ্য করিতে করিতে হঠাৎ এত বড় রাজ্য লাভ করিয়া ইংরাজ নিজেই প্রথমে চমকাইয়া উঠিল। আমাদের সোতাগাটা যে আমাদের নিজের গুণেরই অবশ্যজ্ঞাবী ফল, এ কথা তাবিত্তে পারিলে সকলেই মনে মনে বেশ একটু আশ্রয় পায়; ইংরেজও সে আশ্রয় লাভ হইতে বঞ্চিত হয় নাই। এক লক্ষ ইংরাজ যখন ত্রিশ

কোটা ভারতবাসীকে শাসন করে, তখন এক একজন ইংরাজ যে তিন তিন হাজার ভারতবাসী অপেক্ষা বলবান—এটা ত শোজা ত্রৈরাশিকের হিসাব। আর এই হিসাব ধরিয়া অনেক ইংরাজই আপনাদের বীরত্বে মুগ্ধ হইয়া বগল বাজাইয়া গিয়াছে। কিন্তু ইংরাজদের মধ্যেও যাহারা স্থিরভাবে ব্যাপারটা একটু তলাইয়া বুঝিতে চেষ্টা করিয়াছেন, তাহা-দিগকে ভবিষ্যতের কথা ভাবিয়া বেশ একটু ভাবিত হইয়া উঠিতে হইয়াছে। তাহাদিগকে একটু আমতা আমতা করিতে করিতে স্বীকার করিতে হইয়াছে—The Empire which was won in a day may vanish in a night—এক দিনে যাহা আসিয়াছে, এক রাত্রেই তাহা চলিয়া যাইতে পারে।

মোট কথা এই যে, ইংরাজ যখন এদেশে আসে, তখন তাহারা সংঘবদ্ধ, আর আমাদের তখন ভাঙনের দশা। স্বামী রামদাস ও গুরুগোবিন্দ সিংহের অন্তরে যে শক্তি আবির্ভূত হইয়া মহারাষ্ট্র ও পাঞ্জাবকে সজীবিত করিয়া তুলিয়াছিল, তাহা শুধু ধ্বংসাত্মক নহে; তাহার মধ্যে স্বজনের সামর্থ্যও নিহিত ছিল। কিন্তু মোগল সাম্রাজ্যকে ধ্বংস করিতেই তাহার অধিকাংশ ব্যয়িত হইয়া যায় এবং কালক্রমে তাহা প্রাদেশিক ও সাম্প্রদায়িক হইয়া পড়ে। বাধাগ্রাস্ত না হইলে কালে হয়ত মারাঠা ও শিখের হাতে স্বাধীন ভারত গড়িয়া উঠিত; কিন্তু সে ভারত কিরূপ হইত—কে জানে? মহাভারতের যুদ্ধে ক্ষত্রিয়-শক্তি বিনিষ্ট করিয়া, আভিজাত্য-গর্ভে খর্ব করিয়া, শূদ্রের অভ্যুত্থানের পথ পরিষ্কার যিনি করিয়া দিয়াছিলেন, মারাঠা বা শিখ-হস্ত-গঠিত ভারত হয়ত তাহার আদর্শানুগামী হইত না। সে যাহাই হোক, মারাঠা ও শিখশক্তি সম্পূর্ণ আমাদের অবস্থা বুঝিয়া উঠিবার পূর্বেই ইংরাজের সহিত সংঘর্ষে বিনষ্ট হইল।

হিন্দু রাজার আমলে আমরা শ্রেণী বিশেষের উপর রাজ্যরক্ষার ভার দিয়া নিশ্চিন্ত হইয়াছিলাম; ফলে আমাদের পাঁচশত বৎসর ধরিয়া পাঠান মোগলের দাসত্ব করিতে হইয়াছে। অষ্টাদশ শতাব্দীতে মহারাষ্ট্র ও পাঞ্জাবের মধ্যে যে অভ্যুত্থান দেখা যায়, তাহাতে আমাদের পূর্বের সে আভিজাত্য-গর্ভ ও নোহাক্রান্ত কতকটা কাটিয়াছিল বলিয়াই মনে হয়; কিন্তু দুঃখের যে কঠোর নিষ্পেষণে মানুষের সর্ববিধ উপাধি

অপেক্ষা তাহার মনুষ্যত্বই আমাদের চোখে ফুটিয়া উঠে, সে নিষ্পেষণ তখনও সম্পূর্ণ হয় নাই। আমাদের তাই আরও দেড়শত বৎসর অপেক্ষা করিতে হইয়াছে।

ইংরেজ রাজত্বের প্রথম ফল

ইষ্ট-ইণ্ডিয়া কোম্পানী যখন ভারতের সিংহাসন অধিকার করিয়া বসিল, তখনও বাণিজ্য বিস্তারের দিকেই তাহার লক্ষ্য। রাজকার্য তখন প্রধানতঃ খাজনা আদায়। জমিদার যেমন নায়েব গোমস্তা দিয়া খাজনা আদায় করিয়াই আপনার কর্তব্য শেষ করেন, ইষ্ট-ইণ্ডিয়া কোম্পানীও সেইরূপ শাসনকর্তা নিযুক্ত করিয়া খাজনা আদায়ের বন্দোবস্ত করিতেন। দেশে শান্তি না থাকিলে খাজনা আদায় হয় না; সুতরাং পুলিশ প্রহরীর আবশ্যক। ছোট ছোট কাজকর্ম ইংরাজ কর্মচারী রাখিয়া করাইতে গেলে খরচপত্র বাড়িয়া যায়, সুতরাং দেশের দুই চারিজন লোককে অল্প অল্প ইংরাজী শিখাইয়া ব্যয় লাঘব করিবার ব্যবস্থা হইল। দশটাকা বেতনে নির্কিবাদে প্রাণ দিবার লোক এদেশে অনেক পাওয়া যায়, সুতরাং পণ্টনেও অনেক দেশী সিপাহী ভর্তি করা হইল। ভারতবর্ষ কোম্পানীর জমিদারী—এই হিসাবেই ভারতের শাসনকর্তা চলিতে লাগিল।

ধীরে ধীরে যতদিন ভারতের মানচিত্র রক্তবর্ণ ধারণ করিতেছিল, ততদিন দেশের লোক যেন মোহাবিষ্টের ত্রায় চূপ করিয়া বসিয়া ছিল। লর্ড ডালহৌসীর আর বিলম্ব সহিল না। তাহার লেখনীর এক এক খোঁচায় যখন এক একটা রাজবংশ লোপ পাইতে লাগিল, তখন লোকের মনে যেন একটু ধাঁধা লাগিল। নিক্রাণেশমুখ দোপের শেষ দৌণ্ডির মত স্বাধীনতার আকাঙ্ক্ষা একবার জলিয়া উঠিল। ইংরাজের ইতিহাসে তাহার নাম সিপাহী-বিদ্রোহ; কিন্তু বস্তুতঃ তাহা হিন্দুহান ও মধ্যভারতের স্বাধীনতা লাভের প্রয়াস। কিন্তু সে ভাব সমগ্র ভারতে তখনও ব্যাপ্ত হয় নাই। পাঞ্জাবী ও গুর্খার সাহায্যেই ইংরাজ সে প্রয়াস ব্যর্থ করিয়া দিল।

তাহার পর ইষ্ট-ইণ্ডিয়া কোম্পানী লোপ পাইল। আমরা খাস ইংরাজ জাতির প্রজা হইয়া পড়িলাম।

ইংলণ্ডের রাণী ভারতেশ্বরী বলিয়া ঘোষিত হইলেন বটে, কিন্তু শাসনকার্য্য নিয়ন্ত্রিত করিবার ভার রহিল—বিলাতী পার্লামেন্টের হাতে। আমাদের শিক্ষা-দীক্ষা, ব্যবসা-বাণিজ্য, কৃষিশিল্প, রক্ষণাবেক্ষণ প্রভৃতি সব কাজেরই তত্ত্বাবধানের ভার লইলেন পার্লামেন্ট; আর আমরা কচি খোকার মত বুকে ইটিয়া আধ-আধ বুলি কপচাইবার অধিকার পাইলাম। আমরা হইলাম সনাতন নাবালক, আর পার্লামেন্ট হইলেন আমাদের রক্ষক।

সিংহাসনের উপর চাপিয়া বসিয়া ইংরাজ এইবার রাজকার্য্য বেশ গম্ভীরভাবে চালাইতে আরম্ভ করিল। ইংরাজের অনেক গুণের মধ্যে নিজের উপর অগাধ বিশ্বাসটাই বোধ হয় সব চেয়ে বড় গুণ। সে যে সব জাতির চেয়ে সব বিষয়ে বড়, এটা তাহার কাছে স্বতঃসিদ্ধ; স্বতরাং আমরা যে তাহার চেয়ে সব বিষয়ে ছোট, এ কথাটা সে গোড়া হইতেই একেবারে ধ্রুবসত্য বলিয়া স্থির করিয়া লইল। আর তার প্রমাণ ত হাতের কাছেই পড়িয়া আছে। প্রথমতঃ আমরা কালো, তাহারা সাদা; আমরা হাত দিয়া ভাত খাই, তাহারা কাঁটা দিয়া রুটী খায়; আমরা পরি ধুতি চাদর, তাহারা পরে কোট পেণ্টলান; আমরা পরি চটিজুতা, তাহাও আবার সব সময় জুটে না—আর তাহারা পরে বুট। তাহাদের সহিত এতগুলো বিষয়ে যখন আমাদের সঙ্গে অমিল, আর তাহারা যখন সভ্য—তখন আমরা যে ঘোরতর অসভ্য, এ বিষয়ে ত আর মতবৈধের স্থান নাই! ইংরেজ তাই আমাদের অসভ্য করিয়া তুলিবার জন্ত বিশ্ববিদ্যালয় খুলিয়া দিল।

ইংরাজী শিক্ষা দিবার আরম্ভ বিশ্ববিদ্যালয় স্থাপনের বহুপূর্বেই হইয়াছিল। শিক্ষা বিস্তারের কথাটা যখন প্রথম উঠে, তখন কর্তৃপক্ষদের মধ্যে শিক্ষার প্রণালী লইয়া মতভেদ হয়। একদল বলেন দেশী ভাষার মধ্য দিয়া শিক্ষা দেওয়া হোক; মেকলে প্রমুখ আর একদল বাড় বাঁকাইয়া বলেন—“তাও কি হয়। খান কত ভাল ভাল ইংরাজী বই পড়িলে যা জ্ঞানলাভ হয়, গাড়ী গাড়ী সংস্কৃত বই পড়িলে তাহার কণামাত্র হয় না।” ইংরাজী-ওয়ালাদেরই জয়লাভ হইল। ইংরাজ যে মনোভাব লইয়া আমাদের ইংরাজী শিখাইতে বসিল, তাহা এই যে, এদেশী অসভ্য-গুলাকে ইংরাজী পড়াইয়া মানুষ করিয়া দিতে হইবে।

ব্যবসা ও সৈন্ত-চালনা বিষয়ে দেশটাকে সম্পূর্ণ করায়ত্ত করিবার জন্ত রেল ও টেলিগ্রাফের আমদানী হইল। তাহাতে দেশের লোকেরও সুবিধা হইল বটে; কিন্তু এ কথাও সত্য যে, সেগুলো আমাদের সুবিধার জন্ত এদেশে আনীত হয় নাই।

বিলাতী সভ্যতার গাজ সরঞ্জাম সবই ক্রমে ক্রমে আসিয়া পৌঁছিল। বিলাতী হইকীও দেখা দিল। সভ্যতার চাকা একেবারে গড় গড় করিয়া আমাদের বকের উপর দিয়া চলিতে লাগিল। ইংরাজী বুলি, চাল চলন, কায়দাকরণ, আসবাব-সরঞ্জাম—যেন আমাদের চোখে ধাঁধা লাগাইয়া দিল। ভারতীয় জিনিষ আমাদের চক্ষে হয়ে হইয়া উঠিল। যাহারা ইংরাজী-শিক্ষিত হইয়া উঠিলেন, তাঁহাদের একমাত্র চেষ্টা হইয়া দাঁড়াইল—ভিতরে বাহিরে যথাসাধ্য ইংরাজ বনিয়া যাওয়া। পোষাক-পরিচ্ছদ, আচার-ব্যবহারে, কথাবর্তায় যিনি ইংরাজের যতখানি কাছ ঘেঁসিয়া দাঁড়াইতে পারিলেন, তিনি হইলেন ততখানি সভ্য। বিধাতার বিড়ম্বনায় গায়ে রংটা সাদা হইল না বলিয়া, ইংরাজী-নবীশেরা মনে মনে বেশ একটু লজ্জিত হইয়াই রহিলেন।

আমরা ত ইংরেজী শিখিয়া ইংরাজের কাছ ঘেঁসিয়া দাঁড়াইতে গেলাম, কিন্তু ইংরাজ আমাদের কাছে ঘেঁসতে দিল না। পরকে আপনার করিয়া লইবার অভ্যাস ইংরাজের নাই; অপরের ঘেঁস সে সহিতে পারে না। ফরাসী বা স্পেনীয়রা যেখানে উপনিবেশ স্থাপন করিয়াছে, সেখানকার লোকদের যথাসাধ্য কালাফিরিজি বানাইয়া লইয়া তাহাদিগকে কতকটা রাজনৈতিক সমান অধিকার দিয়াছে; এ বিষয়ে তাহারা কতকটা মুসলমানদের মতো। কিন্তু ইংরাজ সে ধাতের জীব নহে, সে উচ্ছিষ্ট খাওয়াইয়া যাহাদের জাত মারে, তাহাদের সমান অধিকার দেয় না।

রাজনৈতিক আন্দোলনের আরম্ভ।

বিশ্ববিদ্যালয়ের শিক্ষার ফলে যে নূতন শিক্ষিত সম্প্রদায়ের সৃষ্টি হইল, তাহারা প্রথমতঃ হইয়া দাঁড়াইলেন ইংরাজের শাসন-যন্ত্র চালাইবার কর্মচারী। ইংরাজ আপনার বাণিজ্য প্রসারের জন্ত রেল খুলিল; শিক্ষিত সম্প্রদায় হইলেন টিকিট কাটিবার বাবু। ইংরাজ সওদাগরী অফিস খুলিল; ইহার হইলেন কেরাণী। ইংরাজ ট্যাক্স খাজনা আদায়

করিতে লাগিল; ইঁহারাই হইলেন তাহার হিসাব-রক্ষক। ইংরেজ আদালত খুলিয়া বিচার করিতে বসিল; ইঁহারাই হইলেন উকীল, পেশকার, মুহুরী; ইংরেজ ইঙ্কল নাম দিয়া কেরানী বানাইবার কল বসাইল, ইঁহারাই হইলেন লেখানকার শিক্ষক নামধারী মিস্ত্রি। মোটের উপর ইঁহাদের প্রধান কাজ হইল—ইংরাজের শাসন-যন্ত্রের চাকায় তেল লাগান। ইঁহারাই চাষ করিতে পারেন না, শিল্প-বাণিজ্য বোঝেন না, এবং যুদ্ধবিগ্রহে অপটু। ফলে দেশ আত্মরক্ষায় অসমর্থ হইয়া উঠিল ত বটেই;—সঙ্গে সঙ্গে দেশের শিল্প-বাণিজ্যও নষ্ট হইল। শিক্ষার ভার ইংরাজের হাতে—দেশ বোল আনা শূন্য প্রাপ্ত হইয়া দিন কাটাইতে লাগিল।

ইঁহার অনিবার্য ফল যাহা, তাহাই ফলিল। একে ত উচ্চপদস্থ ইংরাজ কর্ণচারীদের মাহিনা ও পেঙ্গন যোগাইয়া দেশ ফতুর; তাহার উপর সরকারী ব্যয় সংকুলানের জন্ত ইংলণ্ড হইতে যত টাকা ধার করা হইয়াছে, তাহারও সুদ গণিতে হয়। সিপাহী-বিদ্রোহের পর ইংরাজ সৈন্তের সংখ্যা এত পরিমাণে বাড়িয়া উঠিল যে, দেশের জমির খাজনা স্বরূপ যত টাকা রাজস্ব আদায় হইত, তাহাব সমস্তই সৈনিক-বিভাগে খরচ হইয়া যাইতে লাগিল। শিল্পবাণিজ্য নষ্ট হওয়ায় অনেক লোকেরই কুবিমাত্র নির্ভর হইয়া উঠিল। দারিদ্র্য ও দুর্ভিক্ষ আসিয়া দেশকে ঘিরিল; রোগ, মহামারী লোকের নিত্য-সহচর হইয়া দাঁড়াইল।

উজ্জ্বল খাইয়া যখন শিক্ষিত সম্প্রদায়ের পেট ভরিল না—তখন তাঁহারা দেশের দুর্দশার প্রতীকারের জন্ত আরম্ভ করিলেন—আন্দোলন। এই আন্দোলনের কেন্দ্র হইল কংগ্রেস। বৎসরে একবার করিয়া শীতকালে বড়দিনের সময় দেশের বড় বড় উকীল ব্যারিষ্টার মিলিয়া সরকার বাহাদুরের কাছে তাঁহাদের অভাব ও অভিযোগের একটা তালিকা পাঠাইতেন, সরকার বাহাদুরও ছেঁড়া কাগজের খুড়িতে তাঁহাদের আবেদন নিবেদনের কর্দমটি ফেলিয়া দিয়া আপনাদের কর্তব্য সম্পাদন করিতেন। এইরূপে কিঞ্চিদধিক বিশ বৎসর কাটিল।

দেশের মধ্যে কিন্তু এমন কয়েকজন ছিলেন, ইংরাজী শিক্ষার মোহে ঐহারা আত্মবিশ্বস্ত হন নাই। ইংরাজের সহিত আমাদের যে সম্বন্ধ, তাহার প্রকৃত রূপটা তাঁহাদের চক্ষে কুটিয়া উঠিয়াছিল, বাংলা-দেশে বক্ষিম, ভূদেব, হেমচন্দ্র, যোগেন্দ্রনাথ বিভাভূষণ

এই শ্রেণীর অন্তর্ভুক্ত। কমলাকান্তের খেয়ালের মধ্যে যে তীব্র করুণ স্তর বাজিয়া উঠিয়াছে, ভূদেবের স্বপ্নলব্ধ ভারতের ইতিহাসে যে চিত্রে কুটিয়াছে, হেমচন্দ্রের বীণার বন্ধারে যে গীত ধ্বনিত হইয়াছে—তাহা কংগ্রেসী রাজনীতির অন্তর্ভুক্ত নহে। কিন্তু মোহাবিষ্ট দেশের কাণে তাহা ভাল করিয়া পৌছে নাই।

বিশ বৎসর ভিক্ষা করিয়াও যখন কংগ্রেসী নীতির কোন সফলতা দেখা গেল না, তখন কান্দরসিকগণের মনেও একটা দ্বিধা আসিয়া উপস্থিত হইল। ভিক্ষকের চীৎকার যে দুঃখ-দারিদ্র্য দূরীকরণের অব্যর্থ ফলপ্রদ মহোষধ নয়, এ কথাটা কংগ্রেসেরও মাথায় গিয়া ঢুকিল। কিন্তু রাজনৈতিক পেশা ত আর ছাড়া যায় না। তাই কংগ্রেস স্থির করিলেন যে, লাট কার্জন-কৃত বন্ধ-বিভাগের প্রতীকারের জন্ত একদিকে আবেদন নিবেদন করিতে থাক, অপর দিকে ইংরাজের টাকার খলিতে বাহাতে হাত পড়ে, সেই জন্ত ইংরেজের পণ্যদ্রব্য দেশ হইতে বহিষ্কৃত করিয়া দাও।

কিন্তু দেশের অন্তরে অন্তরে যে ক্ষোণ ধারা বহিতেছিল, অবসর বুঝিয়া তাহা এইবার কুটিয়া বাহির হইল। ইংরাজী শিক্ষায় শিক্ষিত হইয়া স্বরাজ্য-শাসনের উপযুক্ত হইলে ইংরাজ নাকি কোন্ সুদূর ভবিষ্যতে আমাদের উপনিবেশের মত স্বায়ত্তশাসন বঞ্চিত করিবে—কংগ্রেসের এ আশা যুবকেরা বাতুলের প্রলাপ বলিয়া উড়াইয়া দিল। জাপান স্বাধীন, চীন স্বাধীন, কাবুলও স্বাধীন। শুধু আমরাই জগতে এত দীন হীন যে, পরের ভিক্ষাপাত্র হইয়া জীবন কাটাইব? ভারত-বর্ষ কি ইংরাজের উপনিবেশ, যে ইংরাজের নিকট শিক্ষাদীক্ষা লইয়া নকল-ইংরাজ গাজিয়া স্বায়ত্তশাসন লাভ করিয়া ভুট্ট থাকিবে? উপনিবেশ-গুলি ইংলণ্ড হইতে জন্মিয়াছে, তাহাদের আচার ব্যবহার, শিক্ষা, আদর্শ অনেকটাই ইংরাজের মত; তাহাদের সম্বন্ধে যে কথা খাটে, ভারতবর্ষ সম্বন্ধে তাহা খাটিবে কি করিয়া? ভারতের একটা গৌরবের অতীত আছে; জীবনের একটা পরিস্ফুট আদর্শ আছে; সামাজিক রীতি নীতি সব বিষয়েই সে ইংলণ্ড হইতে বিভিন্ন। বাহাদের ভারতের জাতীয় বিশিষ্টতা সম্বন্ধে কোনই জ্ঞান নাই, তাহারা ই ভারতকে লইয়া উপনিবেশ গড়িতে চায়।

তাহাই হইল যুবকদিগের যুক্তি। পুরাতন রাজনৈতিক নেতাদিগের সহিত আদর্শ লইয়া এইখানে তাহাদের মতভেদ ঘটিল। তাহার পর উঠিল পন্থার কথা। একদল বলিলেন—ইংরেজের সাহচর্য যদি সর্বতোভাবে ত্যাগ করা যায়, তাহা হইলে ইংরাজ-রাজত্ব একদিনও টিকে না। আমরা ইংরেজের পুলিশ হইয়া শান্তিরক্ষা করি, সিপাহী হইয়া যুদ্ধ করি, কর্ত্তব্যচরী হইয়া শাসনকার্য্য চালাই, তবেই না ইংরেজের রাজ্য চলে। আর এই শাসনের খরচ জোগায় কে? ইংরাজ ত আর ঘরের পরশা খরচ করিয়া এখানে রাজত্ব সুখভোগ করিবার জন্য বসিয়া থাকিবে না। অতএব দাঁও কাজ ছাড়িয়া; ইংলণ্ডের সহিত বাণিজ্য-ব্যাপার বন্ধ কর; সময় মত খাজনা ট্যাক্স বন্ধ করিয়া দিও; দেখিবে ইংরেজের এ রাজ-প্রাসাদ তাসের ঘরের মত একদিন রূপ করিয়া পড়িয়া যাইবে।

যুবকদিগের ভিতর আর একদল বলিলেন—তাও কি হয়? যদি সবাই মিলিয়া এ করা যায়, ও করা যায়, তা করা যায়—তাহা হইলে ইংরেজের রাজত্ব ধসিয়া পড়িবে। কিন্তু এ অষ্টবজ্র মিলন হইবে কেমন করিয়া? দেশের সমস্ত লোক একেবারে একমত হইয়া ইংরেজের সংশ্রব ছাড়িয়া দিবে—ইহা কল্পনা করিয়া সুখ হইতে পারে, কিন্তু কার্য্যতঃ তাহা হইবার কোনও আশা নাই, আমেরিকা যখন যুদ্ধ করিয়া স্বাধীন হইল, তখন আমেরিকায় এমন একদল লোক ছিল, যাহারা ইংলণ্ডের সহিত মিলনের পক্ষপাতী। আরও এক কথা, আমরা যে ইংলণ্ডের সহিত বাণিজ্য-ব্যাপার বন্ধ করিয়া বা খাজনা ট্যাক্স বন্ধ করিয়া ইংরাজ রাজত্বের গোড়া কাটিয়া দিব, ইংরাজ কি এমনি নাবালক যে চূপ করিয়া বসিয়া বসিয়া তামাসা দেখিবে? তাহার পকেটে হাত পাড়িলেই সে ছলে বলে কৌশলে লাঠিবাজী সুরু করিয়া দিবে; অতএব সময় থাকিতে লাঠির বদলে লাঠি চালাইতে অভ্যাস কর। যেখানে পাও, গুলি, গোলা, বন্দুক জোগাড় কর, বিদেশে গিয়া যুদ্ধ বিদ্যা শিক্ষা কর। কেহ অত্যাচার করিলে তাহার মাথা উড়াইয়া দাও।

দেশের যুবকেরা ক্রমে ক্রমে এই দ্বিতীয় দলেরই মতাবলম্বী হইয়া দাঁড়াইল। কেন না দেখা গেল যে, যাহারা কেবলমাত্র সাহচর্য বর্জনের পক্ষপাতী ও অস্বাধীনতার বিরোধী, ইংরেজ তাহাদেরও সভাসমিতি পিউনিটিভ পুলিশ বসাইয়া লাঠির গুঁতায় ভাঙ্গিয়া দিতে ইতস্ততঃ করে না। দেশের ছেলেদের মধ্যে

তখন লাঠি খেলার ধুম পড়িয়া গেল। বন্দুক রিভলভার চারিদিকে চুরি হইতে লাগিল। সঙ্গে সঙ্গে বোমারও আমদানী হইল।

এক আশাটা ছোটখাট খুন জখম হইবার পর, একদিন ইংরাজ কর্ত্তব্যচরীদের নিজস্ব ব্যাঘাত জন্মাইয়া ছুঁমু করিয়া বোমা ফাটিল। কর্ত্তব্যবান বুঝিলেন শ্রদ্ধা অনেকদূর গড়াইয়াছে। চারিদিকে ধরপাকড়, খানাতল্লাসী আরম্ভ হইল। নতুন নতুন আইন গড়িয়া খবরের কাগজওয়ালাদের মুখবন্ধ করা হইল; লাঠিখেলার সভাসমিতি উঠাইয়া দেওয়া হইল; দেশের ছেলেরা আর টুঁশকটা না করিতে পারে, সরকারের পক্ষ হইতে তাহার সম্যক প্রকার আয়োজন হইল। ছেলের দলে জেল ভরিয়া গেল; আন্দামানেও আর স্থান সংকুলান হইল না; কিন্তু খুন জখম রহিত হইল না।

কর্ত্তব্যবান দেখিলেন, একটা কিছু না করিলে নয়। তাহারাই হঠাৎ সদয় হইয়া বঙ্গবিভাগ রহিত করিয়া দিলেন। পুরাতন নেতারা বলিয়া উঠিলেন—“আমরা ত বলিয়াই ছিলাম; আবেদন নিবেদনের মত আর জিনিষ নাই; বুঝাইয়া বলিতে পারিলে ইংরাজ কথা শুনবেই শুনবে।” নতুন দলের ছেলেরা বলিল—“তা’ত ঠিক; কিন্তু ইংরাজকে বুঝাইতে গেলে মুখের কথা ছাড়া আরো কিছু দরকার।”

বঙ্গবিভাগ রহিত হইল বটে, কিন্তু আগুন নিভিল না। দিনকতক একটু মিটমিট করে, আবার মাঝে মাঝে দপ, দপ, করিয়া জলিয়া উঠে। এদিকে ইংরেজের সহিত জাৰ্ম্মানীর যুদ্ধ বাধিয়া গেল। বিপ্লবপন্থীরা এই সময় একবার মরণ কামড় কামড়াইবার জন্য উঠিয়া পড়িয়া লাগিলেন। জাৰ্ম্মানীর নিকট হইতে অস্ত্রশস্ত্র সংগ্রহের আয়োজন হইতে লাগিল। দেশীয় সৈন্তেরাও যাহাতে বিপ্লবে যোগ দেয়, তাহারও ব্যবস্থা হইতে লাগিল। কিন্তু সব বড়বড়ই ধরা পড়িয়া গেল।

একে বাহিরে প্রবল শত্রু জাৰ্ম্মানী; তাহার উপর ভারতের আভ্যন্তরিক অবস্থাও এইরূপ দেখিয়া ইংরাজ বেশ একটু ভড়কাইয়া গেল। একেবারে ফাঁকা কথায় যে আর কাজ চলিবে না, কর্ত্তব্যবান তাহা বুঝিলেন, এবং কতটুকু ক্ষমতা দেশের লোকের হাতে ছাড়িয়া দিলে আপাততঃ কাজ চলিতে পারে, তাহা স্থির করিবার জন্য খুব ঢাক ঢোল পিটাইয়া ভারতের স্টেট-সেক্রেটারী

এদেশে আসিয়া মতামত সংগ্রহ করিতে লাগিয়া গেলেন। সবাই হাঁ করিয়া ভাবিতে লাগিল— বুঝি বা একটা কিছু সত্য সত্যই মিলিয়া যাইবে। কিন্তু কার্যকালে দেখা গেল,—ইংরাজ আপনার স্বার্থ ত্যাগ করে নাই। রিফর্ম বিলের নমুনা দেখিয়া লোকের “কমলাকান্তের পে বিলের” কথা মনে পড়িয়া গেল। দেশময় আবার হৈ চৈ উঠিল। পুরাতন নেতারা বলিতে লাগিলেন— “গরীবের পক্ষে যা মিলিয়াছে, তাই ভাল”—কিন্তু দেশের লোক আর সে কথা কাণে তুলিল না। তাহার পর পাক্ষাবে শ্রীমান ও’ডায়ার ও ডায়ারের সাক্ষোপাঙ্গণ জালিয়ানওয়ালাবাগে ব্রিটিশ বীরত্বের যে কীৰ্ত্তিস্তম্ভ স্থাপিত করিলেন, তাহাতে লোকের চক্ষুকর্ণের বিবাদ একেবারেই মিটিয়া গেল।

বিনাভের লাটসভায় যখন ডায়ারের গুণগ্রাম কীর্ত্তন হইল, আর এ দেশের ও ইংলণ্ডের চুনো-গলির ট্যাশ হইতে আরম্ভ করিয়া বড় বড় ডিউফ, ডচেস পর্য্যন্ত চাঁদার খাতা খুলিয়া ডায়ারের অধস্তন সাত পুরুষের নির্ভাবনায় বসিয়া খাইবার ব্যবস্থা করিয়া দিলেন, তখন এ দেশের অতি বড় রাজ-ভক্তকেও লজ্জায় মুখ লুকাইতে হইল।

মুসলমানদেরও চোখ কাণ ফুটিল। ১৯০৫ সালে স্বদেশীয় যুগে তাঁহারা বেশ প্রাণ খুলিয়া স্বাধীনতার আন্দোলনে যোগদান করিতে পারেন নাই। দেশ স্বাধীন হইলে সংখ্যাধিক্যবশতঃ পাছে হিন্দুরাই সব ক্ষমতা একচেটিয়া করিয়া লয়, এ ভয় তাঁহাদের মনে মনে ছিল। ইংরাজের একটু কোল ঘেঁসিয়া থাকিলে যদি কতকটা সুবিধা পাওয়া যায় ত মন্দ কি? কিন্তু বিধাতার এমনি বিকট পরিহাস যে, ইংরেজ সিন্নিও খাইল, ভরাও ডুবাইল। তুর্কীর সঙ্গে যুদ্ধের সময় হাজার হাজার মুসলমান ইংরাজের পক্ষ হইয়া যুদ্ধে প্রাণ দিল। ইংরাজ প্রতিজ্ঞা করিল যে, যুদ্ধের পর তুর্কীর যাহাতে বিশেষ অনিষ্ট না হয়, সে দিকে লক্ষ্য রাখিবে; কিন্তু যুদ্ধ শেষ হইলে দেখা গেল যে, সন্ধির সর্ব্বত্র একেবারে তুর্কীকে ছারখার করিয়া দেওয়া হইয়াছে। মুসলমানেরা যখন দেখিলেন যে, ইংরাজ তাঁহাদেরই শীল নোড়া দিয়া তাঁহাদের দস্ত-সংস্কার করিয়াছে, তখন আর তাঁহাদের ক্ষোভের লীমা রহিল না। ভারত যদি স্বাধীন হইত, তাহা হইলে ত এ দুর্ভাগ্য সম্ভবপর হইত না! সুতরাং তাঁহারা ভারতে স্বরাজ্য স্থাপনের আন্দোলনে যোগ দিলেন।

অসহযোগ আন্দোলন

রিফর্ম-বিলের কথাবার্তা যতদিন চলিতেছিল, ততদিন দেশ আশায় উৎকর্ষায় চূপ করিয়া ছিল। কিন্তু উহার স্বরূপ যখন প্রকাশ হইল, তখন দেশে ঐ পুরাতন দলগুলি আবার নূতন নামে মাথা তুলিল। কিন্তু দেখা গেল যে, পুরাতন মডারেট-দিগের সংখ্যা একেবারেই কমিয়া গিয়াছে; তাঁহাদের নেতৃগণ ক্রমে ক্রমে রাজভক্ত হইতে রাজকর্ষচারীর শামিল হইয়া গেলেন; জনসাধারণের উপর তাঁহাদের আধিপত্য কিছুই রহিল না বলিলেই চলে। এদিকে বিপ্লবপন্থীরাও পনের বৎসরের অভিজ্ঞতার ফলে দেখিলেন যে, বিপ্লব বলা যত সোজা, করা তত সোজা নয়। শ্রুধু জনকতক ছেলে ও কতকগুলো রাইফেল ও রিভলভার জোগাড় করিলে ইংরেজ কর্ষচারীদের খুন করা চলিতে পারে, কিন্তু তাহাতে দেশ স্বাধীন হয় না। দেশের জনসাধারণের মধ্যে যদি আত্ম-চৈতন্য না জাগিয়া উঠে, তাহা হইলে জনকত মিলিয়া স্বাধীনতালাভের চেষ্টা বিড়ম্বনা মাত্র। সেইজন্য মহাত্মা গান্ধী যখন স্বরাজ্য-লাভের জন্য ইংরাজের সাহচর্য্য-বর্জন-নীতি প্রচার করিতে আরম্ভ করিলেন, তখন একটু ইতস্ততঃ করিয়া পুরাতন বিপ্লববাদীরা তাঁহার সহিতই যোগ দিলেন। তাঁহারা ভাবিলেন যে, স্বরাজ্য-লাভের পন্থা পরিশেষে সশস্ত্রই হোক আর নিরস্ত্রই হোক, তাহা লইয়া আপাততঃ গগুগোল বাধাইবার প্রয়োজন নাই। আমাদের হাতে যখন অস্ত্র নাই, তখন ইচ্ছায় হোক, অনিচ্ছায় হোক, আমাদের নিরস্ত্র পন্থা অবলম্বন করিতেই হইবে। পরাধীন দেশের লোকের পক্ষে স্বাধীনতা লাভের জন্য অস্ত্রপ্রয়োগ ধর্ম্মগত কি না—সে জ্ঞানের বিচারটা আপাততঃ না হয় স্থগিত রহিল। দেশের মধ্যে ত আগে ইংরাজের সাহচর্য্য বর্জন করিয়া একতা ফুটিয়া উঠুক—বাকী প্রশ্নটা পরে থীমাংসা করিলেও চলিবে।

সুতরাং ১৯০৫ সালের পুরাতন নিরস্ত্র-সহযোগিতা-বর্জন-বাদই ১৯২০ সালে নূতন রূপ ধরিয়া আবার প্রবল হইয়া উঠিল। মহাত্মা গান্ধী হইলেন এই ভাবের কেন্দ্র। ১৯০৫ সালের আন্দোলন প্রধানতঃ বাংলা দেশেই লীমাবদ্ধ ছিল, ১৯২০ সালে উহা সারা ভারতে ব্যাপ্ত হইয়া পড়িল। অভিজাতবর্গ ভিন্ন ইংরাজ রাজত্বের শুভাকাঙ্ক্ষী এদেশে আর নাই বলিলেই চলে। পূর্বে শুধু মধ্যবিত্ত শ্রেণীই এ আন্দোলনে যোগ দিয়াছিল;

এবার দ্রুতবেগে ইহা অশিক্ষিত জনসাধারণের মধ্যে ছড়াইয়া পড়িল। “ইংরেজের ইহুল কলেজে তাহার শাসন-ব্যবস্থা চালাইবার কর্মচারী মাত্র প্রস্তুত হয়, অতএব ইহুল কলেজ ছাড়; আদালতে বিচার বিক্রয় করিয়া ইংরেজ গবর্ণমেন্টের ধনসম্পদ বৃদ্ধি পায় ও দেশের উপর তাহার আধিপত্য বহুমূল হয়, সুতরাং আদালত ত্যাগ কর; পুলিশ ও সৈনিক বিভাগ দ্বারা দেশ শাসিত হয়, সুতরাং ঐ দুই বিভাগে বাহাতে কোন দেশীয় লোকে ভর্তি না হয়, তাহার বন্দোবস্ত কর; মোট কথা, ইংরাজকে শাসন-কার্য্য চালাইবার জন্য কেহ আর্থিক, মানসিক বা শারীরিক কোনরূপ সাহায্য করিও না; ইংরেজ রাজত্ব আপনিই বিনষ্ট হইবে”—ইহাই এ আন্দোলনের মূল কথা।

বর্তমানকালে এ আন্দোলন দিন দিন প্রসার লাভ করিতেছে, কিন্তু ইহা স্থায়ী ও সফল হইবে কি না বুঝিতে গেলে, ইহার মূলে যে যে কারণ নিহিত, তাহার অনুসন্ধান করিতে হয়। যুদ্ধের সময় ও যুদ্ধের পরে ভারতবর্ষের প্রতি ইংরাজের ব্যবহার দেখিয়া অনেকেই ইংরাজকে চিনিবার সুবিধা পাইয়াছে; কিন্তু সেরূপ প্রত্যক্ষ জ্ঞান লাভ করিবার সুবিধা যাহাদের ঘটিয়াছে, তাঁহাদের মধ্যে অধীনতার প্রতি ঘৃণার ভাব হয়ত সত্য সত্যই জাগিয়াছে, কিন্তু জনসাধারণ যে এই আন্দোলনে যোগ দিতেছে, বর্তমান দেশবাসী অল্পবয়স্কের অভাব যে তাহার একটা প্রধান কারণ, সে বিষয়ে সন্দেহ নাই। ১৯০৫ সালে যে আন্দোলন আরম্ভ হয়, বঙ্গভঙ্গ রহিত হইবার পর অনেকে সে আন্দোলন ত্যাগ করিয়াছিলেন। এবারেও যদি জালিয়ানওয়ালাবাগের কর্তাদিগের খানিকটা শাস্তি দেওয়া হয়; নতুন সন্ধির ফলে তুর্কির অবস্থা কতকটা উন্নত হয় এবং প্রেস স্যাক্ট, রাউলট স্যাক্ট প্রভৃতি আইনগুলি তুলিয়া দিয়া রিকম বিলের দ্বিতীয় কিস্তি দিবার প্রস্তাব উঠে, তাহা হইলে বর্তমান আন্দোলনের বেগ অনেকটা মন্দীভূত হইয়া পড়িবে বলিয়াই বেন মনে হয়। তবে এখন সারা জগতের যেকোন অবস্থা, তাহাতে দেশে দুর্গুণ্যতা নীচ ঘৃণিবার বড় বেশী সম্ভাবনা নাই; এবং ইংরাজ যে নীচ বোঝায় রিকম বিলের দ্বিতীয় কিস্তি লইয়া হাজির হইবে, তাহারও কোন নিদর্শন এ পর্যন্ত দেখা যায় নাই। সুতরাং ধরা যাইতে পারে যে, আন্দোলনের বেগ আপাততঃ বাড়িতেই

থাকিবে। কিন্তু আন্দোলন বাড়িয়া চলিলেই দেশকে সংহত ও সংঘবদ্ধ করা যাইবে কি না, তাহাও ভাবিবার বিষয়। ইংরাজের ব্যবসা বাণিজ্যের ক্ষতি এখন হইতেই হইতে আরম্ভ হইয়াছে; আবগারী বিভাগ হইতে যে রাজস্ব আদায় হইত, তাহাতেও হাত পড়িয়াছে। ইংরাজ যে চূপ করিয়া এ অধিক ক্ষতি বহুদিন স্বীকার করিবে, তাহা মনে করিবার কারণ আমরা এ পর্যন্ত পাই নাই। আমরা শাস্ত-রস প্রচার করিলেই যে ইংরাজের মনে বীররস শুকাইয়া যাইবে—এরূপ নাও হইতে পারে। আমরা non-violent হওয়া সত্ত্বেও ইংরাজের violent হওয়া আশ্চর্য্য নয়। “তখন ঠেকাইবার উপায় কি? কেহ কেহ হয়ত মনে করেন যে, ইংরাজ ও মুক্তি ধারণ করিবার পূর্বেই আমরা দেশকে সংহত করিয়া শক্তিমান করিয়া তুলিব। দেশকে সেরূপ সংঘবদ্ধ করিয়া তুলিবার শক্তি এ আন্দোলনের আছে কি না, তাহা বিচার করিয়া দেখিবার বিষয়।

এ পর্যন্ত এ আন্দোলনের যতটুকু প্রকাশ হইয়াছে, তাহা প্রধানতঃ নিবেদ্যাক। আমরা যা চাই না, তা সকলেই জানি; কিন্তু কি যে চাই, সে বিষয়ে আমাদের ধারণা নিতান্তই অপরিষ্কৃত। এই ‘নেতি নেতি’র পথে হয়ত বা ব্রহ্ম-নির্বাণ লাভ করা যাইতে পারে, কিন্তু সংসার চলে কি না, তাহা বিশেষ সন্দেহের বিষয়। ছেলেরা কলেজ ছাড়িয়াছে, কিন্তু নতুন ভাবের কেন্দ্রস্বরূপ একটা কিছু গড়িয়া উঠে নাই। যাহারা প্রচার কার্য্য করিবে বলিয়া জনসাধারণের সম্মুখে গিয়া দাঁড়াইতেছে, তাহারা ভাবে, ভাবায়, আচারে, ব্যবহারে, আদর্শে জনসাধারণ হইতে বহু পরিমাণে পৃথক। ন’ মাসে স্বরাজ স্থাপনের আদর্শে যাহারা উদ্বুদ্ধ হইয়াছে, দেশের যথার্থ অভাব-অভিযোগ বুঝিতেই হয়ত তাহাদের অনেক ন’ মাস কাটিয়া যাইবে। আশ-ভরের পর যে একটা প্রতিক্রিয়া আছে তাহার হাত হইতে ছেলেরা অব্যাহতি পাইবে কি?

এ আন্দোলনের কার্য্য-প্রণালী যে প্রধানতঃ নিবেদ্যাক হইয়া যাইতেছে, তাহার আরও একটা গুণ্ডার কারণ এই যে, বর্তমান ইংরাজী শিক্ষার ফলে দেশের সহিত আমাদের নাড়ীর টান কতকটা ছিঁড়িয়া গিয়াছে। ইহা ব্যবহারিক ভাবে যেমন সত্য, আধ্যাত্মিকভাবে আরও অধিক সত্য।

আমাদের অতীত যুগের শিক্ষার ধারা ও সাধনার সহিত আমরা অপরিচিত। রাজনীতি বলিলেই আমাদের মনে ভোট, ব্যালট, মেজরিটা ও পার্লামেন্টের কথা জাগিয়া উঠে; অথচ যে ইউরোপের নিকট হইতেই আমরা এ সমস্ত জিনিষের আভাষ পাইয়াছি, সেইখানেই লোকে আজ এরূপ শাসন ব্যবস্থা সমূলে উৎপাটিত করিবার চেষ্টা করিতেছে। দেশের অতীত চিন্তা-প্রণালীর সহিত সংযোগ স্থাপন না করিয়া কেহ দেশের ভবিষ্যৎ গড়িতে পারে না। সেই জন্যই মনে হয় যে, বতদিন না আমরা আপনাদের মধ্যে দেশের চিন্তার ধারা, সাধনা, ও জীবনের আদর্শের সন্ধান না পাইব, ততদিন আমাদের কার্য-প্রণালীর মধ্যে গঠন অপেক্ষা ধ্বংসের ভাবই প্রবলতর থাকিবে।

প্রকৃতপক্ষে সহযোগিতা-বর্জন যুদ্ধ ঘোষণার নামান্তর মাত্র। আয়ল ও বহুবৎসর ধরিয়া দেশের স্তম্ভ চৈতন্ত শিক্ষা-দীক্ষার দ্বারা জাগ্রত করিয়া তুলিয়াছে; তাহার ফলে আজ সে দেশে সিনফিনের উৎপত্তি। দেশের স্বাধীনতার পক্ষে সেরূপ জাগরণ

একান্তই প্রয়োজনীয়। বাহারা দেশময় আজ এই চাঞ্চল্য দেখিয়া মনে করেন যে, দেশের স্তম্ভ আত্ম জাগিয়াছে, তাহারা ভুলিয়া যান যে, এই দেশাত্মবোধ একটা স্বয়ং-প্রকাশ জাগ্রত সত্য; ইহা শুধু 'নেতি নেতি'র সমষ্টি মাত্র নহে। আজ যাহা দেশে দেখা দিয়াছে, উহা national consciousness নহে; শুধু political consciousness মাত্র। আমরা কি চাই না, তাহা বুঝিয়াছি; যাহা চাই, তাহার সাক্ষাৎকার আজও পাই নাই। অথচ দেশকে জাগাইতে গেলে তাহাকেই পাওয়া আবশ্যক।

তবে কি বর্তমান অন্দোলন ব্যর্থ? তাহা নহে। মিথ্যার দিক হইতে মুখ ফিরাইয়া উহা আমাদের সত্যাত্মসন্ধানমুহূর্ত জাগাইয়া তুলিবে। স্বজনের জন্য যে শাস্ত জ্ঞান ও অধ্যবসায়ের প্রয়োজন, তাহা অর্জন করিবার চেষ্টা উহা ফুটাইয়া তুলিবে। জীবন-প্রত্যাহার বার্তা ঘোষণা করিয়া, নবজীবন সৃষ্টির শক্তি সংগ্রহ করিয়া যখন আবার নতুন প্রেরণা আসিবে, তখন আমরা প্রাণ খুলিয়া বলিতে পারিব—

স্বাগতং।

কংগ্রেসের কার্যপ্রণালী

বোম্বাইয়ের একখানি প্রসিদ্ধ ইংরাজী দৈনিকে 'স্বরাজ' কথাটির ব্যাখ্যা দেখিতেছিলাম। লেখক প্রথমেই এই কথা বলিয়া মুখবন্ধ করিয়াছেন যে, স্বরাজ জিনিসটা যে কি, তাহা কথায় বুঝান যায় না। স্বরাজের এইরূপ বাক্যাতীত অবস্থার কথা পূর্বেই শুনিয়াছিলাম। তাই বাক্যাতীতকে কথায় বাঁধনে লেখক কেমন করিয়া ধরিয়াছেন, তাহা জানিবার জন্য ভারী কৌতূহল হইল। প্রবন্ধটা পড়িয়া দেখিলাম, লেখক বলিতেছেন যে, অল্পকথায় স্বরাজের রূপবর্ণনা করিতে গেলে বলিতে হয় যে, দেশের আবালবৃদ্ধবনিতা যদি ধর্মের পরিয়া অহিংসাত্মক গ্রহণ করে ও হিন্দুমুসলমানের মধ্যে যদি যৈত্রী স্থাপিত হয়, তাহা হইলে দেশের যে অপূর্ণ অবস্থা হয়, তাহারই নাম স্বরাজ।

মনের চোখে কল্পনার চশমা আঁটিয়া একবার সখ মিটাইয়া সে রূপ দেখিবার চেষ্টা করিলাম; শেষে হতাশ হইয়া স্থির করিলাম, এ স্বরাজ শুধু বাক্যের অতীত নয়, মনেরও অতীত। এতদিন মনে মনে আমার বেশ একটু গর্ক ছিল যে, স্বরাজের এরূপ ব্যাখ্যা লইবার মত বুদ্ধি বাংলাদেশে জন্মায় নী। কিন্তু কলিকাতা 'সিভিল ডিসোবিডিয়েন্স' কমিটির নিকট কংগ্রেসের দুই একজন 'প্রসিদ্ধ কর্মী' যে সাক্ষ্য দিয়াছেন, তাহাতে সে ভুলও ভাঙিয়াছে।

কলিকাতায় কংগ্রেসের বিশেষ অধিবেশনে যখন স্বরাজভাষ্যের কথা উঠিয়াছিল, তখন মহাত্মা গান্ধী বলিয়াছিলেন—“আজ যদি দেশের লোকের হাতে তরবারি থাকিত, তাহা হইলে দেশের লোকে

তাহা ব্যবহার করিতে কুণ্ঠিত হইত না।” আর তাহা নাই বলিয়াই দেশের নেতারা অস্ত্র পশু আবিষ্কারের চেষ্টা করিয়াছিলেন। তাহাদের আবিষ্কৃত পথ ধরিয়া আজ আমরা কোথায় আসিয়া পড়িয়াছি, তাহা ভাবিয়া দেখিবার সময় আসিয়াছে।

নেতারা তখন স্থির করিয়াছিলেন যে, আমাদের বিদেশী কর্তারা যে সমস্ত অসুষ্ঠান প্রতিষ্ঠানের সাহায্যে আমাদের মনোহূর্ণ দখল করিয়া বসিয়াছেন, আগে সেই অসুষ্ঠান প্রতিষ্ঠানগুলোকে ভাঙিয়া ফেলা দরকার। স্থল, কদেজ, ব্যবস্থাপক সভা আর সরকারী উপাধিগুলো ছাড়িতে পারিলেই অনেকটা মানসিক স্বাধীনতা পাওয়া যায়, এই সিদ্ধান্তেই তখন তাঁহারা উপনীত হইয়াছিলেন। মানসিক স্বাধীনতা পাইবার পর কেমন করিয়া তাহা ব্যবহারিকভাবে কাজে লাগান যাইতে পারে, তাহাও স্থির করা হইয়াছিল। প্রথমে বিদেশী ও দেশী কলের কাপড় ছাড়িয়া খন্দর পরিতে হইবে; স্বেচ্ছা স্বেচ্ছা সালিসী আদালত প্রতিষ্ঠা ও ভিন্ন ভিন্ন জাতিদিগের মধ্যে মৈত্রী স্থাপন করিতে হইবে; আর সে সাধনায় সিদ্ধ হইয়া স্বাবলম্বী হইবার পর স্বরাজ্য ঘোষণা করিয়া দিয়া বিদেশী শাসন-যন্ত্রকে সাহায্য করা একেবারে বন্ধ করিয়া দিতে হইবে। খাজনা ট্যাক্স না পাইলে ত আর রাজ্য চলে না; কাজে কাজেই আমরা খাজনা ট্যাক্স বন্ধ করিয়া দিলেই আমাদের বিদেশী শাসনকর্তারা বাধ্য হইয়া আমাদের স্বাধীনতা মানিয়া লইবেন।

হিসাবটা বেশ সোজা। নৈবেদ্যের চাউল সরাইয়া লইলেই যেমন মাখার মণ্ডা নীচে গড়াইয়া পড়ে, এও কতকটা সেইরূপ। কিন্তু মণ্ডার মত মোলায়েমভাবে নীচে গড়াইয়া পড়িতে ইংরেজ হয়ত সহজে রাজী হইবে না। লাঠি বা বন্দুকের ঠেকনা দিয়া নৈবেদ্যকে খাড়া করিয়া রাখিতে সে হয় ত কিছুমাত্র ইতস্ততঃ নাও করিতে পারে। সেইজন্ত নেতারা ব্যবস্থা দিয়াছিলেন যে, লাঠির ঘা বা সজীরের খোঁচা নির্ঝিবাদে সহিবার জন্ত আমাদের প্রস্তুত হইতে হইবে। কায়মনোবাক্যে প্রস্তুত হওয়ার নামই অহিংসাসাধন।

গত বৎসর ৩১এ ডিসেম্বর তারিখে যখন স্বরাজ্যের শুভাগমনের কোন সংবাদ পাওয়া গেল না, তখন কংগ্রেসের কর্তৃপক্ষগণ কারণ স্থির করিলেন যে, মানসিক স্বাধীনতার যে যে লক্ষণ তাঁহারা নির্দেশ করিয়া দিয়াছিলেন, সে গুলি আমাদের মধ্যে এখনও সম্যকরূপে প্রকাশ পায় নাই; আর এই স্বাধীনতার

বহিরঙ্গসাধনেও আমরা যথেষ্টদূর অগ্রসর হইতে পারি নাই। তাড়াতাড়ি এই ক্রেটিগুলি সারিয়া লইয়া স্বরাজ্যঘোষণা ও খাজনা-ট্যাক্স বন্ধ করিয়া দিবার জন্ত দেশময় সাড়া পড়িয়া গেল। স্বয়ং মহাত্মাজী বারদোলি তালুকে স্বরাজ্য প্রতিষ্ঠার আয়োজন করিতে লাগিলেন। সারাদেশ উদ্গ্রীব হইয়া দিন গণিতে লাগিল—এমন সময় চেরিচৌরার লক্ষাকাণ্ডে প্রমাণ হইয়া গেল যে, এ দেশের লোকগুলো সাত শত বৎসরের শিক্ষানবিশী সত্ত্বেও অহিংসাসাধনায় সিদ্ধ হইতে পারে নাই। এক ঘটি দুধের মধ্যে এক ফোঁটা গোমুত্র পড়িয়া সব মাটা করিয়া দিল।

খাজনা-ট্যাক্স বন্ধের আয়োজন স্থগিত হইয়া গেল। নেতারা নূতন ব্যবস্থা দিলেন যে, স্বরাজ্যের ইমারত গোড়া হইতে আবার পাকা করিয়া গাঁথিতে হইবে। তাহার সহিত একটুখানি হিংসার খাদ মিশিয়া গেলেই আবার সব শ্রম পণ্ড হইয়া যাইবে। তাঁহারা ভাবিয়া চিন্তিয়া স্থির করিলেন যে, জাতীয় শিক্ষা, অনাচরণীয় জাতির সামাজিক উন্নতি, সালিসী আদালত, হিন্দুমুসলমানের মধ্যে মৈত্রী স্থাপন ও খন্দর ব্যবহার—এই গুলিই হইল স্বরাজ্য গাঁথিবার পাকা মালমসলা।

এই সময় হইতেই অহিংসা কথাটার উপর খুব জোর দেওয়া আরম্ভ হইল। এমন কি, কেহ কেহ বলিতে আরম্ভ করিলেন যে, অহিংসা প্রচার করিয়া জগতে একটা নূতন যুগ লইয়া আসাই এই অসহযোগ আন্দোলনের মুখ্য উদ্দেশ্য; ভারতবর্ষে স্বরাজস্থাপন গোণ লক্ষ্য মাত্র। ক্রমে খাজনা-ট্যাক্স বন্ধ করিয়া দিয়া বিদেশী শাসনযন্ত্র অচল করিয়া দিবার কথাটা দূরে পিছাইয়া যাইতে লাগিল। খন্দর আর স্বরাজ প্রায় একার্থবোধক হইয়া দাঁড়াইল। অনেকে খন্দর পরিয়া অন্তরের স্বরাজ লাভ করিয়াই নিশ্চিন্ত হইয়া পড়িলেন।

স্বাধারা অত সহজে নিশ্চিন্ত হইতে পারিলেন না, তাঁহারা নানারূপ কূট প্রশ্ন তুলিতে আরম্ভ করিলেন। বর্তমান কার্য-প্রণালীর সহিত সহযোগের সম্বন্ধ কোথায়? এত শুধু অর্থ-নৈতিক ও সামাজিক ব্যবস্থা। ইহার সহিত রাজনীতির সম্পর্ক কি? শাসনযন্ত্রের সহিত সম্বন্ধ ত্যাগের নাম যদি অসহযোগ হয়, তাহা হইলে খন্দর প্রচার, হিন্দুমুসলমান-প্রীতি, অপাংক্তয় জাতির সামাজিক উন্নতি প্রভৃতি ব্যাপারকে অসহযোগ নাম দিবার ত কোন সার্থকতা নাই। এগুলি ত সমাজ-সেবার

অন্য বিশেষ; অর্থনীতির সহিত ইহার একটা সম্বন্ধ আছে; কিন্তু রাজনীতির সহিত সম্পর্ক যে একেবারে নাই বলিলেই চলে। দেশের অর্ধেক লোক যদি খন্দর পরে, তবেই তাহাদের খাজনা-ট্যাক্স বন্ধ করিয়া দিবার অধিকার জন্মিবে। যদি দেশের লোক সে পরিমাণ খন্দরের ব্যবস্থা না করিতে পারে, তাহা হইলে রাজনীতি-চর্চার ঐ খানেই শেষ। স্বরাজ্যলাভ আর এ যাত্রায় হইল না।”

খন্দরের বাহারা পৃষ্ঠপোষক, তাঁহারা বলেন— “খন্দর শুধু একটা অর্থনৈতিক ব্যাপার নয়। খন্দর তৈয়ারি করিয়া পরিতে গেলেই সঙ্গে সঙ্গে ভিত্তিকা সাধনের প্রয়োজন; এবং এই ভিত্তিকা অহিংসা-লাভের প্রধান উপায়। খাজনা-ট্যাক্স বন্ধ করিলে যতটা কষ্ট সহ্য করিতে হইবে, দেশ তাহার জন্য প্রস্তুত কি না, তাহা খন্দরের প্রচার দেখিয়াই বুঝিতে পারা যাইবে।”

এ সমস্ত যুক্তিতর্কের সারবত্তা বিচার করিয়া বিশেষ লাভ নাই; কেন না, যাহাদের লইয়া দেশ, সেই সব সাধারণ লোক এই সব পণ্ডিত যুক্তির বড় একটা ধার ধারে না। বারদোলির অহুশাগনের পর হইতেই তাহারা হাল ছাড়িয়া দিয়াছে। যে স্বরাজ্যলাভের আশায় তাহারা উৎসাহিত হইয়া উঠিয়াছিল, তাহা দূরে সরিয়া যাওয়ার সঙ্গে সঙ্গেই তাহারা খন্দরের ব্যবহারও কমাইয়া দিয়াছে। যাহারা দেশের কাজ করিবে বলিয়া ছুল কলেজ হইতে লাকাইয়া পড়িয়া ছিল, তাহারা আবার আস্তে আস্তে ছুল কলেজে ফিরিয়া গিয়াছে। উকিল ব্যারিষ্টারদের মধ্যে অনেকেই আবার আদালতে যোগ দিতেছেন। ব্যবস্থাপক সভায় ঢুকিবার প্রস্তাবও কোথাও গৃহীত হইয়াছে। যে কারণেই হোক, এ পহার উপর আর লোকের ঝোল আনা আস্থা নাই। জাতিগঠনের (Constructive Programme) যে পন্থা নির্দিষ্ট হইয়াছে, তাহাতে সফলতালাভ করা দুই দশ বৎসরের কর্ম নয়। ভারতবর্ষের বিভিন্ন জাতির মধ্যে পূর্ণ প্রীতিস্থাপন, পতিত জাতির উদ্ধার, অর্থনৈতিক সমস্যার মীমাংসা, জাতীয় শিক্ষার ব্যবস্থা প্রভৃতি কাজগুলি স্ফূর্তরূপে সম্পন্ন হইলে, তাহার পর যদি রাজনৈতিক স্বাধীনতালাভের চেষ্টা আরম্ভ করিতে হয়, তাহা হইলে আর এ অগ্নে স্বাধীনতালাভের সম্ভাবনা নাই।

মহারാষ্ট্র, বাংলা, মাজাজ ও অন্যান্য প্রদেশে এ পহার বিরুদ্ধে প্রতিবাদ আরম্ভ হইয়াছে, কিন্তু

সুনির্দিষ্ট কর্মপন্থা কোথাও দেওয়া হইয়াছে বলিয়া আমাদের জানা নাই। অথচ দেশের লোকের সম্মুখে সেরূপ একটা না ধরিতে পারিলে আবার নূতন উৎসাহ ও উত্তম সৃষ্টি করিবার সম্ভাবনা নাই।

প্রথমে এই কথাই মনে হয় যে, বিদেশী শাসন-যন্ত্র হইতে হাত সরাইয়া লইলে একদিনেই তাহা ভাঙিয়া পড়ে, ‘খিতরি’ হিসাবে এ কথা যতই সত্য হোক, কার্যতঃ তাহা হইবার বড় একটা সম্ভাবনা নাই। বাহারা উপজীবিকার জন্য এই শাসনযন্ত্রের সহিত জড়িত হইয়া পড়িয়াছেন, তাঁহারা ইচ্ছা করিলেও সব সময়ে সে সংশ্লিষ্ট ত্যাগ করিতে পারিবেন না। চাঁদার খাতা খুলিয়া চিরদিনের জন্য তাঁহাদের ও তাঁহাদের পরিবারবর্গের ভরণপোষণের ব্যবস্থা করা সম্ভবপর নয়, আর বোধ হয় সমীচীনও নয়। শাসনযন্ত্রের একান্ত আবশ্যক অংশগুলি চালাইবার জন্য যত লোকের দরকার, এ দেশের শাসনকর্তারা যে তেত্রিশ কোটির মধ্যে ততগুলি পাইবেন না, তাহা মনে করিবার কোন কারণ নাই। সুতরাং আদালত বা সরকারী চাকরী ছাড়াইয়া শাসনের কল অচল করিয়া দেওয়ার কল্পনা শুধু কল্পনামাত্র হইয়া থাকিবে। কলিকাতা বিশ্ববিদ্যালয়ের অধীন ছুল কলেজগুলি খালি করিয়া দিলে ছেলেদের যে একটা সুশিক্ষার ব্যবস্থা হইবে, বর্তমান জাতীয় বিদ্যালয়গুলির আর্থিক অবস্থার দিকে তাকাইলে সে কথাও মনে হয় না। আর রায় বাহাদুরের দল যদি নিরুপাধিক হইয়া দাঁড়ান, তাহা হইলে তাঁহাদের আধ্যাত্মিক উন্নতির পথ হয় ত প্রশস্ত হইতে পারে, কিন্তু তাহাতে শাসনযন্ত্র অচল হইবার সম্ভাবনা নিতান্তই অল্প। বাকি রহিল বিদেশী পণ্য বর্জন। আমাদের স্বদেশী পণ্য রক্ষার জন্য যে বিদেশী বর্জন আবশ্যক, তাহাতে আর সন্দেহ মাত্র নাই। কিন্তু স্বাধীনতালাভের জন্য তাহা মোটেই যথেষ্ট নহে। যে রাজনৈতিক শক্তির প্রভাবে ইংরেজ এদেশে আপনার বাণিজ্য বিস্তার করিয়াছে, সে শক্তি যতদিন তাহার হস্তগত থাকিবে, ততদিন সর্ববিধ উপায়ে সে আপনার বাণিজ্য অক্ষুর রাখিবার চেষ্টা করিবে। ১৯০৫-৬ সালের বয়কট আন্দোলন যে কারণে ভাঙিয়া পড়িয়াছিল, আজও সেই কারণ বর্তমান; এবং যে উপায়ে সে আন্দোলন হীনপ্রভ করা হইয়াছিল, সে উপায়ও আজ যথেষ্ট পরিমাণে ব্যবহৃত হইতেছে। দেশের লোকে সমস্ত বাধা বিপদ তুচ্ছ করিয়া সমস্ত কষ্ট ও

অত্যাচার সহ করিয়া যদি দেশে যথেষ্ট পরিমাণে বস্ত্র উৎপাদন করিবার ব্যবস্থা করে, তাহা হইলে বস্ত্রসম্ভার একটা যীমাংশ হইতে পারে; কিন্তু তাহা হইতে স্বরাজ কি করিয়া আসিবে, তাহা বুঝিয়া উঠা কঠিন।

কংগ্রেসের প্রস্তাবের মধ্যে খাজনা ট্যাক্স বন্ধ করাই শাসনযন্ত্র অচল করিবার একমাত্র উপায়। কিন্তু আশ্চর্যের বিষয় এই যে, জমির উপর যে সম্ভবোধ থাকিলে প্রজা জমির জন্ত লড়িতে পারে, তাহা জম্মাইবার বা পরিশ্রুতি করিবার কোন চেষ্টাই কংগ্রেসের কার্যপ্রণালীর মধ্যে দেখিতে পাওয়া যায় না। আজকাল জনসাধারণের মধ্যে যে উৎসাহের অভাব দেখিতে পাওয়া যাইতেছে, মনে হয় তাহারও কারণ সেইখানে। কৃষকদের মধ্যে যখন স্বরাজের কথা প্রচার করা হইয়াছিল যে, খাজনা ট্যাক্সের বোঝা তাহাদের হাঙ্কা হইয়া যাইবে, পুলিশ বা জমিদারের উৎপীড়নের হাত হইতে তাহারা বাঁচিবে। কিন্তু নেতারা তাহাদিগকে খন্দর পরিয়া অহিংসা চর্চার কথাই বলিলেন; তাহাদের অন্ত্রাত্ম দুঃখ কষ্ট নিবারণের কোন ব্যবস্থা করা আবশ্যক মনে করিলেন না। হিন্দুস্থান ও রাজপুতানার কৃষকদিগের মধ্যে খাজনা লইয়া অত বড় একটা আন্দোলন হইয়া গেল, কিন্তু কংগ্রেস তাহাতে হস্তক্ষেপ করা যুক্তিসম্মত বিবেচনা করিলেন না। তালুকদারেরা পুলিশের সাহায্য লইয়া কিল্পে সে আন্দোলন ভাঙ্গিয়া দিল, তাহা সর্বজনবিদিত। কৃষাদিগের অভাব অভিযোগের প্রতীকারের জন্ত কংগ্রেস যদি কৃষাদিগের নেতৃত্ব গ্রহণ করিতেন, তাহা হইলে আর স্বরাজের কথা বুঝাইবার জন্ত আজ এতটা বেগ পাইতে হইত না। কিন্তু কংগ্রেসের ও সম্বন্ধে

উদাসীন দেখিয়া কৃষাণেরা ঠিক করিল যে, তাহাদের অভাব অভিযোগের প্রতীকার আর আন্দোলনের স্বরাজ ঠিক এক জিনিষ নয়। তাই তাহারা দূরে সরিয়া পড়িল।

যাহারা শ্রমজীবী, তাহাদিগকে সংযত করিয়া তাহাদের অবস্থার উন্নতির চেষ্টাও কংগ্রেস করে নাই। কৃষকেরা স্বহস্তে খন্দর বুনিয়া পরিলে তাহাদের আর্থিক অবস্থার উন্নতি হইতে পারে, কিন্তু কলের কুলি মজুরদের সম্বন্ধে সে কথা খাটে না। তাহারা সমস্ত দিন হাড়ভাঙ্গা পরিশ্রম করিয়া আবার যে নিজেদের পরিধেয় বস্ত্র প্রস্তুত করিবার জন্ত চরকা কাটিতে বসিবে, তাহা মনে করাই ভুল। সুতরাং খন্দরের দুর্গুণ্যতা বশতঃ খন্দর পরিয়া তাহাদের আর্থিক লাভ কিছুই নাই। খন্দর পরিয়া অহিংসা চর্চা করা যদি স্বরাজ লাভের একমাত্র উপায়, তাহা হইলে সে স্বরাজ লাভের জন্ত কুলি মজুরেরা যে খুব বেশী আগ্রহ দেখাইবে, তাহার লম্ভাবনা বড় অল্প। স্বরাজের আধ্যাত্মিক মর্থ হৃদয়ঙ্গম করিয়া তাহারা যে বৎসরের পর বৎসর ধরিয়া ক্রমাগত ত্যাগ ও কষ্ট স্বীকার করিয়া যাইবে, ইহা অসম্ভব কল্পনা। অথচ কৃষক ও শ্রমজীবীদিগের সহায়ত্ব না পাইলে শাসনযন্ত্র অচল করিবার কল্পনা চিরদিনই বিফল হইয়া থাকিবে।

কংগ্রেসের কার্যপ্রণালী একপভাবে যদি পরিবর্তিত করিতে পারা যায় যে, কৃষক ও শ্রমজীবীদিগের অভাব ও অভিযোগের প্রতীকার তাহার দ্বারা হইতে পারে, তাহা হইলে অল্প সময়ের মধ্যে কংগ্রেসের উদ্দেশ্য কার্যে পরিণত হওয়াও অসম্ভব নহে।

পুরাতন কাম্বুদি

দেখিতে দেখিতে গত ছয় বৎসরের ভিতর কিছু হইয়া গেল। ডমরু-ধ্বনি শুনিয়া উকিলেরা ওকালতি ছাড়িলেন, ছেলেরা স্কুল কলেজ ছাড়িল, দুই একজন রাস-বাহাদুর-গিরিতেও ইন্তকা দিলেন; কিন্তু ভারতের ভাঙ্গা কপাল জোড়া লাগিবার চিহ্ন দেখা গেল না। কংগ্রেসের

প্রতিনিধিরা রাগ করিয়া আইন-সভা বর্জন করিলেন; অনেকে চরকা কাটিয়া খন্দর পরিতে আরম্ভ করিলেন; সভা-সমিতি ও আর্জিনাদে দেশ মুখরিত হইয়া উঠিল; মুসলমান ভ্রাতারা খলিকার দুঃখে কাতর হইয়া চাঁদার খাতা খুলিলেন; বাংলা ভাষায় হরতাল, সভ্যগ্রহ প্রভৃতি অনেক নতন

কথার আমদানি হইল, কিন্তু দিল্লীর সিংহাসন যে খুব বেশী টলিয়া উঠিল, তাহা মনে করিবার কারণ পাওয়া গেল না। শেষে কথা উঠিল, খুব সম্ভবপণে, বিশুদ্ধ অহিংসভাবে আইন অমান্ত কর, আর খাজনা ট্যাক্স বন্ধ করিয়া দাও। আধ্যাত্মিক স্বরাজ লাভের কথা যাহাদের কাণে পৌঁছায় নাই, খাজনা ট্যাক্স বন্ধের কথায় তাহারা কাণ খাড়া করিয়া উঠিল। দিনের পর দিন হাড়-ভাঙ্গা খাটুনি খাটিয়াও যাহাদের পেটে অন্ন ছুটে না, পরের উদরপূষ্টি করিতে করিতে যাহাদের নিজেদের সম্মান-সম্মতি অনাহারে মরে, সেই কৃষকের দল খাজনা ট্যাক্স বন্ধের কথায় লাজল কাঁধে করিয়া দাঁড়াইল। উকিল বাবুদের বক্তৃতায় ও ছেলেদের কোলাহলে যে-সব সরকারী কর্মীদের সুনিদ্রার ব্যাঘাত হয় নাই, খাজনা-ট্যাক্স বন্ধের জল্পনা-কল্পনায় তাঁহারা দুঃস্বপ্ন দেখিতে আরম্ভ করিলেন। কিন্তু বিশুদ্ধ সাংস্কৃতিকভাবে সরকারী রসদ বন্ধ করিবার আয়োজন সম্পূর্ণ হইবার পূর্বেই 'বা দেবী সর্বভূতেষু ক্ষুধারূপেণ সংস্থিতা' তিনি চৌরিচৌরায় আপনার লোল জিহ্বা বিস্তার করিয়া খানকতক বাড়ী ঘর সমেত গোটাকয়েক পুলিশ-কর্মচারী গ্রাস করিয়া ফেলিলেন। স্বরাজ-সাধনার মধ্যে অসাংস্কৃতিকতার গন্ধ পাইয়া মহাত্মা গান্ধী ক্ষোভে, দুঃখে, যুগায় প্রায়োপবেশন আরম্ভ করিয়া দিলেন। এদিকে তুচ্ছ ব্রিটিশ-কেশরী ও তাঁহার পুলিশ-শাবকদিগের তর্জ্জন-গর্জ্জনে মা বসুমতী থাকিয়া থাকিয়া কাঁপিয়া উঠিতে লাগিলেন। ছেলের দলে সরকারী জেলখানা ভাঙি হইয়া গেল; সাধের চরকায় মাকড়শা মৃত্যু কাটিতে লাগিল; নেতৃবৃন্দ গালে হাত দিয়া কিংকর্তব্যবিমূঢ়বৎ বলিতে লাগিলেন—'তাই ত! তাই ত!' যে-সব কৃষকেরা অধ্যাত্মিক গুঢ় তত্ত্বের ভিতর প্রবেশ করিতে না পারিয়া পুলিশের উপর লাজল চালাইয়া স্বরাজ ফলাইবার আশায় উৎফুল্ল হইয়া উঠিয়াছিল, তাহারা নেতৃবৃন্দের আধ্যাত্মিকতার ভিতর জমিদারী চালের গন্ধ পাইয়া হতাশ হইয়া পড়িল। তাহাদের ঘরে ফিরিয়া যাওয়ার সঙ্গে সঙ্গে অহিংস অসহযোগ আন্দোলনের প্রথম পর্ব শেষ হইয়া গেল।

সাজান বাগান কেন শুকাইয়া গেল, বর্জনের গর্জ্জন কেন মুক হইয়া গেল, সে সম্বন্ধে অনেক গবেষণা হইয়া গিয়াছে। কর্ম্মারা নেতাদের ভুল প্রাস্তি বাহির করিবার চেষ্টা করিয়াছেন, নেতারা কর্ম্মীদের ঘাড়ে দোষ চাপাইয়া সাফাই গাহিয়াছেন, আর উত্তর দল মিলিয়া দেশের জনসাধারণ যে

স্বাধীনতা-সংগ্রামের ক্ষত্র অপ্রস্তুত, সেই কথাটাই নিজেদের মনকে বুঝাইয়া আত্মভূটি লাভ করিয়াছিলেন। কিন্তু জিবিধ, চতুর্বিধ বা পঞ্চবিধ বর্জনের সব কয়টাই যদি কৃতকার্য হইত, তাহা হইলেও যে কেমন করিয়া বিদেশী আমলাতন্ত্র কাবু হইয়া পড়িত, তাহা বুঝা একটু কঠিন।

ছেলেরা সবাই যদি সরকারী স্কুল কলেজ ছাড়িয়া দেয়, রাস্তায় শোভাযাত্রা করিয়া বেড়ায়, উকিল-ব্যারিষ্টারেরা যদি আদালত ছাড়িয়া চরকা কাটিতে বসেন, রায় বাহাদুরেরা যদি বাহাদুরী ছাড়িয়া সোজামুজি ভদ্রলোক হইয়া দাঁড়ান, আইন-সভার মুন্সফীর যদি আইন-সভার বদলে মাঠে ঘাটে বক্তৃতা করিয়া জিহ্বার কণ্ডুয়ন নিবৃত্তি করেন, এমন কি দেশসুদ্ধ সকলেই যদি খাদি-প্রতিষ্ঠানের বা অভয়াশ্রমের আত্মচর্য স্বীকার করিয়া খন্দরাচার্য্য হইয়া পড়ে, তাহা হইলেও ইংরেজ যে কেন দিল্লীর রাজপ্রাসাদের চাবী আমাদের হাতে তুলিয়া দিয়া বোম্বায়ে গিয়া জাহাজে চড়িয়া বসিবে, সে কথা সহজ বুদ্ধিতে আসে না। অথচ অসহযোগ আন্দোলনের প্রথম অবস্থায় এই কর্ম্মপন্থাই নিশ্চিষ্ট হইয়াছিল। ইহা অমুসরণ করিলে বর্তমান শাসন-প্রণালীর বিরুদ্ধে দেশের ভদ্র সম্প্রদায়ের মন কতকটা তিস্ত হইয়া উঠে, আর বিদেশী ব্যবসায়ীদিগের খানিকটা অর্থাগমের পথ রুদ্ধ হয়—এই পর্য্যন্ত। কিন্তু সওদাগরী জাহাজের পিছনে যাহাদের রণতরী বর্তমান, বেয়নেটের উপর সাজ পরাইয়া যাহাদের রাজদণ্ড গঠিত, তাহারা কিঞ্চিৎ অর্থ নষ্ট হইলেই হাল ছাড়িয়া দিবে না। যে ক্ষাত্রশক্তির প্রভাবে তাহারা প্রথমে এদেশে বাণিজ্যের বিস্তার করিয়াছিল, সে শক্তি যতদিন তাহাদের অক্ষুণ্ণ থাকিবে, ততদিন যে তাহারা বিনা বাক্যব্যয়ে নিজেদের অর্থনাশের পথ প্রশস্ত হইতে দিবে না, এ কথা অস্বীকার করিয়া কোনও লাভ নাই। তাহার পর আরও এই, এ দেশের যে ইংরাজী-শিক্ষিত ভদ্রসম্প্রদায় এই বর্জন-পন্থার নেতৃত্ব গ্রহণ করিয়াছিলেন, তাঁহাদের অধিকাংশেরই আর্থিক স্বার্থ বর্তমান শিক্ষা ও শাসন-প্রণালীর সহিত বিশেষভাবে জড়িত। তাহারা ইংরাজের আত্মনের কল্যাণে জমির মালিক সাজিয়াছেন, ইংরাজের নিকট ধার করা বিত্তা বেচিয়া অন্নসংস্থান করেন, ইংরেজের স্থাপিত আদালতে জ্বানের লড়াই মেথাইয়া অর্থ ও প্রতিষ্ঠা অর্জন করিয়াছেন, দেশের বর্তমান শাসন-প্রণালীর সঙ্গে তাঁহাদের নাড়ীর যোগ খুবই

দূঢ়। ইংরাজের স্থাপিত প্রতিষ্ঠানগুলি বেশী দিন ধরিয়া বর্জন করিতে গেলে তাঁহাদিগকে প্রাণে মারা পড়িতে হয়। বড় বড় রুই কাতলা হয়ত মনের দুঃখে কিছুকণ জল ছাড়িয়া ভাঙায় লাকাইয়া আশ্ফালন করিতে পারে, সেখানে তাহাদের বাস করা চলে না। আমাদের দেশের লোকের মধ্যে ঝাঁহারা পঞ্চবিধ বর্জন-নীতি লইয়া আশ্ফালন করিয়াছিলেন, তাঁহাদের সম্বন্ধেও ঐরূপ কথা অনেকটা খাটে। তাঁহাদের বর্জননীতির ফলে দিল্লীর সিংহাসন টলিল না দেখিয়া, যখন তাঁহারা জনসাধারণকে এই অসহযোগ আন্দোলনের ভিতর আনিতে চেষ্টা করিলেন, তখন পাছে ইংরাজের স্বার্থের সঙ্গে সঙ্গে নিজেদের স্বার্থও মারা পড়ে, এই ভয়ে তাঁহারা কতকটা আড়ষ্ট হইয়া পড়িলেন। পাছে জনসাধারণের ভিতর হইতে রক্ত দেবতা বাহির হইয়া তাঁহাদের সৌখীন, ভদ্র স্বরাজের “জাত” মারিয়া দেয়, এই ভয়ে অসহযোগের নেতৃবৃন্দ দরিদ্র, নির্যাতিত কৃষকদের বুকের উপর অহিংসার রক্ষা-কবচ খাটিয়া দিতে লাগিলেন। কিন্তু কৃষকের ধর্ম বণিক-নীতির বাঁধ মানিল না। বলরাম যেদিন হল স্কন্ধে করিয়া দাঁড়াইলেন, সেদিন তাঁহার ক্রুদ্ধ নয়ন-কোণ হইতে বিপ্লবায়ির ফুলজি বাহির হইয়া বণিকের কাল্পনিক স্বরাজ-সৌধ ধ্বংস করিয়া দিল। সেই দিন হইতেই অসহযোগের নেতৃবৃন্দ রটাইতে লাগিলেন—এ পোড়া দেশের লোক তাঁহাদের আধ্যাত্মিক স্বরাজ-সাধনার গূঢ়তত্ত্ব এখনও হৃদয়ভ্রম করিয়া উঠিতে পারে নাই। আর যতদিন তাহা না পারে, ততদিন শাস্ত শিষ্ট ভাবে চরকা চালাইয়া সাংস্কৃতিকতা অর্জন করা ভিন্ন আর গতাস্তর নাই।

কথাটা সকলের মনঃপুত হইল না। যুদ্ধের ক্ষমতা সংঘর্ষ দ্বারা হইয়া উঠে, এবং কর্ণ-পন্থার ভিতর হইতে সংঘর্ষের অংশটুকু বাদ দিলে এই নিদ্রালু জাতি আবার হয়ত ঘুমাইয়া পড়িবে—এইরূপ ঝাঁহাদের মনোভাব, তাঁহারা দেশবন্ধুর পতাকার নীচে আশ্রয় লইয়া স্বরাজ্যদলের সৃষ্টি করিলেন। কেবলমাত্র মুষ্টিমেয় ভদ্র-সম্প্রদায় দ্বারা যে ভারতবর্ষের স্বাধীনতালাভ সম্ভবপর হইবে না, এবং কৃষক ও শ্রমিক সম্ভ্রদায়ের সাহায্য ভিন্ন যে এ ব্রত উদ্ধাপনের সম্ভাবনা নাই, সে কথা দেশবন্ধু হাড়ে হাড়ে বুঝিয়াছিলেন। কিন্তু যে সময় স্বরাজ্য-দলের উৎপত্তি হয়, সে সময় তিনি দেখিলেন যে,

সংঘর্ষ আরম্ভ করিবার উপযুক্ত ক্ষেত্র ব্যবস্থাপক-সভাগুলি। সেইখানে বিরোধ আরম্ভ করিলে পরে সেই বিরোধ ক্রমশঃ দেশময় ছড়াইয়া পড়িবে, এ আশা তাঁহার ছিল। তিনি আরও আশা করিয়া ছিলেন যে, ব্যবস্থাপক-সভার বিরোধ-সৃষ্টির সঙ্গে সঙ্গে কৃষক ও শ্রমিক-সভা স্থাপন করিয়া তিনি সেইগুলিকে বিরোধের কেন্দ্র করিয়া তুলিবেন। কিন্তু যে সময় কর্মীদের উপর তিনি এই শেষোক্ত কর্ণের ভার দিবার সংকল্প করেন, অল্পদিনের মধ্যে সরকার বাহাদুর তাঁহাদের অনেককেই বিপ্লববাদী সন্দেহ করিয়া কারাবদ্ধ করেন। দেশ-বন্ধুকে যে ব্যবস্থাপক সভার কাজ লইয়াই আবদ্ধ থাকিতে হইয়াছিল, ইহা তাহার অন্ততম কারণ বুঝিয়া মনে হয়। তিনি যে কৃষক ও শ্রমিকদিগকে সংঘবদ্ধ করিবার কোন চেষ্টা করিয়া উঠিতে পারেন নাই, তাহার হয়ত আরও একটি কারণ আছে। ব্যবস্থাপক সভার গঠন-প্রণালীই এমন চমৎকার, যে, সেখানে গিয়া গবর্ণমেন্টের সহিত বিরোধ সৃষ্টি করিতে গেলে, জমিদার ও অস্বাভাবিক বিশেষ স্বার্থদুষ্ট শ্রেণীকে হাতে না রাখিলে চলে না। কাজে কাজেই জনসাধারণের সহিত যে-যে বিষয়ে উহাদের স্বার্থের সংঘর্ষ, সে-সব বিষয়ে চূপ করিয়াই থাকিতে হয়। দেশবন্ধুকেও স্বেচ্ছায় হোক, অনিচ্ছায় হোক, তাহাই করিতে হইয়াছিল। শুধু ব্যবস্থাপক-সভার সংঘর্ষ সৃষ্টি করিয়া খুব বেশী ফল যে পাওয়া যাইবে না, তাহা তিনি বুঝিয়াছিলেন, কিন্তু যথ রক্ষা করিবার মত একটু কিছু না পাইলেও ব্যবস্থাপক-সভা ছাড়িয়া বিরোধের অন্য কেন্দ্র সৃষ্টি করিবার চেষ্টা করা তাঁহার পক্ষে অসম্ভব হইয়া উঠিয়াছিল। তাঁহার অপূর্ণ কার্যকোশল ও অসাধারণ উত্তম মরুভূমিকে উদ্ভানে পরিণত করিবার দুশ্চেষ্টাতেই ব্যস্ত হইয়া গেল। তাঁহার পরলোক গমনের পর হইতেই দেশব্যাপী বিরাট বিরোধের কেন্দ্র সৃষ্টি করিবার সংকল্প তাঁহার অহুচরগণের মন হইতে অপসারিত হইয়াছে ও তাঁহার গঠিত স্বরাজ্যদল ছিন্নভিন্ন হইতে আরম্ভ হইয়াছে। রাজনীতির এখন একমাত্র কেন্দ্র ব্যবস্থাপক-সভা। জনসাধারণ সে রাজনৈতিক কেন্দ্র হইতে বহুদূরে আগেও যেমন পড়িয়াছিল, আজও তেমন পড়িয়া আছে। আজ ব্যবস্থাপক-সভার সিঁড়ি চড়িয়া বীরে বীরে গবর্ণমেন্ট-নির্দিষ্ট মেলায়েম, স্বরাজের পথে অগ্রসর হওয়া ও মধ্যে মধ্যে অতীত গৌরব স্মরণ করিয়া আইনসম্মতভাবে ক্রুদ্ধ গর্জন করাই স্বরাজ্য-পন্থীদের কর্তব্য

বলিয়া স্থিরীকৃত হইয়াছে। অসহযোগ আন্দোলনের দ্বিতীয় পর্ব সমাপ্ত হইয়া গিয়াছে। কৃষক

ও শ্রমিক দিগকে সম্বন্ধ করিবার যে কথা উঠিয়াছে, তাহা তাহার তৃতীয় পর্বের সূচনা।

বর্তমান সমস্যা

দুই বৎসর অসহযোগ-আন্দোলন চালাইবার পর যখন খাজনা-ট্যাক্স বন্ধ করিয়া দিয়া মহাত্মা গান্ধী ইংরাজের উপর ব্রহ্মাস্ত্র প্রয়োগের আয়োজন করিতেছিলেন, তখন দেখা গেল যে, যে ধনুতে তিনি জ্যা আরোপ করিতেছিলেন, তাহাই ঘুণ ধরা। চৌরিচৌরার হত্যাকাণ্ডে প্রমাণ হইয়া গেল যে, দেশ মহাত্মাজীর আন্দোলনের অসহযোগ অংশটুকু যে পরিমাণে হৃদয়ঙ্গম করিয়াছে, নিরুপদ্রব অংশটুকু সে পরিমাণে গ্রহণ করে নাই। শক্তি-পরীক্ষা স্বগিত রহিল। মহাত্মাজী অল্পশাসন প্রচার করিলেন যে, দেশের লোককে এখন বাহিরের উদ্বেজনা বন্ধ করিয়া সমাজ-সেবার কাজে লাগিয়া বাইতে হইবে। খন্দর পরিধান, অন্নবস্ত্র সনস্তার মীমাংসা, পতিভ-জাতির উদ্ধার ও সর্বসাধারণের মধ্যে শিক্ষাবিস্তার সমাজসেবার প্রধান অঙ্গ বলিয়া স্থিরীকৃত হইল। অসহযোগ আন্দোলনের মধ্যে একটু নতুন সুর ফুটিয়া উঠিল। বাহারা ভাবিয়াছিলেন যে, প্রতিপদে ইংরাজের আইন অমান্য করিয়া ইংরেজকে অতিষ্ঠ করিয়া তুলিবেন, এবং এতদিন বাহাদের কার্যপ্রণালী ধ্বংসাত্মক পথ অবলম্বন করিয়াই চলিয়াছিল, তাহারা এ অল্পশাসনে যে বিশেষ সম্বন্ধ হইলেন, তাহা নহে। তাহারা বলিতে লাগিলেন যে, দুই এক জায়গার হত্যাকাণ্ড ঘটিলেই যদি সব আন্দোলন বন্ধ করিয়া দেওয়া হয়, তাহা হইলে এই নিরুপদ্রব অসহযোগনীতির সাফল্যভাঙ সন্দেহপর্যাহত। পতিভজাতিকে উন্নত করা হোক, দেশের অন্নবস্ত্র ও শিক্ষার অভাব দূর করা হোক—কিন্তু শুধু এইগুলি হইলেই কি দেশের পরাধীনতা ঘুটিয়া বাইবে? বিদেশী শাসক সম্রাটদের সহিত শক্তি-পরীক্ষার জন্য দেশের মধ্যে সংঘত শক্তি সৃষ্টি করাই যদি এ সব আয়োজনের উদ্দেশ্য হয়, খাজনা-ট্যাক্স বন্ধ করিয়া দিয়া বর্তমান

শাসনপ্রণালী অচল করিয়া তোলাই যদি অসহযোগের লক্ষ্য হয়, তাহা হইলে নিজেদের অসহিষ্ণুতা বশতঃই হোক, আর পুলিশের অত্যাচারেই হোক—একদিন না একদিন তা আবার চৌকি-চৌরার পুনরভিনয় ঘটিতে পারে। তখন যদি আবার সব আন্দোলন স্বগিত রাখা হয়, তাহা হইলে সত্যযুগ আবির্ভাবের পূর্বে আর দেশের স্বাধীন হইবার সম্ভাবনা নাই।

এ কথার উত্তরে নিরুপদ্রব-পন্থীরা বলেন—‘ভারতবর্ষ আধ্যাত্মিক দেশ; আমাদের প্রকৃতিই শান্তিপ্রিয়। আমাদের দেশে স্বাধীনতার সংগ্রাম নিরুপদ্রব ভাবে চালাইয়া আমরা জগতে একটা নতুন কীর্তি রাখিয়া বাইব।’

অপর পক্ষ বলেন—‘তোমাদের নতুন কীর্তি রাখিবার ইচ্ছাটা যত প্রবল, স্বাধীনতা লাভের ইচ্ছাটা তত প্রবল বলিয়া মনে হইতেছে না। আর তা ছাড়া, তোমরা জম্মিয়ার আগেও দেশে আধ্যাত্মিকতার অস্তিত্ব ছিল; কিন্তু দেশটা ত এমন অহিংসাবাহুগ্ৰস্ত ছিল না।’

ভারতের প্রকৃতি কতটুকু সাত্ত্বিক আর কতটুকু রাজসিক, এ প্রশ্নের মীমাংসা তর্কে নিষ্পত্তি হইবার সম্ভাবনা নাই দেখিয়া, নিরুপদ্রববাদীরা বলেন—‘দেশ অহিংসামাত্র বলেই স্বাধীন হইবে, ইহাই আমাদের বিশ্বাস।’

বিশ্বাসের উপর আর কোনও কথা বলা চলে না। কিন্তু সেই বিশ্বাসটা বাহাদের অত প্রবল নহে, তাহারা অসহযোগনীতি কিয়ৎপরিমাণে পঙ্গু-বর্ত্তিত করিয়া আবার স্বরাজ্য-লাভের নুতন পন্থা খুঁজিতেছেন; ফলে অনেকেরই মনে একটা দ্বিধার ভাব আসিয়া উপস্থিত হইয়াছে।

এই দ্বিধাভাব দেখিয়া কর্তৃপক্ষও সন্নিবিধ বুঝিয়া আপনাদের স্বরূপ প্রকাশ করিতে আরম্ভ করিয়াছেন। অসহযোগ-আন্দোলনের বাহারা নেতা তাহাদের

অধিকাংশই আজ কারাগারে। অসহযোগ আন্দোলন দমন করিবার বিরাট আয়োজন চালাইতেই চলিয়াছে।

অসহযোগ-আন্দোলনের ভবিষ্যৎ বাহাই হোক না কেন, ইহাতে অনেক শুভফল ফলিয়াছে। দেশের মন মিথ্যার দিক হইতে ফিরাইয়া ইহা আমাদের সত্যানুসন্ধানমূহা জাগাইয়া তুলিয়াছে; এবং উচ্চ ও নিম্নশ্রেণীর মধ্যে ভেদের রেখা কতকটা মুছিয়া দিয়া ইহা দেশকে একতাসূত্রে বাঁধিবার চেষ্টা করিয়াছে। স্বরাজ্যলাভের জন্য যে উদ্বেজনার সৃষ্টি হইয়াছে, দেশকে শক্তিশালী করিয়া তুলিতে হইলে যে ধৈর্য, অধ্যবসায় ও শৃঙ্খলাবদ্ধ কার্য-প্রণালী আবশ্যিক, এ বোধ অনেকেই মনে ফুটিয়া উঠিতেছে। ভিন্ন ভিন্ন মতাবলম্বী লোকেও গঠনের কার্য অবলম্বন করিয়া পরস্পরের সহিত মিলিবার মিশিবার অবসর পাইয়াছে।

কিন্তু নির্দিষ্টকালে এই গঠন কার্য কতদূর অগ্রসর হইতে পারে, তাহাও ভাবিয়া দেখিবার বিষয়। দেশের আর্থিক অবস্থা বেকল্প শোচনীয় ও পারিপার্শ্বিক অবস্থা বেকল্প প্রতিকূল, তাহাতে গঠনকার্য দ্রুত-গতিতে অগ্রসর হওয়া কঠিন, এবং কিছুদূর অগ্রসর হওয়ার পূর্বেই সংঘর্ষ উপস্থিত হওয়াও অসম্ভব নহে। সেই সংঘর্ষ উপস্থিত হইবার পূর্বে কি করিয়া সমস্ত দেশকে স্বাধীনতার আদর্শে উজ্জ্বল করিয়া তোলা যায়, তাহাই প্রকৃতপক্ষে বর্তমান সমস্যা।

যে সমস্ত শ্রেণী বর্তমান শাসনপ্রণালীর ফলে

সৃষ্ট বা বাহাদের স্বার্থ ইহার সহিত বিশেষভাবে জড়িত, সে সমস্ত শ্রেণীর অধিকাংশ লোকই সর্বাস্বত্বকরণে স্বাধীনতার জন্য আত্মোৎসর্গ করিতে পারিবে না। তাহাদের স্বার্থ বোল আনা বজায় রাখিয়া স্বাধীনতা লাভের কার্যপ্রণালী নির্ধারণ করিতে না যাওয়া সমীচীন বলিয়া মনে হয় না। বাহাদের অস্ববল নাই, অর্থবল নাই, তাহাদের লোকবলের উপরই বিশেষ ভাবে নির্ভর করিতে হইবে। সুতরাং এ কথা ভুলিলে চলিবে না যে, দেশের অধিকাংশ লোকই কৃষক ও শ্রমজীবী শ্রেণীর অন্তর্ভুক্ত। দেশের স্বাধীনতা যদি এই সমস্ত শ্রেণীর দুঃখ ঘুচাইতে না পারে, স্বরাজের আদর্শের মধ্যে যদি বিশেষভাবে এই সমস্ত শ্রেণীর আর্থিক ও সামাজিক সুখস্বচ্ছন্দ্যের ব্যবস্থা না থাকে, তাহা হইলে স্বরাজ শুধু ধনী ও মধ্যবিত্ত শ্রেণীর উপভোগ্য একটা ফাঁকা আদর্শ মাত্র হইয়া থাকিবে; আর দেশের সমস্ত লোক কখনও প্রাণপণে স্বরাজ্যলাভের চেষ্টা করিবে না। দেশসেবাত্রিত বাহারা গ্রহণ করিয়াছেন, তাহাদের ইহা বিশেষভাবে চিন্তা করিবার বিষয়।

ভারতের ভাগ্য-বিধাতা কিপ্রকৃতিতে অদৃষ্ট-পুস্তকের পৃষ্ঠার পর পৃষ্ঠা উলটিয়া চলিয়াছেন। ভবিষ্যতের অন্ধকার ভেদ করিয়া তাহার দুই একটা জলন্ত অক্ষর বাহাদের দৃষ্টিতে আসিয়া পড়িয়াছে, শত বাধা ও বিপদের মধ্যে বাহারা শ্রদ্ধার বলে বলীয়ান—আজ তাহাদেরই কণ্ঠক্ষেত্রে অগ্রসর হইবার দিন। বর্তমান সমস্যা নীমাংসার ভার তাহাদেরই উপর।

অনন্তানন্দের পত্র

—❖—

উপেন্দ্রনাথ বন্দ্যোপাধ্যায়

অনন্তানন্দের পত্র

—:~:—

(১)

ভারা, সারা ভারতটা ত টো টো করে ঘুরে এলুম, দেখলুম সর্বত্রই সমাজের ঐ এক দশা। বুড়ো কর্তারা প্রাণপণে মড়া আগলে বসে আছেন, আর শাস্ত্রবচন আউড়ে প্রতিপন্ন করছেন যে, এটা যখন তাঁদের প্রপিতামহদের মড়া, তখন সযত্নে রক্ষা করতেই হবে। দুর্গন্ধে যখন দেশ বিদেশ ভরে উঠছে, তখন কর্তারা চারিদিকে একটু করে গন্ধাজল ছিটোচ্ছেন আর যে সব ফুফু শেয়াল মড়াটার উপর টাঁক করে ঘুরে ঘুরে বেড়াচ্ছে, তাদের বাপান্ত্র করছেন।

জন কয়েক ছেলে ছোকরা একবার মড়াটাকে টেনে নিয়ে পুড়িয়ে দিয়ে নিশ্চিন্ত হবার ব্যবস্থা করেছিল; কর্তারা যে রকম ইঁ হাঁ করে উঠলেন, তাতে তারা প্রাণ নিয়ে পালাতে পথ পেলে না। ছেলেদের মধ্যে কেউ কেউ রাগ করে যেম বিয়ে কোরে সাহেব গাজলে, কেউ কেউ কিন্তু আবার হাত দেড়েক লম্বা টিকি গজিয়ে বুড়োদের দলে কিরে এসে বোরতর সাম্বিক সেজে ঝাড়, ফুক, তুক-তাকের বৈজ্ঞানিক ব্যাখ্যায় যোগ দিলে।

এদিকে দুর্গন্ধে ত রাস্তা চলা দায়। কিন্তু বুড়ো কর্তারা আর ততোধিক ক্ষুদ্রে কর্তারা নাকে কাণে তুলো গুঁজে এমনি নিরেট হয়ে বসে আছেন যে, পচও তাঁহাদের চোখে পড়ছে না, আর গন্ধও তাঁদের নাকে চোকবার জো নেই; মড়ার অষ্ট বন্ধন একটু খানি ঢিলে হ'লেই নাকি পৃথিবী ওলট পালট হয়ে যাবে।

এখন প্রশ্ন এই, মড়ার সদগতি হবে কি কোরে? মড়া বললেই যে কর্তারা চটে উঠেন।

মড়ার লক্ষণই এই যে, বায়ু প্রকৃতির সঙ্গে সামঞ্জস্য রেখে সে নিজেকে পরিবর্তন করতে পারে না; কোন জিনিষ আত্মসাৎ করে নিজেকে পুই করবারও তার শক্তি নেই; আত্মরক্ষা করতেও

সে অসমর্থ। সে শুধু যেমন ছিল তেমনি পড়ে থাকতে জানে।

সনাতন সমাজ বলে যিনি আড়ষ্ট হয়ে আমাদের বুকের উপর চেঁপে পড়ে আছেন, এই আজ হাজার বছর ধরে তিনি আত্মরক্ষার খাতিরেও আর খেঁজার নিজেকে পরিবর্তন করতে পারেন নি। মুসলমান আক্রমণের হাত থেকে ঝাঁরা সমাজকে রক্ষা করতে চেষ্টা করেছিলেন, তাঁদের প্রায় সকলকেই স্বতন্ত্র সমাজ গড়ে ত্যা' করতে হয়েছে। নানক, কবীর, নিত্যানন্দ, সকলেরই ঐ এক অবস্থা। সমাজ রক্ষণ আর পরিবর্তনের তার ঝাঁদের উপর, সেই ব্রাহ্মণ-সমাজ এ সব নতুন সম্প্রদায়কে বিশেষ শ্রদ্ধা বা প্রীতির চক্ষে দেখেন নি। অথচ সমাজের যে সমস্ত অঙ্গ প্রত্যঙ্গ মুসলমানেরা গ্রাস করতে লাগল, তাদের রক্ষা কববারও কোন চেষ্টা করেন নি। মুসলমান যখন বাড়ীর ভিতর এসে পড়ল, তখন কর্তারা অন্দর মহলে ঢুকে দরজায় খিল দিয়ে ব্যবস্থা দিলেন যে, মুসলমানকে ছুঁলে জাত যাবে। কিন্তু ক্রমাগত পিছে হটা আর পালান ভিন্ন ঝাঁরা আত্মরক্ষার অন্য উপায় খুঁজে না পান, পৃথিবীতে তাঁহাদের দিন ফুরিয়ে এসেছে। যে শিখজাতি না জন্মালে পাঞ্জাবে হিন্দুর নাম লোপ পেয়ে যেত, হিন্দুস্থানের ব্রাহ্মণেরা তাঁদের হাত থেকেও জল খেতে সঙ্কুচিত। পাছে জাতটি যারা যায়।

আমাদের বাংলা দেশেই দেখনা, আদিশিব, বজ্রালসেন আর রঘুনন্দন সমাজকে যে হাঁচে ঢেলে গেলেন, আমাদের টোলের পণ্ডিত মশায়েরা প্রাণপণে সেই হাঁচখানি আঁকড়ে পড়ে আছেন। একটু উনিশ বিশ হলোই তাঁহাদের সনাতন ধর্মের প্রাণটুকু ফুস করে বেরিয়ে যাবে। অথচ যে যুগে সমাজে বাস্তবিকই প্রাণ ছিল, সে যুগে লোকে সমাজে নতুন নতুন পরিবর্তন করতে অত আঁতকে উঠত না। শুধু অতীতের দিকে চেয়েই দিন কাটাত না।

ধর্ম জিনিষটা সনাতন বলে কি সমাজের গড়নটাকেও সনাতন হতে হবে? সমাজের পরিবর্তন যদি এত মহাপাতক, ত উনিশ জন ঋষি ভিন্ন ভিন্ন সময়ে উনিশ খানা ধর্মসংহিতা লিখতে গেছিলেন কেন, আর রঘুনন্দনেরই নূতন করে স্মৃতি লেখবার কি দরকার ছিল?

বর্ণাশ্রমের উপর যে সমাজ প্রতিষ্ঠা করা হয়েছিল, তার মূল উদ্দেশ্য স্ব স্ব প্রকৃতি অনুযায়ী স্বধর্ম পালন করাতে করাতে মানুষের মধ্যে শেষে পূর্ণ ব্রাহ্মণ্য ফোটান। সকলের মধ্যে সুপ্ত ব্রহ্মকে জাগিয়ে তুলে, মানুষকে তাঁর লীলাক্ষেত্রে পরিণত কোরে, মানুষ-জন্ম সার্থক করানো। জন্মের গুণে বারো ব্রাহ্মণ, আর জন্মের দোষে বারো শূদ্র—তাদের সকলকে পৃথক পৃথক গণ্ডির মধ্যে পুরে রেখে আজ কি উদ্দেশ্য সফল হচ্ছে?

ধর্মপ্রতিষ্ঠাই সমাজের উদ্দেশ্য ছিল বলে পরশুরাম নূতন ব্রাহ্মণ সমাজের সৃষ্টি করতে পেরেছিলেন। পুরাতন ক্ষত্রিয় বংশ যখন নিকার্য হয়ে পড়েছিল, তখন বশিষ্ঠ ঋষি অগ্নিহুত ক্ষত্রিয়ের সৃষ্টি করে সমাজ রক্ষা করতে পেরেছিলেন। সমাজের আদর্শটা বেশ পরিষ্কৃত ছিল বলেই, ধর্ম জিনিষটা সমাজ-বন্ধনের চাপে মারা যায় নি বলেই, এটা সম্ভব হয়েছিল। গাছের যতদিন প্রাণশক্তি থাকে, ততদিনই তাতে নব বসন্তে নূতন নূতন ফল, ফুল, পাতা গজায়, মরা গাছটা শুধু ভূতের ভয় দেখাবার জন্য আড়ষ্ট হয়ে দাঁড়িয়ে থাকে।

আমাদের সমাজও আজ বহুকাল ধরে তেমনি আড়ষ্ট হয়ে দাঁড়িয়ে আছে। হাজার বৎসর আগে বারো শূদ্র ছিল, আজও তারা শূদ্রই রয়ে গেছে। স্বামী রামদাস নিকার্যপিতপ্রায় ক্ষাত্রভেজে ফুৎকার দিয়ে বা একটু আঙুন জালিয়েছিলেন, তা' এক বটকাতেই নিবে গেল। বৈষ্ণৱাও যে দেশ বিদেশে গিয়ে বাণিজ্য করবে, পণ্ডিত মশায়েরা সমুদ্রযাত্রা বারণ করে দিয়ে তার পথও রুদ্ধ করেছেন। আর তাঁরা নিজে, গুরুগিরির ব্যবসা করে দুপয়সা সংগ্রহ করতে পারলেই নিশ্চিন্ত। দলাদলি আর জাত মারামারি কোরে তাঁদের আর ব্রহ্ম-চিন্তার বড় বেশী অবসর থাকে না।

বংশের উপর বাধন চড়িয়ে অতীতের গঠনটিকে পুরাতন বজায় রাখতে পারলেই কি সমাজ সৃষ্টির উদ্দেশ্য সিদ্ধ হবে? মানুষের মধ্যে যদি তার অন্তরাঙ্গাই প্রবুদ্ধ হয়ে না উঠল, তা' হলে

কতকগুলো ছাই ভস্ম, অর্থহীন আচারের বাঁধনে তাকে বেঁধে রেখে কি শুভফল ফলবে? মানুষের জন্তাই সমাজ, সমাজের ভিতরে থেকে যতক্ষণ মানুষের উন্নতি, ততক্ষণই সমাজের সার্থকতা। আর তাই যদি না হয় ত বুঝা মরা সমাজের গোলামি করে কি হবে?

মানুষ সমাজের নয়, মানুষ ভগবানের। ঈশ্বর সমাজকে বহু শৃঙ্খলে বেঁধে মানুষের অন্তরস্থ ভগবানকে খর্ষ করেন, তাঁরা মানুষের প্রকৃত লক্ষ্য হারিয়ে ফেলেছেন। ভগবানকে ভুলে ঈশ্বর সমাজকেই বড় ক'রে তোলেন—তাঁদের শুধু অপদেবতারই পূজা করা হয়। সেটা কৃত্রিমতার লক্ষণ, ধর্মের বিকৃতি। দাসত্ব যদি কর্তৃত্বই হয়, ত সমাজের নয়, ভগবানের দাসত্ব করাই ভাল। তা'তে মানুষ্য আছে, উন্নতিও আছে; আর অবাধ, আনন্দময় স্বাধীনতাই তা'র চরম পরিণতি।

কতকটা স্মৃতি আর কতকটা দেশাচার মিলে যে সামাজিক ব্যবস্থা হয়েছে, তার মূলে আছে মানুষের বুদ্ধি আর খেয়াল। সুতরাং সেই সেই ব্যবস্থাকুলো সাময়িক ও অস্থায়ী; তা'দের টেনে টেনে লম্বা করে চার ষুগ জুড়ে রাখলে চলবে কেন?

ভগবানের পথ,—প্রকৃত জীবনের পথ—দেখিয়ে দেন শ্রুতি। সেই সনাতন আর অপৌরুষের শ্রুতিকে অপসারিত করে ঈশ্বর সামাজিক ব্যবস্থাকেই জীবনের নিয়ন্ত্রণ করে ফেলেন, কোন একটা সাময়িক শাস্ত্রকেই সনাতন ধর্ম বলে স্থির করেন, তাঁদের জড় হবে যেতে বড় বেশী বিলম্ব হয় না।

আর হয়েছেও তাই। আমাদের অবনতির প্রধান কারণ এই যে, আমরা মানুষকে ছোট করে সমাজকে বড় করে রেখেছি, দেবতার মন্দিরটাকে মার্বেল পাথর দিয়ে বাঁধাতে বাঁধাতে পূজার আয়োজন করতে ভুলে গেছি। দেবতাও কোন অবসরে মন্দির ছেড়ে চলে গেছেন; আর সেই মার্বেল পাথরগুলো খসে গিয়ে আমাদের বুকের উপর চেপে পড়ে আছে।

একদল বলছেন যে, বিলাতী সিমেন্ট দিয়ে বাঁহর থেকে একটু জীর্ণসংস্কার করে দিলেই মন্দিরের কাজ চলে যাবে। আমাদের এ কালের সমাজ-সংস্কারকেরা আজ ২৫।৩০ বৎসর ধরে সেই চেষ্টাই করছেন। তা' সে বিষয় নিয়ে তাঁরা আমাদের স্মৃতি-পঞ্চানদের সঙ্গে বিচার করতে থাকুন; আমার কিন্তু মনে হয় মন্দিরের ভিতরে দেবতার প্রাণপ্রতিষ্ঠা করে ধূপ ধূনা জালিয়ে পূজার ব্যবস্থা

না করতে পারলে, চামুচকের দল ভিতরেই বাসা করে থাকবে। আর তা' হলে মন্দিরে ভক্তসমাগমও হবে না, বাহিরের জীর্ণসংস্কার করবার লোকও পাওয়া যাবে না।

শুধু বাহিরের বাঁধন দিয়ে ষাঁরা সমাজকে এক করতে গেছেন, তাঁরা কোন কালেই একটা বিরাট, ঐশ্বর্যহীন, জড়তা ছাড়া আর কিছুই গড়ে তুলতে পারেন নি। সেখানে শেষে ঐক্যও থাকে না, আর অবাধ উন্নতির জন্য যে স্বাধীনতার দরকার, তাও নষ্ট হয়।

ষ্টাকে আশ্রয় করে পূর্ণ স্বাধীনতার ক্ষুধা, সব মানুষই ষাঁর কোলে এক, ষাঁকে জগতে অতিব্যস্ত করবার জন্যই সমাজের সৃষ্টি, সেই ভগবানকে ছেড়ে দিলে সব যজ্ঞের আয়োজনই পণ্ড হবে। আদর্শ সমাজ মানুষের অন্তরস্থিত সেই ভগবানেরই বাহন, জগন্নাথের যাত্রার রথ। জ্ঞান, প্রেম, শক্তি, ঐক্য—এই রথেরই চারটি চাকা।

আমাদের রথখানি যে চাকা ভেঙ্গে রাস্তা জুড়ে, অচল হয়ে পড়ে আছে, তার কারণ এখানি সমাজের ব্যবস্থাপক-মণ্ডলীর অহংকারের বাহন মাত্র। কর্তাদের এমন জ্ঞান নাই যে লোককে বুঝান, এমন শক্তি নাই যে তাদের চালান, এমন প্রেম নাই যে তাদের আপনার করে লন। যাদের “পেরিয়া” বলে, ‘নমঃশুদ্ধ’ বলে, কর্তারা আপনাদের ঐশ্বর্যের এক শত হাতের মধ্যে বেষ্টতে দেন না, তাদের উপর গোলামীর ছাপ মানুষ মেরেছে না ভগবান মেরেছেন? আর এই দুর্ভাগ্যটুকু কোরে আধ্যাত্মিক ব্যাখ্যা দিয়ে সেটুকু চাপা দেবার চেষ্টা কেন?

ভয় পেও না, ভায়া, এই বুড়ো বয়সে গোলদিঘির ধারে দাঁড়িয়ে বক্তৃতা দিয়ে সমাজসংস্কার করবার দুরভিসন্ধি আমার এতটুকুও নেই। ভগবানের নাম কোরে মানুষ মানুষের উপর চিরদিনই অত্যাচার কোরে আসছে, তা' আমি বেশ জানি। ভগবান এতদিন তা দেখে হাসতেন কি কাঁদতেন, তা' জানিনে; কিন্তু এবার মনে হচ্ছে ক্রোধাগ্নি তাঁর চোখের কোণে আগ্নেয়গিরির অগ্নি-শিখার মত ধব্ধ ধব্ধ কোরে জলে উঠছে। মানুষের মনে সে আগুন একদিন লাগবেই লাগবে। কত Vested interests, কত গুরুঠাকুরের পুঁটলি, কত বুজবুজির ঝুলি, কত ওস্তাদের কত একচেটে সম্বন্ধে, সে আগুনে ছাই হয়ে যাবে, তাই ভেবে আমি এখন থেকেই শিউরে উঠছি। আর মনে

হচ্ছে, আমাদের ঘরের কর্তাদেরও বলি—“ওগো, দিন থাকতে তোমরাও আপনার ঘর সামলাও। যিনি দর্পহারী, তিনি হয় ত তোমাদেরও খাতির” করবেন না। রঘুনন্দনধৃত শাস্ত্রবচন তিনি হয়ত অকাটা প্রমাণ বলে গ্রাহ্য নাও করতে পারেন।”

তোমার কি মনে হয়? তুমিত ‘নারায়ণ’ সেবার ভার নিয়েছ; বলতে পার তিনি কি কীর-সমুদ্রে পড়ে পড়ে এখনও ঘুমুচ্ছেন, না গা ঝাড়া দিয়ে উঠে একবার এদিকে আসবার উত্তোগ করছেন? যদি আসেন ত দোহাই তোমার, বলে দিও যেন গদাটা আনতে না ভোলেন।

(২)

দেখ ভায়া, যে দেশে ধর্ম বললেই লোকে গেক্কা কাপড় আর নাকটেপাটেপি বুকে, সে দেশে ধর্মপ্রচার করতে যাওয়াও এক বিড়ম্বনা। তুমি বলবে এক, লোকে বুঝবে আর; তুমি গড়তে যাবে শিব, গড়ে উঠবে বানর। শুনে একটা মজার গল্প?—সে আজ অনেক দিনের কথা। রাজপুতানায় সেবার বড় দুর্ভিক্ষ। তাই বাঙ্গলাদেশ থেকে দু'জন সন্ন্যাসী গিয়ে কিশকগড়ে সাহায্যকেন্দ্র খুলেছিলেন। অনেকগুলি অনাথ ছেলেপিলে আর নিরাশ্রয় বুড়ো তাঁদের বাড়ি এসে পড়েছে। অর্থসাহায্য তখনও বেশী পাওয়া যায় নি, স্নাতরাং ভিক্ষা শিক্ষা করে সন্ন্যাসীরা যা কিছু পান, তাই স্বহস্তে পাক করে বেচারাদের খেতে দেন। এমন সময় সেখানকার এক নামজাদা পণ্ডিত সন্ন্যাসীদের কাছে এসে উপস্থিত। খুব শাস্ত্রীর রকমে প্রণাম করে তিনি নিবেদন করলেন—“মহারাজ, আপনারা যখন কর্ম ত্যাগ করে সন্ন্যাস নিয়েছেন, তখন আপনাদের আবার এ কর্মপ্রবৃত্তি কেন? এ সব ত সংসারীর কাজ।” যে রকম উৎকণ্ঠিত হয়ে পণ্ডিতজী প্রশ্নটা জিজ্ঞাসা করলেন, তাতে সন্ন্যাসীদের মধ্যে যিনি বয়সে ছোট তিনি খুব গভীর হবার চেষ্টা সত্ত্বেও ফিক করে হেসে ফেলে উত্তর দিলেন—“কি করি, পণ্ডিতজী, আমাদের ত ইচ্ছে বনে গিয়ে জপ তপ করি, কিন্তু সংসারীর কাজ সংসারীরা করে না, তাই আমাদের আস্তে হয়েছে।” পণ্ডিতজীর কিন্তু শাস্ত্রীয় ধর্মবুদ্ধির সঙ্গে কথাটা বেশ খাপ খেল না। তিনি সন্ন্যাসীদের পরকালের জন্য মহা চিন্তিত হয়ে জিজ্ঞাসা করলেন—“কিন্তু, মহারাজ, শাস্ত্রে যে বলে কর্মত্যাগ করে সন্ন্যাসী হবার পর ফের কর্ম করলে নিরক্ষণা

হতে হয়।” সন্ন্যাসী হয়ে ত আর শাস্ত্রবাক্য অস্বীকার করা চলে না, অথচ, সন্ন্যাসী হলে কি হয়, কল্‌কাতার ছেলে ত বটে। আমাদের ছোট সন্ন্যাসী মহারাজ তাই উত্তর দিলেন—“তা হবে বৈকি, পণ্ডিতজী। শাস্ত্র ত আর মিথ্যা হবার নয়। আপনাদের যখন সাহায্য করতে এসেছি, তখন নরকে বাওয়া ভিন্ন আর গতি কি? দুর্ভিক্ষ-পীড়িত লোকদের দুটো খেতে দিয়েছি বলে ভগবান যদি নরকই ব্যবস্থা করেন, ত বাওয়াই যাবে।”

পণ্ডিতজী কিন্তু কলিকালে শাস্ত্রের অপমান দেখে ক্ষুব্ধমনে বিড় বিড় করতে করতে চলে গেলেন।

আর একবার ঘুরতে ঘুরতে আমার এক ভবঘুরে বন্ধুর সঙ্গে একজন প্রসিদ্ধ হিন্দুস্থানী সন্ন্যাসীর আড়ায় গিয়ে উপস্থিত। বংলায় তখন স্বদেশীর খুব ধুম লেগে গেছে। সন্ন্যাসীর কাছে অনেক লোকের সমাগম হয় দেখে আমার বন্ধুটি সন্ন্যাসী ঠাকুরকে সবিনয়ে বল্লেন—“মহারাজ, দেশী কাপড় চোপড় ব্যবহার করার দিকে এ সমস্ত লোককে যদি একটু দৃষ্টি রাখতে বলেন ত সমাজের অনেক মঙ্গল হয়।” সন্ন্যাসীটি পরম বিজ্ঞভাবে মুখখানি খুব গভীর করে বল্লেন—“ও সমস্ত অনিত্য বস্তুর দিকে এদের প্রেরণা দিয়ে কি লাভ? বন্ধুটি অদূরে পুরী, জেলাপি, রাবড়ী প্রভৃতি ভূরিভোজনের ব্যবস্থার দিকে আঙ্গুল দেখিয়ে বল্লেন—“মহারাজ, দেশের সব ব্যবসা বাণিজ্যই যদি বিদেশীর ঠেলায় মাটি হয়, তা’ হলে কিছু দিন পরে লোকে আর আপনাদের ও রকম তোকা সেবার ব্যবস্থা করে উঠতে পারবে না।” বলা বাহুল্য, বৃদ্ধিটা ঠিক শাস্ত্রীয় না হলেও সন্ন্যাসী ঠাকুরের প্রাণে লেগেছিল।

সেই যে কবে শব্দরাচাৰ্য্য বলে গেছিলেন যে, জ্ঞান আর কর্মের সমন্বয় হবার জো নেই, সেই জের আজ পর্যন্ত চলছে। বৃদ্ধির কসরতে তিনি প্রমাণ করে দিলেন যে, জগতটা একদম বন্ধ্যাপুত্রের মত শাক্ মিথ্যা। যেহেতু ব্রহ্মই সত্য, আর একমাত্র সত্য, সেহেতু জগতটা মিথ্যা হতে বাধ্য। পণ্ডিত-সমাজে এ রকম অপমানিত হবার পর জগতটার উচিত ছিল, শাস্ত্রবাক্য প্রমাণ করে একেবারে দেখতে দেখতে চোখের সামনে শূন্যে মিলিয়ে যাওয়া, অন্ততঃ লজ্জার অধোবদন হয়ে থাকা। কিন্তু বেহায়্যা জগতটার মধ্যে সে রকম শুভবুদ্ধি কিছুই দেখা গেল না। সে চিরদিন অনন্ত মহাকাশ জুড়ে

আপনার উন্নত আনন্দে যে রকম নেচে আসছিল, তেমনিই নাচতে লাগল। পণ্ডিতদের রাশি রাশি পুঁথির দিকে ক্রমশঃ করলে না। পণ্ডিতেরা তখন চোটে গিয়ে ব্যবস্থা দিলেন—“এ সংসার যখন আমাদের শাস্ত্র মানে না, তখন এর আর মুখদর্শন করা হবে না, চল সবাই মিলে বনে বাই।”

কিন্তু হায় রে। বনে গিয়েও কি স্থির হয়ে দু’দণ্ড বৈরাগ্য চর্চা করে জুড়োবার জো আছে? প্রথমতঃ, দিনের বেলা দু’টা রীঁধা ভাত পাওয়া মুশ্কিল, দ্বিতীয়তঃ, রাত্রে মশা কামড়ায়। আর তাও যদি বা বরদাস্ত হয়—ত ঐ যে মিথ্যা আকাশে মিথ্যা চাঁদ মিথ্যা হাসি ছড়াচ্ছে, গাছে গাছে ঐ যে মিথ্যা ফুল ফুটে গায়ে গায়ে ঢলাঢলি করে পড়ছে, পাখীগুলো জোড়ায় জোড়ায় গাছে গাছে যে রকম ডাকাডাকি মাতামাতি করছে, তা’তে কঠোর বৈরাগ্য সাধনার যে ব্যাঘাত জন্মাচ্ছে, সেটা ত আর মিথ্যা নয়? পণ্ডিতদের মধ্যে ধীরে বড় পণ্ডিত, তাঁরা তাই বন থেকে পালিয়ে পাহাড় পর্বতে গুহার মধ্যে ঢুকে, নাকে কাণে তুলো গুঁজে একেবারে সমাধিস্থ হবার জোগাড় করলেন। এখনও যদি নরন্দার তীরে ঘুরতে চাও ত তাঁদের দু’দশ জন বংশধরের সঙ্গে যে দেখা সাক্ষাৎ না হয় তা নয়। তাঁরা ত সমাধিস্থ হলেন, তাবলেন প্রকৃতিকে ফাঁকি দিয়ে ব্রহ্মপুরুষকে নিয়ে দিন কাটাবেন। কিন্তু প্রকৃতিকে ছেড়ে তাঁদের যদি বা চলে, ব্রহ্মপুরুষের যে চলে না। জগৎ সৃষ্টি যে তাঁর নিত্যকর্ম। “নিত্যৈব সা জগন্মুক্তি।”

আমাদের দেশের পণ্ডিতেরা কর্মের সঙ্গে জ্ঞানের যে বিরোধ বাধিয়ে বসে আছেন, তার মূল কথাটা এই যে, ব্রহ্মই নিত্য আর সংসার অনিত্য, স্মৃতরাং ব্রহ্মজ্ঞান লাভ হবার সঙ্গে সঙ্গে সংসারের কর্ম খসে পড়বেই। কিন্তু যত বড় ব্রহ্মজ্ঞানীই হোন না কেন, তাঁকে সকাল সন্ধ্যা দু’টা ডাল ভাত, না হয় ‘শুধা চপাটা’ খেতেই হবে। তিনি কর্ম ছাড়লে হবে কি, কর্ম ত তাঁকে ছাড়ে না। আর কাজ যখন বাস্তবিক খসে পড়ে না, তখন স্বীকার করতেই হবে যে, যেখান থেকে জ্ঞানের উৎপত্তি, সেই ভগবানের মধ্যেই কর্মের বীজ নিহিত। “কর্ম ব্রহ্মোদ্ভবং বিদ্ধি।” ‘যতঃ প্রবৃত্তিঃ প্রমত্তা পুরাণী’—তাকে না ছাড়লে কর্মও ছাড়া যায় না। জ্ঞানের পর যখন জীব মুক্ত হয়, তখন তার বাস্তব্য-বোধের সঙ্গে সঙ্গে অহঙ্কারের কর্ম ঘুচে যায়, কিন্তু ভগবানের শক্তিই তখন তাকে আশ্রয় কোরে

কর্মরূপে বাহিরে ফুটে উঠে। তখনই স্বার্থার্থ কর্মের আরম্ভ। অজ্ঞানের কর্ম, বদ্ধ দশার কর্ম—সে ত শুধু অন্ধকারে হাতড়ান। যে প্রবৃত্তির দাস, সে আবার কর্ম করবে কি ?

এই ভাবটাই তত্ত্বের ভূক্তিমুক্তিবাদে প্রচার করা হয়েছে। কিন্তু দেশের সাধুরা এখনও মায়াবাদের মোহ কাটিয়ে উঠতে পারেন নি। তবে সৌভাগ্যক্রমে বাংলাদেশের সাধক-সমাজে শঙ্কর-মতের প্রতিষ্ঠা কখনও ভাল করে হয় নি। এমন শক্তশ্রামলা গোণার দেশে প্রকৃতির পূজা না হওয়াই অস্বাভাবিক। ভগবান যে শুধু নির্গুণ আর নিরাকার, একথা স্বীকার করতে বাঙ্গালীর প্রাণটা যেন কেঁদে উঠে। বায়ুদেব সার্কর্ভোম যখন অনেক দিন ধরে বেদান্তের টীকা টিঙ্গনী ব্যাখ্যা করে মহাপ্রভুকে বুঝিয়ে দিলেন যে, ব্রহ্ম নিরাকার, তখন ত্রিচৈতন্য শুধু জগতের দিকে দেখিয়ে বুদ্ধকে জিজ্ঞাসা করেছিলেন—“ব্রহ্ম যদি নিরাকার, তবে এ সব আকার কার ?” অমর্ত্যই যে রূপের মধ্যে মূর্ত হয়ে উঠে অনন্তভাবে আপনার লীলাকেস্বরূপে গড়ে তুলছেন—এইটাই বাঙ্গালীর প্রাণের কথা। রূপকে সে বাদ দিতে চায় না, ছেঁটে ফেলতে চায় না; প্রকৃতিকে পাশ কাটিয়ে সরে পড়তেও তার প্রবৃত্তি নাই। সবটাকেই সে ভগবানের মধ্যে প্রতিষ্ঠিত করতে চায়।

নিত্যানন্দের পর থেকে বাংলার শাস্ত্র আর বৈষ্ণব সাধনপ্রণালী সম্মিলিত করে যত ধর্মসম্প্রদায় গড়ে উঠেছে, তাদের সকলেরই মধ্যে জ্ঞান, প্রেম আর কর্মের বেশ একটা সমন্বয়চেষ্টা দেখা যায়। দাক্ষিণাত্যে কিন্তু সাধনপ্রণালীগুলি মেলাবার তেমন চেষ্টা দেখা যায় না। আমার এক বন্ধু দাক্ষিণাত্যে ভ্রমণ করে এসে বলেছিলেন—“দেখ, দক্ষিণীরা যেমন তরকারী রান্ধবার সময় আলু, পটোল, বেগুন, সব আলাদা আলাদা রাঁধে, এক সঙ্গে মিশিয়ে একটা তরকারী করতে পারে না, ওদের সাধন প্রণালীও সেই রকম। এক একটা পছা যেন এক একটা air-tight compartment। ওদের দ্বারা ধর্মের সমন্বয় হবে না।”

কথাটা ভেবে দেখবার যোগ্য বটে।

প্রকৃতির সঙ্গে পুরুষের, সংসারের সঙ্গে ভগবানের, কর্মের সঙ্গে জ্ঞানের সম্বন্ধ নিয়ে বিচার অনেক দিন থেকেই চলছে। সাংখ্যিকার দৃষ্টোকে নিত্য বল স্বীকার করলেও, দৃষ্টোকে কেটে ছেঁটে আলাদা করে দেবার ব্যবস্থাই দিয়ে গেছেন;

শঙ্করের বেদান্ত প্রকৃতিকে মায়ার বলে উড়িয়ে দিতেই ব্যস্ত। বাংলার তত্ত্বই শুধু উভয়ের মৌলিক একত্ব স্বীকার করে সংসারের মধ্যে ভগবানের প্রতিষ্ঠার পথ দেখিয়ে দিয়েছেন।

বাংলার সাধকেরা প্রকৃতিকে পুরুষের মধ্যে প্রতিষ্ঠিত দেখেছিলেন বলেই ভোগ মোক্ষের মধ্যে কোনও বিরোধ দেখতে পান নি। তাঁদের চেষ্টাতেই বাংলার অর্ধনারায়ণর পূজা প্রচলিত। ত্রিকুণ্ড যখন বাংলায় এসেছিলেন, তখন বোধ হয় একাই এসেছিলেন; কিন্তু বাঙ্গালী তাঁর পাশে ত্রিরাধাকে দাঁড় করিয়ে দিয়ে তবে তাঁকে ঘরে তুলে নিয়েছে। শুধু পাশে দাঁড় করিয়েছে বললে ভুল হবে; বাংলার কবি অরূপকে রূপের কাছে নত করে, কৃষ্ণকে রাধার পায়ে ধরিয়ে তবে ছেড়েছে। শিব ত বাংলায় এসে একেবারে মহাকালীর পায়ে তলায় গড়িয়ে পড়েছেন। ত্রিরাঘচন্দ্রকে নিয়ে অভটা করা চলে না, কেন না তাঁর হাতে প’ড়ে জানকীকে অনেক লাঞ্ছনাই ভোগ করতে হয়েছে। বাংলায় তাই আজ পর্যন্ত রামের পূজা অমে উঠল না। রামকে বাঙ্গালী ভক্তি করলে, প্রণাম করলে, কিন্তু প্রাণ ভরে ভালবাসতে পারলে না।

সেদিন বাংলার একজন প্রসিদ্ধ জননারকের সঙ্গে আমার এই সম্বন্ধে কথা হচ্ছিল। তিনি বলেন যে, আজকাল ছেলেদের মধ্যে গোড়ার কথা নিয়ে টানা হেঁচড়া চলছে (Principles are in the melting pot)। মায়াবাদ সভ্য কি মিথ্যা, এটা এখন আর শুধু পণ্ডিত তর্কমাত্র নয়, এসম্বন্ধে একটা স্থির বিশ্বাস না হলে কাজকর্মের গোড়াপত্তনই হ’য়ে উঠেছে না। দেশের এবং দশের কাজের প্রণালী নিয়ে তাই ছেলেদের মধ্যে মতভেদ হচ্ছে। সংসারটা ধরবে কি ছাড়বে, আর ধরতে হ’লে কেমন করে ধরবে, এ সম্বন্ধে একটু নিশ্চিত না হ’লে, অল্প দেশের ছেলেদের কথা বলতে পারি না, বাংলার ভাল ভাল ছেলেরা কর্মক্ষেত্রে বোল আনা প্রাণ দিয়ে নামতে পারবে না। তারা চিরদিনই idealistic।

বাঙ্গালীর ছেলেরা এই গোড়ার কথাটা ভাল করে বুঝলে তবে তাদের ভবিষ্যৎ কর্মের ভিত্তি পাকা হবে। প্রকৃতিকে ছেঁটে ফেলে নির্মাণের দিকে ছুটে গেলে সৃষ্টির উদ্দেশ্যই ব্যর্থ করা হবে। আমাদের মস্ত হ’তে হবে, স্বরাট হ’তে হবে—প্রকৃতির দাসত্ব করে নয়, প্রকৃতির সঙ্গে রফা করে নয়, প্রকৃতিকে পাশ কাটিয়ে সরে পড়ে নয়—সম্পূর্ণ

ভাবে প্রকৃতির অধীশ্বর হয়ে; সংসারে থাকতে হবে সংসারের প্রভু হ'য়ে। অন্তরের সেই মুক্তি তখন আমাদের বাহিরের সকল কাজে ফুটে উঠবে। কর্ম তখন হবে শুধু আনন্দের অভিব্যক্তি, জগতের কোন খণ্ডশক্তিই সে ভগবৎপ্রেরণাকে বাধা দিতে পারবে না। তখন যা' গড়বে তা আর ভাঙবে না।

এটা কিছু নতুন কথা নয়। বহুদিন পূর্বেই প্রকৃতি ঘোষণা করে দিয়েছেন :—

‘যো নাং জয়তি সংগ্রামে যো মে দর্শং ব্যপোহতি ।
যো মে প্রতিবলো লোকে স মে ভর্ত্তা ভবিষ্যতি ॥’

শিশুর জন্ম এ সাধনা নয়, পরিশ্রিত দুর্ব্বলের জন্মও নয়। একবার দেখ দেখি, ভান্না, বাঙ্গালীর ছেলে এ বীরসামনে অগ্রসর হবে কি না ?

আমি ত অনেক দিন ধরেই বসে আছি। এবার ইচ্ছা শেঘটা দেখে যাব।

(৩)

ধর্ম্মরাজের প্রশ্ন

সে দিন সন্ধ্যাবেলা চেয়ে দেখলাম, আকাশে বেন কালো মেঘের বান ডেকেছে। গগনচারী দেবতার ভাড়াভাড়ি আপনার আপনার ঘরে ঢুকে খিল এঁটে বসে আছেন; একটা জোনাকির পর্য্যন্ত নাগরক নেই। চারদিক একেবারে নিরুন্ম-নিষ্পন্দ। বুঝলাম আজ দেবলোকে কি একটা বড়যন্ত্র চলছে। আকাশের এই অন্ধকার রূপের দিকে হাঁ করে চেয়ে আছি, এমন সময়ে বেশ বড় এক ফোঁটা জল কোথা থেকে লাফিয়ে এসে আমার নাকে তিলক কেটে দিলে। সে দিন সন্ধ্যার আগেই আফিমের মাত্রাটা বেশ একটু চড়িয়েছিলাম। এ রকম বদ রসিকতায় মোতাত চোটে বাবার ভয়ে ভাড়াভাড়ি জানালা বন্ধ করে দিচ্ছি, এমন সময় প্রথমে টপাটপ পরে বমাবম্ করে বুড়ি আরম্ভ হলো।

একে হাতে কাজমর্ম্ম নেই, তার উপর ব্রাহ্মণীও বাপের বাড়ী। স্ত্রতারা ধর্ম্মচর্চার এই উপযুক্ত অবসর ভেবে আলোটা একটু উসকে দিয়ে মহাতারত থানা কোলের কাছে টেনে নিলাম।

বইখানি খুলেই দেখি, বনপর্কের মাঝখানে মহারাজ যুধিষ্ঠির মহাবিপদে পড়েছেন। ধর্ম্মরাজ বন্ধরূপ ধরে প্রেরের পর প্রশ্ন করে বেচারাকে ব্যতিব্যস্ত করে তুলছেন। যুধিষ্ঠিরের তখন তৃষ্ণার

ছাতি কাটছে, শাস্ত্রচর্চার উপযোগী মেজাজ একেবারেই নয়। কিন্তু করেন কি। সরোবরের তীরে যা দেখলেন, তা'তে তাঁর চক্ষু স্থির হয়ে গেল। যে বুকোদরের হকারে পাহাড় কেঁপে উঠে, তাঁর মুখে তু' শব্দটি নেই; তিনি প্রকাণ্ড একজোড়া গোঁপের উপর কাদা লাগিয়ে সরোবরের তীরে মুখ খুঁড়ে পড়ে আছেন। সব্যসাচী অর্জুনের হাত থেকে গাভীর একেবারে ছিটকে পড়েছে, তুণ্ড্র পান্ডব ত অস্ত্রের উপর একটা কোলা ব্যাঙ বেশ আরামে বসে চক্ষু বুজে সজীব আলাপ করছে। নকুল সহদেবের অমন ফুটন্ত ফুলের মত মুখ দু'খানি একেবারে শুকিয়ে গেছে। যুধিষ্ঠিরের প্রাণটা ভ্রাতৃস্নেহে কেঁদে উঠলো। ধর্ম্মরাজের পরীক্ষার ফেল হয়ে গেল বলেই কি অমন শূরবীরের মত ভাইগুলোকে প্রাণে মারতে হয়।

সহানুভূতিতে ফুলে উঠে আমার বুকখানা যেমনি ফোঁস কোরে একটা দীর্ঘশ্বাস ছাড়লে, অমনি সঙ্গে সঙ্গে প্রদীপটাও নিবে গেল। শূত্র বিদ্বানায় শুভে বাবারও বিশেষ প্রলোভন ছিল না; আর মনটাও ধর্ম্মরাজের অবিচারে একটু খারাপ হয়ে গেছলো; তাই চুপ চাপ করে লেইখানেই বসে রইলুম।

হঠাৎ মনে হ'ল আমার পিঠে বেন ছপাং কোরে একগাছা চাবুক পড়ল, আর কে বেন টিকির গোছা ধরে টানতে টানতে আমার শরীর থেকে মহাপ্রাণীটি বার করার চেষ্টা করছে। আমি চীৎকার করতে গেলুম; কিন্তু মুখে কোন শব্দই হল না। আমার ত' ভয়ে অজ হিম হয়ে গেল। মনে মনে ভাবছি—‘এ আবার কার পাল্লায় পড়লাম’। এমন সময় শব্দ হল—‘ভয় নেই, ভয় নেই, তুমি আমার কথাই ভাবছিলে, তাই একবার তোমার সঙ্গে দেখা করতে এলাম। তুমি যুধিষ্ঠিরের ভাইগুলির জন্ত ভেবে কাহিল হচ্ছিলে, কিন্তু ও প্রশ্নগুলি আমি অনেককেই জিজ্ঞাসা করিছি; আর যারা সন্তুষ্ট দিতে পারেনি, তাদের সকলকারই ঐ দশা হয়েছে।’

তখন আমার হ'ল হ'ল; বুঝলাম ইনিই তা'হলে ধর্ম্মরাজ। একটু সাহসে ভয় কোরে জিজ্ঞাসা করলাম—‘কিন্তু ধর্ম্মরাজ, শাস্ত্রে ত সে কথা লেখে না।’ ধর্ম্মরাজ একটু হেসে বলেন,—‘লেখে বৈকি; তবে সে সব শাস্ত্র সংস্কৃতে লেখা নয় বলে তোমরা মানো না। আমি সংস্কৃত ছাড়া অস্ত্র ভাষাও যে জানি, এটা স্বীকার করলে যে শাস্ত্র-ব্যবসারীদের ব্যবসা বন্ধ হয়ে যাবে। আর তা’

ছাড়া আর একটা কথা কি জান, আমি বহুরূপী বলে লোককে আমার সব সময় চিনতে পারে না।”

“ওঃ! তাই না কি! আমি ত জান্তাম আপনি বহুরূপেই বুড়ো শিবকে টেনে টেনে নিয়ে বেড়ান। আর কখনো বা বহুরূপ ধরে পুকুরের পাড়ে এক পায়ে দাঁড়িয়ে ধ্যান করেন।”

ধর্মরাজ আমার টিকিতে একটা হেঁচকা মেরে বলেন—“এত বুদ্ধি না হলে আর তোমরা গোল্লার যাবে কেন? এই যে সে দিন শত্রুরূপ ধরে ক্রসিয়ার জারকে (Czar) ঐ প্রহরগুলো জিজ্ঞাসা করেছিলুম, তা বুঝি তোমরা বুঝতে পার নি?”

আমি ত ভয়ে হাঁ করে ফেললুম। ধর্মরাজ যে বুড়ো বয়সে বলসেভিক হয়ে গিয়ে দেশে দেশে রক্তগঞ্জা বইয়ে বেড়াবেন, এক কথা আমি ব্রাহ্মণের ছেলে হয়ে কি করে বিশ্বাস করি বল। কিন্তু কিছু বলতে সাহস হ’ল না। তখনও আমার টিকিতে হাত যে। ধর্মরাজ কিন্তু অন্তর্যামো কি না, টপ করে আমার মনের ভাবটুকু বুঝতে পেরে বললেন—“আমি বলসেভিক টলসেভিক কিছুই হইনি। ওটা আমার ইউরোপে এ যুগের রূপ মাত্র। এমন দিনও আসবে, যখন বলসেভিকদেরই আবার ঐ প্রহর জিজ্ঞাসা করবো।”

ধর্মরাজের প্রোগ্রামটা আমি ঠিক বুঝে উঠতে পারলুম না। বলসেভিকদের কথা ভেবে আমার পেটের পিলে তখনও চমকে চমকে উঠছিল। শাস্ত দাস্ত সাম্প্রিক ভারতে একি কাণ্ড। আমি সবিনয়ে নিবেদন করলুম—“মহারাজ, কিন্তু আপনার পূজ্যেয় এতটা রক্তারক্তি কি ভাল হ’ল?”

ধর্মরাজ আমার টিকিতে আর একটা পেলায় হেঁচকা মেরে বলেন—“বাবা, তোমাদের দেশের চাল কলার নৈবিক্তের উপর নির্ভর করেই যদি আমার বাঁচতে হ’তো, তা হ’লে ভগবান আমায় অমর করে সৃষ্টি করলেও আমাকে এতদিন মরে ভূত হয়ে যেতে হ’তো। তোমরা আমার বহুরূপটিকেই চিনেছ বলে সবাই বহুরূপীক সেজে আলোচালের উপর দুটো ফুল ফেলে দিয়েই কাজ সারতে চাও। আমি কিন্তু আমার পাওনাগুণা স্মৃতি আসলে আদায় করে নিতে ভুলিনি। তোমরা মরতে ভয় পাও বলে আমি ত আর মারতে ভয় পাই নে। ইনফুয়েন্স, ম্যালেরিয়া, ওলাউঠা, এতেই আমার পুষ্টিয়ে যায়।”

আমি একধার ঠিক উত্তরটা খুঁজে পাচ্ছিলুম না। তাই ধর্মরাজকে একটু প্রেব করে বল্লুম—“হাঁ,

আমি ভুলে গেছলাম যে, আপনি দেবতার মধ্যে বিচারপতিও বটে, hangmanও (ফাঁসুড়ে) বটে।”

ধর্মরাজ কিন্তু লজ্জা পাবার ছেলে নন। তিনি অগ্নানবদনে বললেন—“দেখ, ও ব্যবস্থাটা নেহাৎ মন্দ নয়। তোমাদের দেশে জঙ্গলাহেবদেরই যদি hangman এর কাজ করতে হতো, তা হ’লে এখনকার চেয়ে তারা ঢের বেশী সুবিচার কর্তেন।”

একটিকিটি (Executive বা শাসনবিভাগ) আর জুডিসিয়াল (Judicial বা বিচারবিভাগ) এর গোলমালের ভিতর আর বেশী গিয়ে কিছু লাভ নেই দেখে, আমি কথাটা পাল্টে নিয়ে জিজ্ঞাসা করলুম—“প্রভুপাদ। যুধিষ্ঠির মহারাজের সঙ্গে দেখা হবার পর আমাদের দেশে আর কি আসেন নি?”

ধর্মরাজ বলেন—“দেখ, কৃষ্ণাবতারে ভগবান যখন ক্ষত্রিয়কুল একেবারে নির্মূল করে গেলেন, তখন এমন কি আমারও মনে একটু দুঃখ হয়েছিল। কুরুকুল আর যদুকুল যতই পাকি হোক, তোমাদের মত এমন অপদার্থ ছিল না। একটু নেশা ভাঙ খেত, তা থাক; তাদের নিজস্ব টিভার অত শীঘ্র পাকত না। তবে ভগবান তাদের স্বহস্তে যখন মারলেন, তখন তাঁর উপর ত আমাদের কথা কওয়া চলে না।”

এই বলে ধর্মরাজ একটা দীর্ঘশ্বাস ফেললেন। খানিকক্ষণ চুপ করে থেকে আবার বলেন—“দেখ, সেই অবধি অনেক দিন আর মনের দুঃখে ভারতবর্ষে আসিনি। তারপর যখন এলাম, তখন সে রামও নেই, সে অঘোষাও নেই। মহানন্দ নামের একটা বুড়ো মড়াথেকো রাজা মগধের সিংহাসনে বসে আফিম খেয়ে কিমুচ্ছে; আর রাজপ্রসাদসেবী ব্রাহ্মণেরা খুব টিকি ছলিয়ে ছলিয়ে যজ্ঞের ভণ্ডে খি ঢালছেন, আর মহারাজের স্ববস্তুতি করছেন। সব কটার টিকি টেনে টেনে দেখলুম—পরচুলোর সাজান টিকি। টান দিতেই খসে এলো। কেবল একগোছা টিকি টানতে গিয়ে দেখলুম, হাঁ, টিকির মত টিকি বটে; একেবারে মগজ থেকে বেরিয়েছে। টিকিখারীকে জিজ্ঞাসা করলুম—“পণ্ডিতজীর নাম?” ব্রাহ্মণ আমার আপাদমস্তক তীব্রদৃষ্টিতে দেখে বলেন—“কৌটিল্য। সে রকম তীব্রদৃষ্টি আর ভারতবর্ষে বড় বেশী দেখিছি বলে মনে হয় না। হাঁ, একট’

মাছুবের মত মাছুষ বটে। নমস্কার করে তাঁকে জিজ্ঞাসা করলুম—“কি, পণ্ডিতজী, বার্তা কি?”

কোটিয়া বললেন—“যারা ক্ষত্রিয় হারিয়েও নিজেদের ক্ষত্রিয় বলে পরিচয় দেয়, তারাই এখন ভারতের রাজা।”

আমি বললাম—“বটে, কি আশ্চর্য্য।”

কোটিয়া খুব চালাক লোক, আমাকে চিনতে পেরেছিলেন। বললেন—“আশ্চর্য্য বৈকি। যাদের চারদিকে আগুন জলে উঠছে, সিংহাসন যাদের টলছে, তারাও ভাবছে যে অনন্তকাল ধরে রাজ্য চালাবে।”

আমি জিজ্ঞাসা করলুম—“তা হ’লে এ রাজ্যে স্মৃথী কে?”

কোটিয়া একটু হেসে উত্তর ক’রলেন—“যারা পরের অহুগ্রহের উপর নির্ভর না করে, নিজের হাতেই গড়ে তুলতে পারে, তারাই স্মৃথী।”

আমি এবার শেষ প্রশ্ন জিজ্ঞাসা করলুম—“তার পছা কি?”

কোটিয়াও একটু ভাবিত হলেন। শেষে বললেন—“দেখুন, আমি অনেক ভেবে দেখেছি। ছোটখাট রাজারাজড়া দিয়ে এ কাজ হবে না। যাদের শূদ্র বলে রাজারা হেয় করে রেখেছে, ব্রাহ্মণেরা যাদের ছায়াও মাড়ায় না, সেই শূদ্রকেই আমি রাজা করে তুলব, ক্ষত্রিয়ের সিংহাসনে বসাব। দেশকে তোলবার ঐ এক পছা।”

সেদিন দেবতারাত্রে সে কথা শুনে—বলেছিলেন—
—“বত্ত, কোটিয়া বত্ত।”

কোটিয়াকে আশীর্বাদ করে ফিরে এলুম; দেখলুম, তখনও ভারতে ব্রাহ্মণের অভাব হয়নি।

তার বহুকাল পরে আবার বখন পদধূলি দিতে আসি, তখন দেখে এলাম ভারতের দরজায় বহুদূর ঘোরা দেড় হাত লম্বা লাড়ি নিয়ে উঁকি মারছে। এদিকে এসে দেখি, রাজপুতেরা খুব বড় বড় পাকড়ী বেঁধে, কপালে সিঁহুরের কঁোটা পরে, ধুম ধাড়াক করে লাফালাফি করে বেড়াচ্ছে। আমি ভাবলুম, বুঝি বা যুদ্ধের আয়োজন হচ্ছে। আরচন্দের রাজসভায় এসে জিজ্ঞাসা করলুম—“কি মহারাজ, বার্তা কি?”

অরচন্দ্র বললেন—“আমার ঘরে স্বয়ম্বর হবে।”

আমি বললুম—“বেশ, বেশ, তবে আর আপনার মত স্মৃথী কে।”

অরচন্দ্র বললেন—“আজ্ঞে হাঁ; বিশেষতঃ, পৃথিৱীজকে যে এ রকম আপমান করতে পেরেছি, এতেই আমি স্মৃথী।”

‘অপমান করবার পছাটা কি?’

“ঐ দেখুন না, পৃথিৱীজের একটা মূর্তি গড়ে দরজায় দরোয়ান করে রেখে দিয়েছি।”

বেশ দেখতে পেলুম, ভারতের আকাশ অন্ধকারে ছেয়ে আগছে। আমার লোকে বলে নির্ধম, কিন্তু এই ব্রাহ্মজোহের ভবিষ্যৎ কল ভেবে সে দিন আমারও চোখে জল এসেছিল।

ধর্ম্মরাজ এতক্ষণ একটানা বকে যাচ্ছিলেন। এইবার একটু অবসর পেয়ে আমি জিজ্ঞাসা করলুম—“চতুর্থ প্রশ্নটি জিজ্ঞাসা করলেন না যে?”

ধর্ম্মরাজ বললেন—“সে আর জিজ্ঞাসা করতে হবে কেন? ভগবান যাকে মারেন, তাঁকে যে কি করে অন্ধ করে দেন, তা’ত বেশ স্পষ্টই দেখতে পেলুম। এর চেয়ে আর আশ্চর্য্য কি?”

“মোগল বাদসাহের আমলে কখনও এসেছিলেন কি?”

“একবার এসেছিলুম। আরম্ভেব তখন বুড়ো বাপের মুত্থা কামনা করুতে করুতে দাক্ষিণাত্য থেকে দিল্লীর দিকে অগ্রসর হচ্চি। ‘হজরৎজী’ যে রকম প্রচণ্ড ধার্মিক, তা’তে মোগল বাদসাহদের তুলে যে ঘুণ ধরেছে, এটা আর বুঝতে আমার বাকি রইল না। তাঁকে আর কোন প্রশ্ন জিজ্ঞাসা করবার আবশ্যকতা বোধ করলুম না। তখন মোগল দরবারে একজন মারাঠী বুঝকের কথা অল্পবিস্তর শোনা যাচ্ছিল, আমার মনে হল একবার লোকটিকে দেখে আসি। সর্হাদ্রির পাদদেশে এসে দেখলুম, এক দীর্ঘকার বীর-লক্ষণ-চিহ্নিত উন্নতললাট, গৌরবর্ণ পুরুষ কল্পনার বলে ভবিষ্য ভারতের সৃষ্টি করছেন। আর মহাশক্তি তাঁকে আশ্রয় করে সমগ্র মহারাষ্ট্রকে সঞ্জীবিভ করে তুলছেন। বুঝলাম, এই শিবাজী। অনেক দিন পরে একটা খাটি মাছুষ দেখে আমারও আনন্দ হলো। আমি আশীর্বাদ কোরে তাঁকে আমার চারিটি প্রশ্ন জিজ্ঞাসা করলুম। শিবাজী বললেন, ‘মহারাজ, মুষ্টিযের তুর্ক এসে ভারতের ক্ষত্রিয়-শক্তিকে পদাবনত করে রেখেছে, এই বার্তা। যাদের জোরে তুর্ক সিংহাসনে বসে আছে, তারা স্বপ্নেও ভাবে না যে, সংঘবদ্ধ হ’লে তারাই দেশের অধীশ্বর হতে পারে—এর চেয়ে আর আশ্চর্য্য কি? এ মোহ যে ভেঙে দিতে পারে, সেই স্মৃথী। আমি

মহারাজের শক্তি উদ্ধৃত্ত করে তাকে সমস্ত ভারতের কর্তা করে দিব—এই আমার পক্ষ।’

এই কথা বলে ধর্মরাজ অনেকক্ষণ চুপ করে রইলেন। শেষে আমি জিজ্ঞাসা করলাম—‘শিবাজীর সঙ্গে আর কোনও কথা হ’ল না?’

ধর্মরাজ বললেন—‘না। আমি যা’ ভয় করেছিলুম, তাই হলো। পক্ষার কথাটা শুনেই আমার মনে খটকা লেগেছিল যে, মারাঠার রাজ্য প্রতিষ্ঠা হবে, কিন্তু থাকবে না। বর্গীর তরবারি একবার বিদ্রোহের মত সকলকার চোখ ঝলসে দিয়েই আবার অন্ধকারে ডুবে যাবে। দেখছ না, আজ পর্যন্ত সারা ভারতের উপর প্রভুত্ব করবার লোভ মারাঠির মন থেকে ছুটল না?’

‘তার পরে আর এ দেশে আসেন নি, বোধ হয়?’

‘না। এখনও আসতুম না; তবে চিত্রগুপ্ত খাতাপত্র দেখে হিসাব করে বসে যে, ভারতের প্রায়শ্চিত্তের দিন নাকি শেষ হয়ে এসেছে। তাই একবার তোমাদের দেখে শুনে যেতে এলাম। আজ, তুমিই আমার প্রশ্নের উত্তর দাও দেখি। বল দেখি, এখন বার্তা কি?’

ভয়ে আমার হাত পা পেটের ভিতর ঢুকে গেল। আমি বললাম—‘দোহাই ধর্মরাজ; আমি রাজারাজড়া নই; আর রিকর্ম বিলের প্রসাদাৎ আমার রাজ-মন্ত্রী হবারও কোন সম্ভাবনা নেই। আমি নিতান্তই গরীব ব্রাহ্মণ। শেষে আপনার পরীক্ষায় ফেল হয়ে কি বুদ্ধ বয়সে ব্রাহ্মণীকে অনাথা করবো?’

ধর্মরাজ হেসে বললেন—‘তোমরা কি আর বেঁচে আছ যে, তোমাদের মারব?’

তখন আমি সাহস পেয়ে বললাম—‘হাঁ, তা বটে। আর আপনি যখন নাছোড়বান্দা, তখন আমার বিচ্ছেটাই শুনে যান। এ দেশের প্রধান বার্তা হচ্ছে এই, বড় বড় লোকে বলছেন যে, সভাস্থলে দাঁড়িয়ে ভাল ভাল ইংরাজীতে বক্তৃতা দিতে পারলেই চালের দর আর কাপড়ের দর একদম নেমে যাবে, ছেলেদের পেটের পিলে সেরে যাবে, গাদার কালার গলা ধরাধরি করে নৃত্য করতে থাকবে; ম্যালেরিয়া ইনফ্লুয়েন্সা প্রভৃতি আবিব্যাধি সব দূর হয়ে যাবে; এক কথায়, ভারতে সভ্যবৃগ উপস্থিত হবে।’

ধর্মরাজ খুব সুখী হয়ে বললেন—‘বেশ, বেশ; এবার দ্বিতীয় প্রশ্নের উত্তর দাও—সুখী কে?’

আমি বললাম—‘মহারাজ, এ কথার খুব সোজা উত্তর। এ দেশে সুখী শুধু মাদোয়ারী আর মডারেট। তখন তৃতীয় প্রশ্ন হ’ল—‘আশ্চর্য্য কি?’

‘আমরা যে এই বুদ্ধি নিয়ে এখনো বেঁচে আছি, এইটেই আমার কাছে সব চেয়ে বড় আশ্চর্য্য।’

ধর্মরাজ পূর্ণ সম্মতি জ্ঞাপন করে মাথা নেড়ে পুনরায় জিজ্ঞাসা করলেন—‘আজ্ঞা, এখন পক্ষা কি?’

আমি ধর্মরাজের পা ছুঁখানা জড়িয়ে ধরে বললাম—‘মহারাজ, ঐটে আমার মাফ করতে হবে। পক্ষা বাৎলে দিতে গিয়ে, কি বলতে কি বলে ফেলবো; আমি আর এ বয়সে ঠ্যাংলানি খেতে পারব না। আমার নামে মারলেও মেরেছে, রাবণে মারলেও মেরেছে। উত্তর না দিলে আপনার হাতে মারা পড়ব, আর উত্তর দিলে কালই আমার——’

হোঃ হোঃ হোঃ শব্দে এক বিরাট হাস্য করে ধর্মরাজ আমার টিকিটা ছেড়ে দিলেন। দিতেই ঠক করে টেবিলের উপর আমার মাথাটা ঠুকে গেল।

* * *

হোঃ হোঃ হোঃ !

তবে দেখি, আমার ছেলেটা স্মৃখে দাঁড়িয়ে হোঃ হোঃ করে হাসচে।

‘বাবা, এরই মধ্যে বসে বসে ঘুমুচ্ছে? ভাত খাবে না?’

‘ভাত কি রে? ধর্মরাজ চলে গেছেন?’

‘সে আবার কে?’

‘এই যে এতক্ষণ আমার টিকি ধরে বসেছিল’—বলে উঠতে গিয়ে দেখি যে, গৃহিণী যে দড়ি-গাছটার গামছা ঝুলিয়ে রাখতেন, সে দড়িগাছটা দেয়ালের গায়ে ঝুলছে, আর তার একটা মুখ আমার টিকির সঙ্গে জড়িয়ে গেছে।

(৪)

যেবার প্রথম গুজরাতে বাই, তোমার মনে আছে? গাড়ীতে জনকত গুজরাতি ব্রাহ্মণ, কয়েকজন মারাঠি আর বাকি হিন্দুস্থানী। একা-আমিই সবধন নীলমণি বাকালী। গাড়ীতে গল্প বেশ জমে এসেছে। একজন গুজরাতি ব্রাহ্মণ মালা জপ করতে করতে শোনাচ্ছিলেন যে, তাঁর ছেলে না তাইপো গায়কবাড়ের রাজ্যের একজন মন্ত অফিসার। মালার একটা দানা দেখিয়ে বললেন যে, সেটা আগল একমুখী ব্রাহ্মণ; এক

গির্গার পাহাড় ছাড়া সে রকমটা আর ভূ-ভারতে
অল্প কোথাও পাবার জো নেই। সেটা ধরে একলক্ষ
বার জপ করলেই হয় মহাদেব, না হয় নন্দী,
অভাবগন্ধে মহাদেবের বাঁড়টি এসে হাজির হবেনই
হবেন। একজন হিন্দুহানী তাঁর কথায় সায় দিয়ে
বললে যে, অযোধ্যাজীতে ষেঁটুরাম বাবাজীর আখড়ায়
ঠিক ঐ রকম আর একটা রুদ্রাক্ষ আছে। বাবাজী
নাকি তীর্থভ্রমণ করতে করতে আবু পর্বতের এক
নিভৃত গুহার বশিষ্ঠ মূন্নির আশ্রমে উপস্থিত হন।
সেখানে বাবাজীর সেবার তুষ্ট হয়ে বশিষ্ঠ ঠাকুরের
এক চেলা বাবাজীকে এ রুদ্রাক্ষটা বখসিস করেন।
প্রতি সোমবার আর শুক্রবার পাঁচ পোয়া দুধ দিয়ে
রুদ্রাক্ষটির পূজা করতে হয়; আর তার এমনি
মহিমা যে, কোন ছোট জাত যদি সেটাকে চোখে
দেখে ত চৌদ্ধ দিন, না হয় চৌদ্ধ মাস, না হয় চৌদ্ধ
বৎসরের মধ্যে সে মুখে দস্ত উঠে মারা যাবেই
যাবে।

পাশেই আর এক গুজরাতি উর্জনেত্র হয়ে গুন
গুন করে ভজন গান করছিলেন। হিন্দুহানীর
— ~~স্বপ্ন দেখে~~ তিনি বলেন—‘দেখলে।
তবু আজকাল লোকে ধর্মকথ্যে বিশ্বাস করতে
চায় না।’

গাড়ী সেই সময় একটা ঠেসনে এসে লাগতেই,
জীর্ণ শীর্ণ ছেঁড়া কাপড় পরা একটা লোক গাড়ীতে
চুকে চুপ করে এক পাশে এসে দাঁড়াল। আমাদের
মালাধারী গুজরাতি পুরুষ তাকে নিজের ভাবায় কি
জিজ্ঞাসা করলেন, বুঝতে পারলুম না। বেচারী
উত্তর করলে—‘মাড়’। তারপর ভানুমতীর ভোজ-
বাজীর মত যে অপূর্ণ ব্যাপার ঘটল, তা’ না দেখলে
বিশ্বাস করা কঠিন। দুজন গুজরাতি তড়াং
কোরে লাক্ষ্মিরে একেবারে গাড়ীর বাহিরে গিয়ে
পড়লেন। তাঁদের মাথার পাগড়ীগুলো গড়াতে
গড়াতে আরও পাঁচ সাত হাত এগিয়ে গেলো।
যিনি ভজন গাচ্ছিলেন, তাঁর ভক্তির উৎস একদম
বন্ধ হয়ে গেল। ‘আরে রামঃ’ বলে হুকার করেই
তিনি পাশের গাড়ীতে টপকে পড়লেন; সঙ্গে
সঙ্গে হিন্দুহানীর দলও গাড়ী খালি কোরে যে যে
দিকে পারলে অল্প গাড়ীতে পালালো।

যে লোকটা গাড়ীর এক কোণে চুপ করে
দাঁড়িয়ে ছিল, তাকে জিজ্ঞাসা করলাম—‘ব্যাপার
কি?’ লোকটা বললে—‘বাবাজী, আমি মাড়।’
তখন মনে পড়ে গেল যে, বাবাই অকালে মাড়েরা
অশ্রু জাতি। তাই বেচারী গাড়ীতে উঠতেই

সবাই আপনার জাত আর ধর্ম বাঁচিয়ে লাক্ষ্মিতে
লাক্ষ্মিতে পালিয়ে গেল। কোথায় গির্গার,
কোথায় আবু পাহাড় ঘুরে ঘুরে ধর্মিকেরা বা’ কিছু
পুণ্যসঞ্চয় করেছিলেন, আজ একটা ‘মাড়ের’ সঙ্গে
এক গাড়ীতে বসে তা’ত আর নষ্ট করতে পারেন
না। ‘মাড়’ বেচারীকে টেনে আমার কাছে বসাতে
দেখে ধর্মিকেরা আমার দিকে এমনি দৃষ্টিতে দেখতে
লাগলেন, যেন আমি এই মাত্র চিড়িয়াখানা থেকে
শিকল ছিঁড়ে পালিয়ে এসেছি।

সেদিন আমার চোখের স্রুযুথ থেকে একখানা
পর্দা সরে গেল। ছেলেবেলা ভারতবর্ষের
ইতিহাস পড়বার সময় তৃতীয় পাণিপথের
যুদ্ধের কাছে এসেই আমার বিধাতার উপর
ভারি রাগ হতো। মনে হতো—হায়, হায়! ওদিন
পাঠানেরা না জিতে যদি মারাঠারা জিততো।
আজ কিন্তু মাড়ের দুর্দশা দেখে মনে হলো
পাণিপথে মারাঠারা জিতলে ভারতে বর্গীদের রাজ্য
হতো বটে—কিন্তু তা’ হলে আজ এই ক’জন ধর্মিক
পুরুষ মিলে মাড় বেচারীকে গাড়ী থেকে ধাক্কা
মেরে ফেলে দিতো। ত্রায়াধীশ রামশাস্ত্রীও তার
অবিচার করতেন কি না সন্দেহ! নিজের অদকে
পজু করতে আমাদের জোড়া মেলা তার!

আর এ রোগ কি শুধু বর্গীদের? বাঙ্গালা,
মাদ্রাজ, হিন্দুহান—এক চেয়ে আর সরেশ; এ
বলে আমায় দেখ, ও বলে আমায় দেখ।
আলমোরায় এক সাধুদের মঠে একবার বসে
আছি, এমন সময় এক পাদরী সাহেব তাঁর
কতকগুলি দেশী শিষ্য সমেত সেখানে এসে উপস্থিত।
তাঁদের মধ্যে ১৪/১৫ বৎসরের একটা ছেলে ছিল।
সে যে কি মোহে পড়ে খুঁটান হয়েছে তা’ জানবার
জন্ত আমার ভারি কৌতূহল হ’লো। তাকে
আড়ালে ডেকে নিয়ে গিয়ে একথা ও-কথার পর
জিজ্ঞাসা করলাম—‘বাবা, তোমার বাড়ীতে কি
মা বাপ নেই? তুমি ধর্মের কি বুঝেছ যে, হিন্দু-
ধর্মকে মিশ্যা বলে ছাড়তে গেলে?’ ছেলেটা একটু
মান হাসি হেসে বললে—‘বাবাজী, ধর্মের আমি
কিছুই জানিনে। আমার মা বাপই আমাকে খুঁটান
করে দিয়েছে। প্রায় বছর দুই হ’ল আমি একবার
বড়দিনের সময় পাদরী সাহেবদের আড্ডায় বেড়াতে
বাই, পাদরী সাহেব আমায় আদর করে থাবার
খেতে দেন। খেয়ে সেয়ে আমি বাড়ী ফিরে এসে
মাকে বললাম—‘মা, আমি পাদরী সাহেবদের বাড়ী
খানা খেয়ে এসেছি।’ মা শুনে কাঁদতে লাগলেন,

বাবা বললেন আমার নাকি ধর্ম চলে গেছে ; আমার আর বাড়ীতে স্থান দেওয়া যেতে পারে না। বাড়ী থেকে ভাড়া খেয়ে আর কোথায় যাই ? সেই অবধি পাদরী সাহেবের সঙ্গেই আছি।”

দেশাচারের ভয়ে যে সমাজে যা বাপের মন থেকেও দূরীয়া যান্না স্নেহ মমতা শুকিয়ে গেছে, সে সমাজ সজীব না মরা ? মরা বললে আবার বন্ধুরা চটে উঠেন, তাঁরা বলেন যে, সমাজকে অমন ব্যাং খোঁচানি না ক’রে, খুব সহানুভূতির সঙ্গে বুঝিয়ে স্মরণে ভাল করতে হয়। তাঁরা এ কথা বুঝেন না যে, যাদুর গায়ে হাত বুলাবার সময় আর নেই। এ তো বুদ্ধির অভাব নয়, এ যে প্রাণের অভাব। যারা জ্ঞান-পাপী, তাদের বুঝিয়ে কিছু হবে না। দুঃখ-যন্ত্রণার তাপে গলিয়ে তাদের নতুন ছাঁচে ফেলে ঢালাই করতে হবে। পুরাণ বচনের বনিন্দা উপড়ে ফেলে সত্য ধর্মের ভিত্তির উপর নতুন সমাজ গড়তে হবে। এখন যা আছে, এ তো ধর্ম নয়, ধর্মের ভ্যাংচানি ; পারলৌকিক স্বার্থপরতা। নিজেদের ক্ষুদে ক্ষুদে স্বার্থের পুটলির উপর বড় বড় নামের ছাপ মেরে ধর্মের বাজারে ভাল মাল বলে চালান করবার চেষ্টা। হায় রে, ভগবান কি এমনই বোকা যে, দু’টো সংস্কৃত বচনে ভুলে গিয়ে আমাদের রেহাই দেবেন ? তা’ যদি হ’তো, ত এই হাজার বৎসর ধরে আমাদের সমাজের পিঠে গুঁতোর উপর গুঁতো বর্ষণ হচ্ছে কেন ? শাস্ত্রে লেখে ধর্মের ফল সুখ। আমরা যদি এত বড় ধার্মিক ত আমাদের লাজনা আর দুঃখ ভোগের নিবৃত্তি নেই কেন ? জগতের সবাই দু’পায়ে হাঁটে, আর আমরাই শুধু কঁচো, কুমির মত বকে হেঁটে মরছি কেন ? পরকালের সুখের জন্ত ? যে ভগবান ইহকালে আমাদের জন্ত কেবল কাঁটা আর লাথির

ব্যবস্থা করেছেন, তিনি যে পরকালে আমাদের জন্ত মেঠাই মোণ্ডার বরাদ্দ করে দেবেন, এ কথা সংস্কৃত অক্ষরে ছাপা পুঁথিতে দেখলেও যে বিশ্বাস করতে সাহস হয় না।

আমাদের দেশের ছেলেরা তাই ধর্ম আর কর্মের দোটারায় পড়ে ইঁপিয়ে উঠেছে। যে সব আচার-অনুষ্ঠান সনাতন ধর্মের মুখোশ পরে আমাদের বৃকের উপর বসে গলা টিপে দম বন্ধ করবার যোগাড় করে ভুলেছে, সেগুলির মধ্যে সনাতনত্বের অভাব, এ কথা স্পষ্ট করে বলবার সময় এসেছে। ধর্ম যে নাক টেপাটিপি বা নাড়ী শোধনের কসরৎ নয়, সাড়ে সতর কাহন কড়ি দিয়ে তা’ যে ভট্টাচার্য মশায়দের দোকানে কেনা যায় না, ধর্মের চাপে মানুষের আড়ষ্ট বা আধমরা হয়ে উঠা যে একান্ত আবশ্যিক নয়, ডিগবাজী খেতে খেতে ভবপারে ছিটকে পড়াই যে ধর্মের মূখ্য উদ্দেশ্য নয়, এ কথা যতদিন লোকে না বুঝবে, ততদিন ধর্মের আর কর্মের সামঞ্জস্য যে কি করে হ’বে তা’ ত খুঁজে পাই নে। পদ পিসির ধর্ম দিয়ে ষাঁরা ছেলেদের পেট ভরাতে চান, জীবনের স্বতঃস্ফূর্ত স্বচ্ছন্দ গতির মধ্যে ষাঁরা অসাম্প্রতিকতার গন্ধ পেয়ে আঁতকে উঠেন, শূদ্রস্পৃষ্ট হলে ষাঁরা ভগবানকে পর্যন্ত পঞ্চগব্য দিয়ে শোধন করে তবে জাতে ভুলে নেন, তাঁরা যে ধর্মমন্দিরের পাহারাওয়ালার ব্যবসা সহজে ছাড়বেন, তা’ ত মনে হয় না। তবে আশা এই যে, ভগবানের একটি নাম দর্পহারী। মানুষ আপনার চারিদিকে যে অহঙ্কারের বেড়া দিয়ে রেখেছে—একদিন না একদিন তিনি তা’ উপড়ে ভেঙে ফেলে দেবেন। সারা জগৎ জুড়ে ভাঙনের মড়মড়ানি শোনা যাচ্ছে ; এ দেশও কি বাদ পড়বে ?

পথের সন্ধান

—❖—

উপেন্দ্রনাথ বন্দ্যোপাধ্যায়

পথের সন্ধান

—::—

গোড়ার অভাব

আমরা যে পরাধীন, সে দোষ কার ? ইংরেজের ঘাড়ে বোল আনা দোষ চাপিয়ে দিতে পারলে আমরা অনেকটা নিশ্চিন্ত হয়ে হাত-পা ছড়িয়ে গালাগাল দিতে পারি বটে, কিন্তু মন তাতে প্রবোধ মানে না। যখন দেখতে পাই যে, ইংরেজ এদেশে আসবার আগে থাকতেই আমরা স্বাধীনতা হারিয়ে বসে' আছি, ইংরেজের আগে মোগল-পাঠানের গোলামিও আমাদের করতে হয়েছে, তখন একথা অস্বীকার করবার আর উপায় থাকে না যে, আমাদের মধ্যে এমন একটা-কিছু আছে, যা দেখলে অপর জাতের আমাদের ঘাড়ে লাফিয়ে পড়বার বিষয় একটা প্রলোভন হয়। যারা লাফিয়ে এসে আমাদের বুক চড়ে' বসে, তাদের যত খুসি বাপাস্ত করতে পার, কিন্তু মনের কোণে এ প্রশ্নটাও দেখা দেয় যে, দুনিয়ায় এত দেশ থাকতে, আমাদের পোড়া কপালই বা বারবার পোড়ে কেন ?

মোগল সাম্রাজ্য যখন ভেঙে পড়লো, তখন ইংরেজ মুখু কুঠিওয়ালার হয়ে দেখা দিয়েছে। সম্রাট হয়ে মশনদে বসবার কল্পনা তখনও তার মাথায় গজিয়ে ওঠেনি। প্রবল পরাক্রান্ত জমিদারের তখন বাংলার অভাব ছিল না। স্বাধীন মানুষের চামড়া যদি তাঁদের গায়ে থাকতো, তা'হলে বাংলার ইতিহাস বদলে যেতে পারতো। দেশকে স্বাধীন করা চুলোর বাক, তাঁরা পাঁচজনে বুদ্ধি এঁটে দেশটাকে ক্লাইভের হাতে তুলে' দিয়ে নিজেরা যে গোলাম সেই গোলামই রয়ে গেলেন। দেশের যারা চাষা-ভূষা, তারা কোনোদিনই এ সব ব্যাপারের খোঁজখবর রাখতো না; তখনও রাখলে না। দেশের ধারা ব্রাহ্মণ-পণ্ডিত, তাঁরা 'তৈলাধার পাত্র' কি 'পাত্রাধার তৈল', এই গভীর প্রশ্নের মীমাংসা না হওয়া পর্যন্ত এ সব ছোটখাট ব্যাপারে মন দেবার সময় পেলেন না। আর ধারা তোমার-আমার মত না-জমিদার, না-চাষা, না-ব্রাহ্মণপণ্ডিত,

তাঁরা মধুর বৈষ্ণব-পদাবলী গান করতে করতে মুচ্ছা বাওয়া অভ্যাগ করছিলেন; আর নানা তাল-মান-লয় সহকারে ভগবানকে বুকিয়ে দিচ্ছিলেন যে, তিনি মাখনের চেয়েও মোলায়েম, আর মধুর চেয়েও মিষ্টি। কিন্তু পোড়া ভগবান এমনি বেরসিক যে, অত আদর অত্যাধনা পেয়েও আমাদের বুকিয়ে দিতে ছাড়লেন না যে, তিনি "ভয়ং ভয়ানকানাম্, ভীষণং ভীষণানাম্।"

দিন কতক না যেতে যেতেই 'ছিন্নান্তরের মনস্তর' আরম্ভ হলো। বাংলার শহর অরণ্য হলো; গ্রামে শেয়াল কুকুর বাস করতে লাগলো। ছেলে-বুড়ো আঙা-বাচ্ছা মেয়ে-মদ সব দলে দলে পেটের জালায় মরে' পচে' ভূত হয়ে গেলো।

ঐতিহাসিকেরা বলেন যে, বাংলার তিনভাগের একভাগ লোক তখন মারা পড়েছিল। কিন্তু বাঙ্গালী তখন থেকেই এমনি অহিংস আর অবলা জাতি যে, তার বুক ফাটে তবু মুখ ফোটে না। দলে দলে মুখ বুজে মারা গেল, কিন্তু কেন যে মরছে, তা কেউ চোখ চেয়ে দেখলে না। বাংলার ইতিহাসে মুখু একজনের নাম পাই—ইংরেজ রাজত্বের প্রথমাবস্থার ধার মনে স্বাধীনতার কল্পনা জেগেছিল—তিনি মহারাজ নন্দকুমার। কিন্তু ইংরেজের ফালিকাঠে ঝুলে তাঁকে সে পাপের প্রায়শ্চিত্ত করতে হয়েছিল।

তারপর থেকে এই দেড়শ' বছর ধরে' লাখির উপর লাখি আর কাঁটার উপর কাঁটা আমাদের পিঠে পড়েছে। আমরা নিতান্ত অসহায়ের মত কেঁদেছি, রাগ করেছি, অভিমান করেছি, কিন্তু খাটি বাহুবল মত দাঁড়িয়ে উঠে আত্মনির্ভরশীল হয়ে গোড়ার রোগের প্রতিকার করবার চেষ্টা কখনও করিনি। বাদের মনে সে সঙ্কল্প উঠেছে, বাদের পাগল বলে' উড়িয়ে দিয়েছি, নম্রত ধর্মের তান করে' তাদের কথা ধামাচাপা দিয়েছি। আজ সমস্ত জাতটা মরবার পথে দাঁড়িয়েছে—পেটে ভাত নেই, কোমরে কাপড় নেই, শরীরে বল নেই, বোধ হয় জোর করে'

কীদবারি পর্যন্ত সামর্থ্য নেই। আজও শুধু কথার গ্যাচকাটাকাটি চলছে; আজও খুঁড় দিয়ে হাতু গেলবার চেষ্টার আছি। মনকে চোখ ঠারার আর আমাদের অন্ত নেই।

যে মন সব কাজের গোড়া, সেই মনই আমাদের যেন অসাড়, নিষ্কর্ষ, পলু হয়ে রয়েছে। বাইরের উদ্ভেজনায় অভাব হলোই আমাদের সব উৎসাহ ছুঁড়িয়ে যায়। পুলিশে যতক্ষণ ধরপাকড় করে, সভাসমিতি ভাঙ্গে, বক্তৃতা বন্ধ করে দেয়, লাঠি বা গুলি চালায়, ততক্ষণ আমাদের রাজনৈতিক আন্দোলনটা চলে ভাল, কেননা আমাদের দেশের কাজের ধারণা ততটা সৃষ্টিমূলক নয়, ততটা প্রতিবাদ-মূলক। আমাদের মারতে মারতে স্বরাজ পর্যন্ত পৌঁছে দেবার ভার আমরা যেন ইংরেজের হাতে ভুলে দিয়ে নিশ্চিত হয়েছি। যদি পুলিশের অত্যাচার বন্ধ হয়ে যায়, তা'হলে বোধ হয় আমাদের রাজনীতি-চর্চার ব্যবসারটাই মারা পড়ে।

কেন এমন হয়? হয় এইজন্তে যে, আমাদের ভিতর অন্তরের স্বাধীনতা এখনও জাগেনি। পরাধীনতার যন্ত্রণা যখন অসহ্য হয়, তখন আমরা খুব খানিকটা চীৎকার করি; আবার পরক্ষণেই সব কথা ভুলে যাই। আর দুর্বলের মত আত্ম-প্রবঞ্চনা করে নিজেদের মনকে প্রবোধ দিই যে, এই বিশ্বস্তির নামই ক্ষমা, আর এই দুর্বলতার নামই অহিংসা। দেশের আত্মা যদি আমাদের মধ্যে আত্মপ্রকাশ করতো, তা'হলে তাকে বাইরে একটা রূপ দেবার জন্তে আমরা ব্যগ্র হয়ে উঠতাম; কিন্তু সে রূপ আমাদের নিজেদের মনেও এখনও ফোটেনি। আমরা দেশসেবার 'নেতি নেতি'র দিকটাই দেখেছি, 'ইতি'র দিকটার সন্ধান এখনও পাইনি। স্বাধীন দেশকে কি রূপ দিতে হবে, তা আমাদের নেতারা এখনও জানেন না। তাই আমাদের স্বাধীনতার চেষ্টার মধ্যে আনন্দের বেগ নেই। আছে শুধু ফাঁকা আওয়াজ আর ব্যর্থ রোদন।

এই অভাবাত্মক স্বদেশ-প্রেম দিয়ে কোনো কাজ হবে না। চাই, স্বাধীন ভারতের একটা ভাবাত্মক রূপ, আর তাকে বাইরে মূর্ত্ত করে তোলবার আগ্রহ। কি চাই, তার একটা স্পষ্ট ধারণা যতদিন না হবে, ততদিন কংগ্রেসই বলা, আর কাউন্সিলই বলা, সব শুধু কবির লড়ায়ের আড্ডা হয়ে থাকবে।

স্বদেশী স্বরাজ

তোমরা হয়ত আবার জিজ্ঞাসা করবে—“ও আবার কি? সহোদর খুড়োর মত একটা কিছুতকিমাকার ব্যাপার বলে মনে হচ্ছে যে। স্বরাজ আবার বিদেশী হয় নাকি?” আমি বলি—“হয়, দাদা হয়।” আর শুধু ‘হয়’ নয়; ডিউক অব কনট থেকে আরম্ভ করে বড় বড় বাবু-ভায়ারা পর্যন্ত ষাঁরা মনগড়া স্বরাজের নমুনা বাৎলেছেন, তাঁহাদের সব নমুনাকলোর মধ্যে আমি একটা বোটকা বিদেশী গন্ধ পেয়েছি। তোমরা যদি না পেয়ে থাক, ত আমি বলবো যে, তোমাদের নাকের জাত গেছে।

খাটি সত্যি কথা হচ্ছে এই, দেড়শ বছর ধরে বিদেশী ধূলো-কাদা আমাদের মনের উপর এত জমা হয়েছে যে, আমাদের নিজেদের সত্যিকার রূপটা আমরা এক রকম ভুলেই গেছি। কাজে কাজেই স্বরাজের নাম করে বত মাল আমদানী করচি, তা একটু নাড়লে চাড়লেই Made in Europe-চাপটা বেশ স্পষ্ট দেখা যাচ্ছে। শুনতে পাই, স্বাধীনতা ধরবার একটা নাকি কল আছে, যার নাম ডেমক্রাশী, আর সেই কলের মধ্যে কোনো দেশের লোকগুলোকে ফেলতে পারলেই সেই দেশটা রাতারাতি স্বাধীন হয়ে উঠবে। সেই ডেমক্রাশীর বোড়শোপচারে পুজো দেবার জন্তে চাই একটা পার্লামেন্ট, আর যদি recall আর referendum এর ব্যবস্থা করতে পার, ত একেবারে সোনার সোহাগা। আজন্মকাল রাশি রাশি রাজনীতির পুঁথি ঘেঁটে বাবুভায়ারা এই জ্ঞানটুকু সঞ্চয় করে আমাদের উপহার দিচ্ছেন।

অথচ ফরাসী-বিপ্লব থেকে আরম্ভ করে আজ পর্যন্ত যদি কোনো জিনিষের ব্যর্থতা প্রমাণ হয়ে থাকে ত এই ফাঁদ পেতে স্বাধীনতা ধরবার চেষ্টার। সেকালে বিজ্ঞানস্বল্পের মালিনী মাসী বলেছিল, “আকাশে পাতিয়া ফাঁদ, ধরে দিতে পারি চাঁদ।” মালিনী মাসীর অনেক রকম বিস্তার মধ্যে হয়ত চাঁদধরা বিডেটাও ছিল; কিন্তু ফাঁদ পেতে স্বাধীনতা ধরতে বললে মালিনী মাসীকেও হার মানতে হতো।

দেখনা একবার তামাসা। ইউরোপের বড় বড় পণ্ডিতেরা মাথা ঘামিয়ে ঠিক করলেন যে, সবাইকে যদি ভোট দেবার ক্ষমতা দেওয়া যায়, তা'হলে সবাই সমান হয়ে যাবে। Vox populi, Vox dei প্রভৃতি গালভরা কথাগুলো বড় বড়

হরণে ছেপে লোকের চোখের সামনে জল জল করতে লাগল। কিন্তু পোড়া দুঃখ ঘুচল না। দেখা গেল যে, সবাইকার ভোট দেওয়া সম্বন্ধে জনকত ওস্তাদ অপরের মাথায় চাঁটি মেরে বেশ দুপয়সা শুছিয়ে নিয়েছে, আর চাঁকার জোরে বা খুসি তাই করে' বেড়াচ্ছে। বাদের চাঁকা আছে তারাই স্বাধীন, আর বাকি সবাই তাদের গোলাম। পার্লামেন্ট ফার্মায়েন্ট বা কিছু বল, সব ঐ চাঁকার খিলির ভেতর। তখন আবার হৈ হৈ পড়ে' গেল। চাঁকার বাতে সমান সমান ভাগ-বাঁটরা হয় তার ব্যবস্থা কর। এই চেষ্টার ফলে জন্মেছে সমাজতন্ত্র (Socialism)। কিন্তু সমাজতন্ত্র যেখানে প্রবল, সেখানে আইন-কানূনের চাপে ব্যক্তিগত স্বাধীনতাটা একেবারে মারা যাবার দাখিল হয়েছে। স্বাধীনতা বাঁচাতে গেলে সাম্য থাকে না, আর সাম্য বাঁচাতে গেলে স্বাধীনতা মারা যায়। এই এখন ইউরোপের সমস্যা। কৃষিকার কল্যাণের বলাচ্ছে, সবাইকে গান্ধে-গতরে সমান খাটাবো, আর সমান ভাবে খেতে-পরতে দাও, তা'হলেই সব সমান হয়ে যাবে। মানুষ যদি খাবার আর খাটবার একটা স্বত্ব হতো, তা'হলে এ ব্যবস্থা চলতে পারতো, কিন্তু পেট আর হাত-পা ছাড়া মানুষ তো আরও কিছু? সেটুকুর ব্যবস্থা কি হবে?

এই সব গতিক-গাতাক দেখে একদল বলছে—সব শাসন-মাসন ভেঙ্গে ফেলে দাও। আইন-কানুন পুড়িয়ে দিয়ে মানুষকে অবাধে ছেড়ে দাও—দেখ যদি তা'হলে কিছু হয়।

এই তো ইউরোপের অবস্থা। মোট কথা, মানুষ যে কি জিনিষ, তা তারা জানে না; তাই সেখানে বজ্র আঁটন আর ফস্কা গেরো। স্বাধীনতার নাম দিয়ে যদি এই সব শাসনপ্রণালী আমাদের দেশে আমদানি কর, তা'হলে জাতও যাবে, পেটও ভরবে না।

তাই আমরা চাই, একেবারে খাঁটি স্বদেশী স্বরাজ—মানুষকে আইনের বাঁধনে বা শাসনের পেষণে এক করা নয়। সবাই যে এক আত্মার বিকাশ, এই সত্যটি অন্তরে অন্তরে অনুভব করে' সেটাকে বাইরে ফুটিয়ে তোলা। রাজনীতি, সমাজনীতি, অর্থনীতি—সব নীতিই হবে আত্মনীতি, আমার নিজেকে মানুষের জীবনে প্রকাশ করবার ভঙ্গী। তার গোড়ার কথা সাম্যও নয়, অহঙ্কারের স্বাধীনতাও নয়—গোড়ার কথা হচ্ছে আত্মার একত্ব।

সে একত্বকে পেতে গেলে বাইরের শত প্রলোভন ছেড়ে অন্তরের দিকে মূখ্য ফেরাতে হবে, Compromise (রফা)-এর কথা তুলে যেতে হবে, কোন্ লাট সাহেব কি 'দিল্লীকা লাড্ডু' নিয়ে আসছে, তার আলোচনা ছাড়তে হবে।

নিজেকে যদি পাও, ত নিজের শক্তিতে সব গড়ে' উঠবে। বাইরের বাঁধন খুলে' ফেলবার শক্তি তারন্তের অন্তরেই আছে। চাই সাধনা, চাই শ্রদ্ধা, চাই আপন-তোলা পণ।

• স্বরাজ সৃষ্টি

এদেশে স্বরাজের রূপটি ঠিক কি হবে বা হওয়া উচিত, তার নিখুঁত বিবরণ এখন থেকে দিয়ে দিতে পারেন, এত বড় দূরদর্শী কেউ আছেন বলে' আমাদের মনে হয় না। ইংলণ্ড, ফ্রান্স, আমেরিকা, কৃষিরা, জাপান—রাষ্ট্র হিসাবে এরা সবাই স্বাধীন। কিন্তু নিজের নিজের প্রকৃতি অনুসারে প্রত্যেক দেশেই রাষ্ট্র ভিন্ন ভিন্ন রূপ নিয়ে গড়ে' উঠেছে। রাষ্ট্র আর কিছুই নয়—বাঁরা রাষ্ট্র গড়েছেন, তাঁদের সমবেত ইচ্ছাশক্তি প্রকাশের একটা স্বত্ব মাত্র। কাজে কাজেই রাষ্ট্র বাঁরা গড়েন, তাঁদের প্রকৃতি যেমন, রাষ্ট্রের প্রকৃতিও তেমন।

শাসনস্বত্ব গঠন বা পরিচালনের অধিকার যে সমস্ত দেশে অল্প সংখ্যক লোকের হাতে জন্ম, সে সব দেশ বিদেশীর অধীনে যদি না-ও হয়, তবু প্রকৃতপক্ষে স্বাধীন নয়। সব রকম পরবশতাই দুঃখের কারণ; দেশের লোকের হাতে যদি স্বত্বোত্তো খেতে হয়, ত সে স্বত্বোত্তো যে বিদেশীর স্বত্বোত্তোর চেয়ে মিষ্টি হবে, তা মনে করবার কোনো কারণ নেই। ইউরোপ বা আমেরিকার সেইজন্য দেশের সমস্ত লোকের উপর শাসনস্বত্ব গঠন ও পরিচালনের অধিকার দেবার চেষ্টা অনেকদিন থেকেই চলছে।

আমাদের দেশে স্বরাজের রূপ নির্ণয় করবার পূর্বে এই কথাটা স্থির করা দরকার, কাদের মুখ স্বাচ্ছন্দ্যের ব্যবস্থা করবার জন্তে আমরা স্বরাজ চাই। দেশের সর্ব সাধারণের মুখ স্বাচ্ছন্দ্য যদি আমাদের উদ্দেশ্য হয়, তা'হলে জনকতক শিক্ষিত বা উচ্চ বর্ণের লোকের উপর শাসনতার অর্পণ করে' আমাদের নিশ্চিন্ত হওয়া চলবে না;

কেননা, অতীত অভিজ্ঞতার ফলে এইটুকু আমরা বেশ বুঝতে পেরেছি যে, দরিদ্রের বা অশিক্ষিতের মাধ্যম কাঁটাল ভেঙ্গে খেতে শিক্ষিত বা অভিজাত সম্রাটের কোনো দেশেই সম্ভাব্য করেনি। হিন্দু আমলে যখন রাজশক্তি ছিল ক্ষত্রিয়দের হাতে, তখন দেশের স্বাধীনতার জন্য শূদ্রদের গৌরব করার বিষয় কোনো কারণ ছিল বলে মনে হয় না। আজও মধ্যভারতের যেসব জায়গায় ক্ষত্রিয় রাজা ভাঙ্গা সিংহাসনে বসে রাজ্য শাসনের ভাণ করে থাকেন, সেইসব জায়গায় রাজার কোনো স্বজাতির রাক্ষস দিয়ে চলাচলেব সময় নিয়ন্ত্রণের লোককে রাক্ষস ছেড়ে একপাশে গিয়ে দাঁড়াতে হয়। দেশ স্বরাজ পাবার পর যদি শাসনের অধিকার ঐ সব উচ্চবর্ণ বা বনৌলোকের হাতে গিয়ে পড়ে ত' দরিদ্র বা নিম্নবর্ণের লোকের সে রকম স্বরাজ্যলাভের ফলে সুখ-সাম্রাজ্যের মাত্রা যে খুব বেশী বাড়বে, তা মনে হয় না।

এতদিন পর্যন্ত স্বরাজ্যলাভের চেষ্টা উচ্চশ্রেণীর মধ্যে আবদ্ধ ছিল। কিন্তু বহু বর্ষ চেষ্টার ফলে তাঁদের এইটুকু জ্ঞান আজ হয়েছে যে, দেশের মধ্যে যারা সংখ্যায় শতকরা আশী জন, তাদের হেঁটে ফেলে কোনো প্রচেষ্টারই সফল হবার সম্ভাবনা নেই। তাই তাদের সাহায্য লাভ করার চেষ্টা অল্পবিস্তর আরম্ভ হয়েছে। কিন্তু আমাদের এই সহায়ভূতি যদি কার্যোদ্ধারের উদ্দেশ্যেই জন্মে থাকে, এর মূল যদি গভীর সমবেদনা না থাকে, তাহলে আমাদের দেশের স্বরাজ্য স্মৃষ্টি আংশিক হয়েই থাকবে, আর আমাদের হাতের অস্ত্র একদিন ঘূবে এসে আমাদের মাথায় পড়াও বিচিত্র নয়।

কংগ্রেসে স্বরাজের আদর্শ আর স্বরাজ্য লাভের প্রণালী নিয়ে অনেক গবেষণা হয়েছে; কিন্তু আমাদের মনে হয় যে, ইংরাজের সঙ্গে আমাদের সম্বন্ধ কতটুকু থাকে উচিত বা উচিত নয়, অহিংসামত্রে কার্যোদ্ধার হবে, না অহিংস-নীতি ভবিষ্যতে কখনও ত্যাগ করতে হবে—এসব প্রশ্ন বীমাংসা করার আগে আমাদের বীমাংসা করতে হবে যে, সমগ্র দেশকে আমরা কতটুকু আপনাদের আশ্রয়ের মধ্যে আনতে পেরেছি, দেশের জনসাধারণের মধ্যে আত্মসম্মানবোধ আর স্বাধীনতাস্পৃহা কতটুকু জাগিয়ে তুলতে পেরেছি। স্বরাজ যে স্মৃষ্টি তোমার আমার বা জনকতক ভ্রাতৃলোকের সুবিধার জন্য নয়, তারতের প্রত্যেক

নরনারীর পূর্ণ মনুষ্যত্ব বিকাশের পক্ষে যে তা একান্ত প্রয়োজনীয়, একথা যদি আমরা নিজেদের বর্তমান আচরণ দিয়ে বুঝতে দিতে না পারি, তাহলে স্বরাজ ফাঁকা কথাতেই পর্যাবসিত হবে।

আজ ষাঁরা অস্ত্রায় আইনের প্রতিবাদ করে' কারাবন্দী বরণ করে' নিচ্ছেন, তাঁরা আমাদের অমুকরণীয় নমুনা, তাঁদের স্বার্থত্যাগ আমাদের অমুকরণীয়—কিন্তু ষাঁরা স্মৃষ্টি জেলে গিয়েই তৃপ্ত নন, তাঁদের আমরা মনে করিয়ে দিতে চাই যে, ইংরেজের আইন-কানুনই আমাদের পরাধীনতার মূল কারণ নয়। সেই মূল কারণ যদি অন্বেষণ করতে বাই, ত কোটি কোটি জন-সাধারণ, যারা অগাধ, অজ্ঞ, দুর্বল, দরিদ্র, দাম্ভিকবোধহীন হয়ে পড়ে আছে, এ দেশকে স্বদেশ বলে' বোঝবার অবসর যারা কখনো পায়নি, তাদের মধ্যেই অমুকৃষ্টি করতে হবে। সেইসব অগাধ প্রাণে আশার সঞ্চার করতে হবে, দুর্বল বাহুতে বলের সঞ্চার করতে হবে, সংঘবদ্ধ হয়ে কাজ করে' তাদের মনে আত্মশক্তিতে বিশ্বাস জন্মে দিতে হবে। সেই লুপ্ত চৈতন্য যদি উদ্ধার করতে পার, তাহলে তার অবশ্যস্বাবী ফল স্বরূপ স্বরাজ আপনা আপনিই গড়ে উঠবে; স্বরাজের রূপ নিয়ে নেতৃবৃন্দের অথবা মাথা ঘামাতে হবে না।

আজ বার বার আমরা এই কথা স্মরণ করিয়ে দিতে চাই যে, বিনা বাধ্যবৃত্তি হকুম তামিল করতে শিক্ষা করা বা নিজেদের দাম্ভিকবোধ নেতা-বিশেষের হাতে তুলে' দিয়ে যন্ত্রবৎ পরিচালিত হওয়া—এই লুপ্ত চৈতন্য উদ্ধারের প্রকৃষ্ট পন্থা নয়। প্রত্যেক ব্যক্তি যদি স্বাধীনভাবে চিন্তা করতে না শেখে, বা বোল আনা দাম্ভিক বৃত্তি কাজ করতে অগ্রসর না হয়, ত সমগ্র জাতির মধ্যে স্বাধীনতার আকাজক্ষা কখনো জাগবে না; জাতির শক্তি কখনো সংহত হয়ে উঠবে না, আর স্বরাজের নামে বা গড়ে উঠবে, তা স্মৃষ্টি স্বরাজের ভ্যাংচানি মাত্র।

বাংলার ছেলেরদের কাছে আজ আমাদের তাই এই অমুকৃষ্টি—আদেশের প্রত্যাশায় হাঁ করে' বসে' থেকো না। স্বাধীনতা বা নিদার ভাড়নায় নিজেদের বৈশিষ্ট্য হারিও না। বাংলার বা প্রাণের কথা তা যেন অপরের কথার প্রতিধ্বনি মাত্র না হয়। বাংলাকে সমুদ্রের জলে তাসিয়ে দেবার কল্পনা করে' ষাঁরা স্মৃষ্টি পান, তাঁরা স্মৃষ্টি সে-সম্পদ দেখতে থাকুন। কিন্তু তোমরা, বাংলার মাটিতে বাসের জন্য, বাংলার

অগ্নে বারা পুই, বাংলার রাজরাজেশ্বরী-মূর্তি যাদের
নিশার স্বপ্ন আর দিবসের ধ্যান—তোমরা বাংলার
গ্রামে গ্রামে, নগরে নগরে ছুটে গিয়ে বাংলার
মাটিকে বুক দিয়ে আঁকড়ে ধর; তোমাদের প্রাণে
যে বিদ্যুৎশক্তি জ্বলছে, তা বাংলার প্রত্যেক
নরনারীর শিরায় শিরায় সঞ্চারিত করে' দাও।
তোমাদের কেন্দ্র করে' বাংলার আশা, আকাঙ্ক্ষা,
সাহস, স্নেহ, দুঃখ, বীৰ্য্য, সমস্তই মূৰ্ত্ত হয়ে উঠুক।
নামের কাঙাল তোমরা নও, বশের কাঙাল তোমরা
নও—তোমরা তোমাদের সৰ্ব্বস্ব বাংলার মাটির সঙ্গে
মিশিয়ে দিয়ে স্বরাজ-প্রগতিবী মুক্তাঙ্গরী শক্তির
উদ্বোধন কর। তোমাদের অন্তরের সৃষ্টির আনন্দ,
বাহিরে স্বরাজের শতদল হয়ে ফুটে উঠুক।

গৌজামিল

দেশস্বত্ব লোক স্বাধীনতা চায়, তবু দেশ স্বাধীন
হয় না, এও কি আবার একটা কথা? আমাদের
সব কাজ যে অর্ধেক রাস্তায় ভেঙ্গে পড়ে, তার মূল
কারণ হচ্ছে এই যে; আমাদের মন আর মুখ এক
নয়; নিজেদের সঙ্গে আমাদের একটা পাকাপাকি
বোঝাপড়া হয়নি; আমরা ভাজি বিঙে আর বলি
পটোল। আমাদের মনগুলো একেবারে স্বদেশী
ফণ্ডের মতো—কোথাও তার হিসাব নিকাশ নেই,
সবটাই জোড়াতাড়ি আর গৌজামিল।

যে দিকে দেখ, সেই দিকেই ফাঁকিবাঁজী। আমরা
বাইরে শ্রমিকসম্মত গড়ে' বেড়াই কিন্তু বাড়ীর উড়ে'
মালীটা ভাত খাচ্ছে কি শুকিয়ে মরছে, তার খোঁজ
রাখিনে। স্বাধীনতার বক্তৃতা দেবার সময়
আমাদের মুখে খেঁ ফোটে, অথচ ঘরে আমাদের
মেয়েগুলি একেবারে জুজুবুড়ি। আমরা বাইরে
কলেজী-বিদ্যার বাপাস্ত করে' এসে, ঘরে দোর
দিয়ে টেক্সট বুকের নোট লিখতে বসি। আমরা
গোলদীঘিতে স্বাধীন জীবিকা অর্জনের লেকচার
দিয়ে এসে, ছেলেটির ডেপুটিগিরির দরখাস্ত নিয়ে
লাট সাহেবের সেক্রেটারীর সঙ্গে দেখা করতে ছুটি।
আমরা জেলাবোর্ড আর মিউনিসিপ্যালিটি বরকট
করার উপদেশ দিয়ে এসে, তাইসচেনারম্যান হবার
লোভে মন্ত্রী বাহাদুরের দরজায় গিয়ে ধরপা দিই।
আমরা কল-কারখানার যোরডার বিরোধী, তবু
মিলের ডিরেক্টর হতে পারলে ছাড়িনে। আমরা
দেশের অস্ত্র কাঁচা মাথা পণ করে' বসি, কিন্তু পুলিশে

ধরলেই আমাদের কাঁচা মাথায় পাকা বুদ্ধি গজিয়ে
ওঠে। আমরা খবরের কাগজে খবর প্রচার করি;
কিন্তু আমাদের ত্রীঅঙ্গে মিথি মূর্তি ছাড়া ওঠে না।
আমরা চরকা কিনি, কিন্তু কাটিনে। আমরা
গালিলী আদালতের পাণ্ডা, কিন্তু ইংরেজের
আদালতে এটর্নিগিরি করবার লোভ ছাড়তে
পারিনে।

কেন এমন হয়? এইজন্তে যে, আমাদের
বাইরে খবর থাকলেও আমাদের মনগুলি একেবারে
রেলির উনপঞ্চান্নি দিয়ে মোড়া। আমরা নিজেদের
যে কতখানি ঠিকাকি, তা ধরতে চাইও না, ধরতে
পারিও না। আর কেউ যদি চোখে আঙ্গুল দিয়ে
দেখিয়ে দিতে আসে, ত আত্মাশ্রিততার দোহাই
দিয়ে আমরা চোখে কাপড় বেঁধে ধ্যানস্থ হয়ে
পড়ি।

কিন্তু এতো ধ্যান নয়, এ যে আকিমখোরের
ঝিমুনি। এ স্নুধু বচনের জোরে কাজ হাসিল
করবার চেষ্টা; মাঝিকে ফাঁকি দিয়ে ফুটো নৌকায়
চড়ে' নদী পার হবার আয়োজন। এ জ্বাকামি
আর ভণ্ডামি স্নুধু সেইদিনই সারবে, যেদিন
স্বাধীনতার তীব্র আকাঙ্ক্ষা আঙুলের মত দাঁউ
দাঁউ করে' আমাদের মনে জ্বলে উঠবে। কিন্তু
আজও তা হয়নি, আজও আমাদের থিয়েটারি
চঙ সারেনি, আজও আমরা লোকের কাছে
স্বদেশ-প্রেমিক সেজে হাততালি নিতে বতটা ব্যস্ত,
নিজের কাছে খাটি হতে ততটা ব্যস্ত নই।

অস্ত্রাশ্রয় বার জ্বলে উঠে নিজের স্বাধীনতা
ঘোষণা করে' দিয়েছে, সে কি আর পয়ের মুখ চেয়ে
গোলে হরিবোল দিয়ে দিন কাটাতে পারে? নিজের
ভিতর যে স্বাধীনতার আত্মদ পেরেছে, সে
কি আর এই অস্ত্রবন্ধনের মাঝখানে নিশ্চিন্ত হয়ে
ঘুমতে পারে? বাইরের বন্ধন সে ছিড়ে ফেলবেই
ফেলবে; আর বতদিন তা না পারে, ততদিন তার
মুখের ভাত ভিজ্ঞ হয়ে উঠবে, তিন হাত পুরু
গদীতে তার শয্যাকটকী ধরবে, আরাম তার
অঙ্গে বিষ ছড়িয়ে দেবে। ক্রমের ভেজ তার চোখে
ফুটে উঠবে, তর তাকে দেখে ভয় পাবে, সব বিশ্বাস
তার পায়ের তলায় লুটিয়ে পড়বে।

দেশের বড় বড় হোমরা-চোমরা রাজনৈতিক
পাণ্ডারা যে গান্ধী মহারাজের কাছে কঁচোর মত
হয়ে গেল, তার মূল কারণটি ঐখানে। তাঁর
কার্য-প্রণালী সকল হবে কি নিষ্ফল হবে, এ
ভাবনাটা লোকের কাছে বড় বলে' মনে হয়নি।

লোকে শুধু হাড়ে হাড়ে এই কথাটা বুঝেছে যে, দেশের ব্যাধি এঁর প্রাণে যেমন তীব্রভাবে বেজেছে, এমন আর কারও প্রাণে বাজেনি; স্বাধীন হবার আকাঙ্ক্ষা এঁর মনে যেমন করে' জেগেছে, এমন আর কোথাও জাগেনি। আমাদের দেশের পণ্ডিতসমাজ গান্ধী মহারাজের কার্য-প্রণালীর শত শত ক্রটি দেখাতে চেষ্টা করেছেন। কিন্তু সে-সব কথা ভাল করে' লোকের কানে পৌঁছায়নি। পণ্ডিতেরা চটে' গিয়ে ঠিক করেছেন যে, দেশমুক্ত লোক বোকা। কিন্তু দশহাজার নির্জীব পণ্ডিতের চেয়ে একজন সজীব মানুষ যে চেয়ে বেশী শক্তিমান, এ কথা ইতিহাসে অনেকবার প্রমাণ হয়ে গেছে।

আমাদের চাই সেই সজীবতা, সেই স্বাধীনতার তীব্র অঙ্গভূতি। সেইটুকুর অভাবেই আমরা গরুর গাড়ীর গরুর মতো চোখ বুজে জাবর কাটতে কাটতে ইয়াকচ-প্যাকচ করে' চিমে তেতালার চলেছি। যে তীব্র আকাঙ্ক্ষার জ্বরে পাছাড় ধ্বসে যায়, সাগর শুকিয়ে যায়, আকাশ ভেঙ্গে পড়ে, অসম্ভব সম্ভব হয়—সে তীব্র আকাঙ্ক্ষা আমাদের নেই।

রাস্তায় ছেলেদের দিকে চেয়ে দেখ, কেউ সজীব মানুষের মত সোজা হয়ে বুক ফুলিয়ে চলে না। কারও চোখে দীপ্তি নেই, শরীরে বল নেই, মনে উৎসাহ নেই, প্রাণে বিশ্বাস নেই। স্বাধীন মানুষের রক্ত তাদের শরীরে নেই। তারা কথা কয় ফিস্‌ফিস্‌ করে', চলে স্নড়, স্নড় করে', আর মরে প্রেগের ইঁদুরের মতো। মা ধরিত্রীর সঙ্গে তাদের নাড়ীর টান যেন একেবারে ছিঁড়ে গেছে।

কিন্তু তা'হলে ত চলবে না। স্বাধীন দেশ গড়ে' তুলতে গেলে তার গোড়ায় চাই স্বাধীনতার একটা তীব্র অঙ্গভূতি, যা সমস্ত মিথ্যার রঙীন খোলস ছাড়িয়ে চোখের সামনে তার নগ্ন বীভৎসতা ধরিয়ে দেবে; কোনো রকম গোঁজামিল দিতে গেলেই যা ভিতর থেকে প্রতিবাদ করবে, যা গোলাঘের সুখশয্যা কণ্টকময় করে' তুলবে, যা কথার বার্তায়, চলনে ভঙ্গীতে, বিশ্রামে কর্ণে নিজেকে মূর্ত্ত করে' ধরবে। সেই স্বাধীনতার অঙ্গভূতি যখন আসবে, তখন কর্ণপন্থার জন্ত বেশী মাথা ঘামাতে হবে না। কর্ণপন্থায় মানুষ গড়ে না, মানুষে কর্ণপন্থা গড়ে।

একতার মূল

আজকাল 'একতা'র নাম করে' যে-জিনিষটাকে প্রচার করা হচ্ছে, সেটাকে ঠাট্টা করতে গিয়ে মহা মুন্ডিলে পড়েছি। বন্ধু-বান্ধবেরা চারদিক থেকে একেবারে 'গেল গেল' রবে চীৎকার করে' উঠেছেন। কেউ বলছেন—অসহযোগ আন্দোলনটা আমি মোটেই কিছু বুঝিনি; অপরে বলছেন যে, যদিও বা বুঝে' থাকি, তবুও যে-জিনিষটাকে সবাই ভক্তি-শ্রদ্ধা করছে, সেটাকে নিয়ে ঠাট্টা করা ভাল হয়নি। তাতে নাকি কাজের ব্যাঘাত হবে। ছেলেবেলায় যখন রক্তালোর কবিতা পড়েছিলুম,—

‘একতায় হিন্দু রাজগণ,

সুখেতে ছিলেন সর্বজন,

সে ভাব থাকিত যদি,

পার হয়ে সিন্ধুনদী,

আসিত কি পারিত যবন?

—ইত্যাদি

সেই সময় থেকেই আমার মনে এই প্রশ্ন উঠতো যে, কোন হিন্দু রাজারই সৈন্তসংখ্যা কি পাঠান বা মোগলদের সৈন্তসংখ্যার চেয়ে বেশী ছিল না? ১০০৮ খ্রীষ্টাব্দে যখন মুলতান মামুদের সঙ্গে জয়পালের ছেলে অনঙ্গপালের যুদ্ধ হয়, তখন ত উত্তর ভারতের সব রাজাই অনেক সৈন্ত-সামন্ত নিয়ে অনঙ্গপালের সাহায্য করেছিলেন। একতার কোনো অভাব হয়নি; হিন্দুদের সৈন্তসংখ্যা মুসলমানদের চেয়ে বেশী ছিল, তবু হিন্দুরা হেরে গেল কেন? রাজপুতেরা তখন একজোট হয়ে প্রাণপণে লড়েছিল। তারা যুদ্ধক্ষেত্রে ছেড়ে কেউ প্রাণের ভয়ে পালায়নি। কিন্তু তাদের একতা সত্ত্বেও দেশের স্বাধীনতা রক্ষা হয়নি।

তারপর ইউরোপের দিকে চেয়ে দেখ। ইউরোপ তখন ঠিক ভারতবর্ষেরই মত ছোট ছোট রাজ্যে বিভক্ত ছিল। সুবিধা পেলেই তারা পরস্পরের সঙ্গে লাঠালাঠি করতো। ভারতবর্ষের চেয়ে বেশী একতা তাদের ছিল না। কিন্তু একদিকে স্পেন, আর একদিকে ভিরেয়া পর্যন্ত গিয়েই তুর্ক সৈন্তকে থেমে যেতে হয়েছিল। কেন?—একতার অভাব ত ইউরোপে যথেষ্টই ছিল; তবু ইউরোপ পরাধীন হলো না কেন?

এই 'কেন'র উত্তর যে কি, সে সম্বন্ধে নিশ্চিত হয়ে ভাববার অনেক অবসর এ জীবনে পেরেছি। আমার মনে হয় যে, আমাদের জাতটার প্রাণশি

অভাব হয়েছে, অন্তরের আনন্দ আমাদের শুকিয়ে গেছে; রকম-বেরকম বিধি-নিষেধের চাপে এই শস্ত-গ্রামজা বনুন্ধরার সঙ্গে নাড়ীর যোগ আমাদের ছিড়ে যাবার যোগাড় হয়েছে। মোগল, পাঠান বা ইংরেজের কাছে গোটাকতক লড়ায়ে হেরে গিয়েছি বলেই যে আমরা পরাধীন, তা নয়—আমাদের অন্তরের পরাধীনতাই মোগল, পাঠান, ইংরেজকে ডেকে এনে আমাদের ঘাড়ের উপর বসিয়ে দিয়েছে। পলাসীর যুদ্ধের ফলে ইংরেজ বাংলার মসনদে উঠে বসেনি। আমাদের মনগুলো নিষেধ হয়ে গিয়েছিল বলেই, রাজা কৃষ্ণচন্দ্র প্রভৃতি দেশের সেকালের রাজনৈতিক পাণ্ডারা ‘একতাবদ্ধ’ হয়ে ক্লাইবের সঙ্গে যোগ দিয়েছিলেন।

মুখ কুচকাওয়াজ বা ডিলের জোরে এ পরাধীনতা সারবে না। রোগের মূল যেখানে, সেইখানে আমাদের ওষুধ লাগাতে হবে। ঝাঁরা কর্মী তাঁরা বাইরের কাজের মধ্যে একতা আনবার জন্তে স্বভাবতই ব্যস্ত। কিন্তু সে একতাকে স্থায়ী করতে গেলে এ জাতের মনের গোড়ায় কাজের গোড়াপত্তন করতে হবে; এ জাত যেখানে সত্য সত্যই এক, সেইখানে কাজের বনিয়াদ রাখতে হবে।

আমাদের পুঁথিতে বলে যে, শক্তির তিন রূপ—ইচ্ছা, জ্ঞান, আর ক্রিয়া। কোনো কাজ করতে গেলে একটা অভাব বোধ আর সেই অভাব ঘোচাবার তীব্র ইচ্ছা থাকা চাই। তারপর কি করে’ সে-কাজটা করতে হবে, সে-সম্বন্ধে একটা স্পষ্ট জ্ঞান থাকা চাই। এই ইচ্ছা আর জ্ঞানের মধ্যে যদি কোনো রকম গোঁজামিল থাকে, তা’হলে বাইরের কাজের মধ্যে সে গোলমাল ফুটে বার হবে। একটা যা তা কাজ অবলম্বন করে’ একতা গড়া চলে না।

১২০৭ খৃষ্টাব্দে যখন সুরাট কংগ্রেস ভেঙ্গে যায়, তখন এদেশের মডারেটরা ‘একতা চাই, একতা চাই’ বলে’ চীৎকার করে’ উঠেছিলেন। ১২০৮ খৃষ্টাব্দের Bengalee কাগজখানা পড়ে’ দেখা, একতার গুণ-কীৰ্ত্তনে একেবারে ভরা। কিন্তু তখন যদি দেশের লোক একতার খাতিরে মডারেটদের কথায় সায় দিয়ে যেত, তা’হলে কি দেশের বিশেষ কিছু লাভ হতো? মডারেটদের স্বাধীনতা পাবার ইচ্ছাও ছিল না, আর কি করে’ সে স্বাধীনতা পেতে হয়, সে সম্বন্ধে জ্ঞানও ছিল না। সুতরাং একতার খাতিরেও দেশ যে তাদের কাছে সায় দিতে

পারেনি, তাতে দেশের লোকের লাভ বই লোকসান হয়নি।

আজ ‘অহিংস অসহযোগ’ আন্দোলনও দেশের কাছ থেকে একতার দাবী করছে। এ আন্দোলনের আদর্শ কি?—ইংরেজ সাম্রাজ্যের মধ্যে বা তার বাইরে স্বরাজ পাওয়া। আমার বিশ্বাস, আদর্শের মধ্যে যেখানে অনিশ্চয়তা থেকে যায়, কর্তৃপ্রণালীর মধ্যেও তা ফুটে বেরিয়ে পড়ে। ইংরেজ সাম্রাজ্যের মধ্যে থেকে স্বরাজ পাওয়ার মানে যে কি, তা আমি বুঝিনে। আমার মনে হয়, ও একটা অর্থহীন, অসম্ভব ব্যাপার। আমি দেশের সম্পূর্ণ স্বাধীনতা চাই। তার মধ্যে কোনো গোঁজামিলের জায়গা রাখতে চাইনে। আর কি করে’ যে সেই স্বরাজ পেতে হবে, সে-সম্বন্ধেও আমি ষোল আনা গুঁদের কথা মানিনে। যেখানে কাম্যবস্ত্র লাভের ইচ্ছা, আর কি করে’ লাভ করতে হবে, সে সম্বন্ধে জ্ঞান—এই দুই বিষয়েই মিল নেই, সেখানে বাইরের কাজে মিল কোথা হতে আসবে?

ঝাঁরা মনে করেন যে, একসঙ্গে কাজ করতে করতেই একতা আসবে, আর সেই বাইরের মিলন থেকে ভিতরের মিলন শেষে গড়ে’ উঠবে, আমি তাঁদের আর কিছুদিন অপেক্ষা করতে বলি। যেখানে মিলনের মূল সত্য নেই, সেখানে উৎসাহ ফিকে হয়ে যাবে, কাজে শ্রদ্ধা থাকবে না, বাইরের সাফল্যের জন্য মন লোলুপ হয়ে উঠবে। আর তার অভাবে সব কাজ ভেঙ্গে পড়বে। আমি ভিতর থেকে গড়তে চাই—এমন জিনিষ যা নিজের বেগে নিজের পথ খুঁটি করে’ নেবে; যা ভিতরের, গোড়ার একতাকে বাইরে টেনে মূর্ত করে’ ধরবে।

রাজনৈতিক অধিকার ভেদ

ধর্ম-সাধনায় যেমন অধিকার-ভেদ স্বীকার করি, রাজনীতি-চর্চায় সেই রকম অধিকার-ভেদ স্বীকার করিলে দোষ কি?

ধর্মের ব্যাপারে কোনো হিন্দুই বলে না যে, তার নিজের মত ও পথই একমাত্র সত্য। এক রকম আচার যে সকলকে মানতেই হবে, সে রকম কোনো জবরদস্তি নেই। ধর্মের চরম আদর্শ এক হলেও, যার যেমন প্রকৃতি, যার যেমন জ্ঞান, তার তেমন পথ চলবার অধিকার হিন্দুরা

বরাবরই স্বীকার করে' এসেছে। আমার পথ তুমি ধরছ না বলে' তুমি যে ধর্ম থেকে অষ্ট হবে, একথা হিন্দু কখনও বলেনি। তোমার আমার গন্তব্যস্থান এক হতে পারে, কিন্তু তাই বলে' তোমার আর আমার চলনের ভঙ্গী ঠিক যে একই রকম হতে হবে, এর কোনো মানে নেই।

এই অধিকারভেদটুকু স্বীকার করা হয়েছে বলেই, মতামতের গোড়ামিকে হিন্দু কখনও আমল দেয়নি। সব হিন্দুরই জীবনের আদর্শ হচ্ছে মুক্তি; কিন্তু কে কি পথ ধরে' সেই মুক্তির দিকে চলবে, সে বিচার নিয়ে হিন্দুরা লাঠালাঠি করেনি। যার যেমন প্রকৃতি, যার যেমন সামর্থ্য তার তেমন অধিকার, তার তেমন পথ।

রাজনীতির সাধনায় সেই অধিকারভেদটুকু যেনে নিলে অনেক গোলমাল চুকে যায়। ভারতের আধ্যাত্মিক সাধনায় এই অধিকারভেদ একেবারে গোড়ার কথা। ষাঁরা ভারতবর্ষের রাজনৈতিক সাধনাকে আধ্যাত্মিক সাধনার অঙ্গ করে' তুলতে চান, তাঁদের এই অধিকারভেদ স্বীকার করতেই হবে।

আধ্যাত্মিক সাধনার আদর্শ যেমন মুক্তি, রাজনৈতিক সাধনার আদর্শ তেমন স্বরাজ। যারা সেই স্বরাজের আদর্শ মানে না, তারা ভারতে জন্মালেও ভারত তাদের নিজের দেশ নয়। রাজনৈতিক সাধনার মধ্যে তাদের কথা না ধরলেও চলে। কিন্তু স্বরাজ বাদের আদর্শ, তারা যে সবাই এক রাস্তা ধরে' চলবে, সেটা আশা করাই তুল। প্রকৃতি আর বুদ্ধি অমুসারে লোক ভিন্ন পথ ধরে' চলবেই।

আমাদের মনে হয় যে, এই স্বরাজের আদর্শ স্বীকার করা ছাড়া কংগ্রেসের আর কোনো creed থাকা উচিত নয়; কর্তৃপক্ষ নিয়ে মতভেদ আছে বলে' লোকে যে কংগ্রেসের সভ্য হতে পারবে না, এটা দেশের লোকের উপর অত্যাচার। যে স্বরাজের আদর্শ স্বীকার করে, সেই কংগ্রেসের সভ্য হতে পারবে, এই ব্যবস্থা থাকা উচিত।

কর্তৃপক্ষ নিয়ে মতভেদ চিরদিনই থাকবে— কেননা বুদ্ধিও সকলের এক রকম নয়। এত বড় একটা দেশে সব রকম কর্তৃপ্রণালীরই স্থান আছে। তাই নিয়ে মাথা ফাটাকাটি করে' কোনো লাভ নেই।

সেদিন চট্টগ্রামের প্রাদেশিক বৈঠকে সত্যেন্দ্রী বলেছিলেন যে, হয়ত ভবিষ্যতে আমাদের ব্যবস্থাপক সভায় ঢোকবার দরকার হতে পারে। একজন মস্তবড় নেতা অমনি রায় দিলেন যে, ঐ কথাটি বলার বাজলা দেশের উঁচু মাথা হেঁট হয়ে গেল। কেন বাপু? রাজনৈতিক বুদ্ধিটা কি তোমাদেরই একচেটে সম্পত্তি? না, ষাঁরা কাউন্সিলে যাবার কথা তুলিরাছিলেন, তাঁরা ত্যাগে, চরিত্রবলে, স্বদেশ-প্রেমে তোমাদের চেয়ে কিছু কম? কেউ যদি সত্য সত্যই মনে করেন যে, কাউন্সিলে গিয়ে লড়াই করে' তিনি স্বরাজের রাস্তা পরিষ্কার করতে পারবেন, ত পাঁচজন মিলে তাঁর মুখ টিপে ধরলেই কি খুব বাহাদুরী হবে?

সত্যকথা বলতে গেলে স্বীকার করতেই হবে, অহিংস অসহযোগের ফলে ভারত স্বরাজ পাবে কি না, এ বিষয়ে অসহযোগীদের মধ্যেও সন্দেহ এসেছে। তাই মহারাষ্ট্র, মধ্যপ্রদেশ ও বাংলায় কাজের পন্থা বদলাবার কথা উঠছে। একদল বলেন, গবর্ণমেন্টের ভালমন্দ সব প্রস্তাবেই বাধা দিয়ে গবর্ণমেন্টকে অতিষ্ঠ করে' তোল; আর-একদল বলেন তা নয়; শুধু দেশের অহিতকর প্রস্তাবগুলোকেই বাধা দাও। আগামী কংগ্রেস কমিটির অধিবেশনে এইসব মতবাদের আলোচনা হবে।

আমাদের মনে হয় না যে, কাউন্সিলে গেলে বিশেষ কিছু লাভ হবে। তবে এখন ষাঁরা দেশের প্রতিনিধি সেজে লোক হাসাচ্ছেন, তাঁদের পথ যে বন্ধ হবে, এটাও একটা মন্দ কথা নয়। আর তা ছাড়া প্রতিনিধি নির্বাচনের সময় দেশের মধ্যে স্বরাজের অদর্শ প্রচার করবার যে একটা যথেষ্ট অবসর পাওয়া যাবে—সেইটুকুই লাভ।

দেশের আগল কাজ কাউন্সিলে নয়, দেশের জনসাধারণের মধ্যে। অহিংস অসহযোগীরা দেশের মধ্যে যে প্রবল ভাবের বজ্রা এনেছেন, তাতে তাঁদের কৃতিত্ব অক্ষয় হয়েই থাকবে; দেশকে সংঘবদ্ধ করার জন্তে তাঁরা যত 'পরিশ্রম' করেছেন, এত আর কেউ করেনি। কিন্তু তবুও মনে হয় যে, তাঁদের শিক্ষা দেশ বোল আনা মেনে নিতে পারবে না। মানুষ যতদিন মানুষ থাকবে, ততদিন তার আত্মরক্ষার জন্তে বৈধ হিংসার প্রয়োজনও থাকবে। তাকে সে অধিকার থেকে বঞ্চিত করার চেষ্টা

চিরদিনই ব্যর্থ হবে। অহিংস অসহযোগীরা নিজেদের অধিকার লব্ধন করেছিলেন বলেই বাংলা দেশের ছেলেরা আর তাঁদের কথায় তেমন সাড়া দিতে চাচ্ছে না। দোষ ছেলের নয়।

আমাদের শেষ কথা এই যে, এত বড় দেশে সব রকম অধিকারীই আছে; সব রকম লোকেরই কাজ করবার জায়গা আছে। সকলকে এক জালে বাঁধবার চেষ্টা কোনো না—জাল ছিঁড়ে যাবে। তুমি তোমার রাস্তা ধরে' চল; আমি আমার রাস্তা ধরে' চলি। কেউ বক্তৃতা দাও, কেউ গান শোনাও, কেউ চরকা কাট, কেউবা অস্ত্রকিছু করো। ব্রাহ্মণ, ক্ষত্রিয়, বৈশ্য, সকলকেই এই পূজায় বোগ দিতে হবে। ক্ষত্রিয়কে বাদ দিয়ে শুধু ব্রাহ্মণে বা শুধু বৈশ্যে এ ব্রত উদ্‌ঘাপন করতে পারবে না। নিজের নিজের রাস্তা ধরে' সকলে চল। পথের শেষে গিয়ে সবাই একগুঁথে মিলবই মিলব।

ভাবের ঘরে চুরি

সেদিন একখানা খাটি অসহযোগী ইংরেজি কাগজে পড়ছিলাম—আমরা দেশসুদ্ধ লোক যদি বিপুল খন্দর পরি, জাতীয় বিদ্যালয়ে শিক্ষিত হয়ে সনাতন সভ্যতা বজায় রাখি, আর বিদেব, ঘৃণা ভুলে গিয়ে দেশের লোককে কোলে টেনে নিই, তা'হলেই স্বরাজ হয়ে গেল—ব্যস, আবার কি চাই?

খরগোশকে কুকুরে ভাড়া করলে সেটা যেমন ছুটে ছুটে ক্লান্ত হয়ে শেষে একটা ছোটখাট গর্তে মুখ লুকিয়ে ফেলে, কিম্বা চোখ বুজে বসে থাকে আর ভাবে যে, কুকুর তাকে দেখতে পাচ্ছে না—আমাদেরও তেমন দশা হয়েছে। বেগতিক দেখলেই আমরা চোখ বুজে মনকে বোঝাতে চাই যে, সস্তা দরে কাজ সেয়ে দেব। এ কথা ভুলে যাই যে খন্দর পরে কোলাহুল করে জাতীয় বিদ্যালয়ে গেলেও আবার জালিয়ান-ওয়ারালাগ ঘটতে পারে। ঘরের ভিতর চোর ঢুকিয়ে চৌমাখার মোড়ে গিয়ে পাহারা দিলে কি হবে?

সকালে স্বদেশী-আন্দোলনের সময় একদল লোক স্বদেশী-আন্দোলনটাকে প্রধানতঃ ছুণ, চিনি আর কাপড়ের বস্তার মধ্যে পুরে' রাখতে চেয়েছিলেন। তাঁরা ভাবতেন ঐটুকুর জোরেই

স্বরাজ পাওয়া যাবে। কিন্তু তা হয়নি; ছুণ-চিনি-কাপড়ের বস্তা হুঁড়ে স্বরাজ-আন্দোলনের রক্তমুগ্ধি দেখা দিয়েছিল।

বারদোশির অত্যাচারের পর থেকে স্বরাজ-আন্দোলনটা ক্রমে স্বদেশী-আন্দোলন হয়ে দাঁড়াচ্ছে। 'চুপ চাপ করে' চরকা কাট, খন্দর পর, মদবিজী বন্ধ কর, ছুঁৎ-খারগ ভ্যাগ কর, তা'হলেই সব দুঃখ ঘুচে' যাবে।' এতে যে দেশের খানিকটা আর্থিক আর নৈতিক উন্নতি হবে, তাতে কোনো ভুল নেই; কিন্তু বুকের উপর যে জগদল পাখর চাপান রয়েছে, তার ব্যবস্থা কি করবে? ল্যাক্ষ্যারারের পেটে খুব জোরে এক বা দিতে পারলে কতটা খানিকটা খোঁচাখুঁচি করে' শেষে হয়ত একটু রফা করতে পারেন; কিন্তু সে রফায় ত আমাদের পেট ভরবে না। আমরা ত তা চাই না; আমরা যে একেবারে বোল আনা স্বাধীনতা চাই। তার আয়োজন ত কিছু দেখতে পাচ্ছি।

জানি, এসব কথা শুনে তোমাদের রাগ হয়; কিন্তু সত্যি সত্যি একবার মনটাকে খুঁজে দেখ দেখি, ভাবের ঘরে কোথাও লুকোচুরি আছে কি না। দেশের অন্নবস্ত্রের সংস্থান কর, স্বাস্থ্যের উন্নতি কর, শিক্ষার ব্যবস্থা কর—এতো খুব ভালো কথা। কিন্তু এগুলো আগে সেয়ে নিয়ে তারপর 'রং দেহি' বলে' তাল ঠুকে দাঁড়াবে, এ ব্যবস্থার মানে কি? যে সমস্ত স্বাধীন দেশে রাজশক্তি প্রজাদের সহায়, সেখানকার লোকেও অন্নবস্ত্রের সংস্থান করতে হিমগিম খেয়ে যাচ্ছে; আর আমাদের এই পরাধীন দেশে যেখানে অর্থবলের একান্ত অভাব, যেখানে রাজশক্তি প্রজাদের অতিকূল, সেখানে তোমরা এসব কাজ সেয়ে নিয়ে তারপর যদি আইনভঙ্গ আরম্ভ করতে চাও, তা'হলে এ যাত্রায় আর তোমাদের আইনভঙ্গ আরম্ভ করা হবে না। অন্নবস্ত্রের চিন্তা, শিক্ষার ব্যবস্থা আর সমাজ-সংস্কার—এসব তাড়াতাড়ি সেয়ে নেবার জিনিষ নয়; দেশ স্বাধীন হবার পরেও এ সমস্ত কাজে লেগে থাকতে হবে।

এ সমস্ত কাজের সঙ্গে রাজনীতির সম্বন্ধ মুখ্য নয়, গৌণ। রাজনীতির সঙ্গে মুখ্য সম্বন্ধ হচ্ছে আইনভঙ্গের। এই আইনভঙ্গটাকে স্বগিত রাখা হয়েছিল রক্তারক্তির ভয়ে। দেশকে শিক্ষা দিয়ে বা খন্দর পরিয়ে একেবারে অহিংস করে' তুলতে পারা যাবে, একথা মনে করবার যে বিশেষ কারণ আছে, তা'ত দেখতে পাচ্ছি। সেদিন 'ইয়ং

ইন্ডিয়া' কাগজে দেখেছিলাম, মহাত্মাজীরা এক শিষ্য লিখছেন যে, এই অসহযোগ আন্দোলনের মধ্যে রাগ আর হিংসা চুকে' পড়েই সব মাটা করে' দিয়েছে। যতক্ষণ আমাদের মন থেকে রাগ-শেষ না যাবে, ততক্ষণ আমাদের এই সব কষ্ট সহ্য করা বুঝা হয়ে যাবে। বিনা ক্রোধে কষ্ট সহ্য করতে পারলে যে আধ্যাত্মিক শক্তির সৃষ্টি হবে, সেই শক্তির কাছে নাকি অত্যাচারীর শক্তি পরাভব মানবে।

সাধুরা যখন তুরীয় তত্ত্বের কথা বলেন, তখন অনেক অসহযোগীকে তাই শুনে হেসে গড়াগড়ি দিতে দেখেছি, কিন্তু অসহযোগীদের এই ক্রোধ-নিরশন ব্যাপারটা তার চেয়ে কম হাস্যকর বলে' ত মনে বোধ হয় না। দেশশুদ্ধ লোক আধ্যাত্মিক মুক্তি লাভ করে' তারপর রাজনৈতিক স্বাধীনতার জন্তে চেষ্টা করবে—এটা যদি অসম্ভব ব্যাপার হয়, তা'হলে দেশশুদ্ধ লোক ক্রোধ জয় করে' তারপর স্বাধীনতার জন্তে অহিংস লড়াই করতে নামবে, এটাই বা অসম্ভব ব্যাপার হবে না কেন? অহিংসা পরমার্থ কি না জানিনে, কিন্তু সেই নীতি আশ্রয় করে' যারা দেশের স্বাধীনতা আনতে চান, তাঁদের রাজনীতির ব্যবস্থা ছেড়ে দিয়ে বনে গিয়ে তপস্বী করাই ভাল।

অনেক গোঁড়া অসহযোগীর সঙ্গে কথা করেছি, কিন্তু অহিংসা নীতিটাকে সত্য সত্যই মানেন, এমন লোক খুব কমই দেখেছি। কিন্তু কাগজে লেখবার সময় যে-কথাটাতে তাঁদের বিশ্বাস নেই, সে কথাও খুব ঢাক পিটিয়ে প্রচার করতে তাঁরা ছাড়েন না। এটি ভাবের ধরে চূরি নয় কি? গোঁজামুলি বললেই ত হয় যে, অস্ত্রশস্ত্র নেই তাই নিরস্ত্র লড়াই করতে যাচ্ছি, তার মধ্যে অত তত্বকথা আমদানী করবার দরকার কি?

এ সমস্ত গোঁজামিল ছেঁটে ফেলে নিজেদের মধ্যে একটা বোঝাপড়া হওয়া ভাল। অন্নবস্ত্র বা শিক্ষা বিষয়ে দেশের স্বাধীনতা যেমন দরকার, শাসন বিষয়েও ঠিক তেমনি দরকার; সুতরাং কংগ্রেসের তরফ থেকে সব কাজেরই আয়োজন হওয়া চাই। এক রকম কর্মী সব কাজে হাত দিতে পারে না; তাই ভিন্ন ভিন্ন রকমের কর্মীকে ভিন্ন ভিন্ন রকমের কাজ দেওয়া চাই। ঝাঁরা খন্দর নিয়ে থাকতে চান, তাঁরা তাই নিয়ে থাকুন; ঝাঁরা শিক্ষা নিয়ে থাকতে চান, তাঁরা শিক্ষার ব্যবস্থা করুন; আর ঝাঁরা আইন ভঙ্গ অভ্যাস করে' দেশটাকে গরম রাখতে চান, তাঁরাও বিসর্জনের বাজনা বাজাতে থাকুন। এ

বিরাট কর্মে সবাইকারই দরকার; কাউকে ফেললে চলবে না। আমাদের মনে হয়, কংগ্রেস থেকে কাজকর্মের ভাগাভাগির এই রকম একটা ব্যবস্থা হলে অনেক কাজে গোলমাল চুকে যায়।

দোষ কার ?

অনেক উকিল-ব্যারিষ্টার অসহযোগ আন্দোলনের ধুমধামের সময় আদালত ছেড়ে বেরিয়ে পড়েছিলেন। এখন আবার তাঁদের মধ্যে ছুচার জন আস্তে আস্তে আদালতে ফিরে যাচ্ছেন দেখে কংগ্রেস মহলে বেশ হৈ চৈ পড়ে' গেছে। আমাদের মনে হয়, এতটা হৈ চৈ নিরর্থক। বেচারারা ৩১এ ডিসেম্বরের মধ্যে স্বরাজলাভের আশায় দলে ভিড়েছিলেন; এখন দেখছেন যে, স্বরাজ পেতে-গেলে অনেক কাঠিখড় পোড়াতে হবে। এদিকে দুপয়সা রোজগার না করলে কাছাকাছাগুলো খায় কি? কংগ্রেসের মাসহারার উপর নির্ভর করে' ত আর চিরদিন চলে না।

আমাদের অনেক দিনের একটা পুরাণো ঘটনা মনে পড়ে' গেল। একজন মহা বৈরাগ্যবান জটাজুটধারী পরম সাধুর সঙ্গে আমাদের একবার দেখা হয়েছিল। ব্রহ্মতত্ত্ব, দেবতত্ত্ব, প্রেততত্ত্ব, মুক্তিতত্ত্ব, নির্বাণতত্ত্ব সম্বন্ধে ঘটাকতক সদালাপ হবার পর আমি জিজ্ঞাসা করলুম—“বাবাজী, আপনার বাড়ীতে কে আছে? আপনার বৈরাগ্য জন্মাল কোথা থেকে?” সাধুজী বললেন—“বাড়ীতে জমিজমা আছে, দু বছর ধানচাল বেচে শ দু-তিন টাকা হাতেও পেয়েছিলুম; কিন্তু বিয়ে করতেই সে টাকা খরচ হয়ে গেল। মেয়েটিও বয়সে ছোট। তাই মনটা ভারি খারাপ হয়ে গেল; সাধু হয়ে বেরিয়ে পড়লুম—তা দেখি দু-চার বছর ঘুরে-ফিরে। ব্রহ্মলাভ হলো ত হলো; নয়ত ঘরবাড়ী ত আর কেউ মারেনি।”

আমাদের উকিল বাবুদেরও সেই অবস্থা। ৩১এ তারিখের মধ্যে স্বরাজ মিললো ত ভালো কথা, নয়ত আদালত ত আর কেউ মারেনি। এই রকম ঝাঁদের মনের ভাব, তাঁদের নিয়ে বেশী টানাটানি করে' কোনো লাভ নেই।

তা ছাড়া আরও একটা কথা। জনকতক উকিল দলে রইলো কি আদালতে ফিরে' গেল, তাতে এমন কি আসে যায়? দেশে যখন কর্মীর অভাব

ছিল, তখন আদালত ভেঙ্গে উকিল আর কলেজ ভেঙ্গে ছেলে জোটার দরকার হয়েছিল। কিন্তু আজ আর ঠিক সেদিন নেই। কাজের মত কাজ দিতে পারলে কন্ঠার অভাব আজকাল আর হয় না।

দেশের মধ্যে যে কতকটা নিরুৎসাহের ভাব এসে পড়েছে, তার জন্তে কন্ঠারী যতটা দারী, কংগ্রেসের কর্তারা তার চেয়ে ঢের বেশী দারী বলে মনে হয়। কথাটা একটু স্পষ্ট করে বুঝিয়ে বলা দরকার।

ধরুন, অসহযোগের গোড়াকার কার্যপ্রণালী। উপাধিওয়ালাদের উপাধি ছাড়তে হবে, উকিল-ব্যারিষ্টারদের আদালত ছাড়তে হবে, ছেলেদের কলেজ ছাড়তে হবে, ব্যবস্থাপক সভার সভ্যদের ব্যবস্থাপক সভা ছাড়তে হবে। কিন্তু এই উপাধিওয়াল উকিল, ব্যারিষ্টার, কলেজের ছেলে আর ব্যবস্থাপক-সভার সভ্য মিলে দেশে কতজন হয়? তেত্রিশ কোটি লোকের মধ্যে লাখখানেক লোকের জন্তে ব্যবস্থা দেওয়া হলো। বাকি সবাই কি হাঁ করে বসে থাকবে? এঁরাই দেশের সর্বস্ব, আর বাকি সবাই কেউ কিছু নয়? এঁরা কখনো মিলেই কি দেশ উদ্ধার করে ফেলবেন?

একটা জিনিষ আমাদের হাড়ে হাড়ে বসতে হবে। দেশের চাষা-ভূষা কুলি-মজুরদের যদি আমরা নিজেদের দলে টেনে নিতে না পারি, তাহলে কন্ঠনকালেও কিছু করে উঠতে পারবো না। খুব জোর খানিকটা হাল্লাওজা করে আর-এক-কিছু রিকর্ম আদায় করতে পারি, কিন্তু তা থেকে দেশের স্বাধীনতা আসবে না। সে স্বাধীনতা পেতে গেলে স্বেচ্ছা জনকতক ভদ্রলোকের ছেলেকে নিয়ে কাজ করলে চলবে না, দেশের কুলি-মজুর চাষা-ভূষাদেরও চাই।

এই চাষা-ভূষাদের মধ্যে দিনকতক বেশ উৎসাহ দেখা দিয়েছিল। কিন্তু সেটা কমে গেল কেন, তা কি ভেবে দেখেছি? আমাদের আধ্যাত্মিক স্বরাজের জন্তে তাদের প্রাণ কেঁদে ওঠেনি। স্বরাজ মানে তারা স্বেচ্ছা জনকতক বসতে যে, তাদের খাজনা-ট্যাক্সের জালা কমে যাবে; জমিদার, পুলিশের হাত থেকে তারা বাঁচবে, আর পেট ভরে খেতে পাবে। সেই আশাতেই তারা আমাদের সঙ্গে এসে জুটেছিল। কিন্তু আমরা তাদের দুঃখটাকে নিজের করে নিতে পারিনি।

বারদোলির অসুখাসনে কতকটা ওদিকে নজর দেওয়া হয়েছে; কিন্তু গৌণভাবে, মুখ্যভাবে নয়। খন্দর নিজেদের হাতে তৈরী করে নিতে পারলে চাষাদের দুঃখ কতকটা ঘুচবে, মদ খাওয়া ছাড়লে কুলি-মজুরদের অবস্থা একটু ভালো হবে; অনাচরণীয় জাতকে আচরণীয় করে নিতে পারলে তাদের সহানুভূতি পাওয়া যাবে। ঠিক কথা; কিন্তু স্বেচ্ছা এইটুকুই যথেষ্ট নয়। চাষা-ভূষাদের আর কুলি-মজুরদের প্রাণের কথা যে কি, তা তারা বেশ স্পষ্ট করেই বলেছে, কিন্তু আমরা সেদিকে নজর দিইনি। পাড়ারগে গেলেই লোকে আগে জিজ্ঞেস করে—“বাবু, চৌকীদারী টেক্সটা উঠিয়ে দিতে পার? মূণের টেক্সটা উঠাতে পার?” কিন্তু তাদের সে কথাগুলো ধামাচাপা পড়ে গেছে। সারা হিন্দুস্থান আর রাজপুতানা জুড়ে গ্রামে গ্রামে কৃষাণ-সভার স্থাপিত হলো; লোকে জমিদারদের অত্যাচারের বিরুদ্ধে প্রাণপণে লড়াই করলে। কিন্তু কংগ্রেস তাদের পরকালের দিক চেয়ে শাস্তিশিষ্টভাবে কষ্ট সহ্য করার উপদেশ দিয়েই নিজের কর্তব্য শেষ করলেন। তাদের দুঃখ ঘোচাবার চেষ্টাটা কংগ্রেসের কাজের অঙ্গীভূত হলো না। দেশের এক কোণ থেকে আরম্ভ করে আর-এক কোণ পর্যন্ত কলের মজুরদের ধর্মঘটে ছেয়ে গেল। কিন্তু তাদের জন্তে লড়াই করা কংগ্রেসের কাজ বলে গণ্য হলো না। ফলে তালুকদারদের হাতে আর সরকারী সেপাই বাহাদুরদের হাতে মার খেয়ে তারা নিরুৎসাহ হয়ে পড়লো।

আজ আধ্যাত্মিক তত্ত্বকথা শোনান বা উকিল-ব্যারিষ্টারদের পিছু পিছু তাড়া করে বাওয়া কংগ্রেসের বড় কাজ নয়; বড় কাজ হচ্ছে দেশের ঐ অসহায় চাষা-ভূষা আর কুলি-মজুরদের সংঘবদ্ধ করে খাড়া করে তোলা। ওদের বাকিছু অভাব অভিযোগ তা দূর করার চেষ্টা কংগ্রেসের কার্যপ্রণালীর অঙ্গ করে নিতে হবে; ওদের দুঃখকে আমাদের দুঃখ করে নিতে হবে; ওদের সঙ্গে সমানে খাটতে হবে, লড়াইতে হবে। জমিদার বা কলওয়ালাদের মুখের দিকে চেয়ে বা বাজে আধ্যাত্মিকতার দোহাই দিয়ে যদি সে কাজ থেকে হটে আসি, তাহলে এরা সহজেই হাতছাড়া হয়ে যাবে, আর কংগ্রেসের বিরাট আয়োজন শেষে জনকতক বাবুভায়াই কাঁধনিত্তে পরিণত হবে।

কেন এমন হলো ?

যাঁরা পল্লীগাম থেকে ঘুরে ফিরে আসছেন, তাঁরাই জিজ্ঞেস করছেন—কেন এমন হলো ? লোকের আর তেমন উৎসাহ নেই, আশা নেই ; সবাই যেন কিম্বিয়ে পড়েছে। চরকাগুলো পড়ে আছে, লোকে আর তেমন মন দিয়ে কাটে না ; মন তাদের ম্লগড়ে গেছে।

পুলিশের ঠাণ্ডানি এর কতকটা কারণ, কিন্তু পুরো কারণ বলে' আমাদের মনে হয় না। দাউ দাউ করে' যদি আগুন জ্বলে' উঠতো, তা'হলে সে-আগুনকে কষল চাপা দিয়ে নিবিয়ে দেওয়া যেত না, কষলেও আগুন লেগে যেত। আমাদের মনে হয় যে, দেশের জনসাধারণকে আমরা এখনও নিজেদের দলে টানতে পারিনি। আমাদের স্বরাজের আদর্শে তাদের মন ঠিক মেতে উঠছে না।

আমাদের এক বন্ধু স্বরাজের আদর্শ প্রচার করবার জন্য গ্রামে গ্রামে দিন কতক ঘুরে' বেড়িয়েছিলেন। একজন বুড়ো নমঃশূদ্র জাতের চাষাকে তিনি আধঘণ্টা ধরে' বক্তৃতা দিয়ে বুঝিয়ে দিলেন যে, স্বরাজ না পেলে আর দেশের কোনো গতি হবে না। বুড়ো বক্তৃতা শোনবার পর জিজ্ঞাসা করলে—“বাবা ঠাকুর, তোমারা'ত স্বরাজ পাবে, কিন্তু আমাদের কি লাভ হবে ? আমাদের সেই সকাল থেকে সন্ধ্যা পর্যন্ত লাঙ্গল কাঁধে করে' ঘুরতে হবে ; আর খাজনা-টেক্স দিতে না পারলেই জমিদারের নায়ক-গোমস্তার হাতে ঠাণ্ডানি খেতে হবে। তার উপর দারোগাবাবুর নজর ত আছেই। তোমরা রাজ্য চালালেই আমাদের এ সব দুঃখ ত ঘুচবে না।” বন্ধু বললে—“না হে কর্তা, তোমাদের এ সব দুঃখ আর থাকবে না।” বুড়ো উত্তর দিলে—“ঠাকুর, লক্ষণ ত কিছু দেখিনে। জমিদারও তোমরা, দারোগাও তোমরা ; আমাদের জন্তে এ পর্যন্ত ত তোমাদের কখনো মাথা খামাতে দেখিনি। স্বরাজ পেলেই যে তোমরা বদলে যাবে, তার মানে কি ?”

ভাববার কথা বটে। আমরাই জমিদার হয়ে রকম-বেরকমে তাদের চুষে খেয়েছি। আমরাই দারোগা হয়ে তাদের ভিটের ঘুঘু চরিয়েছি, আমরাই সমাজের মাতঙ্গর হয়ে ব্যবস্থা দিয়েছি যে, বা পানের কড়ে আঙ্গুল দিয়ে তাদের স্পর্শ করলেও গলাজলে তিন শ তেরিশটা ডুব দিয়ে, তবে শুদ্ধ হতে হবে। আজ হঠাৎ তাদের

কাছে গিয়ে আধ্যাত্মিক স্বরাজের মহিমা ঘোষণা করতে গেলে তারা আমাদের কথা শুনবে কেন ?

এ বাবৎকাল কংগ্রেসের তরফ থেকে দশ-বিশ হাজার আবেদন নিবেদন করা হয়েছে, তার মধ্যে এই গরীবদের কথা বড় একটা নেই। তার কারণ শুধু এই যে, এতদিন যাঁরা কংগ্রেস চালিয়ে এসেছেন, তাঁরা সমাজের মধ্যবিত্ত শ্রেণীর লোক। তাঁরা নিজেদের সুখ-দুঃখের ভাবনাতেই মগ্ন। কোনোরকম করে, ইংরেজকে হটিয়ে দিয়ে নিজেদের হাতে ক্ষমতা নিতে পারলেই দেশের একটা গতি হয়ে যাবে, এই তাঁদের অন্তরের বিশ্বাস। কুলি মজুর চাষীদের দিকে চাইবার তাঁদের সময় ছিল না, প্রবৃত্তিও ছিল না।

জমিদারের কথা ছেড়েই দি, কেননা ইংরাজের আইনের গুণেই তাঁদের লক্ষ্মীত্ৰী হয়েছে, তাঁরা ইংরেজেরই হাতে-গড়া জীব। লাট কর্ণওয়ালীস জমিদারীর চিরস্থায়ী বন্দোবস্ত না করে' গেলে আজ জমিদার বাবুদের বংশধরদের ট্রামগাড়ির কনডাক্টরি করে' খেতে হতো। এখনও পর্যন্ত অনেক জমিদার প্রজাদের লেখাপড়া শেখবার নাম শুনলে ভয় পান—পাছে প্রজারা একটু সোয়ানা হয়ে উঠলে তাদের জব্দ করবার সুবিধা না হয়।

জমিদার ছাড়া যাঁরা কংগ্রেস করে' দেশ উদ্ধার করতে গিয়াছিলেন, তাঁদের মধ্যে অধিকাংশই উকিল ব্যারিষ্টার আর জনতক বড় বড় ব্যবসাদার। অবাধবাণিজ্য হলে এদেশের শিল্প-বাণিজ্যের ক্ষতি হয়, তাই তাঁরা বিদেশী-পণ্যের উপর মান্তল বসাতে চেয়েছিলেন। বিদেশী এসে এদেশের বড় বড় সরকারী চাকরী পাচ্ছে, তাই তাঁরা সমস্ত সরকারী চাকরীতে দেশের বড় বড় লোক ভর্তি করতে চাইতেন। এ খুব ভাল কথা ; কিন্তু তাঁরা দেশের স্বায়ত্ব-শাসন বলতে নিজেদের অর্থাৎ এই মধ্যবিত্ত শ্রেণীর আর্থিক সুবিধার জন্তে যা-কিছু করা দরকার তা ছাড়া আর বড় বেশী কিছু বুঝতেন না।

দেশের যারা জনসাধারণ, যারা চাষ করে আর পেটে হাত দিয়ে শুকিয়ে মরে, তারা'তখন কংগ্রেসের বড় একটা ধার ধারতো না। তারা দূর থেকে দেখতো যে, বাবু হাভ-পা ছুঁড়ে বক্তৃতা দিচ্ছেন, আর তাঁদের মুখে ফড়, ফড় করে' ইংরেজীতে খই ফুটেছে। তারা ভাবতো কংগ্রেসটা বাবুদের একটা আড্ডা দেবার জায়গা।

আজকাল হাওয়া বদলেছে। পেটের জ্বালায় দেশের চাষ-ভূষা কুলি-মজুর সবাই বুঝেছে যে, দেশের এরকম অবস্থা থাকলে আর চলবে না; একটা কিছু ওলট-পালট না হয়ে গেলে আর এদেশ বাঁচবে না। তারা যখন স্বরাজের কথা শুনে আমাদের দলে এসে জুটেছিল, তখন ভেবেছিল যে, তাদের অন্নবস্ত্রের দুঃখটা ঘোচাবার ব্যবস্থা আগে করব।

তারা যে ‘গান্ধী মহাবাজের জয়’ চীৎকার করেছিল, সেটা শুধু স্বরাজের আদর্শে মুগ্ধ হয়ে নয়; তার ভেতর পেটের জ্বালাও অনেকখানি ছিল। তারা ভেবেছিল আমরা তাদের খাজনা-ট্যাক্সের বোকা একটু হাল্কা করে’ দিতে পারবো, তাদের অত্যাচার অবিচারের হাত থেকে বাঁচাবো। ঝাঁরা পাড়ারগৈ গিয়ে অশিক্ষিত লোকদের সঙ্গে বেশবার হুঁসিধা পেয়েছেন, তাঁদের জিজ্ঞাসা করে’ দেখ, তাঁরা ঐ কথাই বলবেন। ঐ এক আশায় সাঁওতালেরা মদ ছেড়েছিল, কুলি-মজুরেরা জেলে ছুটেছিল, চাষ-ভূষার মরিয়া হয়ে উঠেছিল।

আর আমরা কি করলুম? তারা যখন কাপড়ের অভাব জানালে তখন আমরা বললুম—তুলোব চাষ কর, চবকা কাট, খন্দর পর। বেশ কথা, তারা তাই আরম্ভ করে’ দিলে। তারপর যখন তারা জিজ্ঞেস করলে—‘নায়েব মশায় আর দারোগা বাবুর হাত থেকে বাঁচাবার কি করলেন?’ তখন আমরা বললুম—‘ওসব কথা এখন বোলো না, এখন মন দিয়ে চরকা কাট।’ শেষে যখন বললে—‘বাবু, দারোগার জ্বালায় যে আর বাঁচিনে।’ তখন আমরা গম্ভীর ভাবে বললুম—‘পড়ে’ পড়ে’ মার খাও। আধ্যাত্মিক স্বরাজ পাবার ঐ বাস্তব।

তারা চুপ করে’ রইলো বটে, কেননা ভদ্র-লোকের মুখের উপর কথা কওয়ার অভ্যাসটা তাদের এখনো হয়নি। কিন্তু বোধ হয় তারা মনে মনে ভেবেছিল—‘ও রাস্তায় যদি স্বরাজ পাওয়া যায়, তা’হলে ত আমাদের অনেক দিক আগেই তা পাওয়া উচিত ছিল। চুপ করে’ মার খাওয়া ত আমাদের চিরকালে অভ্যাস। এটা শেখবার জন্তে এত ঢাক-ঢোল পেটাবার দরকার কি? যা নিয়ে আমরা জলে মরছি, তাই যদি ঘোচাতে না পার ত ঐ রইল তোমার চরকা।’

তাই আজ মনে হয়, কংগ্রেসের কাজের ধারাটা একটু বদলাতে হবে। আমাদের আধ্যাত্মিক স্বরাজকে তুরীয়লোক থেকে টেনে এনে আধি-

ভৌতিক কাঠামোর উপর বসাতে হবে। আধ্যাত্মিকতা সশব্দে নতুন নতুন পরীক্ষা করে’ ছিন্টিয়াটাকে নতুন ছাঁচে ঢালাই করার দরকার হয়, তা কোরো—অনন্তকাল স্মৃতি পড়ে’ আছে। কিন্তু দোহাই তোমাদের—ঐ পরীক্ষাটা শুধু কুলি-মজুর বেচারীদের ঘাড়ের উপর দিয়ে কোরো না। তোমাদের পরীক্ষা শেষ হতে হতে তারা যে মরে’ ভূত হয়ে যাবে।

স্বাধীনতার রকমারি

সেদিন মির্জাপুর পার্কে দেশবন্ধু চিত্তরঞ্জনর বক্তৃতাটা শুনে অনেকে নাকি ভাবিত হয়ে পড়েছেন। তাঁরা বলেছেন—‘এ আবার কি? এ যে একেবারে নির্জলা ধর্মতত্ত্ব। দেশবন্ধু যখন বলেছেন যে তিনি রাজনীতি চান না, অর্থনীতি চান না, তখন আমরা সবাই কি হাত-পা গুটিয়ে পড়ে’ পড়ে’ হাই তুলতে থাকব?’

ঝাঁরা একথা বলেছেন, তাঁরা দেশবন্ধুর কথার মর্ম ঠিক বোঝেননি। তিনি এদেশে ইউরোপীয় রাজনীতি বা অর্থনীতি আমদানী করতে চান না। তিনি চান যে, এদেশ স্বধর্মের উপর নির্ভর করে’ নিজের ভাবে গড়ে’ উঠুক। পরের কাছে ধারকরা আদর্শে এ দেশকে গড়তে গেলে জাতও যাবে পেটুও ভরবে না।

এ দেশের আদর্শ যাকে বলছি, সেটা ফাঁকা কথা নয়, আধ্যাত্মিক ধোঁয়া নয়, খুব খাটি জিনিষ। ধর্ম কথাটা কতকগুলো ধোঁয়াটে রকমের উপধর্মের ঠেলায় শুধু ভাববিলাসিতা হবে ঠাড়িয়েছে, কিন্তু আসলে ধর্ম জিনিষটা মোটেই তা নয়। প্রত্যেকের যা স্বভাব, সেইটাই তার স্বধর্ম; আর সেই অহুসারে তাকে পূর্ণ পরিণতির দিকে নিয়ে যাওয়াই ধর্মসম্বন্ধে কাজ।

আমরা মুখে বলি স্বরাজ চাই; কিন্তু স্বরাজ সশব্দে আমাদের ধারণা ভারি অস্পষ্ট। ইউরোপের দেশগুলোর উপর অপর কোন জাত কর্তৃত্ব করে না, তাই আমরা তাদের বলি স্বাধীন। কিন্তু একটু খোঁজ করলেই বেশ দেখতে পাওয়া যায় যে, সে-স্বাধীনতা কাগজে-কলমে বস্তথানি, কাজের বেলায় ততথানি নয়। দেশের যারা চালাক লোক বা চাকাওয়ালা লোক, তাঁরাই শাসন-ব্যবস্থাকে নিজের অবিধা মত চালাচ্ছে; সাধারণ লোকের বড় বিশেষ

কোনো ক্ষমতা নেই। যারা বড় বড় গওদাগর তাদের ব্যবসা-বাণিজ্য যাতে দেশ-বিদেশে ছড়িয়ে পড়ে, সেইজন্তে রকম-বেরকমের ওস্তাদী চাল চালা হচ্ছে; জাল, জুরাচুরি, লাঠিবাজি সবই বেমানুষ চলে' যাচ্ছে। কিন্তু ভুগছে কে? মরছে কে? দেশের গরীব লোকগুলো। ও-সব দেশে বিদেশী রাজা নেই বটে, কিন্তু স্বদেশী মোড়লদের জালাতেই তারা অস্থির। দেশশত্রু লোক যেখানে ভোট দিয়ে প্রতিনিধি নির্বাচন করে' পার্লামেন্ট গড়েছে, সেখানেও দেশের লোকে পার্লামেন্ট-সভ্যদের হাতে খেলার পুতুল হয়ে দাঁড়িয়েছে, আর তা ছাড়া গবর্নমেন্ট যে কি চাল চালেন, তা পার্লামেন্টের সভ্যরাও অনেক সময় জানতে পারেন না। সকলকেই এক একটা ভোট দেওয়া হয়েছে বটে, কিন্তু সমান ভোটের ফলে আর্থিক বা রাজনৈতিক অবস্থা কারও সমান হয়ে দাঁড়ায়নি। স্বাধীনতার ফলে সাম্য আসেনি, মৈত্রীও আসেনি।

ইউরোপে বড় বড় কল-কারখানা বসেছে। কোটি কোটি টাকার জিনিষ রোজ রোজ তৈরী হচ্ছে। যারামারি কাটাকাটি করে' দেশ-বিদেশে সে-সব জিনিষ বিক্রীর ব্যবস্থা হচ্ছে। দেশে ধামা ধামা টাকা আসছে। কিন্তু সে সব টাকা যাচ্ছে কাদের ঘরে? যারা সকাল থেকে সন্ধ্যা পর্যন্ত খেটে খেটে আধমরা হয়ে যাচ্ছে, তারা সে টাকার সিকির সিকিও পাচ্ছে না। দেশের স্বাধীনতা অর্থ-বৈষম্য বা সামাজিক-বৈষম্য ঘোচাতে পারেনি।

তাই দেশবন্ধু বলেছেন যে, আমরা এমন স্বাধীনতা চাই, যা স্মৃধু বিদেশীর হাত থেকে আমাদের উদ্ধার করবে না, স্বদেশীর হাত থেকেও উদ্ধার করবে। আমরা দেশকে স্বাধীন করতে চাই, আর তার সঙ্গে সঙ্গে দেশের প্রত্যেক লোককে মানসিক, আর্থিক, রাজনৈতিক হিসাবে স্বাধীন করতে চাই। ইউরোপের লোকেরা আজ স্বাধীনতার নামে কল-কারখানার দাঙ্গা হয়ে পড়েছে, পার্লামেন্টের দাঙ্গা হয়ে পড়েছে। আমরা কিন্তু এমন স্বাধীনতা চাই যা প্রত্যেক মানুষকে বোল আনা মানুষ হবার অবসর দেবে; তাকে দাবিয়ে ছোট করে' রাখবে না; সম্প্রদায়ের নামে বা দেশের নামে বা সমাজের নামে তার মনুষ্যত্বকে খর্ব করবে না। যে সামাজিক অর্থনৈতিক বা রাজনৈতিক অবস্থা মানুষকে পরমুখাপেকী করে না, আর তাকে স্বার্থ কুটিয়ে তোলবার অবসর দেয়, আমরা সেই রকম স্বাধীনতা

চাই। স্বাধীন হওয়া আর স্বার্থ পালন করা একই কথা।

ইউরোপের যা আদর্শ, ইউরোপে সেই রকম অস্থান প্রতিষ্ঠান গড়ে' তুলেছে। সে-সবের ভিতর দিয়ে তার নিজের ভাব নিজের স্বার্থ প্রকাশ পেতে পারে। কিন্তু আমাদের আদর্শ যখন ভিন্ন, আমাদের স্বার্থ যখন ভিন্ন, তখন ইউরোপের অস্থান-প্রতিষ্ঠানের অহুকরণ আমাদের দেশে খাড়া করে' তুললে তা দিয়ে আমাদের আদর্শ কুটে উঠবে না। আমাদের অস্থান প্রতিষ্ঠান আমাদের নিজের ভাবের উপযোগী হওয়া চাই।

তোমরা হয়ত বলবে, আগে দেশটা ত স্বাধীন হোক, তারপর ব্যক্তিগত স্বাধীনতার কথা ভাবা যাবে। কথাটা শুনতে বেশ, কিন্তু ওটা ফাঁকা কথা। আমরা ভুল্লোকের দল আমাদের সমাজের ঘাড়ে এমনি জোরসে চেপে বসে' আছি যে, সমাজ গ্রাম নিস্পন্দ হয়ে পড়েছে। এখন যদি কোনো গতিকে বিদেশীর হাত থেকে রক্ষা পাই, তা'হলে স্বৈচ্ছায় সে নিজেদের ক্ষমতা ছেড়ে দিয়ে দেশের কুলি-মজুর চাষা-ভূস্বামীর দুঃখ দূর করবার জন্তে উঠে-পড়ে লাগবো, তা মনে করবার ত কারণ দেখি না। আমরাই না জমিদার? আমরাই না পুলিশের দারোগা? শেষে হয়ত একদিন ঐ চাষা-ভূস্বামীর মধ্যবিত্ত শ্রেণীর বিরুদ্ধে লড়াই করতে হবে।

আর তা ছাড়া মধ্যবিত্ত শ্রেণীর এমন সামর্থ্য নেই যে, জনসাধারণের সাহায্য ছাড়া দেশকে স্বাধীন করে। আমরা যদি আজ স্বাধীন হতে চাই ত সকলকে আমাদের সমান স্বাধীনতা দিতে হবে। সকলে যদি স্বাধীনতার আশায় উত্ত্বুদ্ধ হয়ে না ওঠে, দেশের স্বাধীনতার সঙ্গে সঙ্গে যদি আমরা প্রত্যেক ব্যক্তির স্বাধীনতা ঘোষণা না করি, তা'হলে দেশের পরাধীনতা ঘুচবে না।

দেশবন্ধু সেই পূর্ণ স্বাধীনতার আদর্শের দিকে লক্ষ্য করেই বলেছিলেন,—“আমি ইউরোপীয় রাজনীতি চাই না, ইউরোপীয় অর্থনীতি চাই না।” তিনি কোনো দলের নন, তিনি সারা দেশের। আর এই দেশ কোনো সম্প্রদায়বিশেষের নয়, শ্রেণীবিশেষের নয়, শাসনকর্ত্তাবিশেষের নয়, এ দেশ ভগবানের।

তিনি এই কথাটা হাড়ে হাড়ে বুঝেছেন যে, সেই দেশই স্বার্থ স্বাধীন, যে দেশে সবাই রাজা, সবাই ভগবানের মূর্ত প্রকাশ।

চাই নূতন দল

অসহযোগ আন্দোলন চূপচাপ হয়ে গেছে। বুড়োতা বা ভাবেন তা মুখ ফুটে বলেন না; বড় বড় কথা দিয়ে আসল কথাকে চাপা দেন। ছেলেদের মনে ক্রমশঃ অস্ত্র আশা অস্ত্র আদর্শ জাগছে।

খাজনা-ট্যাক্স বন্ধ করা যায় কি না, এ বিষয়ে একটা মীমাংসা করবার জন্তে ষাঁরা দেশময় ঘুরে বেড়ালেন, তাঁরা কি যে স্থির করেছেন তা তাঁরাই জানেন অথবা তাঁরাও ঠিক জানেন না। কোনো রকমে ও-ব্যাপারটা কিছু দিনের জন্তে চাপা দিয়ে রাখাই যেন তাঁদের মনের কথা বলে' বোধ হয়। মোট কথা, এর পরে যে কি করলে ভালো হয়, তা তাঁরাও ঠিক করতে পারছেন না। অথচ সে-কথা স্পষ্ট করে' বললে বিশেষ ফাঁক হয়ে যায়। তাই তা-না-না-না করে' কোনো রকমে গোঁজামিল দিয়ে কাজ চালান হচ্ছে। কর্তাদের জিজ্ঞেস করলে তাঁরা বলেন—‘ওহে বাপু, গান্ধী মহারাজ যা হুকুম দিয়ে গেছেন, তাই মস্ত কর।’ অর্থাৎ চরকা চালাও আর বোঝ-আর-না বোঝ, অন্ততঃ মুখে বল যে, আমরা বোরতর আধ্যাত্মিক আর অহিংস।

মজার কথা এই, কামাল পাশা যখন গ্রীক বাহাদুরদের ধরে' আচ্ছা করে' ঠুকে দ্বিলেন, তখন মহা মহা অহিংস পুরুষেরা এক গাল হেসে ফেললেন। ষাঁরা অহিংস ধর্ম প্রচার করে' জগতে সত্যযুগ আনবার খেয়ালে বঁদ হয়েছিলেন, তাঁরাও গা ঝাড়া দিয়ে উঠে বললেন,—“বাঃ কি ঠাট্টানিটাই দিয়েছে।” কেউ বললেন—“কামালকে উড়ো জাহাজ বকসিস দাও।” কেউ বললেন—“একখানা তলোয়ার পাঠিয়ে দাও।” ভারতবর্ষ থেকে আন্দোলনের লোক পাঠিয়ে কামালের পক্ষ নিয়ে যুদ্ধ করবার কথাও উঠেছে। এলাহাবাদের ‘ইণ্ডিপেন্ডেন্ট’ কাগজ অহিংস অসহযোগীদের কাগজ। তাতেও লোককে যুদ্ধে পাঠাবার কথা খুব উৎসাহের সঙ্গে আলোচনা করা হচ্ছে।

এর সঙ্গে আমাদের যে গভীর সহানুভূতি আছে, তা বলাই বাহুল্য। কিন্তু অহিংসা প্রচার আর যুদ্ধে যাওয়া এক সঙ্গে কি করে' চলে, তা আমাদের বুদ্ধির অগম্য। অহিংসাটা কি স্বেচ্ছা ভারতবর্ষের পক্ষেই ভাল, আর অস্ত্র সব দেশের পক্ষে খারাপ? এ গোঁজামিল কেন? এ ভণ্ডামি কেন? সোজা কথা বলার সাহস না থাকে, চূপ করে থাকলেই-ত হয়।

এক দলের ত এই অবস্থা। আর এক দল, ষাঁরা বোঁকের মাথায় আদালত ছেড়ে, কাউন্সিল ছেড়ে বেরিয়ে পড়েছিলেন, তাঁরা আবার লোলুপ দৃষ্টিতে ঐ দিকে চাইতে আরম্ভ করেছেন। খাজনা ট্যাক্স বন্ধ করে' দিয়ে একটা পাকাপাকি করে' তোলবার জন্তে যে সাহস, ত্যাগ আর কর্মকুশলতা দরকার, তা তাঁদের নেই; অথচ চরকা হাতে করে' বসে' থাকার পোষায় না। কাউন্সিলে গিয়ে বেশ ভালো করে' ইংরেজীতে গালাগাল দিতে পারলে তবু গায়ের ঝাল একটুখানি মরে। দেখে-শুনে যতদূর মনে হয় যে, এই কাউন্সিলে গিয়ে ঝগড়াকরার দল গম্মার কংগ্রেসে বেশ প্রবল হবে। মহারাষ্ট্রে, বাংলায়, মাদ্রাজে এ দলের লোকসংখ্যা যথেষ্ট। তাঁরা সবাই মিলে আদি ও অকৃত্রিম অসহযোগীদের হারিয়ে দেওয়াও বিচিত্র নয়। এঁদের অধিকাংশই উকিল, ব্যারিষ্টার আর পয়সাওয়ালা লোক। গোলমালের মধ্যে এঁরা যাবেন না। কাউন্সিলে চোঁচামেচি করে' বেড়ালের ভাগ্যে লিকে যদি ছেঁড়ে, অর্থাৎ ইংরেজ বাহাদুর আর-এক-কিছু রিকর্ম বেড়ে দেন, তা'হলেই এঁরা মডারেটদের মত স্তম্ভিত ও স্তবোধ বালক হয়ে যাবেন। যে-সব লোক সত্যি সত্যিই বোল আনা স্বাধীনতা চান, তাঁরা এ দল থেকে ক্রমশঃই বাতিল হয়ে পড়বেন।

স্বপ্নের কথা, দেশে আর-একটা দল গড়ে' উঠেছে—সেটা শ্রমিকের দল; কুলি-মজুর চাষা-ভূস্বায় দল। আজ তারা নিরস্ত, অসহায়, অজ্ঞান; কিন্তু তাদেরও চোখ খুলছে, তাদের মুখেও বুলি ফুটেছে, তারাও শত্রু-মিত্র চিনছে, তারাও সংঘবদ্ধ হয়ে দাঁড়াচ্ছে। এ স্বাধীনতার সংগ্রামে সবাই হয়ত নিজের নিজের পুঁটুলি বাগাবার চেষ্টা করবে। ষাঁর জমিদারী আছে, তিনি প্রজাদের উপর মোড়লী করবার অধিকার পেলেই হয়ত ভুলে যাবেন; ষাঁর কল-কারখানা আছে, তিনি Fiscal autonomy পেলেই ধুশী হবেন; ষাঁর ঘরে পাসকরা ছেলে আছে, তিনি Indianisation of Services, বড় বড় চাকরী পেলেই দল থেকে সরে' পড়বেন। কিন্তু এই কুলি মজুর চাষার দলের পুঁটুলি নেই। লড়বার মত একটা আদর্শ আর একজোট হয়ে কাজ করবার শক্তি যদি এরা পায়, তা'হলে এরা অসাধ্য সাধন করবে; এরাই শেষ পর্যন্ত টিকে থাকবে।

ষাঁরা সত্যি সত্যিই দেশের স্বাধীনতা চান, তাঁদের কাজ বড় বড় পাণ্ডাদের দিকে চোরে থাক।

নয়, কাউন্সিলে বক্তৃতা শুনে হাততালি দেওয়া নয় ; সিভিল ডিসোবিডিয়েন্স কমিটির মীমাংসার জন্তে হাঁ করে বসে থাকারও নয় ; তাঁদের কাজ এই শ্রমিকদের সংঘবদ্ধ করে তোলা। তাদের পরিশ্রমের উপর সবাকারই অন্ন, বস্ত্র, আরাম নির্ভর করছে—এই কথা তাদের বুঝিয়ে দেওয়া ; আর তারা যাতে এই অন্ন, বস্ত্র আর আরামের যথেষ্ট ভাগ পায়, তার ব্যবস্থা করা। এই ব্যবস্থার সঙ্গে সঙ্গে দেশের স্বাধীনতা আপনিই এসে পড়বে। কেননা, তখন একদিকে দাঁড়াতে বিদেশী আর স্বদেশী মোড়লের দল, আর অপরদিকে দাঁড়াতে নিঃসম্মল বুদ্ধিজীবী আর শ্রমিকের দল। এই শেষের দল পড়ে তোলার উপরই দেশের স্বাধীনতা নির্ভর করছে।

পার ত, এস

যাদের কাজকর্ম বিশেষ-কিছু নেই, তারা বসে বসে খুড়োর গজাযাত্রার ব্যবস্থা করে। আমাদের খবরের কাগজওয়ালাদের হয়েছে তাই। এতদিন বা হবার তাঁত হলো ; কিন্তু এর পরে যে কি করতে হবে, সে-বিষয়ে স্পষ্ট ধারণা কারোর নেই। কেউ বলছেন—“কিছু করতে হবে না, কর্তা যে রাস্তা বাৎসল দিয়ে গেলেন, সেইখানে চূপটি করে বসে থাকো ; দেখবে স্বরাজের রথ এসে একেবারে গড় গড় করে দেশকে স্বর্গে তুলে নিয়ে যাবে। সুখ চাই একান্ত শ্রদ্ধা ; আর চূপ করে, থাকবার অসৌম্য বৈধব্য।” আর-একদল বলছেন—“ভাল রে ভাল ! তোমরা যা করছ তা করো না। কিন্তু কতকগুলো গবাবরা যে দেশের প্রতিনিধি সেজে কাউন্সিলে গিয়ে লোক হাসাচ্ছে, এটা ত আর সহ্য করা যায় না। কাউন্সিলে ঢুকে আর-কিছু করতে না পারা যায়, হৈ চৈ করে ওটা ভেঙ্গে ত দেওয়া যায়—তাই বা কোন্ কয় লাভ ?” প্রথম দল বলছেন—“এখন ভেঙ্গে দেবার নাম করে ঢুকতে যাচ্ছ, কিন্তু ওখানে গেলেই তোমাদের জাত যাবে ; হাতে একটু ক্ষমতা পেলেই সবাই নিজের কোলে বোল টানতে আরম্ভ করবে ; আর কর্তার আর-এক-কিছু রিকর্ম দিলেই সবাই যভারটদের মত পান্ডাভাত হয়ে যাবে।”

দ্বিতীয় দল বলছে—“কাউন্সিলে যাবো না।” আমরা বলি—

“বাপু সকল, যাবে কি যাবে না—বিছে এ ভাবনা, বুধা মর লোকলাজে।—তোমরা যাবেই।”

এ ঝগড়া আজকের নয়, বহুদিনের। মহাত্মা গান্ধী যতদিন বাইরে ছিলেন, দেশে যখন নিত্য-নূতন উদ্ভেজনার স্রষ্টি হচ্ছিল, তখন মহাত্মার প্রভাবে একথাটা চাপা পড়েছিল যাত্র। যে সমস্ত ভিন্ন ভিন্ন মতের লোককে তিনি এক জায়গায় আটকে রেখেছিলেন, আজ তাঁর অভাবে তারা যে ভিন্ন ভিন্ন দিকে ছটকে পড়বে, এ ত জানা কথা। বেশ লক্ষ্য করে দেখবার জিনিষ যে, ঝাঁরা কাউন্সিলে গিয়ে ভারত-উদ্ধার করতে চান, তাঁদের মধ্যে অধিকাংশই উকিল, ব্যারিষ্টার, না-হয় পরসাদওয়ালা লোক। মুখে তাঁরা যাই বলুন না কেন, ইংরেজের বদলে তাঁরা যদি দেশকে শাসন করবার ক্ষমতা পান, তাহলে তাঁরা (Dominion Self Government) উপনিবেশের মত স্বায়ত্ত-শাসন বা ঐ রকমের একটা-কিছু নিয়েই তুষ্ট হয়ে থাকবেন। দেশের সম্পূর্ণ স্বাধীনতা পেতে গেলে যত কাঠ-খড় পোড়াবার দরকার তা ভাবলেই তাঁরা জ্বাতকে ওঠেন। সুতরাং ইংরেজের সঙ্গে তাঁদের আপাততঃ যে বিরোধ, সেটা প্রণয়ের বিরোধ। দুদিন পরেই মিলন হয়ে যাবে। আজ না-হয় কাল, তাঁরা দড়ি ছিঁড়ে পালাবেন।

ঝাঁরা খাঁটি অসহযোগী, তাঁরা প্রধানতঃ গরীব আর মধ্যবিত্ত শ্রেণীর লোক। সুখ ভবকথা আর চরকা আশ্রয় করে তাঁরা যদি এখনকার মত বসে থাকতে চান, তাহলে তাঁদের লোপ পেয়ে যাওয়া অনিবার্য। জনসাধারণের ক্ষুব্ধ নয়ন দেখে তাঁরা যদি সুখ মালা জপবার ব্যবস্থা দেন, তাহলে একুল-ওকুল দুকুল নষ্ট হবে। এইটুকু তাঁদের আজ বেশ করে বোঝা দরকার যে, দেশকে স্বাধীন করতে গেলে যে-শক্তির প্রয়োজন তা তাঁদের আপাততঃ নেই, আর সুখ বচনের দ্বারা সে-শক্তি সংগ্রহ করা যায় না। দেশের জনসাধারণ তাঁদের কাছে আশ্রয় নিতে এসেছিল, কিন্তু তাঁরা বুদ্ধির কাছে আশ্রয় নিতে এসেছিল, কিন্তু তাঁরা বুদ্ধির দোষে তাদের ফিরিয়ে দিয়েছেন। তাঁরা নিজের নিজের খেয়াল নিয়েই ব্যস্ত, দেশের লোকের মনের ভাব বোঝবার তাঁদের সময় হয়নি।

কিন্তু আজ অসহযোগ আন্দোলনকে যদি যথার্থ-ই স্বাধীনতার আন্দোলন করে তুলতে হয়, তাহলে আর কুলি-মজুর চাষা-ভূমিকে বাদ দিলে চলবে না। ঝাঁরা কাউন্সিলে গিয়ে লড়াই করতে চান,

তঁারা যান; যতদিন তঁারা কংগ্রেসের সঙ্গে সংযুক্ত থাকতে পারেন, তা থাকুন। তঁাদের উপর বেশী ভরসা করলে চলবে না। আসল কাজ কাউন্সিলের বাইরে; কুলি-মজুর চাষ-ভূষার মধ্যে।

তাদের বোঝাতে হবে যে, তারাই দেশের প্রাণ; তাদের দেখিয়ে দিতে হবে যে, সংঘবদ্ধ হলে তারা সব করতে পারে। তারা যে সমস্ত দিন খেটে অনাহারে মরবে, এটা বিধির বিধান নয়; এটা একেবারেই মানুষের বিধান। আর তারা সংঘবদ্ধ হয়ে চেষ্টা করলেই এ বিধান উল্টে দিতে পারে। তাদের মধ্যে আশা গজিয়ে দিতে হবে; তাদের শক্তির আত্মদা দিতে হবে। তাদের মাথার উপর যে যুগ-যুগান্তরের পুঞ্জীকৃত অত্যাচার চেপে রয়েছে, অসহযোগীদের কাজ সেইটে সরিয়ে দেওয়া। ভদ্রতার মোহ ভুলে তাদের সঙ্গে গিয়ে মিলতে পারবে? তাদের মধ্যে নিজেকে ডুবিয়ে দিতে পারবে? ভারতকে স্বাধীন করবার ঐ একমাত্র রাস্তা। কাউন্সিল-ফাউন্সিল ও-সব বাজে কথা।

আমাদের কাঁঠাল, তোমাদের মাথা

কাউন্সিলে ষাওয়া-না-ষাওয়া ব্যাপারটাকে এত বড় করে' দেখা হচ্ছে যে, গোড়ার কথাটা চাপা পড়ে' যাবার যোগাড় হয়েছে। প্যাটেল প্রভৃতি ষাওয়া কাউন্সিলে যাবার পক্ষপাতী, তঁারা বলছেন যে, কাউন্সিলে যদি এখন ঢুক ওটার দফারফা না করা যায়, তা'হলে ওটা ক্রমে এত প্রবল হয়ে উঠবে যে, দেশের লোকের মন ঐদিকে যাবে। দেশকে স্বাধীনতার জন্তে প্রস্তুত করার উদ্দেশ্যে চরকা ছাড়া যদি আর-কিছুর ব্যবস্থা না করা হয়, তা'হলে ক্রমশঃ কাউন্সিল যে প্রবল হয়ে উঠবে, তা বলাই বাহুল্য। লোকে মুখে বতই ছ' দিক, মনে মনে ঠিক বোঝে যে, স্মৃদু চরকা কেটে খন্দর হতে পারে, কিন্তু দেশের স্বাধীনতা পাওয়া যায় না। অথচ কাউন্সিলে গিয়েও যে বিশেষ একটা হাতী-ঘোড়া লাভ হবে, সে আশাও তাদের নেই। কাউন্সিলে গিয়ে কাউন্সিল ভাঙা যেতে পারে কি না, সেটাও সন্দেহের বিষয়। যদি ধরেই নেওয়া যায় যে কাউন্সিল ভেঙ্গে গেল—তারপর করবে কি? কাউন্সিল ভেঙ্গে দেবার পরই যে সরকার বাহাদুর জোড়-হস্ত হয়ে বলবে—'বাপু, তোমাদের দেশ

তোমাদের হাতে ছেড়ে দিচ্ছি'—তার কোনো আশা নেই। সেদিন দেশের একজন নামজাদা নেতা আমাদের বোঝাচ্ছিলেন যে, দেশ-বিদেশে দেশকাল যে-রকম পড়েছে, তাতে প্রজার মতের বিরুদ্ধে কর্তারা আর রাজ্য চালাতে সাহস করবেন না। আমাদের নেতাদের মনের কোণে যে কর্তাদের উপর বিশ্বাস আর শ্রদ্ধা এখনও গজ-গজ করছে, তা বেশ বৃকতে পারলুম। কিন্তু ইংরেজ অর্ন্ত কাঁচা ছেলে নয়। ফাঁকা আঙুরায়ে সে ভয় পায় না। আর দেশ-বিদেশের লোক আমাদের দুঃখের কথা বেশ জানতে পারলেই যে তাড়াতাড়ি নিজেকে কর্তা-কর্ম ছেড়ে দিয়ে আমাদের সাহায্য করবার জন্তে ছুটে আসবে, তা মনে করবার কোনো কারণ ত দেখিনে। আয়র্লণ্ডের দুঃখের কথা ত সবাই জানে। কে তার জন্তে চাল-ভলোয়ার নিয়ে ছুটে এসেছে? মিশরের কথা জানতে ত কারো বাকি নেই। তার জন্তে কে মাথা ঘামাচ্ছে? পরের সাহায্যের আশার ষাওয়া কাউন্সিলে গিয়ে ফাঁকা তোপ দাগতে থাকবেন, ভবিষ্যতে তঁাদের হয় মডারেটদের দলে ভিড়ে যেতে হবে, নয়ত চূপ করে' পড়ে' থাকতে হবে।

ষাওয়া কাউন্সিলে যাবার বিরুদ্ধে তারস্বরে প্রতিবাদ করছেন, তঁারাও ত আসল কাজের দিকে মন দিচ্ছেন না। তঁাদের কথা শুনলে মনে হয় যেন কাউন্সিলে ষাওয়াটা বন্ধ করতে পারলেই দেশের ষা-হোক একটা সদগতি হয়ে যাবে। কিন্তু এতদিন তঁারা খোড়-বড়ি-খাড়া আর খাড়া-বড়ি-খোড় করে' কাটালেন কেন? তঁারা যদি দেশের লোককে সিভিল ডিসোবিডিয়েন্সের জন্তে প্রস্তুত করতে চান, তা'হলে তার আরোজন কি করেছেন? তঁারা বলছেন—“দেশের লোককে ত এত করে' খন্দর বুনতে বলছি, হিন্দু-মুসলমানের মধ্যে প্রীতিস্থাপনের জন্তে এত সদুপদেশ শোনাচ্ছি—আবার কি করবো। দেশের লোক যদি আমাদের কথা না শোনে ত আমাদের দোষ কি?”

কিন্তু জিজ্ঞাসা করি, সিভিল ডিসোবিডিয়েন্স করবার এটাই প্রকৃষ্ট রাস্তা, এ কথাটা যেনে নেবার আগে একটু ভেবেছ কি? দেশের লোক যে তোমাদের কথা শুনেছে না, এটা কি গতিই দেশের লোকের দোষ? তোমরা যখন চৌকিদারী ট্যাক্স, জুণের ট্যাক্স বন্ধ করে' দেবার কথা বলেছিলে, তখন ত দেশের লোক তোমাদের কথা বেশ শুনেছিল। তারপর-তোমরা যেদিন চৌরচৌরার দৃষ্ট দেখে

চিৎপাত হয়ে পড়লে, সেদিন দেশের লোক বুঝলে যে, তোমরা স্মৃধু বচনের বাঘ, কাজের কেউ নও। তোমরা বললে—‘দেশের লোক মাহুক আর নাই মাহুক, আমরা ৎ দাঁড়ানাই বাঙলে দিচ্ছি, তাই শাস্ত্রগত, তাইতেই রোগ সারা উচিত।’ কিন্তু শাস্ত্রসম্মতিক্রমে বললেও চলবে না, বা, রোগ সারা উচিত বললেও চলবে না। রোগ যে সারল না, তা চোখের সামনেই দেখতে পাচ্ছি। আসল কথা তোমরা রোগ ঠিক করতেই পারনি।

সত্যি কথা হচ্ছে এই যে, তোমরা নিজেদের বত বড় করে’ দেখচ, তোমরা সত্য বড় নও। তোমরা ঠিক করেছিলে যে কলেজ, আদালত, উপাধি আর কার্ডিন্সল—এই চারটে হচ্ছে ইংরেজ রাজত্বের খুঁটো; আর এই চারটে সরিয়ে নিতে পারলেই ইংরেজ রাজত্ব হুড়মুড় করে পড়ে’ যাবে। কিন্তু একটু চক্ষু চেয়ে যদি দেখ ত দেখতে পাবে যে, ইংরেজ রাজত্বের শিকড় আরও অনেক দূর পর্যন্ত গজিয়েছে। ইংরেজ এদেশে ব্যবসা করতে এসেছিল, আর ব্যবসার বিস্তারের জন্তেই রাজ্য গড়ে’ তুলেছে। এদেশে কল-কারখানা বানিয়ে, ব্যবসায় চালিয়ে বতদিন ইংরেজের লাভের সম্ভাবনা থাকবে, ততদিন ইংরেজের প্রভুত্বও বজায় থাকবে। সেই লাভের টাকা সৃষ্টি করে কে? যারা মাঠে চাষ করে’ ইংরেজের জন্তে কাঁচামাল তৈরী করে, যারা কুলি-মজুর হয়ে ইংরেজের কলে খাটে, তারাই ইংরেজের রাজত্বের ভিত্তি। তাদের খাটিয়ে টাকা করবার জন্তেই ইংরেজের এদেশে রাজত্ব করা।

আর তোমরা? তোমরা যারা ইংরেজী শিখে মনে করেছ তোমরাই দেশের সর্বস্ব, যারা উপাধি নিয়ে রায় বাহাদুর হয়েছ, যারা আদালতে গিয়ে ওকালতি করছ, যারা কাউন্সিলে গিয়ে বক্তৃতা করছ, যারা কলেজে পড়ে’ চাকরীর জন্তে দরখাস্ত হাতে করে’ অফিসের দরজার কাছে ঘুরে’ ঘুরে’ বেড়াচ্ছ, তোমরা ইংরেজকে টাকা রোজকার করবার জন্তে একটু সাহায্য কর মাত্র। তোমরা দেশের অর্থ সৃষ্টি কর না; ইংরেজের সাহায্য করে’ স্মৃধু খানিকটা অর্থের উপর ভাগ বসাতো মাত্র। ইংরেজ তোমাদের একটু সাহায্য নিয়ে রাজ্য চালায়; কেননা তাতে খরচ একটু কম পড়ে। কিন্তু তা বলে’ ভেবো না যে, তোমরা সরে’ দাঁড়ালে এ রাজ্য ভেঙে পড়বে। তোমাদের বরকতের গোড়ায় গলদ এখনো।

যারা সত্যি সত্যি অসহযোগ করলে ইংরেজের রাজ্য ভেঙে পড়ে, তারা মাঠের চাষা, কলের মজুর। তোমাদের কথায় উদ্ধত হয়ে তারা যেদিন নিজেদের পাওনাগুণা বুঝে পানার জন্তে রুখে দাঁড়াল, সেদিন তোমরাও নিজেদের সর্বনাশ হবে ভেবে ভয়ে আঁতকে উঠলে। তাড়াতাড়ি বলে’ পাঠালে—‘জমিদারের খাজনা এখনি দিয়ে দাও, চৌকিদারী ট্যাক্স, জুগের ট্যাক্স এখনি দাও।’ তোমাদের সঙ্গে কুলি মজুর চাষার স্বার্থ যে এক নয়, সে কথা তারা সেইদিন বুঝতে পেরেছে, সেইদিন তারা ের পেয়েছে যে, তোমরা ইংরেজের ছোট ভাই। তোমাদের আধ্যাত্মিক তত্ত্বকথার দর যে কি, তা বুঝতে তাদের আর বাকি নেই। আজ তোমরা প্রজার রক্ত চুষে জমিদার হয়েছ, মক্কেলের প্রাণবধ করে’ ব্যারিষ্টার হয়েছ, কলেজে এম-এ পাশ করে’ বিয়ের বাজার গরম করে’ তুলেছ, আর টাকার খলি আঁকড়ে বক্তৃতা দিয়ে বলছ—‘হে দেশবাসিগণ, ইংরেজকে তাড়িয়ে, আমাদের সিংহাসনে বসিয়ে দাও। তারি নাম স্বরাজ। এই স্বরাজ হলে দেশের দুঃখ আর থাকবে না।’ কিন্তু দেশের নিরস্ত্র, অস্পৃশ্য, রুগ্ন লোকগুলো যখন তোমাদের জিজ্ঞাসা করে—‘বাবু, তোমাদের টাকার খলির কতখানি আমাদের জন্তে খালি করবে, তোমাদের স্বরাজে আমাদের ব্যবস্থা কি রকম হবে?’—তখন তোমরা পরম ধার্মিক সেজে বলো—‘বাপু সকল, টাকার খলির দিকে দৃষ্টি কোরো না, লোভ বড় খারাপ জিনিস। তোমরা নিষ্কামভাবে স্বার্থত্যাগ করতে শেখ, বড় রিপু দমন করো। আমাদের কথা-মন্ত পড়ে’ পড়ে’ মার খাও, আর অহিংস অভ্যাস করো। আমাদের কাঁঠাল আর তোমাদের মাথা, এ দুটো মিশিয়ে, এসো অপার্থিব স্বরাজের সৃষ্টি করি।’

কিন্তু দাদাসকল, এ চালাকি চলবে না। যদি সত্যি সত্যিই দেশের স্বাধীনতা চাও, তা’হলে এই কথাটি আগে বোঝ যে, ছাত্রজন ভদ্রলোক মিলে তা নিতে পারবে না—তা কাউন্সিলে গিয়ে বক্তৃতাই দাও, আর ঘরে বলে’ চরকাই কাট। দেশের লোকের সঙ্গে সমান হয়ে যদি মিশতে পার, তাদের সঙ্গে সমান অধিকারে যদি ভুট্ট হও, ত কোমর বেঁধে দাঁড়াও। দেখবে, দেশ তোমার আগেই প্রস্তুত হয়ে আছে। দেশ প্রস্তুত নয়, এটা মিছে কথা, প্রস্তুত নও স্মৃধু তোমরা—কেননা, তোমরা নিজের নিজের পুঁটুলির মায়া আজও কাটাতে পারনি।

কেন হয় না ?

নাগপুরের কংগ্রেসে একটা প্রস্তাব পাশ হয়েছিল যে, সারা দেশীয় শ্রমিকদের সম্মিলিত করে তুলতে হবে। কিন্তু পাশ হবার পরেই প্রস্তাবটা সেই যে পাশ হয়ে গিয়েছিল, এতদিন পর্যন্ত আর নড়ে চড়ে নি। এইবার আবার সেইটাকে টেনে খাড়া করা হয়েছে; সেইমত নাকি কাজ আরম্ভ করা হবে।

হয়নি কেন? তার সোজা উত্তর এই যে, কুলি মজুরদের দুঃখ আমাদের গায়ে লাগে না। ওরা না জানে দুটো ইংরেজীতে কথা বলতে, না জানে দাঁড়িয়ে দুটো বক্তৃতা করতে। সুতরাং ওদের আমরা মানুষের মধ্যেই গণ্য করিনে, নিতান্ত দায়ে না ঠেকলে ওদের কাছে ঘেঁষিনে।

কৃষকদের সম্বন্ধেও ঐ এক কথা। ছেলেবেলা থেকে যে শুনে আগছি—‘ও বেটা চাষা’—সেই কথা শুনে শুনে আমাদের মনের মধ্যে এ কথাটা একেবারে গেঁথে গেছে যে, চাষাগুলো একদম বাজে মাল। ওরা রাজনীতির বোঝেই বা কি, আর আমাদের বড় বড় আন্দোলনে ওরা সহায় হবেই বা কেমন করে? ওরা না পড়েছে বার্ক, না পড়েছে মর্লি। ওদের নিয়ে কি আর কাজ করা চলে?

ঐখানেই আমাদের সব আন্দোলনের সর্বনাশ হয়েছে। মুখে যতই বকি না কেন, কাজকর্ম দেখে মনে হয় যে, এবিষয়ে মডারেট আর অসহযোগীতে খুব বেশী তফাৎ নেই। মডারেটরা দেশের নাম করে’ যখন বড় বড় বক্তৃতা দিতেন, তখন দেশ বলতে তাঁরা নিজেদের মত জনকয়েককে ছাড়া আর বেশী কিছু বুঝতেন না। সে কথা তাঁদের আমলের কংগ্রেসের প্রস্তাবগুলো পড়লেই বেশ বুঝতে পারা যায়। রিফর্ম বিলের সঙ্গে সঙ্গে যখন তাঁদের পেটে ছিটেফোঁটা কিঞ্চিৎ গিয়ে পড়লো, তখন তাঁরা ঠাণ্ডা হয়ে গেলেন। পেটভরার সঙ্গে সঙ্গে মুখও বন্ধ হয়ে এল।

মডারেটদের ঠিক পরে আসরে নেমেছিলেন বিপ্লবপন্থীরা। ঠিক আসরে নেমেছিলেন বললে ভুল হবে—তাঁরা ইংল্যান্ডের মত মেঘের আড়াল থেকেই বাণবর্ষণ করতেন। তাঁদের বিপ্লবের চেষ্টা যে ব্যর্থ হয়েছিল, তার কারণ এই যে, সে বিপ্লব-চেষ্টার পিছনে জনকতক ভদ্রলোকের ছেলে ছাড়া আর-কেউ ছিল না। মডারেটরা

ভাবতেন,—‘ছোঁড়াগুলো লাঠালাঠি করে’ মরুক; যদি কিঞ্চিৎ লাভ হয় ত সেটা আমাদের ভাগ্যেই এসে পড়বে।’ আজকাল যারা মডারেটদের পাণ্ডা, তাঁরাও তখন এই বিপ্লবপন্থীদের দূর থেকে টাকাটা-সিকেটা দিয়ে সাহায্য করতেন; মনে মনে ভাবতেন—‘দেখাই যাক না, ছোঁড়ারা কত দূর কি করতে পারে।’ দেশের সাধারণ লোকে ব্যাপারটা বিশেষ কিছু বুঝতো না। তারা ইঁ করে ভাবতো—‘এ আবার কি উৎপাত।’ আর বিপ্লবপন্থীরা স্তব্ধ মরতেই শিখেছিল; দেশের লোককে কি করে’ দলে আনতে হয়, তা আর শেখনি। তাই দেশের লোক জাগবার আগেই তারা মরে’ গেল।

তারপর অসহযোগীদের পালা। এঁরা যাকে কাজের প্রোগ্রাম বলে’ খাড়া করেছেন, তার মধ্যে ঐ মধ্যবিত্ত শ্রেণীর ভদ্রলোকের স্থান যতখানি, দেশের সাধারণ লোকের স্থান ততখানি নেই। গোড়ায় দেখ বরকটের কথা। উপাধি ত্যাগ কর, কাউন্সিল ত্যাগ কর, স্কুল-কলেজ ত্যাগ কর, আইন-আদালত ত্যাগ কর। তাতেই নাকি বিদেশীয় রাজ্য টলে’ যাবে! ভাল; দেশের শতকরা আশীজন যে গরীব দুঃখী, যারা চাল করে বা মজুরী করে’ খায়, তাদের এ প্রোগ্রামে স্থান কোথায়? তাদের ত উপাধির ব্যাধিও নেই, তারা স্কুল-কলেজেও পড়ে না, সামলা মাথায় দিয়ে আদালতে ওকালতি করতেও যায় না, বা কাউন্সিলে গিয়ে বক্তৃতাও করে না। তারা দেশের জন্তে কি করবে? তাদের কথা আমাদের মনেই আসেনি। মডারেট আর বিপ্লবপন্থীদের মত অসহযোগীরাও ভেবেছিলেন যে, দেশের অন্ততঃ বার আনা লোককে বাদ দিয়ে তাঁরা ইংরেজ রাজত্বের চারটে খুঁটো সরিয়ে নিয়ে কাজ হাসিল করবেন।

কিন্তু তা হলো না। যারা পেটের জালায় ক্ষেপে উঠেছিল, তারা চৌরীচৌরায় আঙনের অক্ষরে অসহযোগের উপরে লিখে দিলে—‘আমরা এখনও বেঁচে আছি; আমাদের বাদ দিয়ে চলবে না।’

Constructive Programme আরম্ভ হলো। দেশকে অহিংস করে’ তুলতে হবে। অন্ততঃ তাদের প্রেমতত্ত্ব বোঝাও, আধ্যাত্মিক উপদেশ দাও, খন্ডর পরাও। হিন্দু-মুসলমানের মধ্যে প্রীতি নিয়ে এস; ছুঁৎমার্গ তুলে’ দাও; তাদের লেখাপড়া

শেখাও। খুব ভালো কথা। কিন্তু ঐ গোড়ার কথাটা যে চাপা পড়ে' গেল। তারা সমস্ত দিন লাজল চবে' যে ধান-চাল জন্মায়, তার ভাগ যে তারা নিজে পায় না, সবই যে জমিদার রাজা আর মহাজনে ভাগ করে' নেয়। তারা দিনে দশ-বার ঘণ্টা মজুরী করে' যে পরসা পায়, তাতে যে তাদের কুঁড়েঘরের মটকা ছাওয়া চলে না, শীতের সময় যে তাদের হি হি করে' কাঁপতে হয়। তাদের বাচ্ছ-কাচ্ছা যে না খেতে পেয়ে তাদের চোখের সামনে মরে' যায়। খন্দর খুব ভালো কথা, কিন্তু শুধু খন্দরে কি সে-দুঃখ ঘুচবে?

ত্যাগ স্বীকার করতে হবে? হায়রে ত্যাগ। সৃষ্টির আদি থেকে আজ পর্যন্ত যে তারা সুখ ত্যাগ করেছে এসেছে। কই তাদের দুঃখ ত ঘোচেনি; কি আছে তাদের যে ত্যাগ করবে? মোটরে চড়ে' ত্যাগার্থ প্রচার করে' বেড়ান তোমাদের সাজে, কিন্তু গরীবের তাতে পেট ভরে না। পেটের জ্বালা যে কি, তা তোমরা জান না; তাই তোমাদের প্রেমতত্ত্ব অতি ঠুনকো জিনিষ। তোমাদের আধ্যাত্মিকতা সুখ বৈঠকী ব্যাপার। আর সেইজন্তেই আজ পর্যন্ত দেশের জনসাধারণ তোমাদের দলে এসে যোগ দেয়নি। তাদের অভাবে আজ তোমাদের সিভিল ডিসোবিডিয়েন্সের আশা ছেড়ে দিয়ে আবার কাউন্সিলের কথা তুলতে হচ্ছে। অথবা মহাত্মা গান্ধীর ফিরে না আসা পর্যন্ত মালাজপ করবার প্রস্তাব হচ্ছে।

আজ যে আর হালে পানি পাচ্ছ না, তার মানে সুখ এই যে, কেবল ভদ্রলোকের দল নিয়ে দেশ-উদ্ধার করা চলে না। যতই বড় বড় তত্ত্বকথা শোনাও, আর যতই লম্বা লম্বা বক্তৃতা ঝাড়, যত দিন কংগ্রেস সুখ আড়াইজন ভদ্রলোকের কাকসভা হয়ে থাকবে, ততদিন কংগ্রেস ঘুরে-ফিরে ঐ কাউন্সিলে গিয়ে বচনের স্বরাজ গড়তে চাইবে। দেশের লোকের শক্তির উপর নির্ভর করে' যদি স্বরাজ গড়তে চাও, তা'হলে অস্ত্র রাস্তা ধরতে হবে। দেশের চাষ-ভূষা, কুলি-মজুর, দীন-দুঃখীর নেতা হয়ে যদি দাঁড়াতে পার—তা'হলে আর বারদোলী অল্পশাসনের মাপকাটি দিয়ে দেশের উন্নতির মাত্রা মেপে মেপে দিন গুণতে হবে না। অষ্টবজ্র হস্তে তোমার পথের বাধা জালিয়ে দেবে। মহাকালীর পূজা না দিয়ে যদি সুখ ব্যোম থেকে আলোচাল আর কাঁচকলা দিয়ে

ভোলাতে চাও, তা'হলে তোমাদের অদৃষ্টেও ঐ কাঁচকলা।

একমাত্র উপায়

সার' দেশে খাজনা-ট্যাক্স বন্ধ করে' দিয়ে, সব আইন তত্ত্ব করে' স্বাধীনতা পাবার চেষ্টা করাই যদি কংগ্রেসের লক্ষ্য হয়, তা'হলে এখন যে ভাবে কাজ চলছে, তা করলে হবে না। Constructive programmeটা খুব ভালো জিনিষ। চরকা কাট, খন্দর পর, সালিসী আদালত বসিয়ে মামলা-মোকদ্দমা মেটাও, অশ্লীলদের স্পর্শ করে' জ্বাতে তোল, হিন্দু-মুসলমানে সভাব স্থাপন কর—এ তো বেশ কথা, এতে তো কেউ আপত্তি করছে না। কিন্তু কথা হচ্ছে এ সবের সঙ্গে সিভিল ডিসোবিডিয়েন্সের ঠিক সম্বন্ধটা কি? এ ব্যাপারের ত সবটাই সিভিল; কিন্তু এর সঙ্গে ডিসোবিডিয়েন্সের যে কোনো সম্পর্ক আছে, তা ত নজরে পড়ে না। তাই সেকালের স্বদেশী-যুগে বা হয়েছিল, এবারেও ঠিক তাই হচ্ছে। অর্থাৎ পুলিশের জুঁতোয় চরকা ঠাণ্ডা হয়ে যাচ্ছে। খন্দরের উপর কর্তাদের যে বেশ সন্দেহ নেই, তা ঠাণ্ডা পাড়ারগায়ে চরকা নিয়ে নাড়াচাড়া করেছেন, তাঁরাই জানেন। দশ বছর কি বিশ বছর পরে এই চরকা থেকে স্বরাজ বেরিয়ে আসবে, এই আশায় লোকে চুপ করে' সব অত্যাচার সহ্যেতে পারে না। তাই তারা হাল ছেড়ে দিয়ে চুপ করে' বলে' পড়ে।

একদল বলছেন এই সমস্ত কাজের সঙ্গে সঙ্গে কাউন্সিলে যাওয়ার ব্যবস্থা কর। সেইখানে গিয়ে হট্টগোল বাধাতে পারলে কর্তারা আমাদের সঙ্গে একটা রফা করতে বাধ্য হবে, আর রফা যদি না-ও করে, আমরা সিভিল ডিসোবিডিয়েন্স লাগিয়ে দেবো। কিন্তু আমরা লাগিয়ে দেবো বললেই কি সিভিল ডিসোবিডিয়েন্স লেগে যাবে? আমরা নাকি কাউন্সিলে গিয়ে বলবো—খেলাফতের একটা ব্যবস্থা করো, পাঞ্জাবের ডায়ারী আমলের অত্যাচারের একটা সুবিচার করো, আর আমাদের স্বরাজ দাও। খেলাফতের ব্যবস্থার জন্তে কাউন্সিলে যাবার বিশেষ কোনো সার্থকতা আছে বলে' মনে হয় না, আর তা ছাড়া কামাল পাশা লাঠির চোটে তার বা হয় একটা ব্যবস্থা করে' নিচ্ছে। কামাল পাশাকে সাহায্য করতে

পারলেই খেলাফতের সাহায্য করা হয়। ‘ভায়ারী’ আমলের পাঞ্জাবী দুঃখ নিয়ে এখনও নাড়াচাড়া করা স্মৃষ্ণ একটা বাঁধা বুলি আওড়ান। তারপরে অনেক দুঃখ পাঞ্জাবের উপর দিয়ে আর দেশের অন্তান্ত জায়গার উপর দিয়ে চলে’ গেছে। দেশ স্বাধীন না হলেও সমস্ত দুঃখের শাস্তি হয় না। সুতরাং আসল কথা হচ্ছে স্বরাজ পাওয়া, আর আপাততঃ ঠিক হয়েছে যে, সমস্ত খাজনা-ট্যাক্স বন্ধ করে’ দিয়ে শাশনবজ্ঞ অচল করে’ দেওয়া স্বরাজ পাবার উপায়।

কিন্তু দু-দশজন লেখাপড়াজানা ভুল্ললোক মিলে খাজনা-ট্যাক্স বন্ধ করলে ত রাজ্য অচল হয়ে পড়বে না; দেশের সকলকে মিলে, অন্ততঃ অধিকাংশকে মিলে খাজনা-ট্যাক্স বন্ধ করে’ দিয়ে মরিয়া হয়ে দাঁড়াতে হবে। ‘স্বরাজ’ ব্যাপারটা যে কি, তা এ পর্য্যন্ত কংগ্রেসের কর্তারা স্পষ্ট করে’ বলেননি। এ রকম একটা অনির্দিষ্ট, অস্পষ্ট ব্যাপারের জন্তে জনসাধারণ যে বড় বেশী কষ্ট স্বীকার করতে রাজী হবে, তা মনে হয় না। তারা জানতে চাইবে যে, স্বরাজ পেলে তাদের দুঃখ ঘুচবে কি না। তাদের পেটের ভাত আর কোমরে বাতে কাপড় জোটে, তার কোনো ব্যবস্থা হবে কি না। তা যদি হয় ত তারা লড়ায়ের দুঃখ-কষ্ট মাথায় করে’ নিতে রাজী হবে। আর তা যদি না হয় ত বাবুভায়ারা স্বরাজ পেলেন কি না-পেলেন তা তাদের বয়ে গেল।

সারা ভারতবর্ষের কথা ছেড়ে দিয়ে স্মৃষ্ণ বাংলাদেশের কথাই ধরা যাক। এখানকার শতকরা পঁচাত্তর জন চাষী; সুতরাং এখানে দেশজোড়া সিভিল ডিসোবিডিয়েন্স আরম্ভ করতে গেলে স্মৃষ্ণ স্বরাজের বাঁধা বুলি আওড়ালে চলবে না; দেখতে হবে এই চাষীদের যথার্থ দুঃখ কি, আর কোন্ দুঃখ ঘোচাবার আশায় তারা প্রাণপণে লড়বে।

সোজানুজি দেখলে দেখতে পাওয়া যায় যে, জমিদার আর পুলিশের অত্যাচারে তারা দিনে দিনে মাটির সঙ্গে মিশে যাচ্ছে। ‘বিজলী’তে ত্রিযুক্ত অভুলচন্দ্র গুপ্ত লিখেছেন, “বাংলা দেশের যাকিছু ধন, তা মাটি চষে বাংলার চাষী প্রতি বৎসর উৎপন্ন করে। আররা আর-সবাই কিছু বদল দিয়ে বা না-দিয়ে তার ভাগ নিই। ভাগ-বাটোয়ারার পর যা অবশিষ্ট থাকে, তাতে চাষী দুবেলা পেটপূরে খেতে পায় না। এ অবস্থায় চাষের জমিতে চাষীর স্বর্গই যে আর-সবার স্বর্গের

চেয়ে বাড়ানো দরকার, তা চোখে স্বার্থের ছানি না থাকলে দেখতে কিছুই কষ্ট হয় না।”

চাষের জমির উপর চাষীদের স্বত্ব যদি স্বরাজের অঙ্গীভূত হয়, তা’হলে চাষীরা সবাই স্বরাজ পাবার জন্তে লড়তে রাজী হবে; আর স্বরাজ যদি স্মৃষ্ণ একটা ফাঁকা আওয়াজ হয়, তা’হলে তার জন্তে এদেশে সিভিল ডিসোবিডিয়েন্স কবিনকালেও হবে না।

যাঁরা কাউন্সিলে গিয়ে লড়াই করতে চান, তাঁরা এই চাষীদের হয়ে লড়াই করতে রাজী আছেন? তাঁরা কি এ কথা বলতে রাজী আছেন যে, চাষের জমি চাষীর সম্পত্তি বলে’ স্থির করা হোক? জমিদার স্মৃষ্ণ উড়ে’ এসে জুড়ে’ বসেছে, তারা জমির কেউ নয়? তা বলতে যদি রাজী থাকেন, ত সমস্ত প্রজা তাদের পক্ষে এসে দাঁড়াবে; সবাই তাঁদের কথামত কাজ করতে প্রস্তুত হবে।

এখনকার কাউন্সিল জমিদার আর মহাজনে ভরা তা জানি; আর কাউন্সিলে গিয়ে আপাততঃ ও-রকম আইন পাশ করাও যে অসম্ভব, তা জানি। কিন্তু দেশকে সিভিল ডিসোবিডিয়েন্সের জন্তে প্রস্তুত করবার জন্তে যারা কাউন্সিলে যেতে চান, তাঁদের স্মৃষ্ণ মুখের কথায় নয়, সত্যি সত্যিই এই প্রজাদের প্রতিনিধি হয়ে দাঁড়াতে হবে। কাউন্সিলে গিয়ে প্রজার হয়ে তাঁদের বলতে হবে যে প্রজারা জমির উপর পূর্ণ স্বত্ব চায়; আর যখন কর্তারা তাঁদের সে প্রস্তাব ছুঁড়ে ফেলে দেবে, তখন কাউন্সিলের বাইরে এসে প্রজাদের বলতে হবে— ‘এরা তোমাদের কথা শুনছে না, অতএব খাজনা-ট্যাক্স বন্ধ করে’ দিয়ে একবার আচ্ছা করে’ লেগে যাও।’ হাওয়া খাবার জন্তে কাউন্সিলে গেলেও কিছু হবে না, আর ঘরে বসে’ চরকা কাটলেও কিছু হবে না। প্রজাদের সঙ্গে এক হয়ে গিয়ে তাদের পাশে দাঁড়ান চাই, আর তাদের এমন আদর্শ দেখান চাই যা তারা সোজানুজি বুঝতে পারে। সিভিল ডিসোবিডিয়েন্সের ঐ এক রাস্তা।

খোল্-নলচে বদলাও

গয়ার কংগ্রেস দলাদলিটা মিটে’ যাবে কি পেকে উঠবে, তাই নিয়ে চারিদিকে গবেষণা আরম্ভ হয়ে গেছে। যা নিয়ে দলাদলি দেখা দিয়েছে,

সেটা খুব বড় কথা নয়। কাউন্সিলে গিয়েই যে চতুর্ভুজ লাভ হবে, তার কোনো মানে নেই; আর না গেলেই যে দেশের একটা গতি হয়ে যাবে, তারও কোনো লক্ষণ দেখিনে। কংগ্রেসের যেটা গোড়ার কথা—দ্রষ্টব্য স্বাধীন করা—সেটা ক্রমশই চাপা পড়ে' যাচ্ছে; আর অসহযোগ আন্দোলনের ছাপায় রকম আধ্যাত্মিক, আধিভৌতিক, আধিদৈবিক ব্যাখ্যা নিয়েই সবাই ব্যস্ত। ষাঁরা কাউন্সিলে যাবার বিরোধী, তাঁরা বলছেন, ওখানে গেলে অসহযোগ আন্দোলনের ধর্ম নষ্ট হয়ে যাবে। কিন্তু অসহযোগ আন্দোলনের ধর্ম বজায় রেখেও যে কেমন 'করে' স্বাধীনতা পাওয়া যাবে, সে-সম্বন্ধে তাঁরা নীরব। চরকা চালাও, খন্দর পর, আর জাতীয় বিদ্যালয় সম্বন্ধে কাগজে দু-একটা লিখো, না-হয় দু-একটা বক্তৃতা দিও; তারপর স্বরাজ হওয়া ভগবানের হাত—এইটাই যেন তাঁদের মনোগত ভাব। কোন রকম গোলমাল বা জড়ালড়ির দিকে তাঁরা যেতে চান না—ও-রকম করলে নাকি ভারতের সনাতন ধর্ম নষ্ট হয়ে যাবে! সনাতন ধর্মটা যে এ রকম ক্ষণভঙ্গুর জিনিষ, তা ত জানা ছিল না।

ষাঁরা কাউন্সিল দখল করতে চাইছেন, তাঁদের কাউন্সিল ভাঙবার দিকে যেমন দৃষ্টি, অথচ কোনো কাজের দিকে তেমন দৃষ্টি নেই। না-হয় ধরেই নেওয়া গেল যে, কাউন্সিলে গিয়ে তাঁরা সরকার বাহাদুরের রসদ বন্ধ করবায় যথাসাধ্য চেষ্টা করলেন; তখন কর্তারা হয় ব্যতিব্যস্ত হয়ে কাউন্সিলওয়ালাদের সঙ্গে বা-হোক একটা রফা করে' ফেলবেন, না-হয় কাউন্সিল তুলে' দেবেন। রফাই যদি হয়, তা'হলে এখন থেকে বুঝে রাখা ভালো যে, রফার নাম স্বাধীনতা নয়। সে-রফার মানে রিফর্মের আর-এক-কিন্তি। এখনকার মডারেটরা যেমন রিফর্ম পেয়ে সরকারী দলভুক্ত হয়ে পড়েছেন, ভবিষ্যতে দ্বিতীয় কিন্তি রিফর্ম পেয়ে আবার একদল নূতন মডারেটের সৃষ্টি হবে। কিন্তু রফা হওয়া সম্বন্ধেও অনেক গোলমাল। গতবার যখন রিফর্ম বিলের খগড়া তৈরী হয়, তখন সরকার বাহাদুর ধরে-বাইরে অস্থির হয়ে উঠেছিলেন; রিফর্ম দেওয়া ছাড়া তাঁর আর গতাস্বর ছিল না। সুখু আইনের প্যাঁচে ফেলে কর্তাদের কাছ থেকে কিছু আদায় করে' নেবে, এমন ছেলে এখনও জন্মায়নি।

তারপর যদি কর্তারা কাউন্সিল তুলে' দিয়ে মুখোশ খুলে' ফেলে একেবারে দস্তবিচ্ছেদ করে' দাঁড়ান—তখনকার জন্তে কি ব্যবস্থা করছ? তখন কি দেশের লোকের কাছে গিয়ে বলবে—'ভাই সকল, কর্তারা আমাদের সঙ্গে রফা করলে না, অতএব তোমরা খাজনা-ট্যাক্স বন্ধ করে' দাও।' বাদেয় খাজনা-ট্যাক্স বন্ধ করবার জন্তে বলবে, তারা কি আশায় তোমাদের সঙ্গে এসে যোগ দেবে? কি তোমরা দেবে তাদের?

ষাঁরা আধ্যাত্মিক অসহযোগী, তাঁরা দেশের জনসাধারণকে খন্দর পরবার উপদেশ দিয়ে নিশ্চিন্ত আছেন। কিন্তু খন্দর পরলেই কি তাদের দুঃখ ঘুচবে? জমিদার, পুলিশ, মহাজনদের হাতে পড়ে' যারা সর্বস্বান্ত হয়েছে ও হচ্ছে, খন্দর পরলেই কি তাদের পেটের আর প্রাণের জ্বালা মিটবে?

ষাঁরা কাউন্সিল ধ্বংস করতে চান, তাঁদের মধ্যে এক দেশবন্ধু চিন্তরঞ্জন ছাড়া আর-বাউকে কৃষকদের সম্বন্ধে কোনো কথা বলতে শুনিতে। শ্রমিকদের সম্বন্ধে করবার প্রস্তাব নাগপুর কংগ্রেসে পাশ হয়েছিল, কিন্তু তা ধামাচাপা পড়ে' আছে। কংগ্রেস ও-সম্বন্ধে কোনো চেষ্টা করেনি। কৃষকদের সম্বন্ধে করবার প্রস্তাব দেশবন্ধুর কার্য-প্রণালীর মধ্যে 'বাঙলার কথা'য় দেখেছিলাম; কিন্তু কি উদ্দেশ্যে যে কৃষকদের বা শ্রমিকদের সম্বন্ধে করতে চেষ্টা করা হবে, তা 'বাঙলার কথা'য় দেখিনি, অথচ আমাদের মনে হয় যে, সম্বন্ধ গড়া বড় কথা নয়; আসল কথা হচ্ছে—কি উদ্দেশ্য নিয়ে তাদের সম্বন্ধে করা হবে।

কংগ্রেসের কার্য-প্রণালী দেখলে মনে হয় ওটা সুখু সওদাগর, মহাজন, উকিল, ব্যারিষ্টার, প্রোফেসার আর মধ্যবিত্ত শ্রেণীর ছেলে-ছোকরাদের যাতে সুখ-স্বচ্ছন্দ্যের ব্যবস্থা হয়, তাই নিয়ে ব্যস্ত। দেশের শাসনপ্রণালী যে রকম ভাবে বদলালে ঐ সব শ্রেণীর কতকটা অর্থিক লাভ হয় বা প্রভুত্ব বাড়ে, সেইটাই যেন কংগ্রেসের আদর্শ। দেশের শতকরা আশীজন লোক যে এ সমস্ত শ্রেণীর বাইরের, সেটা কংগ্রেস দেখেও দেখেন না। দেশের পুরো স্বাধীনতা পেতে গেলে যে দেশের অধিকাংশ লোকের শক্তির প্রভাবে তা পেতে হবে, আর দেশের অধিকাংশ লোককে স্বাধীনতার জন্তে শক্তির প্রয়োগ করাতে হলে যে দেশের অধিকাংশ লোকের স্বার্থেরক্ষণিক দিয়ে ব্যাপারটাকে দেখতে হবে—এ কথাটা কংগ্রেসের কর্তারা বুঝেও

বোঝেন না। দেশে কলওয়ারালার সঙ্গে মজুরের এখন যা সম্বন্ধ, তাই থাক, কংগ্রেসের কর্তারা যে সব শ্রেণীভুক্ত, সে সমস্ত শ্রেণীর স্বার্থ বোল আনা বজায় থাক—কেবল মাঝ থেকে দেশের জনসাধারণ খাড়া হয়ে দাঁড়িয়ে দেশকে বিদেশীর কবল থেকে মুক্ত করে' স্বদেশী পাণ্ডাদের হাতে তুলে' দিক। ওহে, তা হবে না—হবে না। কংগ্রেসের নলচে, খোল—তুই বদলাতে হবে; তা যদি না কর, ত দেশকে স্বাধীন করা কংগ্রেসের কর্তব্য নয়। কংগ্রেস চিরদিন 'ঘটক' আর 'পটক' নিয়েই মজে' থাকবে।

কংগ্রেসের কচকচি

কংগ্রেসে যে ছুটি দল দেখা দিয়েছে, তাদের পরস্পরের মধ্যে মতের অমিল যতই থাকুক, এক জায়গায় বেশ পাকা মিল আছে। সেটা হচ্ছে এই যে, ছুটি দলই দেশের মধ্যবিত্ত শ্রেণীর দল।

পুরোনো দলের আশা ছিল যে, কোর্ট, কাউন্সিল, উপাধি আর ইন্সল-কলেজ ছেড়ে দিলেই ইংরেজ রাজত্ব ভেঙ্গে পড়বে। না পড়ে, তখন খাজনা-ট্যাক্স বন্ধ করবার আয়োজন করা যাবে। কিন্তু যে কারণেই হোক, কোর্টও খালি হয়নি, কাউন্সিলও খালি হয়নি, কলেজও খালি হয়নি; আর উপাধিধারীর দলও বেঁচে আছে। খাজনা-ট্যাক্স বন্ধ করবার আয়োজন বারদোলিতে হয়েছিল; কিন্তু বোখন আরম্ভ হবার আগেই ঘট ফেঁসে গেল। খাজনা-ট্যাক্স বন্ধ করা চাপা পড়ে' গেল; আর শীঘ্র যে কোথাও আরম্ভ হবে, সে-রকম লক্ষণ দেখা যাচ্ছে না।

এবারকার কংগ্রেসে যে সমস্ত প্রস্তাব গ্রহণ করা হয়েছে, তার মধ্যে ঐ সমস্ত মামুলি কোর্ট, কাউন্সিল, কলেজ বন্ধকট করার প্রস্তাব ত আছেই, অধিকন্তু আছে সিভিল ডিসোবিডিয়েন্স আরম্ভ করার প্রস্তাব। কোর্ট, কাউন্সিল, কলেজ বন্ধকট করা কার্য্যতঃ এ পর্য্যন্ত হয়ে ওঠেনি, আর ভবিষ্যতে হবার সম্ভবনাও যে খুব কম, এ কথা কংগ্রেসের কর্তারা খুব ভালো করেই জানেন। শুধু ও-গুলো যে পাশ করা হয়েছে, তা শুধু নিজেদের মনকে 'চোখ ঠারবার জন্তে'। একটা-কিছু করতে হবে ত! সিভিল ডিসো-

বিডিয়েন্স আরম্ভ করবার কথা শুনে প্রথমে মনে হয়েছিল যে, কর্তারা বুঝি সত্যি সত্যিই একটা-কিছু করতে চান। তারপর তাঁদের লেখা পড়ে' আর বক্তৃতা শুনে' সে ভ্রম আমাদের কেটে গেছে। খাঁটি অসহযোগের প্রধান পাণ্ডা ত্রীমুক্ত রাজগোপালাচারী বেশ ব্যাখ্যা করে, বুঝিয়ে দিয়েছেন যে, পঞ্চাশ হাজার স্বেচ্ছাসেবক জোঁগাড় করা হবে শুধু গ্রামে গিয়ে চরকা প্রচলন আর সালিসী আদালত স্থাপন করবার জন্তে। সরকার বাহাদুর ত আর ছেলেদের নিশ্চিন্ত হয়ে এ সমস্ত কাজ করতে দেবেন না। বাস, তা'হলেই ত সিভিল ডিসোবিডিয়েন্সের পালা সাক্ষ হলে গেল—আবার কি চাই? আর ঐ যে পঁচিশ লক্ষ টাকা তোলা হবে, তা খরচ হবে রেলভাড়ার জন্তে, টেলিগ্রাম করবার জন্তে, আর কাগজপত্র কিনতে। আইন-ভঙ্গ যদিও করা হয়, সেটা হবে ব্যক্তিগত ভাবে।

এঁদের কথা বেশ বুঝতে পারা যাচ্ছে। এদের ধারণা এই যে, আপাততঃ গ্রামে গ্রামে গিয়ে খন্দর প্রচার করা যাক, আর অস্ত্রাভ্যাসে দেশের লোকের সেবা-শুশ্রূষা করা যাক; গোটাকতক গ্রামশাল বুল, পাঠশালা আর সালিসী আদালত বসাবার চেষ্টা করা যাক; এর জন্তে পুলিশে ধ'রে জেলে দেয়, ত কি আর করবো, জেলে যেতেই হবে। কিন্তু আপাততঃ এ সবের বাইরে 'পাদমেকং ন গচ্ছামি।' খাজনা-ট্যাক্স বন্ধ করে' ফ্যাসাদ সৃষ্টি করতে এঁরা যাবেন না।

মুতন দলও খাজনা-ট্যাক্স বন্ধ করে' দেশজোড়া সিভিল ডিসোবিডিয়েন্স আরম্ভ করবার জন্তে বিশ্ব চেষ্টা করবেন বলে' মনে হয় না। মুতন দলের নেতা দেশবন্ধু চিত্তরঞ্জন বলে' দিয়েছেন যে, general mass civil disobedience—দেশব্যাপী আইন ভঙ্গ করা—ব্যাপারটার ওপর তাঁর তেমন প্রভা নেই। ওটা যে সম্ভবপর, তা তিনি মনে করেন না। এইখানে দেখছি দু'দলেরই কার্য্যতঃ মিল রয়েছে। তবে, তফাৎ এইখানে যে, পুরাতন দল চান যথাসম্ভব গোলমাল বাঁচিয়ে দেশের সেবা করতে, আর মুতন দল চান কাউন্সিলে ঢুকে স্থানে স্থানে ছোটখাট আইন ভঙ্গ করে' আমলাতন্ত্রকে অস্থির করে' তুলতে। পুরাণো দল 'সিভিল', আর মুতন দল 'মিলিটারী'। পুরাতন দল যে রাস্তা ধরে' চলেছেন, তাতে দেশের বর্তমান শাসনপ্রণালী বদলে যাবার কোনো

সম্ভাবনা নেই, দেশ স্বাধীন হওয়া ত দূরের কথা; নূতন দল যে রাস্তা ধরে' চলতে চাইছেন, তাতে দেশে খানিকটা অশান্তির সৃষ্টি হয়ে আমলাতন্ত্রের সঙ্গে একটা রক্ষা পর্য্যন্ত হতে পারে; কিন্তু দেশ স্বাধীন করার আয়োজন এ নয়।

আসল কথা হচ্ছে এই, যে কার্য্যপ্রণালী তাঁরা ধরছেন, তাতে সমাজের নিম্নস্তর পর্য্যন্ত তাঁরা পৌঁছতে পারবেন না; সুতরাং বর্তমান শাসন-প্রণালীর আমূল পরিবর্তনও হবে না।

কংগ্রেসে কৃষক-সভা আর শ্রমজীবী-সভা গড়বার জন্তে একটা প্রস্তাব পাশ হয়েছিল। কিন্তু পুরাণো দলের সবাই ও-কাজটাকে বাদ দিয়ে চলেছেন; বাংলার প্রাদেশিক কংগ্রেস কমিটিও ও-কাজে হাত দেবার কোনো চেষ্টা করেননি। নূতন দলের লোকেরাও কাউন্সিলের কথা নিয়েই ব্যস্ত। দু'দলের লোকেরাই চান যে দেশে একটা রাজনৈতিক পরিবর্তন হয়ে যাক। আর তার জন্তে দেশের জনসাধারণের সাহায্যও তাঁরা চান। কিন্তু সেই রাজনৈতিক পরিবর্তনের সঙ্গে সঙ্গে জন-সাধারণের মধ্যে একটা সামাজিক আর রাজনৈতিক পরিবর্তনও যে আসা চাই, সে-কথাটা তাঁরা ভালো করে' ভাবেন না। আমাদের মনে হয় যে, এদেশে একটা সামাজিক আর অর্থনৈতিক ওলট-পালট না হলে রাজনৈতিক ওলট-পালট হবে না। কংগ্রেসে দু'দলই যতটা রাজনৈতিক পরিবর্তন চান, ততটা সামাজিক বা অর্থনৈতিক পরিবর্তন চান না।

দেশের জনসাধারণ যে-পরিবর্তন চায়, কংগ্রেস তা চান না—সেইখানেই হয়েছে গোলমাল। অথচ জনসাধারণের সঙ্গে তাঁদের স্বার্থের যে বিরোধ আছে, সেইটুকু তাঁরা চাপা দিয়ে চলতে চান। এরই ফলে আজ দেশব্যাপী নিরুজ্জীবিতা এসেছে; এরই ফলে কংগ্রেসের সব কথাই শুধু ফাঁকা আওয়াজ হয়ে যাচ্ছে।

জনসাধারণ যেদিন খাড়া হয়ে দাঁড়াবে, সেদিন তারা মধ্যবিত্ত শ্রেণীর সুখ-স্বাচ্ছন্দ্যের ব্যবস্থার জন্তে দাঁড়াবে না, নিজেদের সুখ-স্বাচ্ছন্দ্যের জন্তেই দাঁড়াবে, ষাঁরা দেশের পূর্ণ স্বাধীনতা লাভের জন্তে চেষ্টা করতে চান, তাঁদের কংগ্রেস-কচকচি ছেড়ে দিয়ে ঐ জনসাধারণের মাঝখানে গিয়েই ডুব দিতে হবে। ঐখানেই শক্তির কেন্দ্র।

সামঞ্জস্য

কংগ্রেসে পুরাণো দল যত নির্জীব হয়ে পড়ছেন, সেখানে তত নূতন দল দেখা দিচ্ছে। সেই-সমস্ত নূতন দলের আদর্শ দেখলেই বুঝতে পারা যায় দেশের লোকের মন কোন্ দিকে যাচ্ছে। পুরাণো দলের দেশ স্বাধীন করার কার্য্যপ্রণালীর তার কথা—দেশব্যাপী আইন-ভঙ্গ করা, কিন্তু সে আয়োজন যে রকম ধীরে ধীরে চলছে, আর তাঁদের আইন-ভঙ্গ করার ধারণা যে রকম, তাতে যে কল্পনাকালেও আইন-ভঙ্গ আরম্ভ করাই হবে—তা আশা করাই শক্ত। তাঁরা গ্রামে গ্রামে যেচ্ছাসেবক পাঠিয়ে খন্দর প্রচার করে' আর নিজেদের পঞ্চায়ত সৃষ্টি করে' গ্রাম্য-সমিতিগুলি গড়ে' তুলবেন; সঙ্গে সঙ্গে অল্প-বিস্তর সমাজ সংস্কারও শিক্ষার ব্যবস্থাও হবে। তারপর গ্রাম্য-সমিতিগুলি গড়ে' উঠলে, দেশ শান্ত, সংযত, সংয-বদ্ধ হলে তাঁরা একসাথে দেশময় আইন-ভঙ্গ আরম্ভ করবেন—অন্ততঃ এইটাই তাঁদের বর্তমান সঙ্কল্প।

বারদোলির অমুশাসনের পর থেকেই এই রকম কথা চলছে। এই রকম কার্য্যপ্রণালীর উপর কংগ্রেসের কর্ম্মীদের যে শ্রদ্ধা আছে, একথা তাঁদের অধিকাংশ লোক গয়ার কংগ্রেসে বলেছেন। কিন্তু মজার কথা এই, বারদোলির অমুশাসন প্রচার হবার পর প্রায় এক বৎসর কেটে গেছে, তবু দেশকে সংযবদ্ধ করার আয়োজন যে এক পা-ও এগিয়েছে, তার প্রমাণ নেই। অনেকে বলেন কর্ম্মীদের মধ্যে উৎসাহের অভাবই তার প্রধান কারণ। কিন্তু উৎসাহের অভাবেরও ত কারণ আছে।—সেটা কি ?

স্বরাজ বলতে যে কি বোঝায়, তা কংগ্রেস এখনও স্পষ্ট করে' বলেননি। বিদেশের সঙ্গে সঙ্ঘর্ষই বা কি রকম থাকবে, আর দেশের জন-সাধারণের অবস্থাই বা তখন কি হবে, বা হওয়া উচিত, সে-সম্বন্ধেও কংগ্রেস কোনো স্পষ্ট নির্দেশ করেননি। চরকা কেটে নিজের হাতে খন্দর তৈরী করে' পরলে কৃষকদের আর্থিক অবস্থা একটু ভালো হবে সন্দেহ নেই। কিন্তু তাদের যে সমস্ত বড় দুঃখ-কষ্ট, তার অনেকটাই ঘুচবে না। জমিদার, মহাজন, হয়ত সমানভাবেই তাদের রক্ত যুচতে থাকবে; আর স্বদেশী পুলিশ যে বিদেশী পুলিশের চেয়ে কতখানি ভালো হবে, তা'ও এখনও জানা নেই।

সুতরাং কংগ্রেস এখন যে-পথ ধরে' গ্রাম্য-সমিতিগুলি গড়তে চাইছেন, সে-পথ ধরে' চললে আইন-ভঙ্গ যে কেমন করে' আরম্ভ হবে, তা বোঝা কঠিন। সাধারণ লোকে স্বরাজ্যের সূক্ষ্ম ব্যাখ্যা বোঝে না, তাদের মোটা মোটা দুঃখ-কষ্টগুলো বোঝে। সেগুলো দূর করবার জন্তে আইন-ভঙ্গ করতে রাজী হবে। সেই অভাবগুলো দূর করবার জন্তে যদি তাদের সংঘবদ্ধ করবার চেষ্টা হয়, তা'হলে সে-চেষ্টা সফল হতে পারে, আর তাই থেকে আইন-ভঙ্গও আরম্ভ হতে পারে। কিন্তু যে-আদর্শ নিয়ে কংগ্রেস গ্রামে গ্রামে খন্দর-সমিতি স্থাপন করছেন, তা থেকে আইন-ভঙ্গ হবে কি করে', তা বোঝা যায় না। কংগ্রেসের নেতাদের কথামত দেশের লোক কি চক্ষু বুজে বুঝে পড়বে?

দেখে-শুনে মনে হয়, দেশের আইন অমান্ত আরম্ভ করা পুরাণো দলের কর্ম নয়। তাঁরা আরও কিছুদিন গ্রাম্য-সমিতি গঠন করবার একটা ব্যর্থ চেষ্টা করে' শেষে নির্জীব হয়ে পড়বেন।

তারপর নতুন দলের কথা। নতুন দলের কার্য-প্রণালী এখনও সমস্ত জানা যায়নি। তবে যতদূর বোঝা যায়, তাতে মনে হয়, তাঁরা কার্ভিসিলে আর কার্ভিসিলের বাইরে আমলাতন্ত্রের সঙ্গে নানারকম ছোটখাট সংঘর্ষ বাধিয়ে তা থেকে ক্রমে ক্রমে একটা দেশব্যাপী সংঘর্ষ সৃষ্টি করতে চান। আইন-ভঙ্গ আরম্ভ করবার এই যে প্রকৃষ্ট পন্থা, তাতে আর সন্দেহ নেই। কিন্তু এই আইন-ভঙ্গ ব্যাপারটা সত্যি সত্যিই যদি দেশব্যাপী করতে হয়, তা'হলে শুধু মধ্যবিত্ত শ্রেণীর তত্ত্বালোকদের নিয়ে তা করলে চলবে না; সমস্ত দেশবাসীর তাদের সঙ্গে থাকা চাই। তার আয়োজন কি করে' হবে? শোনা যাচ্ছে এই উদ্দেশ্যে নতুন দলের নেতারা কৃষক সঙ্ঘ আর শ্রমজীবী সঙ্ঘ গড়বার চেষ্টা করবেন। নাগপুরের কংগ্রেসে শ্রমজীবী সঙ্ঘ গড়বার একটা প্রস্তাব পাশ হয়েছিল। কিন্তু তা এখনও কার্যে পরিণত হয়নি। এবারেও কংগ্রেসে কৃষক আর শ্রমজীবীদের সংঘবদ্ধ করবার প্রস্তাব গৃহীত হয়েছে, কিন্তু পুরাণো দল সেই মত কাজ করবার কোনো চেষ্টা করছেন বলে' আমরা জানিনে। নতুন দল হয়ত সত্যি সত্যিই সে-কাজটা হাতে নিতে পারেন; কেননা শোনা যাচ্ছে যে, তাঁদের স্বরাজ্যে ভিন্ন ভিন্ন শ্রেণীর, আর হিন্দু-মুসলমান প্রভৃতি ভিন্ন ভিন্ন জাতির কি রকম অধিকার থাকবে, তা এখন

থেকেই ঠিক করে' দেবার জন্তে তাঁরা চেষ্টা করছেন। স্বরাজ্যের আদর্শটা ঠিক কি রকম হবে, তা আমরা জানিনে; তবে শোনা যাচ্ছে ভিন্ন ভিন্ন শ্রেণীর মধ্যে স্বার্থের সামঞ্জস্য যাতে থাকে, সেদিকে তাঁরা দৃষ্টি রাখবেন। কিন্তু খবরের কাগজে তাঁদের কার্য-প্রণালী যতটুকু প্রকাশ হয়েছে, তা থেকে এই সামঞ্জস্যটা কি রকম হবে তা বোঝা যায় না। একটা কথা তাঁরা বলেছেন যে, স্থাবর, অস্থাবর সম্পত্তির উপর ব্যক্তিগত অধিকার যাতে বজায় থাকে, সেদিকে তাঁরা নজর দেবেন; অধিকন্তু ও-বিষয়ে লোককে উৎসাহিত করবেন। কথাটার মানে ঠিক বুঝতে পারা যাচ্ছে না। পাছে লোকে তাঁদের "বলশেভিক" বলে' বদনাম দেয়, এই ভয়েই নাকি তাঁরা ব্যক্তিগত অধিকারের ওকালতি করেছেন। এ কথা যদি ঠিক হয়, তা'হলে জমিদারদের স্বার্থের সঙ্গে রায়তদের স্বার্থের সামঞ্জস্য, বা কলওয়ালাদের স্বার্থের সঙ্গে মজুরদের স্বার্থের সামঞ্জস্যটা যে নিতান্ত একপেশে ব্যাপার হয়ে দাঁড়াবে, তা বোঝাই যাচ্ছে।

আরও একটা কথা এই যে, তাঁরা এই সামঞ্জস্য বিধান করবার চেষ্টা করছেন, তাঁদের মধ্যে কৃষক বা মজুরদের প্রতিনিধি কেউ নেই। তাঁরা ভিন্ন ভিন্ন শ্রেণীর মধ্যে বিরোধ যাতে না বাধে—সেইজন্ত এই সামঞ্জস্যের চেষ্টা হয়ত করছেন; কিন্তু তাঁদের কথামত জমিদার বা কলওয়ালারা নিজেদের স্বার্থ কি ছাড়বে? আর কৃষক বা মজুরেরাই যে তাদের কথা মেনে নেবে, তার প্রশ্ন কি? সুতরাং একটা মনগড়া সামঞ্জস্য সৃষ্টি করলেই যে বিরোধ দূর করা যাবে, তা ত মনে হয় না।

প্রকৃত সামঞ্জস্য তখনই হবে, যখন কৃষক আর শ্রমজীবীরা নিজেদের সঙ্ঘ সৃষ্টি করে' স্বরাজ্য পাবার জন্তে ধনীদের সঙ্গে একটা রফা করবে। এখন আমাদের কাজ সেই কৃষক আর শ্রমজীবী সঙ্ঘ গড়ে' তাদের শক্তিমান করে' তোলা।

শ্রমিকেরা স্বতন্ত্র দল গড়বে বা আপাততঃ নতুন দলের সঙ্গেই কাজ করবে, সেটা নতুন দলের কার্য-প্রণালী বের হবার পর স্থির হতে পারে।

আমাদের পথ

একজন বিশিষ্ট বন্ধু "ধনী আর দরিদ্রের বোঝা-পড়া" শীর্ষক গ্রন্থে বলেছেন যে, "ধনী আর

মধ্যবিত্ত শ্রেণীর বিরুদ্ধে সংগ্রাম ঘোষণা করলে দেশের এখন ক্ষতির সম্ভাবনাই অধিক।” ধনী আর দরিদ্রের মধ্যে স্বার্থের যে বিরোধ আছে, সে-কথাটা এখন উঠিয়ে কাজ নেই। কৃষিকার্যে যৌথপ্রণালী অবলম্বন করে’ বা অস্ত্রাস্ত্র উপায়ে প্রজাদের মজল-সাধন করা যেতে পারে; আপাততঃ তাই করা যাক। তাতে যদি কৃষকদের অবস্থার উন্নতি না হয়, তখন অস্ত্র ব্যবস্থা করা যেতে পারে।

তঁার দ্বিতীয় বৃষ্টি হচ্ছে এই যে, মধ্যবিত্ত শ্রেণী বা ধনীদের সঙ্গে সংগ্রাম করে’ অল্পের সংস্থান করে’ নেওয়া খুব সোজা কথা নয়। কেননা, “শ্রমজীবীদের শক্তি ইংলণ্ডে যত বেশী, এত আর কোথাও দেখি না।” তবু তারা নিজেদের সুবিধে করে’ নিতে পাচ্ছে না কেন? ইতালীতেও ফ্যাসিষ্টরা কম্যুনিষ্টদের হারিয়ে দিলে কেন? সুধু জনবলে যে কাজ হয় না, তার প্রমাণ ত আমাদের নিজেদেরই দেশ! এত লোক, অথচ স্বাধীনতার সংগ্রামে যোগ দেবার বেলা ক’জন আসে?

তঁার তৃতীয় বৃষ্টি হচ্ছে এই যে, হিন্দু-মুসলমানের মধ্যে মিলটা এখনও পাকা হয়নি। এখন যদি জমিদারদের বিরুদ্ধে প্রজারা ক্ষেপে উঠে, তা’হলে এদেশে যখন প্রজাদের মধ্যে মুসলমানের সংখ্যা বেশী, আর জমিদারদের মধ্যে হিন্দুর সংখ্যা বেশী, তখন জমিদার আর প্রজার ঝগড়াটা হিন্দু-মুসলমানের ঝগড়া হয়ে দাঁড়াবে। সে একটা বিষয় বিপদ।

চতুর্থ বৃষ্টি এই যে, দেশের স্বাধীনতা আনতে গেলেই যে ধনী আর মধ্যবিত্তদের ধ্বংস করতে হবে, এরই বা মানে কি? দেশের স্বাধী তার জন্তে মধ্যবিত্ত শ্রেণী থেকে যত লোক পাওয়া গেছে, তত আর-কোন শ্রেণী থেকে পাওয়া যায়নি, সুতরাং কৃষক আর শ্রমজীবীরা মধ্যবিত্ত শ্রেণীর বিরুদ্ধে যদি যায়, ত তার ফলে অরাজকতার সৃষ্টি হবে মাত্র। ফরাসী-বিপ্লবের সময় যে অরাজকতা এসেছিল, তার ফল তো হোলো প্রায় শূন্য।

প্রায় এই রকম কথা আমরা আরও অনেক বন্ধুবান্ধবদের কাছে শুনতে পাই। তাঁদের প্রায় সকলেরই ধারণা যে, সমস্ত দেশটাকে এক স্ত্রে বেঁধে বিদেশীর ঘাড়ে ছুঁড়ে ফেলে দেওয়া যাক। তারপর নিজেদের হাতে যখন রাজ্যটা আসবে তখন ঘরোয়া ব্যাপার নিয়ে আলোচনা করা হবে। কিন্তু আমাদের বিশ্বাস যে বিদেশী-শাসনের বিরুদ্ধে দেশের সমস্ত লোককে একত্র করবার আশায় ধীরা বসে’ থাকবেন, তাঁদের চিরকালই বসে’ থাকতে হবে।

যাদের স্বার্থ বিদেশী আমলাতন্ত্রের স্বার্থের সঙ্গে জড়িত, তারা নিজেদের স্বার্থ বজায় রাখবার জন্তে যতটা মাথা ঘামাবে, দেশের স্বাধীনতার জন্তে ততটা মাথা ঘামাবে না। আমাদের দেশের অধিকাংশ ধনী লোকেরা এই কারণেই মড়ারেট। তাঁরা বিদেশী শাসনপ্রণালীটাকে একটু গা-সওয়া গোছের করে’ নিতে চান; স্বাধীনতা চান না। তাঁদের খাতিরে দেশের জনসাধারণ নিজেদের স্বার্থ বিসর্জন দিতে যাবে কেন? সরকারী যে-সমস্ত খাজনা-ট্যাক্সের ফলে জনসাধারণের অন্তর্বিধা হচ্ছে, জনসাধারণ সেগুলো ত উঠিয়ে দিতে চায়-ই; সঙ্গে সঙ্গে দেশের ধনী বা মধ্যবিত্ত সম্প্রদায়ের যে-সমস্ত অত্যাচার স্বার্থক্ষার ফলে তাদের কষ্ট হচ্ছে, সেগুলোও উঠিয়ে দিতে চায়। প্রমাণ বাঙ্গলা দেশে রায়ত-সভা, বেহারে হিন্দুস্থান, রাজপুতানায় কৃষাণ সভা, আর মালাবারে মোপলা বিদ্রোহ। সরকারের অত্যাচারই কি সুধু অত্যাচার, দেশের লোকের অত্যাচার কি অত্যাচার নয়? যারা জমিদারের জালায় অস্থির হয়ে উঠেছে, তাদের কাছে গিয়ে কি বলা হবে, যে হেতু জমিদার দেশী লোক, অতএব তাদের দেওয়া কষ্ট নির্বিবাদে সহ্য কর, আর সরকারী খাজনা-ট্যাক্স বন্ধ কর? স্বাধীনতার চেষ্টা অমন সুবিধামত ভাগাভাগি করে’ আসে না। যারা অস্ত্রাস্ত্রের বিরুদ্ধে দাঁড়ায়, তারা সব অস্ত্রাস্ত্রের বিরুদ্ধেই দাঁড়ায়।

দ্বিতীয় বৃষ্টি সম্বন্ধে বক্তব্য এই যে, ধনী আর মধ্যবিত্ত শ্রেণীর অত্যাচার স্বার্থের বিরুদ্ধে লড়াই করে’ প্রজাসাধারণের জয়ের সম্ভাবনা থাক আর নাই থাক, স্বাধীনতা-সংগ্রামের ওটাও একটা অঙ্গ। ধনী বা মধ্যবিত্ত শ্রেণীর দেশের স্বাধীনতার জন্তে যদি সত্যিই প্রাণ কেঁদে থাকে, তা’হলে দরিদ্র জনসাধারণের জন্তে তাঁরা নিজেদের অত্যাচার স্বার্থগুলি ছাড়তে রাজী হবেন না কেন? এর দ্বারা সুধু এইটুকু কি বোঝা যায় না যে, তাঁদের কাছে দেশের স্বাধীনতা মানে সুধু নিজেদের স্বার্থ? তা ছাড়া, ইংলণ্ডে শ্রমজীবীদের শক্তি অস্ত্রাস্ত্র দেশের শ্রম-জীবীদের শক্তির চেয়ে কম বই বেশী নয়; ধীরা ইউরোপের শ্রমিক সম্মেলন খবর রাখেন, তাঁরাই একথা জানেন। ইতালীতে ফ্যাসিটি আন্দোলন প্রবল হয়েছে, কিন্তু ইতালীর ইতিহাস এখনও শেষ হয়নি। “জনবলে কাজ হয় না, তার প্রমাণ আমাদের দেশ”—এ কথাটাও ভুল। বিদেশী-স্বদেশী সবাই মিলে তাদের দাবিয়ে রেখেছে। সত্যি

সত্যি কেউ তাদের স্বাধীনতার নামে ডাক দেয়নি। যেদিন তা দেবে, সেদিন এক মুহূর্তে সব বন্ধন তারা ছিঁড়ে ফেলবে। তার নিদর্শন অতীতেও দু-একবার পাওয়া গেছে।

তারপর হিন্দু-মুসলমানের কথা। গোঁজামিল দিয়ে হিন্দু-মুসলমানের মিল হবে না। হিন্দু-মুসলমানের মিল হতে পারে তখন, যখন তারা বুঝবে যে হিন্দুও মানুষ আর মুসলমানও মানুষ। হিন্দু জমিদারের অধীনে মুসলমান প্রজাকে দাবিয়ে রাখা হিন্দু-মুসলমান মিলন ঘটাবার প্রকৃষ্ট পথ নয়। যে অস্ত্রায় অত্যাচার করবে, সে মারা যাবে, তা সে হিন্দুই হোক আর মুসলমানই হোক। মুসলমান প্রজাকে খলিফতের নামে ডাক দেওয়ার চেয়ে তার নিজের সুখস্বাচ্ছন্দ্যের নামে ডাক দিলে ঢের বেশী ফল পাওয়া যাবে।

তারপর দেশের স্বাধীনতা আনতে গেলে ধনী আর মধ্যবিত্তদের যে ধ্বংস করতে হবে, এ কথা আমরা বলি না। তবে এই কথা বলি—ধনী আর মধ্যবিত্তদের যে সমস্ত অস্ত্রায় স্বার্থ আছে, যার ফলে দরিদ্রেরা মারা পড়ছে, সেগুলি ছাড়তে হবে। তা যদি তাঁরা না ছাড়তে চান, তা'হলে বুঝতে হবে যে তাঁরা প্রকৃতপক্ষে স্বাধীনতা চান না, স্বাধীনতার নাম করে' নিজেদের স্বার্থ বজায় রাখতে চান। “স্বাধীনতার জন্তে মধ্যবিত্ত শ্রেণী থেকে অনেক ত্যাগী লোক পাওয়া গেছে”—এ কথা বোল আনা সত্যি নয়। একটু খোঁজ করলেই দেখা যাবে যে, যে-আদর্শের জন্তে মধ্যবিত্ত শ্রেণীর বীর পুরুষেরা লড়েছেন, সেটাকে দেশের স্বাধীনতা নাম দেওয়া হলেও প্রকৃতপক্ষে সেটা তাঁদের নিজেদের শ্রেণীর স্বাধীনতা ছাড়া আর কিছুই নয়। সব দেশের ইতিহাসে এ কথা বার বার প্রমাণ হয়েছে। আইরিশ স্বদেশ-প্রেমিক O' Conollyর Labour in Ireland বইখানি আমরা বন্ধুকে পড়তে অল্পরোধ করি। আর তিনি যে লিখেছেন যে ফরাসী-বিপ্লবের ফল হয়েছে শূন্য—এটা একটা প্রকাণ্ড ভুল। সত্যায় কিস্তি মারবার চেষ্টা ব্যর্থ হয়ে যাবে। আমাদের দেশে যদি সত্যি সত্যিই স্বাধীনতা লাভের চেষ্টা করতে হয়, তা'হলে এমন লোককে ডাক দিতে হবে, যাদের নিজেদের স্বার্থ স্বাধীনতা না পেলে বজায় থাকে না। তারা কারা? ধনীও নয়, মধ্যবিত্তও নয়—এ গরীব কাকালের দল।

বোল আনা স্বাধীনতা

এই জিনিষটা আজ আমাদের ভালো করে' বুঝতে হবে যে, আমাদের পরাধীনতা শুধু রাজনৈতিক পরাধীনতা নয়। রাজনৈতিক পরাধীনতা দূর করবার এ পর্যন্ত যে-সমস্ত চেষ্টা হয়েছে, সেগুলি যে ব্যর্থ হয়ে গেছে, তার কারণ এই যে, এদেশের রাজনৈতিক পরাধীনতার মূলে যে-সমস্ত কারণ রয়েছে, সেগুলি আমরা দূর করতে চাই না। মুখে বাই বলি, দেশের লোকের বোল আনা স্বাধীনতা আমরা চাই না। কথাটা অগ্রিয় হলেও সত্য।

এই বাঙলা দেশের কথাই ধরা যাক। এখানে শতকরা অন্ততঃ পাঁচাত্তর জন লোক চাষ করে' খায়, আর বাকি লোকদের মধ্যে দু-পাঁচজন জমিদার বা বড় উকিল, ব্যারিষ্টার আর ব্যবসাদার। মধ্যবিত্ত ভদ্রশ্রেণীর মধ্যে অধিকাংশ হয় ছোটখাট ব্যবসাদার, না-হয় চাকরে বা ইঁহুল মাষ্টার। শতকরা পাঁচাত্তর জন যারা চাষ করে বা মজুরি করে' খায়, তাদের মধ্যে অধিকাংশই দেশী জমিদারের প্রজা, সামাজিক হিসাবে তারা আমাদের কাছে “ছোটলোক”।

এখন কথা হচ্ছে এই যে, স্বাধীনতা বলতে আমরা কি বুঝি? দেশে এই যে স্বাধীনতার আন্দোলন, ধনী, মধ্যবিত্ত আর দরিদ্র, এই তিন শ্রেণীর কাছে এর অর্থ ভিন্ন ভিন্ন।

দেশের মধ্যে যারা ধনী লোক, যেমন জমিদার আর বড় বড় উকিল ব্যারিষ্টার বা শওগার—দেশে রাজনৈতিক স্বাধীনতা না থাকায় তাঁদের ক্ষতি হয়েছে কি? ইংরেজ রাজত্বের কল্যাণেই তাঁরা ফেঁপে-ফুলে উঠেছেন, ইংরেজ রাজত্বের সঙ্গেই তাঁদের প্রতিপত্তি জড়িত। ইংরেজ তাঁদের সঙ্গে সমানভাবে ব্যবহার করে না, বা ইংরেজ এদেশে থাকার দরুন তাঁদের প্রভুত্ব যতখানি হতে পারতো ততখানি হয় না, এইটাই তাঁদের দুঃখ। তাঁরা যখন দেশের স্বাধীনতার কথা বলেন, তখন জাতসারে বা অজাতসারে তাঁরা নিজেদের দুঃখই দূর করতে চান। তাঁদের যে দেশপ্ৰীতি তার মূল হচ্ছে নিজেদের আরও একটু প্রভুত্বের আকাঙ্ক্ষা। এদেশে যদি উপনিবেশগুলোর মত স্বায়ত্ত-শাসনের কাছাকাছি একটা-কিছু পাওয়া যায়, আর দেশের শাসনভার যদি এই শ্রেণীর হাতে পড়ে, তা'হলে আর স্বাধীনতার জন্তে এঁরা

কেউ টু শব্দটি কল্পবেন না। এঁদের স্বাধীনতার ক্ষুধা মিটে যাবে।

তারপর মধ্যবিস্ত শ্রেণীর কথা ধরা যাক। ইংরেজ রাজত্বে দেশের বড় বড় চাকরী পরহস্তগত হয়েছে, ব্যবসা-বাণিজ্যের সুবিধা নেই; সুতরাং এই মধ্যবিস্ত শ্রেণী দিন দিন দরিদ্র হয়ে পড়েছে। ইংরেজী শিখে, চাকরী করে' যতদিন এদের পেট ভরতো, ততদিন এরা রাজনৈতিক আন্দোলনে খুব বেশী যোগ দেয়নি। এরাই দেশের শিক্ষিত লোক; আত্মসম্মানবোধ এদের অনেকটা আছে। সুতরাং বিদেশের লোকের সঙ্গে নিজেদের অবস্থার তুলনা করে' যখন এদের মন চঞ্চল হয়ে উঠতো, তখন স্বাধীনতার সুখস্বপ্ন এরা দেখতো বটে, কিন্তু সেই প্রাণের জ্বালায় সঙ্গে যখন পেটের জ্বালা এসে যোগ দিলে, তখন তারা বিদ্রোহী হয়ে দাঁড়াল। ১৯০৫ খৃষ্টাব্দের পর দেশে যে বিপ্লবপন্থীর দল দেখা দিয়েছিল, তারা সবাই মধ্যবিস্ত শ্রেণীর লোক। বিপ্লবপন্থীদের নামের তালিকা দেখলে দেখা যায় যে, তারা ব্রাহ্মণ, কায়স্থ না-হয় বৈষ্ঠ। অস্ত্র শ্রেণীর লোকও ছিল; কিন্তু তাদের সংখ্যা খুবই কম। বিপ্লবপন্থীরা দেশের স্বাধীনতা চাইতো বটে, কিন্তু সে-স্বাধীনতার মানে ইংরেজের বদলে দেশের উপর নিজেদের শ্রেণীর প্রভুত্ব।

বিপ্লবযুগের পর কংগ্রেসের প্রতিপত্তি খুব বেড়ে গেছে। আগে যারা বিপ্লবপন্থী ছিল, মহাত্মা গান্ধীর সংস্পর্শে এসে তারা অনেকেই কংগ্রেসে যোগ দিয়েছে। প্রকৃতপক্ষে কংগ্রেস এখন মধ্যবিস্ত শ্রেণীরই প্রতিষ্ঠান; তাদের আশা ও আকাঙ্ক্ষার মূর্তরূপ। কিন্তু কংগ্রেস কি চায়? মহাত্মা গান্ধী বলেছিলেন যে, তিনি উপনিবেশগুলোর মত স্বায়ত্ত-শাসন পেলেই সন্তুষ্ট। অসহযোগীদের একথানা প্রধান কাণ্ডাজ, মাদ্রাজের “স্বরাজ্য” সেদিন বেশ স্পষ্ট করেছে লিখেছে যে, অসহযোগীরা ইংরেজী শাসন-প্রণালীর কাঠামটা বদলাতে চায় না। ওটা এখন ইংরেজদের স্বার্থরক্ষার জন্ত ব্যবহার করা হচ্ছে; তা না হয়ে যদি দেশীলোকের স্বার্থরক্ষার জন্তে ব্যবহার করা হয়, তা'হলেই অসহযোগীরা ভুট্ট হবে। কিন্তু এই দেশীলোক কারা? বর্তমান শাসনযন্ত্র দেশীলোকের হস্তগত হলে কোন্ শ্রেণীর স্বার্থ পুরোপুরি রক্ষা করা হবে? দেশে উপনিবেশের মত স্বায়ত্ত-শাসন প্রতিষ্ঠিত হলে সরকারী চাকরী-গুলো মধ্যবিস্ত শ্রেণীর হস্তগত হবে; আইনকানুন

করবার ক্ষমতা দেশের ধনী আর মধ্যবিস্ত শ্রেণীর হাতে আসবে; দেশে কল-কারখানা আর ব্যবসা-বাণিজ্য বাড়ার সঙ্গে সঙ্গে মধ্যবিস্ত শ্রেণীর অর্থবলও বাড়বে। কিন্তু প্রশ্ন এই দেশের কতজন লোক এই মধ্যবিস্ত শ্রেণীভুক্ত? দেশের মধ্যবিস্ত শ্রেণীর স্বাধীনতা লাভ মানে কি সারা দেশের স্বাধীনতা লাভ?

তোমরা হয়ত বলবে—“কেন? যাদের হাতে প্রভুত্ব এসে পড়বে, তারা সকলকে সেই স্বাধীনতার, সেই প্রভুত্বের, সেই অর্থের ভাগ দেবে।” আমরা বলি—“তা যে দেবে, তার প্রমাণ কই? আজকাল যখন স্বাধীনতার কথা ওঠে, তখন স্বাধীনতার খাতিরে জমিদার কি নিজেদের জমিদারী ছাড়তে চায়? দেশে যে-সমস্ত বড় বড় কলওয়ালা আছে, তারা কি স্বাধীনতার খাতিরে নিজেদের কুলি মজুরদের মাইনে বাড়িয়ে দিতে চায়? দেশের যত মধ্যবিস্ত শ্রেণীর জোতদার বা পত্তনিদার কি নিরস্ত্র প্রজার খাতিরে নিজেদের স্বার্থ ছাড়তে চায়? এখন চায় না; তা আবার নিজেদের হাতে প্রভুত্ব এলে, তা আরও চাইবে না।

ধনী বা মধ্যবিস্ত শ্রেণী প্রকৃতপক্ষে যা চায়, তা হচ্ছে এই যে, তাদের নিজেদের রাজনৈতিক পরাধীনতা ঘুচে' যাক; কিন্তু দেশের জনসাধারণের উপর তাদের যে আর্থিক বা সামাজিক প্রতিপত্তি আছে, তা বোল আনা বজায় থাক। আজও কংগ্রেসের কর্তারা যখন দেশের জনসাধারণের সঙ্গে মিশতে যাচ্ছেন, তখন বলছেন,—‘তোমরা সরকারী খাজনা-ট্যাক্স বন্ধ কর; কিন্তু দেখো, যেন জমিদারের গায়ে আঁচড়টি পর্যন্ত না লাগে। বিদেশী কলওয়ালা যেন এদেশের টাকা লুণ্ঠতে না পারে; কিন্তু খুব হুঁসিয়ার, সঙ্গে সঙ্গে দেশী কলওয়ালার যেন ক্ষতি না হয়।’

তা ত হবেই! দেশী কলওয়ালা যে কংগ্রেস-ফণ্ডে টাকা দেয়; আবার তাদের টাকা নিয়েই নাকি কংগ্রেস শ্রমিকসংঘ গড়বে।

এ পর্যন্ত স্বাধীনতার আন্দোলন যে সফল হরান, তার কারণ হচ্ছে এই যে, সে-স্বাধীনতার আন্দোলন শুধু শ্রেণীবিশেষের আন্দোলন; আর সে-স্বাধীনতা শুধু স্বাধীনতার ভ্যাংচানি মাত্র; দেশের অধিকাংশ লোকের সামাজিক, আর্থিক, রাজনৈতিক মুক্তির বার্তা তার মধ্যে নেই।

দেশের যারা জনসাধারণ, বিদেশী ও স্বদেশীয় পায়ের তলায় যারা সমানভাবে দলিত—তারা বোল

আনা স্বাধীনতা চায়; এক সঙ্গে রাজনৈতিক, সামাজিক আর আর্থিক মুক্তিই তাদের কাম্য। স্বাধীনতার নাম করে' যে তাদের ডাক দেবে, তার শুধু আংশিক স্বাধীনতার কথা বললে চলবে না; বোল আনা স্বাধীনতা দেবার জন্তে তাকে প্রস্তুত হতে হবে।

অসহযোগ মরছে কেন ?

অসহযোগ আন্দোলন আরম্ভ হবার পর তিন বৎসর হয়ে গেছে; আজ তার ফলাফল বিচার করবার সময় এসেছে।

এ আন্দোলনের গোড়ার কথা এই—মানসিক দাসত্ব থেকেই আমাদের বাইরের দাসত্ব এসেছে; অতএব মানসিক দাসত্ব দূর করবার জন্তে আগে বিদেশী আমলাতন্ত্রের সব সংস্রব ত্যাগ কর; তাদের ঝুল-কলেজে পোড়ো না, তাদের আদালতে নামলা-মোকদ্দমা কোরো না, তাদের দেওয়া উপাধি নিও না, তাদের আইন-কানুন তৈরী করার ভেতর থেকে না; যথাসম্ভব স্বাবলম্বী হও, আর তারপর যদি দরকার হয় তা খাজনা-ট্যাক্স বন্ধ করে' দাও, আর সব আইন অমান্য করতে শুরু করো। তা'হলেই বিদেশী আমলাতন্ত্র ভেঙ্গে পড়তে বাধ্য হবে।

কিন্তু আমলাতন্ত্র এই তিন বৎসর পরেও ভেঙ্গে পড়েনি; আর প্রত্যক্ষ যদি প্রমাণ হয় তা'হলে এ কথা অস্বীকার করে' কোনো লাভ নেই যে, বরং অসহযোগ আন্দোলনটাই ভেঙ্গে পড়বার জোগাড় হয়েছে। দেশের লোকের মনে প্রথমে যে উৎসাহ দেখা গিয়েছিল, আজ তার একেবারেই অভাব; আর যে-সমস্ত কর্মী অসহযোগ-পন্থা অবলম্বন করে' দেশ-উদ্ধারের কাজে ব্রতী হয়েছিলেন, আজ তাঁদেরও মন সন্দেহে ভরে' গেছে। কংগ্রেস অফিসগুলি এক কোণে টিঁ টিঁ করছে; দেশের জনসাধারণের সঙ্গে সেগুলির নাড়ীর যোগ যেন ছিঁড়ে গেছে। লোকে আর কংগ্রেস-কর্মীদের কথায় বড় একটা কান দেয় না। অসহযোগের ধারা নেতা, কর্মপন্থা নিয়ে তাঁদের মধ্যে ভীষণ মতভেদ দেখা দিয়েছে; ধারা সাবেক পন্থা পুরোপুরি বজায় রেখে খাটি অসহযোগী থাকতে চান, তাঁরাও এখন আর জোর করে' বলতে চান না যে, এই পন্থাতেই দেশের মুক্তি আসবে। কোন্ পন্থা খাটি অসহযোগ, আর কোন্টা তা নয়—এই কথাই

এখন নেতাদের কাছে বিচার্যের বিষয় হয়ে দাঁড়িয়েছে। স্বাধীনতার কথাটা ক্রমেই চাপা পড়ে' আসছে।

এ সব মতভেদ আর মনোমালিন্য যে অকৃত-কার্যতার ফল, তা বলাই বাহুল্য। যতদিন লোকের মনে কৃতকার্য হবার আশা ছিল, ততদিন এ সমস্ত লক্ষণ দেখা দেয়নি।

এখন প্রশ্ন এই—কেন এমন হলো, আর এই নৈরাশ্র দূর করবার কোনো উপায় আছে কি না ?

দেশের তেত্রিশ কোটি লোক যদি বিদেশী আমলাতন্ত্রের সংস্রব ছেড়ে দেয়, আর খাজনা-ট্যাক্স বন্ধ করে' দেয়, তা'হলে এই আমলাতন্ত্র যে কাজের বার হয়ে পড়বে আর ক্রমশঃ শুকিয়ে মারা যাবে, এ কথাটা বুঝতে বেশী দেরী লাগে না। কিন্তু তাই যদি হয়, তা'হলে দেশের লোক সে-কাজটা করে না কেন ? সে প্রশ্নের উত্তর এই যে, কথায় কথায় আমরা যে-তেত্রিশ কোটির দোহাই দি, সে-তেত্রিশ কোটির স্বার্থ এক রকম নয়। দেশে এমন অনেক শ্রেণীর লোক আছে, যারা এই বিদেশী আমলাতন্ত্রের আশ্রয়ে বেড়ে উঠেছে, যাদের আর্থিক স্বার্থ এই বিদেশী আমলাতন্ত্রের সঙ্গে জড়িত। তারা যে দেশের বাকি লোকের স্বাধীনতার জন্তে নিজেদের স্বার্থ জলাঞ্জলি দেবে, সে আশা করাই তুল। তারপর দেশে এমন লোকেরও অভাব নেই, যারা ইচ্ছাসম্মত আমলাতন্ত্রের সঙ্গে সখরু কাটাতে পারে না। সুতরাং শাসনযন্ত্র চালাবার জন্তে যত লোকের দরকার, ততজন লোকের অভাব এদেশে কখনো হবে না। দেশের সমস্ত লোকের সরকারী সম্পর্ক ত্যাগ করার উপর যে-কর্মপন্থার সাফল্য নির্ভর করে, সে-কর্মপন্থা ব্যর্থ হবেই।

যাদের স্বার্থ আমলাতন্ত্রের স্বার্থের সঙ্গে ঘনিষ্ঠভাবে জড়িত নয়, তারাই অসহযোগনীতি গ্রহণ করতে পারে; কিন্তু তাদের যদি অসহযোগনীতি সফল করতে হয়, তা'হলে শুধু ঝুল-কলেজ, আদালত বা ব্যবস্থাপক-সভা বর্জনের দিকে দৃষ্টি রাখলেই চলবে না। এগুলোর উপর নির্ভর করে' আমলাতন্ত্র বেঁচে নেই, এগুলো যদি বোল আনা বর্জন করা যায়, তা'হলেও আমলাতন্ত্র ভেঙ্গে পড়বে না। এই অসহযোগনীতির মধ্যে একমাত্র জিনিষ যা আমলাতন্ত্রকে ভাঙতে পারে, তা খাজনা-ট্যাক্স বন্ধ। কিন্তু আমাদের দেশে সাধারণতঃ যে-শ্রেণীর লোক রাষ্ট্রনীতির চর্চা করে' থাকেন, তাঁরা সবাই

যদি খাজনা-ট্যাক্স বন্ধ করেন, তা'হলেও আমলাতন্ত্রের বিশাল পকেট শূন্য হবে না। দেশের জনসাধারণের অধিকাংশ যদি কোনো দিন খাজনা-ট্যাক্স বন্ধ করে, তা'হলেই অসহযোগনীতি সফল হতে পারে।

কিন্তু জনসাধারণকে স্বাধীনতা-সংগ্রামে উৎসাহিত করার চেষ্টা সফল হয়নি, জনসাধারণের দোষে নয়, অসহযোগী নেতাদের দোষে। তাঁরা চেয়েছিলেন দেশের জনসাধারণকে তাঁদের নিজেদের ইচ্ছামত কাজে লাগাতে, কিন্তু দেশের জনসাধারণ সত্যি সত্যি কি চায়, তা নির্ধারণ করার চেষ্টা করেননি। কংগ্রেস অফিসের কোণে বসে' তাঁরা ঠিক করলেন যে, দেশ চায় আধ্যাত্মিক স্বরাজ আর উপায় হচ্ছে অহিংস অসহযোগ। কিন্তু পোড়া দেশের লোক আধ্যাত্মিক স্বরাজ চায় কি আধিতাত্ত্বিক স্বরাজ চায়, তা কেউ মাঠে গিয়ে চাষাদের কাছে কিম্বা কল-কারখানায় গিয়ে মজুরদের কাছে জিজ্ঞেস করেননি। অথচ এই মেঠো চাষা আর মজুরই দেশের তেত্রিশ কোটির ভেতর বত্রিশ কোটি। কোন্‌ দুঃখ প্রতিদিন তাদের মুখের গ্রাস ভিজ় করে' তুলছে, কোন্‌ অত্যাচারে তাদের মনুষ্যত্ব প্রতিদিন পরের পায়ে দলিত হচ্ছে, কেমন করে' সেই দুঃখ, দারিদ্র্য, অত্যাচারের প্রতিকার হবে—সে-সব কথার কোনো স্পষ্ট উত্তর কেউ দিলেন না; মাঝে থেকে কতকটা আধ্যাত্মিক কুস্মটিকার সৃষ্টি করে' নিজেদের বুদ্ধি ও দেশের লোকের বুদ্ধি ধোঁয়াটে করে' তুললেন। দেশের চাষারা যখন নিজেদের বুদ্ধি আর শক্তি মত সংঘবদ্ধ হয়ে নিজেদের দুঃখ দূর করার জন্তে খাজনা-ট্যাক্স বন্ধ করলে, তখন অসহযোগ নেতারা 'ভালো করতে পারিনে মন্দ করতে পারি' এই নীতির অঙ্গুলরণ করে' হুকুম দিলেন—

“Complaints having been brought to the notice of the Working Committee that ryots are not paying taxes to the Zeminders, the Working Committee advises Congress workers and organisations to inform the ryots that such withholding of rents is contrary to the resolutions of the Congress and that it is injurious to the best interests of the country.”

এ হুকুম যে সুদূর জমিদারের খাজনার ব্যাপারে হয়েছিল তা নয়, সরকারী ট্যাক্স সম্বন্ধেও হয়েছিল।

এর ফলে দেশের চাষা-ভূষা লোকে বুঝলে যে বাবুরা যে-স্বরাজ চান, তার সঙ্গে জনসাধারণের প্রতিদিনের দুঃখ বোচাবার কোনো সম্বন্ধ নেই। নেতারা যখন তাদের বক্তৃতা—“তোমরা ঘরে গিয়ে চরকা কাট আর জমিদারের দরোয়ানের আর সরকারী পুলিশের গুঁতো নির্দিষ্টবাদে হজম করে' তিতিকাসাধন করো”—তখন তারা অবিচ্ছিন্নের স্নান হাসি হেসে চুপ করে' বসে' রইলো। এ কথা তারা কিছুতেই বুঝতে পারলে না যে, পেটের জ্বালায় আর অত্যাচারের তাড়নায় তারা যা করছে তা কেমন করে' হয়ে দাঁড়াল injurious to the best interests of the country! তা'হলে country মানে কি সুদূর কংগ্রেসী নেতার দল?

আজ যদি জনসাধারণের ভাঙ্গা মন আবার জোড়া দিতে হয়, তা'হলে সমস্ত ধোঁয়াটে কথা ছেড়ে দিয়ে, সব রকম আধ্যাত্মিক ভ্রাকামী দূর করে' খুব স্পষ্ট ভাষায় দেশের লোককে বুঝিয়ে দিতে হবে—স্বরাজ মানে কি। আর স্বরাজ হলে তারা এখন যেমন কলুর বলদ হয়ে আছে তাই থাকবে, না মানুষের মত ব্যবহার পাবে। যে-জমি তারা চাষ করে, সে-জমির মালিক কি তারা হবে? যে-কারখানায় খেটে তারা প্রাণপাত করে, সে-কারখানার লভ্যাংশ কি তারা পাবে? যোগে তাদের চিকিৎসা হবে? তাদের ছেলপিলের শিক্ষার ব্যবস্থা হবে? আর্থিক, সামাজিক, রাজ-নৈতিক—সব বিষয়ে তারা সমানাধিকার পাবে ত?

অসহযোগের নেতারা যদি দেশকে জাগাতে চান, তা'হলে এই সব কথার সত্ত্বস্তর দিতে হবে, আর হিংসা শ্রেয়ঃ কি অহিংসা শ্রেয়ঃ, এ কথার মীমাংসার ভার নিজেদের হাতে না নিয়ে দেশের বিনির্দিষ্ট প্রকৃতির উপর ছেড়ে দিতে হবে। এ কথা তাঁদের বুঝতে হবে যে, দেশ তাঁদের নয়, তাঁরাই দেশের; দেশ তাঁদের খেলায়মত চলবার জন্তে জন্মানি, তাঁরাই দেশের সেবা করতে জন্মেছেন। সেবার নামে যদি তাঁরা দেশের উপর আধিপত্য করতে চান, তা'হলে দেশ নিজের রাস্তা নিজে বেছে নেবে—তাঁরাই ঘরের কোণে পড়ে' পড়ে' আর্ন্তনাদ করতে থাকবেন।

প্রোলিটারিয়েট বনাম বুর্জোয়া

দেশের কংগ্রেসী-কাগজওয়ালাদের একটি বাঁধা স্মরণ হচ্চে এট—“দেশকে জাগাবার জন্তে আর যা-কিছু পারো তা করো, কেবল জমিদারদের বিরুদ্ধে শ্রমিকদের ক্ষেপিয়ে তুলো না।” এই শ্রেণীর একখানি খবরের কাগজে সেদিন লেখা হয়েছে :—

“দেশের কৃষকদের প্রতি যে অবিচার হইতেছে, মিল-ফ্যাক্টরীতে শ্রমিকদের মনুষ্যত্ব যেমন নির্মমভাবে নষ্ট করা হইতেছে, তাহাতে এদেশের লোকের বাঁচিয়া থাকা সম্ভবপর হইবে না। এ কথা খুবই সত্য, কিন্তু ইহাও মিথ্যা নয় যে, সমাজের এক শ্রেণীর সঙ্গে অপর শ্রেণীর হৃদয় স্পর্শ হইলে দেশের মঙ্গল সাধিত হইবে না।.....

“এ কথার উত্তরে অবশ্য এমন প্রশ্ন উঠিতে পারে যে, তাহা হইলে কি আমাদের শ্রমিক, আমাদের কৃষকেরা যতদিন বাঁচিয়া থাকিবে, ততদিন অত্যাচার সহিয়াই যাইবে, মানুষের জন্মগত অধিকার কি কখনো তাহারা ভোগ করিতে পারিবে না?.....

“প্রোলিটারিয়েটকে বাঁচাইয়া রাখিবার জন্ত এমন দাওয়াই আবিষ্কার করিতে হইবে যা ব্যাধি দূর করিবার সঙ্গে সঙ্গে শরীরকে বিধ্বস্ত করিয়া না রাখে।.....

“প্রোলিটারিয়েটের কাছে পরাজিত হইলেও বুর্জোয়া যে সে পরাজয়ের গ্লানি বৃকে জমা করিয়া রাখিবে না এবং সেই দিনের প্রত্যাশা করিবে না, যেদিন সে এই পরাজয়ের প্রতিশোধ লইতে পারে, এরূপ মনে করিবার হেতু নাই।.....

“বুর্জোয়ার প্রভুত্ব কমাইতে হইবে, তার স্বার্থভরা মনে বাহাতে মানুষের প্রতি শ্রদ্ধা ও সমবেদনা জাগিয়া উঠে, তাহাই করিতে হইবে।.....

“প্রোলিটারিয়েটকে এমন করিয়া গড়িতে হইবে, বাহাতে বুর্জোয়া আপনি তাহার সঙ্গে বন্ধুত্ব স্থাপন করিবার জন্ত স্বেচ্ছায় নিজের স্বার্থ প্রোলিটারিয়েটকে অনেকটা ছাড়িয়া দেয়, অর্থাৎ প্রোলিটারিয়েটদের মাথায় বাহাতে খুন না চাপে, তাহার দিকেই নজর দিতে হইবে।”

প্রবন্ধটির যে যে অংশ উদ্ধৃত করা গেল, মোট কথায় তার সার অর্থ হচ্চে এই—“জমিদার আর কলওয়ালার হাতে পড়ে” চাষার আর মজুরের অনন্ত দুর্গতি হয়েছে, তা ঠিক; আর এ রকম

অবস্থায় বেশীদিন থাকলে তারা যে মরে’ ভুত হয়ে যাবে, এও ঠিক। কিন্তু দোহাই তোমাদের, জমিদার আর কলওয়ালার বাবুদের যতদিন না স্তব্ধ হয়, তাঁরা নিজের স্বার্থ তুলে’ গিয়ে যতদিন না চাষা আর মজুরদের সঙ্গে বন্ধুত্ব স্থাপন করবার জন্তে প্রেরণা পান, ততদিন চাষা আর মজুরদের একটু বৈধব্য ধরে’ তিতিক্সাসাধন করতে বলো। কেননা চাষারা জোর করে, যদি জমিদারদের হারিয়ে দেয়, বা মজুরেরা কলওয়ালাদের হারিয়ে দেয়, তা’হলে জমিদার ও কলওয়ালার বাবু বা তাঁদের বংশধরেরা মনে মনে ভারী চটে’ থাকবেন; আর সেই চটাচটির ফলে দেশের একতা নষ্ট হবে; আর সে-একতা নষ্ট হলেই অহিংসভাবে স্বরাজ স্থাপনের experimentটা ব্যর্থ হয়ে যাবে।”

তেরিশ কোটি লোকের মধ্যে যে-দেশে ত্রিশ কোটি লোক চাষা আর মজুর, সেখানকার স্বদেশ-প্রেমিক বীরেরা দেশের লোককে উপদেশ দিচ্ছেন—“আগে জমিদার আর কলওয়ালারা শ্রদ্ধা আর সমবেদনা সম্পন্ন হয়ে স্বেচ্ছায় তাঁদের নিজেদের স্বার্থ ছাড়ুন, তারপর তোমরা নিজেদের দুঃখ ঘোচাবার চেষ্টা করো, ঐ সমস্ত গুণ তাঁদের মধ্যে আসবার আগে যদি তোমরা মরে’ পচে’ যাও, তা আর করবে কি! কিন্তু খুব হুঁসিয়ার। দেখো যেন পেটের জ্বালায় বা অপমান অত্যাচারে তোমাদের মাথায় খুন না চাপে; তা’হলে দেশের এত সাধের আধ্যাত্মিকতা একদম নষ্ট হয়ে যাবে।”

দেশের আড়াইজন জমিদার বা কলওয়ালার মনে পাছে বিষেষের বীজ থেকে যায়, এই ভয়ে বীরা লক্ষলক্ষ লোকের দুঃখ কষ্ট লাজনা অনির্দিষ্ট কালের জন্তে বজায় রাখতে চান, তাঁদের আধ্যাত্মিকতা আর প্রেমের বালাই নিয়ে মরতে ইচ্ছে হয়। তাঁদের প্রেম জিনিষটা এত এক-তরফা হচ্ছে কেন, তা তাঁরা কখনও ভেবে দেখেছেন কি? যে মনোবৃত্তির ফলে বিদেশী শাসক-সম্রাটের Law আর Order-এর দোহাই দেন, যার ফলে মাঝে মাঝে বিলাতের পার্লামেন্টে ভারতের জন্তে পক্ষ Sympathyর ফোয়ারা ছোটে, আধ্যাত্মিকতার মুখস পরে’ সেই জিনিষই যে তোমাদের স্বাধীনতার চেষ্টা ব্যর্থ করে’ দিচ্ছে, এ সন্দেহ কি কখনও তোমাদের মনে আসেনি? দেশে গোলমাল হলে পাছে তোমাদের নিজেদের শ্রেণীর স্বার্থ নষ্ট হয়, এই ভয়ই তোমাদের আড়ষ্ট করে’ রেখেছে। দেশের স্বাধীনতার চেয়ে নিজেদের স্বার্থের দিকেই

তোমাদের বোঁক বেশী; তাই প্রাণ তরে তোমরা স্বাধীনতার আকাঙ্ক্ষা করো না—দেশের সমস্ত শক্তিকে ভাঙে আধ্যাত্মিকতার চাপে পঙ্কু করে' দিতে চাও। কিন্তু এ কথা ভুলো না যে, ধ্বংস সৃষ্টিরই পূর্বাভাব, রক্ত শিবেরই আর-এক রূপ, আর বিপ্লব সেই রক্তের নয়ন-নিঃসৃত ক্রোধায়ি।

ভগবান স্নখু 'নাড়ু-গোপাল' নন, কখন কখন তিনি 'লোকস্বয়ং কাল'।

আন্দোলন ভাঙ্গে কেন ?

'বাংলার অপ্রকাশিত ইতিহাসের' এক অধ্যায় লেখবার সময় ভূতপূর্ব 'যুগান্তর'-সম্পাদক শ্রীযুক্ত ভূপেন্দ্রনাথ দত্ত লিখেছেন,—“গণসত্ত্ব কখনও বৈপ্লবিকদের হাতে আসে নাই। তাহাদের কি উপায়ে হাতে লইতে হইবে, তাহা আমরা জানিতাম না, পরবর্ত্তীরাও জানিতেন না এবং বোধ হয় এখনও নেতারা জানেন না।”

কথাগুলো খুবই সত্যি; আর সত্যি বলেই আমাদের দেশের রাজনৈতিক আন্দোলন ক্রমাগতই মাঝপথে ভেঙে পড়েছে। আমাদের মধ্যে ধীরা ধনী বা মধ্যবিত্ত শ্রেণীর লোক, তাঁরা violent আর non-violent দু'রকম পথ ধরেই দেখেছেন। তার ফলে কিছু যে লাভ হয়নি তা নয়, কিন্তু রাজনৈতিক আন্দোলনের যেটা মূল লক্ষ্য—জাতীয় স্বাধীনতা লাভ—সেটা দূরেই পড়ে আছে। ১৯০৫ খৃষ্টাব্দে বঙ্গ-বিভাগের পর যে আন্দোলনের সৃষ্টি হয়, তার পিছনে ছিলেন প্রধানতঃ কয়েকজন ধনবান হিন্দু জমিদার আর বাঙ্গালী হিন্দুদের মধ্যে মধ্যবিত্ত শ্রেণী। মুসলমানদের মধ্যে ইতর-ভদ্র প্রায় সবাই সে-আন্দোলনের বিরোধী ছিলেন, আর হিন্দু জনসাধারণ বঙ্গ-বিভাগের ফলে কি ক্ষতি হল তা ভালো করে বুঝতেই পারেনি। এই আন্দোলনের খানিকটা ঝাঁচ যে জনসাধারণের গায়ে লেগেছিল, তার কারণ হচ্ছে এই যে, বিদেশী-পণ্যবর্জিত চেষ্টার ফলে অনেক দেশী শিল্পী লাভবান হতে আরম্ভ করেছিল। আন্দোলনের সঙ্গে তাদের সহানুভূতির সেইটাই ছিল মূল কারণ।

সরকার বাহাদুরের গুর্বার গুঁতোয় যখন বিদেশী-পণ্যবর্জিত কঠিন হয়ে পড়লো, তখন

জনসাধারণের উৎসাহ কাজে কাজেই কমে' গেল। বোম-রিভলভারের সাহায্যে ধীরা বিদেশী আমলাতন্ত্র উড়িয়ে দেবার সঙ্কল্প করে' কার্যক্ষেত্রে নামলেন, তাঁরা প্রধানতঃ ভদ্রশ্রেণীর লোক। বিদেশীর শাসনে বাস করে' তাঁদের আত্মসম্মানবোধ প্রতিপদেই ক্ষুণ্ণ হতো, আর সেই অপমানবোধই তাঁদের রাজনৈতিক বিপ্লব-চেষ্টার গোড়ার কথা। কিন্তু বিদেশী-শাসনের যে অপমান, জনসাধারণের সে অনুভূতি প্রবল নয়। আমরা নিজেরাই জনসাধারণকে সামাজিক আর আর্থিক হিসাবে এমনি দাবিয়ে রেখেছি যে, তাদের আত্মসম্মানবোধ কখনও প্রবল হতে পায়নি, কাজে কাজেই এই বিপ্লব-চেষ্টায় জনসাধারণ যোগ দেয়নি।

তারপর অসহযোগ আন্দোলনের প্রথমাবস্থায় যখন মহাত্মা গান্ধীর নেতৃত্বে হিন্দু আর মুসলমান বিদেশী আমলাতন্ত্রের বিরুদ্ধে সম্মিলিত হয়ে দাঁড়িয়েছিল, তখন অনেকে মনে করেছিলেন যে, সত্যিই বুঝি এটা ভবিষ্যৎ ভারতে গণতন্ত্র প্রতিষ্ঠার পূর্বাভাব। অনেকেই ঠিক করেছিলেন যে, পাঞ্জাবের অপমান আর খেলাফতের লাঞ্ছনা হিন্দু-মুসলমান ইতর-ভদ্র সকলের হাড়ে হাড়ে বিঁধেছে, আর এই দুটোর প্রতিকার চেষ্টা করতে করতেই মহাত্মার নেতৃত্বে ভারতে স্বরাজ এসে পড়বে। অশিক্ষিত জনসাধারণ যখন বাত্যাভিহুক সাগরের মতো চঞ্চল হয়ে উঠেছিল, তখন তাদের অর্ধক্ষুণ্ট গর্জনে অনেকেই আশায় নেচে উঠেছিলেন, অনেকেই ভেবেছিলেন—এটা নেতৃত্বের মাহাত্ম্য, অহিংস আন্দোলনের অলৌকিকত্ব।

নেতৃত্বের মাহাত্ম্য যে এই আন্দোলনের মধ্যে অনেকখানি ছিল, তাতে কারো সন্দেহ নেই; কিন্তু এর মূলে যে তা ছাড়া আরও অনেক কারণ বর্ত্তমান ছিল, তা প্রমাণিত হতে বেশী দিন লাগেনি। বিগত ইউরোপীয় যুদ্ধের ফলে এ দেশের অল্প জনসাধারণেরও চোখ ফুটেতে আরম্ভ করেছিল, তাদের মুক মুখেও ভাষা ফুটেছিল। চারিদিকের দুর্ভিক্ষ, মহামারী, অত্যাচার উৎপীড়নের ফলে তারা অতিষ্ঠ হয়ে পড়েছিল। তাই যখন দীনহীন শীর্ণ তপঃক্লিষ্ট মহাপুরুষের মুখ থেকে তেজোগর্ভ আশার বাণী বেরিয়েছিল, যখন তিনি ঘোষণা করেছিলেন যে, এক বৎসরের মধ্যেই তাদের দুঃখ যন্ত্রণার অবসান হয়ে দেশে স্বরাজ প্রতিষ্ঠিত হবে, তখন এই দুর্ভিক্ষ-ক্লিষ্ট, মহামারী-পীড়িত, অত্যাচারিত জনসাধারণ উন্মত্ত হয়ে তাঁকে

ধিরে দাঁড়িয়েছিল। কোটি কণ্ঠে ধ্বনিত হয়েছিল—“গান্ধী মহারাজ কী জয়।”

তারপর এমন একদিন এলো, যখন এই স্বরাজ কথাটা জনসাধারণের কাছে একটা অর্থশূন্য প্রহেলিকা হয়ে দাঁড়াল। যে-জমিদারের জালায় প্রজারা অস্থির হয়ে উঠেছিল, স্বরাজ হলেও নাকি তাদের এই জমিদারের প্রজা হয়েই থাকতে হবে, জমিদারের খাজনা বন্ধ করলে নাকি স্বরাজলাভের পথে কাঁটা পড়বে—ইত্যাদি অনেক রকম সখাই তারা শুনলে। প্রথমেই তারা বলে উঠলে—‘এ সব কথা গান্ধী মহারাজের নয়। এ সব দুষ্ট লোকের বানানো কথা।’ তারপর যখন বড় বড় অহিংস অসহযোগীরা তাদের জানিয়ে দিলে যে—‘হাঁ, গান্ধী মহারাজের বাণী’ তখন তারা বিস্ময়ে মুখ চাওয়া-চাওয়ি করতে করতে ম্লান মুখে ঘরে ফিরে গেল। তাদের অন্তরের কথা অন্তর্যামীই বলতে পারেন, কিন্তু সেই দিন থেকে আর তারা এই আন্দোলনের দিকে চায় নি। আমাদের স্বরাজের আদর্শে যে জনসাধারণের মন ভরে না, এতে এই কথাটাই প্রতিপন্ন হলো।

তারপর ঐ ভাঙ্গা মন জোড়া দেবার চেষ্টায়

অনেকে রকম-বেরকমের দেশ-সেবার আয়োজন করেছেন। কেউবা হোমিওপ্যাথি ওষুধের বাস্স নিয়ে বেরিয়ে পড়েছেন, কেউবা তাদের ভাঙ্গা লাউ-মাচার বাঁশের খুঁটি জুগিয়ে দিয়ে তাদের মন কেড়ে নেবার চেষ্টায় আছেন, কেউবা ভাগবতের তত্ত্বকথা শুনিতে তাদের তাপিত প্রাণ শীতল করবার জোগাড় করেছেন। কিন্তু গোড়ার কথার দিকে কেউ বড় একটা ঘেঁষতে চান না। সে গোড়ার কথা শোনাতে গেলে রাজনৈতিক বিপ্লবের সঙ্গে সঙ্গে নাকি সামাজিক আর অর্থনৈতিক বিপ্লব শুরু হয়ে যাবে, আর তখন নাকি ঢাক, ঢাকী, মনসা, সবই বিসর্জন হয়ে যাবে! আমাদের স্বদেশ-সেবকদের রাজনৈতিক বিপ্লবে আপত্তি নেই, কিন্তু সামাজিক আর অর্থনৈতিক বিপ্লব (যাতে তাঁদের নিজেদের পুঁটুলিতে হাত পড়বে) তার নাম শুনলেই তাঁরা আঁতকে ওঠেন।

এই মনস্তত্ত্বই স্বদেশ-সেবার অন্তরায়; এরই ফলে অতীতের যত আন্দোলন সব মাঝপথে ভেঙ্গে পড়েছে; আর এখনও যদি আমাদের আক্কেল না-হয় ভ', বলতে হবে যে, ভবিষ্যতের ব্যর্থতার বীজও ঐখানে নিহিত রয়েছে।

ଧର୍ମ ଓ କର୍ମ



ଓପେନ୍ଦ୍ରନାଥ ବନ୍ଦ୍ୟୋପାଧ୍ୟାୟ ପ୍ରଣୀତ

পড়িয়া মরিল—ইহার একটা প্রকাণ্ড তালিকা না হয় নাই প্রস্তুত করিলে? আর জাতীয় উন্নতির কথা যদি বল—এ জগতে কত জাতি উঠিল, কত জাতি পড়িল, কত জাতির বিন্দু বিসর্গ পর্য্যন্ত লোপ পাইয়া গেল—কে কাহার সংবাদ রাখে? মানুষের জীবনই যখন এত ক্ষণভঙ্গুর, তখন কে ক’দিনের জন্য কাহার রাজ্য কাড়িয়া লইল, তাহার হিসাব রাখিয়াই বা কি লাভ? সংসারটাই যখন দু’দিনের তখন এ সব বাজে কাজ ছাড়িয়া দিয়া বাহা চির দিনের তাহাই সম্বল কর। নশ্বর জীবন লইয়া বুধা টানাটানি করিয়া কি হইবে?”

কথাটা ত ঠিক। মৃত্যুর মত অত বড় সত্য জীবনের মাঝখানে বড় বেশী দেখিতে পাওয়া যায় না—শ্মশানের দুই মুঠা ছাই—ই যদি ইহ-লীলার পরিণাম হয়, তাহা হইলে এ কর্মভোগ ত না করাই ভাল। যথাসাধ্য পরকালের সম্বল করিয়া এ কুস্থান ত্যাগ করিতে পারিলেই ত সুবিধা। কিন্তু সঙ্গে সঙ্গে এ প্রশ্নও মনে আসিয়া উপস্থিত হয়—জীবন ছাড়িয়া পলায়নই যদি জীবনের সারসত্য, তবে ইহা আসিল কোথা হইতে? যাহা চিরন্তন সত্য, তাহার মধ্যে মনুষ্যজীবনের কি কোনও স্থান নাই? পলায়নের রাস্তা খুঁজিয়া বাহির করাই কি মনুষ্য-বুদ্ধির চরম কাজ? মানুষের যে প্রাণভরা আকাঙ্ক্ষা—এগুলো কি সমস্তই বাজে? সবটাই শুধু ‘মিছে কথা’, ছলনা? মানুষ মরে—বেশ কথা। কিন্তু সংসার ত মরে না। তুমি আমি মরিয়া ভুতই হই বা ভগবানই হই, তাহাতে কি আসিয়া যায়? আমাদের মরণের বা মুক্তির পরদিনও আবার সহস্র কোটি নরনারী স্নেহমমতাভরা প্রাণ লইয়া নিরাশার অশ্রু মুছিয়া আনন্দের সংসার পাতিবার চেষ্টা করিবে। তুমি বলিবে সে বুধা চেষ্টা—সংসার শুধু দুঃখময়। কিন্তু সে পণ্ডিত কথায় বোল আনা সত্য দেওয়া ত চলে না। সুখ দুঃখের জমাখরচের হিসাব দেওয়া সহজ নহে; কিন্তু মোটের উপর যদি দুঃখের অপেক্ষা সুখের মাত্রা বেশী না হইত, তাহা হইলে কে-ই বা এ সংসারের বোঝা পিঠে করিয়া ফিরিত; কে-ই বা সংসারের চাকায় তেল লাগাইতে যাইত? মানুষ সংসারের মধ্যেই আপনার সমস্ত অভাব পূরণ করিতে চায়; ইহাই তাহার স্বাভাবিক প্রেরণা। মানুষের জ্ঞানের অভাব, তাই সে আরও জ্ঞান চায়; শক্তির অভাব, তাই সে শক্তিমান হইতে চায়; জীবনে অনেক দুঃখ, তাই সে দুঃখ দূর করিয়া আনন্দলাভ করিতে চায়। জীবনের মধ্যে থাকিয়া

সে জ্ঞান, আনন্দ ও শক্তির অধিকারী হইতে চায়; জীবন ছাড়িয়া পলাইয়া যাইবার স্বাভাবিক প্রবৃত্তি তাহার মধ্যে নাই। মৃত্যু দুঃখময়—বেশ কথা, মৃত্যুকে জয় কর; জীবন সহস্র অভাবে ভরা,—সে অভাব দূর করিবার জন্য শক্তি পূর্জন কর। কিন্তু মৃত্যু ও অভাবের হাত হইতে রক্ষা পাইবার জন্য সারা জীবনটাকে ত্যাগ করিবার সার্থকতা কি?

প্রাচীনের দল এখানে হাসিয়া বলিবেন—‘আরে বাতুল! তা’ও কি হয়? পূর্ণ আনন্দ, জ্ঞান ও শক্তির অতিব্যক্তি এ সংসারের মধ্যে হইবার উপায় নাই; এ সংসারটা এমনি মাটিতে গড়া যে, তাহাতে শিব গড়িতে গেলেই তাহা বানর হইয়া দাঁড়াইবে। বিশ্বাস না হয়, ত দু’চারগানা সংস্কৃত পুঁথি খুলিয়া দেখ। তাহার উপর ত আর কথা করিবার জো নাই।’

কিন্তু মানুষের কেমন কু-স্বভাব, শারীরিক ভাস্কর্য বাঁধনেও সে বাঁধা পড়িতে চায় না। সংস্কৃত শ্লোক শুনিয়াও তাহার উপর তর্ক চালাইতে চায়। তাহার অন্তরের মধ্যে যে অশরীরী ভাব্য ফুটিয়া রহিয়াছে, তাহার সঙ্গে না মিলিলে শারীরিক ভাব্যকেও নাকচ করিয়া দেয়।

আজ আমি অপূর্ণ, আজ আমি দুর্বল, আজ আমার জীবন নিরানন্দময়, সব কথাই স্বীকার করিয়া লইলাম—কি করিয়া যে এ সমস্ত অভাব দূর করিব, সে পথও হয় ত আমি খুঁজিয়া পাই নাই। কিন্তু পথ যে নাই, তাহা স্বীকার করিব কেন? সমস্ত প্রাকৃতিকে জয় করিবার যে অদম্য স্পৃহা আমার মধ্যে নিহিত রহিয়াছে, সহস্র পরাজয়েও যে জয়ের আকাঙ্ক্ষা মরিতে চাহে না—কোন শাস্ত্র আমার কাছে প্রমাণ করিয়া দিবে যে তাহা মিথ্যা? ইহা ত বুদ্ধির বিচারের কথা নহে;” এ অহুভূতি যে আমাদের অন্তরের গুড়তম সত্ত্বার সহিত একেবারে অচ্ছেদ্যভাবে জড়িত। দুইটা শ্লোকের খাতিরে আমি ইহা পরিত্যাগ করিব কেমন করিয়া?

প্রাচীন এ কথার উত্তরে বিমর্ষভাবে মাথা নাড়িয়া বলেন—“ইহারই নাম ত মায়ী; কর্মভোগ না কাটিলে আর ইহার হাত হইতে রক্ষা নাই। এই বকাণ্ড-প্রত্যাশা যদি কখনও ত্যাগ কর ত দেখিতে পাইবে যে, যিনি আনন্দময় ব্রহ্মপুরুষ, তিনি একেবারে এ মায়ী-সম্বন্ধ-রহিত। সেই ব্রহ্মস্বরূপলাভ করিলে এই সংসার একেবারে

নির্বীজরূপে ধ্বংস প্রাপ্ত হয়; সংসারের দুঃখ-জালাও জুড়াইয়া যায়। আর তোমাদের রাজ-নৈতিক সমাজ-নৈতিক প্রকৃতি সর্ববিধ গবেষণাও চিরদিনের মত শান্ত হইয়া যায়।”

ব্রহ্মস্বাক্ষর্য লাভ করিলে যে দুঃখ যায়, তাহা না হয় বুঝিলাম; কিন্তু কর্মভোগও যদি সঙ্গে সঙ্গে কাটিয়া যাইত, তাহা হইলে এ স্তব্ধসংবাদ সংসারে প্রচার করিবার জন্য কেহ ফিরিয়া আসিত কি? সংসারের বীজ পর্য্যন্ত যে একেবারে ধ্বংস হয় না, তাহার প্রমাণ ঐহারা ব্রহ্ম সাক্ষাৎকার করিয়াছেন তাঁহারা নিজেই। বীজ পর্য্যন্ত ধ্বংস হইয়া গেলে সংসারে ব্রহ্মের বার্তা ঘোষণা করিবার কেহ থাকিত না। আরও এক কথা এই যে, ব্রহ্ম যদি সম্পূর্ণরূপে প্রকৃতি-সম্বন্ধ-বঞ্চিত হইত, তাহা হইলে কোন্ পথ আশ্রয় করিয়া জীব ব্রহ্ম সাক্ষাৎকার লাভ করিত? জীবকে যে শক্তি আপনার ব্রহ্মস্বাক্ষর্য দেখাইয়া দেয়, তাহা প্রাকৃতিক শক্তি। সে শক্তি অর্জিত হইবার পর জীবনের মধ্যে কার্য্যকরী না হইবে কেন? প্রকৃতির শান্ত অবস্থার মধ্যে ঐহারা ব্রহ্মভূতি লাভ করিয়াছেন, তাঁহারা অনেকেই পূর্বসংস্কার বশতঃ প্রকৃতিকে মায়া বলিয়া উড়াইয়া দিবার চেষ্টাই করিয়া আসিয়াছেন। প্রকৃতির চঞ্চল অবস্থার মধ্যে পূর্ণ ব্রহ্মজ্ঞান প্রতিষ্ঠা করা যায় কি না, পূর্ণজ্ঞান ও শক্তি লইয়া মনুষ্যজীবনকে রূপান্তরিত করা চলে কি না, মায়াবাদী বৈদান্তিক সমাজে সে পরীক্ষা আদৌ হয় নাই; বাংলাদেশের তান্ত্রিক সমাজে সে চেষ্টা কতকটা কৃতকার্য্য হইয়াছিল। মনের অতীত সত্ত্বায় আত্মপ্রতিষ্ঠা করিয়া মন ও শরীরকে পূর্ণজ্ঞান, আনন্দ ও শক্তি প্রকাশের যন্ত্ররূপে যে রূপান্তরিত করা যায়—এ কথা বিশ্বাস করিবার যথেষ্ট কারণ আছে। বস্ত্ততঃ তাহা করাই মনুষ্য-জীবনের উদ্দেশ্য, আর তাহা না হইলে ব্রহ্মের জীবরূপ ধারণ নিতান্ত খামখেয়ালি ব্যাপার হইয়া পড়ে।

এই অবস্থা প্রাপ্ত হইলে জীব ব্রহ্মের মূর্ত্ত বিগ্রহ হইয়া দাঁড়ায়। তখনই সে প্রকৃত স্বরূপ। আদি, ব্যাদি, অভাব, মৃত্যু, শোক, দুর্বলতা জয় করিবার ঐ একমাত্র পন্থা। জীবন ছাড়িয়া পলাইয়া যাওয়া একটা গোঁজামিল মাত্র।

অনেক দেশ উঠিয়াছে, অনেক দেশ পড়িয়াছে। সাগর-বন্ধে বৃহদ্দের মত প্রকৃতির কোলে অসংখ্য জীব অগ্নিয়াছে ও লয় পাইয়াছে। মনুষ্য-বুদ্ধি

তাহার হিসাব করিতে গেলে উদ্ভ্রান্ত হইয়া যায় সত্য, কিন্তু প্রকৃতির এই লীলা একটা উদ্দেশ্যহীন বাতুলতা নহে; ইহার মধ্যে ক্রমবিকাশের একটা ধারা রহিয়া গিয়াছে। পঞ্চভূত রূপান্তরিত হইয়া বৃক্ষলতার মধ্যে প্রাণের আসন প্রতিষ্ঠা করিয়াছে; প্রাণ জীবশরীরে রূপান্তরিত হইয়া মনের আসনে পরিণত হইয়াছে; মনুষ্য-শরীরে মন ও বুদ্ধির মধ্যে অহংস্বা ক্ষুণ্ণ। অহংস্বা হইতেই ভেদের উৎপত্তি বলিয়া মানুষ আপনাকে খণ্ডিত করিয়া নিরানন্দময় হইয়া রহিয়াছে। কিন্তু প্রকৃতির ক্রমবিকাশ-লীলা শেষ হইয়া যায় নাই। ভেদ-বুদ্ধি-জর্জরিত জীব আজ আপনার ক্ষুদ্রতায় পীড়িত হইয়া ত্রাহি ত্রাহি ডাক ছাড়িতেছে। প্রকৃতির ইহা প্রসব বেদনা। অহং যে মনোতীত সত্ত্বার খণ্ডিত বহিঃরূপ মাত্র, মনুষ্য-প্রকৃতির মধ্যে সেই সত্ত্বার আত্মপ্রকাশের সময় আসিয়াছে। নর এবার আপনার খণ্ডরূপ অতিক্রম করিয়া নারায়ণকে আপনার মধ্যে মূর্ত্ত করিয়া তুলিবে। সেইখানেই মানুষের একতা, সেইখানেই মানুষের স্বাধীনতা। সেই অবস্থা লাভ করার চেষ্টার নামই ধর্মসাধনা। মানুষের উন্নতির ইহাই ভিত্তি।

নবীন দলের ঐহারা এতক্ষণ চূপ করিয়াছিলেন, তাঁহারা হয় ত এই সময় বলিয়া উঠিবেন—“তুমি না হয় শরীরের মধ্যে ব্রহ্মকে প্রতিষ্ঠিত করিয়া আনন্দময় হইয়া বলিয়া রহিলে, কিন্তু সমাজের দুঃখ, জালা ত ঘুচিল না।” এ কথার উত্তরে প্রথমেই বলিয়া রাখা ভাল যে, “জীবনের” মধ্যে জীবের পূর্ণরূপের প্রতিষ্ঠাই যখন ধর্মসাধনার উদ্দেশ্য এবং জীবনের পূর্ববিকাশের জন্ত যখন সমাজ একান্তই আবশ্যক, তখন সমষ্টিগত জীবন বা সমাজের সৃষ্টি ও রক্ষার উপযোগী সমস্ত কাজ-কর্মই এই ধর্মসাধনার অন্তর্ভুক্ত। রাজনীতিই বল, অর্থনীতিই বল, আর গার্হস্থ্যনীতিই বল, সমস্তই এই ধর্মসাধনার অঙ্গীভূত। ভারতবর্ষীয় সমাজের মনে এই সাধনের ছাপ অনেক দিন হইতে পড়িয়া গিয়াছে; ইহা আমাদের অস্থি-মজ্জার সহিত জড়িত। আর প্রকৃত পক্ষে ইহাই মানুষের জীবনের গোড়ার কথা। খণ্ড মানুষকে লইয়া কখনও মূর্ত্ত সমাজ গড়িয়া উঠিবে না। মানুষকে আপনার পূর্ণরূপে প্রতিষ্ঠিত করিয়া দাও; স্বাধীন ও আনন্দময় সমাজ আপনিই গড়িয়া উঠিবে। ঐহারা অহংকারের দাস, তাহারা যোহাঙ্ক হইয়া তোমার পথে বাধা দিতে আসিলে আপনিই বিনষ্ট হইয়া যাইবে।

সংসার ও ভগবান

কবি যখন গরম গরম চায়ের পোয়ালা নিঃশেষ করিতে করিতে লিখিয়া ফেলিলেন—God's in His heaven ; all's right with the world, তখন নিশ্চয়ই দৈনিক সংবাদপত্রখানার দিকে তাঁহার দৃষ্টি পড়ে নাই। বিজলীশোভিত নৃত্যগীতমুখরিত লর্ডলেভীর প্রাসাদের পার্শ্বেই যে কত দীন হীন দরিদ্রকে শীত, রোগ ও অনাহারের তাড়নায় ভগবানের এ স্নেহের সংসার হইতে তাড়াতাড়ি নোটিশ দিয়া ছুটিয়া পড়িতে হইতেছে, সে তালিকাটা চক্ষের সম্মুখে পড়িলে কবিরূপেরও একটা সন্দেহ উঠিতে পারিত, যে, জগতের কোথাও বুঝিবা একটা গোলমাল রহিয়া গিয়াছে; স্বর্গের ভগবান স্বর্গে থাকিয়া এ মর্ত্যালোক পরিচালনের একটা সুব্যবস্থা করিয়া উঠিতে পারিতেছেন না। বাহারা এই সংসার-চক্রের চাপে পড়িয়া দলিত, মথিত, পিষ্ট হইয়া বাইতেছে, কীরসমুদ্রশায়ী স্তম্ভ ভগবানের অন্তিম তাহাদের হৃদয়ে যে কতখানি শাস্তির ধারা ঢালিয়া দিতেছে, তাহা আর অল্প-সন্ধানের প্রয়োজন নাই। কীর-সমুদ্রের এক বিন্দু কীরও বাহাদের অদৃষ্টে জুটিল না, ভগবানের তাগারে কীরের পরিমাণ কত, সে হিসাব তাহারা না হয় নাই লইল।

ইউরোপ তাই মোটামুটি ঠিক করিয়া বসিয়াছে যে, সংসারের কাজে আর ভগবানকে লইয়া টানাটানি করিয়া কাজ নাই। যে ভগবান অব্যবহার্য, সংসারের কোনও কাজেই বাহার একটু সাহায্য পাইবার আশা নাই, তাঁহার থাকা না থাকার লাভ কতই বা কি? সংসারের এ বোঝা যখন আমাদের নিজের বলেই বহিতে হইবে, তখন উর্দ্ধনেত্রে আকাশ পানে ইা করিয়া চাহিয়া না থাকিয়া নিজের কাঁধে বাহাতে একটু বল সঞ্চয় হয়, সেই চেষ্টা করাই ভাল, সে কালের ভগবান এক আশ বার একটু আশটু miracle দেখাইয়া তবু তাপিত প্রাণে আশার বারি সিঞ্চন করিতেন; একালে যখন তিনি সেটুকুও করিতে কুণ্ঠিত, তখন দূর হইতে তাঁহাকে নমস্কার করিয়া মুখ ফিরাইয়া নিজের কাজে লাগিয়া যাওয়াই ভাল। ভগবানকে ছাড়িয়া সংসার করা চলে, কিন্তু সংসার ছাড়িয়া ভগবানের আশায় বসিয়া থাকা চলে কি? পেটের জালা যে বড় জালা।

বার্ষিক পুঙ্কবেরা হয়ত এ কথা উত্তরে বলিলেন

—তা' চলে বৈ কি। পেটের জালা বড় হইলেও প্রাণের জালাও ত নেহাৎ ছোট নয়। এই যে তোমার এত সাধের সংসার, বাহা না হইলে তোমার চলে না,—ইহারও ত যেদিকে চাও, শুধু একটা মর্য়স্বদ হাহাকার। আজ যে তপ্তকান্দনবর্ণতা তরুণীর বিলাস কটাক্ষ তোমার শিরায় শিরায় তড়িৎ-প্রবাহ ছুটাইতেছে, প্রাণে কত কবিতার উৎস খুলিয়া দিতেছে, কাল হয় ত তাহা রোগে শোকে দীপ্তিহীন হইবে; আজ যে কুটম্ব মল্লিকার মত স্নকুমার শিশুকে কোলে লইয়া তোমার বুক পুলাকে ভরিয়া উঠিতেছে, আজ বাহার অর্ধফুট কাকলী তোমার কাণে মধু ঢালিয়া দিতেছে—কাল হয় ত তাহার প্রাণহীন দেহ গজার জলে ভাসাইয়া দিতে হইবে। তুমি যাহাকে কোলে পিঠে করিয়া মালুষ করিয়াছ, হাতে ধরিয়া ক, খ, শিখাইয়াছ, সে হয়ত বিলাতী বিজ্ঞান বুকনী শিখিয়া মুখ বাঁকাইয়া তোমাকে বলিবে—old fool! সংসার কি সত্যই এত মিঠা যে, ইহা আঁকড়াইয়া পড়িয়া না থাকিলে চলিবে না? আর ঐশ্বর্য্য—হায় রে, তুমি ত তুমি! কোথায় গেল রাবণ রাজার সোণার লক্ষা—যত্নপতে: কঃ গতা মথুরাপুরী, ইত্যাদি।

বিষম সমস্তা। শ্রামের মন রাখিতে গেলে কুল থাকে না, আর কুল মানের দিকে চাহিতে গেলে শ্রামের বাঁশী শোনা চলে না; এ দোটা নায় পড়িয়া ব্রজের কুলবালারা দাঁড়ায় কোথায়?

চিরদিনই শুনিয়া আসিতেছি—সংসারে ও ভগবানে নাকি সনাতন বিরোধ, বাহা রাম তাঁহা কাম নেহি, বাহা কাম তাঁহা রাম নেহি। মালুষ কি সংসার হইতে পরিত্রাণ পাইবার জন্তই ভগবানকে খোঁজে, না ভগবানের সঙ্গে তাহার আরও কিছু অন্তরের টান আছে?

সৃষ্টির প্রথম প্রভাতে মালুষ কিসের টানে ছুটিয়া বেড়াইত জানি না; হয় ত শুধু পেটের জালায়। কিন্তু বহু দিন হইতে ইন্দ্রিয়প্রত্যাক-গোচর পদার্থ ভিন্ন আরও কিছু টান যে সে অন্তরের মধ্যে অনুভব করিয়া আসিতেছে, তাহাতে আর সন্দেহ নাই। পেট ভরিলেও তাহার মনটা ভরে না। অরণ্য কাটিয়া সে যে নগর বসাইয়াছে, পর্ব্বকূটার ছাড়িয়া সে যে সৌধ নির্মাণ করিয়াছে, বঙ্গল ছাড়িয়া সে যে বেনারসী সিঁধ ধরিয়াছে, ভেলা ছাড়িয়া সে যে আকাশপোতে দিগ্বিদিকে ছুটিতেছে, নভোমণ্ডলের তারা গণনা শেষ করিয়া সে যে আজ মঙ্গলগ্রহের ঘরের সংবাদ লইতে সচেষ্ট,

সে যে আজ আপনার সভ্যতা, নীতি, সাহিত্য, ললিত শিল্প বিশ্ব-ব্রাহ্মণে ছড়াইয়া দিবার জন্ত ব্যতিব্যস্ত—সেটা নিতান্ত প্রাণধারণের জন্তই নহে।

প্রাণের আকাঙ্ক্ষার সঙ্গে সঙ্গে মন ও বুদ্ধির আকাঙ্ক্ষাও এমনি ভাবে জড়িত, যে, মানুষ কোন কাজটা যে কাহার টানে করিয়া বসে, তাহা সে সব সময় বুঝিয়া উঠিতে পারে না। প্রাণের বেগ সামলাইতে না সামলাইতেই তাহাকে মনের বেগ সামলাইতে হয়; আর মনের টানে পড়িয়া হাড়-ডুখু খাইবার সময় কোথা হইতে এক একটা তরঙ্গ আসিয়া তাহাকে যে কোন অজানা কুলের উপর আছাড়িয়া ফেলিয়া দেয়, তাহার হিসাব বেচারী আজ পর্যন্ত ভাল করিয়া দিতে পারে নাই।

সে কুলের সন্ধান পাইতে মানুষের অনেক দিন লাগিয়াছে। কোন নির্ভীক কর্ণধার প্রথমে সে পারের সংবাদ আনিয়া দিয়াছিল, ইতিহাসে তাহার নামধামের উল্লেখ নাই। কিন্তু সংসার-সমুদ্রের যে একটা কূল কিনারা আছে, সংসারের ওপারে যে একটা জুড়াইবার স্থান আছে, একথা ব্যাধিজরামৃত্যু-প্রপীড়িত মানুষের বিশ্বাস করিতে বিলম্ব হয় নাই। ষাঁহার পরাধামের সংবাদ আনিয়া হাজির করিলেন, তাঁহাদের মধ্যে গন্তব্যস্থানের পথনির্দেশ সম্বন্ধে মতভেদ থাকিলেও, উহার অস্তিত্ব লইয়া কোনও মারাত্মক মতভেদ দেখা গেল না। অন্ততঃ সংসারের জালা-যন্ত্রণা যে সেখানে নাই, একথা সকলেই তারতম্যের প্রচার করিলেন। সাধারণ লোকে মোটামুটি কথাটা একরূপ মানিয়া লইলেও, দুই একজন বুদ্ধিজীবী পুরুষ (ষাঁহার একালে জগ্মিলে নিশ্চয় উকীল হইতেন) ব্যাপারটাকে জেরা না করিয়া ছাড়েন নাই। মনের পরপারে যদি এমন একটা কিছু থাকে—

যং লব্ধা চাপরং লাভং মত্ততে নাধিকং ততঃ ।

যস্মিন্ স্থিতো ন দুঃখেন গুরুণাপি বিচাল্যতে ॥

তাহা হইলে, তাহা আসিল কোথা হইতে, তাহার সহিত এ সংসারের সম্বন্ধ কি, তাহার জ্ঞান যদি অল্পভূতিলব্ধ, ত তাহার সম্বন্ধে নানা পণ্ডিতে এত নানা কথা কয় কেন, ইত্যাদি ইত্যাদি। এই সমস্ত প্রশ্নের মীমাংসা করিতে গিয়া দর্শন শাস্ত্রের উৎপত্তি হইল। বাহ্য অপেক্ষক জ্ঞানের বিষয়, তাহাকে বুদ্ধির রাজ্যে টানিয়া আনিয়া কার্য্যকারণ সম্বন্ধের মধ্যে ফেলিয়া সাধারণকে বুঝাইবার চেষ্টা হইল। কিন্তু “পণ্ডিতে পণ্ডিতে কথা, প্রতি কথাই বন্দ”। সুতরাং সাংখ্যকারের সময় হইতে আজ পর্যন্ত যে

সে পণ্ডিত বিচারের নিবৃত্তি হয় নাই, তাহাতে আশ্চর্য্য হইবার কিছুই নাই।

বিচার ত চলিতে লাগিল; কিন্তু দুই একজন ওস্তাদ গোড়া হইতেই ঝাঁকিয়া বসিয়া বলিলেন— ‘ও সব বাজে কথা। স্বর্গ, অপবর্গ, আত্মা, পরলোক, এ সব গাঁজাখোরের খেলাল। বেশ করিয়া খাও দাও। একবার মরিয়া গেলে, জাংড়া আমও মিলিবে না, বাগবাজের রসগোল্লাও মিলিবে না; সুতরাং বাবজীবেৎ সুখং জীবৎ ।’

কিন্তু হায়! জাংড়া আমের অপ্রাচুর্য্য বশতঃই হোক, অথবা সে কালেও দুর্ভিক্ষের অভাব ছিল না বলিয়াই হোক, লোকে প্রাণ ভরিয়া কথাটার সার দিতে পারিল না। শুধু সংসারকে ঝাঁকড়াইয়া ধরিয়া তাহাদের শাস্তি মিলিল না। জগৎটা যে বেশ সুবিধার জায়গা নয়, একথা সকলেই মোটামুটি একরূপ মানিয়া লইল। সাংখ্যকার কপিল ত ত্রিবিধ দুঃখের হাত হইতে উদ্ধার পাইবার জন্ত প্রকৃতির সঙ্গ ত্যাগ করিয়া পুরুষকে কৈবল্য সাধনের ব্যবস্থা পুর্কেই দিয়াছিলেন। কিন্তু পণ্ডিত মহলেই তাঁহার ব্যবস্থা আদৃত হইয়াছিল বলিয়া মনে হয়। জনসাধারণ তখনও সংসারের টান একেবারে কাটাইতে পারে নাই। তাহার পর রাজার ছেলে সিদ্ধার্থ তরুণী ভার্যা, নবজাত শিশু, অতুল ঐশ্বর্য্য ছাড়িয়া সংসারের দুঃখনাশের একটা পাকাপাকি ব্যবস্থা করিতে বাহির হইলেন। ফিরিয়া আসিয়া তিনি যে চারটা আর্ধ্যগত প্রচার করিলেন, তাহার সার কথা এইঃ—“এই দুঃখময় সংসারের বাসনা হইতেই উৎপত্তি, বাসনাকে নাশ করিলেই সংসারের নিবৃত্তি। যত শীঘ্র পার, বাসনাকে সমূলে বিনাশ করিয়া এ কুস্থান হইতে সরিয়া পড়।” দুই একজন ভয়ে ভয়ে জিজ্ঞাসা করিলেন—‘প্রভো! সংসার ছাড়িয়া গিয়া দাঁড়াইব কোথায়? নির্ঝাঁপ লাভ করিয়া আমরা পাইব কি?’ বুদ্ধদেব বলিলেন—“বাপু, ও সব কথায় কাজ নাই; বুদ্ধি দ্বারা সে কথা বুঝা যায় না। সংসার-নিবৃত্তিই পরম লাভ বলিয়া ধরিয়া রাখ।”

লোকে কি বুঝিল, তাহা তাহারাই জানে; কিন্তু সেইদিন হইতে আমাদের দেশে বৈরাগ্যের একটা মহাধুম পড়িয়া গেল। দীন দরিদ্র হইতে আরম্ভ করিয়া রাজা মহারাজ পর্যন্ত সকলেই সুর ধরিলেন—

মন, চল নিজ নিকেতনে,

সংসার-বিদেশে

বিদেশীর বেশে

ভ্রম কেন অকারণে।

বৌদ্ধ গ্রন্থকারেরা বলেন যে, সিদ্ধার্থ বেদিন বুদ্ধ লাভ করেন, সেদিন দেবতারা স্বর্গে দ্রুতগতি নিনাদ করিয়াছিলেন, দেবকন্ডারাও পুষ্পবৃষ্টি করিতে তুলেন নাই। বৌদ্ধধর্ম প্রচারের পর যে বৈদিক দেবতাদের নির্কারণের পথ সুগম হইয়া উঠিয়াছিল, এ বিষয়ে ঐতিহাসিক প্রমাণ আছে; কিন্তু দেব-লোকের সে নির্কারণ-আকাজ্জক মর্ত্যধামেও ছড়াইয়া পড়িয়াছিল। কুবজ লাজল ছাড়িল, নাপিত ক্ষুর ছাড়িল, বোদ্ধা অস্ত্র ছাড়িল, রাজাও অভিষেক পিটক পাঠ করিতে বসিয়া গেলেন। বৈরাগ্য স্রোত ক্রমে অন্ধর মহলেও প্রবেশ করিল। মেয়েরাও হাঁড়িকুঁড়ি ফেলিয়া ভিক্ষুণী সাজিয়া বিহার আশ্রয় করিলেন। মেয়েদের মধ্যেও যখন সংসার ত্যাগের লক্ষণ দেখা দেয়, তখন বুঝিতে হইবে যে, সমাজের হাড়ে হাড়ে বৈরাগ্য ঢুকিয়াছে, জাতিটা যথার্থই নির্কারণের পথের যাত্রী হইয়াছে।

বুদ্ধদেব ত মহাপরিনির্কারণ লাভ করিলেন, কিন্তু জরা, মৃত্যু, ব্যাধি ত ঘুচিল না। একজনের নির্কারণে সংসারও লুপ্ত হইল না। নির্কারণ লাভই যদি মনুষ্যজীবনের উদ্দেশ্য, তাহা ত কৈ বুদ্ধের আবির্ভাবে সফল হইল না। ধর্মের প্রথম উৎসাহটা একটু কমিয়া গেলে দেখা গেল যে, মানুষের হাসি কান্না স্বপ্ন দুঃখ সমান ভাবেই রহিয়াছে, সংসারচক্র বুদ্ধদেবের খাতিরে আপনার গতি তিল পরিমাণও পরিবর্তন করে নাই, অধিকন্তু সংসারকে আপনার মনোগত করিয়া গড়িয়া লইবার শক্তি মানুষের যেন কতকটা কমিয়া গিয়াছে। হাসি যেন কতকটা স্নান, কান্নার মধ্যেও যেন তীব্রতা নাই। ষাঁহারার ঘর বাড়ী ছাড়িয়া, মায়ামোহ কাটাইয়া নির্কারণের লোভে বিহার আশ্রয় করিয়াছিলেন, সেই ভিক্ষু-ভিক্ষুণীরাও দিনকত পরে সংসারের পরপারে যাইবার বিশেষ আগ্রহ দেখাইয়াছিলেন বলিয়া মনে করিবার কারণ নাই। প্রকৃতির প্রতিশোধ।

বুদ্ধের ত তিরোভাব হইল, কিন্তু বৌদ্ধধর্মের ছাপটা সমাজের মন হইতে সহজে মুছিল না। বৌদ্ধধর্ম নিরসন করিয়া সমাজে যিনি বৈদিক ধর্ম পুনঃস্থাপন করিয়াছিলেন বলিয়া প্রখ্যাত, সেই শঙ্করের ধর্মের অন্ততঃ বার আনা বৌদ্ধধর্মেরই রূপান্তর। মতবাদের যা কিছু পরিবর্তন, তা শুধু পণ্ডিতদেরই উপভোগ্য, সমাজ সম্বন্ধে যা কিছু ব্যবস্থা, তাহাতে বুদ্ধ আর শঙ্করে বড় বেশী প্রভেদ নাই। বিহারের পরিবর্তে

মঠ, ভিক্ষুর পরিবর্তে সন্ন্যাসী, আর শূন্তবাদের পরিবর্তে নির্গুণ ব্রহ্মবাদ বসাইয়া দিলে, বাহির হইতে উভয় ধর্মকে প্রতিদ্বন্দ্বী বলিয়া চিনিতেই পারা যায় না। শঙ্করকে বিজ্ঞানভিক্ষু যে প্রচ্ছন্ন বৌদ্ধ বলিয়া উপহাস করিয়াছেন, তাহা একেবারে অমূলক নহে। কোন কোন বিষয়ে শঙ্কর আবার বুদ্ধেরও উপরে যান। বুদ্ধ তবু নারীকে ভিক্ষুণী হইবার অধিকারটুকু দিয়াছিলেন, শঙ্কর একেবারে সাক্ষ্য 'বলিলেন—“উহার ‘নরকস্ত দ্বারং।’” তাহাদের রক্তমাংসবাসাদিবিকারসমূহ দেখের দিকে দৃষ্টিপাত করিলেই একেবারে মুক্তির সিংহদ্বার রুদ্ধ হইয়া যাইবে। নারীর দশ ক্রোশের মধ্যে পরব্রহ্মের তিষ্ঠিবার জো নাই।

দার্শনিক মতবাদ সম্বন্ধে বুদ্ধের সহিত শঙ্করের প্রধান পার্থক্য এই, যে, বুদ্ধের নির্কারণ-তত্ত্ব একান্ত বাক্যমনের অগোচর; তাহার সম্বন্ধে অস্তি বা নাস্তি কোন কথাই জোর করিয়া বলা যায় না; শঙ্করের নির্গুণ ব্রহ্ম অভাবাত্মক নহে, তাহা সৎ, চিৎ ও আনন্দস্বরূপ। শঙ্কর জীবকে একেবারে শূন্তে ঝুলাইয়া রাখেন নাই, দাঁড়াইবার একটা আশ্রয় দিয়াছেন। জীব স্বরূপতঃ ব্রহ্ম; কেবল মায়ার ফাঁদে পা দিয়াই আপনাকে জড়াইয়া ফেলিয়াছে; আপনার নিত্যমুক্ত স্বভাব ভুলিয়া পুনঃ পুনঃ সংসারচক্রে আবর্তিত হইতেছে। আপনার স্বরূপ জানিতে পারিলেই তাহার ভববন্ধন হইতে মুক্তি। সংসারের পরমার্থতঃ কোনই সার্থকতা নাই; সংসারের যা কিছু কর্ম তা শুধু অজ্ঞানেরই ফল। মুক্ত পুরুষের ভিক্ষাটন ভিন্ন কোন কর্মই নাই।

হায় রে নলিনীদলগতজলমিব চপল মানবের জীবন! তোমার সবটাই যখন ভ্রম তখন আর এ পাপের বোঝা বহিয়া মরা কেন? কোপীন কঞ্চল সম্বল করিয়া তাই মুণ্ডিতমস্তক সন্ন্যাসীর দল জীবনটা একটা প্রকাণ্ড ভুল, এই কথা ধারে ধারে ঘোষণা করিবার জন্ত বাহির হইয়া পড়িলেন। বৈদিক কাল হইতে যে কর্মবানী গৃহস্থের দল কোনও রূপে এতদিন টিকিয়া ছিলেন, তাহারো এইবার শঙ্করের চাপে পড়িয়া মারা পড়িলেন। মগুন মিশ্রকে যে দিন শঙ্করাচার্য্য একরূপ জোর করিয়াই উভয়ভারতীয় হাত হইতে ছিনাইয়া লইয়া গৃহছাড়া করিলেন, সে দিন ভারতের ভাগ্যলক্ষী হাসিয়াছিলেন কি কাদিয়াছিলেন, কে জানে?

পুরাকালের ভাগবত-সম্প্রদায়ও মুখে মায়াবাদ অস্বীকার করিলেও, বুদ্ধ ও শঙ্করের প্রভাব হইতে একেবারে নিষ্কৃতি লাভ করিতে পারেন নাই। আমাদের বর্তমান বৈষ্ণব সম্প্রদায়গুলিই সেই পুরাতন ভাগবত সম্প্রদায়ের বংশধর। জীব ও ব্রহ্মের সম্বন্ধ বিচার লইয়া তাঁহাদের মধ্যে দ্বৈত, বিশিষ্টাদ্বৈত ও দ্বৈতাদ্বৈত প্রভৃতি মতবাদ প্রচলিত আছে; কিন্তু কর্মের সাধনা কোথাও নাই। শঙ্করের মতবাদে যেকোন জ্ঞানের প্রাধান্য, বৈষ্ণব সম্প্রদায়ে সেইরূপ ভক্তির প্রাচুর্য। তবে শঙ্কর যেমন ব্রহ্ম ও প্রকৃতিকে একান্ত বিপরীতধর্মবিশিষ্ট বলিয়া সম্পূর্ণরূপে পৃথক করিয়া খুঁড়া করিয়াছেন, ইহারা সেরূপ করেন নাই। সংসারকে একেবারে কাটিয়া ছাটিয়া মিথ্যার ভস্মরূপে ফেলিয়া দিতে ইহারা স্বীকৃত নহেন। ইহাদের মতে সংসার অনন্ত ঐশ্বর্যশালী ভগবানেরই বিকাশ; ঘটে ঘটে সেই অনন্তরসাধার ভগবানেরই ক্ষুণ্ণি, কিন্তু জীবের মধ্যে তিনি যে মূর্ত, তাহা শুধু আপনার লীলামধুরী আশ্বাদন করবার জন্তই। সংসার মায়াময়, মিথ্যাময়; ভগবানের লীলাক্ষেত্র। কিন্তু সে লীলা প্রধানতঃ প্রেমেরই লীলা; কর্মের সহিত তাহার বড় একটা সম্বন্ধ নাই। লীলাময়ের নিত্যলীলার রসসন্তোগই জীবনের উদ্দেশ্য; উহাই সৃষ্টির লক্ষ্য।

শঙ্করের মতে যেমন চিন্তাশুদ্ধির জন্ত কর্ম, জ্ঞানের পর আর কর্মের আবশ্যকতা নাই; বৈষ্ণব-সম্প্রদায় মধ্যে সেইরূপ যা' কিছু কর্মের ব্যবস্থা তা' ভগবৎ প্রেম-স্বরূপের জন্ত। সৃষ্টির অন্ত কোনও লক্ষ্য নাই। জগতের দিক হইতে ভগবানের দিকে যাওয়াই জীবের গতি ও পরিণতি; ভগবানকে পাইয়া জগতের দিকে ফিরিবার কোনও সার্থকতা নাই। সংসার হইতে নির্গমনের জন্তই সংসার সৃষ্টি। এ বিষয়ে কার্য্যতঃ শঙ্করপন্থীদের সহিত তাঁহাদের বিশেষ পার্থক্য নাই। তবে লয় তাঁহারা কামনা করেন না, সংসারের বাহিরে গিয়া ভগবৎসাক্ষ্যলাভই তাঁহাদের মতে বাঞ্ছনীয়। সংসারভোগ শুধু বদ্ধ অবস্থাতেই সম্ভব, মুক্তপুরুষের সংসার ভোগ নাই।

ভগবদ্ভজ্ঞান ও ভগবৎপ্রেম লাভ করিয়া সংসার হইতে নিষ্কৃতি লাভই যে জীবের উদ্দেশ্য, ত্যাগই যে তাহার একমাত্র পন্থা, এ কথা প্রায় সকল দেশের সাধু-সনাজেই প্রচলিত। আমাদের দেশে যেখানে সৃষ্টিকে সৃষ্টিকর্তারই মত অনাদি বলিয়া স্বীকার করা হইয়াছে, সেইখানেই যখন এই কথা তখন

সাদিবাদী খ্রীষ্টীয় ও মহম্মদীয় সমাজে যে এই ভাব আরও প্রবল হইবে, তাহা আর বিচিত্র কি? আমাদের ভবু জন্ম জন্ম এই সংসারে আসিতে হয়, তাঁহাদের শুধু এক জন্ম লইয়াই সংসারের সহিত সম্বন্ধ। কিয়ামতের দিন বাহার আর চিহ্নমাত্র থাকিবে না, সে সংসারের জন্ত বেশী ভাবিয়াই বা ফল কি? ভক্ত খ্রীষ্টান বা মুসলমানের চক্ষে এ সংসার শুধু কয়েদখানা, না হয় পরীক্ষার স্থল। কেন যে ভগবান মানুষকে এই সংসারের কারাগারে পাঠাইয়াছেন, তাহা তিনিই জানেন; তবে এখানের যা কিছু দুঃখ কষ্ট, অবিচার, অত্যাচার, পরলোকে ভগবৎসঙ্গিধানে তাহার লেশমাত্র থাকিবে না। তাহাদের যা কিছু আপা তা মৃত্যুর পরপারে।

সংসার ও ভগবান সম্বন্ধে তবে কি ইহাই চরমসিদ্ধান্ত? সংসার অতিক্রম না করিলে কি পূর্ণশান্তির সম্ভাবনা নাই? জগৎ কি বাস্তবিকই এমন উপাদানে গঠিত যে, দুঃখ, অজ্ঞান, দুর্কলতা ইহার সহিত চিরদিনই জড়িত হইয়া থাকিবে? জীবন কি দুঃখের নামান্তর? অতীতের দিকে চাহিয়া যদি এ কথার উত্তর দিতে হয় ত বলিতে হয়—হাঁ, তা' বৈকি। দেশে বিদেশে যে সমস্ত ভগবৎ জ্ঞানদীপ্ত মহাপুরুষ জন্মিয়াছেন, সকলেই ত বলিয়াছেন—প্রকৃতি ভগবানকে আবরণ করিয়া রাখিয়াছে; এ মায়ার রাজ্যে জ্ঞান, আনন্দ ও শক্তির পূর্ণপ্রকাশ অসম্ভব। সংসারকে আমূল্য পরিবর্তিত করিয়া ভগবৎসত্য প্রাতিষ্ঠিত করিবার আশা কেহই ত দেখান নাই। অনেকেই বলিয়াছেন—“এ সংসার কুকুরের ল্যাজের মত ঝাঁক; এখনি টানিয়া সোজা কর, পরক্ষণেই আবার ঝাঁকিয়া যাইবে।” তাঁহারা যে অল্পবিস্তর কর্মের প্রেরণা দিয়াছেন, তাহা সংসারকে পরিবর্তন করিবার জন্ত নহে, জীবেরই চিন্তাশুদ্ধির জন্ত।

মহাপুরুষদের কথা শিরোধার্য; কিন্তু মানুষ আজ পর্য্যন্ত তাঁহাদের কথার উপর নির্ভর করিয়া সংসারবিমুখ হইয়া দাঁড়ায় নাই। প্রকৃতি স্বয়ং তাহার অন্তরে যে গূঢ়তম প্রেরণা দিয়া পাঠাইয়াছেন, তাহারই বলে সে শত বাধা বিঘ্ন অতিক্রম করিয়া বহির্জগৎ জয় করিতে ছুটিয়াছে। পাশ কাটাইয়া, প্রকৃতির পরপারে গিয়া শান্তিলাভ করিতে সে যেন মনে মনে সজ্জিত; প্রকৃতির নিকট সে পরাজয় স্বীকার করিতে চাহে না।

বর্তমান ইউরোপ এ ধারণার বশেই চলিয়াছে। অতিপ্রাকৃতে তাহার বড় একটা বিশ্বাস নাই।

আপনার মধ্যে যে শক্তি পরিষ্কৃত, তাহারই বলে সে বহিঃপ্রকৃতি জয় করিয়া জগতে শক্তি ও সাম্রাজ্য বিধান করিতে চায়। ইউরোপে মানুষ আপনার সমগ্র শক্তি নিয়োগ করিয়া জগৎকে রূপান্তরিত করি চাহিতেছে। ইহাই সেখানকার বর্তমান চিন্তাধারা। আমাদের দেশে যাহারা ইউরোপীয় চাকচিক্যে মুগ্ধ, আমাদের বর্তমান শক্তিহীনতায় ষাঁহাদের হৃদয় ব্যথিত, তাঁহাদের অনেকেই বলিতেছেন—এস, আমরাও ইউরোপের অনুসরণ করি। সংসার বিলুপ্ত হইবার ত কোনও সম্ভাবনা দেখি না, তখন শক্তিহীন হইয়া পড়িয়া থাকায় ফল কি?

কোন কথাটা তবে সত্য? ইহ ও অমৃতের মধ্যে কি মিলনের কোনও সম্ভাবনা নাই? একদিকে যেমন অতীত যুগের আবিষ্কৃত আধ্যাত্মিক সত্যগুলি শুধু গায়ের জোরে উড়াইয়া দিলে চলিবে না; অপর দিকে প্রকৃতি জয়ের জন্য মানুষের অন্তর্নিহিত যে গুণতম প্রেরণা—তাহাও ত ভগবদন্ত; তাহাকেই বা বুদ্ধির কোশলে ভ্রাম্যক বলিয়া উড়াইয়া দিব কেন?

ঠিক কথা। মহাপুরুষদের অপরোক্ষ অমুভূতি-লব্ধ সমস্ত সত্য মানিয়া লইলাম; কিন্তু জগতের সহিত সেই অতীন্দ্রিয় তত্ত্বের সম্বন্ধ লইয়া তাঁহারা যে সিদ্ধান্তে উপনীত হইয়াছেন, সেগুলি ত বুদ্ধির মীমাংসা মাত্র। অমুভূত তত্ত্বকে তাঁহারা আপন আপন বুদ্ধির ছাঁচে ঢালাই করিয়া জগতে প্রচার করিয়াছেন। কে বলিবে সে বুদ্ধির গঠনটুকুর মধ্যে অসত্যের বীজ নিহিত নাই? সমাধি অবস্থায় সকলে একই সত্য উপলব্ধি করিয়া তাহা প্রকাশের সময় আপনাপন সংস্কার ও বুদ্ধির অমুযায়ী প্রকাশ করিয়া থাকেন। তাহা না হইলে ভিন্ন ভিন্ন আচার্য্যগণ কর্তৃক ভিন্ন ভিন্ন মতবাদ স্থাপিত হইত না।

আরও এক কথা। অমুভূতিরও ত তারতম্য আছে। অনন্তকে উপলব্ধি করিয়া কেহই শেষ করিয়া দেন নাই। ঠাকুর রামকৃষ্ণ যে বলিতেন “ভগবানের ইতি করিতে নাই”, “এখানকার উপলব্ধি বেদ বেদান্ত ছাড়িয়ে গেছে” তা অতি খাটি কথা বলিয়াই মনে হয়। ষাঁহার অমুভূতি যত গভীর, সত্য তাঁহার নিকট ততই পূর্ণভাবে প্রকাশিত। অপরোক্ষ অমুভূতি-লব্ধ সত্য বুদ্ধির বিচারের বিষয় নহে, গভীরতার তারতম্য লইয়া অমুভূতির পূর্ণতা বা আংশিকতা স্থির করিতে হয়। ষাঁহার মানসিক

বুদ্ধি বিশেষ অবলম্বন করিয়া সাধনপথে অগ্রসর হন, তাঁহারা আংশিক ভাবেই ভগবৎসত্ত্বা উপলব্ধি করিয়া থাকেন। জ্ঞানীর নিকট তাই ভগবানের চিৎস্বরূপই প্রকাশিত; তত্ত্ব তাই ভগবানের আনন্দময়রূপ উপলব্ধি করিয়াই কৃতার্থ। কিন্তু তাঁ' বলিয়া ভগবানের স্বরূপ যে জ্ঞান ও আনন্দেই পর্যাবসিত, এ কথা বলা চলে না। জ্ঞানমার্গের সাধকেরা নির্বিকল্প সমাধি অবস্থায় প্রকৃতির কোনও কার্য দেখিতে পান না বলিয়া, প্রকৃতিকে পরমার্থতঃ অসত্য বলিয়া মনে করিয়া থাকেন, কিন্তু নির্বিকল্প সমাধির অবস্থার মধ্যেও যদি প্রকৃতির বীজ গুণভাবে নিহিত না থাকিত, তাহা হইলে সাধককে আর অবস্থান্তরে ফিরিয়া আসিতে হইত না। ব্রহ্ম আর প্রকৃতি সমাধির অবস্থায় অভেদরূপ এই পর্য্যন্ত বলা বাইতে পারে। জ্ঞান বিচারে ‘নেতি’ ‘নেতি’ করিতে করিতে ভগবৎ উপলব্ধি পথে অগ্রসর হইবার সময় সাধকদিগকে প্রকৃতির ভিন্ন ভিন্ন স্তর ভেদ করিয়া বাইতে হয়, সেই জন্যই তাঁহারা প্রকৃতিকে ব্রহ্মের উপর আবরণ স্বরূপ বলিয়া মনে করিয়া থাকেন। কিন্তু তাঁহাদের দৃষ্টিতে ষাঁহা আবরণস্বরূপ, ভগবানের কাছে যে তাহা আবরণ, একথা মনে করিবার কারণ নাই। প্রকৃতি যে মায়া মাত্র বা পরমার্থতঃ অসত্য, উপরোক্ত অমুভূতির দ্বারা তাহা প্রমাণিত হয় না।

আর নির্গুণ ব্রহ্মের উপলব্ধিই যে মানুষের সর্বশ্রেষ্ঠ বা চরম উপলব্ধি, তাহাও মনে হয় না। গীতায় ষাঁহাকে পুরুষোত্তম বলিয়া উল্লেখ করা হইয়াছে, যিনি নির্গুণ ও গুণভোক্তা, যিনি ক্ষর ও অক্ষর পুরুষ হইতে শ্রেষ্ঠ, নির্গুণ ব্রহ্ম ও গুণময়ী প্রকৃতির বিপরীত ধর্মের সামঞ্জস্য তাঁহাতেই সিদ্ধ হইয়াছে। ষাঁহার আপনার শক্তিতে ভগবানকে ধরিতে না গিয়া ভগবানের কাছে ধরা দেন, ষাঁহার আপনার বুদ্ধি বলে ভগবানকে বুঝিতে না গিয়া বুদ্ধিকে ভগবানের হাতে সমর্পণ করেন, ষাঁহার চিন্তাবৃত্তির উচ্ছেদ বা নিরোধ না করিয়া আপনার সর্বস্ব তাঁহার নিকট উৎসর্গ করেন—তাঁহাদের নিকট প্রকৃতি শুধু মায়া বা আবরণ রূপে প্রকটিত না হইয়া, ভগবৎশক্তি-রূপেই আত্মপ্রকাশ করেন। ভগবান ও সংসারে তখন আর বিরোধ থাকে না। ভগবান তখন আর প্রকৃতির পরপারে আত্মগোপন না করিয়া, প্রকৃতির মধ্যেই প্রতিষ্ঠিত হন। জীবকে তখন তিনি আপনার জ্ঞান, আনন্দ ও শক্তির লীলাক্ষেত্রে পরিণত করিয়া

আপনার সংসার আপনিই চালান। দুর্ভাগ্য, নিরানন্দ ও অজ্ঞানের তখনই উপশম। প্রবৃত্তি নিবৃত্তির তখনই পূর্ণ মিলন। স্বর্গের দেবতা তখন নরলোকে মর্ত্য বলিয়াই মানুষ বলিতে পারে—“God is in this world; all is therefore right with it”. মর্ত্যে এই অমর ধাম প্রতিষ্ঠাই এ যুগের সাধনা।

ত্যাগ ও ভোগ

আমাদের একটা কলঙ্ক রটিয়াছে যে, আমরা নাকি ভোগবাদ প্রচার করিয়া ভারতের সনাতন আধ্যাত্মিক সাধনার বিরুদ্ধাচরণ করিতে বলিয়াছি। ত্যাগধর্মী সাধুগুরুবরা অমুমান করেন যে, ভগবৎরূপায় রাজনৈতিক আন্দোলনের অগারতা উপলব্ধি করিতে পারিলেও, আমরা সম্পূর্ণরূপে পাশ্চাত্য যোহ হইতে বিমুক্ত হইতে পারি নাই বলিয়া, ধর্মের মহান ও বিশুদ্ধ আদর্শটার সন্ধান এখনও পাই-নাই।

না পাইবারই কথা। ধর্ম যে রাজনীতির ভয়ে মঠের মধ্যে ঢুকিয়া গেরুয়ার আড়ালে লুকাইয়া আছেন, এ সংবাদ ত আমরা জানিতাম না।

ত্যাগ আর ভোগ—এই দুইটা কথা লইয়া লাঠালাঠি করিলে ত সে বিবাদ কোন কালে মিটিবে না, সুতরাং এই দুইটা কথার মূলে কি ভাবটা আছে, তাহা একটু বুঝিয়া দেখা আবশ্যিক। ষাঁহার তথাকথিত ত্যাগবাদী, তাঁহাদের দার্শনিক মতবাদটা আচার্য শঙ্কর বেশ স্পষ্ট করিয়া অঙ্কুলোকেই ব্যাখ্যা করিয়া গিয়াছেন। “ব্রহ্মসত্য, জগৎ মিথ্যা এবং জীব ব্রহ্ম হইতে অভিন্ন।” জগৎটা শুধু অজ্ঞানেরই নামাস্তর; ইহার কোন পারমার্থিক সার্থকতা নাই। জগতের সম্বন্ধে ইহার মিথ্যাত্ব জানই চরম জ্ঞান; জগতে মানুষের কর্মের সার্থকতা ঐ জ্ঞানটুকু লইয়া, ঐ জ্ঞানটুকু হইলে আর কর্মের প্রয়োজন নাই। জগৎ যখন মিথ্যা এবং ব্রহ্ম যখন সত্যস্বরূপ, তখন জগতের সহিত সর্ব সম্বন্ধ ত্যাগ না করিলে যে ব্রহ্মস্বরূপ লাভ অসম্ভব—ইহাই মায়াবাদের সিদ্ধান্ত। তবে ত্যাগপন্থীদের শাস্ত্রে যে কর্মের উল্লেখ দেখা যায়, সে শুধু নিম্ন অধিকারীর চিন্তাশুদ্ধির জন্ত। কর্মের দ্বারা কর্মবাসনা কাটিয়া গিয়া চিন্তাশুদ্ধ হইলে এবং চিন্তাশুদ্ধ হইলে ব্রহ্মলাভ

হইয়া বাইবে,—এই আশার কর্মের ব্যবস্থা। কিন্তু উচ্চ অধিকারীদের পক্ষে বিষয়সম্বন্ধ ত্যাগই ব্রহ্মলাভের প্রকৃত পন্থা। বৈরাগ্যই মুমুকুর লক্ষণ।

এ মতবাদে ‘জগতের উন্নতি’ বলিয়া কোনও জিনিসের স্থান নাই। জগৎটা চিরদিনই ট্যাড়া বাঁকা ভ্রমসঙ্কুল রহিয়া বাইবে। কুহুরের ল্যাজের মত একবার টানিয়া সোজা করিয়া দিলেও, পরক্ষণেই স্বভাবগত ধর্মে উহা আবার বাঁকিয়া বাইবে। গৌড়া খ্রীষ্টান ও বৌদ্ধদেরও জগৎ সম্বন্ধে অনেকটা এইরূপ ধারণা; আর আধুনিক ইউরোপীয় দার্শনিকদের মধ্যে গোপেনমহরও জগৎকে এই চক্ষে দেখেন।

এই ত গেল ত্যাগধর্মীদের কথা। এখন যাহাদের নামে এই ত্যাগী পুরুষেরা নাক সিঁটকাইয়া উঠেন, তাহারা কি বলে দেখা যাক। সকল দেশেই প্রাকৃত লোকে জিহ্বোপস্থ-পরায়ণ। শারীরিক সুখস্বাচ্ছন্দ্যের ব্যবস্থা হইলেই তাহারা আর বড় একটা কিছু চায় না। ইজিপ্টের সুখ-ভোগই ইহাদের পক্ষে প্রধান ভোগ। কিন্তু প্রব্র এই, ভোগ বলিলে কি ইজিপ্টের সুখভোগ মাত্র বুঝিতে হইবে? সুখ কি শুধু ইজিপ্টের? সুখের জন্ত ত সকলেই লাগিয়ায়িত। ত্যাগের খাতিরে ত্যাগ ত কাহাকেও করিতে দেখি না। যে বিষয়ে জীব সুখ পায় না, সে বিষয় ত্যাগ করিয়া সে অন্তরে সুখ খুঁজিয়া বেড়ায়। যে আপনার শরীরকে কষ্ট দিয়া স্ত্রী-পুত্রের গ্রামাচ্ছাদনের জন্ত দিনরাত খাটিয়া মরে, আপনার শরীর লাগন পালন অপেক্ষা স্ত্রী-পুত্রের স্বাচ্ছন্দ্য-বিধানই তাহার সুখ। স্ত্রী-পুত্র, ঘর সংসার ছাড়িয়া দেশের জন্ত যে যুদ্ধক্ষেত্রে যেচ্ছায় কাঁচা মাথা বলি দেয়, দেশের সহিত একাত্ম-বোধেই তাহার সুখ। বাস্তবিকই যাহার যেখানে একাত্ম-বোধ, সেইখানেই তাহার সুখভোগের কেন্দ্র। ষাঁহার ঘর বাড়ী, মা বাপ ছাড়িয়া, নিজের শ্রদ্ধাশাস্তি শেষ করিয়া, মঠে বাস করিয়া মনে করেন—‘সংসার ছাড়িয়া আগিয়াছি’,—তাঁহাদের পক্ষেও ঐ এক কথা। ভগবানকে লাভ করিবার সুখ বা সুখের আশা যদি তাঁহাদের না থাকিত, তাহা হইলে মঠভানী সৌমণ্ডলি বনজঙ্গলে পরিণত হইয়া শিয়াল কুহুরের আড্ডা হইয়া উঠিত। ব্রহ্মপুরুষ যদি আনন্দময় না হইতেন, সুখভোগ-বাসনা তৃপ্ত করিবার ক্ষমতা যদি তাঁহার না থাকিত, তাহা হইলে কেই বা তাঁহার জন্ত নাক টিপিয়া

বসিত? কেই বা মায়া কাটাইবার জন্ত উঠিয়া পড়িয়া লাগিত? ব্রহ্মের সহিত একাধিবোধজনিত আনন্দ, ইন্দ্রিয়ের বা মনের ভোগ নহে, আত্মার ভোগ। মায়াবাদীরা নিজেও তাহা স্বীকার করেন। তাঁহারা বলেন—‘ত্যাগমার্গ আর কিছুই নহে—উহা ক্ষুদ্রতম ভোগ্যবস্তু পরিত্যাগ করিয়া বৃহত্তম ভোগ্যবস্তু পাইবার উপায় মাত্র।’

কিন্তু বৃহত্তম ভোগ্যবস্তু কি? মায়াবাদী আচার্য্য শঙ্করের নজীর দেখাইয়া বলিবেন “নির্ভুগ ব্রহ্ম। ইহাই মানুষের চরম অমুভূতি।” কিন্তু এ বিষয়ে সন্দেহ করিবার আমাদের যথেষ্ট কারণ আছে। শাস্ত্র, মহাপুরুষের বাক্য, এমন কি ঠাকুর রামকৃষ্ণের নজীর দেখাইয়া আমরা বলিতে পারি—“ব্রহ্মের ইতি করা যায় না।” ঠাকুরের নিজের অমুভূতিই ত বেদ বৈদ্যন্ত ছাড়াইয়া গিয়াছিল। আমাদের মনে হয়, নিকরকল্প সমাধিই অমুভূতির চরম কথা নহে। “নেতি, নেতি” করিয়া অবৈত উপলক্ষিই ধর্মের চরম লক্ষ্য নহে। তাহার পরেও একটা “ইতি, ইতি” অবস্থা আছে। উহাকে নির্দেশ করিয়াই ঠাকুর রামকৃষ্ণ বলিয়া গিয়াছেন—‘বেলের বিচি, খোলা ফেলিয়া শুধু শাটুকুর হিসাব রাখিলে ওজনে কম পড়ে।’

ব্রহ্ম যে অজ্ঞ জগৎরূপে বিবর্তিত, তাহা নিতান্ত উদ্বেগজনক, খামখেয়ালি ব্যাপার নহে। জীব আপনার স্বরূপ উপলক্ষি করিলেই জগৎটা উড়িয়া যায় না। ব্রহ্ম উপলক্ষির পর জীব বস্তুতঃ ভগবানের লীলাক্ষেত্রে পরিণত হয় এবং ব্রহ্মের শক্তি জীবের মধ্যে তখনই ফুটিয়া উঠে। মন, বুদ্ধি, এমন কি শরীর তখন রুদ্ধে, রুদ্ধে, ব্রহ্মানন্দে ভরিয়া যায়। মুক্ত ভাবে কর্মের তখনই স্বার্থ আরম্ভ। উহাই একাধারে ব্রহ্মানন্দ ও বিষয়ানন্দ। ঐ অবস্থাকেই আমরা স্বার্থ ভোগ বলিয়া নির্দেশ করি। ক্ষুদ্রতর ভোগের সহিত ত্যাগ ও বিচ্ছেদের সম্ভাবনা জড়িত। নিকরকল্প সমাধির অবস্থা হইতেও নিম্নভূমিতে আসিয়া ত্যাগ বা বিচ্ছেদের যন্ত্রণা পাইতে হয়। কেবল, ব্রহ্মানন্দ ও বিষয়ানন্দ যে অবস্থায় একীভূত, তাহার আর বিরাম নাই। ঐ চরমভোগকেই আমরা ধর্মের পূর্ণদর্শ বলিয়া মনে করি। ত্যাগ-পন্থীদের আদর্শ আংশিক ও অজহীন।

তবে প্রশ্ন উঠিতে পারে,—ব্রহ্ম উপলক্ষি করিবার পূর্বে সাধনের অবস্থায় কি ত্যাগের আবশ্যকতা নাই? মনকে ব্রহ্মসুখী করিবার পথে বিষয়লভ কি

বাধা নহে? এ কথার উত্তরে আমরা বলি যে, সৃষ্টি যদি ব্রহ্মের আত্মবিস্তারের ফল হয়, ত ব্রহ্মের সহিত বিষয়ের একরূপ একান্ত বিরোধী সম্বন্ধ স্থির করিবার কোনও কারণ নাই। যিনি এক, তাঁহার বহু হইবার প্রশ্নাগেই যদি সৃষ্টির উৎপত্তি হইয়া থাকে, ত বহুর মধ্যে একের অমুভূতি সম্ভবপর হইবে না কেন? সৃষ্টি ও সৃষ্টিকর্তার মধ্যে এ সাপেক্ষ সম্বন্ধ কোথা হইতে আসিবে? প্রকৃতপক্ষে আমরা বিষয়ের স্বরূপ ও যথাযথ ব্যবহার জানি না বলিয়াই বিষয়কে আমরা বাধা বলিয়া মনে করি। বিষয় আমাদের কর্মের উপাদান। আমাদের অজ্ঞতা বশতঃ যেখানে উহা আমাদের পথে বাধা হইয়া দাঁড়ায়, সেখানে তাহার একমাত্র প্রতিকার আমাদের জ্ঞান ও শক্তি বৃদ্ধি করা; আপনাদের মধ্যে ঈশ্বরত্ব ফুটাইয়া তুলিয়া দে বাধা অতিক্রম করা। বিষয়কে যথাযথ ভাবে ব্যবহার করিয়াই ব্রহ্মোপলক্ষির পথে অগ্রসর হইতে হয়; বিষয়কে বর্জন করিয়া নহে। বিষয়ের মধ্য দিয়া বিষয়াতীতকে পাইয়া মুক্ত ভাবে বিষয় ভোগই প্রকৃত পন্থা। বিষয়কে বাঁহারা বিষয় পরিত্যাগ করিবার উপদেশ দেন, তাঁহারা ভুলিয়া যান যে, সংসারে বিষ ও অমৃত বলিয়া স্বতন্ত্র পদার্থ কিছুই নাই। এক অবস্থায় যাহা বিষ, অবস্থান্তরে তাহাই অমৃত। বাঁহারা সাধন-পথে অগ্রসর হইবার সময় বিষয় বর্জন করিয়া চলেন, বিষয়ের প্রকৃতরূপ তাঁহাদের নিকট কখনও আত্মপ্রকাশ করে না; ব্রহ্মের পূর্ণরূপও তাঁহাদের নিকট অজ্ঞাত থাকিয়া যায়। ভগবানের জগৎ-লীলার শক্তি-কেন্দ্র হওয়াও তাঁহাদের পক্ষে সম্ভবপর নহে। একথা আমাদের ভুলিলে চলিবে না যে, ক্ষুদ্র ভোগের মধ্য দিয়াই মহত্তর ভোগের অধিকারী হইতে হয় এবং সর্ব বিষয় ভগবানের মধ্যে প্রতিষ্ঠিত করিয়া ভগবানের লীলাক্ষেত্রে জগতে প্রতিষ্ঠিত হওয়াই জীবের চরম ভোগ।

এই ত ভোগের আদর্শ। আর একটা কথা না বলিয়া থাকিতে পারিলাম না; বাঁহারা কথায় কথায় ত্যাগধর্মের মহিমা ঘোষণা করিয়া তথাকথিত বিশুদ্ধ ধর্ম প্রচারের আশ্বাস দেন, তাঁহাদের মুখের কথা ও কাজের মধ্যে পার্থক্য দেখিয়া আমাদের পক্ষে ভোগ ও ত্যাগের অর্থবোধ করাই দুরূহ ব্যাপার হইয়া উঠে। সাদা কাপড় ছেঁড়া হইলেও তাহার নাম ভোগ, আর গেকরা বেনারসী গিঞ্জের হইলেও তাহার নাম ত্যাগ। যে দেশে পর্ণ-

কুটারের মধ্যে শাকারের নাম ভোগ, সে দেশে মঠ-নামধারী প্রাণীদের মধ্যে মুচি, মোহনভোগ, চা, বিকুট ও সিগারেটের নাম ভাগ। বুদ্ধ যা বাপ, স্ত্রীপুত্র, অথবা ভগ্নী বা বুদ্ধা পিসি খুড়ীর জন্ত দিন রাত শত লাঞ্ছনা সহিয়া হাড়ভাঙা পরিশ্রমের নাম ভোগ, আর নিজালাস চক্ষু মুছিতে মুছিতে ঐ ঘৃণ্য ভোগ-পন্থীদিগের প্রদত্ত ভিক্ষালব্ধ অর্থে সখের দরিদ্রনারায়ণ সেবার নাম ভাগ। ভোগের চিত্র অপেক্ষা ভ্যাগের চিত্রটা যে আমাদের দেশে বিশেষ ভাবেই উজ্জ্বল—এ কথা স্বীকার করিতেই হইবে। হায়রে—

“কে ঘুচাবে এই লুপ্ত-সন্ন্যাস, গেরুয়ার বিলাসিতা।”

যাহারা সংসারের বোঝা ঘাড়ে করিয়া, নীর লিষ্ট বুদ্ধকৃতিদের উদরানের সংস্থান করিবার জন্ত হাসিমুখে দেহপাত করিতেছে, আর যাহারা সে বোঝা পরের ঘাড়ে নামাইয়া দিয়া, পরায়ে উদর পূর্তির ব্যবস্থা করিয়া সংস্কৃত শ্লোক বানাইয়া ঘোষণা করিতেছেন যে, যতি স্বর্ঘ্যসমপ্রভ ও গৃহস্থ তাহার নিকট খন্ডোৎ তুল্য—এ উভয়ের মধ্যে কে বেশী ধর্ম্মাচ্ছা? সমষ্টিকে ভ্যাগ করিয়া ব্যষ্টির নির্মাণ মোক্ষলাভ যদি সম্ভবপর হয়, তাহা হইলেও উহা পারলৌকিক স্বার্থপরতার চূড়ান্ত সীমা।

প্রতিপক্ষ হয় ত বলিবেন—“জীবন-সংগ্রামে ভীত বা ঐহিক স্বার্থসাধনেচ্ছু ব্যক্তিও যদি ভ্যাগ-মার্গের আশ্রয় গ্রহণ করিয়া সমাজকে ও নিজেকে প্রবঞ্চনা করে, তবে ঐ প্রবঞ্চকের উপর দোষারোপ না করিয়া ভ্যাগের মহান আদর্শের উপর কলঙ্ক-ক্ষেপন করা কি বুদ্ধমানের কার্য?” আমরাও ত প্রতিপক্ষের কথা প্রতিধ্বনিত করিয়া বলিতে পারি—“কেহ যদি রাজর্ষি জনক হইবার পূর্বে মূখের কথায় ভগবানের নিকট আত্মসমর্পণ করিয়া আপনাকে প্রত্যাহিত করে, ত তাহার জন্ত কি জ্ঞান ও কর্মের, ভোগ ও মোক্ষের সামঞ্জস্যের কথা মিথ্যা হইয়া যায়? দুই এক জনের দুর্বলতার জন্ত কি ভূক্তিমুক্তির মহান আদর্শে কলঙ্ক ক্ষেপন করা বুদ্ধমানের কার্য? রাজর্ষি জনককে যে কর্ম ও জ্ঞানের সামঞ্জস্যের জন্ত ভ্যাগমার্গ অবলম্বন করিয়া হেটুপদ উর্দ্ধপদ হইয়া তপস্তা করিতে হইয়াছিল, এ কথা কোন্ সংশাস্ত্রে লেখে? গীতায় শ্রীকৃষ্ণ অর্জুনকে যোগযুক্ত হইয়া কর্ম করিবার জন্ত অভ্যাস উপদেশ দিলেন, তাহার মধ্যে এ কথা ত কোথাও বলেন নাই যে, সে উপদেশ সম্যকরূপে বুঝিবার জন্ত তাহাকে পারে শিকল বাঁধিয়া হেটুপদ

হইয়া কিছুদিন বুলিতে হইবে। পূর্বজন্মের দোহাই দিয়া কথাটা চাপা দিলে ত চলিবে না; পূর্বজন্মে তিনি ভ্যাগপন্থী মোহান্ত ছিলেন, এ কথা যদি খরিসাই লওয়া যায়, ত এ জন্মে সে ত্রুটি শুধরাইয়া লইবার জন্ত তিনি যে কয় গুণা বিবাহ করিয়াছিলেন, তাহাতে তাঁহার গীতাত্ত্ব উপলব্ধি করিবার পক্ষে যে বিশেষ ব্যাঘাত ঘটিয়াছিল, এমন ত মনে হয় না। ঋষিদের মধ্যে দেখিতে পাই—অধিকাংশই বিবাহিত। রাজবঙ্ক্যের একটা নয়, দুইটা বিবাহ। বেদব্যাস বিবাহিত; অধিকন্তু রাজবংশ লোপ পাইবার আশঙ্কা হইলে নির্যোগের জন্তও তাঁহার ডাক পড়িত। অথচ তিনি বেদবিভাগকর্ত্তা এবং পুরাণ ও মহাভারতের রচয়িতা। বশিষ্ঠের মা-বটীর রূপায় একটি শত সন্তান। তবুও রামকে ব্রহ্মতত্ত্ব বুঝাইবার জন্ত তিনি মঠ হইতে সন্ন্যাসী আমদানি করেন নাই। মোট কথা, বুদ্ধদেবের পূর্বে “ভ্যাগ পিশাচিকা” এ দেশের ঘাড়ে এত জোর করিয়া চাপিয়া বসে নাই।

আরও মজার কথা এই যে, বুদ্ধদেব ত ছেলেবুড়া সকলকে দুঃখময় সংসার ছাড়িয়া নির্মাণে লয় পাইবার ব্যবস্থা দিয়া গেলেন। আর আজ তাঁর জন্ত বাঁহারা ওকালতি করিতে নামিয়াছেন, তাঁহারা বলেন যে, বুদ্ধদেবের শিক্ষার ফলেই নাকি ভারতবর্ষ ধনধান্যে, ঐশ্বর্য সম্পদে, জ্ঞান গরিমায় অপূর্ব শ্রীধারণ করিয়াছিল। বটে।

সৌভাগ্যক্রমে চন্দ্রশুকের সময় দেশ সনাতন আদর্শে ঊঠে হয় নাই; চাণক্যের উপর বুদ্ধদেবের ছায়া আসিয়া পড়ে নাই। সেই জন্তই গ্রীসদের হাত হইতে সে যাত্রা লোকে রক্ষা পাইয়াছিল। ধর্ম্মাচ্ছা অশোকের বৈরাগ্য অবলম্বনের সঙ্গে দেশের পরাধীনতার কোনও সম্বন্ধ আছে কি না—এ সম্বন্ধে স্বামী বিবেকানন্দ “প্রাচ্য ও পশ্চাত্য” নামক পুস্তিকায় যাহা লিখিয়া গিয়াছেন, স্বামীজীর চটিকুতা পুজার পরিবর্তে সেই কথাগুলি ফ্রেমে বাঁধাইয়া দেশের মঠে মঠে টাঙাইয়া রাখিলে বোধ হয় স্বর্গীয় মহাত্মার প্রতি অধিক সন্মান দেখান হইবে। বৌদ্ধধর্ম্ম যে সময় হইতে দেশের লোকের হাড়ে হাড়ে বসিতে আরম্ভ করিল, সেই সময় হইতে ভারতবর্ষ আক্রমণ করিতে আসিয়া শক ও হুন জাতি বিফলমনোরথ হইয়া ফিরে নাই। ধর্ম্ম ও সমাজ বিপর্যাস হইতে লাগিল দেখিয়াই ঋষিরা নূতন কত্রির জাতির সৃষ্টি করেন। যে আদর্শ লইয়া এই নূতন অয়িকুল

কত্বিরেয় সৃষ্টি করা হয়, তাহার সহিত যে বৃদ্ধ-প্রচারিত বৈরাগ্য ধর্মের সম্বন্ধ মাত্র নাই, একথা ইতিহাসজ্ঞ মাত্রেই অবগত আছেন। ঐ কত্বিরকুল যদি ত্যাগপন্থী সংসারবিরাগী হইত, তাহা হইলে এতদিন হিন্দুজাতি যে নির্দোষ পদ লাভ করিয়া বসিয়া থাকিত, তাহাতে আর সন্দেহমাত্র নাই।

ত্যাগপন্থীরা অনেকে বলেন—“কাল প্রভাবে ভারতের অধঃপতন ঘটয়াছে।” কাল বেচাবা কি করিবে? আমরা আজ যে বীজ বপন করি, কাল তাহারই ফল দেয় মাত্র। কাল ত কার্য্যকারণ সম্বন্ধ হইতে বিছিন্ন নহে।

ফল দেখিয়াই বৃক্ষের গুণাগুণ নির্ণয় করা

প্রশস্ত। আমাদের কথা যদি শুধু মতবাদ মাত্র না হইয়া অনুভূতিস্বরূপ সত্য হয়, তাহা হইলে অচিরেই সমাজ ইহার ফলাফল দেখিয়া সত্যাসত্য নির্ধারণ করিতে পারিবে। এখন শুধু এইটুকুই আমাদের বক্তব্য যে, ব্রহ্ম শুধু গুণাতীত তুরীয় সত্ত্বা নহেন, তিনি যে গুণময় ও গুণতোক্ত, সব জীবই যে তাঁহার লীলাকেন্দ্র—এ সত্য উপলব্ধি করিয়া ভদ্রভূষণী আমাদের সামাজিক, পারিবারিক ও রাজনৈতিক জীবন গড়িয়া তুলিবার দিন আসিয়াছে। ব্যক্তি ও সমষ্টির মধ্যে এই সত্য প্রতিফলিত হইয়া আমাদের জাতীয় জীবন গড়িয়া উঠিবে।

জাতের বিড়ম্বনা

—*—

উপেন্দ্রনাথ বন্দ্যোপাধ্যায়

জাতের বিড়ম্বনা

—:—

১

ময়দেটা বৈদিক ঋষি পুরুষস্বস্ত রচনা করিতে করিতে যখন বলিলেন—“ব্রাহ্মণোহস্ত মুখমাসীৎ বাহু রাজজ কৃতঃ। উরু তদস্ত যথৈশ্রঃ পদ্মাং শূদ্র অজায়তঃ”—তখন তিনি অজ্ঞাতসারে আপনার ভবিষ্যৎ বংশধরদিগের হস্তে শূদ্রজাতি-নিপীড়নের জন্ত যে কি ভীষণ অস্ত্র দান করিয়া গিয়াছিলেন, দিব্যদৃষ্টিতে তাহা দেখিতে পাইলে তিনিও ভয়ে চমকিয়া উঠিতেন। ঐ সূত্রটা প্রাচীনই হোক, আর অক্ষীচীনই হোক, মহাভারতে ও মহাদি ধর্মশাস্ত্রে যে উহারই প্রতিধ্বনি শুনিতে পাওয়া যায়, তাহা নিঃসন্দেহে বলা বাহিঁতে পারে।

লোকানাঙ্ক বিবুদ্ধার্থং মুখবাহুরূপাদতঃ।

ব্রাহ্মণং ক্ষত্রিয়ং বৈশ্যং শূদ্রঞ্চ নিরবর্তয়ৎ ॥ ময় ১।১৩

‘লোকসমৃদ্ধি কামনায় পরমেশ্বর আপনার মুখ, বাহু, উরু ও পদ হইতে যথাক্রমে ব্রাহ্মণ, ক্ষত্রিয়, বৈশ্য ও শূদ্র সৃষ্টি করিলেন।’ বেশ কথা। কিন্তু তিনি লোকহিতকামনায় যে কার্য্যটুকু করিয়াছিলেন, শাস্ত্রব্যবসারীদিগের হাতে পড়িয়া তাহা যে আজ অতি বীভৎস রূপ ধারণ করিয়াছে, একথা অস্বীকার করিবার উপায় নাই। লোকহিত হওয়া ত ঘরের কথা, এখন লোক সকলের প্রাণে প্রাণে বাঁচিয়া থাকাই দায়।

সমাজের ভিন্ন ভিন্ন প্রকৃতির লোক জীবসমষ্টিরূপে ব্রহ্মার ভিন্ন ভিন্ন অঙ্গ-সমুত বা অঙ্গস্বরূপ, এ তো অতি সোজা কথা। ইহার সর্ধটুকু বুঝিবার জন্ত আমাদের কোন কষ্টকল্পনার প্রয়োজন নাই। ইহাতে গুণগত জাতির ইঙ্গিত দেখিতে পাই, জন্মগত জাতিভেদের নাম-গন্ধও ত নাই। গীতারও ঐ কথা বেশ স্পষ্টই লেখা আছে—“চাতুর্কণ্যং যয়া সৃষ্টং গুণকর্ম্মবিভাগশঃ।” ভগবান বলিতেছেন—“গুণ ও কর্ম্ম অনুযায়ী আমি চার বর্ণ সৃষ্টি করিয়াছি।” ইহাতে এইরূপ বুঝা যায় যে, সংসারে ব্রাহ্মণ, ক্ষত্রিয়,

বৈশ্য ও শূদ্রধর্ম্মা চার শ্রেণীর লোক বিস্তারমান। ভগবান যে শুধু ভারতবর্ষের লোককে সৃষ্টি করিয়াই ক্ষান্ত হইয়াছিলেন, আর অপর দেশের লোককে সৃষ্টি করিবার ভার কোন একটা দৈত্য-দানবের স্বন্ধে চাপাইয়া দিয়াছিলেন, একথা বোধ হয় আমাদের দেশের পণ্ডিতসমাজও বলিতে স্মৃতিত হইবেন। যদি তাহা হয়, ত স্বীকার করিতেই হইবে যে, এই চারি প্রকৃতির লোক সকল দেশেই বর্তমান। আমাদের দেশে আজ জাতিভেদ জন্মগত হইয়া দাঁড়াইয়াছে বলিয়াই যে, ওরূপ জাতিভেদ বিদ্যমান, একথা শত শাস্ত্রবচন আওড়াইলেও প্রমাণিত হয় না।

শাস্ত্র বাঁটিলে বরং তাহার উল্টা কথাই দেখিতে পাই। পুরাকালে প্রকৃতিগত জাতিভেদ বলিলে যে সামাজিক পার্থক্য বুঝাইত না, শাস্ত্রে তাহার ভুরি ভুরি প্রমাণ পাওয়া যায়। মস্তাগবতে বলে—

“এক এব পুরা বেদঃ প্রণবঃ সর্ব্ববায়মঃ।

দেবো নারায়ণোনাত্ত একাধিবর্ণ এব চ ॥”

পূর্বে এক বেদ, সর্ব্ববায়ম এক প্রণব, এক নারায়ণ দেবতা, এক অগ্নি ও এক বর্ণ ছিল।

তবে বহু জাতির সৃষ্টি কোথা হইতে হইল? শাস্ত্র ইহার উত্তরে বলেন—

“ন বিশেষোহস্তি বর্ণানাং সর্ব্বং ব্রহ্মমিদং জগৎ ॥

ব্রহ্মণো পূর্ব্বসৃষ্টং হি কর্ম্মভির্বর্ণতাং গতম্ ॥

কামতোগপ্রিয়ারাজীক্কাঃ ক্রোধনাঃ প্রিয়ারাহসাঃ।

তাজ্জস্বদ্যারক্তগন্ধাস্তে বিজাঃ ক্ষত্রতাং গতঃ ॥

গোভ্যোবৃন্তিং সমাস্থায় পীতাঃ কৃম্যুপজীবিনঃ।

স্বধর্ম্মান্নাস্তিত্ত্বি তে বিজাঃ বৈশ্বতাং গতঃ ॥

হিংসানুতপ্রিয়ারা লুকা সর্ব্বকর্ম্মোপজীবিনঃ।

কৃষ্ণাঃ শৌচপরিপ্রক্টাস্তে বিজাঃ শূদ্রতাং গতঃ ॥”

ইহলোকে বস্তুতঃ বর্ণের প্রভেদ নাই।

সমস্ত জগতই ব্রহ্মময়; মনুষ্যগণ পূর্বে ব্রহ্ম

কর্ভুকৃষ্ণ হইয়া ভিন্ন ভিন্ন কার্য্য দ্বারা ভিন্ন ভিন্ন বর্ণে পরিণত হইয়াছে। যে সমস্ত ব্রাহ্মণ রজোশুণ-প্রভাবে কামভোগপ্রিয়, জোবী, সাহসী, হঠকারী, রক্তবর্ণ, তাহারা স্বধর্ম্মত্যাগ করিয়া ক্ষত্রিয় প্রাপ্ত হইয়াছে। বাহারা গো-পালনরত, কৃষ্যুপজীবী, পীতবর্ণ, তাহারা বৈশ্য ও বাহারা হিংসাপরতন্ত্র, মিথ্যাবাদী, লুন্ড, সর্ব্বকর্ম্মোপজীবী, কৃষ্ণবর্ণ ও শোচনীয়, তাহারা শূদ্র প্রাপ্ত হইয়াছে।

ফলতঃ এক বর্ণ হইতেই অন্তান্ত বর্ণের উৎপত্তি হউক, অথবা ভিন্ন ভিন্ন প্রকৃতি অমুগারে বর্ণপার্থক্য প্রথম হইতেই বিদ্যমান থাকুক, জাতিভেদ যে জন্মগত ছিল না, একথা নিঃসন্দেহে বলা যাইতে পারে। লোকের প্রকৃতি ও বৃত্তি দেখিয়াই তাহার জাতি নির্দিষ্ট হইত। ব্রাহ্মণের ছেলে হইলেই ব্রাহ্মণ, আর শূদ্রের ছেলে হইলেই যে শূদ্র হইবে, এমন কোনও কথা ছিল না। গুণের ক্রিয়া স্বতঃস্ফূর্ত—আপনিই উদয় হয়। গুণের ব্যাখ্যায় মজ্জ বলিয়াছেন—

হিংস্রাহিংস্রো মৃদুকুরে ধর্ম্ম-ধর্ম্মাবতাবৃত্তে ।
যদ্বস্ত সোহদধ্যং সর্গে তৎতত্ত্ব স্বরমাবিশং ॥
যথার্জুনিজান্যাতবঃ স্বয়মেববর্তু পর্যায়ে ।
বানি স্বান্ততিপশ্চন্তে তথা কর্ম্মণি দেহিনঃ ॥

“হিংসা অহিংসা, মৃদুতা, ক্রুরতা, ধর্ম্ম, অধর্ম্ম, সত্য এবং মিথ্যা—বাহার যে গুণ তিনি সৃষ্টি-কালে বিধান করিলেন, সৃষ্টান্তরকালেও সেই সেই গুণ তাহাতে স্বয়ং প্রবেশ করিতে লাগিল। ঋতু সমাগমে ঋতুচিহ্ন সকল যেমন আপনা আপনিই দেখা দেয়, কর্ম্ম বা গুণ সকলও সেইরূপ আপনা আপনিই মানুষের প্রকৃতিতে উদয় হয়।” সংসারে আমরা দেখিও তাহাই,—সামুদ্র সন্তান দুর্কৃত হইতেছে, আবার রাবণের কুলে বিভীষণ জন্ম লইতেছে। ভারতে ব্রাহ্মণের বংশে জন্মিয়াও বাহাদের প্রকৃতি ও ব্যবহার শূদ্রের মত, তাহারা শূদ্র বলিয়াই গণ্য হইত; আর শূদ্রবংশে জন্মিলেও কাহারও গুণপ্রভাবে ব্রাহ্মণ বলিয়া গণ্য হইবার বাধা ছিল না।

যন্ত যন্নকণং প্রোক্তং পুংসো বর্ণাভিব্যক্তং ।
যদন্তজাপি দৃষ্টেত তন্তেনৈব বিনির্দিশেৎ ॥
(শ্রীমদ্ভগবত ৭ম স্কন্ধ ।)

লক্ষণ দেখিয়া যে জাতি নির্দিষ্ট হইত, এ সম্বন্ধে ইহাই প্রমাণ। ভগবান গৌতমও বলিয়াছেন—

“বর্ণান্তরগমনমুৎকর্ষাপকর্ষাত্ম্যং ।” উৎকর্ষ ও অপকর্ষ হেতু এক বর্ণের লোক বর্ণান্তরে পরিণত হয়।

ইহাই স্বাভাবিক ব্যবস্থা। সকল দেশে সকল সমাজেই এই গুণমূলক জাতিভেদ প্রচলিত। ইহাতে কোনরূপ অন্তায় বা অত্যাচার নাই। পূর্ব্বকালে আমাদের দেশে যে এই ব্যবস্থাই প্রচলিত ছিল, পুরাণাদি হইতে তাহার বহু প্রমাণ পাওয়া যায়।

যন্ত শূদ্রো দমে সত্যে ধর্ম্মে চ সত্যতোষিতঃ ।

তং ব্রাহ্মণমহং মন্ত্রে বৃন্তেন হি ভবেষিজঃ ॥

(মহাভারত, বনপর্ব্ব, ১২৫ অধ্যায় ।)

যে শূদ্র দম, সত্য ও ধর্ম্মে সত্যত অমুরক্ত, তাহাকে আমি ব্রাহ্মণ বলিয়াই বিবেচনা করি, কারণ বৃত্তিচারাই লোকে ব্রাহ্মণ হয়। মহাভারতের অনুশাঙ্গন পর্বে ১৪শ অধ্যায়েও একথা বেশ স্পষ্ট করিয়া লেখা আছে যে, শূদ্রও যদি পবিত্র কার্য্যমুষ্ঠান দ্বারা বিশুদ্ধাত্মা ও জিতেন্দ্রিয় হয়, তবে তাহাকে ব্রাহ্মণের স্তায় সমাদর করা উচিত। সনাতন দ্বারা সকলেই ব্রাহ্মণত্ব লাভ করিতে পারে।

বাস্তবিক ভিন্ন ভিন্ন প্রকৃতিবিশিষ্ট লোক একই সমাজ-শরীরের ভিন্ন ভিন্ন অঙ্গস্বরূপ। যত দিন তাহারা অবাধে আপন আপন প্রকৃতি ও শক্তি অনুযায়ী ভিন্ন ভিন্ন বৃত্তি অবলম্বন করিয়া সমাজের পুষ্টিসাধন করিতে পারে, ততদিন সমাজের অবনতি হয় না। মানুষকে জোর করিয়া বড় বা ছোট করিয়া রাখিলে, প্রকৃতি বিচার না করিয়া বাহির হইতে তাহার বৃত্তি নির্দিষ্ট করিয়া দিলে, সমাজের এই অবাধগতি ও উন্নতির পথ রুদ্ধ হইয়া যায়। আমাদের দেশে হইয়াছেও তাই। ব্রাহ্মণ-সন্তান যে দিন প্রপিতামহের নামের জোরে তিন গ্রহি পৈতা নাড়িয়া শূদ্রসন্তানের নিকট হইতে জবরদস্তি পূজা আদায়ের জন্ত শ্লোক রচনা করিতে লাগিয়া গেলেন, সেই দিন হইতেই অলক্ষ্য সমাজের মধ্যে মরণের বীজ প্রবেশ করিল। আজ সমাজ অসাড়, নিষ্পন্দ, সমাজের ভিন্ন ভিন্ন অঙ্গের মধ্যে রক্তের চীনও নাই, প্রাণের চীনও নাই। সমাজ যে সত্যী অঙ্গের মত খান খান হইয়া পড়িলে, তাহাতে আর বিচিত্রতা কি? ব্রাহ্মণ্যম্পর্কী দক্ষ কর্তৃক মহাদেবের অঙ্গ হইতে বিচ্যুত হইয়া সত্যীদেহ ধ্বংস বিনাশ-প্রাপ্ত হইয়াছিল, অভিজাতবর্ণ স্বার্থপ্রণোদিত হইয়া সমাজকে অমঙ্গলের পথে টানিয়া আনিয়া

তাহার সেই দুর্দশা করিয়াছে। সতীকে আবার পরম-শিবের সহিত মিলিত হইবার জন্য নবকলেবর পরিগ্রহ করিয়া তপঃপুঙ্খ হইতে হইয়াছিল। সমাজকেও ভগবৎস্পর্শলাভে পুনর্জীবিত হইবার জন্য নবরূপ গ্রহণ করিতে হইবে। আভিজাত্য-স্পর্শ দক্ষের ছাগমুণ্ডপ্রাপ্তি অনিবার্য।

২

যে আদর্শ লইয়া আমাদের সমাজের সৃষ্টি, সে আদর্শ অক্ষুণ্ণ থাকিলে গুণগত জাতিভেদের পরিবর্তে জন্মগত জাতিভেদ প্রচুর পাইত না; কিন্তু জাতিভেদ জন্মগত হইবার পরেও বহু দিন পর্যন্ত চারিবর্ণের মধ্যে বিবাহ প্রচলিত ছিল এবং আহার ব্যবহার সম্বন্ধেও কোন কঠোর নিয়মও ছিল না। বিষ্ণু সংহিতায় চতুর্বিংশ অধ্যায়ে আছে—

অথ ব্রাহ্মণস্ত বর্ণান্নক্রমেণ চতস্রো ভাষ্যা ভবন্তি ॥১॥
তিস্রঃ ক্ষত্রিয়স্ত ॥২॥ যে বৈশ্যস্ত ॥৩॥ এক শূদ্রস্ত ॥৪॥

ব্রাহ্মণ স্বর্ণ ব্যতীত অস্ত্র তিন বর্ণের কত্তা বিবাহ করিতে পারিবে। ক্ষত্রিয়, বৈশ্য ও শূদ্রা বিবাহ করিতে পারে; বৈশ্যেরও শূদ্রা বিবাহে কোন আপত্তি নাই। কেবল শূদ্রেরই কপাল পুড়িল, সে শূদ্রা ভিন্ন আর কাহাকেও বিবাহ করিতে পারিবে না।

মহু ব্যবস্থা দিয়াছেন যে, স্বপত্নী শূদ্রাতে ব্রাহ্মণ ওরূপে জাতা কত্তা যদি অস্ত্র ব্রাহ্মণ বিবাহ করে এবং তাহার কত্তাকে যদি অপর ব্রাহ্মণ বিবাহ করে এবং এইরূপ ব্রাহ্মণ-সংসর্গ যদি ধারাবাহিক সাতপুরুষ পর্যন্ত হয়, তবে ঐ বর্ণ ব্রাহ্মণও প্রাপ্ত হয় এবং এইরূপে যেমন শূদ্র ব্রাহ্মণ হয়, তেমনি ব্রাহ্মণও শূদ্রও প্রাপ্ত হয়। ক্ষত্রিয় ও বৈশ্য সম্বন্ধেও ঐ এক কথা।

বীজের প্রভাবের দিকেই তখন পণ্ডিতদের দৃষ্টি; তপস্যা ও শিক্ষা প্রভাবেরও যে ব্রাহ্মণও প্রাপ্তি ঘটিতে পারে, তাঁহারা সে কথা তখন ভুলিয়া গিয়াছেন। পরাশরের পুত্র ব্যাস ধীর-কন্টার গর্ভে জন্মিয়াও যে পশ্চিম পুরুষের বহুপুরুষেই ব্রাহ্মণ-শিরোমণি হইয়া দাঁড়াইয়াছিলেন, একথা সমাজ তখন বিশ্বস্ত হইয়াছেন।

ক্রমে ক্রমে শূদ্রের সহিত বৈবাহিক সম্বন্ধ রহিত হইল। তখন শাস্ত্রকারগণ ব্যবস্থা দিলেন—

ব্রাহ্মণী ক্ষত্রিয়া বৈশ্যা ব্রাহ্মণস্ত প্রকীৰ্ত্তিতাঃ ।
ক্ষত্রিয়া চৈব বৈশ্যা চ ক্ষত্রিয়স্ত বিধীয়তে ।
বৈশ্বেব ভাষ্যা বৈশ্যস্ত শূদ্রা শূদ্রস্ত কীৰ্ত্তিতাঃ ॥

ব্রাহ্মণ ব্রাহ্মণী, ক্ষত্রিয়া, বৈশ্যা; ক্ষত্রিয় ক্ষত্রিয়া, বৈশ্যা; বৈশ্য বৈশ্যা বিবাহ করিতে পারিবে। শূদ্র সমাজ-শরীর হইতে বিচ্ছিন্ন হইয়া পড়িল। তাহার আর বর্ণান্তর প্রাপ্তির আশা রহিল না।

বিবাহের ক্ষেত্রেও যেরূপ ক্রমশঃ সঙ্কীর্ণ হইয়া আসিয়াছে, আহার সম্বন্ধেও সেইরূপ। মহুসংহিতার চতুর্থ অধ্যায়ে আছে—

আর্কিকঃ কুলমিত্রক গোপাল দাস নাপিতো ।
এতে শূদ্রেষু ভোজ্যান্না যশ্চাত্মানং নিবেদয়েৎ ॥

“যে বাহার কৃষিকর্ম করে, যে পুরুষাভূতনে আপন বংশের মিত্র, গোপালক, দাস, নাপিত ও আত্মনিবেদিত শূদ্রের মধ্যে ইহাদের অন্ন ভোজন করা যায়।” ক্রমে শূদ্র বাদ পড়িয়া গেল। কিন্তু বহুদিন পর্যন্ত সদাচারযুক্ত ক্ষত্রিয় ও বৈশ্যের অন্ন নিষিদ্ধ হয় নাই। পরাশর স্মৃতিতে লিখিত আছে—

ক্ষত্রিয়ো বাপি বৈশ্যো বা ক্রিয়াবন্তো শুচিত্বতো ।
তদগৃহেষু যিজ্ঞেভোজ্যং হব্যকব্যেযু নিত্যশঃ ॥

“যে সকল ক্ষত্রিয় ও বৈশ্য ক্রিয়াবান এবং শুচিত্বপ্রাপ্ত, তাহাদের গৃহে ব্রাহ্মণেরা সর্বদা হব্য কব্যে ভোজন করিবে।”

বিবাহ ও আহার-ব্যবহার সম্বন্ধে শাস্ত্রের ত এই ব্যবস্থা। এখন আমাদের তত্ত্বাচার্য মহাশয়েরা অসবর্ণ বিবাহের নামে সে দিন যেরূপ লক্ষ লক্ষ করিয়া উঠিলেন, তাহাতে মনে হইল যেন পাটেল-বিল পাশ হইবার সঙ্গে সঙ্গেই দেশটা একেবারে ভারত-মহাসাগরের অতল গর্ভে গিয়া নুকাইবে। ধীরকন্টা সত্যবতীর গর্ভে জন্মিলেন বেদব্যাস; আর সেই বেদব্যাসের রচিত পুঁথি পড়িয়া ষাঁহারাজ আজ পর্যন্ত গুরুগিরির ব্যবসা চালাইতেছেন, তাঁহার “বাপ চেয়ে কুলীন দড়” (পিতা অপেক্ষা শ্রেষ্ঠ কুলীন) হইয়া ব্যবস্থা দিলেন যে, অসবর্ণ-বিবাহ করিলে সমাজ রসাতলে বাইবে। যে পরমুরামের কুঠারের জোরে ব্রাহ্মণেরা ক্ষত্রিয়ের হাত হইতে বাঁচিয়াছিলেন, তাঁহার যা ও পিতামহী উভয়েই ক্ষত্রিয়া। পরমুরাম অসবর্ণ-বিবাহ-সম্বৃত্ত হইয়াও ব্রাহ্মণ হইলেন কিরূপে? সেই সময়ের সমাজ ত কে রসাতলে যায় নাই।

তাহার পর আহার লইয়া বিচার। এ বিষয়ে আনাদের সমাজের দণ্ডমুণ্ডের কর্তারা যত মাথা ঘামাইয়াছেন, এত আর কিছুতে নহে। স্বতিশাস্ত্রকে এখন রান্নাধারের হাঁড়িকুড়ির শাস্ত্র বলিলেই চলে। রন্ধনটা যে ব্রাহ্মণের একটা বিশেষ কার্য, একথা সে কালের ধর্মশাস্ত্রকারেরা লিখিতে ভুলিয়া গিয়াছিলেন। আমাদের এ কালের পণ্ডিত মহাশয়েরা সে ভুলটা সংশোধন করিয়া লইয়াছেন। এখন ‘বামুন ঠাকুর’ অর্থে রান্নাধুনি। আজ কাল ব্রাহ্মণ ভিন্ন অন্ত্র জাতের ভাত খাইলে আমাদের ঠাকুর মহাশয়দের এক ভাল গোবর খাইয়া সে ভাত হজম করিতে হয়। কিন্তু সে কালে ব্রাহ্মণদের এতটা অজীর্ণ হয় নাই। ক্ষত্রিয় বা বৈশ্যের অন্নের ত কথাই নাই; অনেক শূদ্রের হাতের ভাতও তাঁহারা নিষিদ্ধ হজম করিতেন। তাঁহাদের জাতটি যে তাহাতে মারা যাইত, এরূপ কোনও প্রমাণ পাওয়া যায় না। আজ কাল আহার বিষয়ে যিনি যত বড় ‘ছুৎসার্গ’, তিনি তত বড় পণ্ডিত।

৩

আজ কাল যাহারা শাস্ত্রগুলিকে চুণকাম করিয়া বাহিরের লোকের কাছে ধর্ম প্রচার করেন, তাঁহারা বলেন, যে, শূদ্রকে শিক্ষাদ্বারা ক্রমোন্নত করাই আমাদের সমাজের লক্ষ্য। এক আদর্শ শ্লোক দেখিয়া মনে হয় যে, সমাজের মনে এক দিন হয় ত সে আদর্শ ছিল; কিন্তু সে আদর্শ ভুলিয়া যাইতে যে বড় বেশী বিলম্ব হয় নাই, তাহার প্রমাণ পদে পদেই পাওয়া যায়। ব্যাস-সংহিতায় ব্যবস্থা আছে—

ব্রাহ্মণ-ক্ষত্রিয়-বিশ্বস্বমোবর্ণা বিজাতয়ঃ।

ঐতিশ্রুতি পুরাণোক্ত ধর্মযোগ্যাস্তনেনতরে।।

শূদ্রোবর্ণচতুর্থেইপি বর্ণভাঙ্কর্মমর্হতি।

বেদমন্ত্রস্বধা-বাহা-বঘট্কারাদিভির্বিদ্যা।।

“ব্রাহ্মণ, ক্ষত্রিয়, বৈশ্য—এই তিন জাতি বিজ্ঞান-ব্যাচ। ইহারাই ঐতিহ্য, শ্রুতি ও পুরাণোক্ত ধর্মের অধিকারী। অপর জাতি নহে। শূদ্রজাতি চতুর্থবর্ণ বলিয়া ধর্মের অধিকারী, কিন্তু বেদমন্ত্র ও বাহা, স্বধা, বঘট্কারাদি শব্দের উচ্চারণে অধিকারী নহে।”

জাতিভেদের বাহারা আধ্যাত্মিক মর্যাদাটন-প্ররাসী, তাঁহারা এ কথায় কি বলেন? বাহা, স্বধা

উচ্চারণ করিলে বোধ হয় শূদ্রের জিহ্বায় কোন্না পড়িত?

শুধু ধর্ম বিষয়ে নয়—লৌকিক বিষয়েও শূদ্রকে কোনও উপদেশ দিতে মনুষ্যমহারাজ নিষেধ করিয়াছেন,—“ন শূদ্রায় মতিং দদ্যাত্।”

শূদ্র অপরাধ করিলে তাহার বিচারের ব্যবস্থাও বেশ চমৎকার। ব্রাহ্মণের সত্যদ্বারা শপথ করিলেই চলিত; ক্ষত্রিয় অথ বা আর্যুধ দ্বারা এবং বৈশ্য গো, বীজ বা কাঞ্চন দ্বারা শপথ করিত। কিন্তু শূদ্রের বেলা ব্যবস্থা অল্পরূপ।

অগ্নি বা হারয়েদেনমপ্সু চৈনং নিমজ্জয়েৎ।

পুত্রদারশ্চ বাপ্যোনং শিরাংসি স্পর্শয়েৎ পৃথক্।।

সমিচ্ছো ন দহত্যগ্নিরাপো নোমজ্জয়স্বি চ।

ন চাস্তিমুচ্ছতি ক্ষিপ্রেং স জ্ঞেয়ঃ শপথে শুচিঃ।।

(মহু ৮ম অধ্যায়)

“শূদ্রকে অগ্নিপরীক্ষা, জলপরীক্ষা কিংবা স্ত্রীপুত্রাদির মন্তকস্পর্শরূপ পরীক্ষা করাইবে। অগ্নি বাহাকে দগ্ধ না করে, জল বাহাকে শীত্রে ভাসাইয়া না তোলে এবং স্ত্রীপুত্রাদির মন্তকস্পর্শে যাহার শীত্রে কোনরূপ পীড়া না জন্মে, শপথ সম্বন্ধে সেই ব্যক্তিকে শুচি বলিয়া জানিবে।”

বাহারা সনাতনধর্মশাস্ত্র বলিয়া কথায় কথায় মহুশ্রুতির দোহাই দেন, তাঁহারা আজ কাল মহুর এ ব্যবস্থাগুলি মানিয়া চলিতে রাজী আছেন কি? আগুনে পোড়াইয়া এবং জলে ডুবাইয়া মহামহিম শাস্ত্রকারক শূদ্রকে নিষ্কৃতি দেন নাই। ‘ছু’ শব্দটি করিলেই তাহার হাত পা কাটিয়া লইবার আদেশ দিয়াছেন। শূদ্র যদি বিজ্ঞদিগের প্রতি কঠিন বাক্য প্রয়োগ করে, তবে ঐ শূদ্র জিহ্বাচ্ছেদরূপ দণ্ড প্রাপ্ত হইবে; কেন না শূদ্র জঘন্ত স্থান হইতে উৎপন্ন। নাম ও জাতি ভুলিয়া শূদ্র যদি বিজ্ঞদিগের উপর আক্রোশ করে, তবে একটা জলস্ত দশাঙ্গুল লোহময় শঙ্ক নিক্ষেপ করা উচিত। (মহু ৮ম অধ্যায়) অর্থাৎ শূদ্র যদি দূর হইতে ব্রাহ্মণকে ডাকিয়া বলে—“ওরে ও বামনা ও বিটকেল”, তাহা হইলে ব্রাহ্মণ তাহাকে ধরিতে পারিলে তাহার জিত কাটিয়া লইবেন, আর ধরিতে না পারিলে জলস্ত লোহার ডাকস ছুঁড়িয়া মারিবেন। যদি ইহাতেও শূদ্রের কঠিন প্রাণ বাহির হইয়া না যায়, ত মনুষ্যমহারাজ দয়াপরবশ হইয়া তাহারও ব্যবস্থা করিয়াছেন।

ধর্মোপদেশং দর্পেণ বিপ্রাণামস্ত কুর্বতঃ

তপ্তমাসেচরেৎ তৈলং বজ্রে শোভে চ পার্শ্বিৎ ॥২৭২

যেন কেনচিদেন হিংস্রাচ্ছেদে ঠমস্ফাঃ ।
 ছেদব্যং ভদ্রদেবাত তন্নোরমুশাসনম্ ॥ ২৭৩
 পাণিমুখ্য দণ্ডং বা পাণিচ্ছেদনমহতি ।
 পাদেন প্রহরনু কোপাং পাদচ্ছেদনমহতি ॥ ২৮০
 সহাসনমভিপ্রেতু রুৎকুটাপকুটঃ ।
 কট্যাং কৃতাকো নিকীন্ত ক্ষিচং বাস্তারকর্জয়েৎ ॥
 অবনিষ্ঠীবতো দর্পাদাবোষ্ঠাচ্ছেদয়েন্নৃপ ।
 অবমুদ্রয়তো মেঢ় যবশঙ্কয়তো শুদম্ ॥ ২৮২
 কেশে গৃহতোহন্তোচ্ছেদয়েদবিচারয়ন ।
 পাদয়োদাটিকারাক্ষ গ্রীবায়াং বুঘণেশু চ ॥ ২৮৩
 (মহু ৮ম অধ্যায়)

“শূদ্র যদি দর্পিতভাবে ব্রাহ্মণকে ধর্মোপদেশ করে, তবে রাজা উহার মুখে ও কর্ণে তপ্ত তৈল ঢালিয়া দিবেন। অন্যজ যে অজ্ঞের দ্বারা শ্রেষ্ঠ জাতিকের মারিবে, রাজা তাহার সেই অজ ছেদন করিয়া দিবেন—ইহাই মহুর আদেশ। শূদ্র যদি শ্রেষ্ঠ জাতিকের মারিবার জন্ত হস্ত বা দণ্ড তোলে, তবে রাজা তাহার হস্তছেদন করিবেন। আর রুষ্ঠ হইয়া পদ দ্বারা প্রহার করিলে, পা কাটিয়া দিবেন। শূদ্র যদি উচ্চ বর্ণের সহিত একাসনে উপবেশন করে, তবে রাজা উহার কটিদেশ লোহময় তপ্তশালকায় অঙ্কিত করিয়া উহাকে দেশ হইতে নিকীসিড করিবেন, অথবা যেন না মরে এইরূপে তাহার পাছা কাটিয়া দিবেন। শূদ্র যদি অহঙ্কার করিয়া ব্রাহ্মণের গায়ে থুথু দেয়, তাহা হইলে রাজা তাহার ঠোঁট দু'খানি কাটিয়া দিবেন। প্রস্রাব করিয়া দিলে লিঙ্গছেদন করিবেন এবং বায়ু নিঃসরণ করিলে গুহদেশ কাটিয়া দিবেন। দর্প করিয়া শূদ্র যদি ব্রাহ্মণের চুলের মুঠি ধরে কিংবা হিংসা করিয়া যদি পা, গলা, অণ্ডকোষ ধরে, অথবা দাড়ী ধরিয়া টানে, তাহা হইলে রাজা বিনা বিচারে উহার হাত দু'খানি কাটিয়া দিবেন।

ইহার উপর টীকাটিকনি বোধ হয় নিশ্চয়োজন। ব্রাহ্মণ শুধু শূদ্রকে হাতে মারিয়াই ভুট্ট নহেন, বেচারাকে ভাত মারিবার ব্যবস্থাও করিয়াছেন—

বিস্ফাং ব্রাহ্মণঃ শূদ্রোদ্রব্যোপাদানমাচাদৎ ।
 নহি তস্তাস্তি কিঞ্চিৎ স্বঃভত্বহার্য্য ধনোহি সঃ ॥
 (৪১৭ মহু ৮ম অধ্যায়)

“ব্রাহ্মণ বিস্ফা চিন্তে শূদ্রের ধন আত্মসাৎ করিতে পারেন; যে হেতু শূদ্রের নিজস্ব কিছুই নহে, উহার সমুদয় ধনই ভর্তুহাৰ্য্য।”

শস্তেনাপি হি শূদ্রেন ন কার্য্যো ধনসঞ্চয়ঃ ।
 শূদ্রো হি ধনমাশান্ত ব্রাহ্মণানেন বাধতে ॥ ১২৯
 (মহু ১০ম অধ্যায়)

পাছে শূদ্র ধনী হইলে অহঙ্কারী হইয়া ব্রাহ্মণের অপমান করে, সেই জন্ত শাস্ত্র আগে হইতে ব্যবস্থা দিয়াছেন যে, ধনসঞ্চয় করিতে পারিলেও শূদ্রের তাহা করা উচিত নয়।

• শুধু যে মহুই এই ব্যবস্থা দিয়াছেন, তাহা নহে। মহুর শিব্যবর্ণের দয়াও মহু অপেক্ষা কোন অংশেই কম নহে। গোতমসংহিতার দ্বাদশ অধ্যায়ে লিখিত আছে—

“শূদ্রো দ্বিজাতীনভিসঙ্ঘায়াভিহত্য চ বাগ্ম গুপাকব্যাত্যামজং মোচ্যো যেনোপহস্তাদর্ঘ্যাস্ত্যভি-
 গমনে লিঙ্গোদ্ধারঃ স্বহরণঞ্চ গোপ্তা চেষ্টবোধিকো-
 হথাহাস্ত বেদমূপশৃণুতস্বপুজতুভ্যাং শ্রোত্র প্রতিপূরণ-
 মুদাহরণে জিহ্বাচ্ছেদো ধারণে শরীরভেদ
 আসনশয়নবাক্পথিষু সমপ্রেক্ষদৃষ্ট্যঃ শতম্।

শূদ্র যদি কোন উচ্চবর্ণের প্রতি তিরস্কারমুচক বাক্য প্রয়োগ করিয়া তাহাকে কঠোর ভাবে আঘাত করে, তাহা হইলে যে অজ্ঞদ্বারা আঘাত করিবে, রাজা তাহার সেই অজ ছেদন করিবেন। *** শূদ্র যদি দ্বিজদিগের ধন হরণ করিয়া গোপন করে, তাহা হইলে তাহার প্রাণদণ্ড অবধি হইতে পারে। শূদ্র যদি বেদ শ্রবণ করে, তাহা হইলে রাজা গীসা ঢালাইয়া তাহার কণরন্ধ্র বুজাইয়া দিবেন, বেদমন্ত্র উচ্চারণ করিলে তাহার জিহ্বা ছেদন করিবেন। এবং বেদমন্ত্র অজ্ঞে ধারণ করিলে যে অজ্ঞে ধারণ করিবে সেই অজ ভেদ করিবেন। আসন, শয়ন, বাক্য বা পথে যদি শূদ্র কোন দ্বিজের সহিত সমান ব্যবহার করিতে ইচ্ছা করে, তাহা হইলে রাজা তাহার শতপণ দণ্ড বিধান করিবেন।”

বিষ্ণুসংহিতা আবার ইহারও উপরে বান। সর্কলোকহিতৈবী ধর্মশাস্ত্রবেত্তা ব্যবস্থা দিয়াছেন যে, অস্পৃশ্যজাতি যদি জ্ঞানতঃ ব্রাহ্মণ, ক্ষত্রিয় বা বৈশ্যকে স্পর্শ করে, তাহা হইলে সে বধ্য হইবে।

“কামকারণোপশ্রুতৈর্বর্জকং শনু স্পব্য ॥ ১০২
 (বিষ্ণুসংহিতা পঞ্চম অধ্যায়)

শূদ্র যে সদাচার অবলম্বন করিয়া ক্রমশঃ উন্নত হইবে, আমাদের ব্যবস্থাপকেরা সে পথও রুদ্ধ করিয়া দিয়াছেন। বিষ্ণুসংহিতার ১০ম অধ্যায়ে আছে—

বোঁলোভাদধমো জাত্যা জীবদুঃকষ্ট কৰ্ম্মভিঃ ।

অং রাজা নির্ধনং কৃত্বা কিপ্রমেব প্রবাসয়েৎ ॥ ৯৬

“যদি কোন অধম জাতীয় ব্যক্তি লোভ বশতঃ উৎকৃষ্ট জাতির বৃত্তি অবলম্বন করিয়া জীবিকা নির্বাহ করে, রাজা তাহাকে নির্ধন করিয়া শীঘ্র দেশ হইতে বিদূরিত করিবে।”

ঘরে বাহিরে প্রহার খাইয়া ও কথার কথার নাক কাণ কাটা গেলেও যদি শূদ্র প্রাণে না মরে, তাহা হইলে ভৃত্যরহারা ব্রাহ্মণ অনায়াসে তাহার গলাটা টিপিয়া ধরিয়া তাহার ইহা লীলা সাধ করিয়া দিতে পারেন। শাস্ত্রকারের তাহাতে বিশেষ আপত্তি আছে বলিয়া মনে হয় না। স্মার্ত্ত ভট্টাচার্য্যদের আদি পুরুষ মল্ল লিখিয়া গিয়াছেন—

মার্ক্কার-নকুলো হত্যা চাষং যথুকমেবচ ।

ঋগোধানুক কাকাংশ শূদ্রহত্যাভ্রতং চরেৎ ॥ ১৩২

“বিড়াল, নকুল, চাষপক্ষী, ভেক, কুকুর, গোষা, পেচক, ইহাদের একটিকে হত্যা করিলে শূদ্রহত্যার সমান প্রায়শ্চিত্ত করিবে।”—একটা শূদ্রকে মারা আর একটা বিড়াল, কুকুর, ব্যাঙকে মারা একই কথা। এমন না হইলে আর শাস্ত্র! ছেলেবেলায় যে মগের মল্লকের অত্যাচারের কথা শুনিতাম— সে মগের মল্লকও বোধ হয় ইহার তুলনায় স্বর্গ।

৪

এ সব ত সেকালের কথা। এইবার আজকালের কথা আলোচনা করিয়া দেখা যাক। রঘুনন্দনের ব্যবস্থা মতে বাজলা দেশে ক্ষত্রিয়, বৈশ্যের অস্তিত্ব নাই। কায়স্থ হইতে আরম্ভ করিয়া হাড়ি বাগদী পর্য্যন্ত সকলেই শূদ্র। এই অভ্যঙ্গসমুদ্রে বাজলার ব্রাহ্মণ তৈলবিন্দুর মত ভাসিতেছেন।

হিন্দু বাজালীর মধ্যে শতকরা ৬ জন ব্রাহ্মণ, ৫ জন কায়স্থ; বৈশ্য ও ক্ষত্রিয় মিলিয়া হিন্দুসংখ্যার একশতাংশ; ইহারাই বাজলার উচ্চশ্রেণী। ইহাদের পর নবশাক ও অস্ত্রান্ত্র জল-আচরণীয় সংশ্রুত। বাকুই, গন্ধবণিক, কর্ম্মকার, কুস্তকার, মালাকার, মোদক, নাপিত, সংগোপ, তাহুলী, তক্তবার, তিলি প্রভৃতি ইহাদের অন্তর্ভুক্ত। ইহাদের সংখ্যা শতকরা সাড়ে বোল। ব্রাহ্মণেরা ইহাদের পৌরোহিত্য করিয়া থাকেন, তবে ইহাদের পুরোহিতেরা সমাজে অপেক্ষাকৃত হীন বলিয়া গণ্য হন। মাহিষ্য,

গোয়াল প্রভৃতি জাতি ইহাদের নীচে। সংখ্যায় ইহার শতকরা সাড়ে তের জন। ইহাদের অধিকাংশই জলচল, তবে ইহাদের পুরোহিতেরা স্বতন্ত্র শ্রেণীর ব্রাহ্মণ। তাঁহাদের সহিত অস্ত্রান্ত্র ব্রাহ্মণের বৈবাহিক আদান প্রদান হয় না; বৈষ্ণব, যোগী, সন্ন্যাস, স্তব্ধবণিক, সাহা, স্তব্ধব্রত প্রভৃতি জাতির সংখ্যা প্রায় শতকরা ৯ জন। ইহাদের জল অব্যবহার্য্য। বৈষ্ণব ও যোগীর ব্রাহ্মণ নাই; অস্ত্রান্ত্র জাতির ব্রাহ্মণেরা ‘বর্ণের ব্রাহ্মণ’ বলিয়া পরিচিত এবং ব্রাহ্মণসমাজে তাঁহারা হীন বলিয়া গণ্য। চাবাতী, ধোবা, কলু, কপালী, নয়ঃশূদ্র, রাজবংশী, পাটনৌ, পোদ, শুক্লী, টিপরা, তেওর, বাগদী প্রভৃতি জাতি প্রায় শতকরা ৪০ জন হইবে। ইহাদের কোন জাতিই জলচল নহে। ইহাদের কাহারও কাহারও ব্রাহ্মণ আছে; কিন্তু সে সমস্ত ব্রাহ্মণ সমাজে পতিত বলিয়া গণ্য। বাউরি, চামার, ডোম, মুচি, হাড়ি, ভূঁইয়ালী, কেওরা, কোরা প্রভৃতি জাতি সমাজের একেবারে নিম্নস্তরে অবস্থিত। ইহাদের স্পৃষ্ট জল উচ্চশ্রেণীর হিন্দুর অব্যবহার্য্য; উচ্চশ্রেণীর ঘরেও ইহার প্রবেশ করিতে পায় না। ইহাদের কাহারও কাহারও ব্রাহ্মণ আছে, তবে বলা বাহুল্য যে তাহার সমাজে পতিত। সংখ্যায় ইহার শতকরা ৯ জন।

মোটামুটি হিসাব ধরিলে, বাজলার প্রায় ২ কোটি হিন্দুর মধ্যে শতকরা ১২ জন উচ্চশ্রেণীর হিন্দু; ৩০ জন জল-আচরণীয়; বাকি ৫৮ জন জলচল নহে এবং এই ৫৮ জনের মধ্যে প্রায় ৫০ জন অস্পৃষ্ট।

বাজলার অর্ধেক হিন্দু অপরাধকে স্পর্শ পর্য্যন্ত করে না। এই ত সমাজের অবস্থা। বাহারি অস্পৃষ্ট, খুব সম্ভবতঃ তাহাদের অধিকাংশ প্রাচীন-কালেও শূদ্রদিগের বংশধর। ভট্টাচার্য্য মহাশয়দিগের পূর্বপুরুষেরা তাহাদের মাথায় যে বোকা চাপাইয়া গিয়াছিলেন, আজ পর্য্যন্ত তাহার সেই বোকা বহিয়া মরিতেছে। বাজলার অধিকাংশ মুসলমান এই শ্রেণীসম্ভূত। পণ্ডিত মহাশয়েরা তাহাদের ঘরের বাহির করিয়া দিয়া নিশ্চিত হইয়াছেন; আর এই অত্যাচারের বোকা মাথা হইতে ফেলিয়া দিয়া আলা ভজিয়া তাহাদেরও হাড় জুড়াইয়াছে।

জল-আচরণীয় এমন অনেক জাতি আছেন, বাহারি প্রাচীন শূদ্রসম্ভূত নহেন। বৌদ্ধযুগে বেনাচার ত্যাগ করিয়া অনেক জাতিই ব্রাহ্মণ মধ্যে গণ্য হইয়াছিলেন, অনেকে আবার হিন্দুরাজাদিগের কোপে পড়িয়া পতিত হইয়াছেন।

বাঙ্গালীর ধর্মনীতিে কয়েকটা আর্থ রক্ত আর কয়েকটা অনার্থরক্ত, সে বিচার লইয়া পণ্ডিতে পণ্ডিতে মাথা ফাটাফাটি চলিতেছে, সুতরাং সে বিষয় মীমাংসার ভার লওয়া আমাদের হ্রায় অপণ্ডিতের শোভা পায় না ; তবে বাহিরের আকৃতি দেখিয়া বিচার করিতে গেলে, বাঙ্গলার ব্রাহ্মণ, কায়স্থ, নবশাক, মাহিষ্য, সাহা, সুবর্ণবণিক, যোগী, তাঁতি, তিলি প্রভৃতি বাঙ্গলার উচ্চশ্রেণী, জল-আচরণীয় শ্রেণী ও অনেক জল-অনাচরণীয় শ্রেণীকে একবংশগভূত বলিয়া মনে হয়—তা সে বংশকে আপনারা আর্থ্যই বলুন, আর অনার্থ্যই বলুন বা বর্ণগতই বলুন। কিন্তু বংশগত আর্থ্য ছাড়া আর্থ্য সত্যতা বলিয়া একটা জিনিস আছে। প্রাচীন কালে যখন কোন শূদ্র আচার ও শিক্ষার উৎকর্ষ হিসাবে উচ্চবর্ণের মধ্যে পরিগণিত হইতেন, তখন এই আর্থ্যসত্যতা ও সদাচারের মাপকাটি দিয়াই তাঁহাকে মাপা হইত। সেই হিসাব ধরিলে অশূদ্রদিগের মধ্যে হাড়ি, কেওরা, ডোম, মুচি প্রভৃতি দুই চারিটা জাতি ভিন্ন অল্প কাহাকেও বর্তমানে শূদ্র বলা চলে না।

যাহারা পরের দাস্তবৃত্তি করে, যাহারা অপবিত্র, অশুচি, যাহাদের বৃত্তির স্থিরতা নাই, খাচ্ছাখাচ্ছা বিচার নাই, ও যাহারা অজ্ঞান—শাস্ত্রকারেরা তাহাদের শূদ্র বলিয়া নির্দেশ করিয়াছেন।

বৃত্তির আজ কাল কাহারও স্থিরতা নাই। অনেক ব্রাহ্মণ-পণ্ডিতের ছেলেও আজ কাল কলে মজুরী করিতেছে। নবশাক ও অন্তান্ত সংশূদ্র, মাহিষ্য, সাহা, সুবর্ণবণিক, নমঃশূদ্র প্রভৃতি জাতিদিগের ব্রাহ্মণ, কায়স্থ অপেক্ষা বৃত্তির স্থিরতা আছে। ভক্ষ্যভক্ষ্য বিচার আজ কাল ইহাদের মধ্যে যতটা আছে, ব্রাহ্মণ কায়স্থদের মধ্যে ততটা নাই। কুবি, গোরক্ষা, বাণিজ্য যদি বৈজ্ঞবৃত্তি হয়, তাহা হইলে এ সমস্ত জাতি বৈজ্ঞ নয় কেন ?

আদমশুমারি হইতে জানা যায় যে, বাঙ্গলায় একশত ব্রাহ্মণের মধ্যে ৪৮ জন কৃষিজীবী, ৩৪ জন বিদ্যাচর্চা অথবা শিল্পবাণিজ্য ও ১৮ জন অন্তান্ত কার্য্য করিয়া থাকেন। এখন জিজ্ঞাসা করি, বৃত্তি হিসাবে ধরিলে এ সমস্ত ব্রাহ্মণ-সন্তানেরা কি জাত ? শাস্ত্রে আছে যে, অপকৃত্ত বৃত্তি অনুসরণ করিলে উচ্চবর্ণের বর্ণান্তরপ্রাপ্তি ঘটে। যাহারা অধ্যয়ন, অধ্যাপন প্রভৃতি ছাড়িয়া দিয়া অন্তবৃত্তি গ্রহণ করিয়াছেন, তাঁহারা অন্তবর্ণ মধ্যে গণ্য হইবেন না কেন ? আর এ স্নেহদেশ বাঙ্গালার

বাস করিয়াও ব্রাহ্মণেরা আপনাদের ব্রাহ্মণত্ব অক্ষুণ্ণ রাখিয়াছেন কিরূপে ? বাঙ্গালাকে স্নেহদেশ বলিয়া বলিয়া কেহ লাফাইয়া উঠিবেন না। শাস্ত্রমতে—

চাতুর্কর্য্যং ব্যবস্থানং যস্মিন দেশে ন বিদ্যতে ।

স স্নেহদেশো বিজ্ঞেয় আর্থ্যাবর্ত্তন্তঃ পরঃ ॥

(বিষ্ণুসংহিতা, ৮৪ম অধ্যায়, ৪র্থ শ্লোক।)

যে দেশে চাতুর্কর্য্য ব্যবস্থা নাই, তাহাকে স্নেহদেশ বলিয়া জানিবে ; তদতিরিক্ত দেশ আর্থ্যাবর্ত্ত ; পণ্ডিত মহাশয়দের মতে যখন বাঙ্গলায় চাতুর্কর্য্য বিভাগ নাই এবং একরূপ দেশে যখন শ্রাদ্ধাদিক্রিয়া কলাপ নিষ্পন্ন করা অমুচিত, তখন তাঁহারা এদেশ ছাড়িয়া চলিয়া গিয়া শাস্ত্র-বাক্য পালন করেন না কেন ? তাহা হইলে সব ল্যাঠাই চুকিয়া যায়। তাঁহাদেরও ধর্ম্ম বাঁচে, আর এদেশের শূদ্র বেচারাদেরও প্রাণটা বাঁচে।

আমাদের দেশে বাগ্দী, বাউরি, নমঃশূদ্র প্রভৃতি জাতি ব্রাহ্মণ-কায়স্থদিগের চক্ষে হীন জাতি বলিয়া গণ্য। কিন্তু বৃত্তি হিসাবে ইহাদিগকে অন্তান্ত জাতি অপেক্ষা বিশেষ হীন মনে করিবার কারণ নাই। বাগ্দীদের মধ্যে শতকরা ৫০ জন কৃষিকার্য্য, ২০ জন খাতাদি বিক্রয়, ১৮ জন মজুরী করে। বাউরিদের মধ্যে ৬৩ জন কৃষিজীবী, ৪৩ জন দৈনিক শ্রমজীবী, ৭ জন গো-মেঘপালক ও বাকী অন্তরূপ ব্যবসায়ী। নমঃশূদ্রের মধ্যে শতকরা ৮২ জন চাষী ও অবশিষ্ট অন্তান্ত কাজ করে। যাহারা উচ্চজাতি বলিয়া গর্ব্ব করেন, তাঁহাদেরও ত ঐ এক দশ। ব্রাহ্মণের কথা পূর্বেই বলিয়াছি, কায়স্থদের মধ্যেও শতকরা ৬৬ জন চাষী, ৮ জন লেখাপড়া জানা কাজ বা শিল্পাদিতে নিযুক্ত।

যাহারা আকৃতি, প্রকৃতি, বৃত্তি ও খাচ্ছাখাচ্ছা-বিচারে সমতাপন্ন, তাহাদিগকে একজাতি বলিয়া গণ্য করিলে মহাভারত কি একেবারেই অশুদ্ধ হইয়া যাইবে ?

বর্ত্তমান সামাজিক ভেদে ব্রাহ্মণ ভিন্ন অপর কেহই যে বিশেষ তুষ্টি নহেন, আজকালকার আন্দোলনগুলির দিকে দৃষ্টিপাত করিলেই তাহা বুঝিতে পারা যায়। যেখানে ১০০ জনের মধ্যে ছয় জন দেবশর্মা, আর বাকি ৯৬ জন তাঁহাদের দাস, সেখানে অশান্তি না হওয়াই আশ্চর্য্য। কায়স্থ, বৈজ্ঞ, রাজবংশীয়, নমঃশূদ্র, বাকুই, সদগোপ, তিলি, কৈবর্ত্ত, ঝালমাল, সুবর্ণবণিক, সাহা, স্নেহবর,

মাহিষ্য প্রভৃতি অনেক জাতিই প্রাচীন নজির দেখাইয়া আপনাদের ক্ষত্রিয় বা বৈশ্য বলিয়া প্রমাণ করিতে চাহিতেছেন। সমাজ ও স্বার্থ রক্ষা যদি ক্ষত্রিয়ের কার্য হয়, তাহা হইলে আপনাদের দেশে ক্ষত্রিয়ের ব্যবসা বহুদিন হইতে মাটা হইয়াছে বলিতে হইবে। শুধু পুরাতন পাঁজিপুথির জোরে ক্ষত্রিয় প্রমাণ করিয়া কোনও লাভ নাই। যে সমস্ত জাতি বৈশ্য দাবী করেন, তাঁহাদের ব্রাহ্মণদের নিকট হইতে বৈশ্যত্বের সার্টিফিকেট লইবার চেষ্টা করার কোনও সার্থকতা দেখি না। তাঁহারা প্রায় সকলেই জল-আচরণীয়; সুতরাং যদি তাঁহারা শূদ্র হন, ত তাঁহাদের হাতের জল গ্রহণ করিয়া ব্রাহ্মণেরা ত শাস্ত্রমতে পতিত হইয়াছেন। পতিত ব্রাহ্মণের সার্টিফিকেটের মূল্য কি ?

অজ্ঞানান্ পিবতে তোয়ং ব্রাহ্মণঃ শূদ্রজাতিষু ।

অহোরাত্রোষিতঃ স্নাত্বা পঞ্চগব্যেন শুদ্ধতি ॥

২৪৮ অত্রিসংহিতা ।

“ব্রাহ্মণ অজ্ঞান পূরক শূদ্রস্পৃষ্ট জল পান করিলে, স্নানান্তে পঞ্চগব্য পান পূরক একদিন উপবাস করিয়া শুদ্ধ হইবেন।” ব্রাহ্মণেরা বেশ জ্ঞান-পূরক এই সমস্ত জাতির হাত হইতে জলপান করেন এবং সেজন্য কোনও প্রায়শ্চিত্ত করাও আবশ্যক মনে করেন না। সুতরাং হয় তাঁহাদের স্বীকার করিতে হইবে যে, জল-আচরণীয় জাতিগুলি শূদ্র নহে, নয় তাঁহারা নিজে পতিত। ব্রাহ্মণেরা এই দুইটা কথাই মধ্যে কোনটা স্বীকার করিতে চান ? শাস্ত্রে শূদ্রবিগের কোনরূপ সংস্কারের বিধি নাই, কিন্তু এ সমস্ত জাতির উপনয়ন ও সমাবর্তন ব্যতীত সমস্ত সংস্কারই আছে। ইহাদিগকে বৈশ্য মধ্যে গণ্য করিবার ইহাও অত্যন্ত যুক্তি।

ইহাদিগকে বৈশ্য বলিয়া গণনা করিলে ব্রাহ্মণদের লাভ ভিন্ন ক্ষতি নাই। কেননা শাস্ত্রমতে তাঁহারা বৈশ্যের গৃহে হব্যকব্যে ভোজন করিতে পারেন। এ দৃষ্টিক্রমে দিনে অন্ন লাভের ক্ষেত্রে প্রসারিত হওয়ার আপত্তি কি ?

অনেক জাতিই যে আজ কাল আপনাদের সামাজিক অবস্থার উন্নতি করিতে চাহিতেছেন, ইহা আনন্দের বিষয় সন্দেহ নাই। কিন্তু অপ্রিয় সত্যকথা বলিতে গেলে বলিতে হয়, কোন কোন স্থলে এই বর্ণান্তর লাভের আন্দোলন বেশ একটু ‘আধ্যাত্মিক’ গন্ধদ্রষ্ট। কায়স্থ ক্ষত্রিয় ধরিয়া পরিচিত হইবার অল্প লালারিত; কিন্তু

রাজবংশীরা যে ক্ষত্রিয় দাবী করেন, কায়স্থরা তাহা গ্রাহ্য করিয়া রাজবংশীদের সহিত একত্র পান ভোজন ও বৈবাহিক আদান প্রদান করিতে কি সম্মত ? ব্রাহ্মণেরা কায়স্থ সম্বন্ধে বেক্রপ সঙ্গীর্ণভাষ্যে, কায়স্থেরাও কি অজ্ঞাত জাতি সম্বন্ধে ঠিক সেইরূপই নহেন ? ষাঁহারা নিজেরা বড় হইতে চান, অপরকে দাবাইয়া রাখিতে তাঁহাদের আগ্রহ কেন ? আধ্যাত্মরূপ মাকাল-ফল কি এতই মিষ্ট যে, অপরকে তাহার একটুও ভাগ দেওয়া চলে না ? নমঃশূদ্রের উপর যে সামাজিক অত্যাচার করা হয়, সে সম্বন্ধে কি কায়স্থ, বৈশ্য বা নবশাক ব্রাহ্মণের অপেক্ষা কম দোষী ? শাস্ত্রে ব্যবস্থা আছে যে, আত্মিক, (যাহার সহিত আধা-আধি ভাগ করিয়া জমি চাষ করা হয়) কুলমিত্র, নাপিত, গোপাল, ভৃত্য প্রভৃতি শূদ্রের অন্নভোজন করিতে পারা যায়। ষাঁহারা শাস্ত্রের শ্লোকের উপর নির্ভর করিয়া ক্ষত্রিয় লাভের দাবী করেন, তাঁহারা এই শাস্ত্র-ব্যবস্থার জোরে নমঃশূদ্রের সহিত পান ভোজন করিতে পারেন না কেন ? নমঃশূদ্র যদি তাঁহাদের মতে শূদ্রই হয়, তবু ত সে আত্মিক বটে। শাস্ত্র-ব্যবস্থাগুলি কি নিজেদের সুবিধার সময়ই মানিতে হয় ? কলিতে শূদ্রের অন্ন নিষিদ্ধ হইয়াছে বলিয়া ষাঁহারা আদিপুরাণের শ্লোক আওড়ান, তাঁহারা যেন ভুলিয়া না যান, যে, শ্বত্বির সহিত পুরাণের বিরোধ ঘটিলে শ্বত্বির ব্যবস্থাই মাত্র।

বস্তুতঃ আজ কাল জাতিভেদ নামে বাহা প্রচলিত, তাহার মূলে শাস্ত্রীয় বিধিও নাই, লৌকিক যুক্তিও নাই। তাহা শুধু অহঙ্কার-প্রসূত দেশাচার মাত্র। মাছ মায়ে বলিয়া ধীর ও কৈবর্তের জল অস্পৃশ্য; কিন্তু তাহাদের হাতের জলটুকু খাইলে ষাঁহাদের জাতি মারা যায়, মাছ তাঁহাদের নিকট পরম উপাদেয় আহার। শুঁড়ির হাতের মদ খাইলে জাতি যায় না, জল খাইলে জাতি যায় ! হাড়ি শূকর পালন করে বলিয়া অস্পৃশ্য, কিন্তু রাজপুত্রেরা অনেক স্থলে শূকর খাইয়াও উচ্চশ্রেণীর হিন্দু। নমঃশূদ্রের হাতের জল অচল, কিন্তু মুসলমানের বরফ বেশ সচল। চৌকার মধ্যে নিখাসটুকু পড়িলে হিন্দুস্থানে বাহাদের জাত যায়, পাঞ্জাবে দোকান হইতে ডালকুটি কিনিয়া খাইলেও তাদের জাত অটুট থাকে। নমঃশূদ্রের দাড়ী কামাইলে নাপিতদের এক-ঘরে হইতে হয়, কিন্তু মুসলমানের গোঁফ ছাটিলে তাহার জাত বজায় থাকে।

কিন্তু এ অপূরক বিধানগুলি যে আর বেশী দিন

থাকিবে না, তাহা নিশ্চিত। শূদ্র রেলগাড়ীতে ব্রাহ্মণের সহিত একাঙ্গনে বসে বলিয়া, তট্টাচার্য্য মহাশয় যে তাহাকে বাঁড়-নাগা করিয়া ছাড়িয়া দিবেন, সে উপায় নাই, বেদমন্ত্র শুনিয়াছে বলিয়া তাহার কাণে নীলা ঢালিয়া দিবারও সুবিধা হইবে না। শূদ্র তপস্কা করিতে বসিলে কোন ধার্মিক রাজা যে টক করিয়া তাহার মাথাটা কাটিয়া লইবেন, সে সম্ভাবনাও নাই। পণ্ডিত মহাশয়দের ছেলেরাই এখন টোল ছাড়িয়া আফিষের কেরাণী-বাবু হইয়াছেন; কলিকাতায় আসিয়া অন্নবিক্রয়ের হোটেল খুলিয়াছেন; হাড়ী, বাগী, মুসলমানের সহিত কলে মজুরীও করিতেছেন এবং বাড়ী ফিরিয়া গেলে যে তাঁহারা এক-বয়ে হয়ে থাকেন, একরূপ প্রমাণ নাই। কীটদর্শ, জৌর পুথির বিধান অপেক্ষা যে বিধির বিধান প্রবল, একথা এখন মানিতেই হইবে। ভগবান বাহাকে মানুষ্য করিয়া সৃষ্টি করিয়াছেন, তাহাকে প্রাণে মারিয়া কুকুর, ব্যাঙ বা ইন্দুর মারার প্রায়শ্চিত্ত করিলে শাস্ত্রের চক্ষে নিষ্পাপ হওয়া বাইতে পারে, কিন্তু ভগবানের কাছে যে অত সহজে অব্যাহতি পাওয়া যায় না, সেই কথাই আজ ভগবান চোখে আব্দুল দিয়া পান্ডাকারের বংশধরদিগকে দেখাইয়া দিতেছেন।

সেকালের শাস্ত্রীয় ব্যবস্থা দেখিলাম, একালের বর্তমান অবস্থাও দেখিলাম, এখন ভবিষ্যতে কর্তব্য কি? যুগ-যুগান্ত ধরিয়া বাহারা ব্রাহ্মণের ত্রীচরণের পদধূলি ও লাধি খাইয়া আপনাদের কৃতার্থ মনে করিয়া আসিতেছিল, আজ তাহারা আর কথায় ভুলিতে রাজী নহে। পরের পদলেহন করিয়াই যে তাদের ঐহিক পারত্রিক মঙ্গল, এ বিষয়ে তাহাদের সন্দেহ জন্মিয়াছে। মুসলমান আসিয়া যে দিন তারতবর্ষের বাদশাহ হইয়া বসিল, হিন্দুরাজার বেদমন্ত্রপুত মাথার মুকুট যেদিন ধুলায় লুটাইল, মন্দিরের অত্রভেদী চূড়া যেদিন ভাঙিল, ব্রাহ্মণের শালগ্রাম-শিলা যেদিন রাস্তায় গড়াগড়ি দিতে লাগিল, সেই দিন হইতে শূদ্রের মনে সন্দেহ জন্মিয়াছে যে, ব্রাহ্মণ আপনাকে যতটা প্রবল পরাক্রান্ত বলিয়া পরিচয় দেয়, বুঝি বাস্তবিক সে তাহা নহে। ব্রাহ্মণের পায়ের ধুলা বাহারা না লয়, তাহাদের ত ঐহিক সুখলাভের কোন ব্যাঘাত ঘটে না; বুঝি বা স্বর্গের পথও রুদ্ধ হয় না। শতধাবিত্ত হিন্দুসমাজ স্বজাতিবৎসল মুসলমানের আক্রমণ হইতে আত্মরক্ষা করিতে সমর্থ নহে, এ কথা বাহারা বুঝিয়াছিলেন, তাঁহাদের চেষ্টায় হিন্দু একবার আপনায় ঘর গুছাইয়া

লইতে চেষ্টা করিয়াছিলেন। সেই চেষ্টা হইতেই শিখ, সংনামী, কবীরপন্থী ও নিত্যানন্দী প্রভৃতি সম্প্রদায়ের উৎপত্তি। কিন্তু স্মার্ত ব্রাহ্মণ-সমাজের তাহাতেও চক্ষু ফুটে নাই। তাহার পর সাত সমুদ্র তের নদীর পার হইতে সেই শিক্ষা দিবার জন্ত বিধাতা ইংরেজকে এদেশে টানিয়া আনিলেন। শিক্ষা, শাসন, ব্যবসা, বাণিজ্য সবই ইংরাজের হাতে। ব্রাহ্মণ, ক্ষত্রিয়, বৈশ্য, শূদ্র সবাই মিলিয়া আমরা ইংরাজের নিকট চাকরীর উন্মেষদার। সব জাতেরই সমান অবস্থা; সুখদুঃখে সকলেরই সমান অধিকার। স্থল কলেজে ব্রাহ্মণ শূদ্র একই আসনে বসিয়া একই শিক্ষা পায়; রেল ট্রামে একই বেঞ্চে ব্রাহ্মণ, কায়স্থ, হাড়ি, মুচি সবাই গিয়া বসে; আদালতে একই আইনের বিচারফলে ব্রাহ্মণ শূদ্র একই শিকলে বাঁধা পড়িয়া দীপান্তরে প্রেরিত হয়। প্রত্যক্ষ প্রমাণের মত ত আর প্রমাণ নাই। চোখের সম্মুখের এত বড় শিক্ষাটা ব্যর্থ হওয়াই অস্বাভাবিক। তাহার পর রেল, তার ও বিদেশে গমনাগমনের ফলে কুপমণ্ডুকতা ঘুচিয়া গেল। লোকে স্বদেশের সমাজ-বন্ধনের সহিত অন্তদেশের সমাজ-বন্ধনের তুলনা করিতে শিখিল। ঐহিক পারত্রিক মঙ্গলের জন্ত যে শূদ্রধর্মী ব্রাহ্মণের দাসত্ব একান্ত আবশ্যক নহে, ব্রাহ্মণ আসিয়া মন্ত্র না বলিয়া দিলেও যে দেবতার পূজা বাধে না—একথা বুঝিতে বড় অধিক বিলম্ব হইল না। অজ্ঞানের উপর বাহার ভিত্তি, তাহা ত একদিন না একদিন ভাঙিয়া পড়িবেই।

বর্তমান আন্দোলনগুলির এটা শুধু ভাঙনের দিক। এগুলির একটা গড়নের দিকও আছে। প্রত্যেক জাতি মানবজীবনের একটা বিশেষ আদর্শ ও ধারণা লইয়া আপন আপন সমাজ গঠন করে। পরিমুট বা অপরিমুটভাবে সেই আদর্শ জাতীয়-স্বার্থকে আশ্রয় করিয়া থাকে বলিয়াই, প্রত্যেক সমাজের বৈশিষ্ট্যও আধ্যাত্মিক ধর্ম ও সত্যতার মূলে ঐরূপ একটা আদর্শ বর্তমান। আধ্যাত্মিক জগতে তাঁহারা যে সত্য আবিষ্কার করিয়াছিলেন, মানুষের জীবনের সেইটুকুই ফুটাইবার জন্তই তাঁহাদের সমাজগঠন। সে সত্য সনাতন হইলেও মানবজীবনে তাহার বিকাশের তারতম্য অল্পগারে সমাজের বাহগঠন পরিবর্তিত হইতে থাকে। জগতের মূলে যে সত্য বিদ্যমান, তাহা প্রত্যক্ষ করিয়া আপন জীবনে যিনি তাহাকে মূর্ত্ত করিয়া তুলিতে পারেন, তিনি ব্রহ্মবিৎ, তিনিই ব্রাহ্মণ। জাতি-বিশেষের সহিত তাঁহার কোনও সম্বন্ধ নাই।

আপন আপন যোগ্যতা অনুসারে সকলকে ক্রমশঃ সেই সত্য উপলব্ধির অধিকারী করিয়া তোলাই ব্রাহ্মণের কার্য। সেই জন্যই তিনি সমাজের শিক্ষাগুরু। ভেদমূলক আভিজাত্য প্রতিষ্ঠা ব্রাহ্মণের উদ্দেশ্য নহে; সকলেরই মধ্যে ভগবানকে মূর্ত্ত করিয়া সকলকেই আত্মপ্রতিষ্ঠিত করিয়া জগতকে সেই ভূমানন্দের অধিকারী করাই ব্রাহ্মণের লক্ষ্য। বাহারা এই আদর্শ প্রতিষ্ঠার জন্য উৎসর্গীকৃতজীবন, বাহারা ব্রাহ্মণের দক্ষিণহস্তস্বরূপ, তাঁহারাষ্ট্র ক্ষত্রিয়; বাহারা এই আদর্শ হৃদয়ে উপলব্ধি করিয়া লোকস্থিতির জন্য সমাজের পুষ্টিগাধনে তৎপর, তাঁহারাষ্ট্র বৈশ্য। বাহারা এই ভূমানন্দের অধিকারী হইবার জন্য ব্রাহ্মণের শিষ্যত্ব গ্রহণ করিয়া সেবার্থ পালনে নিযুক্ত, তাঁহারাষ্ট্র শূদ্র। এ জাতিবিভাগের সহিত মানবসৃষ্ট জন্মগত পার্থক্য কোনরূপে জড়িত নহে। বাহার যেরূপ যোগ্যতা, বাহার যেরূপ অধিকার, সে সেই জাতিভুক্ত; যে দিন জগতের সকলকেই সেই সনাতন সত্য উপলব্ধি করিয়া ব্রাহ্মণত্ব প্রাপ্ত হইবে, সেই দিনই জগতে জাতিভেদ উঠিয়া যাইবে।

এই সত্য ভিন্ন ভিন্ন যুগে অবস্থার তারতম্য অনুসারে আংশিকভাবে সমাজে প্রকটিত করিবার চেষ্টা হইয়াছিল। জন্মগত জাতিভেদ সেই চেষ্টার একটি রূপ মাত্র, সনাতন ধর্মের সহিত ইহার কোনও নিত্য সম্বন্ধ নাই। আভিজাত্যস্পর্দ্ধা তথা-কথিত ব্রাহ্মণসমাজ যদি সনাতন আদর্শ তুলিয়া গিয়া অপর কাহাকেও নির্ধাতিত করিয়া আপনাদের প্রতিষ্ঠা করিতে চেষ্টা করিয়া থাকেন, তাহাতে তাঁহাদেরই সনাতন ধর্মের প্রতিভূ হইবার অক্ষমতা প্রকাশ পায় মাত্র, আদর্শের কোনও ক্রটি প্রমাণিত হয় না। অতীত যুগে সমাজে পূর্ণ ভাবে এই আদর্শ পরিস্ফুট হয় নাই বলিয়া আজও যে হইবে না, এ কথা কে বলিল?

একাত্তরবোধ নানা কারণে সকল দেশের মানুষের মনেই ফুটিয়া উঠিতেছে। আর্থ আদর্শ জগতে প্রচারিত করিবার এই যুগই প্রশস্ত সময়। যে আধ্যাত্মিক সত্যের উপর এই আর্থ-সত্যতা প্রতিষ্ঠিত, ভারতেই তাহা আবিস্কৃত, ভারতেই তাহা পুষ্ট। ভারতে আজও সে জ্ঞানের প্রদীপ জলিতেছে। ভারত হইতেই তাহা দেশ বিদেশে ছড়াইয়া পড়িবে। ভারতকে কেন্দ্র করিয়া জগতে ধর্মরাজ্য প্রতিষ্ঠা করিতে গেলে ভারতীয়-সমাজকে নতুন করিয়া গড়িয়া যুগোপযোগী রূপ দিতে হইবে। সে নতুন সমাজে জন্মগত জাতিভেদের স্থান নাই। পূর্বপুরুষের নামে আত্মপরিচয় দিয়া কেহ সেখানে উচ্চাসন পাইবে না। কে ব্রাহ্মণ, কে শূদ্র, তাহা টিকি পৈতামহগোছা দেখিয়া নির্ণীত হইবে না। যাহাকে শূদ্র ভাবিয়া সমাজের এক কোণে ফেলিয়া রাখিয়াছ, 'চলমান শাসন' মনে করিয়া ঘুরার তরে যাহার দিকে ফিরিয়াও চাও নাই, যাহাকে সেবার পরিবর্তে অবজ্ঞা, শ্রদ্ধার পরিবর্তে বিজ্ঞপ করিয়া আপনার প্রাধান্য প্রচার করিয়া আসিয়াছ, জানিও, সেও ভগবানের সজীব মূর্ত্তি। তাহাকে দূরে ঠেলিতে গিয়া তুমি ভগবানের নিকট হইতেই সরিয়া আসিয়াছ। তোমার প্রত্যেক আঘাত সর্বাস্তর-বিহারী ভগবানের অঙ্গেই বাজিয়াছে। অন্ধ তুমি। ব্রাহ্মণত্বের স্পর্দ্ধা কর—মূর্ত্ত ব্রহ্মকে চিনিলে না?

এই ভাগবৎসমাজ প্রতিষ্ঠার সাধনা অন্তর্জগতে বহুদিন হইতেই আরম্ভ হইয়াছে। জগৎ জুড়িয়া আজ যে সামাজিক আন্দোলন ধর্মত্বীর বক্ষ চঞ্চল করিয়া তুলিয়াছে, ইহা তাহারই অংশিক বহিঃপ্রকাশ মাত্র। ভগবচ্চরণ-নিঃসৃত জাহ্নবীর পুত্তধারা এবার শতমুখী হইয়া ছুটিবে। হে টিকিদাস ভট্টাচার্য! পুণ্ডির বাধ-দিয়া তাহাকে ঠেকাইয়া রাখিতে পারিবে না।

স্বাধীন মানুষ

—❖—

উপেন্দ্রনাথ বন্দ্যোপাধ্যায়

স্বাধীন মানুষ



আজ এ কথা বোঝবার ও বোঝাবার দিন এসেছে যে, আমরা যে স্বাধীনতা চাই, তা রাজনৈতিক হিসাবে বিদেশের পীড়ন থেকে উদ্ধার নয়—সর্ববন্ধন থেকেই মুক্তি।

মুক্ত সেই, যে নিজের স্বরূপকে উপলব্ধি করেছে—যার আত্মপ্রকাশের পথে জগতে কোনই বাধা নেই।

স্বাধীন জাত, স্বাধীন রাষ্ট্র, স্বাধীন সমাজ—এ সমস্তই বাজে কথা, যদি এই জাত, রাষ্ট্র বা সমাজের ব্যক্তিগুলি স্বাধীন না হয়। দেশময় যখন স্বাধীনতার সুর বেজে উঠেছে, তখন আমরা যদি লক্ষ্যভ্রষ্ট না হতে চাই, ত এই কথাটাই আমাদের ভাল করে মনে রাখতে হবে।

রাষ্ট্রের উপাসক ইউরোপ—অর্থ-পিশাচ, নর-শোণিত-পিপাসু দানবের জীলাভূমিতে পরিণত হয়েছে। সমাজের উপাসক আমরা—হীন, ভীক, কপট, কাঞ্চাল হয়ে দাঁড়িয়েছি। ব্যক্তিকে তুচ্ছ করে, স্বাধীনতার স্বরূপ না জেনে যারা রাষ্ট্র বা সমাজকে উপাস্ত দেবতা করে তুলতে চায়, ঐ তাদের পরিণাম।

মানুষে মানুষে আজ সব সম্বন্ধ ঘুচে গেছে—সুখ আছে প্রভু আর দাস, প্রবঞ্চক আর প্রবঞ্চিত। তাই আজ সর্বত্রই আকাশভরা আর্তনাদ, জগৎ-জোড়া বিপ্লব।

কিন্তু ভগবান যাকে মানুষ করে গড়েছেন, কোনো মানুষের সাধ্য নেই তাকে চিরদিন দাস করে রাখে। অস্তরের দেবতা যেদিন তার অজ্ঞানের বন্ধন খসিয়ে দেবেন, সে দিন মানুষ তাকে বাইরের বন্ধনে বেঁধে রাখতে পারবে না।

সমাজ, রাষ্ট্র, দেশ, সম্বন্ধ—সব নামের আবরণ ভেদ করে মানুষ একদিন নিজেকে চিনবেই চিনবে, আপনাকে ভগবানের মূর্ত্যপ্রকাশ বলে জানবেই জানবে। সেইদিন হবে তার স্বার্থ মুক্তির দিন, স্বার্থই মিলনের দিন।

তখন এ কথা সে বুঝবে যে, গোড়ার কথা মানুষ—সমাজ, রাষ্ট্র, সম্বন্ধ, সবই সেই মানুষের স্বর্থ,

স্বাচ্ছন্দ্য, উন্নতি, অভিব্যক্তির জন্তে নষ্ট। সেই উদ্দেশ্য যেখানে যতটুকু সম্ভব হয়েছে, সমাজ বা রাষ্ট্রের সেইখানে ততটুকু সার্থকতা।

মানুষ নিজের সমাজের চেয়ে বড়, ধর্মের চেয়ে বড়, দেশের চেয়ে বড়। মানুষকে ছোট করে, ধর্ম করে, পন্থ করে সমাজ বা রাষ্ট্র কোনো দিনই বড় হয়নি, হবেও না। সেই সমাজ বা রাষ্ট্র স্বার্থ বড়,—যেখানে প্রত্যেক ব্যক্তিটি আপনার মহিমায় মহীয়ান।

ব্যক্তি ছাড়া সমষ্টির স্বতন্ত্র অস্তিত্ব কোথাও নেই। ব্যক্তি যেখানে হীনবল, সমাজ সেখানে মুহূর্ত্ত, রাষ্ট্র সেখানে পরাধীন।

সমষ্টির আত্মচৈতন্য ব্যক্তির মধ্যেই জাগ্রত। ব্যক্তি যেখানে অজ্ঞান, সমষ্টি সেখানে জড়, শিথিল, মৃতপ্রায়।

সমগ্র সমাজকে যদি তুলতে চাও, ত প্রত্যেক মানুষকে মানুষ হবার অধিকার থেকে বঞ্চিত কোরো না। অপরের গলায় পা না দিলে যদি নিজের শক্তি অমুভব করতে না পার, তা হলে কেনো যে তোমার পতনের আর বড় বিলম্ব নেই।

ব্যক্তির মধ্যেই আত্মপ্রসারের বীজ, প্রেমের বীজ, সমাজ-গঠনের বীজ নিহিত। ব্যক্তি যেখানে আপন ভাবে গড়ে উঠতে পার, সমাজও সেইখানে সর্বাঙ্গ-সুন্দর আর শক্তিমান। ব্যক্তিত্ব যেখানে স্বতঃস্ফূর্ত্ত, সমাজও সেইখানে জীবনের স্বচ্ছন্দগতিতে উন্নতিশীল।

আদর্শ সমাজ গড়ে ওঠা সম্ভব, যেখানে প্রত্যেক ব্যক্তিই নিজের মধ্যে সমাজকে অমুভব করতে পারে।

মিথ্যার আশায় বা উত্তত দণ্ডের ভয়ে মানুষ যেখানে একত্র হয়, সেখানে একতার অর্থ মিলন নয়, বন্ধন।

যেখানে ব্যক্তির স্বাধীনতা নেই, সেখানে রাষ্ট্রীয় স্বাধীনতা সুখু ধূর্তের ছল, নরত পাগলের প্রলাপ। যেখানে অস্তরের দেবতা প্রত্যেক ব্যক্তির নামরূপের

মধ্যে আগ্রহ নয়, সেখানে সজ্জা স্রুজীতদাসের সমবায়।

তাই সর্কান্তঃকরণে আজ যেন আমরা এই কথা বলতে পারি যে, আমরা দাস হতেও চাই না, প্রহর হতেও চাই না; লোককে বাঁধতেও চাই না, লোকের পায়ের তলায় বাঁধা পড়তেও চাই না; চাই স্রুজী অনন্তের মধ্যে নিজেকে পেতে, আর সেই অনন্ত ইচ্ছাশক্তির ধারারূপে জগতে ফুটে উঠতে। জগত যেন আমাদের ভয়ে ভীত হয়ে না ওঠে, আমরাও যেন জগতের মধ্যে ভয়ের কারণ ন্যূ পাই। চাই নির্ভয় হতে, নির্ভয় হতে।

সমাজের দাসত্ব, রাষ্ট্রের দাসত্ব, নেতার দাসত্ব, পুঁথির দাসত্ব, সংস্কারের দাসত্ব, সম্প্রদায়ের দাসত্ব, নামের দাসত্ব, ভয়ের দাসত্ব—সব দাসত্বই যেন আজ আমাদের কাছে হাত্তাঙ্গ হয়ে ওঠে।

আমাদের দেশের স্বাধীনতা যেন আমাদের অন্তরের স্বাধীনতারই বহিঃ-প্রকাশ।

সনাতন নাবালক

হিন্দুসমাজের একটা জাতি-বিশেষের সম্বন্ধে প্রবাদ আছে যে, তারা আশী বৎসর বয়সে সাবালক হয়। তার আগে তারা নিজেদের বুদ্ধি খাটিয়ে ভাবতে পারে না, নিজেদের ইষ্টানিষ্ট বুঝতে পারে না।

ও-কথাটা ও-জাতি-বিশেষের সম্বন্ধে ঠিক খাটে কি না জানিনে; কিন্তু সারা ভারতবর্ষ সম্বন্ধে যে খুব বেশী করে খাটে, তাতে আর ভুল নেই। আমরা জাতি হিসাবে একেবারে সনাতন নাবালক। নিজের মাথা ঘামিয়ে ভাবতে হলে আমাদের মাথা ঘুরে যায়, নিজের হাত-পা বার করে কাজ করতে হলে আমাদের হাত-পা আড়ষ্ট হয়ে যায়। সব কাজেই ওস্তাদ, গুরু বা নেতা ব্রা ধরলে আর আমাদের চলে না। ছেলেবেলায় সেই যে গুরুমশাই আমাদের মাথার উপর বেত ঘুরিয়ে টেঁচিয়ে টেঁচিয়ে পড়া মুখস্থ করতে হুকুম দেন, সে হুকুম আমরা আজীবন তামিল করতে থাকি। চিরকালই আমাদের মাথার উপর সামাজিক, না-হয় পারিবারিক, না হয় রাজনৈতিক, না-হয় আধ্যাত্মিক গুরুমশাই বেত ঘোরাতে থাকেন আর আমরা টেঁচিয়ে টেঁচিয়ে তাঁদের শেখান পড়া মুখস্থ করে বাই। নিজের চোখ-কান দিয়ে

দেখতে শুনতে আমাদের ভয় হয়, পাছে গুরুমশায়েরা বা বলে' দিয়েছেন, তার উটেটা কিছু দেখতে শুনতে পাই, বাঁধা রাস্তা ছেড়ে আমরা একপা-ও চলিনে, পাছে ওস্তাদের কথা না শুনে জবলে হারিয়ে যাই।

আমাদের এ কর্তৃত্বভাষার দেশে কর্তা ছাড়া আমাদের একদিনও কাটে না। সব কাজেই কর্তার কাছা ধরে' গুটি গুটি চলতে পারলেই আমাদের মনটা বেশ নিশ্চিন্ত থাকে, পরের কাঁধে ভর দিতে পারিলেই আমরা হাঁফ ছেড়ে বাঁচি। পঞ্চাশ বছরের বড়ো তাঁর নাতনীর বয়সী একটি মেয়ের পাণিগ্রহণ করে' ঘরে নিয়ে এলেন— তাঁর বড়ী মায়ের হুকুম। বিদেশে গেলে জাত বাবে—সমাজের হুকুম। খেতে পাও না-পাও, জমীদারের ছেলে এসেচেন, নজর দাও—জমীদারের হুকুম। চোন্দ-পুকবে তোমার সঙ্গে যার কোনো বিরোধ নেই, লাঠি ঘাড়ে করে' তাকে মারতে ছোট—রাজার হুকুম। গুরুপত্নীকে একখানা বেনারসী সাড়ী কিনে দিয়ে পরকালের একটা ব্যবস্থা কর—খোদ গুরুদেবের হুকুম। চারিদিকে স্রুজী হুকুম আর হুকুম।

অপর দেশের লোকে হুকুম পেলেই আগে জিজ্ঞাসা করে—কেন? কিন্তু আমাদের দেশে সে-কথা জিজ্ঞাসা করতে যাওয়া ভীষণ বেরাদবি। মুখটি খুলেছ কি তোমার ভুলে হয় ঐহিক না-হয় পারিত্রিক নরকের বন্দোবস্ত। সমাজপতির কথার উপর কথা কইবার দুঃসাহস যদি কারো হয়, ত তার ধোপা-দাপিত বন্ধ, রাজার কথার উপর কথা কইলে পুলিশের ডাঙা, আর গুরুজীর উপর কথা কইলে রোরব নরক। কাজেকাজেই ছেলেবেলা থেকেই ভয়ে ডরে আমাদের আত্মাপুরুষ দেহ-পিঞ্জরে নিভান্ত আড়ষ্ট হয়েই দিন কাটান, কবে এই ভব-কারাগার থেকে তাঁর ছুটি হবে, এই ভাবনায় ব্যতিব্যস্ত হয়ে থাকেন। সংসারটা যে দুঃখময়, এ তত্ত্বকথা তাই সব দেশের লোকের চেয়ে আমাদের দেশের লোকই এত ভাল করে' বুঝেছে। আর ভাবগ্রাহী জনাৰ্দ্দনও আমাদের অন্তরের ভাবের দিকে চেয়ে আমাদের যাড়ে দুঃখের উপর দুঃখ চাপাচ্ছেন।

আমাদের লেখাপড়া শেখা মানে কতকগুলো পরের ভাবা কথা মুখস্থ করা, আমাদের সামাজিক হওয়া মানে কতকগুলো বাঁধাধরা বিধিনিষেধ মানা, আমাদের ধার্মিক হওয়া মানে পরের ভিতর

ভগবানকে খোঁজা, আমাদের দেশ-হিতৈষিতার মানে পরের কথাযত চোখবুজে চোঁচান। সন্ন্যাসীর কর্মভ্যাগ উচিত কেন?—শব্দরাচার্য বলে' গেছেন বলে'। কর্মভ্যাগ করা উচিত নয় কেন?—বিবেকানন্দ বলে' গেছেন বলে'। মা-বাপের শ্রদ্ধ করতে হবে কেন?—মহু, যাজ্ঞবল্ক্য বলে' গেছেন বলে'। আর করতে হবে না কেন?—মিল, বেছাম বলেননি বলে'। ইংরেজী শিক্ষা ভাল—যেহেতু রিষ্ঠাকুর তা বলেছেন; আর ইংরেজী শিক্ষা মন্দ—যেহেতু গান্ধী মহারাজ তা বলেছেন।

এই যে পরমুখাপেক্ষিতা, এই যে নিজের উপর অবিশ্বাস, এ একেবারে আমাদের হাড়মাসের সঙ্গে জড়ান। নিজের পায়ে ভর দিয়ে দাঁড়াতে হলে আমাদের যেন মাথায বৃজ্জাঘাত হয়। এ যে স্রুধু সাধারণ লোকের মনোভাব তা নয়, ঈরা দেশের স্বাধীনতা চান, তাঁদেরও অবস্থা এর চেয়ে বড় বেশী আশাশ্রয় নয়। গত দু' মাসের মধ্যে অন্ততঃ এক শ' কলেজের ছেলেকে বলতে শুনেছি যে, ৩১এ ডিসেম্বরের মধ্যে আমাদের স্বরাজ হবে, কেননা দেশের নেতারা তা বলেছেন। ঈরা আত্মাকে নিত্যমুক্ত, সর্বস্ব, সর্বশক্তিমান বলে' বিশ্বাস করেন, তাঁরাও ঐ পরের মুখের দিকে চেয়ে বসে' আছেন। আজ যদি কোনো জটাজুটধারী মহাপুরুষ হিমালয় থেকে নেমে এসে বলেন যে, তিনমাস উর্দ্ধমুখ হয়ে হাঁ করে' এক পায়ে দাঁড়িয়ে থাকলে ব্রহ্মজ্ঞান লাভ হবে, তা'হলে এই কলকাতার মধ্যে তাঁর দশ হাজার চেলা জুটতে তিন দিনও দেয়া হবে না।

আসল কথা হচ্ছে চারিদিকের পেষণে আমাদের মনগুলো একেবারে অসাড়, পঙ্গু হয়ে গেছে। মনকে সতেজ করে' এই চিরকালে নাবালকত্ব না বোচাতে পারলে আমাদের ইহকালেও মুক্তি নেই, পরকালেও মুক্তি নেই। সব কথা ছেড়ে এই কথাটা আমাদের আজ শিখতে হবে যে, দাস হয়ে যে থাকতে চায়, ভগবানও তাকে মুক্ত করতে পারেন না।

প্রাণের কথা

একবার এক হাল-ক্যাসানের নামজাদা স্বদেশী বড় লোকের বাড়ী একটা কাজের খাতিরে গিয়ে পড়েছিলাম। তাঁকে সাহেব বলে' না ডাকলে

তাঁর দরওয়ান, বেহারী, কথার উত্তরই দেয় না—সবাই এমনি কেতা-দোরস্ত। তাঁর স্ত্রীকে বলতে হয় যেম-সাহেব, তাঁর মেয়েটি হলেন মিসি-বাবা। শুনলাম বাবুটিও এমনি পুরোহিতের সাহেব যে, পাইখানায় গিয়ে কাগজেই কাজ সারেন। অথচ তিনি একজন মস্তবড় হোমরুলের পাণ্ডা।

'হল'-ঘরে তাঁর পূর্বপুরুষের অনেকের ছবি টাঙান রয়েছে। শুনলাম তাঁদের মধ্যে অনেকে নবাবী-আমলে নবাব-সরকারে বড় বড় চাকরী করতেন। তাঁদের পোষাকের সব যোগলাই ঢঙ। আর তাঁদের 'কাঁকড়া কাঁকড়া বাবরিকাটা' চুল। দেখলেই বেশ বুঝতে পারা যায় যে, স্বদেশী সাহেবটিও যেমন বক্তৃতার সময় মিল, বেছাম আওড়ান, তাঁর পূর্বপুরুষেরাও তেমনি মজলিসে বসে' হাক্কেজ আওড়াতে, আর নবাবী-কায়দা মস্ত করতেন।

ঈরা একবার করে' আমাদের দেশে পায়ের ধুলো দিয়ে গেছেন, আমরা যথাসাধ্য তাঁদের সেই ধুলো গায়ে মেখে তাঁদের কার্যদ-কারণ রং-ঢং মেরে নেবার চেষ্টায় ফিরেছি। আর মজা এই, আমরা বলি—এ সব আমাদের স্বাধীন-চিন্তার ফল। এই স্বাধীন-চিন্তাটা যে পরের লেজ ধরে' কেন ঘুরে' বেড়ায়, তা ভেবে দেখার আমাদের অবসর হয় না।

আমাদের দেশের ধাতটা একটু বেশী বেশী ভাবপ্রবণ বলে' এই ভাবের ঝড়গুলো আমাদের মনের উপর দিয়ে একটু জোর করে' বয়ে যায়। আমাদের বা কিছু কর্ম, তা পটু পটু করে' গড়ে, আর তার চেয়েও পটু পটু করে' মরে। তার কারণ হচ্ছে এই যে, এ সমস্ত কর্মের ভিত্তি ভাবের উপর যতটা, জ্ঞানের উপর ততটা নয়।

নিজের দেশের বন্ধন বোচাবে—বেশ কথা; কিন্তু যে মন নিয়ে সেই বাঁধন খুলতে যাচ্ছ, সেটা যদি নিজে মুক্ত না হয়, ত তাতে পরের বন্ধন ঘুচবে না। এ কথাটা ভুলো না যে, সব বিষয়েই মুক্তির প্রথম কথা হচ্ছে—আত্মানং বিদ্ধি, আপনাকে জান। নিজেকে জানলে বাইরের বাঁধন আপনা হতে খসে' পড়ে; কিম্বা সে বাঁধন খসাবার শক্তি কোথায় সংগ্রহ করতে হবে, তার সন্ধান পাওয়া যায়।

"বারে বারে ঠেলতে হবে, হয়ত দুয়ার খুলবে না"—এই কথা বলে' গান গেয়ে বেড়ালে ত চববে না। দুয়ার কেন যে খুলচে না, তার কলকজা,

হড়কো কেমন করে' আঁটা, তা যদি না জানি, ত
ঐ গান গাওরাই গার হবে।

এই গৌরচন্দ্রিকার গার মর্থ হচ্ছে এই যে, আমাদের দেশের কাজ করতে গেলে আগে দেশকে জানতে হবে। এই হাজার বছরের হাজার লাজনা ভোগ করেও দেশের প্রাণ এখনও কোন্ আশায় ধুক্ ধুক্ করছে তা বুঝতে হবে। সে খবর সেলস রিপোর্টে পাবে না; বাদের কাছে আবেদন-নিবেদন করে' এসেছ, বা বাদের উপর রাগ করে' আজ আবেদন নিবেদন বন্ধ করে' দিয়ে "জাতীয়" হয়ে উঠবার চেষ্টা করছ—তারা এর ধারণা ধারে না। তাদের কাছে কান্নাও যেমন নিরর্থক, তাদের উপর রাগ করাও তেমনি নিরর্থক।

আমরা কাজ কাজ করে' ছুটে বেড়াই, কিন্তু ভুলে যাই যে, অন্ধের কাজ শুধু খানায় পড়া। কাজ করবার আগে একবার চোখটা খুলে' নিজের মূর্তি দেখে নাও; যে ভারত তোমার-আমার মত এই তেত্রিশ কোটি জীবের মধ্যে মূর্ত, এই তেত্রিশ কোটি রূপের মধ্যে দিয়ে নিজেকে ফোটাবার চেষ্টা করছে, তার অন্তরের কথাটা একবার বোঝবার চেষ্টা কর।

"Withdraw yourselves. Realise your own inner-selves and get into the heart of your country and understand what she stands for. Strive for it, work for it unceasingly, strong in your faith in that, and all outer things will follow..... or you will lose your souls, and your country will never rise."

"বাইরের বাজে কাজ ছেড়ে দিয়ে, নিজের গভীরে চেন। দেশের প্রাণের মধ্যে ঢুকে', দেশ যে কি, তা বোঝ; তারপর বুকভরা বিশ্বাস নিয়ে কাজ করে' যেয়ো; বাইরের সব জিনিষই গড়ে' উঠবে।.....আর তা যদি না কর, তোমরাও অশ্রুজল হয়ে পড়বে; আর দেশও উঠবে না।"

অরবিন্দের এই কথাগুলি তোমরা একটু বোঝবার চেষ্টা করবে কি?

স্বাধীনতার ভ্যাংচানি

একটি ছোট ছেলে বহা ভাবিত হয়ে এসে আমাদের জিজ্ঞাসা করলে—“হা মশায়,—কর্ম ধর্ম

করে' এত বকাবকি হচ্ছে, এতে কি দেশ স্বাধীন হবে?” আমরা বললাম—“তা বলতে পারিনে, দাদা, তবে এটা না হলে যে হবে না, তা ঠিক।”

আমাদের ছেলেদের একটা ধারণা জন্মে গেছে যে, দেশ বলতে তাদের মত জনকত কলেজে-পড়া ভদ্রলোক; আর তারা খানিকটা গোলাগুলি কামান-বাক্স দিয়ে একবার ভাল চুকে ইংরেজকে কোণঠেসা করতে পারলেই দেশটা স্বাধীন হয়ে উঠবে। তারা নিজে যেন স্বাধীনতার অবতার. আর ইংরেজই তাদের বেঁধে রেখেছে।

ছেলেটিকে জিজ্ঞাসা করলাম—“তোমাদের হয়ে লড়বে কে?”

“কেন, দেশের সব লোক।”

“চাষাভূষা, কামার, কুমার, মুচি, মেথর?”

“হা, সবাই।”

“তাদের কি বলে' ইংরেজের সঙ্গে লড়াই করতে ডাকবে?”

“বলব যে ইংরেজ তোমাদের পরাধীন করে' রেখেছে; তাদের তাড়িয়ে দিয়ে তোমরা স্বাধীন হও।”

কথাটা শুনে হাসিও পেল, দুঃখও হল। জিজ্ঞাসা করলাম—“তারা যদি বলে—‘বাবা ঠাকুর, ইংরেজ থাক্ আর না থাক্, আমাদের ত তোমাদের পারের নীচেই থাকতে হবে। তোমরা জমিদারী করবে, আমরা ভিটে বিক্রী করে' খাজনা দেব; আর না দিতে পারলে তোমাদের নায়েব-গোমস্তা আমাদের পিঠের ছাল তুলে' দেবে। তোমরা কলকারখানা করে' মোটর-গাড়ী চড়ে' বেড়াবে; আমরা কুলিগিরি করে' দিনান্তে আধপেটা খেয়ে বালবাচ্চা নিয়ে শুকিয়ে মরব; আমাদের পা দিয়ে ছুঁলেও তোমাদের নাইতে হবে; আমাদের হাতের জলটুকু খেলেও তোমাদের গোবর খেয়ে শুদ্ধ হতে হবে, ভগবানের পূজা করতে গেলেও তোমাদের খোসানোদ ছাড়া আমাদের উপায় নেই; তোমাদের নৈবেদ্যের মাথায় সন্দেশটুকু একটু ঝাঁক হয়ে বসলেই আমাদের মরে' ছুত হতে হবে। এই ত আমাদের অবস্থা। তা আমরা শুধু শুধু তোমাদের জন্যে কাঁচামাখাটা গড়াগড়ি দিতে যাব কেন?’—এ কথার কি উত্তর দেবে?”

ছেলেটি বলল—“বলব, দেশ স্বাধীন হলে তোমাদের সব দুঃখ খুচিয়ে দেব।”

“আর সে যদি বলে—‘বাবা ঠাকুর, আজ দায়ে পড়ে আমাদের কাছে এসেছ; এ দার থেকে উদ্ধার

স্বাধীন মানুষ

পেলে আবার যে আমাদের কথা ভুলে যাবে না, তার প্রমাণ কি? ইংরেজ ত এদেশে সেদিন এসেছে; তার আগেও ত আমাদের এই দশা ছিল।—তখন কি বলবে?”

“তা’হলে বলব যে, ‘আমার ঘাট হয়েছে, আমার চোন্ধ পুরুষের ঘাট হয়েছে। তোমাদের দাবাতে গিয়ে আমরা নিজেরাই দেবে গেছি। আজ থেকেই তোমাদের ব্যবস্থা করতে লেগে যাবো।’ পরের পিঠে চড়ে বেড়াতে গেলে যে নিজের পা-ই ক্রমে পঙ্খ হয়ে আসে, এ কথা আজ বুঝেছি।”

“সেই কথাই ত বলছি, দাদা; পতিত দেশের উদ্ধার, দেশের পতিতদের উদ্ধার না হলে হয় না। দেশের লোককে আটপাটে বেঁধে রেখে তাদের কাঁধের উপর একটা জাতীয় পতাকা পত্ পত্ করে’ উড়িয়ে দিলে দেখতে শুনতে হয় ভাল, কিন্তু তার নাম কি স্বাধীনতা? দেশের মধ্যে জনকতক স্বাধীন মানুষ, আর বাকি সব তাদের গোলাম হলে সে দেশকে স্বাধীন বলা চলে না। ইংরেজের ব্যুরোক্রাসীর বদলে উদ্ধারলোকের ব্যুরোক্রাসীতে দেশ স্বাধীন হবে না, কোনো-না-কোনো মুখস পরে’ খ্রিশ কোটির মর্যাদিক ঐ গোলামী আবার দেখা দেবে। তেমন করে’ দেশ স্বাধীন যদি হতো তা’হলে আজ কুবিয়ায় এই রক্তগড়া বহিত না। বাদসার মাথার মুকুট নিয়ে বলসেবীদের ফুটবল খেলে বেড়াবার দরকার হতো না। সেটা তো তাদের স্বাধীন দেশই, সেখানে ত আর ইংরেজ নেই।”

ছেলেটি খানিকক্ষণ ভেবে ভেবে বল্ল—
“তা’হলে, আমাদের দেশেও স্বাধীনতার শ্রাঙ্ক অতদূর গড়াবে না কি?”

আমি বললাম—“পরের মাথায় কাঁঠাল ভেঙ্গে যদি পেট ভরাতে যাও, তা’হলে কাঁঠালটা লাফিয়ে তোমাদের ঘাড়ে পড়াও আশ্চর্য নয়। আর যদি বোঝ যে সবাই ভগবানের হাতে-গড়া মানুষ, তোমার মধ্যে যিনি আছেন, সকলকার মধ্যেই তিনি—তার মুক্ত রূপকে যদি চিনতে পার, ত যিনি তোমাদের বেঁধেছেন, তিনিই তোমাদের বাঁধন কাটবার ব্যবস্থা করে’ দেবেন। এই কথাটা বোঝ, যে, অধীন কেউ কাউকে করে না, মানুষ আপনি অধীন হয়। এটা চোন্ধ আনাই মনের গোলামী, দুমি-কাউকে না বাঁধলে তোমারও কেউ বাঁধবে না। মন মুক্ত ত জগৎ মুক্ত। মানুষকে গলাবার জন্ত

তার অনন্ত দিকের বাঁধন খুলে’ দেওয়ার নামই ধর্ম, সে ধর্ম রাজনীতির বাবা।”

একটা পুরাণের গল্প

সত্যযুগে একবার বড় বড় ভট্টাচার্য্য পণ্ডিতেরা মিলে ভোগ, ঐশ্বর্য্য, শক্তি কামনা করে’ যজ্ঞ করতে আরম্ভ করেছিলেন। দক্ষ প্রজাপতি ছিলেন তাঁদের চাই। সতীকে তিনি ঘরের মেয়ে বলে’ নেমস্তন্ন করে’ এনেছিলেন; কিন্তু সতীর ঐ যে তেকেলে বুড়ো বর—শিবঠাকুর—তাঁকে কর্ণকর্ত্তারা বেশ একটু সন্দেহের চক্ষেই দেখতেন। কে ওটা ভাঙ্ড়, লক্ষীছাড়া; অজানা, অচেনা? জাত নেই, ধর্ম নেই, না-মানুষ, না-দেবতা। তাই শিবের আর নেমস্তন্ন হল না।

গভীরভাবে ভিলক-ফোটা কেটে যজ্ঞকুণ্ডে আগুন জ্বলে গালতরা মস্তর আওড়াতে আওড়াতে পণ্ডিতেরা হোম করতে বসেছিলেন। অগ্নির সপ্তজিহ্বা লকলক করে’ আকাশে উঠেছিল; পণ্ডিতেরা তারদ্বরে ‘বাহা’ ‘বাহা’ করতে করতে ঘি ঢালছিলেন; সোমরসের পাত্র কর্ত্তাদের হাতে হাতে ঘুরছিল; এমন সময় দক্ষ প্রজাপতির মনে হল—কোথায় আমি ব্রহ্মার সন্তান ব্রাহ্মণ—সমাজের শিরোমণি, হর্ত্তা কর্ত্তা বিধাতা—আর আমার মেয়ে গিয়ে পড়ল কোন্ ঢালচুলোহীন অভাগার হাতে।—তিনি শিবের নিন্দা করতে আরম্ভ করে’ দিলেন।

আগ্নি বিপদের ভয়ে সতীর বুক কঁপে উঠল; তিনি কাতর দৃষ্টিতে বাপের মুখের দিকে চাইলেন; বোঝাবার চেষ্টা করলেন—কিন্তু তাঁর মুখের দিকে চায় কে?—পণ্ডিতেরা সবাই যে সমাজের হর্ত্তা কর্ত্তা বিধাতা।

শিবের নিন্দা শুনে সতীর শ্বাস রুদ্ধ হয়ে গেল। বারা মহাকারণের সন্ধান জানে না, আপনাদের দর্পে অন্ধ, তারা আবার কি যজ্ঞ করবে?—সতী মুহুঁহিত হয়ে যজ্ঞকুণ্ডে পড়ে’ দেহত্যাগ করলেন।

সতীর বারা লোক, তারা শিবের কাছে সেই সংবাদ নিয়ে গেল। সতীর অন্তস্তল তাঁর ভেদ করে’ একটা দীর্ঘশ্বাস উঠল। ত্রিনয়ন ধক্ ধক্ করে’ উঠে প্রলয়ের আগুন তা থেকে বার হল। দেখতে দেখতে শিব-মূর্ত্তি রক্তরূপ হয়ে উঠল,

আর সেই ক্ষুদ্রের অঙ্গ থেকে লক্ষ লক্ষ ভূত, প্রেত, পিশাচ 'মার' 'মার' শব্দে দক্ষবজ্র নাশ করতে ছুটল।

হায়রে। কোথা গেল বজ্রকুণ্ডের আগুন, কোথা গেল সাধের তিলক-ফোঁটা, কোথায় রইল জটাভূট। দক্ষের ঘর শ্মশানের মত পিশাচের নৃত্য-ভূমি হয়ে রইল।

শিব থেকে বিচ্ছিন্ন হয়ে সতীদেহ খণ্ড খণ্ড হয়ে পড়ল। শিব ভ্রমিত-নেত্রে ধ্যানমগ্ন হলেন; সংসারের সঙ্গে আর তাঁর সন্দ্বন্দ্ব রইল না।

সতী আবার পুনর্জীবিতা হলেন—হৈমবতী উমাকল্পে। পূর্ব-সংস্কারবশে শিবকে খুঁজতে বেরলেন। সোনার অঙ্গ মুড়ে, মদনকে সঙ্গে নিয়ে তিনি শিবের স্মৃতিতে হাজির হলেন—শিবের ধ্যান ভাঙল না। কিন্তু ধ্যান যে ভাঙতে হবে—উমার সংসার যে তা না হলে গড়ে না। মদন হেসে বললেন—“ভাবনা কি? আমি শিবের ধ্যান ভঙ্গ করব।” বলে বাছা বাছা পাঁচটি বাণ নিয়ে শিবের অঙ্গে মারলেন। মহাযোগীর ধ্যান অকালে ভেঙে গেল। তিনি ক্রুদ্ধ নয়নে চেয়ে দেখলেন—স্মৃতি মদন। একটা আগুনের হলুকা যেন মদনের উপর দিয়ে বয়ে গেল; সৌভাগ্য-দর্পিত মদন যেখানে বসেছিল, সেখানে পড়ে রইল একমুঠো ছাই।

শিব আবার ধ্যানে বসলেন—আর উমা। তাঁর মনে শত বিকার জেগে উঠল। গয়না তিনি ছুঁড়ে ফেলে দিলেন; বস্ত্র পরে' মহা-যোগীর ধ্যানভঙ্গ প্রত্যাশায় তাঁর পায়ের তলায় নুটিয়ে পড়লেন।

যুগ যুগান্তর কেটে গেল; কত ঝড় বাদল বজ্র মাথার উপর ডেকে গেল—উমার সাড়া নেই; উমার অন্তরাঙ্গা মহাশিবের সন্ধানে ছুটেছে।

ভগবত্। বেদিন পূর্ণ হল, সেদিন উমা চেয়ে দেখলেন, শিব তাঁর স্মৃতির দিকে হাসিভরা চোখে চেয়ে আছেন। শিবেরও যে উমাকে চাই—আনন্দের সংসার যে তা না হলে গড়বে না।

তারপর শিবের যে সন্তান হয়েছিল—তিনিই দেব-সেনাপতি কান্তিকেশব। অসুরদের হাত থেকে স্বর্গরাজ্য তিনিই উদ্ধার করেছিলেন।

* * * *

এই যে আসমুদ্র-হিমাচলব্যাপী ভায়ত—এই সতীর মৃতদেহ। কোন্ অতীত যুগে মদনদর্পিত শাকবের দল তাঁকে স্বধর্ম-স্রষ্টা করবার চেষ্টা

করেছিল, সেই অবধি মায়ের প্রাণহীন দেহ খণ্ড খণ্ড হয়ে পড়ে' আছে। যেখানে যেখানে এক এক খণ্ড সতীর দেহ পড়েছে, বদরিকা থেকে কুমারিকা পর্যন্ত, হিন্দুকুশ থেকে গোহাটা পর্যন্ত, সাধকরূপী শিবাবতার সেইখানে সেইখানে মায়ের দেহ পুনর্জীবিত করতে বসে গেছেন। এই মৃতদেহের উপর কত ঝড় বায়ু বয়ে গেল—হন এল, শক এল, পাঠান এল, মোগল এল—সাত সমুদ্র তের নদী পার হয়ে পর্দুগীজ এল, ফরাসী এল, ইংরেজ এল। একবার অকালে ধ্যানভঙ্গ হয়েছিল। আকাশে বিজলীরেখার মত মারাঠার তলোয়ার চিকমিকিয়ে উঠেছিল, পঞ্জাবের সুলতান মায়ের মূর্ত্যভঙ্গের কথা ঘোষণা করে' গর্জন করে' উঠেছিল—কিন্তু মা তখনও আপনার শিবকে পুরোপুরি চিনতে পারেননি। যে ঐশ্বর্য্যে সোজাশোজ তিনি শিবের সঙ্গে মিলিত হতে গেছিলেন, তা আবার ছুঁড়ে ফেলে দিয়ে তাঁকে শিবের পায়ের তলায় নুটিয়ে পড়তে হল।

* * *

তারপর আজ প্রায় দু'শ বৎসর কাটতে চলল। ওগো শক্তি-পীঠের সাধকেরা, তোমাদের সাধনা কি আজ পূর্ণ হয়েছে? তপঃশক্তি-ভূমিতা মায়ের নূতন রূপ কি আজ তোমাদের চক্ষে ফুটেছে? মহাশিব কি আজ হর্ষোৎকল্ল চোখে মায়ের দিকে চেয়েছেন? দেব-সেনাপতির জয়বাস্তা কি তোমরা শুনেছ? সংসার কি এবার সত্যই শিবের লীলাভূমি হবে?

—

ওরে মন হবেই হবে

বিজয়া হেসে বলছেন—“ছোঁড়াগুলো করছে কি? সেই দুদিন পরে যখন ঐ কলেজের দরজা মাড়তে হবে, তখন আর জাকামি করে' ছাড়া কেন? আর কলেজ ছাড়লেই যদি স্বরাজ হত, তা'হলে আর ভাবনা কি?” আমরা বলি, বিজয় হে। অভিবুদ্ধি বলে' একটা জিনিষ আছে যার চেয়ে একটু অল্প-বুদ্ধি হওয়া ভাল। কলেজ ছাড়লেই যে হাতে হাতে স্বরাজ মিলবে, এটা বাজে কথা হতে পারে, কিন্তু কলেজ কামড়ে পড়ে' থাকলে যে কোনোদিন স্বরাজ মিলবে, এটা আরও বাজে কথা।

স্বাভাবের পূর্ণ মূর্তি হয়ত আজ ছেলেদের মনে জাগেনি; কি পেলে যে তাদের দুঃখ, দৈহিক, জালা বার, তা হয়ত তারা জানে না; কাজ করতে গেলে হয়ত তারা হাজার ভুল করবে—কিন্তু তা'হলেও এ কথা হাজারবার সত্যি যে, যে ঠাট্টা দেখে তোমরা ভুলে' আছ, তা আজ ছেলেদের চোখে মরীচিকা বলে' ধরা পড়েছে, যে মিথ্যার পারে কুল-চন্দন দিয়ে তোমরা নিজেদের কৃতকৃতার্থ বলে' মনে করছ, তা যে স্নুখু পাষণ, এ কথাটা ছেলেরা বুঝেছে। তাদের প্রাণে কেবল এই কথাটাই উঠেছে যে, ভগবান যাদের মানুষ করে' গড়েছেন, তারা কি পাশকরা ভালছেলে হয়েই জীবনটা কাটিয়ে দেবে? এখানেই কি মনুষ্যত্বের চরম বিকাশ? ১৮৫৮ খৃষ্টাব্দে বিশ্ববিদ্যালয়ের জন্ম থেকে আজ পর্যন্ত গাদা গাদা ভালছেলে জন্মেছে আর মরেছে, কিন্তু বাজালীর কান্না ত ঘোচেনি। মিথ্যাকে মিথ্যা বলে' না চিনলে সত্যের মূর্তি কারও কাছে প্রকাশ হয় না;—আজ বাজালীর ছেলে মিথ্যাকে মিথ্যা বলে' চিনেছে।

তোমরা বলবে—“পনের বৎসর আগেও ত একবার চিনেছিলে; সে ভাব কোথায় গেল?”—যারনি গো যারনি। বর্তমানের মধ্যে অতীত বেঁচে আছে, বাজালীর প্রাণে সব কথা গাঁথা আছে। আমাদের সব জালা একদিন আনন্দের ধারা হবে ছুটবে।

“আমার সকল কাঁটা ধুত করে' ফুটেবে গো কুল ফুটেবে।

আমার সকল ব্যথা রঙীন হ'য়ে গোলাপ হ'য়ে উঠবে।”

এই যে হাজার হাজার তরুণ-প্রাণের আত্মনাদ—তোমরা কি ভেবেছ এটা স্নুখু খেয়াল, স্নুখু ছেলেখেলা? না—এটা বাংলার ক্ষুদ্র অকর্মে'বতার দূরশ্রুত গর্জন; বাংলার হৃদয় বিদীর্ণ করে' ধীর ভীষণ মোহন মূর্তি একদিন আত্মপ্রকাশ করবে, এ তাঁরই পদধ্বনি।

কারও কথা তোমরা শুনো না; যে বন্ধন টেনে ফেলে দিয়েছে, তার দিকে আর ফিরে চেনো না। শাস্ত, শুদ্ধ, সমাহিত হয়ে এইবার নিজের অন্তরের দিকে ফিরে চাও। তোমাদের মন, বুদ্ধি, প্রাণ, শরীরের মধ্যে দিয়ে বাংলার যে আত্মশক্তি ফুটে উঠেছেন, তাঁর হাতে নিজেদের স্বয়ংস্বরূপ ছেড়ে দাও। তাবনার তো শেষ নেই; তবে কুলকিনারা পাবে না। বাহুবীর ক্ষুদ্র বুদ্ধি কতটুকুই বা

খবর জানে? জগৎ-জুড়ে যে মহাশক্তি নিজের আসন প্রতিষ্ঠা করছেন—আপন আপন হৃদয়গুলি তাঁর পায়ের তলার মেলে দাও। বাহুবীর জীবনে আর জাতির জীবনে এমন এক-একটা সময় আসে, যখন বে-হিসাবী বোকাই হয় বুদ্ধিমান, আর বুদ্ধিমান হয় বোকা। যারা আপন-ভোলা হয়ে অকুল-পাথারে ঝাঁপিয়ে পড়ে, তারাই পায় কুল; আর যারা তীরে দাঁড়িয়ে গালে হাত দিয়ে হিসাব করতে থাকে, তারাই মরে ডুবে। আজ বাংলার সেইদিন আবার এসেছে।

‘জয় মা’ বলে' আজ জীবন-তরী তাসিয়ে দাও; অকুলের যিনি কাণ্ডারী, তিনি ঝড় তুফান কাটিয়ে তোমা' কূলে নিয়ে যাবেনই যাবেন। সারা জীবনটাকে তাঁর হাতে ভুলে' দাও; তিনি নিজের মত করে' তোমার-আমার গড়ে' নেবেনই নেবেন। সত্যিই যদি চেয়ে থাকি, পথ দেখাবার লোকের অভাব হবে না।

“কটা যখন উঠবে বেজে,

দেখবি সবাই আসবে সেজে,

এক সাথে সব রাজী যত

একই রাস্তা লবেই লবে

ওরে মন হবেই হবে।”

পাবেই পাবে

ঝড়ের আগে ওড়ে শুকনো পাতা, তার বন্ধন নেই বলে'; ভোরের আগে অন্ধকার থাকতে থাকতে জাগে কচি ছেলে, আর চীৎকার করে' নেচে কেঁদে সবাইকার ঘুম ভাঙিয়ে দেয়; প্রভাতের বাতাস এসে তার কানে কানে বলে' যায়—রাত কেটেছে, রাত কেটেছে।

আমাদের ছেলেদের কানে কানে জীবন-প্রভাতের মলয় হাওয়া বলে' গেছে—সুমোবার আর সময় নেই, স্নুখিল ও স্নুবোথ বালক সেজে পুঁথির ভেতর মুখ গুঁজে ভালছেলে হবার আর সময় নেই, হাজার বছরের খুলি-শয্যা ছেড়ে তোমরা একবার ওঠ।

ছেলেরা তাই লাফিয়ে, নেচে-হুঁদে, চীৎকার করে' পাড়া জাগাচ্ছে। বাঁদের চোখে স্নুখু নাচন-কৌশলটুকু পড়ছে, তাঁরা বলছেন—“এ আবার কি র‍্যালা? স্নুখু নাচের চোটেই ছুনিরা ধসকে দেবে না কি?” ছেলেরাও কথাটার ঠিক

উত্তর দিতে পারছে না, কেননা তাদের জ্ঞান এখন স্নুধু নেতিনেতির রাস্তা ধরে' চলছে। বা গড়তে হবে, তার মুষ্টি বেশ স্পষ্ট হয়ে তাদের মাথার কুটে ওঠেনি; যে রাস্তা ধরলে দেশকে নিজের মধ্যে পাবে, সে রাস্তার জন্তে তারা হাৎড়ে হাৎড়ে বেড়াচ্ছে।

কাজে লাগতে যারা চলছে, তাদের টিটকারী করে' বাধা দিলে খুব সন্তা দরে বিজ্ঞতা দেখান হতে পারে, কিন্তু তাতে কাজ কি এগুবে? রাস্তাটা যে তাদের চোখে পরিষ্কার হয়ে কুটে ওঠেনি, তা তারা নিজেরাই জানে; কিন্তু-বসে' থাকলেই ত চলবে না। অন্তর থেকে যিনি কুটে বার হবার চেষ্টা করছেন, তিনিই যে তাদের স্থির থাকতে দিচ্ছেন না।

ছেলেরা কোথায় গিয়ে ঠেকবে, তা তাদের জ্ঞান আর শক্তি-সামর্থ্যের উপর নির্ভর করছে।

বাইরের গড়নে হাত দেবার আগে তাদের আমরা স্নুধু এই কথাটা মনে রাখতে বলি যে, স্বাধীনতা জিনিষটা স্নুধু বাইরের নয়। স্নুধু বাইরের অবস্থার পরিবর্তনে মানুষ স্বাধীন হয়ে ওঠে না। স্বাধীন মানুষ যে আচার-অমুষ্ঠান, রাজনীতি, সমাজনীতি গড়ে' তোলে, তাই স্বাধীনতার বাইরের মুষ্টি। আমাদের ভিতরে যদি স্বাধীনতা কুটে না ওঠে তা'হলে আমরা যে-কাজে হাত দেব, তাতেই আমাদের অন্তরের গোলামীর ছাপ পড়ে' যাবে। আগে নিজের মনের ভিতর ঢুকে বেশ হাড়ে হাড়ে অনুভব কর যে, তুমি ছোট নও, কোনো বন্ধনের দাস নও, জীবন-মরণে তুমি মুক্ত, —দেখবে যে তুমি যে-জিনিষে হাত দেবে, তাতে তোমার অন্তরের আনন্দধারা কুটে বা'র হবে।

আর এ কথাটা ভেবো না যে, ছ'দশ হাজার লোককে হাত করে' দল বাঁধতে পারলেই দেশকে স্বাধীন করে' তুলবে। নিজের স্পর্শে প্রত্যেকের মধ্যে যদি স্বাধীনতা ফুটিয়ে তুলতে না পার, তা'হলে একটা নতুন রকমের স্বদেশী জবরদস্তি গজিয়ে উঠতে পারে, কিন্তু তাকে স্বাধীনতা বলে' তুল কোরো না। স্বাধীন জীবের সমষ্টির নাম যদি স্বাধীন জাত হয়—তা'হলে গোড়া থেকে এই চেষ্টা কোরো যেন প্রত্যেকেই নিজের ভেতর নিজের স্বাধীন সত্তাকে খুঁজে পায়। যে-শক্তি তোমার-আমার সকলের ভেতর দিয়ে বাইরের জগতে আত্মপ্রকাশ করবার চেষ্টা করছেন, সেই শক্তির স্বরূপ যিনি বস্তুখানি ধরতে পেরেছেন,

তিনিই ততখানি রাস্তা বলে' দিতে পারবেন— স্বাধীন ভারতের বাইরের রূপ তিনিই ততখানি গড়তে পারবেন।

ছেলেদের মধ্যে ঐ শক্তির প্রথম প্রকাশে যে চাকল্য দেখা দিয়েছে, সেটা বাজে জিনিষ বলে' উড়িয়ে দিলে চলবে না। তবে সেটা সত্যের শেষ কথা নয়।

এ চাকল্যের পর যে সময় আসছে, তাতে তোমাদের ধীর, স্থির, আত্মস্থ হয়ে বসতে হবে। যে মন নিয়ে পুরাণোকে ভেঙ্গে নতুনকে গড়তে যাবে, সে মনের যেন অন্তর্যামীর সঙ্গে একটা বোঝাপড়া হয়ে যায়, সে যেন বাইরের কারো মুখের দিকে না তাকিয়ে সবটা নিজের অন্তরের দেবতার কাছে সঁপে দিয়ে বলতে পারে—আমি তোমার, এ কাজও তোমার। এ শরীর-মনে কুটে উঠে—তোমার কাজ তুমি কর।

সহস্র বিভীষিকার মধ্যে ঐ মজা ছেড়ো না; সহস্র বন্ধার মধ্যে ঐ নামটি ভুলো না। দেখবে এবার কুল পাবেই পাবে।

বয়ে যায় পতিত-পাবনী

তীরে তার ভীষণ শ্মশান

স্বর্গ থেকে যখন মন্দাকিনীর ধারা মর্ত্যালোকে আসছিল, তখন প্রস্র উঠেছিল—এ ধারা ধরবে কে? মদমত্ত ঐরাবত ছুটে এসেছিল সে ধারা ধরতে; কিন্তু পশু বেচারী, নাকে-মুখে জল ঢুকে দম আটকে হাঁপিয়ে উঠল, আর তৃণখণ্ডের মত সে ধারার মুখে কোথায় ভেসে গেল। শাস্ত্র আপন-তোলা শিব তখন জটা-জাল বিস্তার করে' অচল অটল ভাবে সে ধারা মাথা পেতে নিয়েছিলেন। পতিত-পাবনীর স্রোত মর্ত্যালোকে সেদিন থেকে বইছে।

আজ আবার স্বর্গের ধার খুলে' গেছে; মন্দাকিনী-তরঙ্গের গভীর গর্জন আমাদের কানে এসে পৌঁছেছে। আবার প্রস্র উঠেছে—আমরা ঐরাবতের মত পশুবুদ্ধি নিয়ে সে স্রোতের মুখে ভেসে যাব, না শাস্ত্র শিবের মত অহঙ্কারের উন্মাদনাকে মুছে ফেলে সে স্রোতকে মাথা পেতে নেব?

আমাদের অন্তর্নিহিত বিকৃত পাদপদ্ম থেকে ঐ খরস্রোত ছুটে এসে একদিন আমাদের মনের ছুরারে

ধাক্কা মেয়ে গেছল। আমাদের সমস্ত জাতটার শরীর সেদিন কঁপে উঠেছিল।

সে অনেক আগেকার কথা; তখন ১৯০৫ খৃষ্টাব্দ।

আমরা সে শ্রোতের মুখে দাঁড়িয়ে সে শ্রোতকে আরম্ভ করে' নিজেদের মনোমত কাজে লাগাতে চেষ্টেছিলাম। বুঝিনি যে, সে বস্তা আপন ভাবে আসে, আপন ভাবে যায়; অহঙ্কারের সাধ্য নয় তাকে আরম্ভ করা। তাই ঠিক ঐ ঐরাবতের মতই সে শ্রোতের মুখে ভেসে যেতে হয়েছিল।

আজ আবার সেই উত্তাল-ভাব-তরঙ্গের গর্জন শোনা যাচ্ছে। বিষ্ণু-পাদ-নিঃসৃত মন্মাকিনীর ধারা আজ আমাদের গ্রাণ মন দেহ দিয়ে প্রবাহিত হয়ে সমস্ত দেশকে নতুন করে' গড়বার জন্তে আমাদের মনের দ্বারে এসে ধাক্কা মারছে। অহঙ্কারের বশে নেচে কঁদে সে শ্রোতকে আরম্ভ করতে গেলে আবার সে শ্রোত ফিরে যাবে; আমরা যে মরুভূমিতে আছি, সেইখানেই পড়ে' থাকব।

আজ তাই তোমাদের পায়ে ধরে' অমরোদ্ধ করছি, অহঙ্কারকে সরিয়ে দাও, ভাব-বিলাসিতার মোহে ভুলো না—শাস্ত্র আপন-ভোলা শিবের মত সে ধারার তলায় গিয়ে দাঁড়াও। তোমার বুদ্ধি, মন, গ্রাণ, দেহ সেই স্বর্গের আনন্দ ধারায় ভরে উঠুক। যার কাজ সেই করুক; তুমি শুধু তার হয়ে যাও।

তোমাদের চাঞ্চল্য দেখে, তোমাদের দিশেহারা মৃত্যু দেখে বিজ্ঞপ করি বলে' তোমরা বিরক্ত হও জানি—কিন্তু একথাটা ভুলোনা যে আমরাও তোমাদেরই; তোমাদের গায়ে যা বাজে তা আমাদের গায়েও বাজে। নিজের মন যখন ঐরাবতের মত শুঁড় ফুলিয়ে দাঁড়ায়, তখন তাকেই অতীতের কথা মনে করিয়ে দিয়ে বিজ্ঞপের খোঁচা মারি। তোমাদের গায়ে লাগে? তোমরাও যে সেই মনের অংশ।

ভাব-বিলাসিতার স্রুখ অনেক তা জানি; কিন্তু সে স্রুখের মায়া আজ তোমাদের ত্যাগ করতে হবে। দেশের যে আত্মশক্তি আজ জেগে উঠে বাইরে ফুটে ওঠবার জন্তে তোমাদের মধ্যে ধাক্কা মারছে, তার কাছে আপনাকে উৎসর্গ করে' দিতে হবে। তাকে নিজের মধ্যে পেতে হবে; তার জানে নিজেদের বুদ্ধিকে ফুটিয়ে ভুলতে হবে; দেহ, মন তার হাতে বজ্র করে' ছেড়ে দিতে হবে। তখন বা গড়ে' উঠবে তাই হবে

খাটি গড়ন। স্রুখ অহঙ্কার দিয়ে যা গড়বে, তা অনেকবার ভেঙ্গে পড়েছে, ভবিষ্যতেও ভেঙ্গে পড়বে।

সত্যকথা অগ্রিয় হলেও আপনার লোককে তা বলতে হয়। এটা শু্য চোখের সামনেই দেখেছি যে, স্রুখ ভাবের ঘোরে যারা নেমেছিল, তারা গাঙ্গন আরম্ভ হতে না হতেই ঢলে' পড়ছে। দু'দিন আগে যারা কলেজ থেকে লাফ দিয়ে বেগিয়ে পড়েছিল, তাদের অনেকেই আবার চাদরে মুখ ঢেকে ক্রাসে গিয়ে বসছে। চরকা কেটে এর মধ্যেই অনেকের হাত ব্যাথা হয়ে গেছে। এ সব কথা নিয়ে হাসাও চলে, কাঁদাও চলে; কিন্তু সেই হাসি-কান্নাটাকেই আমাদের সর্ব্ব্ব করে' তুললে চলবে না। ভবিষ্যতের দিকে স্থির দৃষ্টি রেখে ক্ষণিক উদ্বেজনার চঞ্চল না হয়ে প্রবাল-কীটের মত ভিল ভিল করে' নিজেদের অস্থি দিয়ে আমাদের নিজেদের দাঁড়াবার স্থান গড়ে' তুলতে হবে।

বাক্সালীর ছেলে ভুলোনা যে, শব-সাধনার এই মহাশিখা—ঢাক-ঢোল বাজিয়ে নাচবার সময় এ নয়। বাংলার এই শ্রমানে বসে' শবকে যে বাঁচাতে চায়—তাকে উদ্বেজনায়, উন্মাদনায় আত্মবিস্মৃত হয়ে যোগব্রষ্ট হলে চলবে না। বীর-সাধকের বংশগম্বুত তোমরা—মুদ্রা করতাল তোমাদের জন্তে নয়। আঁধার যেখানে ঘনীভূত হয়ে এসেছে, আকাশে যেখানে চন্দ্র নেই, গৃহে যেখানে দীপশিখা নেই, পিছনে যেখানে বাহবা দেবার কেউ নেই, মরলে যেখানে এক ফোঁটা অশ্রুজল ফেলবার কেউ নেই—সেইখানে তোমার আসন পেতে ভিল ভিল করে' মর। তোমার সমাধির উপর মায়ের পাদপদ্ম সহস্রদল বিস্তার করে' ফুটে উঠবেই উঠবে।

সত্যি সত্যি কি চাও?

স্বামী বিবেকানন্দ বলে' গেছেন—স্রুখ চালান্বী দিয়ে কোনো বড় কাজ হয় না। দেশের লোকের গতিক দেখে মনে হয় যে, ঐ কথাটা বেশ করে' একবার বাগিয়ে নিয়ে আমাদের সভ্যসমিতিগুলোর সামনে টাঙিয়ে দেবার সময় এসেছে। আমরা সবাই মনে মনে ঠিক করে' বসে' আছি যে, কোনো রকমে ভালগোল পাকিয়ে চূপ করে' বসে' থাকলে

বা মাঝে মাঝে একটু আঁধাটু হুগুগু করলেই কাজটা বখা সময়ে আপনা আপনিই হয়ে বাবে, আর আমরা তখন গৌকে তা দিতে দিতে ক্ষুধি করে' মজা লুটবো।

তা হবে না। একটা জিনিষ আগে আমাদের বেশ হাড়ে হাড়ে বুঝতে হবে যে, আমরা বা করবো তাই হবে; আমাদের পক্ষ ইচ্ছাটিকে চরিতার্থ করবার অস্ত্রে আকাশ-হুঁড়ে কিছু পড়বে না।

যারা হুড়ে, গৈতো, হতভাগা, তাদের দুঃখ ঘোচাবার অস্ত্রে ভগবানের দয়ার সমুদ্রে কখনো বান ডাকবে না। যারা নিজেদের ফাঁকি দেবে, বিশ্বব্রহ্মাণ্ড তাদের ফাঁকি দেবে। অগতে যারা কিছু করেছে বা পেয়েছে, তারা চিৎ হয়ে পড়ে পড়ে লেজ নাড়তে নাড়তে তা পায়নি বা করেনি। তাদের বৃকের রক্ত জল করতে হয়েছে; প্রাণের শত বাঁধন ছিঁড়ে রক্তাক্ত মনটিকে হাসিমুখে ইষ্টদেবতার পায়ে ধরে' দিতে হয়েছে। সম্ভার কিস্তি পেয়ে যারা ফুরুরে হাওয়ায় তরী ভাসিয়ে দিয়ে এ অকুলে পাড়ি জমাবার চেষ্টা করেছে, তারা চিরদিনই দেখেছে যে—“কুলেতে কণ্টকতরু বেষ্টিত ভুজ্জ্বল।” তোমরা আজ কি করে' সে অদৃষ্টকে ফাঁকি দেবে?

মুক্তির সিংহদ্বার বীরদের অস্ত্রই খোলা থাকে; যারা হুগুগুগলের মাঝখানে পড়ে' শুধু গগুর আঁগা মিশিয়ে যায়, তাদের অস্ত্র নয়। সিরি দেখে যারা এগোয় আর কৌৎকা দেখে যারা পেছায়, তাদের শুধু কৰ্মভোগই সার; চিরদিন তারা শত্রু হাসাবে।

অগতের কাছে দেশের অপমান দেখে তোমরা একেবারে ডিগবাজী খেয়ে যখন কলেজের দোতাল থেকে লাফিয়ে পড়েছিলে, তখন কি ভেবেছিলে যে, তিন দিন রাস্তায় রাস্তায় চীৎকার করে' বেড়ালেই আমাদের অপমান মুছে যাবে? তা যদি না মনে করে থাক, ত দিন তিনেক যেতে না যেতেই আবার চারদে মুখ ঢাকা দিয়ে লজ্জার মাথা খেয়ে ক্লাসে ঢুকে নোটবু খুলে, বলে' গেলে কি করে'। তোমরা ইংরেজী সাহিত্য পড়, ইংরেজী ইতিহাস পড়, ইংরেজের চরিত্র কি বোঝনি? ইংরেজ তার শত্রুকে শ্রদ্ধা করতে পারে, কিন্তু তার গোলামকে স্বপার চক্কেই দেখে থাকে।

দেশতরা কান্নার রোল উঠেছে; মেয়েরা কাপড়ের অভাবে ফাঁসি খেয়ে মরছে, ছেলেরা

পেটে হাত দিয়ে 'হা অন্ন' 'হা অন্ন' করে' মরছে; আর তোমরা? সোনার চশমা চোখে এঁটে, বিজলীপাখার তলায় বসে' হিসেব করছো যে, কত নম্বর পেলে তোমার নামের পিছনে এম্-এ ডিগ্রীটা ঝোলাতে পারবে। আর তারপর হয় মাষ্টারী করে' ছেলেদের মুখস্থ করাবে B-L-A রে C-L-A রে; নয়ত সরকারী অফিসে ৪০ টাকা মাইনের চাকরী করবে, আর হাঁ করে' দেখতে থাকবে বছরে বছরে কত কোটি টাকা দেশের বাইরে চলে' যায়। তোমাদের বড় সাধের পাশকরা বিশ্বের এই পর্যন্ত না দৌড়?

স্বাধীনতার অস্ত্র সত্যি সত্যি যাদের প্রাণ কাঁদে, খিয়েটারী চঙ করে' তারা নিজেদের ঠিকার না। বৃকে যাদের আঙুন জলে, তাদের চোখের জল শুকিয়ে যায়। নিষ্ঠা যাদের আগে, ব্রত উদ্‌ঘাপনের আগে আর তারা ঘরে ফেরে না। আর যারা হাংলা ঘরের ক্যাংলা ছেলে, বা পায় তাই খায়, তারা চিরদিন অগতের রূপাপাত্র হয়েই থাকে।

সব জিনিষের জন্ত সাধনা করতে হয়। রাতারাতি কোনো জাত স্বাধীন হয় না। আগে অন্তরের স্বাধীনতা চাই, তারপর তা বাইরে ফুটে উঠবে। ভিতরে যারা গোলাম, তারা বাইরের স্বাধীনতা পায় না, পেলেও রাখতে পারে না। যে মহাপুরুষের চরিত্রবলের কাছে আজ সমস্ত দেশ মাথা হেঁট করেছে, তিনি স্বরাজের ব্যাখ্যা করতে গিয়ে জলম-গম্ভীর স্বরে বা ঘোষণা করেছেন সেটুকু কখনো তলিয়ে বোঝবার চেষ্টা করেছে? তিনি বলেছেন,—“Swaraj has to be experienced by each one for himself. One drowning man will never save another, Slaves ourselves, it will be mere pretension to think of freeing others.” মহাত্মা গান্ধীর এই কথাগুলি আঙনের অন্ধরে বৃকের মাঝে লিখে রেখো। আমাদের দেশসেবার আরোজন যে এতদিন ব্যর্থ হয়ে এসেছে, তার মূল কারণ ঐখানে। ভিতরে গোলাম থেকে আমরা বাইরের গোলামি ঘোচাতে গেছি, তাই সব কাজ আমাদের পণ্ড হয়ে গেছে।

খাঁটি রাস্তা ধরবার সময় কি এখনো আসেনি? যখনই মরণের পার থেকে অন্তরবাণী আমাদের কানে এসে পৌঁছাবে, তখনই কি আমরা কানে আঙুল দিয়ে বলে' থাকব? যখনই দেবতা

অমৃতভাণ্ড হাতে করে' আমাদের দরজায় এসে উপস্থিত হবেন, তখনই কি আমরা বলব—চাই না?—মিথ্যাভেই কি আমরা চিরদিন ভুলে থাকব? সত্যি কি কখনো চাইব না? ডাকের মত ডাক কি কখনো দেব না?

হরিনাম আর মাগুরমাছ

রাবণ রাজা স্বর্গের সিঁড়ি তৈরী করবার আগেই মরে' গিছলেন, কিন্তু আমাদের বাংলাদেশে তার জন্তে বিশেষ দুঃখ করবার কারণ নেই।

হরীবোলার সঙ্গে সঙ্গে মাগুরমাছের বোল আর তার চেয়েও আর-একটা উপাদেয় জিনিষ যেদিন আমরা জুড়ে' দিয়েছি, সেদিন গোলোকধাম আর মর্ত্যলোকের মাঝখানে পাকা সিঁড়ি যে তৈরী হয়ে গেছে, সে-বিষয়ে ভক্ত-সমাজে আর মতবৈধ নেই। সে সিঁড়ি ভেঙ্গে ভক্তদের আর উপরে ওঠবারও দরকার হয় না। হরি নিজেই নাকি মাগুরমাছের গন্ধ পেয়ে নীচে নেমে ভক্তদের কাঁধে ভর করেন। ভক্তেরা স্নান উৎসবের আনন্দে নেচে, গেয়ে, আছাড় খেয়েই খালাস। আর হরি যদি গোলোকেই চুপটি করে' বসে' থাকেন, তাতেই বা ক্ষতি কি? হরির চেয়ে নামের মাহাত্ম্যই যে বড়। তাঁর নাম ভাঙ্গিয়ে খেতে ত কোনো বাধা নেই। হরিকে কে চায়? —তাঁর নামটা নিয়েই যে আমাদের কারবার।

ভগবানকে পাবার চেয়ে তাঁকে প্রচার করবার চেষ্টাই আমাদের বেশী—কেননা তাতে কষ্ট বেশী নেই, অধিকন্তু লাভ যথেষ্ট। ভগবানকে যেতে খেতে পারলেই আমরা খুসী। ভগবানের ত কিছু করবার জো নেই—বেচারী যে হুঁটো জগন্নাথ।

কিন্তু ওগো ও উৎসবানন্দের দল! মাঝে মাঝে একবার এ কথাটা মনে কোরো—ভগবানের সহিষ্ণুতার সীমা আছে। দেবতা হবার আগে মানুষ হতে হয়, মহাপুরুষ হবার আগে পুরুষ হতে হয়, গুরু সাক্ষার আগে শিষ্যদের কঠোরতা মেনে নিতে হয়। সম্ভার কিস্তি অনেক সময় বানচাল হয়ে যায়।

প্রচারের জন্তে ভেবে ভেবে তোমাদের কাহিল হতে হবে না। যা সত্য তা স্বয়ংপ্রকাশ, তা

নিজের আনন্দেই ভরপুর। নিজের কাঁধে ঢাক বেঁধে তা বাজারের মাঝখানে দাঁড়িয়ে নিজের মহিমা নিজে ঘোষণা করে না; বেস্তার মত সাজসজ্জা করে' তা লোকের মন তুলতে চায় না। সত্যের প্রতিষ্ঠার জন্তে ভাড়াটে ভক্তের দরকার হয় না, কেননা সত্য চিরদিনই নিজের মহিমায় প্রতিষ্ঠিত।

গোলাপ, টগর, মল্লিকা যখন আলোতে পাঁপড়ি মেলে ফুটে ওঠে, তখন তারা ভ্রমরদের বাড়ী বাড়ী নোটিশ পাঠিয়ে দিয়ে বলে না—“ওগো আমরা ফুটে' আছি, তোমরা এসে' আমাদের চারিদিকে একবার গুন' গুন' করে' বাও।” পূর্ণিমার চাঁদ যখন আকাশের বৃকের উপর দিয়ে ভাগতে ভাগতে চলে' যায়, তখন সে ঢাক-ঢোল পিটিয়ে স্তম্ভ বিরহীদের জাগিয়ে দিয়ে বলে না—“তোমরা ওঠ, একবার আমার মেখে বিরহের ব্যথা চাগিয়ে তুলে' চোখের জলে বান ডাকাও।” মধুর গন্ধে ভ্রমর আপনি এসে জোটে; অমৃতের লোভেই হোক আর কলঙ্কের লোভেই হোক, প্রণয়ী নিজের প্রাণের তাড়ায় আকাশের পানে তাকায়।

কথাগুলো ভালো লাগছে না—না? এ ব্যবসাদারীর দিনে যখন সাধুর সাধুত্বের পরিমাণ তার জটার বহরে, যখন ভক্তির পরিমাণ কীৰ্ত্তনের উচ্চরোলে, যখন স্বদেশ-প্রেমের পরিমাণ পড়ে' পড়ে' মার খাওয়ার শক্তিতে, যখন বিভাদানের পরিমাণ বিভালয়ের আয়ত্তনে, তখন এ কথাগুলো তোমাদের ভালো লাগবে না, তা জানি। কিন্তু এ মেকি চালাবার ব্যর্থ চেষ্টায় নিজেদের সর্বনাশ যে কতখানি করচো, তা ভেবে দেখবার দিন এসেছে।

তোমরা যে মনে মনে ঠিক করে' বসে' আছ “মধুর বহিবে বায়ু ভেসে বাব রকে”—ব্যাপারটা হয়ত ঠিক সে রকম না-ও হতে পারে। সিন্নির লোভে এসেছ ভালো কথা; কিন্তু কৌৎসার ভর যাতে সয়, তার ব্যবহাও কোরো।

কবির কথা মাথায় থাক—এ ছিন্নিরাটা ঠিক রদালয় নয়। এখানে পাউডার মেখে রূপসী সাজা বেশীদিন চলে না। শেষে চোখের জলে গালের রং ধুয়ে যায়; কজ্জল লাগান সঙ্কেও কোটরগত চোখ ধরা পড়ে, হারমোনিরায়ের সা-রে-গা-মা'র গলার ‘চি’ হি চি হি’ স্বর ঢাকা পড়ে না।

দেখাচ্ছে না দেশময় আজ পর্যন্ত কত মেকি ধরা পড়লো, কত সর্কারীনের দল গলাভেজে বসে' পড়লো? সেজেগুজে রাস্তায় অনেকই বার হয়, কিন্তু মাঝখানে হাতের করতাল আর বাজে না, সাধের মুদ্র ফেসে যায়, অহঙ্কারের বিজয়-নিশান মাটিতে নুটিয়ে পড়ে।

কাজের মধ্যে উৎসবের আনন্দে জীবকে হুটিয়ে তুলবে? হয় রে, কি জীবন অন্তরে পেয়েছে বা বাইরে প্রকাশ না করিলেই নয়? অন্তরের বিরাট শূন্য কি ভরেছে? তা যদি না ভরে' থাকে, ত এই দীনতার, নগ্নতার বীভৎস প্রদর্শনী খুলে' জগতের কাছে হাশ্বাস্পদ হচ্চ কেন?

একটা কথা বোঝ যে, স্রুষ্টি উদ্ভাদনা দিয়ে নতুন জীবন লাভ করা চলে না। তার জন্তে বুকের রক্ত জল করতে হয়।

কাজের কথা

কথাটা অনেকের হয়ত ভালো লাগবে না, তবুও স্পষ্ট করে' বলা ভাল। বন্ধুকে অগ্রিয় সত্যও বলতে হয়।

তোমরা ভাবের স্রোতে গা ভাসিয়ে দিয়ে চলেছ; উত্তেজনায় আত্মহারা হয়ে পড়েছ, কিন্তু মনে রেখো যে, উত্তেজনাই কার্যসিদ্ধির প্রকৃষ্ট পন্থা নয়। জীবনটা অভিনয় নয়, কর্মক্ষেত্র।

স্বাধীনতা আজ দেশমুখে সবাই চায়। নানা ঘটনা পরস্পরায় দেশ আজ নিজের ছরবছা জেনেছে। নিরক্ষর শ্রমজীবী পর্যন্ত বুঝেছে যে, যে-দেশে সে জন্মেছে সে-দেশ তার নিজের নয়।

সে ছ'হাত দিয়ে যে পরিশ্রম করে, তার ফল ভোগ করে অপরে। সে লাঞ্ছল ঠেলে যে শস্য জন্মায়, তাতে ক্ষুধা মেটে অপরের। তাকে রক্ষা করবার ভাগ করে' যে মাথায় পাগড়ী বেঁধে বেড়ায়, সে তার রক্ষক নয় ভক্ষক।

পনের বৎসর আগে দেশের লোকের চোখ খুলতে আরম্ভ হয়েছিল। নানা নির্ধ্যাতনের ভেতর দিয়ে সে জ্ঞান পূর্ণতর হয়ে আসছিল। আজ মহাত্মা গান্ধীর কৃপায় দেশের আবালবৃদ্ধ-বণিতার কাছে সে গংবাণ গিয়ে পৌঁছেছে।

দেশ আজ চঞ্চল; পরাধীনতার জ্ঞান আজ তাই শেলের মত লোকের প্রাণে বিঁধেছে।

দেশের আত্মা আজ তাই বন্ধনমুক্ত হবার জন্ত ব্যগ্র হয়ে উঠেছে।

কিন্তু মুগ্ধ হলেই মুক্তিলাভ হয় না। মুক্তির জন্ত সাধনা চাই। তাবপ্রচার স্বাধীনতালাভের প্রথম সোপান যাত্র; তার শেষকথা নয়।

দেশ যতদিন অন্ধ জড়ের মত বিহ্বল হয়ে পড়েছিল, ততদিন উচ্চকণ্ঠে মুক্তির বার্তা ঘোষণা করার একান্ত প্রয়োজন ছিল। ততদিন সহস্র নির্ধ্যাতন মাথায় তুলে নিয়ে, পদে পদে লাঞ্ছনা, অপমান, অত্যাচার সহ্য করে' বাটে মাটে পথে চীৎকার' করে' প্রচার করবার দরকার ছিল যে— পরাধীনতা মৃত্যুর চেয়েও ভীষণ।

আজ সে কথা সবাই শুনেছে, সে কথা সবাই বুঝেছে। যারা আজ চোখ থাকতেও অন্ধ, কান থাকতেও বধির, প্রাণ থাকতেও মরা, তারাই স্রুষ্টি নবজীবনের স্পন্দন অহুতব করেনি। এ জন্মে তারা করবেও না।

কিন্তু এই প্রচারের কাজ কি এখনো শেষ হয়নি? শত শত ছেলে বুকের রক্ত দিয়ে এই স্বাধীনতার কথা যে দেশের অঙ্গে ছেপে দিয়ে গেছে।

বুখা শক্তিসংগ্রহের আর সময় নেই। আজ সাধনার দিন, শক্তিসংগ্রহের দিন। কিন্তু শক্তি-পরীক্ষার দিন এখনো আসেনি।

যেখানে জুজুর ভয়ে দেশ আড়ষ্ট, অথবা যেখানে অর্ধজাগ্রত দেশের পুনরায় ঘুমিয়ে পড়বার সম্ভাবনা আছে, সেখানে শত বাধা বিপদ তুচ্ছ করেও আদর্শকে বাঁচিয়ে রাখা দরকার; কিন্তু আদর্শকে মর্ন্ত করে' তুলতে হলে স্রুষ্টি তাব-প্রচারের কোলাহলই বথেষ্ট নয়—তার জন্ত নীরব সাধনার প্রয়োজন। দেশের সমস্ত লোককে একপ্রাণতার স্বত্রে গাঁথতে হলে তাবের উত্তেজনা ছাড়া আরও কিছু দরকার।

দলে দলে জেলে গিয়ে জেলকে তীর্থক্ষেত্র করে' তুলবে, ভাবোন্মাদের আনন্দে দেশকে মাতাবে—কিন্তু দোহাই তোমাদের, এই কথাটুকু ভুলো না যে, স্রুষ্টি ভাবোন্মাদের ফলে কোনো দেশ স্বাধীন হয় না। ভক্তিসাধনা খুব বড় জিনিষ, কিন্তু শক্তিসাধনা না থাকলে, ভক্তি শেষে তাব-বিলাসিতা হয়ে দাঁড়াবে।

উত্তেজনায় বশে বরণকে আলিঙ্গন করা খুব বড় কথা নয়। মরণের মধ্যেও একটা নেশা আছে; একটা মোহ আছে। সে নেশা তোমাদের কাটিয়ে উঠতে হবে।

আজও দেশ শতধা-বিচ্ছিন্ন সতী অজের মত খণ্ড খণ্ড হয়ে পড়ে' আছে। দেশের খণ্ড খণ্ড শক্তি এখনও কেন্দ্রীভূত হয়ে ওঠেনি। সেইদিকে আজ দৃষ্টি দেবার দিন এসেছে। একে একে না মরে' সকলে মিলে বাঁচবার চেষ্টা কর।

শক্তিসঙ্কয়ের পূর্বে অসময়ে যারা শক্তিপ্রকাশ করতে যায়, তাদের পরাজয় অনিবার্য। সাহস থাকলেই তা সব সময় আড়ম্বর করে' প্রকাশ করা সমীচীন নয়। মনে রেখো যে, আইরিশরা যেদিন নিজেদের স্বরাজ্য ঘোষণা করে, তার রহপূর্বেই নিজেদের দেশের শক্তিকে প্রকাশ করে' তুলেছিল। জাপান ঋষিয়ার বিরুদ্ধে যুদ্ধ ঘোষণা করার বহুদিন পূর্বে হতেই সব আয়োজন ঠিক করে' রেখেছিল।

স্বরাজ ঘোষণা করলেই কি স্বরাজ পাওয়া যাবে? দেশময় নিজেদের শাসন-কেন্দ্র কি গড়ে' তুলতে পেরেছ? যদি গড়ে' থাক ত সেগুলিকে রক্ষা করার শক্তিসংগ্রহ কি করেছ? তা যদি না করে' থাক ত শুধু ফাঁকা আওয়াজে কি হবে?

বুদ্ধির বাঁদর-নাচ

মানুষের বুদ্ধির মত ফাঁকিদার জিনিষ দুনিয়ায় খুব কমই আছে। সে শাঁখের করাতে মত আসতে-যেতে ছুদিকেই কাটতে পারে। বুদ্ধিকে যা' করমাইস কর, সে তোমার কাছে যুক্তি-তর্কের আড়ম্বর করে', তাই প্রমাণ করে' দেবে। বুদ্ধির সামনে যতখানি আলো, পেছনে তার দশগুণ অন্ধকার। কে যে তাকে পেছন থেকে চালায়, তার সন্ধান বুদ্ধি জানে না; অথচ নেচে-কুঁদে হামবড়াই করে' বুদ্ধি প্রচার করে' আসছে যে, তার মত আর দুটি মিলবে না। আমাদের বৈয়াকরণেরা অনেক দিন হ'ল আবিষ্কার করে' গেছেন যে, বুদ্ধি জিনিষটা স্ত্রীলিঙ্গ অর্থাৎ মেয়ের জাতি; সুতরাং স্ত্রীধর্ম তার মধ্যে থাকবেই। মেয়েদের চালিয়ে নিয়ে যাও ত বেশ চলবে, তোমার ভাত রান্নাও, মাথা টিপে দেবে, আদর-আপ্যায়িত করে' কৃতার্থ করবে। কিন্তু মেয়েদের ফাঁদে যদি পা দাও অর্থাৎ তোমার নাকে দড়ি দিয়ে রাস্তার মাঝখান দিয়ে টেনে নিয়ে যাবার অধিকার যদি মেয়ের হাতে তুলে' দাও ত বাস—ছোশা ঠকুর খেয়ে শেষে গোন্ধর গাড়ী চাপা পড়তেই হবে।

বুদ্ধিরও ঠিক সেই দশা। নিজের সঙ্গে যদি একটা পাকাপাকি বোঝাপড়া থাকে, তুমি কি' চাও তা যদি ঠিক জান, তাহ'লে বুদ্ধি তোমার অভীষ্ট খুঁজে পাবার রাস্তা বাৎলে দেবে, নানা রকম সংপরাশর্ম দেবে। আর তোমার নিজের গোড়ার যদি গলদ থাকে, নিজের স্বভাব যদি না চেন, দীন হীন কাকালের মত যদি বুদ্ধির কাছে গিয়ে বল—“অগ্নি শুভে, আমি কি' চাই আমাকে বলে' দাও, চাওয়া উচিত কি না জানিয়ে দাও”—তাহ'লে বুদ্ধি তোমাকে বাঁদর-নাচ নাচিয়ে নিয়ে বেড়াবেই বেড়াবে, তোমাকে গাত ঘাটের জল খাইয়ে শেষে কাজের বার করে' ছেড়ে দেবে।

আমাদের কাজের প্রেরণা আসে আমাদের স্বভাব থেকে; বুদ্ধির ধর্ম হচ্ছে সেই প্রেরণার সুমুখে খানিকটা আলো ধরা, যাতে অন্ধ ভ্রাস্রাসে কাজ সিদ্ধ হয়। প্রেরণা আসা উচিত কি না, এ নিয়ে যদি বুদ্ধি তর্ক তুলতে চায় তাহ'লে বুদ্ধির কান মলে দেওয়া উচিত, আর বেশ করে' তাকে বুঝিয়ে দেওয়া উচিত যে, সে আমাদের প্রভু নয়, অন্তরঙ্গ নয়—কাজ করার যন্ত্র মাত্র।

তোমরা ভাবছ হঠাৎ আমার তত্ত্বকথার উৎস খুলে' গেল কেন? সত্যি কথা বলছি, ‘ইংলিশ-ম্যানের’ স্তম্ভে স্মেরিগী-বুদ্ধি বিপিন বাবুকে কি নাচ নাচাচ্ছে, তাই দেখে-শুনে। বিপিন বাবু লিখেছেন—“To throw all reasons and logic overboard in thinking about one's duties under some impulse or passion, whatever may be the object of this impulse or passion, is to commit violence to thought.” অর্থাৎ যুক্তিতর্ক না মেনে শুধু একটা ভাবের বা অন্তরের প্রেরণার উপর নির্ভর করে' যদি কর্তব্য স্থির করা যায়, তাহ'লে বুদ্ধির উপর অত্যাচার করা হয়। আমরা বলি—না, তা নয়, ওটা বুদ্ধির উপর অত্যাচার নয়, বুদ্ধিকে আঁকল দেওয়া, বুদ্ধিকে নিজের জায়গা চিনিয়ে দেওয়া।

মানুষের স্নেহ-সুখাতুর প্রাণ যখন ছেলেকে আদর করার জন্যে চঞ্চল হয়ে ওঠে, তখন বিপিন বাবুর মতে মানুষের উচিত ভ্রামশাস্ত্র খুলে' বিচার করতে বসা যে, ছেলেকে আদর করা কর্তব্য কি অকর্তব্য! মানুষের যখন মলমূত্র ত্যাগের বেগ আসবে, তখন তাড়াতাড়ি আবেগ ভরে তা না করে' বোধ হয় আশ' ধটা বসে' বসে' বিচার করা উচিত যে, এ কার্য করলে বুদ্ধির উপর অত্যাচার হবে কি না।

আসল কথা হচ্ছে এই যে, আমাদের অন্তরের প্রেরণা যখন বুদ্ধির উপর থেকে আসে, তখন বুদ্ধির কাজ সেই প্রেরণাকে কাজে পরিণত হবার জন্তে যথা সম্ভব সাহায্য করা, রাস্তা দেখিয়ে দেওয়া; তার উপর মোড়লী করতে যাওয়া নয়। মাহুঘের অন্তরে স্বাধীনতা উপলব্ধি করবার যে আবেগ আছে, তার উৎস বুদ্ধির রাজ্যের বাইরে। ও স্বতঃস্ফূর্ত প্রেরণা বিচারের জিনিষ নয়। যার মনে সে স্বাধীনতার আকাঙ্ক্ষা দেখা দেয়, সে বুদ্ধির কাছে গিয়ে তার দর বাচাই করতে যায় না। আপনার মহিহার সে প্রতিষ্ঠিত; বেণের হিসাবের সে কোনো ধার ধারে না।

সুরেন্দ্র নাথ যখন যুবাপুরুষ ছিলেন, প্রাণে যখন নবীন আশা, নবীন উত্তম ছিল, তখন তিনি দেশকে স্বাধীন করবার স্বপ্ন দেখতেন। তাঁর মুখ দিয়ে যে সমস্ত যুক্তি বার হ'ত, তা সেই নবীন আশা-আকাঙ্ক্ষারই অঙ্গুযায়ী। তারপর যখন বড়ো বয়সে সে সব আকাঙ্ক্ষা শুকিয়ে গেল, তখন সঙ্গে সঙ্গে সে সমস্ত যুক্তিও তিনি ভুলে' গেলেন। ১৯০৫ খৃষ্টাব্দে যখন বিপিন বাবু দেশকে তোলপাড় করে' তুলেছিলেন, তখন বেশ যেমন পরাধীন ছিল, এখনও ঠিক তাই। বিপিন বাবু এখন বদলে গেছেন, আর সঙ্গে সঙ্গে সে সব পুরোণো যুক্তির সারবস্তা তিনি দেখতে পান না। অথচ তখনও তিনি লজিকের দোহাই দিতেন, এখনও দেন। কারণটা কি?—কারণ এই যে, লজিকের নিজের কোনো রং নেই, যার হাতে লজিক পড়ে, তিনি তাঁর অন্তরের রং দিয়ে লজিককে রঙীন করে' তোলেন।

দেশের লোকের প্রাণ অতিষ্ঠ হয়ে উঠেছে; তারা পুরোপুরি স্বাধীনতা চায়—এইটাই গোড়ার সত্য; তার সঙ্গে যুক্তি তর্কের কোনো সম্বন্ধ নেই। কি করে' সেই স্বাধীনতা পাবার শক্তি অর্জন করতে হবে, কি করলে অতীষ্ট সিদ্ধ হবে, এইগুলো স্থির করার পক্ষে লজিক সাহায্য করতে পারে। স্বাধীনতা চওয়া উচিত কি না—স্বাধীনতার দর কি—এসব প্রশ্ন যদি লজিক ওঠাতে যায়; তা'হলে বলতে হবে—“বাবা লজিক, তুমি ঘরের ছেলে ঘরে ফিরে যাও; ভেঁপোমি কোরো না।”

অনন্ত লীলা

সেকালে দেশের ইংরেজী-জানা দল যখন কংগ্রেস করেছিলেন, তখন কর্তারা বলতেন—“ও! তোমরা ত সংখ্যায় আড়াই জন; দেশের কে-বা তোমাদের চেনে, কে-বা তোমাদের ধার ধারে? তোমাদের কথা শুনে যদি দেশকে স্বায়ত্ত-শাসন দিয়ে ফেলি, তা'হলে আমাদের আশ্রিত চাষ-ভূষা-কুলি-মজুরের দলকে তোমরা চেপে ঘেরে ফেলবে। ও-সব রাজতন্ত্র প্রজাকে ত আমরা ছাড়তে পারি নে।”

স্বায়ত্ত-শাসন না-দেবার তখন সেইটাই ছিল প্রধান যুক্তি।

আর আজ যখন রাস্তার কুলি-মজুর পর্যন্ত মনের কথা খুলে বলতে আরম্ভ করেছে, তখন কর্তারা বলছেন—“আরে ছাঃ! ওরা ত কুলি-মজুর, ওরা কি বোঝে? দেশের যত ভাল ভাল লোক, যত গণ্যমান্ন সত্যভব্য থা-বাহাদুর, রায়-বাহাদুর, থা-সাহেব আর রায়-সাহেব, সবাই আমাদের দিকে। এরা এক একজন বিশ্বের জাহাজ, বুদ্ধির বৃহস্পতি—এঁদের কথা শুনবো, না কুলি-মজুরদের কথা শুনবো?”

অতএব স্বায়ত্ত-শাসনের আবেদন না-মঞ্জুর।

যারা চটে' গিয়ে মনের দুঃখে বা পেটের জ্বালায় বেশ গোটাকতক কড়া কড়া সত্যিকথা শুনিতে দিতে আরম্ভ করলে, কর্তারা তাদের বললেন—“ও লোকগুলো নেহাৎ পাঞ্জি। দেখ, সাত সমুদ্র তের নদী পার হয়ে এসে কত কষ্ট সহ করে' আমরা ওদের রক্ষণাবেক্ষণ করছি, জল খাবার তাঁড়, পরবার কোপীন, গায়ে দেবার ছেঁড়া কাঁথা—কিছুই এদের অভাব রাখিনি, তবু এরা অনর্থক আমাদের গালিগালাজ করবে। খাবে কি? কেন গাছে আমড়া আছে, পাড়ুক আর খাক; মাঠে ঘাস আছে, ছিঁড়ুক আর রাঁধুক। বন জঙ্গল লতায় পাতায় ভরা—খাবার দুঃখ এদের আবার কি? এরা যে চৈচায়, সেটা স্বধু অভ্যাসের দোষে। শাস্তিভঙ্গ করা এদের পেশা। আমরা যদি রাগ করি, দেশ ছেড়ে চলে' যাই, তখন দেখবে একবার তা'মাস। খিবা, বোখারা, গজলী, কান্দাহার থেকে সাত হাত লম্বা আট হাত চওড়া সব জংলিরা এসে এদের একেবারে খোড়কুঁচি করে' ফেলবে।”

যদি বলো—“দোহাই কর্তা, একবার রাগ করে' ঐ তা'মাসটা দেখিয়ে দাও”—তা'হলে কর্তারা

বলেন—“আরে, পাগল হলে নাকি। এরা আমাদের উপর রাগ করেছে বলে’ কি এদের উপর আমরা রাগ করতে পারি? এদের এমনি ভালবেসে ফেলেছি যে, ছাড়তে গেলে মায়ী হয়। আহা, অপোগণ্ড শিশু এরা, আমরা এদের না দেখলে কেইবা দেখে-শুনবে, কেইবা এদের দ্বিফর্ম বিলের গাধার দুধ খাইয়ে মানুষ করবে?”

এই বিশ্বগ্রাসী ভালবাসার চাপে লোকে যখন হাত-পা ছুঁড়তে আরম্ভ করে, তখন কর্তারা বলেন—“আরে ধরো, ধরো; এরা পাগল হয়েছে। বাবা সার্জেন্ট, বাবা কনেষ্টবল, এদের আলিপূরের হাসপাতালে নিয়ে গিয়ে একটু ঠাণ্ডা দাওরাই লাগাবার ব্যবস্থা করে’ দাও। ওখানে জ্বরগা না হয় খিদিরপুরে নিয়ে যেতে পার। দরকার হলে ঘাড় ফুঁড়ে দিয়ে একটু রক্তমোক্ষণ করতেও ভুলো না। মোটকথা চিকিৎসার যেন ক্রটি না হয়।”

যাঁরা এদিক-ওদিক দুদিক রেখে কর্তাদের সঙ্গে একটা রফা করতে চান, কর্তারা তাঁদের বলেন,—“আরে, আমরাও তাই চাই। তোমাদের এ বোঝা বহিতে আর আমরা পারি নে। ঘর সর্বস্ব সবই তোমাদের, আমাদের হাতে শুধু চাবিটি বৈ ত নয়। তোমরা মানুষ হয়ে ওঠ; তারপর একটা ভাল দিন দেখে তোমাদের হাতে চাবিটি দিয়ে দেবো।” এই নাবালকের দল মাঝে মাঝে কর্তাদের দরজায় হাজির হয়ে বলেন—“কর্তা গো, দেখ দেখি, আমরা মানুষ হয়েছি কি না?” কর্তারা ঘাড় নেড়ে, মাথা চলে বলেন—“হঁ, গোপের দেখা দেখা দিয়েছে বটে, কিন্তু হাড় এখনো শক্ত হয়নি। এই বিপুল রাজ্যভার এখনি তোমাদের মাথায় চাপিয়ে দিয়ে শেষে কি তোমাদের বিপদে ফেলবো? জানই ত আমাদের কি রকম দয়ার শরীর।”

দেশস্বল্প লোক ভাবতে বসে’ গেছে—“তাই ত, করা যায় কি? কর্তাদের যে বুঝিয়ে ওঠা যাচ্ছে না।” কেউ কাঁদছে, কেউ রাগছে, কেউ অভিমান করে’ মুখ ফিরিয়ে বসে’ আছে, কেউবা দেবতার দরজায় মাথা খুঁড়তে লেগে গেছে; কিন্তু তারা যে মানুষ হয়েছে, তা প্রমাণ করবার যা প্রকৃষ্ট পন্থা, তা কেউ ধরছে না; যে যুক্তির উপর আর কোনো শক্তি চলে না, তা কারও মাথায় আসতে না; এ সোজা কথাটা কেউ বুঝবে না যে কর্তারা কাজের লোক, কাজ চান, কথা চান না।

আমরা কিন্তু কর্তাদের তারিফ না করে’ থাকতে পারি না। মনে মনে কেবল বলটি—

“সাবাস কর্তা, সাবাস। চাল তো চালছো ভাল, কিন্তু দেখো যেন তোমার শাস্তিপর্কের আরোজন শেষে উদ্ভোগপর্কে দাঁড়িয়ে না যায়।

কিস্তি ও মাং

ফরাসী দেশের একজন রাজাকে তাঁর মন্ত্রী পরামর্শ দিয়েছিলেন—“Do what the people wish, but punish them for wishing it.”—লোকে যা বাইচে তাই কর, কিন্তু তারা চাইচে বলে’ আগে তাদের খুব ঠাণ্ডাও। রাজা, তাঁর ছেলে, তাঁর নাতি, তন্তু ছেলে, তন্তু নাতি—সবাই সে কথাটা বংশ পরম্পরক্রমে মেনে এসেছিলেন। কিন্তু শেষে একদিন দেখলেন যে, রাজার মুকুট ধুলোর পড়ে’ নুটুচ্ছে, আর রাজা-রাণীর কাটা মাথা গিলোটিনের তলার গড়াগড়ি যাচ্ছে।

কিন্তু মজার কথা এই যে, রাজা বা রাজার জাত কেউ দেখে শেঁখে না, ঠেকে শিখতে চায়। কিন্তু যখন ঠেকে তখন প্রায়ই শেখবার আর অবসর থাকে না—একেবারে যাত্রা বদলে আসতে হয়। ফরাসী, ক্রিয়া, জার্মানী, অষ্ট্রিয়া প্রজার সঙ্গে সংঘর্ষে সব দেশের রাজারই ঐ দশা হয়েছে। তবু রাজার জাত, বেড়ালের জাত—আড়াই পা যেতে-না-যেতেই সব ভুলে যায়। প্রজাকে লাঠিপেটা করে’ শিখা করবার লোভ কেউই ছাড়তে পারে না। সবাই ভুলে যায় যে, হাতের লাঠি ঠিক লক্ষ্মীর মতই চঞ্চল।

লাঠি কচ্ছন যখন বীরত্ব করে’ বাংলা দেশ দু’ভাগ করে’ দিয়েছিলেন, তখন লোকে অনেক অমুনয় বিনয় করে’ বলেছিল—“কর্তা, ও-কর্মটি কোরো না।” কর্তা চোখ রাঙ্গিয়ে বলেছিলেন—“হটু বাও কালা বাঙ্গালী। তোমাদের কথা শুনে আমি রাজ্য চালাতে আসিনি।” বজ্রভঙ্গ যখন হয়ে গেল, তখন মডারেটদের ধর্মপিতা মাড্রোনের প্রিয় শিষ্য মর্গিও বলেছিলেন—“ওটা settled fact, এটা আর রদ করা চলে না।”

আমাদের স্মরেন বাবু তখন চৌবট্টা হাজারের মারায় কাৎ হয়ে পড়েননি। তিনিও সে সময় রাগের মুখে একটা বজ্রতায় বলেছিলেন—“আমি ইংরেজকে বেশ ভাল করেই চিনি। দু’হাতে

ইংরেজের পায়ে ধরলে কিছু হবে না। একটা হাত দিয়ে তার গলাটা একটু টিপে ধরো।” বড়োর পরে আর সেদিন ছিল না। গলার হাত আবার পায়ে নেমেছিল; কিন্তু দেশের লোক তাঁর সেই কথাটা মেনে নিরেছিল। এমনকি অনেকে ছোটো হাতই গলার দেবার প্রস্তাব করেছিল।

দলে দলে লোক জেলে গেল। পুলিশের গুঁতো, গুঁথার সজীন, সবই কাজে লাগলো। এদিকে মাথাও যেমন ফাটতে লাগলো, অপর দিকে বোমাও তেমন ফাটতে লাগলো। এই ফাটাফাটির মাঝখানে ভাঙ্গা বাংলা জোড়া লেগে গেল। লাট মর্লি যিনি কিছুদিন আগে দুরবীন দিয়ে দেখেও ভারতে one man rule ছাড়া আর কিছু দেখতে পাননি, তাঁরও হঠাৎ দৃষ্টি খুলে গেল। সেরা প্রমাণ পাবার পর তিনি বললেন—“না, ছিটে ফোটা বা-হোক-কিছু আর না দিলে নয়।” মর্লি-মিটো রিফর্ম সঙ্গে সঙ্গে বেরিয়ে এলো।

কিন্তু চুখিকাঠি, রুমঝুমি নিয়ে খেলা করবার বরস লোকের চল’ গেছে। দেশের লোকের মনে সেই যে আশুন লেগেছিল, তা আর নিভলো না। লড়ায়ের তাপে ইউরোপে যখন রাজার পর রাজার সোনার মুকুট গলে’ যেতে লাগলো, এ দেশেও যখন হিন্দুর সঙ্গে মুসলমান যোগ দিতে লাগলো, শিক্ষিতের সঙ্গে অশিক্ষিত যোগ দিতে লাগলো, এমনকি দেশী ফৌজের রাজতন্ত্রও যখন সন্দেহের বিষয় হয়ে উঠলো—তখন কর্তারা নানামুখে কাঠহাঙ্গি হেসে বললেন—“লাও আর এক কিস্তি রিফর্ম।”

মডারেটের দল বগল বাজাতে বাজাতে যে বার পুঁতুলি সামলাতে সরে’ পড়লেন। কিন্তু আশ্বনের হলকা বাড়তে বাড়তে বেড়েই চললো। রিফর্ম বিলের শাস্তি-জ্বলের ছিটের তা নিভলো না। এ শু ছিটে-ফোটার কথা নয়। এ যে একেবারে গোড়ার কথা নিয়ে টানাটানি পড়েছে। এ দেশ তোমাদের কি আমাদের, সেই কথারই একটা চরম যীমাংসা আজ লোকে চায়। কর্তারা বলেন—“বা দিয়েছি, তাই যথেষ্ট। আর দশটি বছর কেউ কিছু চেয়ে না। আবার যদি চোঁচোঁচি কর, শু আমাদের রক্তমুগ্ধ দেখিয়ে দেবো।”

শাস্ত, শিষ্ট, নিরীহ গুজরাতের এক কোণ থেকে একজন জীর্ণ জীর্ণ তপঃক্লিষ্ট সাধকের মুখ দিয়ে তখন ভারতের ভাগ্যবিধাতা দেশের কানে

অভয়মন্ত্র দিয়ে দিলেন। তিনি বলেন—“বঁচে মরে থাকার চেয়ে মরে বাঁচা অনেক ভাল।”

কর্তারা যা চিরকাল করে’ থাকেন, আজও তাই করলেন। আগে ব্যাপারটাকে হেসে উড়িয়ে দেবার চেষ্টা করলেন; বললেন—“এ সব জনকত ক্যাপাটে লোকের কাজ।” কিন্তু এই ক্যাপামি যখন ছেলেবুড়ো, মেয়েমন্দ, ইতরভদ্র, পুলিশপন্টন সবাইকার মধ্যে ছড়িয়ে পড়বার উপক্রম হলো, তখন তাঁরা বললেন—“লাগাও ডাঙা।” সিভিল গার্ড ছুটলো, সার্জেন্ট ছুটলো, রাইফেল কাঁধে গুঁথি ছুটলো। প্রচণ্ড শাস্তি স্থাপনের ফলে মারামারি হল, লুটপাট হল, গুলিও চললো।

আজ একে একে, দশে দশে, শতর শতর, ক্রমে হাজারে হাজারে ছেলেরা এসে জেল ভর্তি করে’ দিয়েছে। জেলে আর জায়গা নেই বলে’ গুদামও ভর্তি করা আরম্ভ হয়েছে। অসহযোগ নেতাদের সবাই জেলে—বাকি শুধু মাহাত্মা গান্ধী।

অথচ আন্দোলনের বিরাম নেই, উৎসাহ ভয়ের কোনো লক্ষণ নেই। পুলিশ পাহারা, এমনকি মডারেটদের পর্যাস্ত মন টলতে আরম্ভ করছে। তাঁরা একটা একটা রফারফির প্রস্তাব নিয়ে ছুটোছুটি অরম্ভ করেছেন। কর্তাদেরও মনোগত ভাব এই বলে’ মনে হচ্ছে ‘আরও ছুঁচার বা ডাঙা দিয়ে দেখি; তারপর না-হয় এক কিস্তি রিফর্ম দিয়ে দেওয়া যাবে।’

আমরা কর্তাদের বলি—“কিস্তির পর কিস্তি দাও; কিন্তু মাং তোমাদের হতেই হবে।”

বাঘ ও মৃদঙ্গ

সেদিন আমাদের বড়লাট সাহেব বজ্রতার মুখে বলে’ ফেলেছিলেন যে, যারা স্বরাজ চায়, তাদের হয়তো তলোয়ারের বহর দেখিয়ে কেড়ে নিতে হবে, নয় সেলাম হুকতে হুকতে দানস্বরূপ পার্লামেন্টের কাছ থেকে ভিক্ষা মেগে নিতে হবে। তাঁর মনের কথাটা হচ্ছে এই—‘স্বরাজ স্বরাজ করে চোঁচোঁচি কোরো না; ওতে আমাদের মেজাজ খারাপ হয়ে যায়। আপাততঃ চূপচাপ করে’ পড়ে থাকো; যদি দেখি তোমরা আমাদের কথামত উঠছো, বগছো, ফিরছো, তখন খুসী হয়ে পার্লামেন্টের কাছে তোমাদের হয়ে ছোটো কথা

বলে' দিতে পারি। আর তা না করে' তোমরা যদি চোখ রাখাও আর লম্বা লম্বা কথা কও তো হ'সিয়ান—আমাদের গুণী আছে, হাইল্যান্ডার আছে, মসার-রাইকেল আছে, মেসিন গান আছে, উড়ো জাহাজ আছে, আর খুব কড়া বঁকাবল মেজাজ আছে। এ সবের সঙ্গে লড়তে চাও তো —'চলে' এসো মিঞা।'

অনেকদিন আগে, সেই ১৯০৬ খৃষ্টাব্দে যখন প্রথম বরকটের ধুম লেগে যায়, তখন এলাহাবাদের 'পাইওনিয়ার' কাগজখানাও চোখরাঙ্গিয়ে ঠিক এইরকম কথাই বলেছিল। বেশ একটা হুমকি দিয়ে 'পাইওনিয়ার' এ দেশের লোককে জানিয়ে দিয়েছিল যে, যে-সব জাত সাম্রাজ্য গড়ে (Imperial race) তাদের মধ্যে ব্যাভ্রধর্ম (tiger qualities) সুপ্ত হয়ে পড়লেও একেবারে লুপ্ত হয় না। দরকার মত সেই সব শানিত নখদস্তের সম্ব্যবহার করতে তারা কিছুমাত্র ইতস্ততঃ করে না। এই পনের বৎসর ধরে' আমরা সেই ব্যাভ্রধর্মের নমুনা বখেঁট পেয়েছি; আর আজও কলকাতার মোড়ে মোড়ে পাহারাওয়ালার লাঠি আর গুণীর রাইকেলের রূপ ধরে' সেই ব্যাভ্রধর্ম আমাদের মাঝখানে ঘুরে' বেড়াচ্ছে।

আমাদের দেশের লোক বলে—'ভাল রে ভাল, তোমাদের সঙ্গে ভ্রায়-অভ্রায়, ধর্মাদর্ম নিয়ে আমরা বিচার করতে যাই, আর তোমরা সে-সব কথার উত্তর না দিয়ে লাঠির গুঁতোয় ভয় দেখাও কেন? লাঠি কি একটা যুক্তি?'

আসল গোলই হয়েছে সেইখানে। আমাদের দেশের খাতাই ভিন্ন। আমাদের দেশের নবজায়ের পণ্ডিতেরা ছাত্রাঙ্গ রকমের প্রশ্ন আর তিন শ' বত্রিশ রকমের প্রশ্নের সম্বন্ধে চুলচেরা বিচার করে' ছুনিয়ার সব তত্ত্বের একটা হেস্তনেস্ত মীমাংসা করে' গেছেন, কিন্তু ইংরেজের জায়শাস্ত্র একটু অস্ত্র রকমের। ইংরেজ যখন তার রাজ্যের কাছে কিছু চাইতে গেছে, তখন অধু মুখের যুক্তির উপর নির্ভর করে' নিশ্চিন্ত হয়নি। 'ম্যাগনা কার্টা'ই বলে। আর 'বিল অব রাইটস'ই বলে, ইংরেজকে সবই আদায় করতে হয়েছে লাঠি ঠাঙ্গার জোরে। কাজেই আমরা যখন পড়ে পড়ে মার খাই আর জিজ্ঞাসা করি যে, লাঠিটা কি একটা যুক্তি, তখন সে আমাদের কথা মোটেই বুঝতে পারে না। সে ভাবে—'এরা আবার কি রকম জীব? আমরা যাকে যুক্তি বলি, ইংরেজের কাছে তা অধু-মুখের কথা।'

এই আয়র্লণ্ডের ব্যাপারটাই দেখোনা। পার্লেমেন্টার লোকদের বললেন—'তোমরা লাঠিসোটা ছাড়, আমি ইংরেজকে বুঝিয়ে সুঝিয়ে হোমরুল আদায় করে' দেবো।' পার্লামেন্টে বক্তৃতার ধুম পড়ে' গেলো; বুড়ো মন্ত্রী গ্লাডষ্টোন আইরিশদের স্বপক্ষে চেষ্টিয়ে চেষ্টিয়ে গলা ভেঙে ফেললেন। ইংলণ্ডের লোক সব কথা শুনলে; তারপর জিজ্ঞাসা করলেন—'তা তো হলো; কিন্তু যুক্তি কই?' রেডমণ্ড এসে আবার চেষ্টাতে লাগলেন, কিন্তু ইংলণ্ডের লোক বাড় নেড়ে বললেন—'উহু, ও ঠিক যুক্তি হলো না।' তখন ডি ভ্যালেরা, গ্রিফিথ আর মাইকেল কলিলের দল মিলে তিন-চার বছর ধরে' এমন যুক্তি শুনিতে দিলে যে, ইংলণ্ডকে বলতে হলো—'বাস্ বাস্। বৎস, আর যুক্তি চাইনে, তোমরা কি বর চাও তা বলো।' ইংলণ্ডে আয়র্লণ্ডে একটা বোঝাপড়া হয়ে গেল। যে মাইকেল কলিলকে ইংলণ্ড ছু দিন আগে খুনে, ফাঁসুড়ে, ডাকাত বলে' সম্ভাষণ করেছিলেন, যে মাইকেল কলিলকে ধরে' দেবার জন্তে পুরস্কার ঘোষণা করা হয়েছিল, সেই মাইকেল কলিলের হাতে হাসিমুখে ডাবলিন কাসল সঁপে দিয়ে ইংলণ্ড বললেন—'তোমরা মনের সুখে ঘরকন্না করো; আমরা তা'হলে এখন বিদায় হই।'

আমাদের দেশের লোক এসব ব্যাপার কাগজে পড়ে আর হাঁ করে' আকাশ পানে তাকিয়ে বলে—'প্রভু তোমারি ইচ্ছা। আমরা এতদিন মিল, মর্নি, মেকলে আউড়ে বেড়ালুম, এত ভালো ভালো নীতিকথা, তত্ত্বকথা মুখস্থ করলুম, সে সব ভস্মে যি ঢালা হয়ে গেল? লাঠির যুক্তিটা কি সত্যই এত বড় যুক্তি?'

আমাদের দেশের লোকের মন এ কথায় সায় দিতে চায় না। এটা আমাদের শিক্ষা, দীক্ষা, সংস্কারের বিকল। মানুষের মধ্যে যদি পশুও থাকে ত আমরা সে পশুকে পোষ মানাতে চাই। তাই, ভাগবতকথা শুনিতে বাঘের হবিষ্যানে রুচি করান যায় কি না, বাঘের একদিন মুদ্রক বাজিয়ে হরি সঙ্কীর্ণনে ষোণ দেবার সম্ভাবনা আছে কি না—এই পরীক্ষা আমাদের দেশে আরম্ভ হয়েছে। এ পরীক্ষা যদি সফল হয় ত স্বীকার করতেই হবে যে, এ দেশ জগতে একটা নতুন যুগ নিয়ে এলো।

গুরু মহারাজ কী জয়

আজ উর্কবাহ হয়ে প্রাণভরে' বলো—গুরু
মহারাজ কী জয়। আজ দিগন্ত কাঁপিয়ে বলো—

“নাহি আর ভয়, নাহি সংশয়
নাহি আর আশু পিছু
পেয়েছি সত্য, লভিয়াছি পথ
সরিয়া দাঁড়ায় সকল জগৎ
নাহি তার কাছে জীবন মরণ
নাই নাই আর কিছু।”

হাজার বৎসর ধরে' যারা অহল্যার মতো
পাষণ্ডরূপে পরিণত হয়েছিল, নবজীবনের আনন্দে
তারা চঞ্চল হয়ে উঠেছে; মরণের ভয়ে যারা
ঘরের কোণে একদিন লুকিয়েছিল, মুক্তির পূর্বস্বাদ
পেয়ে আজ তারা মৃত্যুঞ্জয়ী হয়ে উঠেছে; যৌবনে
যারা জরায় ভয়ে আড়ং হয়েছিল, আজ তারা
বার্ষিকের মুখোস ফেলে দিয়েছে; মৃত্যুকে যারা
শাস্তি ভ্রমে আলিঙ্গন করতে গিয়েছিল, আজ তারা
অশান্ত হয়ে উঠেছে; মরণকে জীবনের শেষ ভেবে
যারা এতদিন নিষ্পন্ন হয়ে পড়েছিল, মৃত্যুর মধ্যে
অমৃতের আনন্দ পেয়ে আজ তারা মৃত্যুলোভী হয়ে
দাঁড়িয়েছে; নিজেদের দুর্বল, অসহায় ভেবে যারা
পরের পায়ের তলায় পড়েছিল, আজ তারা
নিজেদের পায়ের ভর দিয়ে দাঁড়িয়ে উঠেছে, কোন্
অশ্রুতপূর্ব আশার বাণী আজ হতাশের প্রাণে
আশার সঞ্চার করেছে; মুকের মুখে আজ ভাষা
ফুটেছে; হাজার বৎসরের পঙ্কু আজ গিরি লজ্জন
করতে উত্তত হয়েছে। তাই বলো একবার—গুরু
মহারাজ কী জয়।

আত্মবিশ্বস্ত দাস আজ আপনার ঐশ্বর্যের সন্ধান
পেয়েছে—আজ তাই মৃত্যু তার পদানত, চিত্ত তার
বিস্ফোভহীন। রাজারও যিনি রাজা, মরণও যার
ভয়ে ভীত, ভয়ানকেরও যিনি ভয়স্বরূপ, তাঁর
অভয়-মুর্তি আজ যাদের চিত্তপটে ফুটে উঠেছে—
কোন্ পাহারামালার লাঠি, কোন্ সার্জেন্টের
ব্যাটন, কোন্ গুপ্তার রাইফেল আজ তাদের মুক্তির
গভিরোধ করবে? বিশ্বাস যে আপনাকে প্রসারিত
করে' দিয়েছে, কোন্ কারাগৃহ আজ তাকে আবদ্ধ
করবে? মরণের মাঝে যে জীবনের প্রসার দেখতে
পেয়েছে, কোন্ দাতক আজ তাকে ফাসিকাঠে
ঝুলিয়ে মারতে পারবে?

আকাশে বাতাসে আজ শুধু এই কথাই
ধ্বনিত হচ্ছে—ভয় নাই, ভয় নাই। অভয়-বাণী

লোকের প্রাণে প্রাণে শুধু এই কথাই বলে' যাচ্ছে
—যদি আপনাকে পেতে চাও তো আপনাকে
ভোলো, যদি আপনাকে ধরতে চাও তো আপনাকে
ছাড়ো, যদি আপনাকে বাঁচাতে চাও তো আপনাকে
মারো। শিশু আজ তাই মায়ের কোল ছেড়ে
ছুটেছে, যুবক আজ তাই স্ত্রীশয্যা তুলেছে, বৃদ্ধ
আজ তাই নবীন অরুণালোকের আশায় চক্ষু মেলে
চেয়েছে। ভবিষ্যতের আলো আজ বর্তমানের
উপর এসে পড়েছে, তাই সবারই কণ্ঠে শুধু একই
ধ্বনি—গুরু মহারাজ কী জয়।

অসম্ভবকে তুমি সম্ভব কর, নর্পিতকে তুমি হীন
কর, দীনকে নির্ধাত্যিতকে তুমি আশ্রয়দান কর,
দুঃস্থকে তুমি দমন কর, দীনকে তুমি রাজ-স্রীতে
যুক্ত কর—তাই ওগো ভারতের ভাগ্যবিধাতা।
আজ কণ্ঠে তোমার জয়ধ্বনি কাঁপিয়ে তুলেছে।
কিন্তু আজও কি তোমার যোগনিদ্রা ভাঙ্গবার সময়
হয়নি? গঙ্গা, যমুনা, গোদাবরী, ঈন্ডু, কাবেরীর
কূল ঘিরে' আজ আবার ভক্ত-দেহের রক্ত-স্রবী
তোমার পদযুগলের উদ্দেশে ছুটতে আরম্ভ করেছে
—আজও কি তোমার আত্মপ্রকাশের দিন
আগেনি? ভয় ভাবনাহীন চিন্তে আজ আবার
সহস্র সহস্র বীর তোমার পদপ্রান্তে সহস্র সহস্র শির
ডালি দিতে এসেছে, তুমি তাদের ভক্তির উপহার
গ্রহণ করবে না? অমৃত প্রাণের কাতর বেদনা
কি আজও তোমার প্রাণ ব্যথিত করে' তোলেনি?

আজ এস, তুমি এস। আত্মভোলা, গৃহহারা
লাহিতের দলকে তোমার রুদ্র পতাকার নীচে
ডেকে নাও। অহঙ্কারে অন্ধ হয়ে যারা মানুষকে
কৃমিকীটের মত তুচ্ছ মনে করে, সেই নর্পিতদের
জানিয়ে দাও যে, অবমানিতের কাতর ক্রন্দন
তোমারই বুকে জমাট হয়ে উঠেছে। শত হৃদয়ের
ক্ষটিকস্তম্ভের উপর যারা অবজ্ঞাতরে পদাঘাত
করেছে, তাদের দেখিয়ে দাও যে, সে ক্ষটিকস্তম্ভের
মধ্যে তোমারই নরসিংহমূর্তি বিস্তমান। বালক
প্রহ্লাদের মুখের জয়ধ্বনিতে আজ কারাগৃহ মুগ্ধিত;
লাহিতা দ্রোণদী আজ তোমারই শরণ-প্রার্থিনী;
লৌহ-শৃঙ্খলিত বন্দুদেব-দেবকী আজ কংস-কারাগারে
পাষণ্ডতার বুকে ধরে' তোমারই আশাপথ চেয়ে
পড়ে' আছে। নাগরিকেরা আজ বাটে, মাঠে,
রাজপথে শত নির্ঘাতন সহ করে' শুধু বলছে—গুরু
মহারাজ কী জয়।—হে জগদগুরু। আজ আগো।
তুমি আগো।

ডাকের মত ডাক

গুরু গোবিন্দ একদিন চুপ করে' বসেছিলেন, এমন সময় দুইবর্ষী গ্রাম থেকে তাঁর জনকতক শিষ্য কাদতে কাদতে উপস্থিত হল। তিনি তাদের কাছে বসিয়ে সম্মুখে জিজ্ঞাসা করলেন—“তোমরা কাদছ কেন? তোমাদের কি হয়েছে?” তারা উত্তর দিলে “মহারাজ! অনেক দিনের যত্নে সঞ্চিত উপহার আমরা আপনার জন্তে আনছিলাম, রাস্তায় যোগলরা তা আমাদের মেয়ে কেড়ে নিয়েছে।” গুরু সবিস্ময়ে জিজ্ঞাসা করলেন—“তোমরা বাধা দিলে না কেন?” তারা বললে—“মহারাজ! আমরা দুর্বল হীন জাতি; কেউবা জাঠ, কেউবা জোলা। আমরা কি করে' যোগলদের সঙ্গে লড়াই? তাদের প্রকাণ্ড প্রকাণ্ড চেহারা, প্রকাণ্ড প্রকাণ্ড সোঁফদাড়ি, দেখলেই আমাদের ভয় হয়। আমাদের কারো নাম লালু, কারো নাম পাঁচু; আর তাদের যতবড় চেহারা, ততবড় নাম। আমরা কি এদের সঙ্গে লড়াইতে পারি?”

গুরু সিংহের মত গর্জন করে' দাঁড়িয়ে উঠলেন। বললেন—“আমার শিষ্য আর কেউ লালু-পাঁচু থাকবে না। আজ থেকে আমার নাম গোবিন্দ রায় নম্র; আজ থেকে আমার নাম গোবিন্দ সিংহ; আর তোমাদের সকলেরই উপাধি আজ থেকে সিংহ। যারা এতদিন পর্যন্ত জাঠ, জোলা, চামার ছিলে, আজ থেকে তারা নিজেদের গোবিন্দ সিংহের স্বজাতি বলেই জেনে। চড়াই পাখী দিয়ে যদি আমি বাজ শিকার করতে পারি, তোমাদের দিয়ে যদি যোগল রাজ্য ধ্বংস করতে পারি, তবেই আমার গোবিন্দ সিংহ নাম সার্থক হবে।”

সেই জাঠ, চামার, জোলার বংশধরেরাই একদিন দিল্লীর সিংহাসন কাঁপিয়ে তুলেছিল। যারা নিজেদের হীন, দুর্বল ভেবে ভেবে যথার্থই হীন, দুর্বল হয়ে পড়েছিল, গুরু গোবিন্দের কৃপায় তারা মৃত্যুভয় জয় করে' ভারতের ইতিহাসে অমর হয়ে গেছে।

এটা নতুন প্রথা নয়। যখনই এই দেশে ধর্মের মানি উপস্থিত হয়েছে, দেশে ক্রিয় শক্তির অভাবে সমাজ অত্যাচারে আকুল হয়ে উঠেছে, তখনই এ দেশের মহাপুরুষেরা সমাজের নিয়ন্তর থেকে নতুন ক্রিয়ের সৃষ্টি করে' সমাজরক্ষার ব্যবস্থা করেছেন। পরশুরাম যে খৃষ্টজাতির সাহায্যে দর্পিত, ধর্মভ্রষ্ট ক্রিয়ীদের দমন করেন, তাদের বংশধরেরা আজ-

কালের নবশায়ক বা নবশাখ। সেকালের সূর্য্যবংশী, চন্দ্রবংশী ক্রিয় যখন লোপ পেয়ে গিয়েছিল, তারভবর্ষ যখন শক, হন, পারদর্শের পায়ের তলায় পড়েছিল, তখন নিয়জাতিকে সংস্কারপূত করেই নতুন অগ্নিকুল ক্রিয়ের সৃষ্টি করা হয়েছিল।

আজ যারা এই নির্বীৰ্য্য সমাজের মধ্যে প্রাণ প্রতিষ্ঠা করতে চান, তাঁদের ঐ নিয়ন্তরের দিকেই লক্ষ্য করতে হবে। যারা আমাদের সঙ্গে এক পংক্তিতে বসতে সাহস করে না, আজ যদি আমরা বাঁচতে চাই ত তাদের কোলে তুলে নিতে হবে। যাদের হীন, অস্পৃশ্য বলে' সমাজের প্রান্তভাগে স্থান নির্দেশ করে' দিয়েছি, পা দিয়ে তাদের ছুঁলে আজ আমরা অপবিত্র হয়ে যাই, তাদেরই সংস্পর্শে আজ আমাদের পবিত্র হয়ে উঠতে হবে। অপরকে মানুষ হবার অধিকার দিয়ে আজ আমাদের মানুষ হতে হবে।

আজ যারা মুক্তিযুদ্ধের উপাসক, পরের বন্ধন কেটে দেওয়ারই আজ তাদের প্রথম ও প্রধান কাজ। যারা সহস্র বৎসর ধরে' উপেক্ষিত হয়ে এসেছে, আশায় যদি তাদের বুক ভরে' না দিতে পার, অসাড় বাহুতে যদি তাদের শক্তিসঞ্চার না করতে পার, প্রেমের বলে যদি তাদের আপন অঙ্গের অঙ্গীভূত না করতে পার, তবে এ জাতীয়-যজ্ঞের অগ্নি ধূমেই পরিণত হবে।

দেশের আজ যে দুঃবস্থা, তার মূলে বিদ্যার, বুদ্ধির বা culture-এর অভাব ততটা নয়, যতটা সমবেদনা বা তীব্র ইচ্ছাশক্তির অভাব। পুঁথি বগলে করে' কলেজে গিয়ে বা দার্শনিক গবেষণা করে' এ দুঃবস্থা ঘূচবে না। চাই সেই মহাপ্রাণ বা অপরের দুঃখে কাতর হয়ে উঠবে, চাই সেই অদম্য অপরাধের আকাজক্ষা বা সমস্ত বাধাবিঘ্ন ধূলিসাৎ করে' দেবে। চাই প্রাণবন্ত সজীব মানুষ, যারা অন্তরের ডাকে সাড়া দিতে ষিষ্যবোধ করবে না, দীন হীন কাকালকে বকে আঁকাড়ে ধরতে যাদের মনে সঙ্কোচের উদয় হবে না, বড় বড় কথার আবরণ দিয়ে যারা নিজেদের সঙ্গীর্ণতাকে ঢাকবে না। চাই সেই আত্মভোলা কর্মীর দল, স্বর্গের সুধার চেয়ে যাদের কাছে মর্ত্যলোকের হল্লাহলই বেশী মধুর, মরণ যাদের ভয়ে ভীত, দুঃখ যাদের দুঃখ দিতে না পেরে লজ্জাবনত।

কোথায় তারা, যারা নিজেদের বোল আনা ছেড়ে দিয়ে পরের বোল আনা পেতে চায়, যারা নিজেদের নিঃশেষ করে' দিয়ে নিজেদের পূর্ণরূপ

দেখিতে চায়, যারা নির্ভীক চিন্তে বলতে পারবে—

“আমার জীবনে জড়িয়া জীবন
জাগরে সকল দেশ।”

বাংলার নবজীবন

বিশ বৎসর আগে পর্যন্ত স্বাধীনতার কথা বললে বাঙ্গালীর ছেলেরা হেসে সের্গ-কথা উড়িয়ে দিত। দেশের যে স্বাধীন হওয়া দরকার বা স্বাধীন হওয়া সম্ভবপর, এ-কথা তাবতে তাদের মাথা ঘুরে যেত। চীনে বক্সার-বিদ্রোহের সময় একজন লাপানী সেনাপতি একজন বাঙ্গালী যুবককে জিজ্ঞাসা করেছিলেন, “তোমাদের দেশ স্বাধীন হবে কবে?” যুবক উত্তর দিয়েছিল—“স্বাধীন। কই, সে-কথা ত আমরা কখনো ভাবিনি।” দেশের পেশাদারী রাজনৈতিক পাণ্ডারা তখন ভালো ভালো ইংরেজী গৎ মুখস্থ করে বাহবা নিয়ে বেড়াতেন। দু’শ কি একশ বৎসর পরে যখন আমরা ভাবায়, তবে ও আচারে-ব্যবহারে ফিরিজিস্তানের একটা নকল সংস্করণ হয়ে উঠতে পারব, তখন আমাদের দণ্ডমুণ্ডের কর্তারা ঔপনিবেশিক স্বায়ত্তশাসন বা ঐ রকম একটা কিছু আমাদের বখসিস করে দেবেন—এই আশ্রয় ও আনন্দে আমাদের পাণ্ডারা মগন হইয়া থাকতেন। সে কালের ভালো ভালো ছেলেরা বিলেতে গিয়ে I. C. S. হতে পারলেই নিজের জন্ম সার্থক মনে করত। অতাবপক্ষে বাপ-পিতামহের রাজতন্ত্রের দোহাই দিয়ে একটি ডেপুটিগিরি বাগাবার চেষ্টায় ফিরত। লাট সাহেবের দরবারে মাঝে মাঝে যে রাজনীতির গ্রহসন হত, তা ব্যঙ্গকাব্যের মালমসলা জোগাত মাত্র। ভারত-উদ্ধারের কথা তখন একটা উদ্ভট কল্পনা মাত্র বলে গণ্য হত।

একটা মোহের আবরণ এসে আমাদের অতীত ইতিহাস আমাদের চোখ হতে অপসারিত করে দিয়েছিল। নিজের জাতকে আমরা চিনতাম না, বুঝতাম না। কলেজপাঠ্য ইতিহাসে বা পড়তাম তা শুধু আত্মগোষ্ঠীর কথা, ভীষ্মতার কথা, কাণ্ডবতার কথা। চোখের সামনে বা দেখতাম তাও শুধু তোতানোদের ছবি, দুর্বলতার ছবি। স্বদেশ-প্রেমের কথা বলতে গেলে আমাদের তখন মহারাত্রি

হতে শিবাজী বা পঞ্জাব হতে গুরুগোবিন্দকে বার করে নিয়ে আসতে হত।

তারপর একদিন সাত শ’ বছরের অন্ধকার ভেদ করে বাংলার আকাশে বিদ্যুৎ চমকাল। বাঙ্গালীর ছেলে বুঝলে যে এতদিন পরে তাদের ডাক এসেছে। রামমোহন, বঙ্কিমচন্দ্র, ভূদেব, রাজনারায়ণ, বিবেকানন্দের তপস্যা বুঝায় যায়নি; জাতীয় জীবনের কোনো নিভৃততম গুহার তা এতদিন নীরবে শক্তিসঞ্চার করছিল।

বাঙ্গালীর ছেলে যেন এই শুভ মুহূর্তের প্রতীক্ষায় এতদিন বৃকে বেদনা ও লাঞ্ছনার ভার নিয়ে পাবাগী অহুগ্যায় মত্ত পড়েছিল। এইবার মহাশক্তির আশীর্বাদী স্পর্শে তার কুজপৃষ্ঠ হুয়াজ্জদেহ সোজা হয়ে গেল। মোহের হুঁসি তার চোখ হতে খসে পড়ল। সে বুঝল যে, এতদিন ধরে দেশে যে রাজনীতির অভিনয় হয়ে এসেছে, তা শুধু কাঙালের আর্দ্রনাদ, দুর্বলের ক্রন্দন, মোহাবিষ্টের দুঃস্বপ্ন মাত্র। যার দেশ নেই, রাজ্য নেই, তার পক্ষে দেশ ও রাজ্য ফিরে পাবার চেষ্টাই একমাত্র রাজনীতি।

সেই আত্মবোধের সঙ্গে সঙ্গে বাংলার হৃদয়ে নবীন বসন্তের আবির্ভাব হল। বাংলার কবির কণ্ঠে দেশের বন্দনা-গান ধ্বনিত হয়ে উঠল, বাঙ্গালীর গ্রাণ আশায় ফুলে উঠল, বাঙ্গালীর শীর্ণবাহুতে বল দেখা দিল। আসন্ন হিমাচলব্যাপী বাংলার সৌন্দর্য ও গৌরব বাঙ্গালীর ছেলেকে মুগ্ধ করে ফেললে। সে বুঝলে যে সেও মানুষ, উন্মুক্ত আকাশের তলায় উচ্চশির হয়ে দাঁড়াবার তারও অধিকার আছে।

পরের পায়ের তলায় নিজের জীবন বিকিয়ে চূপ করে পড়ে থাকতে সে রাজী হইল না। এতদিন যে স্বাধীনতার কথা তাবতেও সাহস করেনি, আজ সেই স্বাধীনতার জন্ত সে স্নেহের বন্ধন, অর্থের মোহ, নাম-বশের লালসা ভুলে ঘরের বার হয়ে পড়ল।

তারপর পনেরো বৎসর কেটে গেছে। বাঙ্গালীর আত্মোদ্ধার ব্রত আজও উদ্বাপিত হয়নি বটে, কিন্তু সে সত্তর লোহার শিকলেও বাঁধা পড়েনি, ফাঁসিকাঠেও তা নিঃশেষ হয়ে যায়নি। গত কয়েক বৎসর ধরে বঙ্কায় পর বঙ্কায় মাথার উপর দিয়ে বয়ে গেছে, কিন্তু বাঙ্গালীর জাতীয় জীবন তাতে লক্ষ্যভ্রষ্ট হয়নি। আজ আর আত্মগোষ্ঠী, বিক্ষোভ ও বিভ্রম এ জাতকে মারতে পারবে না।

মুতসল্লীবনী ভাব-মন্ডাকিনীর অমির প্রবাহ স্পর্শে পরপরলাহিত পতিত জাতি আজ নবজীবনের পূর্বস্বাদ পেয়ে সতেজ ও পুষ্ট হয়ে উঠেছে। যে জাতির গৌরবময় অতীতের বাণী নিত্য কানে বাজে, সে জাতি মরে না; পদস্থলন হতে পারে কিন্তু ধ্বংস হয় না। আজ ভগবানের পাঞ্চজন্ত মুক্তিকাম সাধকের কানে মরণবরণ মন্ত্র ঘোষণা করে' দিয়েছে, আজ গেই মন্ত্রণে বলীয়ান হয়ে সকল-ভোলা, সকল-হারা কর্মীর দল প্রেরণকে ফেলে শ্রেয়ের অন্বেষণে ছুটেছে, বৈরীরোবানলকে অবহেলার হাসিতে তুচ্ছ করে' আপনাদের সর্বস্ব তাতে আহুতি দিচ্ছে—আজ আর এ জাতির আত্মবিশ্বাসি ঘটবার সম্ভাবনা নেই।

আজ চাই শুধু সাহস, ধৈর্য্য আর আত্মবিশ্বাস। এ ব্রত উদযাপিত হবেই হবে, এ সাধনার সিদ্ধি আসবেই আসবে।

মহাত্মার দান

তখন মহাত্মাজীর বিচার চলছিল। তাই সকালবেলা চায়েব কাপ ঘিরে আমাদের দু'চারজন বন্ধু তুমুল তর্ক জুড়ে' দিয়েছেন—‘জাতীয় আন্দোলনে মহাত্মাজীর বিশেষ দান কোনটুকু।’

আমাদের এক নবীন বন্ধু কলেজ ছেড়েই বাড়ীতে চরকা আর তাঁত বসিয়েছিলেন। তিনি অবজ্ঞাভাবে বললেন—‘তোমরা এ নিয়ে কেন যে মাথা ঘামাচ্ছ, তা ত জানিনে। মহাত্মার বিশেষ দান যে চরকা, তা তিনি নিজমুখে হাজারবার বলে' গেছেন। এ সোজা কথাটা গাধাতেও বুঝতে পারে।’

আমাদের এক পুরাণো কংগ্রেসওয়ালা বন্ধু এতক্ষণ নীরবে চা পান করছিলেন। তিনি চায়ের কাপটি নামিয়ে রেখে বললেন—‘গাধাতে বা বুঝতে পারে, মানুষে তা আবার অনেক সময় পারে না।’ এ সময়ে যদি বাংলাদেশে গোটা-কতক স্বদেশী মিল হয়, তা'হলে দুদিন পরে হয়ত পদী পিসির চরকা পদী পিসির হাতে কিরে গিয়ে পৈতা কাটতে থাকবে। আমার ত মনে হয় যে, তাঁর খাটি কাজ হচ্ছে কংগ্রেসটাকে ভেঙ্গে গড়া। আগে ওটা ছিল শুধু সাংঘাতিক মাতৃশ্রাচ্ছে বক্তৃতার আড্ডা; আর এখন সত্যি সত্যিই কাজের

আড্ডা হয়ে দাঁড়িয়েছে। চরকা কতদিন টিকবে, তা জানিনে; কিন্তু এ কাজটার মার নেই।’

আমাদের যে বন্ধুটি ১৯০৬ খৃষ্টাব্দে বরিশালে লাঠির দা খেয়ে ‘পুণ্যে বিশাল’ হয়ে এসেছিলেন, তিনি পিঠে হাত বুলুতে বুলুতে বললেন—‘কংগ্রেসের পরমায়ু কতদিন, তা জানিনে; কিন্তু পুলিশের লাঠির পরমায়ু হয়ত তার চেয়ে বেশী। কংগ্রেস যেদিন সত্যি সত্যিই কাজের আড্ডা হবে, সেদিন কর্তারা তাকে unlawful assembly বলতে দেয়ী করবেন না। তখন না থাকবে চরকা, না থাকবে কংগ্রেস। কি যে টিকবে, তা ত বুঝতে পারছিনে।’

প্রথম বন্ধু একটু উত্তেজিত হয়ে বললেন—‘কংগ্রেস মরবে না; মহাত্মার অহিংসা-মন্ত্রই কংগ্রেসকে বাঁচিয়ে রাখবে। চরকার চেয়ে যদি মহাত্মাজীর বড় দান কিছু থাকে তা ঐ অহিংসা-মন্ত্র। চরকা এ দেশে নতুন যুগ এনে দেবে।’

আমাদের কুস্তিগীর পালোয়ান বন্ধু—বিনি জামালপুরে মন্দির ভাঙ্গার সময় লাঠি ঘাড়ে করে' মন্দির রক্ষা করতে ছুটেছিলেন—তিনি বলে' উঠলেন—‘অহিংসা টহিংসা বা বলছ, ওগুজো আমার কাছে বড় ধোঁয়াটে রকমের ব্যাপার। বুজ্জদেব থেকে আরম্ভ করে' নিতাই গৌর পর্যন্ত অনেকই ও-কথা বলে' গেছেন, কিন্তু দেশের দুঃখ যে তা থেকে বিশেষ কিছু যুচেছে তা ত দেখতে পাচ্ছি নে। ওগুজাতের লোক এখনও পর্যন্ত মাহুকের রক্ত খাইয়ে ছারপোকা পোষে—তা বলে' ত ওগুজাতে এখনও সত্যযুগ আসেনি। আমার যদি জিজ্ঞাসা কর ত বলি যে, হিন্দু-মুসলমানের মধ্যে মিলটাই হচ্ছে মহাত্মাজীর খাটি কাজ।’

আমাদের কংগ্রেসী বন্ধু বললেন—‘হিন্দু-মুসলমানের মিল সেইদিন হয়েছে বলবো, যেদিন খেলাফত-সভা কংগ্রেসের একটা অঙ্গ হয়ে দাঁড়াবে। এখন যে মসলা দিয়ে মিলনটাকে পেঁপে তোলা হচ্ছে, সে মসলাটা অনেকখানি বিদেশী। মুসলমানের প্রাণ খেলাতের জন্তে বতটা কেঁদেছে, দেশের জন্তে বতটা কেঁদেছে কি না বুঝতে পারছি নে।’

আমাদের প্রথম বন্ধুটি চোটে গিয়ে বললেন—‘তোমাদের সব তাতেই অবিশ্বাস।’

তর্কটা ক্রমে ঘুসৌঘুসির দিকে এগিয়ে চলেছে, এমন সময় আমাদের চাকর তক্তুয়া

সেদিনকার খবরের কাগজ নিয়ে ঘরে ঢুকলো। কাগজ খুলে দেখি, বড় বড় অক্ষরে লেখা রয়েছে—মহাত্মার ছ' বৎসর জেল।

ভুক্তি সঙ্গে সঙ্গে খেয়ে গেল। আমাদের পালোয়ান বন্ধু আর এক কাপ চা ঢালতে লেগে গেলেন। কালেক্টরী বন্ধু বললেন—‘ইস্! ছ' বছর।’ কংগ্রেসী বন্ধু বললেন—‘আজ একটা প্রোসেশন বের করলে হয় না?’

ভুক্তির দিকে চেয়ে দেখলুম। মুখে তার কথা নেই—চোখ জলে ভরে' গেছে।

আমি জিজ্ঞাসা করলুম—‘কি রে তুই কাদছিস্ কেন? গান্ধী মহারাজের জেল হয়েছে, তা তোর কি?’

ভুক্তি চোখের জল মুছতে মুছতে বললে—‘বাবুজি, ও কথা বোলো না। তিনি যে আমাদের আপনার লোক।’

কাগজের দিকে চেয়ে দেখি, মহাত্মা বিচারকে বলেছেন—“I am a farmer and weaver by profession.”

তিনি ব্যারিষ্টার নন,—দেশের নেতা নন, সমাজ-সংস্কারক এমনকি ভদ্রলোক অবধি নয়। তিনি চাষা ও তাঁতি।

অনেকদিন আগেকার একটা কথা মনে পড়ে' গেল। “No man spake like this man.” জেলে অনেকেই গেছে, কিন্তু এমন কথা ত আর কেউ বলেনি। দেশের মাটির সঙ্গে এমন করে' নিজেকে মিশিয়ে ত আর কেউ দেয়নি।

আমাদের ভুক্তি জাতে কাহার। তার চোখের জলের ইতিহাস তখন বুঝতে পারলুম। বুঝলুম এই জাতীয় আন্দোলনে মহাত্মার শ্রেষ্ঠ দান কি।

বন্ধুদের বললুম ‘ভদ্রলোক যদি কখনো গ্রাণের টানে আবার ছোটলোক হয়, তখনই এ জাতের উদ্ধার হবে। তার আগে নয়।’

বাজে কাজ

শুনতে পাওয়া যায়, হাতের কাছে কাজ-কর্ম না থাকলে লোকে খুড়োর গাথাবাজার ব্যবস্থা করে' থাকে। চোখের সামনেও দেখতে পাচ্ছি কংগ্রেসের কাজকর্ম যত কমে' আসছে, হিন্দু-মুসলমানের মারামারি, কর্মীদের ভিতর বগড়া তত প্রবল হয়ে

উঠছে। যে-কাজ নিয়ে অসহযোগ আন্দোলন আরম্ভ হয়েছিল, সে-কাজ বহুকাল আগেই ঠাণ্ডা হয়ে গেছে। উপাধি বর্জন, আদালত বর্জন, কলেজ বয়কট,—কাউন্সিল বয়কট—এর মধ্যে কোনোটাই পুরোপুরিভাবে সফল হয়নি; কিন্তু সেটা সরলভাবে স্বীকার করতে আমাদের অভিমানে বা লাগে বলে' আমরা লম্বা লম্বা কথার সৃষ্টি করে, নিজেকে ঠকাই আর পরকে ঠকাবার চেষ্টা করি। যে industrialism এর হাত থেকে বাঁচবার জন্তে আমরা খন্দর প্রচার অরম্ভ করি, সেই খন্দরের মধ্যে ক্রমে industrialism প্রবেশ করেছে। তুলোর জন্তে আমরা বাজারের দিকে হাঁ করে' চেয়ে আছি; কংগ্রেস অফিসগুলো হয়ে দাঁড়িয়েছে Wardha cotton এর advertising agency; আর বাজারের কাছ থেকে টাকা নিয়ে ঝাঁপ খন্দর প্রচার করছেন, তাঁদের মুখ ফুটে এ ব্যবস্থার বিরুদ্ধে কোনো কথা বলবার সাহস নেই। বাজার যেখানে তুলো বেচে দশ লক্ষ টাকা লাভ করেছেন, সেখানে কংগ্রেস ফণ্ড এক লক্ষ টাকা দান করে' কংগ্রেসের কর্মীদের মাথা কিনে রেখেছেন। কংগ্রেসী খবরের-কাগজওয়ালারাও এ ব্যবস্থার প্রতিবাদ করেন না, কেননা বাজারের টাকা থেকে সাহায্য না পেলে তাঁদের ভারত-উদ্ধারের ব্যবসা চলে না। ফল দাঁড়িয়েছে এই যে, ঝাঁপ সূধু চরকা কেটে দেশ-উদ্ধারের সঙ্কল্প করেছেন, তাঁরা কেবল জিহ্বা দিয়েই চরকা কাটছেন; তাঁদের সজীবতার আর লক্ষণ নেই।

মাঝে কথা উঠেছিল যে, আইনভঙ্গ আরম্ভ করতে হবে, আর তার জন্তে ২৫ লক্ষ টাকা আর ৫০ হাজার স্বেচ্ছাসেবক চাই। কিন্তু এতদিনে চীৎকারের ফলে স্বেচ্ছাসেবকও জোটেনি, টাকাও জোটেনি। সুতরাং দেশব্যাপী আইনভঙ্গ যে কংগ্রেসের কর্তারা শীঘ্র আরম্ভ করবেন না, এটা ধরে' নেওয়া যেতে পারে। দেশের লোকের উপর কংগ্রেসের প্রভাব যে কমে' গেছে, একথা আর অস্বীকার করবার উপায় নেই।

কেন এমন হল? কর্তারা বললেন—‘দোষ আমাদের নয়, দোষ দেশের লোকের। আমরা যে সুপারমার্শ দিয়েছি, তা যদি দেশের লোক শুনতো' তা'হলে এতদিন কেবল ফতে হয়ে যেতো।’ দেশ উদ্ধার করবার সামর্থ্য তাঁদের নেই—এই কথাটা সরলভাবে স্বীকার করে' কংগ্রেসের কর্তারা যদি নিজের নিজের ঘরে ফিরে

যেতেন, তা'হলে হয়ত দেশের লোক নিজের রাজ্য নিয়ে দেখে নিতো; কিন্তু কর্তারা তা করবেন না। যতক্ষণ পর্যন্ত তাঁদের রসদ বন্ধ না হয়, ততক্ষণ পর্যন্ত তাঁরা কংগ্রেস-অফিসে বসে বসে' সহুপদেশ বর্ষণ করতে থাকবেন। এখন তাঁরা আইনভঙ্গ করার আশা প্রায় ছেড়ে দিয়ে প্রচার করতে আরম্ভ করেছেন যে, অনির্দিষ্ট কাল পর্যন্ত দেশের লোকের সেবা করো; তারপর দেশ একদিন সুপ্রভাতে ফুটপুট হয়ে জেগে উঠবে।

এই সেবাবর্ষ পালন করার সংকল্প যে অতি সাধু সে বিষয়ে আর সন্দেহ নেই। কিন্তু প্রশ্ন এই কংগ্রেসের বা গোড়ার কথা—দেশের স্বাধীনতালভা—তা কি শুধু এই সেবার দ্বারা সিদ্ধ হবে? পঞ্চাশ হাজার স্বেচ্ছাসেবক যখন তোমাদের ডাকে সাড়া দেয় না, তখন ভারতের প্রত্যেক গ্রামে গ্রামে বসিয়ে দেবার উপযুক্ত সংখ্যক স্বেচ্ছাসেবক তোমরা কোথা পাবে? দেশে যে যে কারণের ফলে অন্নকষ্ট, বস্ত্রকষ্ট, রোগ, মহামারী এসেছে, সেগুলো বর্তমান থাকতে তোমরা কেমন করে দেশকে সেবার দ্বারা প্রবুদ্ধ করবে? হেঁচা কলসীতে জল ঢেলে কতদিনে তোমরা কলসী ভরবে? আজ যেমন বরকটের চেষ্টা ব্যর্থ হয়েছে, সিভিল ডিসোবিডিয়েন্সের চেষ্টা ব্যর্থ হয়েছে, দুদিন পরে তোমাদের সেবাবর্ষ পালনের চেষ্টাও তেমনি ব্যর্থ হবে। লোককে দু ফোটা হোমিওপ্যাথিক ওষুধ বিতরণ করা বা ম্যালেরিয়ার সময় তাদের মুখে দুটো কুইনাইনের বড়ি তুলে দেওয়া যে পুণ্য কাজ, তাতে সন্দেহ নেই; কিন্তু তা থেকে যে লোকের মনে স্বাধীনতাসুঁহা গজিয়ে উঠবে, একথা জোর করে বলা যায় না।

তা'হলে উপায়? দেশের লোক কংগ্রেসের ডাকে কেন সাড়া দিচ্ছে না, আগে তাই বুঝতে হবে। আমাদের মনে হয়, এই সাড়া না দেওয়ার প্রধান কারণ হচ্ছে এই যে, দেশের লোক যা চায়, কংগ্রেসের কর্তারা ঠিক সে জিনিষ চান না। কংগ্রেসী স্বরাজ কথাটার অর্থ আজ পর্যন্ত ধোঁয়াটে হয়েই আছে; সেই স্বরাজে জনসাধারণের আর্থিক আর সামাজিক অবস্থা যে কি রকমের হবে, তা কংগ্রেসের কর্তারা এখনও স্পষ্ট করে বলেননি। যে সমস্ত দুঃখ-কষ্টের আশায় দেশের লোক অস্থির, সে সমস্ত দুঃখকষ্ট দূর করার সঙ্গে স্বরাজের কি সম্বন্ধ, তা কখনও স্পষ্ট করে বলা হয়নি। স্বরাজ—

গবর্ণমেন্টের অধীনে দেশের লোক—জমিদার, মহাজন বা কলওয়ালার অত্যাচারের হাত থেকে রক্ষা পাবে কি না—তা কখনও দেশের কৃষক বা শ্রমজীবীদের স্পষ্ট করে বলা হয়নি। কংগ্রেসের পক্ষ থেকে এমন কোনো কাজে হাত দেওয়া হয়নি, যাতে দেশের গরীব লোকেরা মনে করতে পারে যে, তাদের আর্থিক অবস্থার আমূল পরিবর্তন কংগ্রেসের বাঞ্ছনীয়। দেশের শতকরা ৮০ জন লোকের দুঃখের যেখানে গোড়া, সেখানে হাত না দিয়ে কংগ্রেসের কর্তারা শুধু আধ্যাত্মিক ঝাঁকি আওয়াজ করেছেন অথবা সেই দুঃখের উপর সেবাবর্ষের বাজে প্রলেপ দিচ্ছেন। দেশের লোক যখন তাঁদের কথায় সাড়া দিচ্ছে না, তখন তাঁরা কংগ্রেস-অফিসে বসে' গম্ভীরভাবে প্রচার করছেন যে, দেশের লোক এখন অবস্থা; সুতরাং স্বাধীনতার সংগ্রাম ঘোষণা করার সময় এখনও আসেনি। দোষটা যে দেশের নয়, তাঁদের নিজেদের—এ কথা বললে তাঁরা হয় রাগে ফুলে ওঠেন, নয়ত অভিমানে কেঁদে ফেলেন। এই রাগারাগি, কাঁদাকাঁদির পালা অনেকদিন গাওয়া হয়েছে। এখন ঝাঁরা দেশকে উদ্ধার করতে চান, তাঁদের আগে এই সমস্ত নেতাদের হাত থেকে দেশকে উদ্ধার করতে হবে। কংগ্রেসকে এই পুরাণো ওস্তাদদের হাত থেকে কেড়ে নিয়ে তরুণ সম্প্রদায়ের হাতে আনতে হবে।

নব বর্ষ

ওগো বৈশাখের রুদ্র দেবতা, আজ আমাদের সহস্র বৎসরের দিন-গণনা শেষ করো। বসন্তের মল্ল-হিল্লোল আজ বন্ধ হোক, দুঃস্বপ্ননিভ বিলাস-শয্যা আজ কণ্টকময় হোক, স্নেহ-কাতর মন আজ তিক্ত হয়ে উঠুক, করুণ-অশ্রু আজ চোখের কোণে শুকিয়ে যাক, মায়ামমতার বন্ধন আজ বিষধরের মত আমাদের দংশন করুক।

আজ বাঙ্গালীর বুক ভরে তোমার প্রলম্ব-বিবাণ বেজে উঠুক। বজ্রের মত কর্কশ স্বরে আজ তুমি জানিয়ে দাও যে, মরণই সত্য, ব্রহ্মণাই সত্য, দুঃখই সত্য, কারাগারই সত্য, ধ্বংসই সত্য, হলদিঘাটই সত্য, পাণিপথই সত্য, জালিয়ানওয়ালাবাগ সত্য, চোরিচোরা সত্য। আজ বাঙ্গালার শ্মশান জুড়ে—
“ভীম রুদ্র তালে নাচুক তোমার তান-তরা চরণ।”

শান্তির মোহ, সৃষ্টির মোহ, constructive programme-এর মোহ ঘুচিয়ে দাও। তোমার দিগন্তবিস্তৃত তপশলাকাবৎ পীত জটাজাল সেখে যে ভীকর প্রাণ কেঁপে ওঠে, তোমার পূজার ভরে বারা ঘরের কোণে বসে শান্তির বচন আওড়ায়, তোমার ডমকর ধ্বনি শুনে বারা ভীত ত্রস্ত হয়ে উপবাসের আরোজন করে, আজ সে

“সেখগুলোকে শেষ করে’ দেশ-চিত্তার বুকে নাচো।”

কাউজিলের নীতল ছায়ায় বসে’ আজ বারা হিসাব-নিকাশের ভাণ করছে, তাদের বুঝিয়ে দাও যে, চিত্রশুল্পের খাতা না দেখলে ও-হিসাব আর মিলবে না; অশ্রুজলে সিক্ত করে’ বারা পাবাণ প্রাণ গলাবার রতীন নেশায় মশগুল, তাদের দেখিয়ে দাও যে, এ পাবাণ আশ্বনের তাণে ছাড়া গলে না; বক্তৃতার বস্তায় বারা এ মরুভূমিকে দ্ব্যবিত করে’ স্বায়ত্ত-শাসন ফলাবার অলস স্বপ্ন দেখছে, তাদের বুঝিয়ে দাও—এ মরুভূমিকে উর্বর করতে হলে লক্ষ নর-হৃদয়ের শোণিতধারা চাই।

“হাতের তোমার দণ্ড উঠুক কেঁপে
এবার দাগের ভুবন ভবন ব্যোপে।”

কাল-বৈশাখীর অধিষ্ঠাতৃ দেবতা তুমি—
ঝঙ্কারে, বস্ত্রাক্রমে, মহাবারীক্রে, দুর্ভিক্ষক্রে, অত্যাচারক্রে তুমি অহরহঃ আমাদের অনিচ্ছাসম্মেও পূজার বলি সংগ্রহ করে’ ফিরছ; আজ যেচ্ছার, পরমানন্দে, বোড়শোপচারে তোমার পূজার আরোজন করবার শক্তি আমাদের দাও। আজ—

“মুক্তিদ্বাতা মরণ এলো কাল-বোশেখীর বেশে
জীবন তুমি, সৃষ্টি তুমি, জরা-মরার দেশে।”

কাজ কি এ পুঞ্জীকৃত লাক্ষনাতরা দাস-জীবন ?
কাজ কি এই বুকভরা কান্না চেপে লোক-দেখানো দৈতো হাসি ? কাজ কি দুর্বলতার অহিংসার ভাণ ?
কাজ কি খন্দর চাপা দিয়ে মৃতদেহের লজ্জা নিবারণের দুশ্চেষ্টা ? কাজ কি সভা-সমিতি করে’ গভীরভাবে প্রোণ বকা ? কাজ কি বাহিরে একতার অভিনয় করে’ ঘরে গিয়ে মানের কান্না ?
কাজ কি এই গলিত শব্দেহকে পুষ্পাভরণে শোভিত করা ? অগ্নির মত পাবন কেহ নর—দাও আজ চারিদিকে আশ্বন জালিয়ে—সহস্র বৎসরের অন্ধকার ভেদ করে’ উঠুক চিত্তার আশ্বনের অজস্রিহ দীপ্ত শিখা।

“দীপক রাগে বাজাও জীবন-বাশি
মড়ার মুখে আশ্বন উঠুক হাসি।”

অভীভের দুঃস্বপ্ন আজ ভুলিয়ে দাও। হাজার বৎসর ধরে’ যে মিথ্যার পাবাণ আমাদের বুকে চেপে আছে, তা চূর্ণ করে’ দাও। বিজ্ঞার আভিজাত্য, ধনের আভিজাত্য, পশুবলের আভিজাত্য ধ্বংস করে’ আজ—

“জাশুক নবীন সৃষ্টি আবার হোক নব নামকরণ।”

সিংহবাহিনী

—সিংহবাহিনি, তোমার ও-মুক্তি ত বাজালী ছাড়া আর কেউ দেখেনি। বাংলাই ত শক্তিপীঠ; কিন্তু শাস্ত-বাজালী আজ কোথায় ?

—বারা দিকে দিকে তোমার পূজা প্রচার করেছিল, তাদের বংশধরেরা আজ কোথায় ?

—বারা দশ দিক জুড়ে’ তোমারই মুক্তি দেখেছিল, কোনো দিকেই যে আর তাদের ঠাই নেই !

—তোমার কৃণায় বারা ব্রহ্মাণ্ডকে আপনার মধ্যে দেখেছিল, আজ ব্রহ্মাণ্ডে যে আপনার বলবার তাদের আর কিছুই নেই !

—বারা মৃত্যুঞ্জয়ী ও বিগতশোক হবার সাধনা করেছিল, আজ মৃত্যু তাদেরকে থিরেছে, শোকে তারা মুহমান।

—বারা মুক্তি ও সিদ্ধি চেয়েছিল, আজ তারা সর্ব বিষয়ে পরপদাবনত; সর্ব কৰ্মই আজ তাদের ব্যর্থ।

—অমানিশার অন্ধকারের মধ্যে বারা কোটি সূর্যের প্রতিষ্ঠা করতে চেয়েছিল, আজ তারা নিজেরাই অন্ধকারে দিশেহারা।

—বাদের রুদ্রদৃষ্টির সম্মুখে মরণ একদিন শিউরে উঠেছিল, আজ তারা মরণের ভয়ে ভীত।

—বাদের দিব্যদৃষ্টির সম্মুখে সত্য একদিন উজ্জ্বলিত হয়ে উঠেছিল, আজ তারা পয়ের মুখের শোনা কথাই গার করেছে।

—আজ বাংলার সত্যদর্শী ব্রাহ্মণ নেই, মৃত্যুঞ্জয়ী ক্ষত্রিয় নেই, ঐশ্বর্য্যাকারী বৈশ্য নেই; চারিদিকেই শুধু পরপললেহী শূত্র।

—আজ গোঁজামিল দেবার ক্ষমতার নাম বুদ্ধি; পরের কথার গায় দেওয়ার নাম একতা; তাব-

বিলাসিতার নাম ধর্ম; শোনা-কথার ব্যবসায় নাম culture; আলস্যের নাম শান্তি।

—আজ ভারবাহী গর্দভের নাম উচ্চৈশ্রব্য; দাস-স্বলভ সহিষ্ণুতার নাম বীরত্ব; মূর্খতার নাম সন্মান।

—আজ রোদনের নাম দয়া; বলির নাম হত্যা; দুর্ভিক্ষের নাম ভিত্তিকা।

—আজ দারিদ্র্যের নাম ত্যাগ; কারাগারের নাম স্বরাজ-আশ্রয়; অক্ষমতার নাম ক্ষমা।

—আজ বচনের নাম জ্ঞান; অনশনের নাম শুদ্ধি; আত্মহারার নাম বিশ্বপ্রেমিক।

—আজ বাংলার দেবসেনার হাতে স্রু চরকা; লক্ষ্মীর হাতে স্রু তাঁত; গণেশের হাতে স্রু চাঁদার খাতা।

—বাংলার ভারতী আজ বিশ্বভারতীর মুখোশ পরে' ভাঙ্গা বীণা কোলে করে' কাদতে বসেছে। বাংলার সুর আর সে-বীণায় বাজে না।

—ওগো সিংহবাহিনি! আজ বাংলায় কোথায় তোমার আগুন? বাহন হবার উপযোগী পুরুষ-সিংহ কোথায়?

যার ভীমগর্জনে অসুরের সিংহাসন টলে' উঠবে, যার বিদ্যুৎবর্ষা স্পর্শে মৃত আবার সজীবিত হয়ে উঠবে, যার দিব্যপ্রভায় মোহাক্ষেরও দৃষ্টি খুলবে, সে নরোত্তম কোথায়?

—ওগো সিংহবাহিনি! তোমার সেই মহাসাধক কোথায়?

বিজয়।

—মুখ্যরী পূজা শেষ হয়ে গেছে। মুখ্যরী বিসর্জন শেষ হয়ে গেছে। এখন স্রু পড়ে' আছে

—এই জড় দেশে জড় দেহের আলিঙ্গন; বিজয়ার নামে ছেলেখেলা।

—পর্যবীন দেশে মহাশক্তির পূজা হয় না। দাসের মধ্যে চিরায়ী আবির্ভাব হয় না। মৃত্যু-ভয়কাতর বারা, তাদের মধ্যে মৃত্যুঞ্জয়-সোহাগিনীর প্রকাশ অসম্ভব।

—অভীতের অহুসঙ্কান না করে', ভবিষ্যতের বিচার না করে', বারা মহাশক্তির কাছে নিজের সবটুকু উৎসর্গ করে' দিতে পারে, তারাই পূজার অধিকারী। অট্টহাস্তে মৃত্যুকে লজ্জিত করে' বারা আশ্বিনের মাঝখানে কাঁপিয়ে পড়তে পারে, এ মরণোৎসব তাদেরই জন্তে।

—সে পূজার মন্ত্র আজ বাঙ্গালী ভুলে' গেছে, তাই বাংলা আজ নিরানন্দ, বাঙ্গালী আজ পরপদাবনত। মায়ের কোল ভুলে' গেছে, তাই আজ সে ছিন্ন ভিন্ন বিক্ষিপ্ত। আজ আত্মবলির সাধক নেই, তাই মায়ের আবির্ভাব আর হয় না। আজ নিজের নিজের ক্ষুদ্র অহঙ্কারের গভীর মধ্যে আশ্রয় নিয়ে অন্ধকারে পড়ে' আছি, তাই বিজয়ানন্দের অধিকার থেকে আমরা বঞ্চিত।

—কিন্তু এমন দিন থাকবে না। মায়ের করুণার ধারা রুদ্র-মুষ্টির আবরণ নিয়ে আমাদের অহঙ্কারের গভী ভেদ করবেই করবে। শতবাধা সঙ্ঘেও মহাশক্তির বিপুল আনন্দ আমাদের বুদ্ধি, মন, প্রাণকে অভিভূত করে' ফেলবে।

—বুদ্ধির চাঞ্চল্য আমাদের ঘুচে' যাবে, মনের আবিলতা দূর হবে, প্রাণের উদ্দামতা শান্ত হবে। সমস্ত আধার স্রু মায়ের শক্তিতে পূর্ণ হবে।

—সেই দিনের জন্তে এস আজ সবাই প্রস্তুত হই। সেই দিনের আশায় উৎসুক হয়ে এস আজ সবাই দেহের সঙ্গে দেহ, প্রাণের সঙ্গে প্রাণ, মনের সঙ্গে মন, বুদ্ধির সঙ্গে বুদ্ধি মিলিয়ে নিজেদের একত্ব অমুভব করি।

—এস আজ ধ্যান করি যে, বাংলা দেশ সেই মায়ের কোল; বাঙ্গালীর অন্তরাত্মা সেই মহা-জ্যোতিরই ঋণ-প্রকাশ।

উনপঞ্চাশী

—::—

উপেন্দ্রনাথ বন্দ্যোপাধ্যায় প্রণীত

উনপঞ্চাশী

—::—

অবতারের মহিমা

সে দিন পূর্ণিমা। সন্ধ্যাবেলাই চায়ের পেয়ালা কোলে করে' পণ্ডিত হরীকেশের সঙ্গে মুখোমুখি হ'য়ে বসে' রকম-বেরকমের খোঁসগল্প করা যাচ্ছে, এমন সময় বর্ষাক্ত কলেবরে হাঁপাতে হাঁপাতে গোপাল দা' এসে উপস্থিত।

গোপাল দা'কে তোমার মনে আছে ত? দাদার বা' বয়স, তাকে ঠিক যৌবন বলা চলে না, কিন্তু এখনও তেমনি নখর গোল-গোল চুকুকে চেহারা; আর দুপরশা রোজগারের সঙ্গে সঙ্গে বর্ষ-কর্মেও মতিগতি হয়েছে। বার, ব্রত, উপবাস, হাঁচি, টিকটিকি প্রভৃতি অট্টমাত্তিক লক্ষণের অনেক-গুলিই দেখা দিয়েছে, টাকের পিছনে একটি ছোটখাট টিকিও গজিয়েছে। দাদা ফিরছেন এই পূজোর পর সস্ত্রীক গয়া দর্শন করে।

ঘরে ঢুকেই একথানা ঠ্যাং-ভাজা চেয়ারের উপর বসতে গিয়ে দাদা প্রায় ডিগবাজী খাব-খাব হয়েছেন, এমন সময় পণ্ডিত হরীকেশ চায়ের পেয়ালায় পৌঁফজোড়া জুবুড়ে চোখুটি উঁচু করে' খুব সহাস্ত্রভূতিমুচক স্বরে বললেন—“দেখো, দাদা, ভাজা চেয়ারখানায় যেন বোসো না”। দাদার চোখের কোণে সাম্বিক প্রকৃতির ঈষৎ বিকৃতির লক্ষণ দেখা মিল; কিন্তু দাদা সেটুকু সামলে নিয়ে আমার দিকে চেয়ে বললেন—“এবার গয়ায় গিয়ে দেখে এলাম বুদ্ধদেবের দাঁত। সহজে কি মোহাস্ত দেখাতে চায়। অনেক কাকুতি-মিনতি করে' তবে দর্শন পেয়েছি। অবতার-পুরুষের অজ কি না—এই এত বড়। আর কি মহিমা, ভায়া। এমন হাজার হাজার লোক সেখানে পূজো মানস করে' আবিষ্যাদি থেকে মুক্ত হচ্ছে।”

পণ্ডিত হরীকেশ ততক্ষণ নিজের পেয়ালাটি নিঃশেষ করে' দাদার অন্ত এক পেয়ালা ঢেলে তুল করে' নিজের মুখের দিকে তুলতে বাচ্ছিলেন। হঠাৎ বুদ্ধদেবের দাঁতের মহিমা শুনে' সেটা আবার

নামিয়ে রেখে বললেন—“তা, আর হবে না। আমাদের বিটুলেরাম বাবাজী ত ভক্তিতত্ত্ব কুশাটিকার লিখেই গেছেন—“হরির চেয়ে হরি-নামের বেশী মাহাত্ম্য—তা' বুদ্ধদেবের চেয়ে তাঁর দাঁতের মহিমা যে বেশী হবে, এতো জানা কথা।”

বুদ্ধদেবের সম্বন্ধে এ রকম বক্রোক্তি শুনে গোপাল দা' একটু ক্রুদ্ধ হবার চেষ্টা করছিলেন। কিন্তু তাঁর অন্তরাশ্রায় যে জ্যোতের উজ্জ্বল হয়েছিল, তা তাঁর অস্থি, মজ্জা, মেদ, বসা, চর্মে, হুঁড়ে বহিরজে প্রকাশ হবার পূর্বেই পণ্ডিতজী ফের বক্তৃতা শুরু করে' দিলেন—“শাস্ত্রে যে বলে অবতার-পুরুষেরা আত্মভোলা, গোপালদা'র কথা শুনে সে-সম্বন্ধে আজ আমার সব সন্দেহ দূর হ'য়ে গেল। আহা! দেখ একবার তা'মাশ। বুদ্ধদেব নিজেই সংসারের আবিষ্যাদির দাওয়াই খুঁজতে খুঁজতে হয়রাণ হয়েছিলেন। তাঁর নিজের দাঁতের যে এত গুণ তা' যদি জানতেন ত একটা-কেন, বক্রিশটাই উপড়ে ফেলে গোপালদা'কে বংশিস দিয়ে যেতেন। বৌদ্ধদিকে আর তা'হলে চোলকের মত মাহুলি ব'য়ে বেড়াতে হোতো না।”

বক্তৃতার ঝাপটা লেগে চাঁটা মাঝ থেকে ঠাণ্ডা হয়ে যায় দেখে আমিই সেটার সম্ব্যবহার করে' নিজেকে একটু গরম করে' নিলুম। কেননা দেখলুম যে, এই শনিবারের বারবেলায় পণ্ডিতজীর জিহ্বাখানি বেশ একটু বিধিয়েছে, কাউকে-না-কাউকে না ছবুলে তিনি ছাড়বেন না।”

রাগে গোপালদা'র শ্রামবর্ণ মুখখানি একেবারে অন্ধকার বর্ণ হয়ে দাঁড়াল। তত্ত্বাপোষে একটা বিরাট চাপড় মেরে তিনি বল্লেন—“কি সর্ব্বনেশে কথা। আমি দেখে এলাম বুদ্ধদেবের দাঁত, আর তুমি না বললেই হবে। অবতার-পুরুষদের তুমি ঠাণ্ডায়েছ কি? তাঁদের মহিমা যুগযুগান্তর ধরে' থাকে।”

পণ্ডিত হরীকেশ বক্তৃতার পর গলাটা একটু ভিজিয়ে নেবার জন্তে এতক্ষণ আর এক পেয়ালা

চা চান্ছিলেন। এক চুমুক খেয়ে জিহ্বাটা বেশ একটু শানিয়ে নিয়ে বল্লেন—“সে কথা আর বলতে। মহিমার জালায় হাড় ভাঙা-ভাঙা হয়ে উঠেছে। এলেন ত্রেতাযুগে অবতার রামচন্দ্র, আর ছেড়ে দিয়ে গেলেন দেশের মধ্যে এক পাশ হুম্মান। গেবন্তর বাগানে কলাটা, মুলোটা, বার্তাকুটা কিছুই আর থাকবার জো নেই। তারপর ঝাপরে এলেন শ্রীমান কৃষ্ণচন্দ্র, ঢলাঢলি রক্তারক্তি বা করে’ গেলেন, তার ছাপ এখনও দেশ থেকে মোছেনি। কলিতে নাকি এসেছিলেন শ্রীগৌরানন্দ—আর ছেড়ে দিয়ে গেছেন দেশে বাঁকে বাঁকে নেড়ানৈড়ী। বলা নেই, কওয়া নেই, একেবারে বাড়ীর ভিতরে এসে—‘জয় রাধে কুঁঠু’, দাও মা দুটি ভিক্ষে, দিতেই হবে;—আর এদিকে চালের দর ১২ টাকা। আজকাল আবার গাঁয়ে গাঁয়ে অবতার গণ্ডার গণ্ডায় জন্মে দেশময় ত্যাগধর্মের মহিমা বোষণা করতে লেগে গেছেন। পুরাণে অবতারদের ভবু ছুটো ফুল বিস্মপত্র দিয়েই তুষ্ট করা যায়; কিন্তু এই হালফ্যাসনের অবতাবাদের বচনের ঠেলা সামলাতে পোড়া দেশের যে কত দিন লাগবে তা’ ভগবানই জানেন।’

পণ্ডিত হুবীকেশ একটা দীর্ঘশ্বাস ফেলে বাকি চা টুকু শেষ করে’ দিলেন। গোপাল দা’ কি-একটা বলতে বাচ্ছিলেন; কিন্তু তাঁর ভাবটা ক্ষুট ভাবায় ব্যস্ত হবার পূর্বেই বা সরস্বতী পণ্ডিতজীর জিহ্বার তর করে’ বোসলেন। তিনি উর্ধ্ববাহু হয়ে শব্দে একটা টুসুকি খেয়ে বল্লেন—“চলোয় যাক ত্যাগের কথা; ধরে সম্পত্তির মধ্যে ত একটা বুড়ী ব্রাহ্মণী আর একটা শিংভাড়া গোরু; তা’ও আবার দু’বছর থেকে দুধ দেয় না। সেগুলো না-হয় কামিনী-কাঞ্চনের দোহাই দিয়ে ত্যাগই কল্পম। আর এই দুর্ভিক্ষের দিনে অবতাব-পুরুষদের হুকুম মত কোনো দিন বা উপবাস, কোনো দিন বা পাঙ্কাতাত ভক্ষণ, তা’ও না-হয় চলতে পারে। কিন্তু অবতারেরা যদি পাজি-পুঁথি দেখে একটা ভাল দিন স্থির করে’ হুকুম করেন যে, আজ পাঁচটা দশ মিনিট থেকে সাতটা বাইশ মিনিট পর্যন্ত সবাই মিলে কাঁদ; কাল ন’টা সাতের মিনিট থেকে সাড়ে দশটা পর্যন্ত সবাই মিলে গড়ের মাঠে গিয়ে ভিগবাজী খাও; তা’হলে যে পৈতৃক প্রাণটা নিভাত্তই অতিষ্ঠ হ’য়ে ওঠে। এ সব দাঁত-পুজো, খড়ম-পুজো, কাঁধা-পুজোরই উন্টো পিঠ।”

কথাগুলোর মধ্যে রাজনীতির একটু বোটকা

গন্ধের আভাব পেয়ে তাড়াতাড়ি সেরে নেবার জন্তে আমি বললাম—“ও-সব সে কালে চলতো, পণ্ডিতজী; আজকালকার ছেলেরা অত সহজে বাড় নোয়ান না।”

পণ্ডিতজী একটু হেসে বল্লেন—“ঐ ত তোমা-দের রোগ, ভায়া; পুরাণে বন্ধু একটু বেশ বললে এলে আর তোমরা চিন্তে পার না। মাহুকের খাত কি আর অত সহজে বদলায়? ছাপায় পুরুষ ধরে’ যারা খড়ম-পুজো কোরে এসেছে, তাদের বাড়গুলি কা’বো-না-কারো পায়ের তলায় লুটিয়ে পড়বার জন্তে ব্যস্ত হয়ে রয়েছে। যেমন-তেমন একটা হলেই হলো—হয় গুরুঠাকুর, নয় প্রভুপাদ, নয় মহাত্মা, নয় লিডার। ওসব এক জিনিসেরই কালভেদে ভিন্ন রূপ। এঁরাই প্রমোশন পেয়ে ক্রমশঃ অবতার হ’য়ে দাঁড়ান। তখন তাঁদের হাড়ে ভেঁকি হয়, দাঁতে রোগ সারে, চটিজুতোর শুকতলা ভিজিয়ে খেলে একবারে পরমপদ প্রাপ্তি হয়।”

চটিজুতার কথা শুনে গোপাল দাও হেসে ফেল্লেন, কিন্তু পণ্ডিতজীর তখন বক্তৃতাটা মাথায চড়ে গেছে। তিনি বল্লেন—“না, না, দাদা, এটা হেসে ওড়াবার কথা নয়। রাজনীতি, সমাজনীতি, ধর্মনীতি, এমনকি গার্হস্থ্যনীতিতে পর্যন্ত আমরা ঐ খড়ম পুজোকেই সার সত্য বলে’ স্থির করে’ ফেলেছি। ফুল বিস্মপত্র হাতে করে’ বসে’ আছি, যেই একটি ছোটখাট মহাপুরুষের আবির্ভাব, অমনি শ্রীচরণে অঞ্জলি দিয়ে, ঢাক ঢোল কাঁশি বাজিয়ে, চামর চুলিয়ে, হেসে কেঁদে, নেচে গেয়ে এমনি একটা বীভৎস ব্যাপাব করে’ তুলি যে, মহাপুরুষটি যদি সাক্ষাৎ ভগবানও হন, ত তাঁর ভূত হ’য়ে যেতে বড় বেশী বিলম্ব হয় না। তারপর তাঁর দাঁত, মখ, চুল নিয়ে দলাদলি আর মারামারি। তিনি ফুল কবুলেন কি ফাস কবুলেন, টুক কবুলেন, কি ঢাক কবুলেন—এই নিয়ে গভীর আধ্যাত্মিক গবেষণা। এ সব কি ধর্ম রে বাপ।—এ লম্বু জড়ভরতের জটলা; বন্ধু-ধার্মিক শ্যাল-কোম্পানির আধ্যাত্মিক হস্তা-হস্তা।”

গোপাল দা এতক্ষণ চুপ করে’ ভায়া গজারামের মত বসে ছিলেন। এইবার পণ্ডিতজীকে থামতে দেখে একটু সাহস পেয়ে বল্লেন—“তা’ বলে ত আর বাপ পিতাম’র জিরাঁকাও ছাড়তে পারিনে।”

পণ্ডিতজী লাকিয়ে উঠে বল্লেন—“সে দোষ ত তোমার নয়, দাদা, দোষ তোমার ভগবানের। মনটা বার এখনও চার পায়ে হাঁটে, তাকে মাহুকের

আকার দিয়ে তার শরীরটাকে দু'পায়ে হাঁটান—
একটা অভ্যাচার বই ত নয়। মনটা আমাদের
খুঁজছে কোথায় কার পায়ের তলায় পড়ে' নাক
রগড়াবে; তাই আমরা সব কাজেই একজন-না-
একজন মুকরীর দোহাই দিয়ে নিশ্চিন্ত হতে চাই।
পরকালের ব্যবস্থা করতে হবে—ত টেনে আন
দু'চারটি মহাত্মাকে না-হয় অবতারকে; দেশের
স্বাধীনতা চাই ত আওড়াও মিল-বেনথামের ব্লি;
সমাজ গড়তে হবে ত নিয়ে এস ধার করে'
বলসেভিজম, ঘরকরা গড়তে হবে, ত ডাক রাজা
ঠানদিদিকে, না হয় ত পদী পিসিকে। মোট কথা
কারো-না-কারো আওতায় পড়লে তবে আমরা
থাকি ভাল। আমাদের মনগুলি যে এক-একটি
বোরখাচাকা পদ্মনগিনি বিবি। ভগবানের খোলা
হাওয়া গায়ে লাগলেই তাদের ধর্ম-কর্ম সব পণ্ড
হ'য়ে যাবে। আমাদের মনে মনে বেশ একটা ভয়
আছে যে পাঁচজন মুকরী নিয়ে ভগবানের এই
সৃষ্টিটাকে ঠেকনা দিয়ে না রাখলে সৃষ্টিটা একদিন
হড়মুড় করে' পড়ে যাবে। তাই আমাদের
কথায়-কথায় পরের দোহাই, বাপ-পিতাম'র নাম
করে' নিজেদের পঙ্খ লুকিয়ে রাখা। নমঃশ্রদ্ধের
জল চল করতে হবে, ত দেখ পরাশর, বাজবল্য
কি বলে' গেছেন; আর পরাশর, বাজবল্য যে
এদিকে কবে মরে ভূত হ'য়ে গেছেন তার ঠিক-
ঠিকানা নেই। ষাঁরা জাত মানেন, তাঁরা দোহাই
দেন পুঁথির আর ষাঁরা মানেন না তাঁরা দোহাই দেন
ফ্রেক্স রিভলিউশনের। দোহাই একটা দেওয়া
চাই॥ নিজের ব'লে ত আমাদের কিছু নেই।
সমাজ আর ধর্ম—বাপ ঠাকুরদাদার; দেশটা
বিদেশীর; আর মনটা—যিনি দয়া করে দুটি পায়ের
ধুলা দেন, তাঁর। আমাদের ধর্মের মধ্যে খড়ম-পুজো
আর কর্মের মধ্যে পাদোদক পান। সংস্কৃত-পড়া
পণ্ডিত, আর ইংরিজী-পড়া গ্রাজুয়েট—সবাকার
ঐ এক গতি; তফাতের মধ্যে এই যে, একজন
গড়াগড়ি দেন পূর্বমুখ হ'য়ে আর একজন পশ্চিম মুখ
হ'য়ে; একজন মন্ত্র আওড়ান সংস্কৃতে আর একজন
আওড়ান ইংরিজিতে। ধর্মের বেলায় সত্যপীর, আর
রাজনীতির বেলায় মটোঙ।”

কতুতাটা বেশ জমে আসছে, এমন সময় বাড়ীর
তেতর থেকে পৌ করে শাঁক বেজে উঠতেই
পণ্ডিতজী খেনে গিয়ে আমার মুখের দিকে চাইলেন।
ও। আজ যে পূর্ণিমা। আমরা বাহিরে বসে
বক্তৃতা করছি আর আশীষী যে ঘরের মধ্যে সত্য-

পীরকে সিমি খাওয়াচ্ছেন। তার পরেই দরজার
শিকলি নেড়ে ডাক পড়ল—হুঁ হুঁ হুঁ, হুঁ হুঁ
ঠান। আমি একটু উসখুস করছি দেখে পণ্ডিতজী
বলেন, “বাও, ভায়া, সত্যপীরের কথা শোন গে।
আজ তা'হলে এইখানেই বেদব্যাসের বিশ্রাম।

পণ্ডিতজী বেরিয়ে পড়লেন; আর আমি
ঘোপাল দাদাকে সঙ্গে নিয়ে সত্যপীরের কথা শুনতে
চললাম। পুরুতঠাকুর তখন গলা ছেড়ে পড়ছেন—

“একথা শ্রবণ কালে যেবা অস্ত্র কথা বলে
আর যেবা করে উপহাস,
লাঞ্ছিত সে সর্ব ঠাই তাহার নিকৃতি নাই
অকস্মীৎ হয় সর্বনাশ।”

পণ্ডিত হৃদয়কেশের যে হঠাৎ কি সর্বনাশটাই
ঘটবে, তাই ভেবে আমি শিউরে উঠতে লাগলাম।

কলের ওস্তাদী

আমাদের পাড়ায় বহু পোদ্ধারের তাইপো
মার্কিন মুল্লুক থেকে কলকারখানা গড়বার ওস্তাদ
হ'য়ে ফিরে এসেছে—এই কথা শোনা অবধি
আমাদের শিরোমণি মশায়ের নাতিটির মুখে আর
হাসি ধরে না। ছেলেটা আমার ভারি জ্ঞাওটো;
সুবিধা পেলেই ভালটা, বেলটা, কলাটা, নৈবিত্তির
মাথার সন্দেহটা বাড়ীতে না বলে আবার এনে দেয়।
ফলার ঘুসতে, ছাদা বাঁধতে, দক্ষিণে আদায় করতে
তাকে এক-রকম অদ্বিতীয় পুরুষ বললেই হয়।
পুজোর সময় যাগিগণ্ডার বাজারে এবার ফলারের
ধুমটা ভারি কমে গিছলো বলে' সে এতদিন মুখ
শুকিয়ে শুকিয়ে বেড়াচ্ছিলো। বহু পোদ্ধারের
তাইপো একটা ছুধের না কিসের মন্ত বড় কারখানা
বানাবে শুনে' সে হাসতে হাসতে গড়াতে গড়াতে
শুকুরি চোটে আকাশ পানে ঠ্যাং ছুড়তে আরম্ভ
করে' দিল। আমি ত ছেলেটার রকম সক্রম দেখে
বললাম—“কি রে ক্যাবলা, ক্ষেপলি নাকি—”
ক্যাবলা আরও খানিকটা ঠ্যাং ছুড়ে' শেষে হাঁকাতে
হাঁকাতে বললে—“না গো দাদা মশাই, ভারি মজা
হয়েছে; সন্দেহ এবার সস্তা হবেই হবে। গয়লা
বেটারা এবার বা জম হবে। বহু পোদ্ধারের তাইপো
এমনি একটা কল বানিয়েছে যে, তা বসাবার জন্তে
তিন কোশ জমি চাই। কলের এক মুখে থাকবে
পকাশ হাত লগা চওড়া বাধ-মুখো একটা প্রকাণ্ড

দরজা, আর-একদিকে থাকবে গোটা ২০/২৫ মোটা নল; আর ভিতরে রকম-বেরকমের এম্বিন। একদিক দিয়ে ভাড় করে' ভূমি একপাল গরু সেই কলের মধ্যে ঢুকিয়ে দিয়ে দরজা বন্ধ করে' দাও; খানিক পরে দেখবে ও-মুখের নলগুলো দিয়ে বেরুচ্ছে—দুধ, দই, ছানা, ঘি, মাখন, কাঁচাগোল্লা, চটিকুতো আর শিঙের শক্ত চিকণী। কল কি সামান্যতক চিজ, দাদামশাই! ওতে হয় না এমন জিনিস নেই।”

পণ্ডিত হুবীকেশ এতক্ষণ ঘরের এক কোণে বসে' থেলো হাঁকোটায় ভুড়ক ভুড়ক টান দিচ্ছিলেন। এইবার খুব একটা দম্কা টান টেনে নাক দিয়ে খানিকটা ধোঁয়া বার করে' দিয়ে বললেন—“এ আর তুই বেশী কি বল্লি, ক্যাংলা? আমাদের চোখের সামনেই ত এর চেয়ে আরও চমৎকার সব কল বসান রয়েছে। তোরা চোখ থাকতে দেখবিনে, তার আমি কি করব বল?”

ক্যাংলা ত পণ্ডিতজীর মুখের দিকে হাঁ করে তাকিয়ে রইল।

পণ্ডিতজী বললেন—“অত বড় হাঁ করিসনে, বাপ। কথাটার দম্ আটকানর মত বিশেষ-কিছু নেই। আমিও চারিদিকে ঐ রকম কল ছাড়া আর-কিছু দেখতে পাচ্চিনে। আচ্ছা, এই ধর—রঘুনন্দন কোম্পানীর পেটেন্ট ব্রহ্মচারিণী তৈরির কল। একটা বিধবা বা সধবা মেয়েকে ধরে' তার নাক চুল কেটে, গরনাগুলো কেড়ে নিয়ে ঐ কলের মধ্যে ফেলে দাও—দিন কতক পরে ঐ কল থেকে হয় একটা ত্রিশূলধারিণী তৈরী, নয় একটা যক্ষাকেশো ব্রহ্মচারিণী বেরিয়ে আসবেই আসবে। তার পর ধর কল নং দুই—পণ্ডিতজী তৈরির কল। খুব ছেলেবেলায় একটা কচি কাপড়ে-হেগো মেয়েকে ঘোমটা দিয়ে সাতপুরু মুড়ে ঐ কলের মধ্যে ফেলে দাও, মাঝে মাঝে কেবল এক একখানা গরনা ছুঁড়ে ঐ কলের মধ্যে ফেলে দিও—দেখবে বছর কতক পরে একটি খাসা নখ-নাকে, মিশি-দাঁতে, কাঁটা-হাতে সীতা বা বাবিত্রী তোমার ঘর উজ্জল করে' দাঁড়িয়ে আছে।

“এ সব না হয় সেকলে মিস্ত্রীর গড়ন; তা বলে আজকালের মিস্ত্রীরাও ফেলা যায় না। ঐ আমাদের গোঁফের মিস্ত্রী এমনি কল বানিয়েছে যে, তার মধ্যে খানকত সরকারী ছাপমারা বই ভরে' দিয়ে একটা গাধা হোক, ঘোড়া হোক, ভেড়া হোক, বা-হোক একটা তার মধ্যে পুরে' দাও, বছর কতক

না বেতে বেতেই কলের ও-মুখ থেকে একটা M. Sc. B. Sc বেরিয়ে আসবেই আসবে। এ কি কম ওস্তাদি, বাবা।

“তারপর আমাদের টেক্‌টরুক কমিটি রায়-বাহাদুর তৈরি করবার কি কলই না বানিয়েছে। একটা ছোট ছেলেকে ধরে দীনেশ বাবুর রাজারানীর ছবিওয়ালা বইগুলোর খানকয়েক পাতা দিয়ে তাকে মুড়ে ঐ কলের মধ্যে ফেলে দাও—একবারে মাথায় সামলা খাঁটা একটা রায় বাহাদুর, না-হয় রায় সাহেব সেখান থেকে সেলাম হুকতে হুকতে বেরিয়ে আসবে। সাবাস জোয়ান। এমন না হলে কারিগর ॥

* * *

পণ্ডিতজী আবার থেলো হাঁকোটা তুলে' নিলেন। ক্যাংলা কিন্তু হাঁ করে' তাঁর মুখের পানে চেয়েই রইল।

ভবপারের নৌকা

গোপাল দাদার গুরুঠাকুর এসেছেন শুনে' পণ্ডিত হুবীকেশের হঠাৎ কি রকম ভক্তির উদ্বেক হোলো; তিনি তাড়াতাড়ি কৌচার খুঁট গায়ে দিয়েই এই নীতকালের সন্ধ্যাবেলা গুরুজীকে দর্শন করতে বেরিয়ে পড়লেন। আমি ভাবলুম—হবেও বা, পণ্ডিতজীর বয়স ত প্রায় পঞ্চাশের কাছাকাছি হ'বে এলো; স্বর্ঘ্য ত বিলক্ষণই পশ্চিমে হেলে পড়েছে; এইবার বুঝি পণ্ডিতজীর একটু পরকালের চিন্তা এসেছে। বিশেষতঃ গোপাল দাদার গুরু এক প্রকাণ্ড সিদ্ধপুরুষ বলে' প্রসিদ্ধ, তাঁর চেলাও দশ-বিশ হাজারের কম হবে না।

প্রায় এক ঘণ্টা চূপ করে' বসে' আছি, দেখি না পণ্ডিতজী—আস্তে আস্তে ফিরে এসে দরজা বন্ধ করে' দিয়ে তক্তাপোষের উপর বসে' পড়লেন। মুখখানা খুব গম্ভীর বটে, কিন্তু চোখের কোণে একটু চাপা চাপা ছুট হাসি।

“কি পণ্ডিতজী, এর মধ্যে সাধু-দর্শন শেষ হ'য়ে গেল যে।”—বলে আমি হাঁকোটা পণ্ডিতজীর হাতের কাছে এগিয়ে দিলুম।

পণ্ডিতজী হাঁকোটা রেখে দিয়ে বললেন—“না, ভায়া, এ আর চলবে না। একে ত সাধুজী ভাব-জগতের যে আধ্যাত্মিক ধোঁয়া ছেড়ে দিয়েছেন, তা'তেই আমার দম্ আটকানর বোগাণ্ড হয়েছে;

তার ওপর এই মায়িক, নখর, পাখিঁব ধোঁয়াটা এসে জুটলে আমার প্রাণে-বাঁচা দায় হবে।”

আমার একটু রাগ হোলো। সবাই বলে গোপাল দাদার গুরু মন্ত বড় সাধু; আর পণ্ডিতজী তাঁর ওপূর টিপ্তনী কাটিতে ছাড়লেন না। আমি বলুম—“দেখ; পণ্ডিতজী, তুমি একটি বিশ্বনিদ্দক। অত বড় একজন সাধু ঝাঁর চরণ পেয়ে কত লোক তরে যাচ্ছে, তাঁকে দেখে তোমার মন উঠল না।”

পণ্ডিতজী একটা দীর্ঘনিশ্বাস ছেড়ে বললেন—“কি করব, ভায়া,—আমার কেমন পাষণ্ড-নন্দ্রে জন্ম, খুঁটাই আগে চোখে পড়ে। আমি দেখতে গেলুম একটা পুরো মাহুয় আর দেখে এলুম পাঁচ-সাত হাত লম্বা জটাওয়ালা এক ভূঁড়ল সাধু বাঘছালের ওপর বসে বসে সকলকার ভব-রোগ সারাবার পেটেটে দাওয়াই বাৎলাচ্ছেন। অনেক বোঝাবার চেষ্টা করলুম, কিন্তু এই ‘ভব’টা যে একটা রোগ, এটা কিছুতেই বুঝতে পারলুম না।

“আর একটা বড় মজার কথা মনে পড়ে গেল। সেকালে দময়ন্তী যখন স্বয়ম্বরা হন, তখন রাজ-সভায় দেবতার লোভে লোভে উপস্থিত হয়েছিলেন। কারও চোদ্দটা মাথা, আঠারটা ঠ্যাং, কারও বা পনেরটা নাক, ত্রিশটা পাছা—সবাই এক-একটা কেউ কিছু ধমুধর। কিন্তু দময়ন্তী সটান গিয়ে নলরাজ্যর গলাতেই মালা দিয়ে বলেছিলেন—‘আমি নারী, সুতরাং আমি নরই চাই। দেবতা নিয়ে আমার কি হবে?’”

“আমার সেই কথাই মনে হ’তে লাগল—ভবপারে গিয়ে আমি কিব্ব কি? আমার এপারের ষ-কিছু নিয়েই যে কাঁববার। এপারের তোমরা কেউ একটা ব্যবস্থা করতে পার?”

সেই সেকালের বুদ্ধ শঙ্করের আমল থেকে আজকালকার ছোটখাট গুরুর গুরু পরম গুরু পর্যন্ত সবাই, নোকো নিয়ে কুলে দাঁড়িয়ে ইকুচেন—চলে আর ভবপারের যাত্রী, সস্তা দরে পার করে দেব। কেউ বলছেন—আমার নোকোর গেরুয়া নিশান একেবারে পরম ধামের মুক্তি ঘাটায় গিয়ে লাগবে; নোকায় বোস, হালুয়া পুরির অভাব হবে না। কেউ বা বলছেন—আমার নোকায় গাভ মাখান হয়েছে। জল ঢোকবার কোন ভয় নেই। বড় লেগে তুফান লেগে যদি নোকা এক পেশে হয় তবে আমাদের নাচন কৌদনের ভরেই নোকা সামলে উঠবে। ঐ বৈকুণ্ঠের উপরে গোলোক, তার উপরে শঙ্ক-ব্রহ্মের ঢোলোক যেখানে বাজছে,

আমার নোকা বদর বদর বলতে বলতে একেবারে তোমাদের সেইখানে পৌছে দেবে।—বাপ, জগৎটা যে দুঃখময়, তা পারে যাবার যাত্রীদের এই জগৎ থেকে সরে পড়বার জন্ত ঠেলিঠেলি দেখলেই বেশ বুঝতে পারা যায়।

পণ্ডিতজীর মুখখানা যখন খুলে যায়, তখন লঘুগুরু জ্ঞান থাকে না। এক নিঃশ্বাসে সব মহাপুরুষদের মুণ্ডপাত করতে দেখে আমি বলুম—“তোমার দুঃসাহস ত কম নয়। তুমিই শুধু ঠিক বুঝেছ, আর সবাইই ভুল?”

পণ্ডিতজী বললেন—“চটে ধেরো না দাদা; বড় বড় নামের বোঝা আমার ঘাড়ে ফেলে দিয়ে আমায় চেপে ঘেরে কোন লাভ নেই। নিউটন মাথা ঘামিয়ে বিজ্ঞানের অনেক তত্ত্বই বার করে’ গিয়েছিলেন; কিন্তু আজ কালের কলেজের ছেলেরাও তাঁর চেয়ে বেশী জিনিস জানে। তা দিয়ে কি প্রমাণ হয় যে, ঐ সব ছেলেরা নিউটনের চেয়ে বুদ্ধিমান? শুধু এই টুকুই বোঝা যায় যে, মাহুয়ের জ্ঞানের মাত্রা বেড়ে চলেছে। ধর্ম সশঙ্কেও তাই। আগেকার মহাপুরুষেরা যে অতীন্দ্রিয় সত্যের সন্ধান পেয়েছিলেন, সেইটেই চরম সত্য, বা একমাত্র সত্য, এ কথা না মানলে আর তাদের পস্থা ভিন্ন অস্ত্র পস্থা খুঁজলে যদি তাদের অপমান করা হয়, ত আমি নাচার। তাঁরা ভবপারে যাবার রাস্তা বাৎলে গেছেন—বেশ কথা। গোলোকের উপর ঢোলকই থাক আর নোলকই থাক, সে সংবাদে আমার দুঃখ ঘুচবে না। সেই যে সেদিন গুপে বাগদীর ছেলেটাকে জমিদারের কাছারিতে টেনে নিয়ে গিয়ে বেদম মারলে, তার চৌকারেই আমার কান ভরে আছে, সেখানে শঙ্ক-ব্রহ্মের ঢোলকের আওয়াজ একেবারেই ঢুকছে না। আমি এ-পারের মাটি কামড়েই পড়ে’ থাকবো, এইখানেই শু ঝাঁটব। আমার দুঃখে যদি কোন দেবতার প্রাণ কঁাদে ত তাঁকে গোলোক ছেড়ে আমার কাছে আসতে হবে। ও-পারে গিয়ে কি রকম দুশ মজা লুটবো, তার লম্বা চওড়া বিজ্ঞাপন দিয়ে আমাকে ভোলালে চলবে না। স্বর্গের দেবতা যদি স্বর্গেই থেকে যান, মর্ত্তে যদি তাঁর পা না পড়ে, ত সে দেবতার কাছে মাথা খুঁড়ে আমার কোন লাভ নেই। সবাই যদি এখানে থেকে মরে, ত আমি একলা পালিয়ে গিয়ে বেঁচে কি করব?”

মহাপুরুষদের নিয়ে এই রকম খোঁচাখুঁচি দেখে আমার প্রাণটা আঁতকে উঠছিল। আমি বললাম

“পণ্ডিতজী, অবতারকল্প মহাপুরুষ বা ভগবানের বিষয় নিয়ে এ রকম ঠাট্টা বিজ্ঞপ কি ভাল?”

পণ্ডিতজী হোঃ হোঃ করে হেসে বললেন—ও, তাই বটে। ঐটে হজম করতে বেগ পেতে হচ্ছে। তা, দেখ, ভগবানের একটি নাম রত্ননাথ। তিনি যে sunday schoolএর হেডমাস্টারের মত খুব একজন গভীর পুরুষ, একথা আমার অর্দো মনে হয় না। তাঁরা ভগবানকে নিয়ে পুঁটলি বেঁধে ভবপারের পেটেন্ট পিল তৈরি করেন, তাঁদের ব্যবসার হানি হতে পারে বটে—কিন্তু ভগবান যদি নিতান্ত বৈরসিক না হন, তা হলে ঐ জন্তে আমার উপর চটে যাবেন বলে ত মনে হয় না। আর মহাপুরুষদের কথা যদি তুললে ত বলি—সত্যের তাঁড়ার যদি তাঁরা ওজার করে গিয়ে থাকেন, আর আমাদের পক্ষে তাঁদের এঁটো কাঁটা ছ-এক দানা খুঁটে খাওয়া ভিন্ন যদি উপায়ান্তর না থাকে, তা’হলে এই দুনিয়ার কলে চাষি বন্ধ করে দিয়ে ভগবানের এই সৃষ্টির ব্যবসা তুলে দেওয়াই উচিত।

আমি বললুম—একবার ভবনীর ওপারে গিয়ে সেইজন্তে একখানা দরখাস্ত না হয় ভগবানের দরবারে পেশ করে আসি।

পণ্ডিতজী ঘাড় নেড়ে বললেন—ওরে গাধা, ওরে আদার ব্যাপারী—দরখাস্ত পেশ করবার জন্তে এবার আর তোকে ডিভিচড়ে ওপারে যেতে হবে না। এবার ভরা তাদরের বান ডেকে এপার ওপার সব একাকার করে দিয়ে যাবে। গুরুগিরির ব্যবসাটা এবার আর টিকিবে না।

ছিরিচরণের ছুঁচো

সেদিন সকালবেলা চা খাবার পর পণ্ডিতজীর একটু খোঁসমেজাজ দেখে একবার এগিয়ে দুবার পিছিয়ে, শেষে একটু গলা খেকারি দিয়ে দুঃসাহসে ভর করে জিজ্ঞেস করলেন—আচ্ছা পণ্ডিতজী, যদি রাগ না করেন, ত একটা কথা জিজ্ঞাসা করি—আপনি গুরু ঠাকুরদের পিছনে অত লেগেছেন কেন?

আমি আরও এক কাপ চা ঢালছি দেখে পণ্ডিতজীর ভালতোবড়া মুখখানিতে একটু হাসির আভাস ফুটে উঠল। তিনি বললেন—রাগ কেন করব তাই; রাগ আমার শরীরে নেই বললেই হয়।

বা দেখতে পাও, ওটা রাগের আকার, ওতে মানসিক বিকারের গন্ধমাত্র নেই। দুর্ভাগ্যে ঋষি মরার সময় আমার প্র-পর-অপ-সম-নি-পিতামহকে যে আশীর্বাদ করে গিছিলেন, তারই ঝাঝিছু ছিটে-ফোটা পড়ে আছে। ওতে ভয় পাবার কিছু নেই।

চায়ের কাপটা কোলের কাছে টেনে নিয়ে খুব আদরে-ভরা একটা চুমুক দিয়ে পণ্ডিতজী বলতে লাগলেন—দেখ, এই গুরু গিরির কথা যদি জিজ্ঞেস করলে, ত ব্যাপারটা গোড়া থেকেই বলি।

জান ত, ডাক্তারেরা একটা জন্ত জানোয়ারের এক আধখানা হাড়ের টুকরো পেলেই তা দেখে বলে দিতে পারেন যে, জন্তটা ক’ হাত লম্বা, ক’ হাত চওড়া, তার কটা ঠ্যাং, সে কি খায় ইত্যাদি, আমিও তেমনি অনেককেলে ওস্তাদ কিনা তাই কোন একটা সমাজের আধ-টুকরা অহুষ্ঠান দেখলেই তাদের চাষা-ভূষা থেকে আরম্ভ করে রাজারাজ্যের পর্যন্ত হাঁড়ির খবর বলে দিতে পারি। ঐ যে সেদিন দেখলুম গন্ধার ধারে নেড়া বটগাছের তলায় জটা-জুটওয়লা বাবাজীটি ছাই মেখে বসে’ বসে’ গাঁজায় দম মারছেন আর গুপে বাগদীর ছেলে থেকে আরম্ভ করে’ পেলেন-প্রাপ্ত সব-ডেগুটী পর্যন্ত মাহুলী ভরে’ ভরে’ তাঁর পারের ধূলা মাথায় ঠেকিয়ে নিয়ে যাচ্ছে—এই থেকে যদি বল, ত আমি এদেশের সমাজতন্ত্র, ভগবৎতন্ত্র, রাজতন্ত্র, সব নিখুঁত করে’ তোমার সামনে কবে দিতে পারি।”

পণ্ডিতজীর কথা শুনে শুনে গোপালদাদার ই-টা ক্রমে আকর্ণ বিস্তৃত হবার যোগাড় হচ্ছে দেখে, পণ্ডিতজী চায়ের কাপটা তাঁর দিকে এগিয়ে দিয়ে বললেন—“গলাটা একটু ভিজিয়ে নাও ভায়া; কাণে শুনে কথাগুলো বোঝবার সুবিধে না হয়, মুখ দিয়ে পোনা ছাড়া আর উপায় কি? তা, মুখ দিয়েই শোন; আর একটু চিবিয়ে বুঝো, তা’হলে নিতান্ত গুরুপাক না’ও হতে পারে।

গোপাল দা নির্বিকারে চাটুঁ গিলে ফেলে পণ্ডিতজীর মুখের দিকে চেয়ে বললেন—“তার পর?”

—“তারপর আর কি! গুপে বাগদীর ছেলেটাকে হাসতে হাসতে ফিরে যেতে দেখে আমার মনে হোলো—নিজের বিচ্ছেটা ঠিক কি না একবার পরীক্ষা করে’ দেখি। ছেলেটাকে ডেকে জিজ্ঞেসা করলুম—“হাঁরে খ্যাঁদা, আজ এখনি যদি সাক্ষাৎ কুরু-ভগবান একেবারে তেঁপু বাজাতে বাজাতে ধরা চুড়ো পরে ঐ আকাশ হুঁড়ে তোর

গাম্বেন স্থপ করে' নেবে এসে তোকে বলে—খ্যাঁদা,
বর নে—তাহোলে তুই কি চাস ?”

খ্যাঁদা রাজা রাজা দাঁত বার করে' এক গাল
হেসে ফেলে বললে—“এঁজ্ঞে বাবাঠাকুর, আমরা
শুন্দুর কুন্দুর মাহুদ, আমাদের কি সে ভাগ্যি হবার
জো আছে ?”

—“ধর যদি বেড়ালের ভাগ্যে শিকে ছিঁড়েই
বার ?”—

খ্যাঁদা আমতা আমতা করিতে করিতে মাথা
চুলকুতে চুলকুতে বললে—“এঁজ্ঞে, আমি তা'হলে
বলি, দেবতা, আমি যেন মরে বৈকুণ্ঠে গিয়ে
আপনার ছিরিচরণের আশে পাশে ছুঁচো হ'য়ে
কিচ্চিৎ করে' বেড়াই।”—

সেদিন জমিদারের নতুন নায়েবটা যখন গুপে
বাগদীর ছেলেকে ধরে বাকি ঋজনা আদায়ের জন্ত
মারুতে মারুতে একেবারে লম্বা করে' ছেড়ে দিলে,
আর ছোঁড়াটা শুধু নায়েবের হাতে পায়ে ধরে
কাকুতি মিনতি করিতে লাগলে, তখন আমার
চোখে ব্যাপারটা বড় বিসদৃশ, এক-তরফা রকমের
বলে মনে হয়েছিল।

আর তার পরদিন তার গায়েয় ব্যাথা মরুতে-
না-মরুতে যখন দেখলুম যে, সে ঐ বট-তলার
গজিকানন্দ বাবাজীর পায়ের তলায় চৌদ্দপোয়া হয়ে
পড়ে' মাদুলী ভরে' পদধূলি সংগ্রহ করছে, তখন
বেশ দিব্য চক্ষে দেখতে পেলুম যে, তার মনটা অনেক
দিন থেকে লম্বা হয়ে' পড়ে' আছে বলেই সেদিন
নায়েবের পায়ের কাছে তার শরীরটা অত শিগগির
লম্বা হ'য়ে পড়েছিলো। তোমরা ভাবছ তিন
বৎসর অন্তর লাটসভার সভ্য গড়বার জন্তে ভোট
দিতে পেলোই তারা স্বাধীন হ'য়ে উঠবে। হায় রে
পোড়া কপাল। মাথায় ষার সাপে কামড়েছে, তার
পায়ের আঙ্গুলে বিষ-পাথর লাগালে কি হবে।

পণ্ডিতজীর বক্তৃতা শুনে আমারও একটু তাবনা
হ'য়ে গেল। গোপাল দা'ও একটু উসখুস করিতে
করিতে জিজ্ঞেসা করলেন—“তাইত। তা'হলে
উপায় ?”

পণ্ডিতজী বলেন—“উপায় আর কি। ভগবানের
খোলা হাওরা লোকগুলোর মনে একটু লাগতে
দাও ; তাতে আধ্যাত্মিক সর্দি, কাশি হবার
কোনোই ভয় নেই। আর তোমার পেশাদার গুরু-
ঠাকুরদের বলো একটু আওতা ছেড়ে দাঁড়াতে।”

স্বদেশী সেপাই

সেদিন রাজনীতির বক্তৃতা শুনতে শুনতে গোটা
ছুই বেকাস কথা পণ্ডিত হৃষীকেশের মুখ থেকে
বেরিয়ে পড়েছিল বলে' আমাদের রান্ন-বাহাদুর
পার্কভী দাদার বড় ছেলেটা আজ তাঁকে এসে
পাকড়াও করেছে। আন্দোলনের জোরে ভারত
স্বাধীন হবে শুনে কেন তিনি হেসেছিলেন, এ
কৈফিয়ৎ আজ তাঁকে দিতেই হবে।

এবার কংগ্রেসের পর কলকাতা থেকে কলক
বরকট করে' ফিরে আসা অবধি ছেলেটি ভীষণ-
রকমের স্বদেশী হয়ে উঠেছে। তার বুটের ফিতে
থেকে আরম্ভ করে গলার নেক-টাই, আর মাথার
হাটটি পর্যন্ত একেবারে বোল আনা স্বদেশী
কোম্পানীর তৈরী। গ্রামে এসে সে একটা “জাতীয়
ইস্কুল” খুলবে বলে' চাঁদার খাতাও খুলেছিল ; তবে
চিক-সেক্রেটারির কাছ থেকে তার বাপের নামে
একখানা লম্বা-চাওড়া চিঠি আসবার পর সেটা ধামা-
চাপা পড়ে গেছে।

একে ত রান্ন-বাহাদুর একজন দোর্দণ্ডপ্রতাপ
জমিদার ; তাঁর জমিদারীর শুধু বাজে আদায়ই
হবে ৫.৭ হাজার ; আর সেই সেদিন পুন্ডার নজর
দিতে দেবী হয়েছিল বলে তাঁর কাছারীতে
গুপে বাগদীর ছেলেটা মার খেয়ে এখনও নেংচে
বেড়াচ্ছে ; আর তারপর—গোদের উপর বিষকোড়া
—তাঁর দৌহিত্রীর সঙ্গে আমাদের পুলিশ সুপারিন-
টেনডেন্টের ছেলের বিয়ের সঙ্ঘ হুচ্ছে—আর এ
দিকে তাঁর ছেলেটি পুরোদস্তুর স্বদেশী সেপাই ;
পাড়ার ছেলেগুলো ইস্কুলে গেলেই তাদের ঠ্যাং
খোঁড়া করে' দেবে বলে সে শাসিয়ে বেড়াচ্ছে।
বাপ বেটার এই দুই জাঁত-কলের মধ্যে পড়ে' চাবা-
ভুবোরা একেবারে পিষে ষাবার যোগাড় হয়েছে।

পণ্ডিতজী ছেলেটির মুখখানির দিকে একটু
চেয়ে থেকে বললেন—“দেখ, বাবা, অনেক দিন
আগে—সেকালের স্বদেশী যুগেরও আগে—একবার
পাড়ারী অঞ্চলে ভারত-উদ্ধার প্রচার করতে-
গিয়েছিলুম। একটু ঢালাক চটপটে রকমের এক
চাবাকে ধরে' প্রায় দেড় ঘণ্টা আলাপ বক্তৃতা বেড়ে
যখন মনে হ'ল, তাকে কাৎ করে' এনেছি, তখন সে
অতি বিনীত ভাবে বোড়হাত করে' আমার বল্লম—
‘আমার একটি নিবেদন আছে।’

“আমি এই গুরুড়ের মত ভক্তটি পেয়ে বিবম
উৎকল হয়ে জিজ্ঞাসা করলুম—‘কি, কি ?’

“সে বললে—‘দেখুন, আপনাদের হাতে দেশ স্বাধীন হবার ২৪ ঘণ্টা আগে আমরা একটু খবর দেবেন; আমি সপরিবারে বিষ খেয়ে মরে থাকব।’

তখন লোকটার কথা শুনে আমার পিঠি পর্যন্ত জ্বলে গিয়েছিল। কিন্তু এখন তোমাদের দেখে শুনে মনে হয় যে, লোকটার কথা একেবারে বাজে নাও হতে পারে।”

আমাদের স্বদেশী সেপাইটি বললেন—“আমি থাকলে তাকে চাবকে সোজা করে দিতুম।”

পণ্ডিতজী বললেন—“বাবা, চাবকানি অনেক দেখেছি; কিন্তু চাবকের চোটে লোককে বেকে পড়তেই দেখেছি; একটাকেও সোজা হতে দেখিনি। তোমার দাদা-মশায় চাবকের চোটে ভূমিদারীর আয় বিলম্ব বাড়িয়ে গেলেন, তোমার বাবাও শাস্ত্র-চর্চার অবসরে যথেষ্ট চাবক-চর্চা করেন—আর ভবিষ্যতে সুবিধা পেলে তুমিও তা করবে—কিন্তু সোজা কটাকে করেছে?”

ঐ বেতলা কথা কওয়া পণ্ডিতজীর কেমন রোগ। পাছে কথাটা রায়বাহাদুরের কাণে ওঠে, সেই ভয়ে আমি তাড়াতাড়ি বললুম—“তা, ছেলেরা যা করছে, সে ত ভালর জন্তেই করছে। দেশটা স্বাধীন হ’লে গৌরবের ভাগীদার ত চাবাভূষারোও হবে।”

পণ্ডিতজী আমার দিকে একটা এমন বিভিকিচ্ছি রকমের চাঁউনি চাইলেন, যা তাঁর চোখেও বড়-একটা দেখিনি। তিনি একেবারে দাঁড়িয়ে উঠে বললেন—“দেখ, তোমাদের ঐ জাকামি শুনে শুনে আমার হাড় ভাঙা-ভাঙা হয়ে গেছে। তোমরা কথায় কথায় বল—‘আহা দেশটা যদি আমাদের কথায় সাড়া দিত ত এতদিন আমরা কেউ বিষ্ট হয়ে যেতুম। ছাপান পুরুষ ধরে বাদের গলায় এক পা আর পেটে এক পা দিয়ে চেপে রেখেছ—আজ টিকি ধরে হেঁচকা টান মারছ বলে কি তোমাদের ফরমাইল মন্ত তারা নেচে উঠবে? ধর্ম, কর্ম, আচারে ব্যবহারে বাদের পরাধীন করে রেখেছ, বাদের ছুঁলে তোমাদের নাহিতে হয়, বাদের বেগার খাটিয়ে তোমরা নবানী কর, আজ তাদের স্বাধীনতার কথা বোঝাতে গিয়ে নিভাস্তাই বোঝায় না হলে তোমরা লজ্জায় মরে যেতে। মাস্তবের মনের আধখানা পরাধীন রেখে বাকি আধখানাকে স্বাধীন করে দেবে?—বলিহারী তোমাদের বুদ্ধি ছে। তোমার রাজনীতির চর্চা করবে কে?—যারা করবে, তাদের

যে যেরে রেখেছ। এ জাত যদি কখনো বেঁচে উঠে লড়ে, ত আগে লড়বে তোমাদের সঙ্গে।

আমি দেখলাম, কেঁচো খুঁড়তে খুঁড়তে ক্রমে সাপ বেরিয়ে পড়বার জোগাড় হচ্ছে। তাড়াতাড়ি পণ্ডিতজীর মুখ বন্ধ করবার জন্তে এক কাপ চা তৈরি করে বললাম—“থাক, এদিকে চাটা বে জুড়িয়ে গেলো।”

পণ্ডিতজীর কাছে থেকে তাড়া খেয়ে আমাদের রায়বাহাদুরের ছেলে ওরফে স্বদেশী সেপাই মুখখানা বেজায় গম্ভীর করে বললেন—“আপনি বলেন কি, আমরা দেশটাকে এত করে বলছি আমাদের সঙ্গে উঠতে—আর দেশটা উঠবে না?”

পণ্ডিতজী হোঃ হোঃ করে’ হেসে উঠে বলেন—উঠবে বৈ কি। দেশের যদি একটু লজ্জা সরম থাকে, ত তোমরা পাঁচজন ইয়ার-বন্ধু মিলে, দুবার “Arise awake” বলে তুড়ী মেরে ডাকলেই তোমাদের জননী ভারতবর্ষ একেবারে হড়মুড় করে লাফিয়ে উঠবে। আর তাও বলি, বেটারই কেমন আক্কেল। সেই যে হাজার বছর ধরে বাড়মুড় ভেঙ্গে পড়ে আছে, আর উঠবার নামটি নেই। রাণা সজ ডেকে খুন হয়ে গেল—বেটার মুখ দিয়ে একটি কথাও ফুটল না। শিবাজী, গুরু গোবিন্দ, মায়ের অনেক আদরের ছেলে—তাদের ডাকে বড়ী একবার চোখ চাইতে না চাইতে আবার পাশ ফিরে শুয়ে পড়ল। তাঁরা কেউ বা ডেকেছিলেন—হিন্দীতে, কেউ বা ডেকেছিলেন মারাঠিতে; সে ডাক হয়ত মায়ের মনে ধরেনি। এইবার তোমরা সব স্বদেশী কান্ডেন মিলে গোলদীঘির পাড় থেকে ইংরেজী ডাক ডাকলে হয়ত বেটা ভয়ে ডরে উঠতে পারে। তা বেয়ে চেয়ে দেখ একবার।”

স্বদেশী সেপাই একটু যেন বিরক্ত হয়ে বললেন—দেখি দু-এক বছর নেড়ে চেড়ে। দেশটা উঠল ত উঠল, আর তা না হয় ত বাবার জমিদারীটা ত আর কোথাও যায়নি।

পণ্ডিতজী বললেন—এতক্ষণে একটা বুদ্ধিমানের কথা বলেছ। দেশে এরকম বুদ্ধিমানের দল যে রকম প্রবল বেগে বেড়ে উঠছে, তাতে দেশের ভবিষ্যত সম্বন্ধে এক রকম নিশ্চিত হওয়া যেতে পারে। নেপালে বেড়াতে গিয়েও শাখুদের মহলেও একবার এ রকম একটি বুদ্ধিমান দেখেছিলুম। সেবার ভারি শীত পড়েছে। একে নেপালী শীত, মাটির উপর হাতখানেক বরফ জমে গেছে, তার উপর ভূরি ভোজনের ব্যবস্থাটাও বড় সুবিধে রকমের হচ্ছিল

না, তাই আমরা ধরনশালায় এক কোণে আশ্রয়
জালিয়ে একেবারে টুপভুক্ত অবস্থায় বসে আছি,
এমন সময় বেঁটে খেঁটে জোয়ান গোছের এক সাধু
পুরুষ দরজার কাছে উকি মেরে বসেন—ওঁ।

আমরা তাড়াতাড়ি ‘নমো নারায়ণ’ বলে
অভিবাদন করে তাঁর পাঞ্চভৌতিক দেহের
কুশল প্রশ্ন জিজ্ঞাসা করলাম। তিনি চক্ষু বুজে
বললেন—ওঁ।

সব কথার উত্তরেই সাধু ওঙ্কার ধ্বনি করেন
দেখে আমার ত ভ্রাতৃচাচাকা লেগে যাবার যোগার
হয়ে পড়েছিল, এমন সময় আমার এক বন্ধু বললেন
—আরে হাঁ করে দেখছিলাম কি ? এটা আর বুঝতে
পারছি নে যে, বৈরাগ্য আর শীতের চোটে
সাধুজীর মনটা একেবারে জিকুটে লয় হয়ে যাবার
জোগাড় হয়েছে। বেশ এক বাটা গরম চা কর
দেখি ; আর খানকতক মোটা মোটা রুটী বানিয়ে
তার সঙ্গে ঐ কুমড়াটা কেটে খানিকটা ছকা করে
দে। একবার দেখি চেষ্টা করে সাধুজীর মনটা যদি
নেমে আসে। শাস্ত্রে বলে কুমড়োর মত এমন
বৈরাগ্যানাশন দাওয়াই মেলাই মুশ্কিল। তাড়াতাড়ি
একবাটি গরম চা করে সাধুজীর মুখের কাছে ধরতেই
সাধুজী সেটুকু জঠর-নিহিত ব্রহ্মগ্নিতে আহুতি দিয়ে
আনন্দে দম্ব বিকশিত করে বসেন—ওঁ।

কুমড়োর ছকা দিয়ে দিলে খানেক রুটি খাবার
পর সাধুজী ওঙ্কারলোক থেকে পার্থিব লোকে নেমে
এসে আমার বন্ধুটির সঙ্গে ভাব জমিয়ে ফেললেন।
তখন সাধুজীর এই পাঞ্চভৌতিক খোলসটি কোন্
কুল উজ্জল করেছে, খোলসের মালিক সষন্ধের
কোনখানে কে আছে, এই সষন্ধে সদালাপ আরম্ভ
হল। ঘণ্টা খানেক পায়তারা কসবার পর, সাধুজীর
মনটা যখন দু-তিনবাটি চায়ে গলে একেবারে
ধসধসে হয়ে গেছে, তখন তিনি বললেন—দেখ, গত
বৎসর ধানটান কাটার পর প্রায় শ’খানেক টাকা
হাতে পেয়েছিলুম ; তা একটা বিয়ে করতেই সব
খরচ হয়ে গেল। আর মেয়েটি ছোট, বয়স বছর
১২।১৩ ; আমি ভাবলুম দূর ছাই আর কাজ নেই,
ঘরে থাকলেই খরচ, তাই এক সাধুর কাছে ভেক
নিরে বেরিয়ে পড়লুম। তা দেখি দু-চার বছর,
ব্রহ্ম মিলল ত ভাল, না হয় ঘর ত আছেই।

পণ্ডিতজী হেসে বসেন—দেখলে, ব্রহ্মচিন্তা
কবুলে কি হয়, হিসেব বোখটি ঠিক আছে।
তোমাদের দেশচিন্তাও ঐ রকম।

ধর্মের ব্যবসা

মাস গেলে আমার অন্ততঃ দুটিমণ চালের
দরকার—অথচ আজ এই বারই তারিখে সকাল
বেলা অটটা না বাজতে বাজতে বাস থলে দেখি
আমার নগদ পুঁজি সাত টাকা সাড়ে ছ’ আনা।
সংসারটা যে একটা অত্যন্ত খারাপ জায়গা—আমার
মত নিষ্ক্রিয় পুরুষের উপযুক্ত স্থান একেবারেই নয়—
শাকরভাষ্য না পড়েই বুঝতে পারলুম। সেকালে
মিত্যানন্দ গোসাঁই অবধূত মার্গ ছেড়ে যে গৃহস্থান্তরে
ফিরে এসেছিলেন, এ ব্যাপারটা খুঁজে খুঁজে আমি
চৈতন্তচরিতামৃত বেঁটে বেঁটে হারান হয়ে গেছি—
আজ বেশ দিব্য চক্ষে দেখতে পেলুম তার আর যে
কারণ থাক আর না থাক, সে কালে চাল যে সম্ভা
ছিল, এটা নিশ্চয়ই তার একটা প্রধান কারণ।
বৈরাগ্যটা মনের এক কোণে জমাট হয়ে আসছিল,
এমন কি গুণগুণ করে—কিমাত্র হেয়ং ইত্যাদি শ্লোক
আঙড়াতে আরম্ভ করছিলাম, এখন সময় পিছন
ফিরে চেয়ে দেখি, সেই হেয় জীবটি চায়ের বাটিটি
হাতে করে বলছেন—নাও, চা খেয়ে নিয়ে একবার
ওঠ দেখি ; ঘরে চাল যে বাড়ন্ত।

এটা ত জানা কথা—যেখানে বাঘের ভয়,
সেইখানেই সন্ধ্যা হয়। এ পোড়া চাল না খেলেই
নয়। হঠাৎ মনে পড়ে গেল যে, কে-একজন মহা-
পুরুষ তাঁর আশ্রমে ছেলেদের ভাতের বদলে কচু
খেতে দেন। ব্রহ্মতত্ত্বের সঙ্গে কচুতত্ত্বের নিশ্চয়ই
নব একটা বন্ধি সঙ্কল আছে। ভাতের বদলে
কচুটা চালাতে পারলে এই অন্নসমস্যার দিনে
আমাদের ইহকাল পরকাল দুই রক্ষা হয়। গিন্নি
কচুর মহিমা একেবারেই বুঝতে পারলেন না ;
আমাকে একটা পুড়িয়ে খেতে দিতে রাজী হলেন
মাত্র। এমন বুদ্ধি না হলে আর শাস্ত্র ওদের বেদ
পড়াতে নিবেদন করবেন কেন ?

যাই হোক, ইহকাল পরকালের সমস্যা কি
করে’ করা যায়, এ বিষয় নিয়ে গভীর চিন্তায় মগ্ন
আছি, এমন সময় খোলা হুকোটা হাতে করে’ বুদ্ধির
গোড়ায় ধোঁয়া দিতে দিতে পণ্ডিত কবীবেশ এসে
হাজির।—“কি তাম্রা, কড়িকাঠের দিকে চেয়ে
টুকটুকির ল্যাঞ্জনাদা দেখতে দেখতে কি জ্ঞান
সঞ্চার করা হচ্ছে ?” আমি বললাম—“পণ্ডিতজী,
মহা মুশ্কিলে পড়েছি। সাত টাকা সাড়ে ছ’ আনা
পুঁজি নিয়ে ত আর সত্ত্বীক সংসারধর্ম করা চলে
না। আর গিন্নির কেমন বদ্ অভ্যাস—পোনঃ-

পুনিক দশমিকের মত বছর বছর বংশবৃদ্ধি করেই চলেছেন। এ পরাধীন দেশে ও-কাঁচাটা যে একটা মহাপাপ, এ সম্বন্ধে মহাত্মাদের মতামত সব শুনিরে দিলুম, তা বোঝবার নামটি নেই। মাষ্টারী করে' ত আর চলে না; ছোঁড়াগুলো বলে ব্যবসা কর। আরে, বিনা মূলধনে এখন কি ব্যবসা চালাই ?”

পণ্ডিতজী একটু হেসে বলেন—“এটা আর মাথায় এলো না। এ ধর্মের দেশে আব কি ব্যবসা ?—ধর্মের ব্যবসা চালাও।”

আমাকে হাঁ করে' তাঁর মুখের দিকে চেয়ে থাকতে দেখে পণ্ডিতজী বললেন—“এতে মাথা-ঘামাবার তো কিছু নেই। এই দু' বছর আগে ত্রিবেণীতে গঙ্গাস্নান করতে গিয়ে দেখি এক বাবাজী একটা নোড়াতে সিঁদুর মাখিয়ে অশখতলায় বসে' আছেন। তার পরের বৎসর গিয়ে দেখি সেখানে বেশ একখানি চালাঘর উঠেছে; নোড়াটি একখানি চৌকির উপর বসেছেন, আর মেয়েরা গঙ্গাস্নান করে' পুণ্যসঞ্চয় করে' বাড়ী ফেরবার সময় নোড়াটিকে এক এক পরস্যা প্রণামী দিয়ে পরকালের ব্যবস্থা করছেন। এবারে যদি যাই ত নিশ্চয় দেখতে পাব যে, চালাঘরখানি কোটা হ'য়ে গেছে; আর নোড়ারাম বাবাজী রূপার সিংহাসনে বসে' মৃদুমন্দ হাস্ত করে' বন্ধ্যাদের বন্ধ্যাত্ব ঘোচাবার দাঁওয়াই বাংলাচ্ছেন। বিনা মূলধনে এমন খাটি স্বদেশী ব্যবসা থাকতে তোমরা কেন যে ভেবে মর, তা'ত আমি বুঝতে পারি নে। এই একটা সোজা হিসেব করে' দেখ না, আমাদের দেশের যত রকম রোগ ভত রকম দেবতা। জরের জন্তে জরাসুর আছেন, সাপে কামড়ানর জন্তে মা মনসা আছেন, বসন্তের জন্তে মুখে ডাইমন কাটা শীতলা বুড়ি আছেন, ছেলেদের মাথাখাবার জন্তে বাবা পক্ষানন্দ ওরফে পঁচো আছেন, কলারার জন্তে মা ওলাবিবিরও আমদানী হয়েছে—বাকি আছে শুধু ইনফ্লুয়েঞ্জা আর প্লেগ। আজকাল ইনফ্লুয়েঞ্জার যে রকম ধুম তাতে একটা কাঠের বিড়িকিচ্ছি রকমের মুক্তি গড়িয়ে তার মুখে খানিকটা তেল, কালি আর সিঁদুর মাখিয়ে নাকে গোটা দুই পোঁটা ঝুলিয়ে গঙ্গার ধারে গিয়ে বসতে পার, তা হলে দু মাসের মধ্যে যদি তোমার দোভালা বাড়ী না ওঠে, আর নাহুস হুহুস ভুঁড়ি না নামে তো আমার নাক কেটে দিও। এমন কি, গিল্মি যদি বছর অন্তর ছেড়ে ছ মাস অন্তর তোমার বংশ বৃদ্ধি

করতে আরম্ভ করেন, তা হলেও খাওয়াপরা'র ভাবনা হবে না।’

আমি পণ্ডিতজীর পায়ের ধুলো মাখার নিয়ে বললুম—“মহারাজ, কলিযুগে ভূমিই ধন। ভোগ মোক্ষের সমন্বয় একা ভূমিই করেছে।”

নিরামিষ লড়াই

সেদিন দুপুরবেলা মধ্যাহ্ন ভোজনের পর বৈকুণ্ঠধামে শ্রীভগবান একটু শুয়েছেন, মা লক্ষ্মী ঠাকুরের পাতের পরমানটুকু খেয়ে হাতমুখ ধুয়ে পান চিবুতে চিবুতে ঠাকুরের পদসেবা করতে বসবার জোগাড় করছেন, গরুড় পাখা দুখানি নেড়ে নেড়ে ঠাকুরকে একটু হাওয়া করে' ঘুম পাড়াবার চেষ্টা করছেন, এমন সময় নারদ ঋষি এসে খবর দিলেন যে, স্বর্গ থেকে দেবতাদের একটা ডেপুটেশন এসে হাজির। লক্ষ্মী ঠাকুরণ পৌষ মাসের দিন নানা রকমের পিঠে পুলি করে' খাইয়েছিলেন বলে' ঠাকুরের ভোজনটা একটু গুরুতর রকমেই হয়েছিল। এই অসময়ে বৈরসিক দেবতাদের ডেপুটেশনের কথা শুনে তিনি কপট নিজায় চক্ষু বুজে স্বা' য়ো করতে করতে লেপখানি টেনে নিয়ে আপাদমস্তক মুড়ী দিয়ে পাশ ফিরে শুলেন। নারদ ত একটি বাস্তব ঘটনা। তিনি বেশ বুঝলেন যে, দেবতাদের কপালে আজ বিলক্ষণ দুঃখ আছে; তবে সে কথা ত আর দেবতাদের সামনে মুখকুটে বলা চলে না। যে রকম দেশ-কাল পড়েছে তাতে দেবতার হস্ত চোটে গিয়ে স্বর্গে একটা গণতন্ত্র ঘোষণা করে' বসবেন। তিনি দেবতাদের কাছে ফিরে এসে গভীর সহানুভূতিসূচক সুরে বললেন—আপনারা আপনাদের অভাব অভিযোগগুলো লিখে একখানা দরখাস্ত ঠাকুরের দরবারে পেশ করুন; আমি ঠাকুরকে সব কথা বুঝিয়ে বলে' দেব।

দেবতার তখন বৈকুণ্ঠের উঠানে এক সভা আহ্বান করলেন। সর্বসম্মতি ক্রমে দেবগুরু বৃহস্পতিকে সভাপতি করা হলো। ভীম গঙ্ধন করতে করতে বায়ু দেবতা তখন প্রথম প্রস্তাব আরম্ভ করলেন,—

“বেহতু পিতামহ ব্রহ্ম গত রাত্রে নিজা যাবার পর থেকে (বলা বাহুল্য ব্রহ্মার এক দিন নর-লোকের হাজার বৎসর) স্বর্গে অনুর দলের উৎপাত আরম্ভ হয়েছে, এবং বেহেতু বুড়ো বয়সে অহিফেন

সেবন প্রগাঢ়াৎ ব্রহ্মার নিজার মাজাটা বেড়েই চলেছে, আর সৃষ্টিরকার কাজকর্ম দেখা-শুনা তাঁর দ্বারা হয়ে উঠে না, সেহেতু এই দেবসভা প্রস্তাব করছেন যে, বুড়োর আশা ভরসা ছেড়ে দিয়ে অম্বরদের রাজপাট অচল করবার জন্য তাঁদের সঙ্গে সহযোগিতা বর্জন করা হোক।”

বরুণ এই প্রস্তাব সমর্থন করতে উঠে দেবতার দুঃখ বর্ণনা করতে করতে কঁদে সভাস্থল ভাগিয়ে দিয়ে বলতে লাগলেন—“অম্বররা যে রকম ব্যাধড়ামি আরম্ভ করেছে, তাতে আমরা অমর যদি না হতুম ত এতদিন আমাদের দেবদ্ব ঘৃণে’ প্রেতভ প্রাপ্তি ঘটত। বলেন কি মশয়, একটু মুখ খুলে কথা কইবার জো নেই—অমনি জেলে পুরে দেয়; দেবলোকের টাউন-হলে একটা মিটিং করতে গেলে লাঠির গুঁতোয় তা ভেঙ্গে দেয়। রায়ে নিশ্চিন্ত হয়ে ঘরে শোবার জো নেই, ফিস ফিস করে’ গিমির সঙ্গে কথা কইলেই বলে ‘কন্স্পিরেসি’ করছ। এ সম্বন্ধে আবেদন নিবেদন অনেক করা সত্ত্বেও যখন আটটি রঙা ছাড়া আর বেশী কিছু পাওয়া যায় নি, তখন দুঃখের সহিত অম্বর বাবুদের জানাতে বাধ্য হচ্ছি যে, তাঁদের সঙ্গে সহযোগিতা করা আর আমাদের পোষাচ্ছে না। এতে তাঁদের গুঁতোর চোটে আমাদের প্রাণ যায়—ত কি আর করব, না হয় ভিক্ষে মেগে খাব।”

অগ্নি তড়াক করে’ লাকিয়ে উঠে তাঁর সপ্তজিহ্বা লক লক করতে করতে বলে উঠলেন—“দাগত্বের রজ্জু আমাদের জালিয়ে দিতেই হবে। দুডিকই হোক আর মহামারীই হোক, ম্যালেরিয়াই হোক আর ইনফ্লুয়েন্জাই হোক, আমাদের এই তেজিশ-কোটর প্রাণ যখন বেরবে না—তখন আর আমাদের কিসের ভয়? আপনারা যদি আমার সাহায্য করেন, বায়ু যদি একটু অহুকূল হয়ে বইতে থাকেন, ত আমি ত একাই অম্বর-পুরী পুড়িয়ে ছারখার করে’ দিতে পারি—এর জন্তে এত কান্নাকাটিই বা কেন, সহযোগিতা বর্জনের বাসনাই বাকেন?”

অগ্নির এই রকম অসাম্বিক প্রস্তাব শুনে দেবতাদের মুখ শুকিয়ে এল। যমরাজ সভাপতির কাণের কাছে গিয়ে বলে দিলেন,—“স্মরণটা বড় চড়া হয়ে যাচ্ছে না? শেষে কি এই বুড়ো বয়সে আমাকেই নিজের বাড়ী যেতে হবে।”

স্বয়ং চন্দ্রকে ইঙ্গিত করে’ দিতেই তিনি মধুর হাসিতে সভাস্থল উজ্জল করে’ বলতে লাগলেন—

“দেখুন ব্রাহ্মণ, আমরা যখন দেবতার জাত, তখন আমরা মুখে বাই বলি, আমরা যে একেবারে হাড়ে হাড়ে সাম্বিক, তাতে আর কোন সন্দেহই নেই। স্মরণাং মারামারি রক্তারক্তি প্রভৃতি আত্মরিক ব্যাপারগুলোর আলোচনা আমাদের মধ্যে যত কম হয়, ততই ভাল। আমরা যে অম্বরবৃন্দের সঙ্গে সহযোগিতা বর্জন করতে যাচ্ছি, এতে যেন আমাদের মনে বিষয়-বুদ্ধির ছিটে ফোটাও না আসে। আমি যে এতকাল চন্দ্রারন ব্রত করে’ তপঃশক্তি সংগ্রহ করেছি, তার ফলে অম্বরদের প্রেমের বজ্রায়ু ভাগিয়ে দেব; বিনা রক্তপাতে কার্যোদ্ধার হবে।”

চটপট করতালিধ্বনির মধ্যে চন্দ্রদেব আসন গ্রহণ করতেই শ্রীমান্ কাক্তিকেশ নবীন পোঁকে চাড়া দিতে দিতে বললেন—“প্রেমের বজ্রা-চটা যা শোনা গেল, তা যে অতি উপাদেয় জিনিষ, তাতে আমার সন্দেহ মাত্র নেই; কিন্তু আপনাদের এই প্রেমের বজ্রা আসবার আগে অশ্রর বজ্রার স্বর্গরাজ্য না ভেসে যায়—তার ব্যবস্থাও যেন করা হয়। অম্বরদের সঙ্গে পূর্বে থেকেই আমার একটু আলাপ পরিচয় যে আছে, তা’ ত আপনারা সকলেই জানেন। তারকাস্মরকে যখন প্রেম শেখাবার দরকার হয়েছিল, তখন ত চন্দ্রদেব অমৃতভাণ্ড ছেড়ে উঠতে চান নি—আমাকেই সে কাজটা করতে হয়েছিল। আমি যে উপায়ে তা করেছিলুম, সেটা যে ঠিক কোপনি এঁটে নামাবলী গায়ে দিয়ে আর চরণামৃত খেয়ে নয়, তা বোধ হয় আর বুঝিয়ে বলবার দরকার নেই। আপনাদের যে রকম ব্যাপার দেখছি, তাতে দেব-সেনাপতির কাজ যে আমার দ্বারা চলবে, তা ত মনে হয় না। লোটা কঞ্চল নিয়ে এ বয়সে ময়ূব চেপে কীর্তন করে’ বেড়ান আমার পোষাবে না।”

ইন্দ্রের ছেলে জয়ন্ত সেন কলেজ ছেড়ে দিয়ে মহা ফকোড় হয়ে উঠেছিল। সে কোণ থেকে চীৎকার করে’ বলে’ উঠল—“হিয়ার হিয়ার।”

সভাস্থলে তুমুল গোলমাল আরম্ভ হল। নানা-রকম অসাম্বিক সম্ভাষণের পর উভয় পক্ষের মধ্যে টেবিল, বেঞ্চ ছোড়াছুড়ির সম্ভাবনা দেখে বুদ্ধিমান দেবগুরু বললেন—“আচ্ছা, এ বিবয়টা যীমাংসার তার সাক্ষাৎ বৈকুণ্ঠপতিকে দেওয়া হোক। তিনি যখন ত্রিগুণাতীত, তখন এই সম্ভ, রজের স্বন্দেহ যীমাংসা তিনি করে’ দিলেই ভাল হয়।”

* * *

এদিকে কোলাহল শুনে' নারায়ণের নিদ্রাভঙ্গ হয়ে বাঁওরায় তিনি চোখ রগড়াতে রগড়াতে জিজ্ঞেস করলেন—“নারদ, ব্যাপার কি? এত গোল কিসের?”

নারদ একটু মুচকি হেসে বললেন—“প্রভুপাদ, এবার দেবতাদের একটা নৃতন ফরমাস আছে; আপনাকে এবার নিরামিষ লড়াই করতে হবে।”

চক্রপাণি ভগবান বললেন—“ওদের রকম বেরকমের আবিদারের চোটে আমার কানে তাল ঘরে' গেছে। ওদের বলে' দাও যে, ও-রকম জাকামি শোনবার আমার সময় নেই।”

ন'মাসে স্বরাজ

গোপাল দাঁর ছেলেটি লাকাতে লাকাতে এসে বলে—“বাস, হয়ে গেল।”

“কি হোলো রে, পুঁটে?”

“কি আবার?—স্বরাজ। আর ন'মাস বাকি বৈ ত নয়। তার পরেই সব ঠিক হ'য়ে যাবে।”

- ছেলেটির যে রকম বিষম উৎসাহ, তাকে চূপ করে' বসিয়ে রাখাই দায়। আমি পকেট থেকে একখানা বিস্কুট বা'র করে' তার হাতে দিতেই সে একবার এদিক-ওদিক তাকিয়ে জিজ্ঞেস করলে—“বিলিতি নয় ত?” তার উত্তর পাবার আগেই টপ করে' মুখে ফেলে দিয়ে আমার কাছে এসে বসল। আমি তার পিঠে হাত বুলোতে বুলোতে জিজ্ঞেস করলুম—“হাঁ, পুঁটু, স্বরাজ ব্যাপারখানা কি বে?”

ছেলেটি আমার দিকে বেশ একটু অবজ্ঞাতরে চেয়ে বললে—“ও! তাও জানেন না বুঝি? স্বরাজ মানে কি জানেন,—অর্থাৎ কি না—আপনি গোলদীঘিতে যাননি বুঝি?”

“না, বুড়ো মানুষ কি করে' যাই বাবা?”

“ওঃ। তাই বটে। সেখানে কত লোক এসে যে রোজ স্বরাজ করে' যায়। সেখানে কত জন রোজ বিকেলে এসে দেশের অন্তে প্রাণ দিয়ে যায়; আবার বলে' ন'মাস এই রকম করতে পারলেই পাকা স্বরাজ হয়ে যাবে। তারাত আমাদের বলে' দিলে ইহুদ ছেড়ে সব বেরিয়ে পড়। আমরা পঞ্চাশজন ছেলে টিফিনের সময় পাগিয়ে এসেছি। কোর্ধ মাষ্টার বেটা আমাদের ধরতে এসেছিল; আমরা ‘স্বরাজ কি জয়’ বলে, তাকে ঢিল মেয়ে চম্পট দিয়েছি।”

ছেলেটি তড়াক করে' লাফিয়ে বেরিয়ে পড়ল। তাত খেয়ে তাড়াতাড়ি ইহুদে ছুটে গিয়ে মাষ্টারের চেয়ারে আলপিন শুঁজে রাখবার দায় থেকে যে সে অব্যাহতি পেয়েছে, এইটাই কি কম লাভ? ইহুদ ছাড়তে না ছাড়তে তার মুখের ফ্যাকাসে ভাবটা সেরে গিয়ে বেশ যেন রক্তের আভা দেখা দিয়েছে। একটা মানুষ গড়তেই যখন দশ মাস লাগে তখন ন'মাসে একটা জাত গড়ে উঠবে—এটা বিশ্বাস করি আব না করি—এই ন'মাসে যে ছেলেব বাপের ডাক্তার খংত অনেকটা কমবে, এ কথা আমি দিবি্য করে' বলতে পারি।

পুঁটুবামের কৃষ্টি দেখে আমারও বৈরাগ্যগ্রস্ত হাড় ক'খানা একটু নড়ে চড়ে উঠল। ভাবলুম “স্বরাজ কি জয়” বলে আমিও একবার বেরিয়ে পড়ে' গোলদীঘিতে গিয়ে প্রাণটা দিবে আসি। রাস্তায় দেখা হোলো। আমাদের কুদিয়ামের বড় ছেলেটির সঙ্গে। ছেলেটি অতি সৎ, ব্যাদড়ামা কববাব বুঝি-টুকু তার নেই। আমাদের কুইনের ছাপমারা বিশ্ববিদ্যালয়ের চাকার পাক খেতে খেতে বেচারী বিনা দোষে কোর্ধ ইয়ারে পৌছে গেছে। এবারে বি,এ, পাশ দিয়ে বাক্সালী জীবন সার্থক করবার চেষ্টায় ফি পর্যন্ত জয়া দিয়েছে, এমন সময় এই স্ববাজের ফ্যাসাদে ফেসে গিয়ে বেচারী কিংকর্তব্য-বিমূঢ় হয়ে পড়েছে।

‘না যাইলে রাজা বধে যাইলে ভুজঙ্গ,

রাবণেব হাতে যথা মারীচ কুরঙ্গ।”

এদিকে কলেজে গেলে ছেলে মহলে মুখ দেখাবার জো নেই, ওদিকে—এখনও ন'মাস দেবী। ছেলেটি একটু আযতা আযতা করতে করতে জিজ্ঞেস করলে—“কি বলেন, কলেজ ছাড়ব না কি?”

কেন জানি না, আমার ইচ্ছা হোলো ছেলেটাকে আকেস দিয়ে দিই। সে কুপ্রবৃত্তিটা সংযত করে' জিজ্ঞেস করলুম—

“নিজে কি ঠিক কবলে?”

ছেলেটি বললে—“ভাবছি, সবাই যখন বলছে যে, ন'মাসে স্বরাজ পাওয়া যাবে, তখন না হয় একবার ছেড়ে দিয়েই দেখি।”

আমার হঠাৎ বক্তৃতা পেয়ে গেল। বললুম—“স্বরাজ কি ভীমনাগের দোকানের কাঁচা গোলা যে, অপরে তোমাদের তা গিলিয়ে দেবেন? আগে বলতে স্বরাজ ইংরেজ দেবে, এখন বলছ স্বরাজ গান্ধী মহারাজ দেবেন। দশ বিশ লাখ গোলাম নিয়ে যদি একটা স্বাধীন জাত গড়ে ওঠা সম্ভব

হয়, ত ন'মাসে কেন ন'দিনেও তা হতে পারে। কিন্তু স্বরাজ পাওয়ার সঙ্গে মানুষ হওয়ার যদি কোন সম্বন্ধ থাকে, ত তোমাদের কলেজ আর টেক্সট বুক আর প্রফেসারগুলোকে বস্তায় পুরে গন্ধার ভাসিয়ে না দিলে ত হবার কোন সম্ভাবনা দেখছি নে। স্বরাজ পেতে হোলে আগে স্বরাট হতে হবে। নিজের ভিতরে বা নেই, তা কেউ তোমায় দিতে পারবে না। তোমার মত সোনার চাঁদকে নিয়ে যদি স্বরাজ গড়া চলে, ত বাওয়া ডিমে তা দিলেও বাচ্চা ফুটেবে।”

আমার মত শাস্ত্র জীবের এ রকম আকস্মিক আফালন দেখে ছেলোট যেন ভ্যাবাচাকা মেরে গেল। আমারও হঠাৎ মনে পড়ে গেল—

“অরসিকেষু রসস্য নিবেদনং”—ইত্যাদি। শিব দিয়ে লাঠি ঘোরাতে ঘোরাতে গোলদীঘির দিকে চললুম, একটা দোতারা বাজী থেকে সন্ধ্যার বাতাস কাঁপিয়ে খুব করুণ কণ্ঠে কে গাইছে—

“ওগো যদি পরাণে না জাগে আকুল পিয়াসা।”—

আমি বললুম—“ঠিক কথা; তা হলে বাজে বক্তৃতায় কিছু হবে না।”

ক্রন্দোলন

পণ্ডিত স্ববীকেশ সন্ধ্যাবেলা অর্দ্ধনিম্নীলিত নয়নে বসে বসে' তামাক টানচেন, এমন সময় বিষন্ন বদনে গোপাল দা' এসে উপস্থিত। তাঁর গোলগাল মুখখানি একেবারে ভাবনায় প্রায় তিনফুট ছয় ইঞ্চি ঝুলে পড়েছে। তক্তপোষের এক কোণে বসেই তিনি বলে উঠলেন—“কি বিপদেই পড়া গেছে।

খাচ্ছিল তাঁতি তাঁত বুনে

কাল হোল তাঁতির এঁড়ে গোরু কিনে।

ছেলেটা পড়াশুনা কচ্ছিল ভাল। আজ হুপ্তা-খানেক হোলো বইগুলো টেনে ফেলে দিয়ে ঘাটে মাঠে মিটিং করে' বেড়াচ্ছে। নাওয়া-খাওয়া চুলোয় গেছে; আজ সিনেট হলে ধরনা দিয়ে পড়ে' থাক; কাল উপোস কর, পরশু শোকসভা কর—ভাল ফ্যাগাদ সব জুটেছে।”

পণ্ডিত স্ববীকেশ চোখ বুঁজেবুঁজেই বললেন—“তাঁত হবেই। ইজবদ যে এবার রজস্বয় যুগ পার হয়ে সন্তের কোঠায় এসে'ঠেকেছে। আর একটু পরেই নির্বাণ।” আমি জিজ্ঞেস করলুম—“সে আবার কি রকম?” পণ্ডিতজী বললেন—“জিগুণ

ভেদে ভগবানের পর্য্যন্ত রূপভেদ হয়—হি'দ্রয় ছেলে এ কথাটা ত জান?

সুতরাং সন্ত রতঃ ভবঃ গুণের চাপে ইজবদ politics যে রকমারি রূপ ধরবে, এ আর বেশী কথা কি। প্রথম বখন ফিরিজি সভ্যতা এদেশে এসে আমাদের বাপ-পিতাম'র নাম দিলে তুলিয়ে, তখন আমরা ইংরেজের মুখের দিকে দেখতুম আর ভাবতুম—হায়, হায়। ভগবান কি তুল করেই আমাদের এ দেশে জন্ম দিয়েছেন। সে তুল শোধরাবার জন্তে একদিকে যেমন আমরা সাবান যেখে, বামা ঘসে, র'গাদা বুলিয়ে চাড়াটাকে কটা করবার চেষ্টায় ফিবতে লাগলুম, অপরদিকে তেমনি ইংরেজীতে হেসে, ইংরেজীতে কেসে, ইংরেজীতে স্বপন দেখে মনটাকেও বতদূর পারি ফিরিজি মারকা করে' তুলতে লাগলুম। আমরা যে ইংরেজ নই, এতে আমরা তখন মনে মনে বেশ একটু লজ্জিত। এইটেই হোলো তোমার সেকলে কংগ্রেসী যুগের মনস্তত্ত্ব। আমাদের রাজনীতির এটা তামস যুগ। যথাসাধ্য ইংরেজের মত হওয়া সত্ত্বেও বখন ইংরেজ আমাদের হাতে রাজপাট ছেড়ে দিলে না, তখন আমরা আরম্ভ করলুম আন্দোলন আর ক্রন্দোলন।”

“ক্রন্দোলন।—ওটা কি জিনিষ, পণ্ডিতজী?”

“আরে ওটা আর বুঝলে না, ক্রন্দন আর আন্দোলন একসঙ্গে জমাট বেঁধে গিয়ে যা নৃষ্টি হয়, তার নাম ক্রন্দোলন। ওটার সার মর্ম্ম হচ্ছে এই—‘বাবা’ ইংরেজ—তোমার চেয়ারের পাশে আমাদের একটু বসতে জায়গা দাও, বাবা। উঃ অত ঠেসে ধর কেন? আমাদের যে দম বেরিয়ে যাচ্ছে। আরে বাপ। অত দাঁত বি'চুচু কেন? দেখ না, আমরা লেখাপড়া শিখে প্রায় তোমার মত হয়েছি; একটু পাউডার মাখলে আর চেনবার জো নেই।’

গোপাল দা' এই সময় জিজ্ঞেস করলেন—“আপনি কি বলতে চান, ও থেকে কিছু আমরা পাইনি?”

পণ্ডিতজী বললেন—“পাবো না কেন, যথেষ্ট আক্কেল পেয়েছি, তাই ত ১৯০৫-এর পর এল রাজনীতির রাজসিক যুগ। তখন আমাদের অন্তরের দেবতাটি অন্ধকার নৃষ্টি ছেড়ে রক্তমৃষ্টি ধরেছেন, কাজেই তখন “ক্রন্দোলন”র বদলে আরম্ভ হোলো—গু'তো। তখনকার মূলমন্ত্র হচ্ছে—‘দে ডাঙা, দে ডাঙা।’ ফিরিজি সভ্যতার উপর চোটে গিয়ে আমরা তখন বাইরের সাবান, বুদ্ধ, হেঁড়া পেটলান

নে কেলে দিয়েছি বটে, কিন্তু মনের চংটা বদলায়নি। মনটা তখনও বলচে—‘একবার ওদের শিল, ওদের নোড়া নিয়ে ওদের দাঁতের গোড়ার লাগাতে পারলে হ’ত ভাল।’ শিল-নোড়া যখন পাওয়া গেল না, তখন আমরা অভিমান ভরে হ’য়ে দাঁড়ালাম সান্ত্বিক।

“এই যে গোস্বামী মতে ভারত-উদ্ধার আরম্ভ হয়েছে, এর মূলমন্ত্র হচ্ছে :—‘স্বরাজ যদি না দাও, ত তোমাদের সঙ্গে আড়ি; ও কালামুখ আর দেখবো না।—এটা হচ্ছে ইজবদ্দের সান্ত্বিক যুগ—তবে যদি না চটো, দাদা, ত বলি—তামস-সান্ত্বিক।”

আমার কথাটা ভাল লাগলো না; জিজ্ঞেস করলুম—‘তোমার ঐ খুঁতধরা রোগটা বুঝি আর গেল না? এত ত্যাগ-সংযম থাকতে ব্যাপারটা তামস-সান্ত্বিক হতে গেল কেন?’

পণ্ডিতজী “ভিত্তিকা সাধনাই যদি সান্ত্বিকতার বোল আনা হতো, তা’হলে আর ভাবনা কি? দেখছো না ব্যবস্থাপ্রলো গ্রায় পুরোপুরি ‘নেতি, নেতি’ হরণের? এ কোরো না, ও কোরো না—কিন্তু করতে হবে কি, তার একটা স্পষ্ট ধারণা কারো নেই। এর ফল হতে পারে মিথ্যাকে ছাড়া, কিন্তু সত্যকে পাওয়া নয়। যম, নিয়ম, উপবাস, হবিষ্য—অবিশ্রু জিনিষ ভাল—তবে পছন্দ। ভগবান কি Sunday school-এর হেড মাস্টার, যে, খ্রীষ্টানী দশ আদেশের একটু উনিশ-বিশ চর্চাই আমাদের নরকস্থ করে দেবেন? একটা জাত যখন নিজের শক্তির আত্মদান পেয়ে বেঁচে ওঠে, তখন কি কতকগুলো নিষেধের বোঝা মেনে নিয়ে চলে না কি? নিজেদের যে আমরা চিনিনি তার প্রমাণ ত পদে পদে পাচ্ছি। সব নেতাদের জিজ্ঞেস কর যে, ইংরেজ চলে’ গেলে তাঁরা দেশটাকে কি রকম করে গড়তে চান। তাঁদের ধারণা-প্রলোমের পনের আনা ভাগ ফিরিঙ্গিস্থান থেকে ধারকরা—ঐ পার্লামেন্ট, ভোট, ব্যালট আর মেজরিটি। আমাদের মাথায় ভিতরকার স্বরাজের সঙ্গে দেশের নাড়ীর যোগ আছে কি না তা এখনও আমরা ভেবে দেখিনি। এই যে ভাবের তুফান উঠেছে, এতে লোকের মনগুলোকে দেশের দিকে ফেরাবে; এইটাই এর কাজ। এটা পুরোণেকে ভাববে, কিন্তু নতুন ছকে গড়বে কি? তার ত কোনো লক্ষণ দেখছি; সবাইকার অবস্থা দেখে মনে হয় যেন তারা ত্রিশত্বে মত শূন্যে ঝুলছে; চলবার পথ পাচ্ছে না। তাই ত মনে ভয় হয়—

আবার একটা অকালবোধন হোলো নাকি? তবের পর রজ: এল, তারপরে এলেন সত্ত্ব—শেষে নির্ভণে গিয়ে ঠেলে উঠবে না ত?”

আমারও একটা ভাবনা হোলো। জিজ্ঞেস করলুম—“এই ‘নেতি’ নেতি’র রাস্তা ভেঙ্গে স্বরাজে গিয়ে পৌছোবে ক’জন?”

পণ্ডিতজী বললেন—“মহাপ্রস্থানে যাত্রা করলেন ত পঞ্চপাণ্ডব মিলে। শেষ স্বর্গের দরজায় গিয়ে যখন হাজির হলেন—তখন বাকি শুধু মহারাজ যুধিষ্ঠির আর তাঁর কুস্তা।”

মন আমার

বয়স তখন উনিশ কি দুড়ি। একদিন সন্ধ্যা-বেলা একলা পেয়ে মনকে জিজ্ঞেস করলুম—মন, কি চাও।

মন শুকনো মুখে চুপ কোরে বসে রইল। কথার কোনো উত্তরই দিলে না।

সেবার পাগের পড়া পড়িচি। সবাই আমাকে বলত ভাল-হেলে। জিজ্ঞেস করলুম—“মন একবার চুটিয়ে পাগটা কোরে নেবে? বেশ ত গেজেটের ডগায় নাম উঠবে, সোনার মেডেল পাবে, খোদ লাটসাহেব এসে হাতে সার্টিফিকেট দেবে, ছেলে-মহলে হৈ হৈ পড়ে যাবে।”

মন একটু স্নান হাসি হেসে বললে—পোড়া কপাল, পেয়াদার আবার স্বপ্ন-বাড়ী, গোলামের আবার বিত্তে।

লেখাপড়ার গুমরটা মনে মনে একটু ছিল; সেখানে ঘা খেয়ে একটু শিউরে উঠলুম।

তবে কি চাও। মন,—টাকা? কলকাতার বুকের উপর একখানা সাদা মার্কেল পাথরে বাঁধান বাড়ী, চমৎকার একখানা মোটর আর ব্যাঙ্কে লাখ কতক? কি বল?

মন আমার মুখ তুললে না। শুধু বললে—“একলা মানুষ ও-সব নিয়ে আমি করব কি? ছুবেলা দুমঠো ভাত, আর মাথা গোল্‌বার একটু জায়গা পেলেই হ’ল।”

মনের এই উদাস উদাস ভাব দেখে ভাবলুম মন আমার বুঝি লুকিয়ে ‘লভে’ পড়েছে। একটু ইতস্তত: কোরে চুপিচুপি জিজ্ঞেস করলুম—“একটি টুকটুকো রাজা বউ বিয়ে করবে? খাশা মেয়ে! বেশ চারিদিক আলো করে ঘুরে বেড়াবে।”

মন আমার হাই তুলে বললে—“নিজের বোঝাই বইতে পারিনে—তার উপর আবার একটা মেরে।”
রোগটা ঠাণ্ডাতে পারলুম না।

* * *

সেদিন সন্ধ্যাবেলা গোলদীঘির ধারে একজন প্রকাণ্ড স্বদেশী পাণ্ডার লোকচান শুনে খুব খানিকটা হৈ চৈ করে বাগায় এসে খেয়ে দেয়েই শুয়ে পড়িছি। খোলা দোর জানালা দিয়ে জ্যোৎস্না বিছানার উপর যেন ঢেউ খেলছে। কখন যে ঘুমিয়ে পড়েছি তা টেরও পাইনি। আধা রাতে হঠাৎ যেন বুকটা দুড় দুড় করে উঠল। ঘুম ভেঙ্গে দেখি মনটা আমার ডুকরে ডুকরে কাঁদছে। আঃ, সে কি কান্না! বুকটা যেন মূড়ে মূড়ে নিজড়ে নিজড়ে কান্নার ধারা ছুটেছে। আমাকে জাগতে দেখে মন আমার খানিকটা হুঁপিয়ে হুঁপিয়ে চুপ করলে। অনেকক্ষণ গায়ে হাত বুলিয়ে বুলিয়ে জিজ্ঞাসা করলুম—“হ্যারে, তোর কি হয়েছে বল্না? কি করলে তুই সুখী হোস?”

আবার ফোঁপানি সুরু হলো। আমি ভাবলুম বুঝি বক্তৃতা শুনে মনের আমার নেতা হবার সাধ হয়েছে। বললুম—“হ্যারে, ছেলোদের সন্ধানি করবি? কত হাততালি পাবি, ফুলের মালা পাবি, খবরের কাগজে তোর নামে প্রবন্ধ বেরবে; আর এখন থেকে সুরু করলে কালে লাট সাহেবের সভার সভ্যও হতে পারিস। কংগ্রেসের সভাপতি হওয়াও বিচিত্র নয়—অথচ খরচ একটি পয়সা নেই। কি বলিস?”

মন আমার নাকটা সিঁটুকে উঠল। মুখটা আমার চেপে ধরে বললে—“ওগো, রক্ষা কর, রক্ষা কর—আমি কি ছ্যাঁচোড় না দাগাবাজ, আমার ফকিকারি দিয়ে তোলাচ্ছ?”

কি বিপদ। তবে কি মনের আমার বৈরাগ্য হল? জিজ্ঞাসা করলুম—“তুই কি সাধু হবি নাকি? চল, গেক্সা ছুবিয়ে নিয়ে তা’হলে বেরিয়ে পড়ি। একটা আলখেল্লা আর কমণ্ডলু নিয়ে আরম্ভ করা যাক; শেষে চেলা টেলা জুটলে একটা ভাল জায়গা দেখে মঠ বেঁধে বসা যাবে খন।”

মন আমার মুখের দিকে অনেকক্ষণ চুপটি মেরে হাঁ করে চেয়ে রইল; শেষে একটু ঘাড় নেড়ে শুধু বললে—“ছি।”

* * *

বাক্সালীর ছেলে সেপাই হবে—একথা তখন কে ভেবেছিল? কিন্তু আজ তা’ও হলো। ১৯১৫

সালে যে ফরাসীর সঙ্গে জার্মানের যুদ্ধ হবে, আর আমি ফরাসী পণ্টনে ভর্তি হয়ে লড়াই কর্তে যাব—এ কথা আমার ভাগ্য-বিধাতা ছাড়া আর কে আগে জানত? ভাল ছেলে হওয়া বা বড় লোক হওয়া আমার পোষাল না। আমি ঘরের খেয়ে বনের মোষ তাড়াতে এসেছি। যত দূর দেখেছি, সব ফরাসী জাতটা যেন একেবারে ক্ষেপে উঠেছে। ঘর ছেড়ে, বোঁ ছেড়ে, ছেলে ছেড়ে, ধন ঐশ্বর্য ছেড়ে—সুবা, বুড়ো, জ্যাঁড়া, মুলো, সব রাইফেল কাঁধে ছুটেছে। নিশান উড়ছে, বিউগল বাজছে, আর কান ফাটিয়ে ঐ এক গান উঠছে—“Allons enfants de la patrie” - - - আজ আকাশ ভেঙ্গে বৃষ্টির ধারা ছুটেছে আর আমরা মাঠের পর মাঠ ভেঙ্গে ডবল কদমে চলেছি। মাঝে মাঝে আকাশ চিরে বিজলী চমকচ্ছে; দূরে জার্মানের তোপের আওয়াজ বেশ স্পষ্টই শোনা যাচ্ছে।

মনটা আমার ফরাসী সেনার সঙ্গে সঙ্গে বেশ তালে তালে পা ফেলে চলেছে। হঠাৎ—কড়াং—ং।—কান ফাটিয়ে, চোখ ধাঁধিয়ে, কোথা থেকে একটা শেল আমাদের খুব কাছাকাছি এসে ফাটলো। যে যেখানে পারলে গুড়ি নুড়ি মেরে মাটির উপর পড়লো। শেলের এক টুকরো তার মাথায় এসে লেগেছিল।

মরণকে এত কাছে পেয়ে প্রাণটা যেন উন্মাদনায় ভরে গেল। মনে পড়লো সেই মেরের ছেলেগুলো, যারা পাশ করেছে, আর বেঁচে মরে আছে। বাড়ীতে বুড়ী মা আর ছোট ভাইটা—আসবার সময় যার গলা জড়িয়ে ধরে এ পাখাণ চোখেও জল এসেছিল—দূর হোগ গে।

ভিতরের দিকে চেয়ে দেখলুম—মন আমার যেন পাথরের মত শক্ত হয়ে দাঁড়িয়ে আছে। শুধু তার চোখ দুটো যেন বিদ্যুতের মত চকচক করছে। আন্তে আন্তে জিজ্ঞাসা করলুম—“কি মন, একবার কাঁপিয়ে পড়বে?”

মন আমার একটা পাগলের মত অট্টহাসি হেসে বললে—“মরণের লোভ যে কত বড় তা আমি জানি; কিন্তু যাদের অন্ত্রে মরণলোভ সূখ হতো, এরা ত আমার তা নয়।

* * *

“তবে চুলোয় বা”—বলে আমি চলতে আরম্ভ করলুম। সেই যে চলেছি, আজ অবধি চলা আর আমার শেষ হলো না। যুদ্ধ শেষ হবার পর শুনলুম ইউরোপ নাকি একটা জাতিসংঘ গড়ে জগতে

সত্যসুগ আনবে। মনকে জিজ্ঞাসা করলুম—
“দেখতে যাবি নাকি রে?” মন বললে—“হ্যাঁ,
ওটা ত জাতিসংঘ নয়, ও হলো মাতব্বরদের
বদ্ব্যক্তি সংঘ।”

তুই যে আমার বেজায় আবেদনে, মন।

চললুম রুশিয়ায়—সেখানে নাকি সব ভেদভেদ
রক্তের নদীতে ভাসিয়ে দিয়ে লেনিন মানুষকে
সমান করে গড়বে। গিয়ে দেখলুম, হাঁ—একটা
নতুন রকমের কল বসেছে বটে। মানুষকে সেই
কলের মধ্যে ফেলে, কারও মাথাটা ছেঁটে দিয়ে,
কারও ঠ্যাংটা ভেঙে দিয়ে, সকলকে সমান করে
গড়বার চেষ্টা হচ্ছে বটে। যার নাকটা একটু বড়,
দাঁও তার নাকটা ইঞ্চি খানেক কেটে; যার চোখ
দুটো একটু গোল গোল, দাঁও তার চোখ দুটো ছুরি
দিয়ে পটল-চেরা করে। একেবারে ভীষণ রকমের
শাস্তি। কর্তার যদি জ্বর হয়, ত সবাই খাও শাও;
কর্তা যদি পাশ ফিরে শোন, ত কেউ চিৎ হয়ে শুতে
পাবে না। শুনলুম এর নাম Commune। মন
আমার খানিকটা চুপ করে থেকে থেকে বলে
উঠল—বাপ।

* * *

ছুট, ছুট, ছুট।—একেবারে ছুটতে ছুটতে
তুর্কিস্তান, কাবুল, পাকিস্তান, হিন্দুস্তান ভেদ করে
বাংলার মাটিতে জাংটা হয়ে এসে দাঁড়িয়েছি।
আজ কোথায় তুমি আমার স্বপ্নের বাংলা?—
কোথায় তুমি, মা। দশ হাতে দশ গ্রহরণ নিয়ে
অনন্ত ঐশ্বর্যে ভূষিত হয়ে তুমি একদিন বাঙ্গালী
সাধকের মানস-পটে এঁকে উঠেছিলে, আর আজ
দেখি সবাই আমারই মত জীর্ণ, ক্লিষ্ট, ক্ষত-বিক্ষত
দেহ প্রাণ নিয়ে পরের পায়ে ধরণা দিয়ে পড়ে
আছে।

ভিতরের দিকে চেয়ে দেখলুম মন আমার চোখ
বুজে একেবারে চুপ, হ’য়ে গেছে। শুধু অন্তর্ধ্যামিনীর
পদপ্রান্তে তার কাতর প্রার্থনা উঠেছে—একবার,
এসো মা, এসো মা।

পুঁটের স্বরাজ

সকাল বেলা উঠে পুকুর-বাটে মুখ ধুতে গিয়ে
দেখি পাড়ে একটা খেজুর গাছের তলায় তিন চারটে
ছোট ছোট ছেলে জটলা পাکیয়ে দাঁড়িয়ে আছে,
আর যে মিন্সে খেজুর গাছে তাড়ী দেয়, সে রক্তবর্ণ

চতুর্ভুজ হ’য়ে আক্ষালন জুড়ে দিয়েছে। কি
ব্যাপার?—হাত-মুখ ধোয়া ত চলোয় গেল।
তাড়াতাড়ি গিয়ে দেখি তাড়ীর কলসীটা ফুটো হয়ে
গেছে আর তা থেকে টস্ টস্ করে তাড়ী পড়ছে।
মুখ্যোদের পুঁটের দিকে আঙ্গুল দেখিয়ে তাড়ি-
ওয়াল বললে—“দেখুন দেখি কর্তা-মশাই, ঐ
ছোড়াটা ঢিল মেয়ে আমার কলসীটা ফুটো ক’রে
দিয়েছে।” তাবলুম বুঝি হাতে-হাতে ধরা পড়ে
পুঁটে একটু অপ্রতিভ হ’য়ে পড়বে। কিন্তু পুঁট
সে ছেলেই নয়। সে তার দেড়হাত পরিমাণ
দেহটাকে বৈকিয়ে ধমুকের মত ক’রে ঘাড়টাকে
একটু বাঁ দিকে হেলিয়ে উত্তর দিলে—“বেশ করেছে
ভেবেছি; সবুর কর তুই ন’ মাস। তারপর
স্বরাজ হ’লে তোকে ধ’রে ঐ খেজুর গাছে ফাঁসি
দেব।”

তখন আমার জ্ঞান-নেত্র ফট করে ফুটে উঠল।
ঠিক ঠিক। এটা তা’হলে স্বরাজেরই প্রথম অধ্যায়।
কাল দেখছিলুম বটে একটি নাকে সোণার চশমা
দেওয়া “My deer” রকমের নবীন ছোকরা সিঁদু
মণ্ডলের চণ্ডীমণ্ডপে বসে বসে একখানা খবরের
কাগজ পড়ে ছেলেদের কি শোনাচ্ছিল। কলকাতা
থেকে এসেছে নাকি?

আমি ত তাড়াতাড়ি তাড়ীওয়ালাকে একটু
ঠাঙা করে, ছেলেগুলোকে সেখান থেকে টেনে
নিরে এলুম। মুখখানা যথাশস্তব গম্ভীর করে
জিজ্ঞাসা করলুম—“হ্যারে পুঁটে, সকালবেলা
পাঠশালা না গিয়ে বুঝি তাড়ীর কলসী ভেঙে
বেড়ান হচ্ছে?”

পুঁটে তার আড়াই ইঞ্চি মুখখানা আমার চেয়েও
গম্ভীর করে উত্তর দিলে—“ও নবীন পণ্ডিতের
পাঠশালায় ত আমরা আর যাব না; আমাদের যে
জ্ঞানশালা পাঠশালা হয়েছে।”

আমি ত হাঁ করে ফেললুম। বললুম—“আরে
মোলো; পড়িস্ ত শিশুশিক্ষা; তার আবার
জ্ঞানশালা পাঠশালা কিরে?”

পুঁটে হারবার ছেলে নয়। সে বললে—
“আজ্ঞে হ্যাঁ; এইবার থেকে যে আমাদের জ্ঞানশালা
শিশুশিক্ষা পড়ান হবে।”

আঃ খেলে কচুপোড়া। জ্ঞানশালা শিশুশিক্ষা।
বাপের বয়সে তা ত কখন দেখিনি। পুঁটেকে
জিজ্ঞাসা করলুম—“জ্ঞানশালা পাঠশালা বসবে কি
খেজুর গাছের তলায়? ওখানে গিয়ে কলসী
তাড়তে গেলি কেন?”

আমি বুঝলুম তেতরে একটা-কিছু কথা আছে।
অন্ধকারে ঢিল মারা গোছ করে' জিজ্ঞেস করলুম—
“ঐ সিঁদু মণ্ডলের চণ্ডীমণ্ডপে যে বাবুটি এসেছেন—
আচ্ছা, কি নাম ভাল—”

পুঁটে কটু করে' বলে ফেললে—“রেবতী বাবু।”

আমি মনে মনে একটু হেসে বললুম—“হাঁ।
রেবতী বাবু—তিনিই জ্ঞান, নাল পাঠশালা খুলছেন
—না? তা বেশ—কাল তিনি কি বললেন
তোদের?”

পুঁটে নীরব। দেখলুম ছেলেটা একটা জ্ঞান-
কাটা বিচ্ছু।

হঠাৎ দাঁত-মাত ঝিঁচিয়ে বলে উঠলুম—“বলবি
নে পাঞ্জি? দাঁড়াও একবার লাগাচ্ছি জল-
বিচুটি।”

পুঁটের পাশে দাঁড়িয়েছিল যত্ন পোন্ধারের ছেলে
নন্দহুলাল। সে একবার পুঁটের মুখের দিকে চেয়ে
দরজার দিকে ফিরে দেখলে। দরজাটা বন্ধ—
পালাবার রাস্তা নেই। তখন সে মাথা চুলকুতে
আরম্ভ করে' দিলে। আমি তাকের উপর থেকে
গোটা দুই নারকুলে কুল পেড়ে তার হাতে দিয়ে
বললুম—“বলত, বাবা নন্দহুলাল—রেবতী বাবু কি
বললেন?”

নন্দহুলাল কুল দুটো এক সঙ্গে মুখে ফেলে
দিয়ে বললে—“রেবতী বাবু বললেন—তাড়ীর
কলসী ভেঙ্গে দিয়ে এলে দুটো করে' লেবেনচুস
দেবেন।”

বুঝলুম—তাহ'লে স্বরাজের propaganda
work আরম্ভ হ'য়ে গেছে।

ছেলেগুলোকে বিদায় করে' দিয়ে তামাকটি
সঙ্গে একটু নিশ্চিন্ত হ'য়ে হুটি টান মেরেছি, এমন
সময় সিঁদু মণ্ডলের ছেলে স্বয়ং গোপীনাথ দূরে
থেকে “পেন্নাম হই, বাবাঠাকুর” বলে' দরজার
পাশে এসে দাঁড়াল।

—“কিরে গোপীনাথ, সকাল বেলা, কি মনে
করে' রে?”

গোপীনাথ কাছে এসে মেজের উপর উবু হ'য়ে
ব'সে চুপি চুপি বলতে আরম্ভ করলে—“এজ্ঞে,
বাবা বললে—যা না-হয় একবার বাবাঠাকুরের
কাছে, বাওরাটা ত ভাল বুঝি নে।”

—“কি ব্যাওরা রে?”

—“এজ্ঞে, ঐ যে কলকাতা হোতে গোরা হেন
একটি ছোকরা বাবু এয়েছেন—আঃ কি বলব বাবা-
ঠাকুর, তানার নাক দিয়ে বেন ইংরেজীতে খে

ফুটতে নেগেছে। তা তিনি ত দুদিন থেকে গাঁয়ে
গাঁয়ে ঘুরে' ঘুরে' কার কত বিষে জমী আছে, কত
ধান হয়, কত পাট হয় তার তল্লাস করুতে নেগেচেন।
মতলব কিছু বুঝিনে বাবাঠাকুর। তিনি ত বলুচেন
—কলকাতার বাবুরা না কি, কি কোম্পানী
খুলেচেন; তাতে নাম লেখালে নাকি আর রোডসেস,
খাজনা, ট্যাক্স দিতে হবে না। গোমস্তা বাবুকে
জিজ্ঞেস করতে গেছলাম। গোমস্তা বাবু বলে'
দিয়েছে—“ও সব জরীপের লোক, জমী মাপ-জোপ
করে' খাজনা বাড়াবে; ভাল চাস ত মেরে তাড়িয়ে
দে'। তা সবাই ত ঠিক করেছে, গাঁবের বেলা
ওনাকে গো-বেড়েন দিয়ে দেবে। তাই বাবা
বললে—যা না-হয় একবার বাবাঠাকুরকে সত্যি-
মিথ্যে জিজ্ঞেস করে' আয়।”

—আমি দেখলুম, এরই মধ্যে স্বরাজ অনেক-
খানি এগিয়েছে। তামাকটা আর আমার খাওয়া
হেলো না। শেষে কি ভক্তলোকের ছেলে ন'মালে
ভারত উদ্ধার করুতে এসে বেঘোরে মারা পড়বে।
ছকোটা ছেড়ে আস্তে আস্তে গোপীনাথের সঙ্গে
তাদের চণ্ডীমণ্ডপে এসে হাজির হনুম। দেখলুম—
স্বরাজ প্রতিষ্ঠার সব আসবাব একেবারে স্তরে স্তরে
সাজানো।

একটি চরকা, তিন বাঙুল নুতো, দুখানা খবরের
কাগজ, দু প্যাকেট গান্ধীমার্কা সিগারেট, একটি
ছোট ঠোঁড়, এক ডজন বাতি, একটি চায়ের কাপ—
একখানি ভক্তপোষের এক পাশে সাজান রয়েছে,
আর শ্রীমান রেবতী মোহন বি-এ একখানি ছোট
পকেট বুকে খস খস করে' নোট লিখছেন। বয়সে
২১২২ আন্দাজ, এখনো ভাল গ্লোফ উঠেনি, নাকে
চসমাটা এমনি ট্যাড়া ভাবে লাগান যে দেখলেই
মনে হয় ইনি ইংলিশে অন-নয়। ঈষৎ দস্তকুচি
কৌমুদী বিকাশ করে' বললেন—“আমি আপনাদের
villageটা organise করুতে কি জানেন, যা দেখছি
তাতে ছেলেদের মধ্যে propaganda খুব success-
ful হবে আশা করুচি; তবে চাষাগুলো worthless
—এদের মধ্যে কাজ করুতে হ'লে টাকা চাই।
আর কি জানেন—গ্লোফ-দাড়ি নেই বলে' আমার
কথা লোকে শুনেতে চায় না।”

আমার প্রাণপুরুষ অন্তরের মধ্যে খিল খিল
করে' হেসে উঠছিলেন। সে হাসিটা চেপে আমি
গভীরভাবে বললুম—“গ্লোফ বা টাকার জন্তে বিশেষ
ভাবনা নেই। দুইই কামালে বাড়ে। আপাতভঃ
সাতটি দিন বক্তৃতাটি একটু বন্ধ রাখুন। স্বরাজ

যায় আবার আসে, কিন্তু পৈতৃক প্রাণটা চাবার হাতে গেলে আর কিরবে না।”

—

সংকীর্ণনে ভারত-উদ্ধার

বিশ্বনা'র তাইপো গোপাল ছেলোট বড় ভাল। তবে তার মাথায় এখনো টাক পড়েনি আর হজম শক্তিটাও বেশ সতেজ আছে বলে' বিশ্বনা ভক্তি-তত্ত্বটা সে বরদাস্ত করে' উঠতে পারে না। সেদিন সকাল বেলা পণ্ডিতজীর কাছে বসে আছি, এমন সময় গোপাল একখানা মাসিক কার্গজ হাতে করে' এসে উপস্থিত। মুখখানা একটু শুকনো শুকনো। চোখ দেখলে মনে হয় যেন ভেবে ভেবে রাত্রে ভাল ঘুম হয়নি। তাকে দেখেই আমি জিজ্ঞেস করলুম— “কি গোপাল। সব খপর ভাল ত রে?”

গোপাল সে কথার কোন উত্তর না দিয়ে বললে— “বড় মুস্থিলে পড়ে' গেছি, দাদা। এই দেখুন না জ্যেষ্ঠামশাই আমার কি কৌণ্ডি করে' বসেছেন।” —বলেই গোপাল মাসিকখানা খুলে' পড়তে আরম্ভ করে' দিলে— “জানি বাব্বালা দেশ ভাবের দেশ। বাব্বালার মাটির ওপরে আজকের এই ভাবের ঢেউ নতুন জিনিষ নয়। তাব জিনিষটা যতই বড় হোক, আর যতই ভাল হোক, শক্তিহীনের পক্ষে তার ফলটা খুব ভাল হয় না। দুর্বল মেহে যেমন সবল নাড়ী প্রায়ই মারাত্মক, লঘু আধারের পক্ষে গুরু আধেয় যেমন নিরাপদ নয়, অনধিকারীর পক্ষে শক্তিসম্পন্ন বীজ যেমন অনিষ্টকর, লঘু চিন্তে ভাবাবেশ তেমনি অসুভকারী। এমন কি, ভগবদ্ভক্তির ভাবটা পর্য্যন্ত এ নিয়মের বাইরে নয়। গোরাঙ্ক ঠাকুরের এমন ভক্তির ধর্ম, জ্ঞানের রজ্জুর দ্বারা সংযত না হওয়ার বাব্বালা দেশের যে অধঃপতন ঘটিয়েছিল, তার ফল বাব্বালী এখনও হাড়ে হাড়ে ভুগছে। তার পরবর্তী যুগে বাব্বালার নাট্য-কলায় যে ভাবের আভিষ্য বাব্বালী জীবনকে আন্দোলিত করে, তার ফলে সমগ্র বঙ্গ বহুকাল যাত্রা পাঁচালী তরঙ্গ আর কবির লড়াইয়ে মত্ত হ'য়ে সকল ধর্ম-কর্ম আর মনুষ্যজ্ঞ জলাঞ্জলি দিয়েছিল।”

পণ্ডিতজী এই পর্য্যন্ত শুনে' বলে' উঠলেন— “কেন, এ ত বেশ কথা। এতে তোমার আপত্তি কি গোপাল?”

গোপাল একটু হেসে বললে— “পণ্ডিতজী, এ পর্য্যন্ত না-হয় বুঝলুম। গোরাঙ্কদেবের ধর্মের

সঙ্গে তরঙ্গ পাঁচালীর সম্বন্ধটা না-হয় জ্যেষ্ঠা মহাশয়ের খাতিরে স্বীকার করেই নিলুম; কিন্তু সেই ভাবের নেশা ছোটাঁবার জন্তে জ্যেষ্ঠামশাই যে দাওয়াই বাৎলাচ্ছেন, সেটা ত একবার শুনে নিলুম।”

জ্যেষ্ঠামশাই ভাবের নাচানাচি বন্ধ করে' দেবার ব্যবস্থা ক'রে দিয়েই পরক্ষণে জিজ্ঞেস করলেন :— “তিন হাজার পাগলা ছেলে হিসাব বৃদ্ধি ছেড়ে দিয়ে বেরিয়ে আসতে পারবে? দেশের জন্তে, মানুষের জন্তে, ভগবানের জন্তে সর্ব্বই ত্যাগ করে নিত্যা-নন্দের মত প্রেমে পাগল হ'য়ে ছুটে আসতে পারবে? * * * পাগলামিতে একেবারে বৃন্দ হয়ে থাকতে হবে।”

এই পর্য্যন্ত শুনেই পণ্ডিতজী বলে' উঠলেন— “দাড়া, দাদা, দাঁড়া। একটু সমঝে সমঝে রস গ্রহণ করতে দে। তত্ত্বকথাটা একটু বোলাটে রকমের হ'য়ে উঠল না? গোরাঙ্ক ঠাকুরের ধর্মটা জ্ঞানের রজ্জু দিয়ে সংযত করা হয়নি বলে দেশে যত অঘটন ঘটেছিল তার তালিকা ত তুই এইমাত্র শোনালি। এখন নিত্যানন্দের মত প্রেমে পাগল হ'য়ে ছুটে বেরিয়ে পড়ে', পাগলামিতে বৃন্দ মাতাল হ'য়ে পড়ে' থাকলে সে-সব দোষ খণ্ডে যাবে না কি? এতদিন ত জ্ঞানতুম যে কুর্কর্মই হোক আর সুকর্কর্মই হোক, গৌর নিতাই যা করেছিলেন, দুজনে মিলেই করেছিলেন, এখন গৌরের প্রেমটুকু বাদ দিয়েই নিতাইয়ের প্রেমটুকু রাখতে হবে, না কি করতে হবে কিছু ঠাউরে উঠতে পাচ্ছিনে যে। গোরাঙ্কের ভক্তিতত্ত্ব থেকে যদি পাঁচালী, তরঙ্গ আর কবির লড়াই বেরিয়ে থাকে, তা'হলে এ নবীন নিতাইদের প্রেমতত্ত্ব থেকে যে খেঁমটা বা খেঁউর কেন বার হবে না, তা ত বুঝতে পাচ্ছিনে। কই, পড় দেখি আর একটু, ব্যাপারটা মাথায় ঢোকে কি না দেখি।”

গোপাল মাথা চুলকুতে চুলকুতে বললে— “তাই ত। জ্যেষ্ঠামশাই যে দেশের নাড়ীর জল সর্ব্ব-ভাবাস্তক প্রেমঃসের ব্যবস্থা করলেন, সেটা জ্ঞানায়িতে কত পুট পাক করা হয়েছে, তা যে দেখতে পাচ্ছিনে। শুধু দেখি আপনি যদি এ চিকিৎসার ধর্ম কিছু বুঝতে পারেন? জ্যেষ্ঠামশাই বলছেন— “আমি চাই এমন বিশ-পঞ্চাশ জন মানুষ, যারা ছেঁড়া কাপড় পরে গাঁত বুনবে, প্রয়োজন হ'লে চাবীদের মত পোষাক পরে মাটি-কোপাতে কদের লজ্জা বোধ থাকবে না, হরি নামের তুকান তুলে যারা পথে গেয়ে বেড়াবে। আমি চাই এমন

মানুষ, হরিনামের শক্তিতে বাদের বিশ্বাস আছে, প্রেমের জগজ্জরী শক্তিতে বাদের বিশ্বাস আছে। * * * হরিনামের সরস কথায় একদণ্ডে মানুষকে পাগল করে' দেওয়া যায়, তা আমাদের অচিরে প্রমাণ করতে হবে। * * * একমাত্র নামের গুণে অসম্ভব সম্ভব হবে, জলে শিলা ভাসবে, আকাশে কুমুম ফুটবে * * * আর ইংরাজ ঐন্ড্র উচ্চাসন থেকে নেমে এসে ভারতের পদে বিলুপ্তিত হবে।'

পণ্ডিতজী হেসে বললেন—“হরিনামের তুফান তুলে' রাস্তায় ধেঁই ধেঁই করে' বেড়াবে আর অবসর মত ছেঁড়া কাপড় পরে তাঁত বুনবে আর চাব করবে—এ রকম বিশ-পঞ্চাশ জন লোক আজকাল মালপো ভোগের ব্যবস্থা করলেই মিলতে পারে। তবে হরিনামের জগজ্জরী শক্তিতে তাদের বিশ্বাস আছে কি না, তা তোমার জ্যেষ্ঠামশাইকে পরীক্ষা করে' নিতে হবে। তাঁর মত শুকতরুও যখন এই বয়সে “মুহুরিল”, তখন হরিনামের যে খানিকটা মাহাত্ম্য আছে, তা স্বীকার করতে হবেই। গৌরাঙ্গ-দেবের সময় বনের-বাঘ-ভালুকও নাকি সঙ্কীর্ণন শুনে নেচেছিল, এই রকম শোনো যায়। কিন্তু পাঠান বাদশারা যে সিংহাসন ছেড়ে গড়িয়ে পড়েছিলেন, তার ত কোনও প্রমাণ পাইনে। আর ভাল কথা—হুজুর হরিনাম, তার ভেতর ইংরেজের উচ্চাসন ছাড়াছাড়ির কথা এল কেন হে?”

গোপাল বললেন—“আজ্ঞে, ঐটেই ত গোড়ার কথা। জ্যেষ্ঠামশাই বলতে চান যে, স্বরাজ পেলেন যখন মনুষ্য লাভ হয় না, তখন স্বরাজ স্বরাজ তুলে গিয়ে ইংরাজকে তার প্রাপ্য গুণা খাজনা দিতে থাকে, আর রাজনীতির সকল সম্পর্ক ছেড়ে একটা মনুষ্যব্দের আন্দোলন কর, একটা প্রেমের propagandার আয়োজনে লেগে যাও।”

পণ্ডিতজী হাঁক ছেড়ে বলেন—“ও, তাই বটে। তা ইংরেজের কি কি প্রাপ্যগুণা তা জ্যেষ্ঠামহাশয়কে ঠিক করে' দিতে বলিস্। ঐ প্রাপ্যগুণা ঠিক করতে গিয়েই ত স্বরাজের ফ্যাগাদ উঠেছে। আমাদের ছেঁড়া কাপড় পরে তাঁত বুনতে আর হরিনামের তুফান তুলতে দেখলেই যদি ইংরেজ ভক্তির কুশাশর বাপসা দেখে সিংহাসন থেকে গড়িয়ে পড়ে' যায়, ত তোর জ্যেষ্ঠামহাশয়ের টাটকের উপর একটা মুকুট পরিয়ে দিয়ে না-হয় তাঁকেই সেই সিংহাসনে বসিয়ে দেওয়া যাবে। কিন্তু জানিস্ ত দাদা, আমি একটা জাতকটি

পাখণ্ড। আমার কেবলি মনে হচ্ছে যে, শুধু নামের-গুণে জলে শিলাও ভাসতে পারে, আকাশে কুমুমও ফুটতে পারে—তবু ঐ কার্যটি হবে না। দেখছিসনে তুকারামের সঙ্গে এসেছিলেন রামদাস ও শিবাজী, নানকের পরে এসেছিলেন গুরু গোবিন্দ? আর এবারে কি চরকার সঙ্গে যুদ্ধ জুড়ে দিলেই কাজ হাসিল হবে?

ত্যাগের ভোগ

পণ্ডিতজী খানিকক্ষণ চুপ করে' থেকে থেকে আমার মুখের দিকে চেয়ে বললেন—“তোমরা বাই বল, আর বাই কও, ত্যাগের মত ভোগ আর নেই।”

আমি জিজ্ঞেস করলুম—“সে আবার কি রকম? তুমি হৈয়ালিতে তত্ত্ব-কথা প্রচার করতে আরম্ভ করলে যে।”

পণ্ডিতজী বললেন—“ভাখ, কথাগুলো বেশী সোজা হ'য়ে গেলেই হৈয়ালির মত শোনায়; কিন্তু ওর মধ্যে গবেষণা করবার বিশেষ-কিছু নেই। আচ্ছা, ঐ যে সেদিন প্রথম বলে' ছেলেটি এসেছিল, দেখেছিস্ ত? খুব ভাল ছেলে—একেবারে university ফাটিয়ে বেরিয়েছে। কিন্তু আধখণ্ডটা তার সঙ্গে কথা কইলেই সে প্রকারান্তরে জানিয়ে দেবে যে, ইচ্ছে করলেই সে একটা কেটবিট্ হতে পারত; আর ইচ্ছে করেই সে তা হয়নি। কথা-গুলো বলবার সময় তার টানাটানা চোখ দুটো কেমন ভাবে চুলে' পড়ে দেখেছিস্? তার অন্তরাঙ্গা যেন একেবারে নিজের সঙ্গে প্রেমে পড়ে নিজেকে দু'হাত দিয়ে জড়িয়ে চুমো খেতে যাচ্ছে।”

আমি বললুম—“ভালো ভাল। নিজের কাজ যদি নিজেকে ভাল লাগে, তাতে ত অন্তরাঙ্গার তৃষ্টি হবেই। এতে তুমি খুঁত ধরবার কি পেলো?”

পণ্ডিত বললেন—“আরে, ঐ ত তোরা গোল করিস্। আমি খুঁত ধরি, তোদের কে বললে? আমি শুধু সব জিনিসের স্বরূপ কখন করে' যাচ্ছি। মানুষ নিজেকে কত রকম করে' ভোগ করছে, তাই দেখাচ্ছি মাত্র। ঐ যাকে বলিস্ ত্যাগ, সেটাও ভোগের রকমারি। আচ্ছা, সেদিন যখন প্রথম খদ্দের শাট আর ধুতি পরে' দেখা করতে এল, তখন তার চোখ দুটো আফ্লাদে টপ, টপ, করে' কি রকম নাচছিল দেখিছিস্? আমি দিব্যি করে'

বলতে পারি যে, সে এখানে আসবার আগে আরসির সামনে অন্ততঃ দশ মিনিট দাঁড়িয়ে চুলগুলো একটু উস্কে। খুস্কে করে দিয়ে দেখেছিল যে, মোটা কাপড় আর চিলে শাৰ্টে তাকে বেশ মানায়। নিজের রূপ দেখে সে নিজেই মুগ্ধ হ'য়ে গিয়েছিল। একটা জিনিস লক্ষ্য করিছিস কি না জানিনে, যে, সে প্রায়ই বলে যে কোনও মেয়ের ফাঁদে পড়বার ছেলে সে নয়। কথাটা আমার মনে হয় ভারী সত্য। নিজেকেই সে এত ভালবেসে ফেলেছে যে, আর কোনও ভালবাসার জায়গা তার মনের ভিতর নেই।”

সমালোচনাটা আমার কি রকম কি রকম ঠেকছিল। আমি বলুম—“পণ্ডিতজী, তুমি বড় Cynic।”

পণ্ডিতজী হেসে বললেন—“সত্যি কথাকে যদি কাপড়-চোপড় পরিয়ে তারপর ভঙ্গ-সমাজে বার হবার অনুমতি দিস, তা'হলে অবিম্ভি আমি নাচাঁর। কিন্তু আমার মনে হয় যে, জাংটা সত্যি কথার মধ্যে একটা রস আছে, যা' সব রসের চেয়ে মধুর। আর এতে দোবই কি? নিজের মাধুরী মানুষ নিজে ভোগ করছে—এ কথাটা শুনে এত বিবর্ণ হয়ে ওঠবার কি আছে? আজকাল সভ্য-সমাজে অনেক ধার্মিক যেম-সাহেবদের গলায় একগাছি করে ছোট-ছোট রুজাকের মত দানার মালা থাকে দেখেছিস ত? তুই কি বলতে চাস, যে, যে সভ্যটা বাইরে ঐ মালার মুক্তি ধবে' বৃকের উপর ঝুলছে—সেটা একেবারে বোল আনাই আধ্যাত্মিক? তার মধ্যে ললিত শিল্পকলার খাদ কি একটুখানিও নেই? মালাটা পর্বতার আগে যেমসাহেবেরা কি ভাবে না যে, ধর্মের ঐ বিগ্রহটাকে কোথায় কেমন করে' দোলালে বেশ মানাবে?”

আমি বলুম—“দেখ পণ্ডিতজী, দাঁতের সুড়সুড়নি নিবারণের জাতও ত দেশ, কাল, পাত্র মানতে হয়। নরম মাংস পেলেই যে এক কামড় দিতে হবে, তার ত কোনো মানে নেই।”

পণ্ডিতজী বললেন—“এর ভেতর নরম-গরমের কোনো কথাই নেই। এই আমার কথাই ধর না; আমার মাংস যে বেশ নরম, এ কথা একা আমার কলহপ্রিয় গিন্নী ছাড়া আর বোধ হয় কেউ বলবেন না; আর হাতে গন্ধাজল লেগে থাকলে তিনিও বলবেন কি না সন্দেহ; আমার কীষ্টিটাই শোন। সেদিন সন্ধ্যাবেলার যখন ছোঁড়ার হরিসত্য টেনে

নিরে গেল, তখন বুড়ো হ'লে হবে কি,—বাকালীর কোমর কি না—তাই সকলকার দেখাদেখি এক-একবার খেলিয়ে খেলিয়ে উঠতে লাগল। ‘যা থাকে কপালে’—বলে' আমি সর্কীর্ভনের মধ্যে কাঁপিয়ে পড়লুম। প্রায় পনের মিনিট লাফিয়ে যখন হাঁপিয়ে উঠেছি, তখন শুনতে পেলুম পাশ থেকে ছোটো বুড়ী মাগী বলাবলি করছে—‘আহা, পণ্ডিত যেন ভাবে ঢলে' ঢলে' পড়ছে। আমি যে জন্তে ঢলে' পড়ছিলাম, সেটা যে ভাবের চৌদ্ধ-পুরুষেরও কেউ নয়, তা বোধ হয় তোমাকে বোঝাবার দরকার নেই। কিন্তু করি কি, বাই ঐ কথাগুলো কাণে যাওয়া, অমনি ষিনিক্ ষিনিক্ করে' ফের নাচ শুরু করে' দিলুম। এক-একবার মনে হতে' লাগলো যে, দশা লাগাবার কারদাগুলো যদি আরম্ভ করে রাখতুম তা'হলে এই সময় ভারী কাজে লেগে যেতো। পাছে হাতে-পায়ে চোট লেগে যায়, সেই ভয়ে দশা লাগা আর আমার হ'য়ে উঠলো না। কিন্তু সেই সময় যদি সাহস করে' হাতটা পাটার মায়া ত্যাগ করে' একবার আছাড় খেয়ে পড়তে পারতুম, তা'হলে কি রকম যে একটা ‘ধস্তি ধস্তি’ পড়ে' যেতো, তা ভেবে এখন আমার আপশোষ হচ্ছে। সুবিধেযত ত্যাগধর্ম পালন করতে পারলে, সেটা একদিন না একদিন কাজে লেগে যায়ই।”

একটা দীর্ঘশ্বাস ছেড়ে বক্তৃতা বন্ধ করে' দিয়ে নিতান্ত ভাল মানুষের মত পণ্ডিতজী আমার মুখের দিকে একবার চাইলেন। বাঁকা কথা ছাড়া তিনি সোজা কথা বলবেন না বলে' প্রতিজ্ঞা করে বসেছেন। তাঁর গোবেচারীর মত নির্বিকার মুখ দেখলে সর্কাজ জলে যায়। আমি বলুম—“পণ্ডিতজী, লোকের দোষ-ত্রুটিকে ঠাট্টা কর, সে এক কথা। ত্যাগ ধর্মটাকে অমন খোঁচা মারবার দরকার কি?” পণ্ডিতজী বললেন—“ত্যাগ বলে' যে একটা ধর্ম আছে, তা ত আমি জানিনে। ত্যাগ কাউকেই যে ধরে রাখে না; আর যা ধরে রাখে না, তা ধর্ম হবে কি করে? ত্যাগের গোড়াকার কথাটা হচ্ছে এই যে, ভগবান সৃষ্টি করে' একেবারে ল্যাঞ্জেগোবরে হ'য়ে পড়েছেন, আর এখন সৃষ্টি ছেড়ে পালিয়ে যেতে পারলেই বাঁচেন—এই না? আর এই কথাটাই সংস্কৃত করে' বললেই তার নাম হ'য়ে যায় শঙ্কর ভাষ্য। কথাটা সত্যি কি মিথ্যে, তা নিয়ে টিকি-ছেঁড়া-ছিঁড়ি যতক্ষণ ইচ্ছে করতে পার; কিন্তু ভগবানকে এত বড় না-মরদ ত আমার

কখনই মনে হয় না। ভগবান আর বাই হোন, তিনি গোসাইও নন, নির্ঝাণ-লোভী উদাসীও নন।”

ধর্মের নোল এজেন্সি

গোপালদা আমাদের বেশ দুপয়সা জমিয়েছিল, কিন্তু এবার একটি টাটকা পাশকরা ভাল ছেলে দেখে বড় মেয়েটার বিয়ে দিতে গিয়ে দেয়ার কিছু জড়িয়ে পড়েছে। মেজ মেয়েটিও দশ উত্তরে এগারয় পড় পড়, স্মৃতরাং শাস্ত্রমতে এক রকম অরক্ষণীয় বললেই চলে। গোপালদার মত নিষ্ঠাবান হিন্দু ত আর সেটির বিয়ে স্বগিত রেখে নিরয়গামী হতে পারেন না। তাই গোপালদা মহা ভাবিত হয়ে পড়েছেন। আর গোদের উপর বিব-ফোড়ার জ্বালাটা একবার দেখ। পৌনঃপুনিক দশমিকের মত বৌদিদি আমার একটির পর একটি বংশধর প্রসব করেই চলেছেন। সে সব নেড়ি গৈড়িগুলি সামলায় কে? দাদার একটি বেঁটে-খেটে গোবদা-গাবদা রকমের পিশ-শাশুড়ী অন্ত্রখের সময় বৌদিদিকে দেখতে এসে যে আড্ডা গেড়েছেন, তা আজ প্রায় এক বছর হয়ে গেল, নড়বার নামটি নেই। আজ ক্ষুদে মজলবার, কাল বেঁটুই বগী, পরশু তেরস্পর্শ—পোড়া পাঁজীওয়ালারাই কি একটা যাত্রা করবার ভাল দিন রেখেছে? তার উপর পুঁটি, খেদি আর গোবরা তাঁর এমনি ভাওটো যে তিনি চোখের আড় হলেই তারা নাকি সব হেদিয়ে মারা পড়বে। বৌদিদির একটি বিধবা পিসতুতো বোন তারকেস্বরে জল দিতে এসে বৌদিদির সঙ্গে দেখা করতে আসে। তারপর থেকে তাকে এমনি গৈটেবাতো ধরেছে যে, গোপালদা যতক্ষণ বাড়ীতে থাকে, ততক্ষণ সে মেয়েটি আর নড়তে চড়তে পারে না। আহা অনাথা মানুষ, কোথাই বা যাবে?

এই ত অবস্থা। কাজেই গোপালদার বৈরাগ্যের যাত্রা যত পদ্য পদ্য চড়তে আরম্ভ করেছে, মেজাজটাও সেই অনুপাতে চড়েছে। বয়সও প্রায় পঞ্চাশের কাছাকাছি হোলো। আর তার উপর আজ খেদির জর, কাল পুঁটির পিলে, পরশু পিশ-শাশুড়ীর স্বাদশীর পারণ—এ সব কি ভাল লাগে? গোপালদা তাই ক্ষুব্ধ হয়ে তামাক টানতে টানতে বললেন—“কি বলবো তাই, এক একবার মনে হয়, বৈদিকে দু চক্ষু যায়, বেরিয়ে পড়ি।” গয়লা বেটা

দুখ দেওয়া বন্ধ করেছে; মূর্খী ত এমনি ভাগ্যদা আরম্ভ করেছে যে, রাস্তার বাঁর হওয়াই দার। এখন উপায়?”

পণ্ডিতজী ঘরের কোণে বসে এক মনে চক্ষু বুজে তামাক টানছিলেন। আমি তাঁকে লক্ষ্য করে জিজ্ঞেস করলুম—“হাঁ পণ্ডিতজী, একটা উপায় ত কিছু বাতলে দাও।”

পণ্ডিতজী চক্ষু খুলে গোপালের দিকে চেয়ে বললেন—“আরে, বুদ্ধি থাকলে আবার পরসার ভাবনা? আমি তোমার আধ ঘণ্টার মধ্যে এক শো আট রকম পছা বলে দিতে পারি; তাতে ধর্মও হবে, অর্থও হবে। হাতের কাছে কিছু না পাও, গোটা দুই চার স্বপ্নাচ্ছ মাদুলি বা অব্যর্থ বটিকা বার করে দাও। একটার নাম রেখে দাও ‘ভবরোগ কালানল মাদুলি’—আর বলে দাও তিক্তত দেশীয় মহাপুরুষ শ্রীমৎ বৃজরুকলাল তোমার স্বপ্নে সেটা দিয়ে গেছেন। রোজ সকালে উঠে সেই মাদুলিটি ধুয়ে একটু করে জল খেলেই তাতে পারা ঘা, নালি ঘা, খোস পাঁচড়ার ঘা, প্রদাহ, চুলকানি, কুসকুড়ি, কোড়া, সাদা সাদা ঘা, চাকা চাকা ঘা, নতুন ঘা, পুরাতন ঘা, প্রাণের ঘা, নগীবের ঘা, যত রকম-বেরকমের কণ্ডুল ও ক্ষত প্রদাহাঘি আরোগ্য হয়। আমাদের ঘেয়ো জাতটার বাজারে তা হলে হ হ ক’রে তোমার মাদুলীর কাঁটিতি হবে।

বিনা পরিশ্রমে রাতারাতি কিছু লাভ হয় শুনলে আমাদের দেশের লোকে একেবারে লাফিয়ে উঠবে। তারপর রাস্তার ধুলো, ঘুটের ছাই আর বটের আটা মিশিয়ে একটা মহা-পুরুষ লাভের অব্যর্থ বটিকা-টটিকাও করতে পার। আর বিজ্ঞাপন দেবার সময় বলে দিও যে, বটিকা সেবনের ফলে লোকে মহাপুরুষ যদি নাও হয়, ত পুরুষ নিশ্চয়ই হতে পারবে। এ দেশে পুরুষের চেয়ে মহাপুরুষের সংখ্যা যে রকম বেড়ে চলেছে—তাতে কোনটা যে এখন বেশী দরকার, তা বোকা মুন্সি।”

গোপাল দা একটু বিরক্ত হয়ে বললেন—“পণ্ডিতজীর সব কাজেই ঠাট্টা।”

পণ্ডিতজী বললেন—“আচ্ছা দাদা, এ সব ছোটখাট ব্যবসায় তোমার মন না উঠে, ত আমি তোমার পরসার রোজগারের পাকা রাস্তা দেখিয়ে দিতে পারি। তাতে একটু বুদ্ধি খরচ করতে হবে বটে, কিন্তু একবার জমিয়ে নিতে পারলে, তিন পুরুষ ধরে বসে খেতে পারবে। ভাল কথা, তোমার গুরুজী আদছেন কবে?”

গোপালদা' বললেন—“এই বৈশাখী পূর্ণিমার দিন।”

পণ্ডিতজী লাগিয়ে উঠে বললেন—“বাঃ বাঃ। ঠিক লেগে যাবে এখন। তুমি এখন থেকে রটিয়ে দাও, যে, বৈশাখী পূর্ণিমার দিন জগদগুরু পরমহংস পরিত্রাঙ্কচাৰ্য্য শ্রীশ্রীশ্রীনিৰ্ঝিচারণন্দ স্বামীজী মহারাজ হিমালয়ের গৌরীশঙ্কর মঠ থেকে পরা-সিদ্ধি লাভ করে, জীব-উদ্ধার করবার জন্তে তারতখণ্ডে নেমে আসছেন। তুমি নিজেও একটু-আধটু জটা-টটা পাকাতে লেগে যাও। গৈরিকটা রেশমীই রেখে দিতে পার। বললেই চলবে—ভটা ভোগ মোক্ষের সম্বন্ধ। তার পরের কাজটুকুই আসল কাজ। তোমাকে বসতে হবে একেবারে প্রধান চেলা হয়ে। স্বামীজীকে ঘরের ভিতর পূরে এক-খানা নোটশ টাঙ্গিয়ে দাও যে, তুমিই এই ধর্মের কারবারের আদি ও অকৃত্রিম সোল এজেন্ট। তোমার সুপারিশ না হলে স্বামীজীর কুপালাভ অসম্ভব। তারপর বিজ্ঞাপন দিয়ে দাও :—

(১) খাঁটি নির্কাণ মুক্তি—যায়ার লেশ মাত্র নাই; বড় বড় মঠে গিয়ে পরীক্ষা করা হয় না হইতে পারেন। দশ মিনিটে নিৰ্ভণ ব্রহ্ম দর্শন না হইলে মূল্য ফেরৎ; নগদ মূল্য ১০ টাকা; কিস্তিবদ্ধ করিলে ১২০ টাকা।

(২) অকৃত্রিম বৈকুণ্ঠধাম দর্শন—মূল্য—৮ আট টাকা। স্ত্রীলোক ও শিশুদিগের জন্ত ৬০ ছয় টাকা চার আনা।

(৩) ইচ্ছামত দেবদেবী দর্শন—দেবতার তার-তম্য অনুসারে তিন হইতে পাঁচ টাকা পর্যন্ত।

একবার লাগিয়ে দাও দেখি, দাদা। তারপর টাকা আধুলী আর মোহর এমনি ব্যায়াম করে, পড়তে থাকবে যে, তোমার পিশ, খাণ্ডড়ী ধামায় করে' হুড়িয়ে শেষ করতে পারবে না।”

গোপালদা চূপ করে' বসে কি ভাবতে লাগলেন।

পণ্ডিতজী বললেন—“ভাববার এতে কিছু নেই; চাই শুধু একটু সাহস আর মিত্যে কথা বলবার কায়দা; তা ছুঁটার দিন অভ্যাস করলেই আপনি এসে যাবে। আর এটা ত আর কিছু নতুন ব্যাপার নয়। কত লোক এমনি করে' তোকা নেয়াপত্তি রকমের ভুঁড়ি পাকিয়ে পারের উপর পা দিয়ে বসে' সোণার গড়গড়ার তামাক খাচ্ছে। এ ছুনিয়ার, জানই ত দাদা, শতকরা নিয়ানকই জন লোক একেবারে আস্ত গর্দভ; চক্ষু বুজে ব্রহ্ম দর্শন হোলো কি অন্ধকার দর্শন হোলো, তাই

ঠিক করতে পারবে না। আর এক আধটা বেরাড়া লোক যদি ভর্তুকি তোলে, তা'হলে আমার কিছু দক্ষিণার ভাগ দিলেই আমি সার্টিফিকেট দিয়ে দেবো যে, শ্রীমৎ স্বামীজীর শ্রীচরণ প্রসাদে আমি নিৰ্ভণ ব্রহ্মপুরুষকে হস্তামলকবৎ পেয়ে বসে' আছি। বস, ল্যাঠা চুকে গেল।”

গোপাল দা' মাথা চুলকুতে চুলকুতে উঠে গেলেন। তার তিন দিন পরেই দেখি হাণ্ডবিল ছাপান আরম্ভ হ'য়ে গেছে।

আমার বরাত

ছেলেবেলায় একজন বৈষ্ণবনাথের ফকির আমার হাত দেখে শুনে বলেছিল—“বাবা, তোমার যে রকম অদৃষ্টের জোর দেখছি, তা রাজবংশে জন্মালে তুমি নিশ্চয় একটা রাজপুত্র হতে। তোমার রাজদণ্ড একেবারে জল জল করছে।” ভুল ক'রে রাজার ছেলে না হয়ে যখন বাবার ছেলে হয়ে পড়েছি, তখন আর উপায় কি? কিন্তু রাজদণ্ডটা ত আর কেউ কেড়ে নিতে পারচে না।

আহ্লাদের চোটে সে দিন মাসীমায় বাস্তু থেকে একটা চকচকে সিকি চুরি করে ফকির বাবাজীকে প্রণামী দিয়েছিলুম। তারপর দিন থেকে লেখাপড়া ছেড়ে দিয়ে চূপ করে দেখছি, কবে কোথা থেকে একটা রাজ্য আর আধখানি রাজ কজা আমার অদৃষ্টে এসে পড়ে। কিন্তু বামুনে কপাল কিনা—পাথর চাপা।

সেই পাথর হুঁড়েও একদিন আঁধার ঘর আলো করে' রাজকজা এসে পড়লেন। রাজকজাই বলতে হবে—কেননা তিনি ভাঙ্গনপুরের রাজার পিসতুতো শালার মাসতুতো বোনের ভাস্করবি। অদৃষ্টটা আধখানা ফলে গেছে দেখে বাকি আধখানার জন্তে ওত পেতে বসে রইলুম। প্রথম যখন ১৯০৬ সালে স্বদেশীর পেটের ভিতর থেকে স্বরাজ উকি মারতে লাগল, তখন মনে হোলো এইবার বুঝি বেড়ালের ভাগ্যে শিকে ছেঁড়ে। তা, শিকে ছিঁড়ল বটে; কিন্তু রাজদণ্ডটা হাতে না এসে, পড়লো একদম ঘাড়ে, আর দিলে আমার একেবারে ধরাশায়ী করে। কোথায় রইল রাজ্য, আর কোথায় রইলেন রাজকজা!

আক্কেল যখন ফিরে এল—তখন বেশ বুঝতে পারলুম যে, হয় আমার ফিরে পেয়েছে, নয় মাথা ধরেছে, নয় ভীষণ বৈরাগ্য হয়েছে। ঐ তিনটে জিনিষ এমনি এক রকম যে, আমার চোখে ওদের তফাৎ ধরাই পড়ে না। অনেক বিচার করে' স্থির করলুম যে, শাস্ত্রমতে যখন এ রকম অবস্থায় বৈরাগ্য হওয়াই উচিত, তখন নিশ্চয় আমার বৈরাগ্য হয়েছে। বিশেষতঃ আমার ধাতুটাই এমনি যে, ফি বছর অজ্ঞান মাসে আমার একবার করে' বৈরাগ্য হোতো; আর শীতকালে কপি কলাইশুটি খাবার পর ভাল হয়ে যেতো। আমি মনে মনে তাই ঠিক করলুম যে, আর পূর্ব্বতের শুভায় গিয়েই হোক, আর নর্থদার তীরে জঙ্গলে গিয়েই হোক, একবার চেপে আসন গেড়ে বসে সেকালের ঋষিদের মত হাজার দশেক বছর তপস্তা জুড়ে দেওয়া যাবে। কি রকম গভীর ত্যাগস্বীকার—তা তারিফ কর।

* * *

সেকালে রামচন্দ্র যখন কৈকেয়ীর প্যাচে পড়ে' বনে গিছিলেন, তখন অযোধ্যার চারদিকে এমনি মরাকান্না উঠেছিল যে, তার জের এখনো পর্য্যন্ত মরেনি। এখনও আমাদের শশী মণ্ডলের মা সন্ধ্যাবেলা পা ছড়িয়ে রামায়ণ পড়ে আর নাকের জলে চোখের জলে হয়। কিন্তু সত্যি কথা বলতে গেলে, রামচন্দ্র এমনই কি বাহাদুরি করেছিলেন? আমি দিখি করে বলতে পারি যে, সঙ্গে যদি সীতা ঠাকুরকণের মত এক জোড়া শ্রীচরণের সুপুংখনি ঝিনিঝিনি বাজতে থাকে, আর লক্ষণের মত ভাই খ্যাটের জোগাড় করে দেয়, তা হলে চৌদ্দ বছর কেন, আমরণ আমি বনে বনে কাটিয়ে দিতে পারি। তোমাদের কলকাতার দিকে ফিরেও চাইনে।

* * *

তাই ভেবে-চিন্তে ঠিক করলুম যে, একবার গিয়ে তপস্তায় বসি। হ্যালোক ভুলোক যখন তপস্তার চোটে কৈপে উঠবে, তখন আর কিছু হোক না হোক, তপস্তা ভঙ্গ করবার জন্তে দেবতার একটা উর্কশী কি তিলোত্তমা নিশ্চয়ই পাঠিয়ে দেবেন। অন্ততঃ বামুনের কপালে একটা রজা ত জুটবে। তা' জুটলো বটে; এক আধটা নয়, একেবারে অষ্টরজা।

মোট কথা হচ্ছে যে, ধুনি জালাতে-না-জালাতেই পুলিশে ভাড়া করলে। সেকালে তপস্তা করতে বসলে যখন দেবতাদের আসন টলে উঠতো, তখন তাঁরা নানা রকমের বড়বজ্র করতেন

বটে, কিন্তু সে সব বড়বজ্রের মধ্যে বেশ একটা মাধুর্য্য ছিল। আর আজকালকার রাজাদের যে aestheticsএর জ্ঞান একদম নেই, তার প্রমাণ হাতেই পেলুম।

কোথায় উর্কশী, তিলোত্তমা—আর কোথায় পুলিশের ইন্সপেক্টর; আবার তাও মুখময় গৌর, দাড়ি। আরে ছাঃ—

* * *

এখন যদি তোমার রামচন্দ্র আর একবার জন্মে বনে যান, ত সঙ্গে সঙ্গে যদি তাঁকে ১০৯ ধারায় পড়ে তিনটা বঁচ্ছর চট শেলাই করতে না হয়, ত আমি যা বলি সব মিথ্যে। রাজার ছেলে হ'য়ে বনে যাওয়া—এ কি ইয়ারকি? নিশ্চয় কোনো সিঁদিশাস কু-মন্তলব আছে।

যাক্ সে কথা। কিন্তু নর্থদার তীরে একটি সপ্তম্ভ তিলোত্তমা আমার নাম-ধাম জিজ্ঞেস করতেই আমি তপস্তাটা মূলভূবী রেখে সরে' পড়েছি। বাইরের রাজ্যের আশা ছেড়ে দিয়ে ঠিক করেছি যে, লোকে যেমন এঁড়ে গোকুর লেজ ধরে' বৈতরণী পার হয়, আমিও তেমনি বিজলীর চমক ধরে' অন্তরের মণিকোঠায় ঢুকে পড়ে' নিজের রাজ্য ফেঁদে দেবো।

দেশের ভবিষ্যৎ

পণ্ডিতজী একটপ নস্ত নিয়ে বল্লেন—“দেশের কথা? তা শুনতে চাও ত বলতে পারি, কিন্তু বিশ্বাস করবে কি?”

ছেলেটা হাঁ করে' পণ্ডিতজীর মুখের দিকে চেয়ে ছিল, একটা টোঁক গিলে বল্লেন—“আজ্ঞে হাঁ, বিশ্বাস করব বৈ কি; আপনি বলুন না।”

পণ্ডিতজী একটু হেসে বল্লেন—“দেখো বাপু, আমি বলে' খালাস; ভালমন্দ জানিনে। তা ছাড়া জানই ত, আমি রোজ সন্ধ্যার সময় একটু করে' আফিম খাই।”

ছেলেটি আর-কিছু বলবার আগেই পণ্ডিতজী আর এক টপ নস্ত নিয়ে আরম্ভ করে' দিলেন :—“সে দিন আবার মাসের সন্ধ্যাবেলা। সমস্ত দিন খুপ, খুপ, করে' জল পড়ে রাস্তাঘাট একেবারে ভেসে গেছে। পথে জন-প্রাণী নেই। মাঝে মাঝে পৌঁ পৌঁ করে' বাতাস বইছে, আর থেকে থেকে আকাশে বিদ্যুৎ চমকচ্ছে। আমি জানালা

খুলে চূপ করে' আকাশের পানে চেয়ে আছি, এমন সময় মনে হোলো, সমস্ত পৃথিবীটা যেন কাঁপতে আরম্ভ করেছে। চার দিকে চেয়ে দেখলুম ঘর, দোর, জানালা, বাড়ী, কোথাও কিছু নেই, সব কোথায় মিলিয়ে গেছে। আমি আছি—কিন্তু কই, আমার শরীরটাকে ত দেখতে পাচ্ছি নে! ভাবলুম স্বপন দেখছি—কিন্তু ন', দিব্যি টন্ টন্ করছে জ্ঞান। মনে হতে লাগলো শূন্য কোথায় সোঁ সোঁ করে' উড়ে' চলেছি। সেই মহাশূন্য জুড়ে' কেও নেই—মুখ আমি, আর আমি।"

ছেলেটি জিজ্ঞেস করলে—“আপনার ভয় করলো না?”

পণ্ডিতজী আর এক টিপ নশ্ত নিয়ে বললেন—“না, ঠিক ভয় নয়, তবে সমস্ত মনটা যেন কাঁটা দিয়ে উঠলো। আর মনে হতে লাগলো, একটা কিছু ঘটবে, কিছু ঘটবে। কতক্ষণ এরকম ছিলাম তা জানিনে, হঠাৎ একটা কান্নার শব্দ শুনে আমার যেন সমস্ত মনটা কেঁপে উঠলো। এখানে কাঁদে কে? নীচের দিকে চেয়ে দেখলাম—যেন অস্পষ্ট কি একটা দেখা যাচ্ছে। কে ও? কান্নার শব্দটা ক্রমে আরও স্পষ্ট হ'য়ে উঠতে লাগলো। মনে হতে লাগলো—কার যেন দেহ, মন, সব গলে গিয়ে একটি কান্নার স্রব হ'য়ে সারা আকাশ ছেয়ে ফেলেছে। কে ও কাঁদে?”

ছেলেটি পণ্ডিতজীর কাছে একটু এগিয়ে এসে জিজ্ঞেস করলে—“তারপর?” পণ্ডিতজী খানিকটা চূপ করে' থেকে বললেন—“তারপর, তারপর হঠাৎ সে কান্না চূপ হ'য়ে গেল। স্রমুখে চেয়ে দেখি, মহাশূন্য জুড়ে একটা জ্যোতিঃ ফুটে উঠেছে—আর সেই জ্যোতিঃের মাঝখানে এক দিব্যমূর্তি। আর তাঁর পা থেকে একটা আলোর তরঙ্গ ছুটে গিয়ে পড়েছে পৃথিবীর বকে। সেই আলোতে দেখলাম—যে কাঁদছিল সে কে!”

আমি তখন চূপ করে' বসেছিলাম। পণ্ডিতজী এই আজগুবি ব্যাপার শুনে জিজ্ঞাসা করলুম—“কে সে?”

পণ্ডিতজী আমার কথার উত্তর না দিয়ে বললেন—“দেখলুম—একটি মেয়ে মাটিতে উপুড় হ'য়ে পড়ে আছে। জীর্ণ শীর্ণ আসন্নজ-হিমাচল-ব্যাপী কঙ্কালসার দেহ, আর কালো চুলের রাশি কাদায় লুটোচ্ছে। তার পিঠের উপর একখানা প্রকাণ্ড পাথর চাপান আর পাথরের ধারে ধারে রক্তের দাগ লেগে রয়েছে। আলোর একটা তরঙ্গ

গিয়ে স্নেহাশীর্ষাদের মত মেয়েটার মাথার উপর পড়লো। সারা দেহ তার কেঁপে উঠলো। সে আকাশের পানে মাথা তুলে' দেখলে জ্যোতির্ষের পুরুষের মুখ কল্পনায় ভরে' গেলো। তিনি বললেন—

মেয়েটি একবার হাতের উপর ভর দিয়ে ওঠবার চেষ্টা করলে। পাথরের চাপে দেহ তার ফেটে ফেটে রক্তের ধারা ছুটতে লাগল। মুখ তার চোখের জলে ভেসে গেলো। দিব্যপুরুষের পায়ের দিকে একবার কাতর দৃষ্টিতে চেয়ে সে আবার পড়ে' গেলো।”

ছেলেটির মুখখানি বেদনায় ভরে' উঠলো। সে তার চোখ দুটি পণ্ডিতজীর চোখের উপর রেখে জিজ্ঞেস করলে—“সত্যি?”

পণ্ডিতজী নশ্তদানিটা বেশ করে' হুঁকে আর এক টিপ নশ্ত খুব জোরে টেনে নিয়ে বললেন—“সত্যি-মিথ্যে জানিনে, যা দেখলুম তাই বলছি। সত্যি কি মিথ্যে তা ত চোখের সামনেই দেখতে পাচ্ছ। ১৯০৭ ও দেখেছ, ১৯২১ ও দেখেছ, পাঁচ-সাত বছর বেঁচে থাকলে বাকিটাও দেখবে।”

হৈয়ালিটা যেন একটু অস্পষ্ট হ'য়ে এল। ছেলেটি অন্তস্ত ব্যগ্র হ'য়ে জিজ্ঞেস করলে—“বাকিটা কি দেখলেন?”

পণ্ডিতজী একটু চূপ করে' থেকে বললেন—“যা দেখলুম, তা আক্ষিমাথুরির বাড়ী। ভগবান কখনো কাঁদে বলে' মনে হয়?—হয় না। কিন্তু আমি সেইদিন ভগবানকে কাঁদতে দেখেছি। বেশ স্পষ্ট দেখেছি—সেই মেয়েটির জন্তে ভগবানের চক্ষু ফেটে জল পড়লো। তিনি বললেন—“ওঠো, আমি যে তোমায় চাই।”

মেয়েটি চূপ করে' পড়ে' রইলো। বললে—“আমার শক্তি কুরিয়ে গেছে; তোমার শক্তিতে আমার তুলে' নাও। আমার দেহ, মন, প্রাণ যদি বেঁচে ওঠে, ত তোমার শক্তিতে বেঁচে উঠুক।” ভগবানের মুখের দিকে চেয়ে দেখলুম হালিতে ভরে' উঠেছে। হায় রে কাদালু ভগবান! তুমি এই কথাটি শোনবার জন্তে এই হাজার বৎসর বসেছিলে? তারপর? তারপর সেই জ্যোতিঃ তরঙ্গ গা ভাগিয়ে ভগবান নেমে এলেন। মেয়েটির হাত ধরে' বললেন—“এইবার ওঠো, তোমার বাঁধন খসে' গেছে।”

আমি জিজ্ঞেস করলুম—“হা পণ্ডিতজী, এটা কি খেয়াল?” পণ্ডিতজী বললেন—“কি জানি

দাদা, আমি তাই ভাবি। একবার মনে হয়—
'এও কখন হয়' ? আবার মনে হয়—'দেবতার
লীলা ; হবেও বা !' "

রকমারি স্বরাজ

সেদিন পণ্ডিতজীর ঘরে ঢুকে দেখি যে, তাঁর
অমন ভালগোল পাকান মুখখানি যেন বেগুন-
পোড়ার মত হ'য়ে গেছে—চক্ষু রক্তবর্ণ, দন্ত একে-
বারে নাসিকাবর্ণ। আমাকে দেখেই তিনি দীর্ঘশ্বাস
ফেলে বললেন—“তাখ, হুয়ায় হুয়ায় যদি এক-
একবার নিয়ম করে' দাঁত খিচুনো যায়, তা'হলে
দু-একটা দাঁত-খিচুনি বন্ধু-বান্ধবের গায়ে লাগবেই।
সত্যি সত্যি ত আর ফি-বার রাস্তার লোক ধরে
তাদের কাছে দাঁতের আর জিহ্বার কসরৎ দেখান
চলে না ! কিন্তু বন্ধু-বান্ধবদের তাতে বোরতর
আপত্তি। যিনি কাণ্ডে ভেঙ্গে করতাল গড়িয়েছিলেন,
তিনিও চোটে গেছেন, আর যিনি—”

কথাটা আর শেষ হোলো না। দরজার কাছে
গোপালদার' পৌঁছ জোড়া দেখা দিতেই পণ্ডিতজী
বলে' উঠলেন—“Talk of the devil and he
is sure to come, এই যে গোপাল দা, কি
খবর ?”

গোপাল দা বললেন—“আর খবর ! সেদিন
গোলদীঘিতে বক্তৃতা শুনে এসেছিলুম যে, ঘরে ঘরে
স্বরাজের প্রতিষ্ঠা কর'ত হবে ; তাই একবার
নিজের ঘরে চেষ্টা করে' দেখ'ছিলুম। তা খন্দরের
নয়না দেখেই গিন্নী তাঁর তিলকসজ্জিনী নাসাটিকে
৪৫ ডিগ্রী উঁচু করে' জানিয়ে দিলেন যে, তিনি
যেখানে বিরাজ কর'ছেন, তার দশক্রোশের মধ্যে
স্বরাজকে খেঁগতে হবে না। তিনি যে-ঘরের গিন্নী,
সে-ঘরের কোণে পক্ষীরাজের ডিম ফুটলেও ফুটতে
পারে, কিন্তু স্বরাজের ডিম কোটুবার কোন সম্ভাবনা
নেই। কাজে কাজেই আর করি কি ! 'দেবী
আমার, সাধনা আমার'—বলে তাঁকে দূর থেকে
আলিঙ্গন জানিয়ে সরে' পড়লুম।”

কথাগুলো শুনেই পণ্ডিতজীর বেগুন-পোড়ার
মত মুখখানিতে কে যেন লজ্জাবাটা ছড়িয়ে দিলে।
তিনি তাঁর চোখ দুটি পাকিয়ে একবার রাইট টার্প
করে' নিয়ে বলতে আরম্ভ করলেন—“ও ত জানা
কথা। ঘরটা বাজালীর প্ররাজি ; সেখানে 'স্বরাজ'
ফাঁদবার উপায় নেই। স্বরাজ গড়তে চাও, ত

চলে' যাও একদম গোলদিঘীর পাড়ে আর গল্পীবেয়
কাছ থেকে চাঁদা নিয়ে মোটর চড়ে' বেড়াও, নয়
টুকে পড় বিজলী সম্পাদকের মত অন্তরের মণি-
কোটার। পরের অন্তরে খোঁটা গাড়তে গেলে
যখন তাদের আপত্তি, তখন স্বরাজের খোঁটা নিজের
অন্তরে গাড়া ছাড়া আর উপায় কি ? কিন্তু এক এক
জনের প্রাণের মধ্যে এক এক রকম স্বরাজের
ছমোপাখী যে ডিম পাড়ছে, তার কর' কি ?”

আমি জিজ্ঞেস করলুম,—তাতে এত দোষটাই
বা কি ?

পণ্ডিতজী বললেন—“আরে বাপু, এই
অন্তরের স্বরাজ একদিন-না-একদিন ঘোমটা
খুলে' বাইরে বা'র হবে। তখন কার স্বরাজ
খাটি, তাই নিয়ে গোলমাল লাগবে না ? দেবভূমি
ভারতের এই তেত্রিশ কোটি (অণ-) দেবতার
সবাই নিজের নিজের অন্তরে যদি এক-একটি স্বরাজ
গড়ে' ফেলেন, তখন এই তেত্রিশ কোটি স্বরাজের
ঠোকাঠুকিতে একটি স্বরাজও টিকিবে কি না
সন্দেহ। শেষে খুচরো খুচরো স্বরাজের ঠেলা
সাম্রাজ্যের জন্তে ক্রিশ্মি থেকে স্ব-রাজ না আমদানি
করতে হয়। কে কার কাছে বাড় নোয়াবে বল,—
ইন্দ্র, চন্দ্র, বায়ু, বরুণ, কেউ ত কার চেয়ে কম নয়।
আমরা এক-একটি নোড়া নই, এক-একটি শালগ্রাম।

আমি মাথা চুলকুতে চুলকুতে বললুম—“তা,
পণ্ডিতজী, গোড়ায় অমন একটু-আধটু গলদ হয়েই
থাকে। দেশটা যখন নিজেদের হাতে এসে
পড়বে, তখন বাকি সবটা ঠিক ঠিক গড়ে নেওয়া
যাবে।”

পণ্ডিতজী একটু হেসে বললেন—“অর্থাৎ আগে
'রাজ'টা গড়ে নেওয়া যাক, তারপর 'স্ব'টা তার সঙ্গে
জুড়ে দিলেই চলবে ; এই না ? খুব বুদ্ধিমানের
কথা ; কিন্তু গড়ে কে ? কেউ কলম, কেউ মৃদঙ্গ,
কেউ লাঠি, আর কেউ তেলের বাটি নিয়ে হাজির
হয়েছেন। কার অন্তরে যে কি রকম রাজ্যটা আছে,
তা ত বোঝবার জো নেই। সবাই বলছে—“খুঁজি
খুঁজি নারি, যে পায় তারি।” বক্তৃতা হাওয়ার
সঙ্গে মিশে যাচ্ছে, আর 'স্ব' টাকে খুঁজে না পেলে
কোন রাজ্যই গড়ছে না।

গোপাল দা বাড় নেড়ে বললেন—“অত গভীর
তত্ত্ব বুঝিনে ; তবে এটা ঠিক যে, দেশের সবাই এখন
নিজের নিজের স্বার্থ বুঝতে পেরেছে। তা থেকেই
একটা কিছু গড়ে উঠতে পারে ; কেননা সেইটাই
তাদের 'স্ব'।

পণ্ডিতজী যান হেসে বললেন—“অন্ত বুদ্ধি না হলে আর আমাদের পোড়া কপাল পুড়বে কেন? আচ্ছা, দেখ দেখি, এই তেত্রিশ কোটি দেবতাদের ‘স্ব’টা কোন খানে? জমিদার দেবতা হুঁড়িতে হাত বুলুতে বুলুতে বলছেন তাঁর ‘স্ব’ ঐ লাটের কিস্তিতে, রায়ত তার পাজরার উপর হাত দিয়ে বলছে ‘আমায় ‘স্ব’ পেটের জ্বালায়’। কলওয়ারী বলছেন—‘বাৎসরিক ডিভিডেন্ডে’; মজুম বলছে—‘হুণ্ডায় সাতসিকার’। শ্রীক্ষেত্র বাবু বলছেন—‘স্ব আছে এক কোটি টাকায়; লাট সিদ্ধি বলছেন—‘খোলা ভাঁটিতে’। হিন্দু বলছেন—‘বর্ণাশ্রমে’, মুসলমান বলছেন—‘খেলাফতে’। এতগুলো ‘স্ব’ নিয়ে একটা রাজ গড়া বড় মুন্সিলের কথা বটে। আমি একটু ভ্যাভাচ্যাকা খেয়ে গিয়ে জিজ্ঞেস করলুম—‘তা হলে উপায়?’ পণ্ডিতজী বললেন—উপায় নিকৃপায়ের উপায়। জানই ত “It is the unexpected that always happens.” বিশ্বাস না হয় খবরের কাগজে একখানা বিজ্ঞাপন লটকে দাও। বলে—“হারিয়ে গেছে; আমাদের স্বরাজ গড়বার স্ব-চুপ! কেউ কেউ বলছেন, ওটা এদেশে কখনো ছিল না, বিলেত থেকে আমদানি করতে হবে; কেউ বলছেন ভট্টাচার্য্য মশায় মাদুলিতে পুরে বর্ণাশ্রমের বাস্তবতা বন্ধ করে চাবি হারিয়ে ফেলেচেন। মোট কথা, কোথায় যে জিনিষটা আছে, তা কারও বুদ্ধির ভাঙারে খুঁজে পাওয়া যাচ্ছে না। খুঁজে যে পাবে—চুপি চুপি আমায় জানিও। সারা দেশটাকে তার পায়ে লুটিয়ে দেব।”

গোপালদার বুজরুকি

প্রায় মাস দুই হোলো গোপাল দার আর কোন খপর-টপার পাওয়া যায়নি। তাঁর গুরুজী যখন এসেছিলেন, তখন দিন-কতক ছেলেদের মুখে অনেক রকম গুরুব শোনা গিয়েছিল। গুরুজী নাকি দিনে রাতে কিছুই একেবারে খান না। রাত দুপুরে আসন করে বলে মাটি ছেড়ে সাড়ে তিন হাত উপরে উঠে পড়েন। মা কালী নাকি অমাবস্তার রাতে তাঁর কাঁধে ভর করলে তিনি খল খল করে হাসেন, আর কিড়মিড় করে দস্ত বিচ্ছেদ করেন। আর নাকি তিনি বলেছেন যে, বাবার সময় তিনি গোপালদারকে সব সিদ্ধি দিয়ে

যাবেন। কথাগুলো শুনেই বুঝেছিলুম যে, গোপাল দার এইবার একটা কেট-বিজু হ’য়ে দাঁড়াবে।

সেদিন সকালবেলা আর কিছু কাজ ছিল না বলে পণ্ডিতজীকে বল্লম—“চল না, একবার গোপাল দার খপরটা নিয়ে আসি।” পণ্ডিতজী চাদরখানা কাঁধে ফেলে দাঁড়িয়ে উঠে বললেন—“চল, অনেক কীর্তিই এ বয়সে দেখা গেল; গোপালের কীর্তিটাও দেখা যাক। গোপাল যে রকম উৎসাহী পুরুষ, তাতে নিশ্চয়ই ইতিমধ্যে একটা ছোটখাট মহাপুরুষ হয়ে দাঁড়িয়েছে, টিকে থাকতে পারলে কালে একটা অবতার হ’য়ে ওঠাও বিচিত্র নয়। দেখা যাক, যদি গোপালের কুপায় স্বর্গে একটা berth reserve করে রাখা যায়।

গোপাল দার বাড়ী পৌছতে-না-পৌছতেই তিনটা ছেলে এসে সমস্বরে খপর দিলে যে, গুরুজী এখন ধ্যানে বসেছেন। ‘গুরুজী চলে গেছেন না?’ জিজ্ঞাসা করতেই পণ্ডিতজী আমার গা টিপে দিয়ে বললেন—“চুপ! বুঝছো না তোমার গোপাল দার এই এখন গুরুজী হয়ে উঠেছেন?” গোপাল দার গুরুজী প্রাপ্তি শুনে আমি বোধ হয় একটু বেশী রকম হাঁ করে ফেলেছিলুম; আর ছেলেরা আমার দিকে যে রকম করে চাইলে, তাতে এটা বেশ বুঝতে পারলুম যে, তাদের কোমল প্রাণে না জেনে-শুনে কোথায় একটু ব্যথা দিয়ে ফেলেচি। চুপচাপ করে বৈঠকখানার প্রায় আধ ঘণ্টাটাক বসে আছি, এমন সময় একটি ছেলে অতি সন্তর্পণে পা টিপে টিপে এসে আন্তে-আন্তে সংবাদ দিলে—“মহারাজ আসছেন। মহারাজ আসছেন।” অনেকগুলি ছেলে সেখানে বসেছিল, তারা তড়াক করে লাফিয়ে উঠে চীৎকার করে বললে—“গুরু মহারাজকি জয়,” আর পাশের একটা দরজা খুলে অর্ধনির্মালিত নয়নে প্রবেশ করলেন—কে বল দেখি? আমাদের শ্রীমান গোপাল দার।

এই দু’মাসের মধ্যেই গোপাল দার চেহারা ফিরে গেছে। দিব্যি স্ত্রীঠাম, নম্র চেহারা; পরণে গেরুয়া—অথচ পরিপাটি লম্বা কোঁচা ঝুলছে। গায়ে গেরুয়া রঙের পাতলা আলখেল্লা আর মাথায় বাবরী। একেবারে সত্বের মুক্তরূপ। গলায় রুজাকের মালাগাছ-টিতে একটা চক্চকে মহম্মদ ফুটে বেরুচ্ছে। আর সবচেয়ে দেখবার জিনিষ দাদার সেই ত্যাগের নম্র, নোরাপাতি-বর্তুল হুঁড়িটি। দেখে আমার সত্যি সত্যিই দাঁড়া হোলো।

পায়ের ধূলা কাড়াকাড়িটা শেষ হ'য়ে গেলে, গোপাল দাঁ একটি বাজার দলের বলরাম গোহের ছেলেকে কি একটা ইঙ্গিত করে' দিলেন আর খানিক পরে স্তরে স্তরে রেকাবীতে সাজান চব্য চোষা লেহু পেয় যে সমস্ত জিনিষ এসে হাজির হলো, তা দেখে আমার কপালের জ্ঞান-নেত্রটা একেবারে ফুট করে' ফুটে উঠলো। বড় বড় সাধুদের যে ভূঁড়ি দেখতে পাওয়া যায়, সেটা যে শুধু আধ্যাত্মিক রসে ভরা নয়—তাতে গব্য রসের খাদও যে যথেষ্ট আছে, তা আর বুঝতে বাকি রইল না।

ভক্তিতে আমার প্রাণটা একেবারে গলে ধসুখলে হ'য়ে উঠলো। আমি গোপাল দাঁ'র পায়ের কাছে চিপ করে' একটা প্রণাম করে বললুম—“দাদা, আজ থেকে আমারও তোমার দলে ভর্তি করে নাও। তোমার পায়ের আজ থেকে আমি একেবারে বোল আনা আত্মসমর্পণ করে' দিলুম।”

আনন্দে গোপাল দাঁ'র আধ-বোজা চক্ষুটি আরও একটু বুজে এল। তিনি ঈষৎ মাথা নেড়ে বললেন—“তোমার হবে।”

উৎসাহে আমি লাফিয়ে উঠে বললুম—“হবে বৈকি দাদা—খুড়ি গুরুজী! চোখের সামনে দেখতে পাচ্ছি ইংরেজের কাছে আত্মসমর্পণ করে' দিয়ে কত নড়েতোলা লাট হয়ে গেল; আর আমরা সবাই মিলে যদি উঠে পড়ে লেগে যাই, তা'হলে বছর কতকের মধ্যে তোমায় একটা জগদগুরু কি অবতার করে' তুলতে নিশ্চয় পারবো। তখন আসিষ্ট্যান্ট অবতারের পোষ্টটা আমারই প্রাপ্য। ঢাক পিটিয়ে, ডিগবাজী খেয়ে, মুচ্ছা গিয়ে, কোন রকম করে আমরা আসন্ন ঞমকে নেবই নেব। আর আপাততঃ আমাদের হেড-চেলা করে' নিয়ে যদি শতকরা পঁচিশ টাকা কমিসন দেও, তা'হলে আমি retired স্বদেশ-সেবক দলের ছেলেরদের মাঝ থেকে ঝাঁকে ঝাঁকে তোমার চেলা জুটিয়ে দেব।”

গোপাল দাঁ'র ধ্যান-ভিত্তিত চক্ষু একেবারে হাঁ করে' চেয়ে উঠলো। দাদার বাচ্ছা বাচ্ছা চেলা-গুলির ঢুলু ঢুলু চক্ষু ভেদ করে' যে রকম দৃষ্টি বার হতে লাগলো, সেগুলি ঠিক সাস্থিক বলে' তুল করা মুশ্কিল। এমন কি, পণ্ডিতজী পর্যন্ত কিছু করে' একটু হেসে ফেললেন।

• আমার উৎসাহের এ রকম অমর্যাদা দেখে আমি আরও উত্তেজিত হয়ে উঠলুম। গোপাল দাঁ'র ঠ্যাং জাপটে ধরে' বললুম;—“আমার গতি

করতেই হবে। তোমার এ সুর্গম-মার্গ থেকে আমার বঞ্চিত করলে চলবে না। তা'হলে আমি মনের দুঃখে গলায় রসগোল্লা গুঁজে দম আটকে মরে যাব। আর যে অবস্থা প্রাণীটাকে অগ্নি, দেবতা, ব্রাহ্মণ সাক্ষী করে বিশিষ্ট রূপে বহন করে নিয়ে বেড়াচ্ছি, তিনিও সেই রসগোল্লার রসে ডুবে আত্মঘাতিনী হবেন। চিরদিন আমি ক্ষুধাপীড়িত, পত্নী-ভাড়িত, ইত্যন্তঃ বিক্ষিপ্ত হ'য়ে ঘুরতে ঘুরতে একেবারে ক্লান্ত হ'য়ে যাবার ভোগাড় হয়েছি। আমার বাড়ী গিয়ে দেখ, চালের হাড়িতে ইঁদুরে ছুবেলা এন্টার ডন্ ফেলছে। কোনো ডেপুটির সঙ্গে আমার এমন কোনো একটা বিশেষ মধুর সম্বন্ধ নেই যে, ইহকালের বন্দোবস্তটা করে' নিতে পারি।

ইঁদুরের ডন্ ফেলার বহর দেখে গোপালদাঁ'র তুরীয় লোকে জীনপ্রায় মন একেবারে মূলাধারে নেমে এলো। তিনি তাড়াতাড়ি উঠে বাড়ীর মধ্যে ঢুকে পড়লেন। কাজে কাজেই সে দিনের মত সত্য সত্য করে' আমিও পণ্ডিতজীর সঙ্গে বাড়ী ফিরলুম।...রাস্তায় পণ্ডিতজী জিজ্ঞাসা করলেন—“তুমি এত থিয়েটারী চণ্ড কোথায় শিখলে হে?” আমি বললুম—“গোপাল দাঁ' যখন আমাদের Dramatic Clubএর ম্যানেজার ছিল, তখন যে আমি তার সাক্ষরদী করেছি।”

—

অষ্ট সাপ্তাহিক লক্ষণ

সেদিন সন্ধীর্ভনের সময় পণ্ডিতজীকে নাচতে দেখে মালপো-ভক্ত-প্রচারিণী সভার সম্পাদক তাঁকে একখানা নিয়ন্ত্রণ-পত্র পাঠিয়ে দিয়েছেন, আর অনুরোধ করেছেন যে, অষ্ট-সাপ্তাহিক লক্ষণ সম্বন্ধে তাঁকে একদিন বক্তৃতা করুতেই হবে।

“এই সময়লাও এখন ঠেলা”—বলে পণ্ডিতজী আমার দিকে চিঠিখানা ফেলে দিলেন; “সেদিনকার সন্ধীর্ভনের জালায় এখনও কোমরে মালিশ করুতে হচ্ছে; আর তার উপর আজ যদি অষ্ট-সাপ্তাহিক খেঁচুনির কসরৎ দেখাতে হয়; তা'লে সন্ধ্যাবেলা দম আটকে গিয়ে রাত নটা আন্দাজ বৈকুণ্ঠ পৌছে যাবো। না বাবু, ও-সব বৈকুণ্ঠ-বৈকুণ্ঠে আমার পোষাবে না। অমনি কেউ মালপো দেয়, ত খবর দিও।”

আমি জিজ্ঞেস করলুম—“তোমার মধ্যে বৈকুণ্ঠে বাবার লক্ষণ বিশেষ ত কিছু দেখাচ্ছে।”

পণ্ডিতজী আশ্চর্য হ'য়ে চোখ ছুটো কপালের মাঝখানে তুলে' বললেন—“বল কি হে! তুমি ত শান্তর মান না দেখছি! একে আজ লক্ষ্মীবার, তার উপর যদি গলায় মালপো আটকে গিয়ে অষ্ট-সাত্বিক খেঁচুনি খেঁচতে খেঁচতে দেহভ্যাগ হয়, তা'হলে বিহ্বলতেরা ছেড়ে দেবে মনে করেছ? হরি-ভক্তি-বিলাসের মালপো-খণ্ডখানা একবার পড়ে' দেখো দেখি :”

“তা, বৈকুণ্ঠে যেতে তোমার এত আপত্তিই বা কেন?”

পণ্ডিতজী বললেন—“বা:। প্রথমেই ত বৈকুণ্ঠে ঢুকতে-না-ঢুকতে চতুর্ভুজ হ'য়ে যেতে হবে। ছুটো হাতের খাটুনিই খেঁচে উঠতে পারিলে, তা আবার চারটে হাত! আর ভগবান যে সিংহাসনে বসে' আছেন, তার চারিদিকে পার্শ্বদেৱা যে ধূপ-ধূনো, গুণ-গুণের ষোঁয়া দিয়ে রেখেছেন, তা চোখে লাগলেই ত অন্ধকার। তার ওপর রাত নেই, দিন নেই, শব্দ, ঘণ্টা, কাঁশর, আরতি লেগেই আছে। বড় বড় ভূঁড়েল ভক্তেরা চারদিকে চামর দোলাচ্ছে, আর ঐ নারদ বাপজীবন কেবল সংস্কৃত শোলোক আউড়ে আউড়ে ঘুরছেন। দৈত্য-কুলের প্রহ্লাদ থেকে আরম্ভ করে' হুম্মান দাস বাবাজী পর্যন্ত যত সব ভক্তেরা মরে' বৈকুণ্ঠে গেছেন, সবাই হয় হাত জোড় করে দাঁড়িয়ে স্তবস্তুতি পাঠ করছেন, নয় ত লম্বা হ'য়ে পড়ে' পড়ে' নাক রগড়াচ্ছেন। বাপ! আর আমার বৈকুণ্ঠে পার্শ্ব হ'য়ে কাজ নেই। ঘণ্টা কতক ঐ রকম হাত জোড় করে' দাঁড়িয়ে থাকতে হলেই, হয় আমার নারদের দাড়ী ধরে' টান মারবার প্রবৃত্তি হবে, নয় ত গড়ুরেব নাকটা ধরে' আরও ইঞ্চি কতক লম্বা করে' দেবার ইচ্ছে হবে।”

“তাই ত; পণ্ডিতজী, বৈকুণ্ঠের এমন হুবহু নক্সা পেলে কোথা থেকে?”

পণ্ডিতজী হেসে বললেন,—“দাদা, তোমরা খিস্তকেলি সোসাইটির লোক, আর এই খপরটা রাখ না? একবার লেডবিটারের বইগুলো হাতড়ে দেখো দেখি, ভূতলোক, প্রেতলোক থেকে আরম্ভ করে' গোলোক, ঢোলোক এমনকি নোলোক পর্যন্ত সব রাজ্যের খবর সেখানে পাবে। ইজের উচ্চৈশ্বৰ্য কোন্ লোকে কোন্ খোটোর বাঁধা আছে, ঐরাবত কি রকম চিন্ময় খোল-বিচালি খায়—তার কটো পর্যন্ত দেখতে পাবে। বাগবাজারের আড্ডার বাইরে অত খবর আর

কোথাও পাওয়া যায় না। জ্ঞানমার্গ, ভক্তিমার্গ, কর্মমার্গ, এগব ত অনেক দিনের জিনিষ, কিন্তু ধূমমার্গ এঁদের একেবারে নিজস্ব আবিষ্কার। দেড় ছটাক বৌদ্ধধর্ম, আধ ছটাক বেদান্ত, এক ছটাক বুজবুজি আর এক ছটাক গজিকা, বেশ করে' এক সঙ্গে সিদ্ধ করে' এঁরা ভবরোগের পাঁচন বা বানিয়েছেন—তা তারিফ করবার জিনিষ বটে।” সমালোচনাটা ক্রমে সভ্য কুচি বিকল্প হ'য়ে যাচ্ছে দেখে আমি বললুম—“চুলোয় যাক তোমার খিস্তকেলি সভা। তোমার ভাব গতিক যে রকম দেখছি, তা'হলে তুমি সাত্বিক লক্ষণের বক্তৃতা দিতে যাচ্ছ না?”

পণ্ডিতজী বলেন—“দরকার হ'লে আমি আটটা কেন, চৌষটি রকম সাত্বিক লক্ষণ সম্বন্ধে বক্তৃতা দিয়ে দিতে পারি—কেননা, বাবাজীদের আধ্যাত্মিক সাত্বিকতার পর, পদী পিসির গার্হস্থ্য-সাত্বিকতা, অস্তঃপুরের পিঞ্জরাপুলী-সাত্বিকতা, উপবাসের সাত্বিকতা, রাজনীতিক নৈকর্ম্যের সাত্বিকতা প্রভৃতি নতুন নতুন জিনিষ গজিয়েছে। তবে কোমরের ব্যাথাটা ভাল না হওয়া পর্যন্ত সে সম্বন্ধে দুহাত নেড়ে বক্তৃতা দেওয়ার অপারগ—দাদা, অপারগ।”

পাঠান রাজত্ব

সকালবেলা দাওয়ার খেলো হুঁকোটি হাতে ক'রে বন্ধির গোড়ায় একটু ষোঁয়া দিচ্ছি, এমন সময় পিছন থেকে একটা আওয়াজ এল—“দাদা-ঠাকুর।” আওয়াজটা যে আমাদের গোপীনাথ ওরফে গুপে বাগদীর ভাঙ্গা কাঁশরের মত গলা থেকে বেরিয়েছে, তা পিছন না ফিরেও বুঝতে বাকি রইল না। আর কুণ্ডলী পাকান ষোঁয়াটুকু আমার আজ্ঞাচক্র ভেদ করে' সহস্রারে ওঠ'বার সময় মগজের মধ্যে যে রঙ বের-রঙের আধ্যাত্মিক কুস্মটিকা সৃষ্টি করছিল, তাতে বাধা দেবার প্রবৃত্তিও আমার ছিল না। তাই পিছন না ফিরেই জিজ্ঞেস করলুম—“কেও, গোপীনাথ যে।” কি খবর?”

গোপীনাথ আঙে আঙে স্নমুখে এসে গলাটা নীচু ক'রে আমার কাণের প্রায় হাত খানেকের মধ্যে মুখ নিয়ে এসে জিজ্ঞেস করলেন—“ই, দাদা-ঠাকুর, সত্যি নাকি? কাবুলের আমীর নাকি দিল্লী দখল করুতে আসছে?”

—“আরে বাঃ, এই যে। খবরটা তোর কাছেও এসে পৌছেচে দেখছি। কে বললে রে, গোপীনাথ?”

“এঁজ্ঞে ও-পাড়ার বহিরুজ্জি মোড়ল কুরকুরেতে তাদের পীর সাহেবের দরগায় গিয়েছিল, সেই শুনে এসেছে।”

ক’দিন ধরে’ খবরের কাগজে ঐ কথা নিয়েই তাল-চৌকাঠুকি দেখতে পাচ্ছি। এতদিন ও-ব্যাপার নিয়ে গবেষণা করবার ভার মেনে ছেলেদের আর দেশের নেতাদের ওপর দিয়েই নিশ্চিন্ত ছিলাম। আজ গোপীনাথকে তা’ নিয়ে মাথা ঘামাতে দেখে খোঁয়ার কুণ্ডলী পাকিয়ে রঙীন আধ্যাত্মিক রাজ্য সৃষ্টি করবার আরাম ছেড়ে উঠে বসতে হোলো। তাই ত! শেষে সত্যি সত্যি আর-একবার কাবুলী কোঁৎকা অদৃষ্টে আছে না কি?

পাশের ঘরে পণ্ডিতজী চিং হ’য়ে চক্ষু বুজে একখানা খবরের কাগজ পড়বার ভান করছিলেন। আমি সেখানে উঠে গিয়ে জিজ্ঞেস করলুম—“বলি ও পণ্ডিতজী, দিব্যি চক্ষু বুজে আরামে পড়ে’ থাক! হচ্ছে, এ দিকে আফগান যে এল বলে।”

পণ্ডিতজী একটা হাই তুলে বললেন—“আরে বাঁচি তা’হলে! চিং হ’য়ে পড়ে’ পড়ে’ কোমরে পিঠে বাত ধরে’ গেছে। কাবুলি দাওয়াই ছাড়া এ বাত যে সাববে বলে ত মনে হয় না।”

আমি ব্যস্ত হ’য়ে বললুম—“না না, হাসির কথা নয়, যেখানে এতখানি ধূম, সেখানে কিছু-না-কিছু অগ্নি আছে নিশ্চয়ই। সত্যি সত্যিই যদি আফগানেরা হুমকি দিয়ে এসে দাঁড়ায়—তখন কি হবে?”

পণ্ডিতজী হেসে বললেন—“আরে হবে আর কি অশ্বভিষ; খুব জোর ছ একখানা ‘পদ্মিনী’ নাটক লেখা হবে। আর দেশের যে সব বাবুভায়া চোখাচোখা ইংরিজী ইডিয়ম ভেঁজে ইংরেজের কাছ থেকে ‘ডিমিনিয়ন্ সেলফ্ গবর্ণমেন্ট’ ভোগা দিয়ে মেরে দেবার চেষ্টায় কিরুছেন, আবার সাহেব দিল্লীতে ঢুকতে-না-ঢুকতেই তাঁরা বড় বড় মৌলবী ধরে’ তোফা একখানি ফাসি দরখাস্ত লিখিয়ে দিয়ে দিল্লীর দরজায় গিয়ে ধবুণা দেবেন। পাঠান হোসেন শাহ আমলে বাংলা সাহিত্যের কি রকম উন্নতি হয়েছিল, পাঠান সের শাহ আমলে দেশে প্রথমে কি রকম বোড়ার ডাকের সৃষ্টি হয়েছিল, এই রকম অনেক ঐতিহাসিক গবেষণা সে অভিনন্দন-পত্রকে অলঙ্কৃত করবে;

ছেলেরা এ, বি, সি, ডি ছেড়ে ছলে ছলে আলেক, বে, পে, তে শিখতে আরম্ভ করবে, বীরা এখন মিনিটার হ’য়ে পড়েছেন, তাঁরা উজীর হ’য়ে দাঁড়াবেন, আর দেশময় বক্তৃতা দিয়ে বুঝিয়ে বেড়াবেন যে, পাঠান রাজত্বের মত রাজত্ব কখন হয়নি, হবে না। গ্রীষ্মকালে তাঁরা দারজিদিগে বেড়াতে না গিয়ে কাবুলে বেড়াতে যাবেন, আর রকম-বেরকমের যেওরা খেয়ে লাল হয়ে ফিরবেন। পাঠান রাজত্বের নামে এত ভয় পাবার কি আছে? পরের বাপকে বাপ বলা যাদের অভ্যাস আছে, তাদের কাঁছে ইংরেজই বা কি, পাঠানই বা কি।”

পণ্ডিতজী জিনিষটাকে হেসে উড়িয়ে দেবার চেষ্টা করছেন দেখে আমার রাগ ধরে’ গেল। আমি বললুম—“আরে ছাই, দেশ শুদ্ধ ত আর মডারেট নয় যে নিজের নিজের পুঁটুলি বাঁধতে ছুটবে। পাঠান এলে দেশে শাস্তিরক্ষা করবে কে?”

পণ্ডিতজী নিতান্ত ভালমাহুটির মত মুখখানি করে’ বললেন—“হাঁ, ওটা ভাববার কথা বটে। পাঠানেরা ইংরেজের মত অতটা শাস্তিরক্ষা করতে পারবে কিনা সন্দেহ। এত মেশিনগান ওরা পাবে কোথা? দেখ দেখি, ডায়ার কেমন সোণার চাঁদ—পাঁচ মিনিটে হাজার খানেক লোককে একবারে শাস্ত করে’ ছেড়ে দিল। পাঠানেরা জংলী কি না; শাস্তিরক্ষার এত কারদা শিখবে কোথা? যতদূর দেখতে পাচ্ছি, লোকে এখন দিব্যি শাস্তিতে মরছে, তখন মহা অশাস্তিতে বেঁচে থাকবে। আর হয়ত অনেকদিন ধরেই লোককে বেঁচে থাকতে হবে। কেননা পাঠান যতই পেট ভরে’ থাক, ছাঁদা বেঁধে Home Charge বাড়ী নিয়ে যাবে না। দেশময় যে এতগুলো কল-কারখানা বসেছে, তাদের হয়ত শতকরা ২০০ টাকা করে’ ডিভিডেন্ট বিলিতে পাঠাবার সুবিধা হবে না। দেশের ধানচাল যদি দেশে থেকে যায়, তা’হলে খুব সম্ভবতঃ লোকে পেট ভরে’ খাবে, পেট ভরে’ খেলেই শাস্তিরক্ষার যে প্রধান সহায়—ম্যালেরিয়া, ম্লেগ, ডিসপেনসিয়া, সেগুলো লোপ পেয়ে দেশে অশান্তির মাজা বাড়তে পারে। এটা সত্যি কথা, মানতেই হবে যে, ইংরেজেরা এই দেড়শ বছরে দেশটাকে যত ঠাণ্ডা করে’ এনেছে, পাঠানেরা আগে পাঁচশ বছরেও তা পারেনি।”

কথাগুলো আমার বাঁকা বাঁকা মনে হোলো। আমি জিজ্ঞেস করলুম—“আচ্ছা পণ্ডিতজী, তুমি

কি সত্যি-সত্যিই মনে কর যে, ইংরেজ রাজত্বের চেয়ে পাঠান রাজত্ব ভাল ?”

পণ্ডিতজী আধ হাত জিত কেটে বললেন—
“আরে রামচন্দ্র ! এ কথা আমি আবার কখন বলুম ? আমি ত আর সত্যি সত্যি প্রাণের আশা ছেড়ে দিয়ে মরিয়া হ’য়ে বসিনি। কালাপানিতে ফিরে যাবার বিশেষ আগ্রহও আমার নেই। আমাদের দেশের অনেক ইংরেজী-পড়া পণ্ডিত পাঠানের নাম শুনেই তাঁদের বড় সাথের ডিমক্লেস্টার শতক খোঁসার হবে ভেবে কাতর হ’য়ে উঠেছেন, তাই বড় অভয়াস বশতঃ ঐ সব কথাগুলো বলে ফেলুম। যন্ত্রাকাশে শুকিয়ে শুকিয়ে মরে বেনী লাভ, কি কলেরায় দু-একটা দমকা ভেদ হয়ে মরা বেনী ভাল—এ নিয়ে অনন্ত কাল তর্ক চলতে পারে; বিশেষ কোন সুমীমাংসার আশা আছে বলে মনে হয় না। তবে কোন পণ্ডিত যদি মনে করেন যন্ত্রারোগী হ’য়ে ধুকতে ধুকতে না মরতে পারলে স্বরাজ্য—খুড়ি, স্বর্গরাজ্য লাভ হবে না, তা’হলে তাঁর বিচার বালাই নিয়ে মরতে ইচ্ছা হয়।”

—

আধ্যাত্মিক Famine Insurance Fund

সেদিন আবার গোপালদাসের সঙ্গে দেখা করতে গেছলুম। প্রায় ডজনখানেক শিষ্য-সেবকের মাঝখানে দাদা বিরাজ করছেন। দেখলুম এই তিন মাসের মধ্যেই কাঁচা, ডাঁশা, আধ-পাকা, ধনুস্ পাকা, অনেক রকম শিষ্যই দাদার জুটেছে; এক-আমটা শিষ্যাগিরও অভাব হয়নি। তবে কচি কচি ভালশাসের মত শিষ্যের সংখ্যাই কিছু বেশী। একটি ছোট্ট ছেলে মাষ্টারের মারের জালার non-co-operate করে এসে দাদার কাছে ধর্মজীবন নিয়েছে। ছেলেটির এমন গভীর বৈরাগ্য যে, দাঁতের ছায়াটুকু পর্যন্ত মাজে না, চোখের মিঁচুটিটুকু পর্যন্ত পৌছে না—পাছে এই নখর শরীরের উপর আসক্তি এসে পড়ে। দাদা নাকি ভবিষ্যদ্বাণী করেছেন যে, ছেলেটির যে রকম গভীর নিষ্ঠা আর ভক্তিমার্গে সে যে রকম বন বন করে ছুটেছে, তাতে দুদিন পরে সে ধ্রুব-গ্রন্থীদের মাসভূতো তাই হ’য়ে দাঁড়াবেই দাঁড়াবে। ছেলেটিকে জিজ্ঞেস করলুম—“বাপু, কি কর ?” ছেলেটি উত্তর করলেন—“গুরু মহারাজ যা’ করান।” ভক্তিতা এমনি ছোঁয়াচে জিনিষ যে, শুনে আমার পাখান

প্রাণও গলে পাক হ’য়ে যাবার জোগাড় হোলো; আর থেকে থেকে শরীরটা পুলকে ঝিলিক মেরে উঠতে লাগলো। ইচ্ছে হলো একেবারে দাদার পায়ে আছাড় খেয়ে গিয়ে পড়ি।

ও-পাড়ার বড় পোন্ধরের ছেলেকে দাদা ওজস্বিনী ভাবায় আত্মসমর্পণের মাহাত্ম্য বোঝাচ্ছিলেন। ছেলেটি কিছুদিন আগে লোহার ব্যবসায় বেশ ছ’পরসা কামিয়েছিল। সেই অবধি দাদা আবিষ্কার করে ফেলেছেন যে পূর্বজন্মে ঐ ছেলেটির সঙ্গে তাঁহার একটা গভীর আধ্যাত্মিক যোগ ছিল। এ জন্মে যাতে যোগটা বেশ পাকাপাকি হয়, অর্থাৎ আধ্যাত্মিক ক্ষেত্রে থেকে আধিতোত্তিক ক্ষেত্রে নেমে আসে, তার জন্তে দাদা উঠে-পড়ে’ লেগেছেন। গুরুর নামে সর্বস্ব অর্পণ ক’রে দিলেই স্বয়ং ভগবান যে সে দান হাত বাড়িয়ে নেবেন, নানাশাস্ত্র মন্বন করে এই সার সত্যটুকু গোপাল দাস তার কাণের মধ্যে বিদ্যুৎ বিদ্যুৎ করে ঢেলে দিচ্ছিলেন। বিশ হাজার টাকায় যে বৈকুণ্ঠে একটা 1st class berth reserve (ফার্স্ট ক্লাস বার্থ রিসার্ভ) করা যায়, সে কথা ত বেল্লিক পুরাণে স্পষ্টই লেখা আছে। আর তাতেও যদি বিশ্বাস না হয় ত গীতাখানাই পড়ে দেখ না। ভগবান স্বয়ং যে বলে যাচ্ছেন—“যোগক্ষেম বহাম্যহম্”, তার মানেটা কি ? আধ্যাত্মিক পথের কাঁটা খোঁচা ত সাফ হ’য়ে যাবেই, অধিকন্তু ইহকালেও তোমার বিজয়-রথ একেবারে লোকের বুকের উপর দিয়ে গড়গড়িয়ে চলে’ যাবে। ভোগ আর মোক্ষের একদম সাফ সমন্বয়। বস, আউর কেনা ?

যোগক্ষেমের ব্যাখ্যাটা শুনেই আমার কপালের তৃতীয় নেত্রটা হাঁ করে’ চেয়ে উঠলো। তাহিত ! আমার গীতাজ্ঞানটা একেবারে মরচে ধরে’ গেছে দেখছি। ভগবান যে তাঁর অপোগণ্ড ভক্তগুলির জন্তে একটা Famine Insurance Fund খুলে রেখেছেন, সে কথাটা আমার মনেই ছিল না। এই যে দেশের তেত্রিশ কোটি জীব ‘হা অন্ন হা অন্ন করে’ মরছে—কি ভীষণ বোকা এ গুলো ! রোদে গুড়তে হবে না, জলে ভিজতে হবে না, লাজল চব্বতে হবে না, খান তানতে হবে না—শুধু একবার চোখ-কাণ বুজে দাদার ভক্তের খাতায় নাম লিখিয়ে ভগবানের ভাণ্ডারের চাবিকাটি হাতে নিয়ে বসে পড়ি। কারণ, লোকের অকুসল ভাণ্ডার থেকে তখন হাঁড়ি হাঁড়ি রসগোল্লা আর পাঁচুয়ারি তোমার ঘর একদম বোঝাই হ’য়ে যাবে। দেশে দুর্ভিক্ষ ?

—আরে তাতে কি? ভগবান অতন্তদের বাড় ভেঙ্গে ভক্তদের খ্যাতির ব্যবস্থা করে' দেবেনই। এখন না হলে তাঁর দয়াল নামে কলঙ্ক হবে যে।

ভাবতে ভাবতে আমার চোখে একেবারে প্রেমাক্ষর বান ডেকে গেল। আমি স্থির করলুম যে এখনই আমার সর্বস্ব অর্থাৎ নগদ তিন টাকা ছয় আনা দাদার পায়ে ধরে' দিয়ে পরকালের না হোক, ইহকালের জন্তে একটা আটকে রাখবার ব্যবস্থা করবো। কিন্তু দাদা সেদিন বিশহাজারী কাপ্তেনকে নিয়েই ব্যস্ত ছিলেন বলে' আমার তিন টাকা ছ আনা পকেটেই রয়ে গেল।

তার পরদিন পণ্ডিতজীর সঙ্গে দেখা হতেই মনে হলো দিই একবার তাঁকে যোগক্ষেমের ঠেলাটা দেখিয়ে। ভারি তিনি মাঝে মাঝে সাধুদের ঠাট্টা করেন যে। কিন্তু গোপাল দাঁর যোগশক্তির বলে কি রকম অর্থসিদ্ধি হয়েছে তা শুন্তে-না-শুন্তেই তিনি হাত পা ছড়িয়ে হোঃ হোঃ করে' হাসতে আরম্ভ করে' দিলেন। লোকটা কি পাখণ্ড গো।

আমার ভারি রাগ ধরে' গেলো। বল্লুম—“তুমি কি বলতে চাও তা' হলে যে, টাকা টাকা করে' মাহুষ ছোটোছোট করে' না বেড়ালে তার আর পেটের জালা ঘুচবে না?”

পণ্ডিতজী বললেন—“আরে পাগল, তা নয়, তা নয়। যারা নারায়ণকে পায়, তারা সঙ্গে সঙ্গে লক্ষ্মীকেও পায়, কিন্তু চোখ বুজে ছ' একবার বসতে-না-বসতে যারা মনে করে যে ফাঁকি দিয়ে লক্ষ্মীর ভাণ্ডার লুটে নেবে, তাদের ডিগবাজী খেয়ে চিৎ হয়ে পড়তে বড় বেশী দেরী লাগে না। আর মেয়েরা ভগবানের মুখে একটা কথা বসিয়ে দিয়েছে জানিস্ ত?”

“যে করে আমার আশ, করি তার সর্বনাশ।

তবুও যে করে আশ, হই তার দাসের দাস ॥”

ভগবানকে দাসের দাস করবার আগে নিজের সর্বনাশটা করতে হয়।”

প্রেম ও ডাণ্ডা

যেজ্ঞ-ঘসে রূপ আর ধরে-বৈধে প্রেম—এটা নাকি হবার জো নেই। কিন্তু আমার মনে হয় এত বড় মিথ্যে কথা ছুনিয়ার খুব কমই পাচার হয়েছে। যেজ্ঞ-ঘসে যদি রূপ না কুটতো ভা'হলে ত আমাদের থিয়েটারগুলো এতদিন অচল হ'য়ে

যেতো। এই দেখনা আমাদের ক্ষে'দি সন্দরীকে। ইনি যখন আলুচেরা চোখ দুটিতে সুব্রা লাগিয়ে, চুলগুলি ফুলিয়ে দিয়ে কপালের পরিমাণ ঢেকে ফেলে, জোঁকের মত ঠোট দুখানিতে ভরল আলতা লাগিয়ে সুমুখ এসে দাঁড়ান, তখন সাক্ষাৎ দুর্কীসার দশ বছরের তপস্যা ভেঙ্গে যাবার যোগাড় হ'য়ে যায়। অরূপের মধ্যে রূপ কোটান—এই ত সৃষ্টির গোড়ার কথা।

আর তারপর ধরে-বৈধে প্রেম। হয় না বলছ? বলি জাহাঙ্গীর বাদশা যখন মুরজাহান বিবিকে বর্ধমান থেকে 'হো' মেরে নিয়ে গেলেন, তখন ব্যাপারটা যে খুব নন-ভায়োলেন্ট রককের হয়নি, একথা ইতিহাসে ত লেখে। বেগম সাহেব যে প্রথমটা চোটে একেবারে লাল হয়ে তাঁর সতীষ প্রমাণ করেছিলেন, এ প্রমাণও পাওয়া যায়। কিন্তু তিন দিন না যেতে যেতে রাগের লালটুকু যে প্রেমের গোলাপীতে পরিণত হয়েছিল, এ কথা ত আর অস্বীকার করার জো নেই। মাদামারা ভালমাহুব স্বামীর স্ত্রী দজ্জাল; আর দস্তি জবরদস্ত স্বামীর স্ত্রী হয় একেবারে মেনী বেড়ালটার মত পতিব্রতা—কেন বল দেখি? আসল কথা হচ্ছে—মেয়েরা চায় একটুখানি জবরদস্তি। স্বামী যেখানে মডারেট, স্ত্রী সেখানে একদম সাফ্রাজিট (suffragette)।

রাজনীতিতে যেমন দুটো রাস্তা—মডারেট (Moderate) আর এক্সট্রিমিষ্ট Extremist, প্রেমনীতিতেও ঠিক তাই। একালের মডারেট প্রেমিকেরা লতানে চুলে সিঁথি কেটে প্রেমিকার পানে কাতর দৃষ্টি হানতে হানতে কবিতার খাতা বোঝাই করেন; আর সেকালের এক্সট্রিমিষ্ট প্রেমিকেরা বেড়ালে যেমন করে' ইঁদুর ধরে ভেমনি করে প্রেমিকাকে বগলে পুরে ঘোড়ায় চড়ে' পগার পার হতেন। ছিঁচকাঁহুনে প্রেমের চেয়ে যে মিলিটারী প্রেমটা জমতো ভালো, তার সাক্ষী ইতিহাস আর পুরাণ। আমাদের প্রপিতামহীরা যে প্রপিতামহদের সঙ্গে চিত্তায় পুড়ে স্বর্গে চলে যেতেন, সেটা শুধু স্বর্গে গিয়েও ঐ মিঠে মিঠে জবরদস্তিটুকু পাবার লোভে। বিশ্বাস না হয়, ঘরে গিয়ে জিজ্ঞেস করে' দেখো।

* * *

রাজনীতির দিকেও চেয়ে দেখ না। সেখানেও প্রেম আদায় করবার মজা হচ্ছে জবরদস্তি। ওয়াশিংটন যদি কাঁহুনি গেয়ে বলতেন যে আমেরিকা স্বাধীন করে' না দিলে তিনি মনের দৃঃখে সাত

রাত্রি উপোস করে' যারা বাবেন, না হয় গলার পাখর বেঁধে সমুদ্রে বাঁপিয়ে পড়বেন, তা'হলে আজ আমেরিকার দুঃখে শেরাল-কুকুর কাঁদতো। আজ যে ইংরেজ আমেরিকার সঙ্গে প্রেমে পড়বার জন্তে এত ব্যস্ত, তার মূলে হচ্ছে ঐ ওয়াশিংটনের ডাঙা। তাল বুঝে ঐ ডাঙা লাগাতে পারলে নব্বার ভেদ করে' প্রেমের প্রবাহ ছুটবেই ছুটবে।

* * * *

আরে দাদা, প্রেমনীতি, রাজনীতির কথা কি বলছো। শুভোর চোটে ভগবান পর্যন্ত প্রেম করতে রাজী হ'য়ে পড়েন। মিত্রভাবে সাত জন্মে আর শত্রু ভাবে যে তিন জন্মে মুক্তি হয়, এটা হিঁদুর ছেলে হয়ে ত অস্বীকার কব্বার জো নেই। আরে না, না—এটা সেকেন্দ্রে খিওরি মোটেই নয়। আমাদের হাক্ক গয়লা কি করে' তিন দিনে সিদ্ধ-পুরুষ হ'য়ে গেছলো, তা শোননি বুঝি? কিছুই খবর রাখ না; তবে শোন বলি।—

বৈশাখ মাসের রোদে সারাদিন বাঁকে করে' দুধ বয়ে' বয়ে' সন্ধ্যার সময় হাক্ক বাড়ী ফিরে দেখলে যে, তার মায়ের সঙ্গে ঝগড়া করে বোঁ চলে' গেছে বাপের বাড়ী। উম্মনে আগুনটা পর্যন্ত পড়েনি। লোকে বলে গয়লার ছেলের আশী বছরের আগে বুদ্ধি খোলে না; কিন্তু পেটের জালায় হাক্কর তখনি তখনি জ্ঞান কুটে উঠলো। সে দিব্যচোখে দেখতে পেলে যে, সংসারটা একেবারে মরুভূমি। বৈরাগ্য হবার সঙ্গে সঙ্গেই সে বেদ না পড়েও বুঝতে পারলে যে, "বদহরেব বিরজ্ঞে তদহরেব প্রব্রজ্ঞে।" কাঁধে একখানা গামছা ফেলে বাঁকটা হাতে করে' সে সন্ন্যাসী হবার জন্তে বেরিয়ে পড়লো। চলতে চলতে এক শিবমন্দিরে এসে সেরাতটা কোন রকমে কাটিয়ে দিলে। তার পরদিন হাজার হাজার লোক শিবের মাথায় জল দিতে এলো। কত চাল কলা সন্দেশ এসে স্তূপাকার হ'য়ে পড়লো; কিন্তু গয়লার পোর খোজ খবর কেউ আর করলে না। একে বৈরাগ্য, তার পর দুদিন অনাহার; কাজেই হাক্কর মেজাজটা ক্রমেই চড়ে উঠতে লাগলো। তার পরদিন সকাল বেলা সে গামছাখানি কোমরে বেঁধে বাঁকগাছটা হাতে নিয়ে একেবারে চৌমাথার মোড়ে এসে দাঁড়ালো। যেই বাজী আসে, অমনি, দে-ধনাধন। বাজীরা ত প্রাণ নিয়ে যে যেদিকে পারলে চম্পট দিলে। এ দিকে বৈশাখ মাসের দিন, শিবের মাথায় এক ফোঁটাও জল পড়েনি। শিব ঠাকুরের মাথা ক্রমেই

গরম হ'য়ে উঠতে লাগলো। তিনি বাঁড়কে বলেন—“বাবা বাঁড়, দেখতো আজ ব্যাপার কি? বাজী কেন আসছে না?” বাঁড় খুঁজতে খুঁজতে চৌমাথার মোড়ে এসে গয়লার কীষ্টি দেখে ত চোটে লাগল। কিন্তু বাই শিং নেড়ে ভেড়ে যাওয়া, অমনি বাঁক পেটা খেয়ে উর্দ্ধপুচ্ছ হ'য়ে দৌড়। রিপোর্ট পেয়ে শিব মহা চিন্তিত হ'য়ে পড়লেন। নন্দীকে ডেকে বললেন—“একবার দেখতো ঐ গয়লা বেটা কি চায়?” নন্দী এলো; কিন্তু হাক্ক তার দিকে ফিরেও চাইলে না। বাঁক কাঁধে করে' তেমনি গটু হয়ে দাঁড়িয়ে রইলো। এদিকে বেলা তিনটে বাজে; শিবের মাথায় জল নেই; পেটে অন্ন নেই; বাবাঠাকুর ত একেবারে ক্রোড়ে বাবার জোঁগাড়। করেন কি? আস্তে আস্তে উঠে নিজেই হাক্কর কাছে এসে হাজির হ'য়ে বলেন—“বৎস, তুমি কি বর চাও? তোমার ওপর তুষ্ট হয়েছি। তোমার বুদ্ধি যে রকম ক্ষুর ধার দেখছি, তুমি রাজনীতির চর্চা করলে একটা বড়দরের পেট্রিফট হতে পারতো।” হাক্ক বললে—“বড় দরের পেটেল যেটেল আমি হতে চাইনে; আমি চাই রোজ একপেট ভাত আর তিন ছিলিম গাঁজা।” শিব তথাস্ত বলে স্তম্ভবান হলেন, আর হাক্কও বাঁক কাঁধে করে মন্দিরে ফিরে এলো। সেই অবধি শিব ঠাকুর তাঁর সেবারৎকে স্বপ্ন দিয়ে বরাদ্দ করে' দিয়েছেন যে, তাঁর ভোগ হবার আগে হাক্কর ভোগ হবে।

দেখগে বাও, আজ পর্যন্ত হাক্ক সেই মন্দিরে পড়ে' আছে—মাথায় জটা, কোমরে কোপীন আর হাতে গাঁজার কলকে।

এর পরও ডাঙার মহিমায় যে বিশ্বাস না করবে, সে স্নেহ, সে নাস্তিক।

বিয়ে ও পিণ্ডি

ছপুরবেলা খেয়ে-দেয়ে শুতে গিয়ে দেখি টেবিলের উপর একখানি চক্চকে খামে মোড়া নেমস্তম্ভ-পন্ডোর। লুটির সন্ধানায় আমার ব্রাহ্মণ-ধর্মী মনটা প্রায় নেচে ওঠবার জোঁগাড় করেছিল, এমন সময় চিঠিখানি খুলে দেখি—হা পোড়া কপাল!—অমুলেটোলার প্রবল প্রতাপাবিত মহারাজ পাংশুলোচন রায়ের সভাপণ্ডিত মহামহোপাধ্যায় ঘটোৎকচ স্মৃতিরত্ন জানিয়েছেন যে, মহারাজের বাড়ীতে আন্তর্জাতিক বিবাহ প্রভাবের প্রতিবাদ

করে' এক মহতী সভার অধিবেশন হবে, আর সেখানে আমার মত স্বধর্ম-নিরত পুরুষের সমাবেশ উপস্থিতি প্রার্থনীয়।

বান্ধবের মধ্যে ত' এক পণ্ডিতজী। তাঁকে জিজ্ঞেসা করলুম—“দাদা, সনাতন হিন্দুধর্ম যে আন্তর্জাতিক বিবাহ আইনের ধাক্কা একেবারে বেকে পড়বার জোগাড় হয়েছে। এখন আমরা পাঁচজন ব্রাহ্মণ-সন্তান তাকে ঠেকানা দিয়ে সোজা করে' না রাখলে আর উপায় কি?”

পণ্ডিতজী বললেন—“ও-সবে আমি নেই, তাই। জানই ত, নারী হোল নরকস্ত্র দ্বারং। তার আবার জাতি বিচার কি? নরকেই যদি যেতে হয় ত কুস্তিপাকে যাব, কি রৌরবে যাব, তা বিচার করে' আর কি হবে? তা হাড়া বিয়ের বয়স আর আমার নেই। আর যদিও থাকতো, তা'হলে তোমরা নারী-স্বাতন্ত্র্য লিখে লিখে ব্রাহ্মণীকে এমন বিগড়ে দিয়েছ যে, কুলীন ব্রাহ্মণের সন্তান হওয়া সত্ত্বেও আমার আর বিয়ের দ্বিতীয় সংস্কারণ করবার সাহস হোতো না।”

পণ্ডিতজীকে একটা দীর্ঘশ্বাস ফেলবার অবসর দিয়ে আবার জিজ্ঞেসা করলুম—“বিয়েটা হোলো ধর্মসংস্কার; ছেলেগুলো জাত-বেজাতের মেয়ে ঘরে এনে ধর্ম-কর্ম নাশ করে' দেবে, আর তোমার মত পণ্ডিত লোক যে শুয়ে শুয়ে তা দেখবে—এটা কি ভাল?”

পণ্ডিতজী হেসে উঠে বললেন—“আরে, পণ্ডিতও বটে, ব্রাহ্মণও বটে; কিন্তু ব্রাহ্মণপণ্ডিত ত আর নই। ধর্ম বেচে ত আর আমার খেতে হয় না। বিয়েটা যে ধর্মসংস্কার, তা বিলম্বই জানি—যেহেতু আমার পূর্বপুরুষদের এই রকম ধর্মসংস্কার করাই ছিল জাত-ব্যবসা। আমার প্রপিতামহ ছত্রিশ বছর বয়সে স্বর্গলাভ করেন। এই বয়সের মধ্যে তিনি তেঁতুলিবার ধর্মসংস্কার করে' তেঁতুলি ধর্ম-পত্নী সংগ্রহ করেছিলেন। এ-হেন আর্ধ্যকুল-প্রদীপদের বংশতিলক আমি—আমি আর হিন্দু বিবাহের মাহাত্ম্য বুঝি নে? আসল কথাটা কি জান, বিয়ের উদ্দেশ্য হচ্ছে যে যখন মরে' গিয়ে ভূত হবো, তখন ঐ ধর্মপত্নীর গর্ভজাত পুত্র আমার আতপচালের পিণ্ডি চটুকে খাওয়াবে। সেকালের কর্তারা যার-তার হাতের রাঁধা ভাত ত আর খেতেন-না, তাই তাঁরা বেছে বেছে স্বর্ণে বিয়ে করতেন। এখন আমাদের ছোঁয়াছুঁয়ির বাংলাই যখন নেই, আমরা সবাই যখন ঈষৎ পাটখিলে বা

ঈষৎ কৃষ্ণবর্ণ, তখন স্বর্ণ দেখে বিয়ে করলেই চলবে, তা সে যে জাতই হোক না কেন। যার-তার হাতের ভাত খাই আর না-খাই, পাউরুটি ত খাই; ছেলে না হয় পাউরুটিতে মাখন চটুকে আমাদের পিণ্ডি দেবে। প্রেতলোকে সে একটা রাজভোগ হয়ে দাঁড়াবে। আলো চালের পিণ্ডি খেয়ে যে-সব প্রেতের অরুচি হ'য়ে গেছে, তাঁরা তখন তাঁদের বংশরদের কি রকম বিয়ে করতে স্বপ্নাদেশ দেন, তা দেখে নিও। মম্বরার মেয়ে বিয়ে করলে যদি কাঁচাগোলায় পিণ্ডি খাওয়া যায় ত তাতে কোন সুব্রাহ্মণের আপত্তি হবার কথা নেই।”

বিয়ের শাস্ত্র-সম্বত খিওরির এ রকম অকীচান ব্যাখ্যা শুনে আমার মনে ব্রাহ্মণোচিত ক্রোধের সঞ্চার হবার উপক্রম হয়েছিল। আমি একটু তীব্রকণ্ঠে বলে' ফেললুম—“তুমিই না-হয় কুলীন বামুনের বংশধর; প্রপিতামহীদের গুণে তোমাদের রক্তে না-হয় সর্ববর্ণ সমন্বয় হয়ে গেছে; কিন্তু দেশশুদ্ধ লোক ত আর কুলীন বামুন নয়—তারা নিজেদের আভিজাত্য ছাড়তে বাবে কেন?”

পণ্ডিতজী হোঃ হোঃ করে' হেসে উঠে বললেন—“মুসলমানদের একটা কথা জান ত—

‘আগে হয় উল্লা তুল্লা, পরে হয় উদ্দীন,

তলার মহম্মদ উপরে যায় ভাগ্য ফিরে যদি ন।’

নমঃশূদ্দের রামচরণ যদি আজ মুসলমান হয়, ত তার নাম হ'য়ে যাবে রহিমুল্লা। চাষ বাস করে' দু-দশ বিঘে যেনো জমি যেদিন তার হবে', সেদিন সে নাম নেবে রহিমুদ্দিন। অদৃষ্ট ফিরে গিয়ে সে যদি গৃহর অঞ্চলে একটু বাড়ী-চাঁড়ী করে ত, তার নাম হ'য়ে যাবে রহিমুদ্দিন মহম্মদ। আর তার ছেলে যখন চোখে সোণার চশমা এঁটে, তুর্কী ফেজ মাথায় দিয়ে কলেজে পড়তে বাবে, তখন তার বাপের নাম জিজ্ঞাসা করলে বলবে—সৈয়দ মহম্মদ রহিমুদ্দিন। এ সব কথা মুসলমানের পক্ষেও যেমন সত্যি, হিন্দুর পক্ষেও তাই। প্রথম পুরুষে যারা ছোটনাগপুরের সাঁওতাল, দ্বিতীয় পুরুষে বীরভূম বা বাঁকুড়া'য় এসে তারা হ'য়ে যায় গোয়াল। তৃতীয় পুরুষে তারা হুগলী জেলার সদগোপ; আর চতুর্থ পুরুষে কলকাতায় এসে দস্তর মত কাম্বহ। “জাত হারালে কায়ত”—কথাটার উৎপত্তি কোথা থেকে হোলো, জান? পাঁচজন বামুন আর পাঁচজন কায়হ—যারা কান্তকুজ থেকে সত্ৰীক এসেছিলেন বলে' বিশেষ প্রমাণ নেই—তাঁরা যে ‘জীরংগ দুহলাদপি’ এ শাস্ত্রবাক্য অবহেলা করেছিলেন, এ কথা ত

বটকদের সাটিকিকেট পেলেও বিশ্বাস হয় না। নেপালে একদল হিন্দুস্থানী বামন দেখেছিলেন, যারা নিজেদের মূন্ডের হাতের রান্না খায় না। খোঁজ করে দেখলুম যে, তাদের বাপেরা নেপালে এসে ছোটভাতের যেয়ে বিয়ে করেছিলেন। বিবাহটা কুল ফেলে, মন্ত্র পড়ে শাস্ত্র মতেই হয়েছিল। তবে যেয়ে ছোট ভাতের বলে তাঁরা তাঁদের স্ত্রীদের রান্না ভাত খেতেন না। তাঁদের ছেলেরাও বড় হয়ে পৈতে কুলিয়ে বামন হয়েছে; কেবল জাতটুকু বাঁচাবার জন্তে নিজেদের মায়ের হাতের রান্না খায় না।

বাঙলাদেশেও যদি খোঁজ কর ত দেখবে যে “হেথায় আৰ্য, হেথায় অনাৰ্য, হেথায় দ্রবীড়, চীন”—মিলে এমন খিচুড়ি পাকিয়েছে, যা পুরীর জগন্নাথের ভোগে দেওয়া চলে। এতদিন পরে অসবর্ণ বিয়ে বলে নাক সিঁটকান বাংলায় আর ভাল দেখায় না।”

আমি পণ্ডিতজীর মুখটা টিপে বললুম—“ধাম ধাম। এসব কথা রাস্তায় ঘাটে যেখানে সেখানে বোলো না। কোন্ দিন এক নবীন ক্ষত্রিয়ের হাতে পড়ে তুমি অকালে প্রাণ হারাবে।”

পণ্ডিতজী বললেন—“ভয় নেই রে, ভয় নেই। তারা মসী ছেড়ে অসি এখনও ধরেনি। তোমার ঐ অমূল্যটোলার রাজার মত ক্ষত্রিয় ত? যাত্রার দলের নন্দঘোষের মত চূড়ায় শিখিপুচ্ছ বেঁধে গৌরবের সূর্য্যবংশী কাটছাঁট করলেই যদি ক্ষত্রিয় হোতো, তা হলে আর ভাবনা ছিল কি? তাঁর নাটনিকে ললিত-কলা শেখাবার জন্তে যে দুজন বিড়ালান্দী বিধুমুখীর আমদানী করা হয়েছিল, তাদের বাগান-বাড়ীতে যাতায়াত নিয়ে যে কেলঙ্কারী রটেছিল, তা তো এখনও মনে আছে! এঁরাই না তোমার বর্ণপ্রমের স্তম্ভ? রক্ষ কর, বাবা, আর ডেপোমিতে কাজ নেই।”

আমিও বললুম—“তাই ভাল; অসবর্ণ বিয়ে রোধ করতে গিয়ে কি শেষে একটা খুনোখুনি করে বসবে?”

দেবতার বাহন

আজ সন্ধ্যাবেলা আমাদের Nonsense Club বেশ জমাট হয়ে উঠেছে। ফিস্ ফিস্ করে বৃষ্টি পড়ছে, কাজেই কারও আর বাইরে যাবার জো

নেই। তাড়াতাড়ি কাজ সেয়ে গদাই সরকার পর্যন্ত আজ বৈঠকে হাজির। গদাইকে দেখেই আমাদের কবিকঙ্কণ মিহি সুরে বলে উঠলেন—“আরে গদাই যে! তোরও যে দেখছি দেবত-লাভের দিকে নজর পড়েছে।” গদাই হাত ভোড় করে বললে—“আজ্ঞে, আপনারা ত ইহলোকেই দেবতা হবার জোগাড় করছেন; কিন্তু বাহনের কথাটা একবারও ভাবেননি ত! গদাই সরকার দেবতা হতে না পারুক, বাহন ত হতে পারে। সেই আশায় একবার দেব-সমাজে উঁকি মারতে এসেছি।”

বাইরে বৃষ্টি বেশ বাম্ বাম্ করেই আরম্ভ হচ্ছিল। পণ্ডিতজী তাঁর বিপুল দেহভারখানি তুলে একটা সারশি বন্ধ করে দিয়ে বললেন—“ঠিক বলছিস্ গদাই। তোর মত বাহন না হলে আমার দেবত্বের খোলতাই হবে না। লক্ষ্মীর বাহন পেঁচা, নীতলার বাহন গাধা, গণেশের বাহন ইঁদুর—এদেরও যখন দেবলোকে জায়গা জুটেছে, তখন আমার বাহন গদাই সরকারেরও স্বর্গের আশ্রয়বলে একটু ঠাই হয়ে যাবে। ভয় নেই তোর; আমায় দেখতে যেমন, ওজনে আমি ততটা ভারি নই। আর দেবতা হলেই স্মৃশ্ব শরীর হয়ে যাবে; তোর চাপা পড়বার কোনই ভয় থাকবে না। তা ছাড়া স্বর্গের আশ্রয়বলে চিৎর বাস-জলের সঙ্গে সঙ্গে তোর দু'চার ফোঁটা অমৃতও কোন্-না মিলে যাবে?”

গদাই লাফিয়ে উঠে বললেন—“পণ্ডিতজী ঐটে মাফ করতে হবে। কুকুরের নাড়ীতে যি হজম হবে না; আমার পেটেও অমৃত হজম হবে না। শেষে কি অমর হতে গিয়ে বদন ডাক্তারের ঘোড়ার মত হাসতে হাসতে মরে যাব?”

কবিকঙ্কণ তাঁর কৌকড়া চুলের গোছা কপাল থেকে সরিয়ে দিয়ে চক্ৰ দুটি অর্ধনির্মীলিত করে বললেন—“কাব্যশাস্ত্রে দশ-বিশ রকমের হাসির তালিকা পাওয়া গেল; কিন্তু ঘোড়ার হাসি।—এ কি কথা শুনি আজি মম্বার মুখে?”

গদাই চক্ৰ দুটি বিনয়-নম্র করে বললে—“ওগো রঘুকুলপতি, তোমাদের মহিমায়—জলে শিলা ভেসে যায়, বানরে সজীব গায়—আর ঘোড়ার হাসতে পারে না? তা ছাড়া, এ যে আমার স্বচক্ষে দেখা। বদন ডাক্তারকে চেন ত? বার নাম করলে গেরস্তর হাঁড়ি ফেটে যেত? তার পক্ষীরাজে—জুড়িটি চিরকাল বাস-জল খেয়ে মাছব। একবার কলেরায় ঘুম পড়ে যেতে ডাক্তারের টাকার খলি ফাটো

ফাটো হ'য়ে দাঁড়াল। তখন তিনি খুলী হয়ে সহিসকে হুকুম দিলেন—“বোড়াকে দানা খাওরাত”। বোড়া ছুটো সমস্ত দিন টকস্ টকস্ করে ঘুরে এসে আন্তাবলে গিয়ে দেখে ঘাসের বদলে দানা। এ ওর মুখের দিকে চায়। শেষে ছুটোতেই একেবারে চিঁহি চিঁহি করে হাসতে হাসতে চার পা তুলে বৃত্ত্য আরম্ভ করে দিলে। সহিস, কোচম্যান চারিদিকে ছুটোছুটি করতে লাগলো; ডাক্তার বাবু চৈতালে লাগলেন—“আরে বোড়ার মাথায় বরফ দে, বরফ দে।” কিন্তু কিছুতেই আর কিছু হোলো না। বোড়াদের সে হাসি আর থামলো না। হাসতে হাসতে পেটের বস্ত্রি নাড়ীতে মোচড় খেয়ে শেষে অশ্বিনীকুমারদের হোলো পতন ও মৃত্যু। দেবতার ভোগ্য অমৃতে ভাগ বসাতে গিয়ে আয়ারও কি শেষে সেই দশা হবে?”

পণ্ডিতজী বাড়ীটা ঈষৎ নেড়ে বললেন—“তাই ত, গদাই, তুই দেবলোকেও থাকতে চাস, অথচ অমৃতে তোর অক্লি; তোকে নিয়ে যে বিষম জালায় পড়লুম। তোর মতলবটা কি বল দেখি?”

আমাদের বস্তুরে কৈ এতক্ষণ চূপ করেছিল। সে এইবার তার প্রকাণ্ড মাথাটা নেড়ে বক্তৃতা শুরু করে দিলে।—“যদি অভয় দেন, দেবগণ, ত আমি গদাই-এর মনের কথা বলে দিতে পারি, কেননা যৌবনে আমি কাকচরিত্র, হুম্মানচরিত্র প্রভৃতি গুপ্ত-বিদ্যা কিঞ্চিৎ সংগ্রহ করেছিলুম। গদাই দেবতাও হবে না, দেবতাদের বাহনও হবে না। দেবতা হবে না যেহেতু ঐ গোবরের পিণ্ডে কোন দেবতা যদি পথ ভুলে ঢুকে পড়েন, ত তিনি দিনে দম আটকে মারা যাবেন; আর বাহন হবে না যেহেতু তার পৃষ্ঠদেশে এ যাত্রার মত একেবারে রিজার্ভ করা হ'য়ে গেছে। বিশ্বাস না হয়, গদাইএর বাড়ী গিয়ে যে সজীব আহলাদী পুতুলটা একসঙ্গে তার ঘর, প্রাণ আর পিঠি জুড়ে বসে আছে, তাকে জিজ্ঞেস করে দেখুন।”

পণ্ডিতজী এই কথা শুনেই মুচ্ছিত হ'য়ে পড়বার জোগাড় করছিলেন, কিন্তু আশেপাশে জয়গা নেই দেখে মুচ্ছাটা সামলে নিয়ে মরাকান্না জুড়ে দিলেন:—“গদাই রে, তোর মনে কি এই ছিল। আমি কোকিলের ভাবছিলুম, তোকে এক কোঁটা অমৃত প্রসাদ দিয়ে চিরদিনের জন্য আয়ার বাহন করে রেখে দেব, আর তুই বোগ আরম্ভ করতে না করলেই একেবারে ঝট্ট হ'য়ে বসে আছি। বাক, কালই

আমি মনের দুঃখে বনে গিয়ে তোদের নন-কো-অপারেশন আরম্ভ করে দেব।”

গদাই শশব্যস্ত হ'য়ে চৈতরে উঠল। বললে—“দোহাই পণ্ডিতজী, আপনার দীন হীন বাহনটির ওপর অবিচার করবেন না। বিবাহ রূপ দুর্ভাগ্যটা যদি করেই থাকি ত আপনার বাহন প্রতিপালনের খরচটা একটু বেড়ে যাবে বটে, কিন্তু তেমনি একটির বদলে একজোড়া বাহন পাবেন যে। আর খরচটাও খুব বেশী বাড়বে না, যেহেতু বৃগধর্মের অমুশাসন মাথায় পেতে নিয়ে দাস সৃষ্টি করার পক্ষে গৃহস্থিকে আমি কোন রকম সাহায্য করিনি। এমন কি, দেশে এখন কাপড়ের নিত্যক অভাব দেখে, আমি স্থির করেছি যে, ১লা অক্টোবর থেকে অন্নবস্ত্র ত্যাগ করে কলাপাতা পরবো ও অগ্নিপার্শ্ব করে কদলী ভক্ষণ করবো। এ বিষয়ে আপনার কি অভিযত?”

পণ্ডিতজী প্রশ্ন-বদনে বললেন—“ভক্তরে, তোর জয় হোক। দম্ব কদলীর দিকে তোর অকৃত্রিম অমুরাগ দেখে আমি তুষ্ট হয়েছি। এখন তুই কি বর চাস, নে।”

সাম্বিক নেশা

“তোমরা কেউ গুলি খেয়েছ? খেয়ে থাক ত লজ্জিত হবার কারণ নেই। গুলি আফিমের রাজসংস্করণ; অতি বাদশাহী নেশা।”

পণ্ডিতজীর প্রশ্নটা শুনে আমরা সবাই মুখ চাওয়া-চাওয়ি করতে লাগলুম। ফরাসডাক্তার জন্মেছি বটে, কিন্তু গুলি খাবার সৌভাগ্যটা কখন বটে ওঠেনি।

আমাদের রায়ব্রহ্ম পাঁড়ে সেইখানে বসেছিল। সে বললে—“আজ্ঞে গাঁজার কড়ের এক-আধ টান দিয়েছি বটে, কিন্তু—গুলি—ওটা দেখা হয়নি।”

পণ্ডিতজী নাক সিঁটুকে বললেন—“আরে রাম। কোথায় গুলি আর কোথায় গাঁজা। রাজা আর পক্ষা তেলি। গাঁজা, চরস, ও সব অত্যন্ত রাজসিক ব্যাপার। টান দিয়েছ কি খেই খেই করে নাচতে আরম্ভ করেছ। গাঁজা খায় ছোটলোকে। আর গুলির মত শাস্ত স্নিগ্ধ, মোলায়েম, সাম্বিক নেশা আর ছুটি পাবে না। বাদশাহী আমল চলে বাবার পর থেকে গুলির দুর্দিন পড়েছে বটে; কিন্তু গুলির আড্ডায় চিরদিন চিনির জলে সোলা ভিজিয়ে চাট খেতে হোতো না। জাহাজীর বাদশা যখন ইয়ার

বন্ধু নিয়ে গুলি খেতে বসতেন, আর ছুরজাহান বেগম একশো আট সোপার খালে রকমারি চাট সাজিয়ে দিতেন, তখন তোমরা জন্মাওনি; কিন্তু সে ছিল দিন। তারপর বর্গীর হাঙ্গামার সময় আমাদের আলিবর্দী খাঁ যখন মসনদে চড়ে চকু দুটি ঢুলু ঢুলু করে গুলির খোঁয়ায় সপ্তলোক ভেদ করতেন, তখনও গুলির মান-মর্যাদা বজায় ছিল।

মাবে ইংরেজ রাজ্য আসবার সঙ্গে সঙ্গে তোমরা এমন খাটি স্বদেশী ধুম্যার্গ ছেড়ে দিয়ে বিদেশী কার্ণ-তরঙ্গে ভেসেছিলে বটে, কিন্তু তোমাদের সে মোহ কাটাবার দিন এসেছে। আজকাল সরকার বাহাদুরকে আর দেশের নেতাদের সর্বদাই আড়ষ্ট হ'য়ে থাকতে হয়, পাছে কোথাও Violence বেধে গিয়ে হাতের পাঁচ স্বরাজ্যটা ভেঙে যায়। তোমরা সবাই যদি ঐ সনাতন ধুম্যার্গটিকে ফিরিয়ে আনতে পার ত সরকারের আবগারির আরও বেঁচে যাবে, আর দেশে Violence-এর তরও থাকবে না। লোকে মদ খেয়ে মারামারি করে, গাঁজা খেয়ে মাথা ফাটাফাটি করে—এতো সবাই দেখতে পাছ। কিন্তু গুলি খেয়ে কেউ কখন টু' শব্দটি পর্যন্ত করেছে শুনেছ? একটি টান মেরে ঘরের কোণে তিনটি দিন পড়ে থাক; অন্নসমস্তাও থাকবে না, বস্ত্রসমস্তাও থাকবে না। স্বরাজ্যের আর বাকি রইল কি?"

এই দীর্ঘ বক্তৃতা শেষ করে পণ্ডিতজী তাঁর কামান গোঁফের উপর হাত বুলাতে বুলাতে গভীর ভাবে চেয়ে রইলেন। আগামী কংগ্রেসে এই প্রস্তাবটা উত্থাপন করা যাবে কি না ভাবচি, এমন সময় রাইবিলেস তার ট্যারা চোখটি আকাশপানে তুলে জিজ্ঞেস করলে—"পণ্ডিতজী—?"

পণ্ডিতজী বিরক্ত হ'য়ে বললেন—"এইমাত্র তোমাদের স্বরাজ্য দিয়ে দিলুম, আবার কি চাই?"

রাইয়ের ট্যারা চোখটি ঘুরে এসে পণ্ডিতজীর নাকের কাছে গিয়ে থমকে দাঁড়াল। সে চৌক গিলে বললে—"স্বরাজ্যের রাস্তা আপনি বাংলালেন বটে, কিন্তু সংসারের সব জিনিষের মত এ স্বরাজ্যও ক্ষণভঙ্গুর। এক্ষণে কি আর মানুষের দুঃখ ঘুচেবে? এতদিন শুনে আসছিলাম যে, মানুষ নাকি শীগগির মনুষ্য থেকে দেবদত্তে প্রেমোশন পাবে, কিন্তু এখন শুনি তার জন্তে তপস্বী চাই। নাককান বুজে তপস্বী-টপস্বী আমার ঘাতে বড় একটা সয় না। চট করে অমরত্ব লাভের একটা সোজা উপায় কিছু করতে পারেন না?"

পণ্ডিতজী তাঁর দশনপাক্তি ঈষৎ বিকশিত করে বললেন—"ওহো! তুমি স্বরাজ্য সিদ্ধির কথা বলছো, তার জন্তে আর ভাবনা কি? ও ত স্বরাজ্যেরই মাসতুতো ভাই। আক্ষিপের সঙ্গে শুধু পেরার পাতা মিশালে পাওয়া যায় স্বরাজ্য; আর তাতে দু-চার ফোটা গোলাপ জল ফেলে দিলে বা গড়ে ওঠে, তারই নাম স্বরাজ্য। বিশ্বাস না হয়, দেখে এসো আমাদের ভোগকুণ্ডল উৎসবানন্দ বাবাজীর আড্ডায়। বাবাজী আমার এমনি এক পেটেট মেশিন বসিয়েছেন যে, একটান গোলাপী গুলি টেনে ঐ কলের মধ্যে শুয়ে পড়লেই—তিন রাস্তিরের মধ্যে তুমি চতুর্ভুজ হ'য়ে যেতে বাধ্য। মানুষকে মানুষ বানাতেই কত কত মহাপুরুষের হাড় হিম হ'য়ে এলো, আর আমার বাবাজী শুধু মানুষ কেন, গাধা, বানর, ভেড়া, সব ধরনের আর চতুর্ভুজ, বড়ভুজ, বানিয়ে ছেড়ে দিচ্ছেন।"

রাই ছেলেটা নিতান্ত পাজি। পণ্ডিতজীর কথার ওপরও আবার জিজ্ঞেস করলে—"তারা যে চতুর্ভুজ হয়েছে, তার প্রমাণ?"

পণ্ডিতজী একেবারে লাকিয়ে উঠলেন। বললেন—"ওরে নাস্তিক, ওরে অবিখাগী—প্রমাণ আবার কি? তাঁদের দিব্যদৃষ্টি যে একেবারে সপ্তলোক ফুঁড়ে পরম ব্যোমে গিয়ে ঠেকেছে, আর চারাপেরো তো উঠে দাঁড়ালেই চতুর্ভুজ, তারওপর তাদের গাঁটে গাঁটে এমনি গুলির মাছাছা ঢুকে গেছে যে, সেখানকার এণ্ডা, বাচ্চা, গঁড়ি, গুলি সবাই দিনে দশ বার করে দেবলোক থেকে প্রত্যাদেশ পেতে আরম্ভ করেছে। সবাই যেন ভগবানের এক একটি প্রাইভেট সেক্রেটারি। আবার তোরা চান্ কি?"

বিস্ময়ে, পুলকে আমাদের চোখ দুটো ঠেলে কপালে ওঠবার চেষ্টা করতে লাগলো। শেষে আমাদের কবিকঙ্কণ ভাবে অভিভূত হয়ে গান ধরে দিলে—

সখি, কোথা সেই দেশ রে
যে দেশের অভিধানে যোগ মানে ভোগ রে,
বাঘ মানে খেক্শেরালি
ভক্তি মানে ঢলাঢলি
সমাধির মানে শুধু হিষ্টিরিয়া রোগ রে। ৩

লাট মৈত্রেয়

“লাট মৈত্রেয় এবার আসছেন তা শুনেছ ত ?”—পণ্ডিতজী গভীরভাবে আমাদের জিজ্ঞাস্য করলেন।
গদাই বললে—“লাট মৈত্রেয়টা আবার কে ? নতুন বড়লাট না কি ?”

পণ্ডিতজী ব্যথিতভাবে শিরঃসঞ্চালন করে বললেন—“হায়, হায়, ল্যাট মৈত্রেয় কে তা জানিসনে ? এতদিন তবে করলি কি ? আমি দেহরক্ষা করলে তোদের গতি কি হবে, কে জানে ? ভেবেছিলুম এই মাঝী পূর্ণিমার দিন নখর দেহ ত্যাগ কর্বো। তা তোদের দুঃখ দেখে আরও কিছুদিন থেকে যেতে হবে দেখছি। লর্ড মৈত্রেয় হলেন এ যুগের ভাবী বৃদ্ধদেব। তিনি গুরু-মা এও কোংএর কাছে তপঃলোক থেকে তার পাঠিয়েছেন যে, জগতে শাস্তি-স্থাপনের জন্তে তাঁর আসবার সময় হয়েছে, স্তবরাং তাঁর প্রকাশের জন্ত একটি শুদ্ধ আধার চাই। তাই কোম্পানী আধার বাছাই করতে উঠে-পড়ে লেগে গেছেন। কেউ আছে নাকি তোদের সন্ধানে ?”

আমি বললুম—“আমাদের ক্যাবলাকাস্ত তো খুব সং ছোকরা। ভাঙ্গা-মাছটি পর্য্যন্ত উটে খেতে জানে ন। তা ছাড়া খুব শুদ্ধবংশ। ওর ঠাকুরদাদা আজন্মকাল আলোচাল আর কাঁচকলা ভাতে খেয়ে গেছেন। ওর জন্তে অবতারগিরির একখানা দরখাস্ত পেশ করলে হয় না ?”

পণ্ডিতজী হেসে বললেন—“বাপু, অবতার হওয়া কি সোজা কথা। একশো আট জন্ম পূর্বে থেকে তা প্র্যাকটিশ করতে হয়। এই একশো আট জন্ম সাধনার ফলে এক শো আটটি লক্ষণ অবতার-পুরুষের অঙ্গে ফুটে ওঠে। মহাবেদিক পুরাণে সে সব লক্ষণের একটা তালিকা তোমরা দেখতে পাবে। হী, ক্যাবলাকাস্ত অবিদ্রিষ্ট ছোকরা ভাল ; কিন্তু ওর বাঁ পায়ের বুড়ো আঙুলের ঈশান কোণে ঐ যে দেখছো একটি কৃষ্ণবর্ণ তিল—ওতেই সব মাটি করেছে। সাতজন্ম পূর্বে একদিন অমাবস্তায় ও পিতৃপুরুষের তর্পণ করতে ভুলে গেছলো—ঐ তিলটি হচে তার প্রকৃষ্ট প্রমাণ।”

কৃত্তিকবর্ণ মাথা চুলকোতে চুলকোতে বললে—
—“তাইতো—এতগুলো সুলক্ষণযুক্ত পুরুষ এই ঘোর কলিতে যেলাই মুন্সিল ; আমাদের রাইবিলেস সন্মুখে আপনি কি বলেন ?”

পণ্ডিতজী রাইবিলেসের দিকে তীক্ষ্ণদৃষ্টিতে খানিকক্ষণ দেখে বললেন—“হী, লক্ষণ কিছু-কিছু মিলছে বটে। তপ্তকাক্ষননিত সৌরবর্ণ রংও বটে, আর দশনপংক্তিও সুগঠিত বটে। কিন্তু ঐ যে মুখের মাঝখানে প্রকাশ Note of interrogationএর মত একটা নাক ঝুলছে, ওটা বড় সুবিধের লক্ষণ নয়। দেববিজ্ঞ গুরুপ্রাজ্ঞ আর গুহ্যভিগুহ্য পরাবিজ্ঞার উপর ওর যথেষ্ট প্রভা থাকবে না। অবতারশিপের যে ক্যাণ্ডিডেট হবে, তার ভিতরটা বাই হোক না কেন, পরে-পশ্চাতে গড়ে নেওয়া চলে ; কিন্তু তার বাইরেটা হওয়া চাই একেবারে রামরঞ্জার মত মোলারেম।

হলধর খুড়ো নিজের গাটা একটু টিপেটুপে বললেন—“না,—ভেবেছিলুম নামটা একবার লেখাব ; তা দেখচি গাটা দরকোচা মেরে গেছে। তা ছাড়া রংটাও যথেষ্ট পাটকিলে নয়, আর বয়েসটাও কিছু বেশী হ’য়ে পড়েছে।”

পণ্ডিতজী বললেন—“রংএ ততটা কিছু এসে যেতো না। কিছুদিন বিলেত ঘুরিয়ে আনতে পারলে অনেক শ্রামবর্ণও গৌরবর্ণ হ’য়ে ওঠে। তবে কি জান, ধীরা অবতার বাছাইয়ের তার নিয়ে-ছেন, তাঁরা একটু কাঁচা বয়সেই পছন্দ করেন।”

হলধর খুড়ো সজোরে একটিপ নস্ত নিয়ে বললেন—“তা তো বটেই, তাতো বটেই। কথার বলে—বুড়ো ময়না পোষ মানে না। গুহ্যভিগুহ্য যে পরা-বিজ্ঞা, যাকে শাস্ত্রে বলে গেছে ‘রহস্তমুস্তম’, তা তো আর যখন-তখন যাকে তাকে দেওয়া চলে না। গৌফ উঠলে আর সে বিজ্ঞার অধিকারী হবার জো নেই।”

পণ্ডিতজী বললেন—“বুঝতে ত পারবু, ব্যাপার বড় কঠিন। সেবার মাদ্রাজে একটি দিবিয় আধার পাওয়া গিয়েছিলো। গুরুজী তাকে শোধন করে লর্ড মৈত্রেয়ের উপযুক্ত করে তুলেছিলেন। লর্ড মৈত্রেয়ও ন’ম্বার জন্তে তপঃলোক থেকে এক পা বাড়িয়েছিলেন ; এমন সময় দৈত্য দানবে যে উপদ্রব করে’ দিলে, তা তো আর তোমাদের অবিস্মিত নেই। অবতারজী ধামা চাপা পড়ে’ গেলেন, আর গুরুমাকে নষ্টপ্রেক্ষিত উদ্ধারের জন্তে দেশময় দামড়া লাফে ভারত-উদ্ধার করে’ বেড়াতে হোলো। কতটা সময় নষ্ট হ’য়ে গেল একবার দেখ দেখি। তা যদি না হোতো, তো এতদিন কোন্ কালে লর্ড মৈত্রেয় এসে বিলেত-লক্ষ্মীর আঁচলের খুঁটে ভারতলক্ষ্মীকে প্রেমের ফাঁসে বেঁধে দিতেন।

‘বাক, বা হবার তা হয়ে গেছে। এখন শুনে
পাচ্ছি গুরুমা অবতারশিপের জন্তে ছত্রিশটা নতুন
ক্যাণ্ডিডেট জোগাড় করেছেন। আরও গুটিকতক
চাই। আমি বলেছি—‘ভয় নেই, আমি খুঁজে
দেবো।’ তোমাদের মধ্যে জনকত যদি আমার
সঙ্গে সাধনে বসে, তাহলে আমি একবার তোমাদের
আধ্যাত্মিক অমৃতভিণ্ডলো মিলিয়ে নিয়ে দেখি যে,
তোমাদের মধ্যে জর্ড মৈত্রেয় নাম্তে পারেন কি
না। কি বলো?’

আমরা সবাই সাধনে বসবার জন্তে ব্যস্ত হয়ে
উঠলুম।

পণ্ডিতজী উৎফুল্ল হয়ে বললেন—“হা, এই ত
চাই। তোমরা সবাই ঘরের দোর-জানালা বন্ধ
করে’ উর্দ্ধমুখ হয়ে হাঁ করে বোসো।”

তাই করা হলো।

পণ্ডিতজী উঠে পায়চারি করতে করতে বললেন
—“দশ মিনিট পরে যখন দেখবে যে, চুলের গোড়া
শিড়িং শিড়িং করছে, পায়ের গোড়ালি শুড়ুং শুড়ুং
করছে, আর কাণে রি রি আওয়াজ হচ্ছে, তখন
বুঝবে যে তোমাদের মধ্যে জর্ড মৈত্রেয় আবির্ভাব
হচ্ছেন। তাঁকে আর সেই সময় যেতে দিও না।
খপ করে’ দু-হাতের বুড়াসুষ্ঠ দিয়ে নিজের মুখ বন্ধ
করে’ দেবে।”

আমরা খুব ভক্তিতরে সাধনে বসলুম।

দশ মিনিট পরে চোখ খুলে দেখি পণ্ডিতজী
কখন সরে’ পড়েছেন, আর সবাই মুখে বুড়াসুষ্ঠ পুরে’
বসে’ আছে।

ভগবান ধরা কল

একটা, দুটো, ক্রমে তিনটে চুরুট পুড়ে’ ছাই
হয়ে’ গেল। ঘর ধোঁয়ায় অন্ধকার হয়ে উঠলো,
কিন্তু inspiration আর সেদিন এলো না। শেষে
বিরক্ত হয়ে “দুভোর” বলে’ কলম ছেড়ে উঠে
পড়লুম। কাঁধে একখানা চাদর ফেলে লাঠিগাছটা
বগলে নিয়ে পণ্ডিতজীর ঘরের কাছে গিয়ে বসলুম
—“চলুন, একটু সাক্ষ্যসমীর্ণ সেবন করে’ আসা
বাক।”

পণ্ডিতজী তখন দু-তিন হাত সম্মুখে ভূঁড়িটিকে
বিস্তার করে দিয়ে একটা প্রকাণ্ড তাকিয়া ঠেস দিয়ে
শুণ্ণ শুণ্ণ করে’ ভুলসীদাসী রামায়ণ পাঠ কর-
ছিলেন। আমার আওয়াজ শুনেই বইখানি বন্ধ

করে’ ভূঁড়ির উপর রেখে দিয়ে জিজ্ঞেস করলেন—
“কি, সাহিত্য-সেবা শেষ হলো?”

একটু আম্বতা আম্বতা করে’ বললুম—“নাঃ—
আজ আর কিছু হবার লক্ষণ দেখলুম না। মা
সরস্বতীর দরজায় তিন তিনটে মোটা মোটা ধূপ
কাঠি জালিয়ে এক ঘণ্টা উর্দ্ধমুখ হয়ে হাঁ করে’
বসে’ রইলুম; কিন্তু দেবীর দরজা খোলার সাড়া শব্দ
কিছু পেলুম না। কাজেই ভাবলুম মা সরস্বতীর
উপর আর বুধা অত্যাচারের চেষ্টা না করে’ গায়ে
একটু হাওয়া লাগিয়ে বেড়াই। তিনিও হাঁকছেড়ে
বাঁচবেন, আমিও হাঁক ছেড়ে বাঁচবো।”

পণ্ডিতজী খুব উৎসাহের সঙ্গে বললেন—“খুব
বুদ্ধিমানের মত কাজ করেছে। দেবতার অত্যন্ত
খামখেয়ালী জাত। কিসে যে তাঁদের অমুগ্রহ হয়,
আর কেন যে তাঁরা দরজা বন্ধ করে’ মুখ ভার করে’
বসে’ থাকেন, তা মানুষের বাপেরও বোঝবার সাধ্য
নেই। “বারে বারে ঠেলতে হবে, হয়ত দুয়ার
খুলবে না”—এ একেবারে ভুল-ভোগীর প্রাণের
কথা। তাই যদি হয়, ত নিতান্ত কর্তব্য-বুদ্ধি-
প্রণোদিত হয়ে দরজায় ঠেলাঠেলির কর্মভোগটুকু
আর কেন? দরজা যখন খোলবার হয় খুলবে,
যখন বন্ধ হবার বন্ধ হবে। এ সরল সত্যটুকু বুঝলে
“মৈত্রেয় বলে’ সাহিত্যিক,” হবার দৃষ্টেটা থেকে
মানুষ বেঁচে যায়, আর মা বিগাপাণিকেও অরসিকের
হাতে পড়ে’ গদাপাণি হয়ে উঠতে হয় না।”

আমার সাহিত্য-সেবার উপর এ রকম প্রচণ্ড
কটাক্ষপাতে আমি যে খুব গ্লান হয়ে উঠলুম, তা
নয়। পণ্ডিতজীর হাতে রামায়ণ খানার দিকে
লক্ষ্য করে’ বললুম—“ঠিক কথা বলেছেন,
পণ্ডিতজী। শুধু মা সরস্বতী কেন, খোদ ভগবান
থেকে আরম্ভ করে’ ভূত পর্ষাস্ত সমস্ত দেবতা,
উপদেবতার উপর অত্যাচার করা মানুষের একটা
বদ অভ্যাস হয়ে দাঁড়িয়েছে। কবে জেতা যুগে
রামচন্দ্র অবতার হয়ে বানরের প্যাংডে করিয়ে
গিছিলেন—আর তাই থেকে আমরা ঠিক করে’
বসে’ আছি যে, যদি বনের বানর ধরে তাদের লেজ
উঁচু করিয়ে প্যাংডে করাতে পারি ত স্বয়ং রামচন্দ্র
তাদের মাঝখানে এসে নিশ্চয় হাজির হবেন।
রামচন্দ্র বেচারী হয়ত আমাদের কীর্তিকালাপ দেখে
বৈকুণ্ঠে হেসে গড়াগড়ি দিচ্ছেন।”

পণ্ডিতজী রামায়ণখানা ফেলে দিয়ে দাঁড়িয়ে
উঠে বললেন—“ঠিক বলেছিল। আমারও ক’দিন
থেকে ঐ কথাই মনে হচ্ছিল। ভগবান বার উপর

ভর করেন, সে হয়ত নাচে, কাঁদে, হাসে, গায়—
কিন্তু ঐ নাচা কাঁদা হাসা গায়ার একখানা শাস্ত্র
তৈরি করে' যদি আমরা বলি যে শাস্ত্রসম্বন্ধ ভাবে
ঐ কাণ্ডগুলো করলেই ভগবান এসে কাঁধের উপর
ভর করবেন, তা'হলে ভগবান যে আমাদের আবদার
শুনতে বাধ্য হবেন তা ত মনে হয় না। চৈতন্তদেব
প্রেমে উন্মত্ত হয়ে নদের মাটিতে গড়াগড়ি দিয়ে
গেলেন—কিন্তু এই পাঁচশ বছরে অন্ততঃ পঞ্চাশ
লাখ লোক নদের মাটি চষে ফেলেও আর-একটা
চৈতন্তদেব গড়তে পারলে না। সমাধির সময়
নাহুকের হাত পা আড়ষ্ট হ'য়ে, জিত্ত তালুতে লেগে
যায়, কিন্তু তাই বলে' জিত্ত তালুতে লাগিয়ে হাত-
পা আড়ষ্ট করে' বসে' থাকলে সমাধি যে হতেই
হবে, তার ত কোন প্রমাণ পাইনে। বুদ্ধদেব
নির্কাণ মুক্তি লাভ করে' তাঁর সাধন প্রণালী চালিয়ে
সম্ব গড়ে' গেলেন, কিন্তু সেই সাধনের কলে পড়ে
আর-একটা লোককেও ত বুদ্ধ হতে দেখলুম না।
শঙ্করাচার্য্য ষোল বছর বয়সে ব্রহ্মজ্ঞান লাভ করে'
প্রচার করতে লেগে গেলেন। গেরুয়ার পতাকা
উড়লো; দেশ মঠে মঠে ছেয়ে গেলো; কামিনী-
কাঞ্চন ঘরে পড়ে কাঁদতে লাগলো; লাখ লাখ সাধু
“অহং ব্রহ্মাশ্মি” হুকার করতে করতে ব্রহ্মজ্ঞানের
তাল চুঁকতে লাগলেন; সোহং মন্ত্র জপ করতে
করতে কত লোকের গৌফ দাড়ী পেকে গেল;
কিন্তু দশনামীদের ভিতর আর দ্বিতীয় শঙ্করাচার্য্য
ত জন্মাল না। এইসব দেখে শুনেই ত মনে হয়
যে, ভগবান নাহুকের কাছে আসে যায় নিজের
খেয়ালে। ষায়া ভগবানের দেখা পান, তাঁরা
তাঁদের শিষ্য সেবকদের ভগবানধরা ফাঁদ পাতবার
কৌশলটা শিখিয়ে যান বটে, কিন্তু সে ফাঁদে ভগবান
যে ধরা দিয়েছেন, ইতিহাসে তার প্রমাণ নেই।”

পণ্ডিতজীর কথাগুলো শুনে আমারও মনে
একটু খটকা লাগলো। আমি বললাম—“তাই
তো কৰ্ত্তা, তুমি যে ভাবিয়ে তুললে। এত দিনের,
আমাদের এত সাধের তিলক, মালা, কোঁপীন,
জটা, গেরুয়া, তুমি এক নিশ্বাসে সব উড়িয়ে দিতে
চাও?”

পণ্ডিতজী বিরক্ত হয়ে বললেন—“ঐ তোমাদের
দোষ। উড়িয়ে দেবার কথা আমি আবার কখন
বললাম? প্রাণে সখ থাকে ত তিলক কাট, গেরুয়া
উড়াও, জটা বোলাও, নাক টিপে ডিগবাজী খাও—
কিছুতেই আপত্তি নেই। কিন্তু যখন মনে কর যে
তোমাদের সাধন-ভজনের কসরতে ভগবান কাবু

হ'য়ে পড়বেন বা তোমাদের বেশ-বিভাষের ঘট'
দেখে তিনি মুগ্ধ হ'য়ে দশ হাত এগিয়ে আসবেন,
তখন আমার মুখজোদের সেই পাগলী মেয়েটার
কথা মনে পড়ে।”

—“সে আবার কে?”

—“আহ, সেই বিয়ে-পাগলী মেয়েটা হে।
ভুলে' গেছ তাকে? মস্ত বড় কুলীন তার বাপ;
কাজেই মেয়ের বয়স ষত বাড়তে লাগলো, বরও
ততী ছুপ্রাপ্য হ'য়ে উঠলো। পাড়ার মেয়েদের
যখন বর আসতো, তখন তারা হাসিমুখে পান
চিবিয়ে বেড়াতো। তাই দেখে পাগলীও ঘরে
টুকে একগাল পান মুখে পুরে দম্ববিচ্ছেদ করে'
বেড়াতে লাগলো। তার যুক্তিটা হচ্ছে এই, যে,
বর এলে যখন মেয়েরা হাসে আর পান খায়, তখন
গেও যদি হাসে আর পান খায় ত তার বর আসবে
না কেন? তিলক, গেরুয়ার যুক্তিটাও অনেকটা
সেই রকম।”

আমি অবাক হয়ে হাঁ করে' রইলুম। আমাদের
হলধর খুড়ো এতক্ষণ নিশ্চিন্ত মনে চেয়ারে বসে'
তামাক টানছিলেন। তিনি এইবার হাঁকোটা
রেখে দিয়ে বললেন—“একেই বলে ঘোর কলি।
যোগ, যাগ, নাচন, ভজন, আজ পণ্ডিতজীর হাতে
পড়ে' বিয়ে-পাগলীর পান চিবান হয়ে দাঁড়াল।
শাস্ত্র-টান্ডর পড়েও লোকে যে এমন উচ্ছন্ন যায়, তা
জানতুম না। বলি, সে কালের মুনি-ঋষিরা যে
দশ হাজার বছর ধরে হেঁটমুণ্ড উর্ধ্বপদ হয়ে তপস্বী
করতেন, যদি তাঁরা ভগবান না পেতেন, ত শুধু
ইয়ারকি করবার জন্তে তাঁরা ঠ্যাং লটুকে ঝুলতেন
না কি?”

পণ্ডিতজী হেসে বললেন—“খুড়ো, চোটে না।
ঋষিরা যদি উর্ধ্বপদ হ'য়ে ঝুলে থাকেন, তা'হলে কি
পেয়েছিলেন তা নিজেই পরীক্ষা করে' দেখতে
পার। দশ ঘণ্টা যদি ঝুলতে পার ত মুখে রক্ত
উঠে ব্রহ্মপদ ত পাবেই; তা ছাড়া পরজন্মে তোমার
বাড়ুড় বা চামচিকে সিদ্ধি হবেই হবে।”

হলধর খুড়োর মুখখানা রাগে লাল হবার চেঁচা
করতে করতে শেষে কোঁড়ে কালো হ'য়ে
উঠলো।

—“এমন নাস্তিকের পান্নায়ও মানুষ পড়ে।”—
বলে তিনি গা বাড়া দিয়ে উঠে পড়লেন।
চেয়ারখানা খালি হ'য়ে গেছে দেখে আমি তাতে
অগ্নান-বদনে বসে পড়ে' পণ্ডিতজীকে জিজ্ঞেস
করলুম—“না, না, হাসি ঠাট্টা নয়। সত্যই কি

‘আপনি মনে করেন মানুষের ভগবানকে পাবার চেষ্টা ব্যর্থ চেষ্টা?’

পণ্ডিতজী মুখখানা গম্ভীর করে’ উত্তর দিলেন—
“বাবা, ভগবান কি এইটুকু যে মানুষ তাকে হাতের মুঠোর মধ্যে ধরে আর লাড্ডু পোড়ার মত কামড়ে কামড়ে খাবে? নিজের চেষ্টায় মানুষ ভগবানকে কখনো পায়নি, তবে ভগবান মানুষকে অনেকবার পেয়েছেন। যারা বাইরে থেকে তামাসা দেখে, তারা মনে করে মানুষ ভগবানকে পাচ্ছে, কিন্তু আসল কথাটা ঠিক উল্টো। বহুদিন লক্ষ্যবশত ততদিন অষ্টরশ্রু। কিন্তু আজ এই পর্যন্তই থাক। হলধর খুড়ো চোটে কোথায় বেরিয়ে পড়লো দেখো। শেষকালে ঋষি হবার আশায় ব্রাহ্মণ বৃত্ত বয়সে কোথাও চ্যাং লটকে না ঝুলতে থাকে।”

মেয়ের বিয়ে

সন্ধ্যার সময় দিবা ফুটফুটে চাঁদ উঠেছে। ছাদ একেবারে জ্যোৎস্নায় ভরে’ গেছে। কবিকঙ্কণ চন্দ্রাহতের মত চাঁদের দিকে চাইতে চাইতে গান ধরে দিলে—

“এমন চাঁদের আলো, মরি যদি সেও ভাল।”

পণ্ডিতজী চক্ষু বুজে খেলো হাঁকার টান দিচ্ছিলেন। হঠাৎ গদায়ের দিকে চেয়ে জিজ্ঞেস করলেন—“কি গদাই, তোরও ঐ মত নাকি?”

গদাই এককণ মরা ছাগলের মত চক্ষু করে’ ভাববিষ্ট হ’য়ে গান শুনছিল। পণ্ডিতজীর প্রশ্ন শুনে তাড়াতাড়ি উত্তর দিলে—“আজ্ঞে না, মরবার লখ আমার একদম নেই। এই স্মৃৎখে শীতকাল। ভাল করে’ কপি-কলাইসুটির ডালনা আর একবার খাবার আগে স্বর্গে হাওয়া বদলাতে যাবার প্রবৃত্তি আমার মোটেই হয় না। চাঁদের আলো দেখে কবিদের মরবার কথা মনে উঠতে পারে, আমার ত শুধু মনে হয় বিয়ে করবার কথা।”

—“ও একই জিনিস, বাবা, একই জিনিস।”—
বলে’ হলধর খুড়ো কোণ থেকে গা বাড়ান দিয়ে উঠলেন।—“বিয়ে করা’ মানেই পৈতৃক প্রাণটি খোঁরানো। তার চেয়ে গোটা কতক স্বদেশী বক্তৃতা বেড়ে দশ-বিশ বছর জেলখাটা ঢের ভাল। জানই ত Once a married man, always a married man। ফুটি ক’রে সাত পাক দেবার সময় লোকে যদি ঢের পেত যে, মরণ পর্যন্ত ঐ

ঘুরপাকই খেতে’ হবে, তা’হলে তুমি ভেবেছ কি ঐ কুকর্ষ কেউ করতে যেত? সেকালে স্বদেশীর যুগে আমরা উনপঞ্চাশ জন বীরপুরুষ স্বাধীনতার গ্রন্থাবলী হাতে করে’ প্রতিজ্ঞা করে’ বসেছিলুম যে, ভাবত উদ্ধার না হওয়া পর্যন্ত স্বীলোকের মুখদর্শন কোরবো না।”

কবিকঙ্কণ বলে’ উঠল—“কি খুড়ো। তোমরা যে এক-একজন ভীষ্মদেবের মাসতুতো ভাই ছিলে, দেখতে পাচ্ছি।”

হলধর খুড়োর বিছিন্ন দর্শন পংক্তি জ্যোৎস্নায় একবার চিকমিকিয়ে উঠল। কিন্তু তিনি রাগটা সামলে নিয়ে বললেন,—“বাবা, মহিষাসুর-মর্দিনীদের পাল্লায় যদি পড়তে, তবুও পারতে কত ধানে কত চাল। ভীষ্মদেব প্রতিজ্ঞা করে’ যে বিশেষ ঠকেছিলেন বলে’ ত মনে হয় না। তা চুলোয় যাক ভীষ্মদেব। আমাদের সেই উনপঞ্চাশ জন বীরপুরুষের কথাই বলি। সরকার বাহাদুরের অভিযালায় ঝাঁরা আট-দশ বৎসব ধানে-তাতে খেয়ে কাটিয়ে দিয়ে এলেন, তাঁদের বাধ্য হ’য়ে প্রতিজ্ঞাট, রক্ষা করতেই হয়েছিল। আজ তাঁরা গায়ে হাওয়া লাগিয়ে তুড়ি মেরে বেড়াচ্ছেন। তাছাড়া বাকি সকলকার আমারই মত অবস্থা। কারও বা তিনটি পুস্তুর চারিটি কত্বে, কারও বা চারটি কত্বে তিনটি পুস্তব। আরে, বাবা, সরকারী জেলের ত শেষ আছে, আর এই ঘরের জেল যে একেবারে অকুরন্ত।”

হলধর খুড়ো বক্তৃতা শেষ করে’ একেবারে মাথায় হাত দিয়ে বসে’ পড়লেন। গদাই জিজ্ঞাসা করলো—“কি খুড়ো, আজ খুড়ীর সঙ্গে ঝগড়া-কাঁটি হয়েছে নাকি?”

খুড়ো মাথাটা নীচু করেই উত্তর দিলেন—
“আরে, ঝগড়া হ’লে ত মিটে যেত। যা হয়েছে তা মরবার আগে মেটবার নয়।”

—“কি হয়েছে কি, বলই না।”

—“বলবো আর কি ছাই। হয়েছে যেয়ে। আজ সকাল বেলা আমার খশুরের বেটা লম্বা এই স্নগমাতার পাঠিয়েছেন যে, তাঁর ভগ্নী আশু-একটি কঙ্কার প্রসব করেছেন। শক্রর মুখে ছাই দিয়ে এই একগুণা পুরো হোলো।”

হোঃ হোঃ হোঃ করে’ হাসির ধুম পড়ে’ গেল। হুঁরা একটু থামলে হলধর বললেন—“তোমাদের ত হাসতে হাসতে দাঁতে খিল ধরে’ যাকে, আর এ দিকে আমার জিত বেরিয়ে পড়চে। বড় মেয়েটা

এই বারো উৎসবে তেরোয় পড়েচে। পাড়া-পড়শীরা যারা ডেকে কখনো জিজ্ঞাসা করেননি যে ভাতের উপর কাঁচকলা-ভাতে জুটছে কি না, তাঁরাও এসে দিনে তিনশ'বার অবাচিত ভাবে উপদেশ দিয়ে যাচ্ছেন যে, মেয়েকে আর আইবড় রাখা ভাল দেখাচ্ছে না। এদিকে একটা অকালকুম্মাণ্ড পাঞ্জের দরও অন্ততঃ দু হাজার টাকা, যা বাপের বয়সে কখনো এক সঙ্গে দিখিনি। মেয়ের বিয়ে দিই কি করে?!”

পণ্ডিতজী এতক্ষণ চুপ করে' শুনছিলেন। এইবার বলে উঠলেন—“বিয়ে দিও না।”

হলধর খুড়ো মাথা চুলকুতে চুলকুতে বললেন—“তুমি ত বিয়ে দিও না বলে' নিশ্চিন্ত হ'য়ে রইলে; এদিকে আমার যে জাতকুল যায়।”

পণ্ডিতজী এইবার দু হাত নাড়া দিয়ে বললেন—“মরণে তোমার জাতকুল নিয়ে। বার বছরের মেয়ের বিয়ে না দিলে যদি জাতকুল যায়, ত অমন জাতকুল চুলোয় যাক। মেয়েকে বড় করে' ছেড়ে দাও, তারপর তার খুসী হয় বিয়ে করুক, না খুসী হয় আইবড় থাকুক। বার বিয়ে করবার দরকার হবে, সে নিজের ভাবনা নিজে ভাববে।”

হলধর খুড়ো খানিকটা হাঁ করে' রইলেন। তারপর বললেন—“ভাল রে ভাল। মেয়েগুলো বিয়ে করবে না ত খাবে কি করে?”

পণ্ডিতজী বললেন—“তুমি যেমন করে' খাচ্ছ, তারাও তেমনি করবে' খাবে। ভগবান দুটো হাত দিয়েছেন, খাটবে আর খাবে। বিয়েটা কি মেয়েদের পেশা যে, ঐ করে' তাদের খেতে হবে? তারা ত আর কুলীন বামুন নয়।”

খুড়ো এইবার চোটে গেলেন। বললেন—“তোমার যত সব অনাস্থি কথা। ভদ্র লোকের মেয়ে কি বাজারে মোট বইতে যাবে, না মাথায় সামলা এঁটে ওকালতি করতে যাবে?”

কবিকঙ্কণ উকিল মাছুষ। সে বলে উঠলো—“মেয়েরা মোট বইতে চায় ত তা করুক গে, কিন্তু তাদের ওকালতিতে আমার ঘোরতর আপত্তি। প্রথমতঃ কথায় তাদের এঁটে উঠতে পারা যাবে না, আর যদিও পারা যায় ত যুক্তিতে না পারলে তারা শেষে কেঁদে আমাদের হারিয়ে দেবে। অজ সাহুচরবেরও মাথা ঠিক থাকবে না।”

পণ্ডিতজী হেসে বললেন—“না হে না, তোমার ভয় নেই। মোট-বওয়া আর ওকালতি করা ছাড়া আরও অনেক কাজ আছে, যা মেয়েরা খুব ভালই

পারে। তোমরা ঠিক করে' রেখেছ যে, তারা বৎসরান্তর তোমাদের একটি বংশধর প্রসব করবে, আর বংশধরের বাপকে ভাত রেঁখে খাওয়াবে। কিন্তু চিরদিন তারা তা নিয়ে তুষ্ট থাকবে না। পারমার মত তাদের খোঁপে পূরে রেখে দিবেচ, আর ভাবছ যে তারা দানা খেয়ে আর ডিম পেড়ে বেশ আছে। কিন্তু সত্যি সত্যি যদি চোখ খুলে' দেখ ত বুঝতে পারবে যে, বিনা পরসার বাদী হয়ে থাকার চেয়ে মোট বোরে খাওয়াও ভাল।”

গদাই এতক্ষণ চিং হ'য়ে পড়েছিল। সে এইবার তার নবীন গৌফে চাড়া দিতে দিতে বলে' উঠলো :—“ধাক্, ধাক্, হাটের মাঝে আর হাঁড়ি তেজে কাজ নেই। একটা মাঝামাঝি রাস্তা ধরাই ভাল। স্বয়ম্বর প্রথাটা আবার ফিরিয়ে আনলে কেমন হয়?”

পণ্ডিতজী বললেন—“তোমার তা'হলে আর চম্বাহত হ'য়ে পড়ে' থাকতে হয় না। একটা দাঁড়বার গাছতলা জুটতে পারে।”

গদাই দাঁড়িয়ে উঠলো। বললে—“দেখা যাক, মাগখানেক সবুর করে'। স্বরাজটা হ'য়ে গেলে হয় ত একটা স্বয়ম্বরী আইন পাশ হ'তে পারে।”

—

স্বয়ম্বরী মেয়ে

হলধর খুড়ো সন্ধ্যাবেলা কোমরে গামছা বেঁধে এসে খবর দিলেন যে, অনেক ভেবে-চিন্তে তিনি মেয়েকে স্বয়ম্বরী করাই স্থির করেছেন। গদাই পকেট থেকে রুমালখানা বার করে' মাথার ওপর ঘুরিয়ে “হরুরে” বলে' চীৎকার করে' উঠলো। বললে—“এই ত চাই, এ হোলো একেবারে সনাতন প্রথায় সমাজ-সংস্কার। ‘বিশ্র হোক, ক্ষত্র হোক, বৈশ্য শূদ্র জাতি, যে বিদ্ধিবে সে লভিবে কৃষ্ণা গুণবতী।’ ই্যা খুড়ো, লক্ষ্য টক্য বেঁধবার কিছু ব্যবস্থা করেছ নাকি?”

খুড়ো বললেন—“না রে না; লক্ষ্যও বিধিতে হবে না, হরমুখ ভক্তও করতে হবে না। ও-গুলো হোলো স্বয়ম্বর by courtesy। একালে যেমন মা-বাপ পাশকরা ছেলে দেখে মেয়ে দেখ, সেকালে তেমনি ক্ষত্রিয়েরা লড়ায়ে পালোয়ান দেখে বিয়ে দিত। মা-বাপই যদি বর বেছে দিলে, ত মেয়েদের স্বয়ম্বরী হওয়া হোলো কৈ? আমার মেয়ের বা হবে

তা'ও-রকম মেকি স্বয়ম্বর নয়; একেবারে খাঁটি জিনিষ।”

কবিকঙ্কণ এতক্ষণ দাঁড়িয়ে দাঁড়িয়ে তার পটল-চেরা চোখ দুটিতে একটা কবিশ্ব মাখান ঢুলুঢুলু ভাব আনবার চেষ্টা করছিল। সে এইবার স্মরণটাকে বেশ মোলায়েম করে' বললে—“একবার দাঁও ত খুড়ো সেই খাঁটি জিনিষটির একটু সটীক বিবরণ। বাঙ্গালীর হৃদয়-মরুভূমিতে একটা Romance এর খারা ছুটে' যাক। বাঙ্গালীর হৃদয়-গোবরে একবার শালুক ফুটুক।”

খুড়ো বললেন—“ও-কাজটা মেয়ের বাপের নয়। Romance এর সৃষ্টি ভূমি স্বয়ম্বরের পরে কোরো। ইচ্ছা করলে কালিদাসকে টেক্কা দিয়ে একখানা নতুন রঘুবংশও লিখে ফেলতে পারো। তবে একেবারে সর্বস্বর্ণ সম্বরণ করবা; দুঃসাহসও আমার নেই। বুদ্ধ, কবীর, নানক, নিত্যানন্দ থেকে কেশব সেন পর্যন্ত যে কাজ বরুতে গিয়ে ফেল হয়েছেন, সে কাজ যে আমার মেয়ের বিয়ে উপলক্ষে হয়ে যাবে, এ আশা আমার নেই। আমি খবরের কাগজে বিজ্ঞাপন দিয়ে, আর 'প্রজাপতি' আফিসে চিঠি লিখে, পণপ্রথা-বিরোধী অকৃতদার সমস্ত ব্রাহ্মণ সম্মানকে স্বয়ম্বর-সভায় উপস্থিত হতে নিমন্ত্রণ করেছি। তোমরাও সবাই কাল সকালে উপস্থিত থেকো। তারপর তোমাদের অদৃষ্ট, আর আমার মেয়ের বরাত।”

খুড়ো বক্তৃতা শেষ করে' চলে' গেলেন। গদাই তাড়াতাড়ি একখানা আরসির স্রমখে মুখখানা সোজা করে', বাঁকা করে', হেলিয়ে ছলিয়ে নিরীক্ষণ করতে লাগলো। কবিকঙ্কণ উর্দ্ধনেত্রে শিষ্' দিতে দিতে ঘরময় ঘুরে' বেড়াতে আরম্ভ করে' দিল। ক্যাবলাকাস্ত Dying Cleaning এ কাপড় কাচতে দিয়েছিল; ষা' করে' তা আনবার জন্তে ছুটে বেরিয়ে পড়লো।

সে রাতটা তো কোন রকমে কেটে গেল। তার পরদিন সকালে উঠে দেখি—সবাই স্বান করে', টেরি কেটে, ধোপদোরস্ত কামিজ গায়ে দিয়ে ফিটকাট হ'য়ে সেজে-গুজে স্বয়ম্বর-সভায় যাবার উত্তোগ করছেন। আমিও তাড়াতাড়ি মুখ হাত ধুয়ে ক্ষৌরকর্ষটা সেরে নিয়ে তাঁদের পিছু পিছু বেরিয়ে পড়লুম।

খুড়োর বাড়ী গিয়ে দেখি, হাঁ, একটা স্বয়ম্বর-সভা বটে। উঠানের মাঝখানে সামিয়ানা খাটান হয়েছে। খুঁটিগুলো রংবেরঙের পাতালতা দিয়ে

ঘেরা; চারিদিকে গাঁদাফুলের মালা। পাশের একটা দিক মেয়েদের জন্তে চিক দিয়ে ঘেরা। তার মধ্যে থেকে এরই মধ্যে গল্পের ফিস্ ফিস্ শব্দ আর চুড়ির টুং-টাং আওয়াজ শোনা যাচ্ছে। অপর দিকে দর্শকদের বসবার জায়গা, আর পূর্বদিকে মুখ করে' ঘোষেদের বাড়ী থেকে ধার করা খান পাঁচশেক চেয়ার অঙ্কবৃত্তাকারে সাজান। সে চেয়ারগুলো বরপদ-প্রার্থীদের গুচ্ছ বিজার্ড।

আটটা না বাজতে বাজতে একে একে, দুয়ে দুয়ে, চারে চারে পণপ্রথাবিরোধী ব্রাহ্মণ-সম্মানেরা হাজির হতে আরম্ভ করলেন। খুড়ো মহাসমাদরে তাঁদের অভ্যর্থনা করে' চেয়ারে বসিয়ে দিতে লাগলেন। ঘোষেদের রামা মালি এসে তাঁদের গায়ে গোলাপজল ছিটিয়ে দিলে। খুড়োর ন বছরের তৃতীয় কন্ডাটি তার দিদির বিয়ের আশায় উৎফুল্ল হ'য়ে এক রেকাবি পান নিয়ে এসে বর-সভার শোভা বর্ধন করতে লাগল।

নটা বাজবার পূর্বেই বরেদের চেয়ারগুলি তরে' গেল। “কেউবা দিব্যি গোর বরণ, কেউবা দিব্যি কালো।” অধিকাংশেরই হালফাসানে গোঁক-দাড়ি কামান। ফ্রেঞ্চ কাট, জার্মান কাট, সেক্সপিরিয়ান কাট দাড়িরও একেবারে অসম্ভাব নেই। চুল কারও বা দশ আনা ছ' আনা, কারও বা একদম কোচ'মানী ছাঁট। অধিকাংশেরই নাকে চশমা। কেবল এককোণে—আরে মলো, ওটা কে? পণ্ডিতজী না? বর-সভায় একখানা চেয়ার জুড়ে বুড়ো কি মনে করে? বুড়ো শালিকের ঘাড়ে আবার রৌঁয়া উঠলো নাকি?

ঠিক সাড়ে নটার সময় কন্ডাকে সভায় উপস্থিত করা হলো। খুড়ো বলছিল যেয়েটি বারো উৎরে তেরোয় পড়েছে; কিন্তু দেখলে আরও বছর দুয়ের বড় বলেই মনে হয়। বরেদের মধ্যে আগে একটা চঞ্চল চাহনি, পরে গম্ভীর হবার একটা আড়ষ্ট-চেষ্টা দেখা গেল। আমাদের দাদা মশায় সম্পর্কের ভট্টাচার্য্য মশায় একখানা নাম ধাম ও গুণাবলী সম্বলিত তালিকা হাতে করে বরেদের পরিচয় দিতে আরম্ভ করলেন:—

১নং অবিনাশচন্দ্র ভট্টাচার্য্য—বরসে সাড়ে বত্রিশ। অকশান্ত্রে আধ নব্বয়ের জন্তে বি-এ ফেল করেছেন। তা না হলে এতদিন একটা ডেপুটি হতে পারতেন। আপাততঃ শ-ওয়ারালেশের বাড়ী ৩৫ টাকা—”

মেয়েটি তাঁর স্মৃথ থেকে সরে গিয়ে দ্বিতীয় বরপদপ্রার্থীর সামনে এসে দাঁড়াল। ভট্টাচার্য্য মশায়ও তালিকাটা একবার দেখে নিয়ে আরম্ভ করলেন—

“২নং দিগম্বর কাঞ্জিলাল—বয়সে চব্বিশ। মেডিকেল কলেজে ঘুষ দেবার টাকা না থাকায় ক্যাশেলে পড়েছেন। আশা আছে যে—”

মেয়েটি বরের আশা-ভরসার কথা শোনার আগেই পা বাড়িয়ে দাঁড়াল। তৃতীয় বরের স্মৃথের দাঁত ছুটি উঁচু দেখে মেয়েটি মুহূর্তে জানিয়ে দিলে যে, দাঁত উঁচু বলে তার বিবম আপত্তি। চতুর্থ বর ঘোরন্তর কুম্ভবর্ণ, তার উপর বেজায় মোটা। মেয়েটি তার দিকে স্থিরদৃষ্টিতে এমনভাবে চাইলে যে, বর বেচারী লজ্জায় রক্তবর্ণ হবার বুধা চেষ্টা করে শেষে অধোবদন হয়ে পড়লো। ভট্টাচার্য্য মশায় তাড়াতাড়ি এগিয়ে গিয়ে বলতে আরম্ভ করলেন—

“৫নং রাইবিলাস মুখোপাধ্যায়—অত্যন্ত সঘনশ, ফুলের মুকুট, কানাই ছোট ঠাকুরের সন্ধান। ছ’ মাস হলো কাঞ্চালপুরে মুষ্ণুফি করছেন। সনাতন ধর্মের ওপর প্রগাঢ় আস্থা। প্রাণাম্মায় সাধন করতে করতে নাক একটু বেকে গেছে বটে—”

আর অধিক বিবরণ দেবার দরকার হোলো না। ভট্টাচার্য্য মশায়ও তাঁর স্মৃথ থেকে সরে পড়লেন।

“৬নং রমণীমোহন ঘোষাল ওরফে কবিকঙ্কণ—ইনি স্বনামধন্য প্রসিদ্ধ কবি। এর কুপাদৃষ্টি না হলে মাসিকের সম্পাদকেরা নাকের জলে চোখের জলে একাকার হয়ে যায়। এর ‘মলয়লতিকা’ বার হবার পর ‘চর্প টপঞ্জরিকা’ পত্রিকায়—”

মলয়লতিকার কি গতি হোলো তা জানবার জন্যে অপেক্ষা না করে মেয়েটি একেবারে সাত কদম এগিয়ে গিয়ে দাঁড়ালো। ভট্টাচার্য্য মশায় ফের আরম্ভ করলেন :—

“১০ নং প্রেমতোষ চট্টোপাধ্যায়—প্রসিদ্ধ জমিদার বংশের ছেলে। এর ঠাকুর দাদার আমলে পুজোর সময় বাইনাচে যা টাকা খরচ হতো তাতে—”

তাতে যে কি অবটন ঘটতো তা আর জানা গেল না। একে একে সব বরই ফেল হয়ে যেতে লাগলো। হলধর খুড়োর মুখ ক্রমে শুকিয়ে উঠতে আরম্ভ হোলো। এত রকম-বেরকমের ছেলে—তবু মেয়েটির যে কাউকে পছন্দ হয় না। শেষে সব আরোজন কি পঁও হবে নাকি ?

পণ্ডিতজী বাল্যপোষখানি মুড়ি দিয়ে এককোণে এককণ বসেছিলেন। তাঁর কাছাকাছি হবান্না

তিনি দাঁড়িয়ে উঠে ভট্টাচার্য্য মশায়কে বলেন—
“আপনি একটু চুপ করুন। আমার বিবরণ আমি নিজেই দিচ্ছি। মেয়েও ধমকে পণ্ডিতজীর স্মৃথ থেকে দাঁড়াল। পণ্ডিতজী মেয়েটার মুখের দিকে চেয়ে বললেন—

“দেখগো লক্ষ্মী, আমার যদি বিয়ে করো, ত তোমার চুড়ি দেবো, বালা দেবো, হার দেবো, গোট দেবো, বাজু দেবো, মাথায় সিঁথি দেবো, আর চাও ত ক্রাউনও দেবো—”

মেয়েটি ফিক করে’ হেসে ফেললে। পণ্ডিতজী বললেন—“শুধু তুমি নয়। হুগায় দুদিন ধিয়েটার দেখতে নিয়ে যাব; আর সকালে বিকালে এই এত বড় মাছের মুড়ো দিয়ে তাত খেতে দেবো।”

চিকের আড়াল থেকে একটা চাপা হাসি শোনা গেল। মেয়েটিও হাসতে হাসতে পণ্ডিতজীর গলায় মালা পরিয়ে দিলে। এই সময় চিকের ভিতরকার অবলাদের কণ্ঠ ভেদ করে যে উল্লুখনি উঠলো, তাতে বেশ বোঝা গেল যে, বর-নির্বাচনের সঙ্গে অবলাকুলের বিলক্ষণ সহানুভূতি আছে।

বরেরের মধ্যে কেউ হাসতে লাগলো, কেউ ভ্রিয়মান হলো। গদাই আশ্তিন গুটিয়ে, গৌক পাকিয়ে, পণ্ডিতজীর সামনে খাড়া হয়ে বললেন—
“আমরা এতগুলো সুপাত্র থাকতে তুমি বুড়ো যে এই কল্লারত্ন নিয়ে যাবে, তা আমরা প্রাণ থাকতে সহ্য করবো না। অতএব রণং দেখি।”

পণ্ডিতজী তাঁর বিরাট বরবণু ঈষৎ ছলিয়ে গদাইএর অঙ্গে ধাক্কা মেরে বললেন—“এই লেহি।” গদাই পপাত ধরলীতলে। পণ্ডিতজী হাসতে হাসতে বললেন—“ওরে বালক, বসুন্ধরা আর স্ত্রীরত্ন উভয়ই বীরভোগ্যা। শাস্ত্রের মর্ম্ম ত তোরা বুঝলিনে।”

না পড়ে পণ্ডিত

পণ্ডিতজীর কেমন বদ অভ্যাস তাঁর ছেলেটাকে হুলে পাঠশালা পাঠাবেন না। ছেলেটা বাঁড়ের মত লাকিয়ে লাকিয়ে পারা মাথায় করে’ বেড়াচ্ছে। তার জালায় গাছে পেয়ারা থাকবার জো নেই, লাউ-মাচার খুঁটি থাকবার জো নেই, খেজুর গাছে কলসী থাকবার জো নেই। বই হাতে দিলে তার ঘুম পায়, না-হয় মাথা ধরে, না-হয় পেট কামড়ায়। পণ্ডিতজীকে একদিন অমুনয়-বিনয় করে’ বললুম—

“দেখুন, আপনার ছেলে মুখ্য হবে, এটা দেখতে-
শুনতে বড় খারাপ। ছেলেটার একটা কিছু ব্যবস্থা
করুন।” পণ্ডিতজী অগ্নান-বদনে উত্তর দিলেন—
“লেখাপড়াটা আমাদের বংশে কেমন হয় না।
আমরা সবাই না পড়ে পণ্ডিত। আমার বাবা যখন
ছেলেবেলায় লাকিয়ে লাকিয়ে বেড়াতেন, তখন
দাদা মশায় তাঁর শুভঙ্করীতে বিজ্ঞা পরীক্ষা করবার
জন্তে জিজ্ঞেস করেছিলেন—‘আচ্ছা বল দেখি,
এক-একটা শিয়ালের যদি এক-একটা লেজ হয়,
তো পঞ্চাশটা শিয়ালের ক’টা লেজ হবে?’ বাবা
হাঁ করে উত্তর দিলেন—‘আজ্ঞে, আমরা মন-কথা
শিখেছি, এখনও লেজ-কথা শিখিনি।’ দাদা মশায়
রেগে বাবার কাণ মলে’ দিতে গিছিলেন বলে’
ঠাকুরমা রাগ করে’ তিন দিন ভাত খাননি।
শেষে রাগ যখন পড়লো, তখন তিনি হুকুম জাহির
করলেন—‘আমার ছেলে মুখ্য হয় ত পণ্ডিত করে’
খাবে। তা বলে ওর গায়ে কেউ হাত তুলো না।’
সেই হুকুম আমাদের বংশে বাহাল রয়েছে। আমরা
যখন মুখ্য হই, তখন পণ্ডিত করে’ খাই।”

ডেপোমিতে পণ্ডিতজীকে পাববার জো নেই।
আমি বল্লুম—“না, না, ঠাট্টা-তামাসা নয়। নন্-
কো-অপারেশনের ধুম লাগা অবধি ছেলেটা যে
বইটাই টেনে ফেলে দিয়ে পাড়ায় পাড়ায় সর্দারি
করে’ বেড়াচ্ছে, যা সরস্বতীর মুখ দর্শন করবে না
বলে’ প্রতিজ্ঞা করে’ বসেছে—এর ফলাফল তো
আপনার ভাবা উচিত। বামুনের ঘরের ছেলে
মুখ্য হইলেই গোঁয়ার হ’য়ে দাঁড়ায়। শেষে যে
রকম দিন-কাল পড়েছে, কোন্ দিন না একটা
দাঙ্গা-হাঙ্গামা বাধিয়ে বসে।”

পণ্ডিতজী হাসতে হাসতে বললেন—“ছেলে-
বেলায় আমিও যখন ভাল গাছ থেকে কাকের
বাচ্ছা পেড়ে পেড়ে বেড়াতুম, তখন বাবার কাছে
আমার নামে ঐ রকম নালিশ হয়েছিল। বাবার
টোলের পোড়োরা আমার খবতে গিয়েছিল; তাদের
মাথায় ভাল ফেলে দেওয়া ছাড়া আমি গাছের
উপর থেকে এমন দু-একটা কু-কার্য করে’ দিয়ে-
ছিলুম যে, তাদের স্নান করে’ শুদ্ধ হওয়া ছাড়া
আর উপায় ছিল না। কিন্তু বাবা আমার লেজ-
কথাটা বোধ হয় বুড়ো বয়সেও ভাল করে’ শিখতে
পারেননি; তাই আমার লেজ কবে দিতে ভুলে’
গিয়েছিলেন। আমিও ঠিক সেই রকম করে’
পিতৃশ্রুণ শোধ করেছি। আর তা ছাড়া আর-
একটা কথা কি জানিস?—তোদের শিশুশিক্ষার

শুশীল ও সুবোধ বালকের ওপর আমার অক্লি
জন্মে গেছে। আমার ছেলে যদি শুশীল ও সুবোধ
হয়, তাহ’লে তাকে ত্যাগ্যপুত্র করা ছাড়া আমার
গত্যন্তর নেই।”

বুড়ো বলে কিগো? আমি বল্লুম—“ছেলে
না-হয় সুবোধ না হ’য়ে দস্তিই হোলো, কিন্তু তার
লেখাপড়া শিখতে আপত্তি কি?”

পণ্ডিতজী বললেন—“ঐটি হবার জো নেই,
বাবা। তোমাদের বিজ্ঞাদায়িনী যন্তোর এমনি
কায়দা করে’ তৈরি যে, যিনি বাঘের মত হালুম-
হালুম কর্তে কর্তে ঐ যন্তোরের মধ্যে ঢুকবেন,
তাঁকেও বার হবার সময় মেনি বেড়ালের মত মিউ
মিউ কর্তে হবে। যত বড় দস্তি ছেলেই হোক না
কেন, বিজ্ঞের চাপে যদি মারা না পড়ে, সব তাকে
পঙ্ক হয়ে থাকতেই হবে। সরকারী শাস্তিরক্ষার
এমন উপায় আর নেই। পাঁচশ’ পুলিশ ইন্সপেক্টর
যে কাজ না কর্তে পারে, পাঁচটা ইন্সল মাষ্টারে
তা অনায়াসে করে’ দিচ্ছে। আমাদের দেশে
যদি জবরদস্তি বিজ্ঞে শেখাবার ব্যবস্থা হয়, তা’হলে
পুলিসের থানা রাখবার আর দরকার হবে না।
ঝাংড়া, মুলো, কাণা, বোঁচা হয়ে যে সব ছেলে-
পিলে কলেজ থেকে বার হবে, তাদের দিয়ে
সরকারী শাস্তি-সভা স্থাপন করা ছাড়া আর কোন
কাজ হবার আশা নেই।”

আমার বড় রাগ হোলো। বল্লুম—“আপনিও
এক কালে কলেজে হাওয়া খেতে যেতেন।”

পণ্ডিতজী বললেন—“হাঁ, কুসঙ্গে পড়ে’ কিছু-
দিন ও-কার্য করেছিলুম বটে। কিন্তু সে পাপ
আমার অনেকদিন হোলো খণ্ডে গেছে। যতদিন
পেটে কলেজী বিজ্ঞের কণামাত্র ছিল, ততদিন
পেট ফাঁপতো, হাই উঠতো, চলতে গেলে চ্যাং
বঁকে যেতো। তারপর একদিন গোলদীঘির ধারে
গিয়ে সিনেট হলের দিকে মুখ করে’ যা সরস্বতীর
উদ্দেশে গললরীকৃতবস্ত্র হ’য়ে বল্লুম—“যা পেটে
যা ছিটে-ফোঁটা দিয়েছ তা স্নদশুদ্ধ ফিরিয়ে নাও,
আর সঙ্গে সঙ্গে আমার ডিনেপেপ্লিয়াটিও
নিম্নো।”

মায়ের মেজাজ তখন শরিক ছিল বোধ হয়।
যা আমার প্রার্থনা শুনে বলেছিলেন—“তথাস্ত্”।
সেই অবধি আর ওদিক মাড়াইনে। আমার কেমন
ধারণা হ’য়ে গেছে যে, কলেজের ছেলেরা একেবারে
গয়লার বাছুর হয়ে যায়।”

আমি জিজ্ঞেস করলুম—“সে আবার কি?”

পণ্ডিতজী বললেন—“আহা! সে গল্পটা জানিসনে? একটা গয়লার ঘরের বাছুর আর একটা বামুনের ঘরের বাছুর একদিন এক বায়গায় ছাড়া পেয়েছিল। গয়লা টেনে ছুঁ ধোয়; কাজে-কাজে তার বাছুরটা একটু কাহিল আর বামুনের শরীরে একটু দয়ামায়া ছিল, কাজেই তার বাছুরটি ওরি মধ্যে একটু ফুটপুট। বামুনের বাছুর গয়লার বাছুরকে বললে—‘ভাই, একটু খেলা করবি?’ গয়লার বাছুর বললে—‘কোরবো। বামুনের বাছুরের বেশ একটু ক্ষুধা হোলো। সে বললে—‘তবে আর ভাই খানিকটা ছুটোছুটি ক’রে বেড়াই।’ গয়লার বাছুরের ছুটোছুটি করবার সামর্থ্য নেই। সে প্রস্তাব করে’ বসলো—‘না ভাই, ছুটোছুটিতে কাজ নেই। আর দেখি, কে কত শুয়ে শুয়ে লেজ নাড়তে পারে।’—তোমার কলেজের ছেলেদেরও ঠিক ঐ দশা। বিশ্ববিদ্যালয় তাদের এমনি চুবে’ ছেড়ে দেয় যে, সারাজীবন কে কত লেজ নাড়তে পারে তাই দেখা ছাড়া আর কিছু তাদের দিয়ে হয় না।”

কাথাটা নির্ঝিবাদে মেনে নিতে আমি রাজি ছিলাম না। কাজে কাজেই পণ্ডিতজীকে বললাম—“আর একদিন ও কথাটার বিচার করা যাবে। আজ চলুন, একটু বেড়িয়ে আসি।”

আর কত দিন

পণ্ডিতজী সেদিন সন্ধ্যাবেলা বেড়াতে বেরিয়ে-ছিলেন। রাস্তায় যে রকম জুজুর ভয়, আমরা ভেবেছিলাম বুড়োকে আবার দিন কতকের জন্তে আলিপুরে হাওয়া খেতে না যেতে হয়। মাথা-পাগলা মানুষ, শাস্ত্ররক্ষার বহর দেখে কখন সার্জেন্ট বাহাদুরদের প্রেমালিঙ্গন করে’ বসবে তা তো বলা যায় না। আর সার্জেন্টরাও যে রকম প্রেমিক পুরুষ, একবার যদি আমাদের পণ্ডিতজীকে ভাল-বেসে ফেলে, তো সে প্রেমের বন্ধন টেনে ছেঁড়া দায় হবে। কিছুদিন আলিপুরে রেখে দিয়ে তাঁর সেবাশুশ্রূষা না করে’ আর তাঁকে ছাড়বে না। আটটা বেজে গেলো; নটা বাজে বাজে। গদাইকে বলছিলাম—“হা, বাবা, একবার না-হয় বড়বাজারের থানাটা পর্য্যন্ত দেখে আস,—শেষে বুড়ো কি সত্যি সত্যিই—।” কথা আর আমার শেষ করতে হোলো না। চটি জুতোর ফুট ফুট আওয়াজ শুনে

চেয়ে দেখি পণ্ডিতজীর নবজলধরশ্রাম-বপু স্নমুখেই দণ্ডায়মান। মুখের এক কোণ থেকে আর এক কোণ পর্য্যন্ত হাসিতে ভরে’ গেছে। চোখের কোণে একটা উদ্যম আনন্দ।

পকেট থেকে পাঁচটা টাকা বার করে’ পণ্ডিতজী গদাইয়ের নাকের উপর ছুঁড়ে মেরে বললেন—“নিশ্চয় আর আজ ভেঁটুকি মাছের মুড়ো; আর সের-কতক রসগোল্লা। আজ আমি তোদের খাওয়ার। আর কাল মজলবার চলু কালীঘাটে; আমি মায়ের কাছে জোড়া পাঁঠা পুজো মেনেছিলাম—দিয়ে আসতে হবে। বেটা অনেকদিন থেকে জিভ বার করে’ বসে’ আছে।”

ব্যাপার কি? গদাই আমার মুখের দিকে চাইতেই, পণ্ডিতজী তাকে এক ধাক্কা মেরে বললেন—“আরে হুম্যান, হাঁ করে’ দাঁড়িয়ে আছিস কি? লকায় আশুন লেগেছে দেখছিসনে? এইবার ‘জয় রাম বলে’ মার লাফ।”

গদাই ধাক্কা খেয়ে রসগোল্লা আনতে চলে’ গেল। আমি আর বাক্যব্যয় না করে’ পণ্ডিতজীর জন্তে একছিলিম তামাক সাজতে বসে’ গেলুম। অতীত অভিজ্ঞতার ফলে আমি এটুকু বেশ জানতুম যে, তামাক টুকু পুড়ে’ যতক্ষণ না ছাই হবে, ততক্ষণ আর এই ভক্তিতত্ত্বের উৎপত্তির কারণ অনুসন্ধান করা চলবে না।

তামাকটুকু যখন বেশ ধরে’ এলো, তখন পণ্ডিতজীর অর্ধনিম্নিত চোখের দিকে লক্ষ্য করে’ আমি জিজ্ঞেস করলাম—“সত্যি সত্যিই কালীঘাটে পুজো মানা আছে না কি?”

পণ্ডিতজীর হাত থেকে গড়গড়ার নলটা খসে’ পড়ে’ গেল। তিনি তীব্র দৃষ্টিতে আমার দিকে চেয়ে বললেন—“বলিস্ কিরে? আমরা ছাপ্পার পুরুষ ধরে’ শাস্ত্র; আর আজ আমি কপালে সাদা চন্দনের ফোটা কাটি বলে’ তোরা কি মনে করিস্, যে, আমার পিতৃপুরুষদত্ত রক্তটাও সাদা হ’য়ে গেছে? রিকর্মের মালপো খেয়ে যারা ধূলোয় লুটিয়ে পড়ে, সে বংশে আমার জন্ম নয়। গাজনের আওয়াজ শুনেই আমার চড়কে পিঠ এখনো চড়চড় করে ওঠে। অনেকদিন আগে, তোরা যখন ছেলে মানুষ, দেশের লোক যখন ঘুমুচে, তখন আমি তিনদিন হত্যা দিয়ে কালীঘাটে পড়েছিলাম। মাকে জিজ্ঞেস করেছিলাম—‘হা, আর কতদিন? কবে তুমি জাগবে?’ মা সেদিন বলেছিলেন—‘তোদের মেয়েরা যেদিন জাগবে,

‘আমিও সেদিন জাগ্‌বো।’ তারপর মা আমার চোখের সামনে ভবিষ্যতের যে দৃশ্য দেখিয়েছিলেন, আজ কলিকাতার রাস্তায় আমি সে দৃশ্য দেখে এসেছি। তোরা যাই বলিস না কেন, কলিতে কালীই জাগ্রত দেবতা। বেটা পূজার সময় বলি খায় বটে, কিন্তু বেইমানী করে না।”

আমি ভালমাস্তবের মত জিজ্ঞাস করলুম—“কি দেখেছিলেন পণ্ডিতজী?”

পণ্ডিতজী বললেন—“বা দেখেছিলাম তার কতকটা চোখের সামনে তোরাও দেখছিস। আর যেটুকু বাকি আছে, সেটুকু আলও সাত বছর ধরে তোরা দেখবি। দেখেছিলাম আর কি। মায়ের রণচণ্ডী মূর্তি। ভারতের এক শেষ থেকে আর-এক শেষ পর্যন্ত মা প্রলয়-বহি জেলে দিয়েছেন। উন্নত জনসংখ্য বন্ধুক, কামান, গোলাগুলি তুচ্ছ করে ভৈরব নিনাদে নিগন্ত মুখরিত করে তুলেছে। ঠিক গান্ধীর মত টুপি পরা একজন সেই জনসংখ্যকে শাস্ত করবার চেষ্টায় তাদের মধ্যে বাঁপিয়ে পড়লেন। কোথা থেকে একটা বন্দুকের গুলি এসে তাঁর গায়ে লাগলো। বাস—শান্তির শেষ চিহ্ন মুছে’ গেলো। মহাত্মা নিজের জীবন আছতি দিয়ে দিলেন। সারা আকাশ তাঁর রক্তের আভায় রাঙ্গা হয়ে উঠলো।”

আমার গায়ে যেন কাঁটা দিয়ে উঠতে লাগলো। মনে হ’তে লাগলো—এসব সত্যি না খেয়াল?

পণ্ডিতজী আমার মুখের দিকে খানিকক্ষণ চুপ করে চেয়ে থেকে বললেন—“ভাবছিস এ সব আমার মাথার খেয়াল। তবে যাক ও-সব কথা। হয়ত বা আক্ষিমের ঝোঁকেই ওসব খেয়াল দেখেছিলুম। কিন্তু আজ কেবলি দুহাত তুলে’ লাট কর্জন আর জেনারেল ডায়ারকে আশীর্বাদ করতে ইচ্ছে হচ্ছে। আলমগীর বাদশার পর অমন বন্ধু আর আমাদের হয়নি।”

হাসি চাপা আমার পক্ষে দুষ্কর হ’য়ে উঠলো। আলমগীর বাদশা যে আমাদের এতবড় বন্ধু, এ কথাটা জানতুম না। ঐতিহাসিকেরা তা লিখতে তুলে’ গেছে।

পণ্ডিতজী বললেন—“মুখে আশুন তোরা ঐতিহাসিকদের। আকবর বাদশাকে তাদের ভাবি মনে ধরে। আঃ খেলে কচুপোড়া। দেশে যদি আর হ’একটা আকবর বাদশা থাকতো, তাহলে রাজপুতেরাও গোলাম যেরে যেত, আর গুরু গোবিন্দও জন্মাত না, শিবাজীও জন্মাত না। শরীরে বিব দুকুলে যেমন শরীরটা আস্তে আস্তে নিশ্বেজ

হ’য়ে যায়, আকবরের কাছে মিঠে গোলাবী শিখে দেশটারও সেই দুর্দশা হ’য়ে আসছিল। আর আলমগীর।—হ্যাঁ, খাটি তাতার বাচ্চা বটে। তিন দিনে দেশটাকে বুঝিয়ে দিলে যে, গোলামের সুখশান্তি সব ফকিরারী। আলমগীর যদি না জন্মাত, ত গুরু নানকের চেলারা আজ পর্যন্ত বাংলা দেশের বৈষ্ণবদের মত হরিনামের ঝুলি নিয়ে ব্যস্ত থাকতো। ডালহৌসী, কর্জন, ডায়ার ঠিক ঐ আলমগীরের বংশধর। মরা জাতকে বাঁচবার সিদ্ধমন্ত্র ওদের কাছে। আজ আবার ঠিক ঐ পুরোণো হাওয়া বয়েছে; তাই ক্ষুধিত আমার প্রাণ লাফিয়ে উঠছে।”

ঠিক সেই সময়ে রসগোল্লার ঠোঁড়া হাতে করে’ গদাই ফিরে এল। আমি বললুম—“আজ রাজনীতি চর্চাটা তাহলে থাক। রসগোল্লা-চর্চা তার চেয়ে ঢের বেশী উপাদেয়।”

গদায়ের বৈরাগ্য

স্বয়ম্বর-সভা থেকে ফিরে এসে গদাই সেই যে ঘরের ভিতর ঢুকলো, দুদিন আর তার দেখা পাওয়া গেল না। তিন দিনের দিন সকাল বেলা পণ্ডিতজী বললেন—“ওরে দেখনা তোরা একবার ছেলেটার কি হলো। শেষে কি ছোঁড়া মনের দুঃখে একটা কাণ্ড-মাণ্ড করে’ বসবে?”

কবিকঙ্কণ হাই তুলতে তুলতে বললে—“কাণ্ড আর কি করবে? দিন কত আগে হোলে গেরুয়া ছবিতে বিবাগী হ’য়ে যেতো; কিন্তু গেরুয়ার romance আজকাল অনেকটা কেটে গেছে। বিবেকানন্দ মারা যাবার সঙ্গে সঙ্গে বাংলা দেশে গেরুয়াও মারা পড়েছে। এখন ছেলেরা শঙ্খঘণ্টা বাজিয়ে স্বামীজীর ছবিকে আরতি করেই লাজ সারে। গেরুয়ার দিকে বড়-একটা ঝেঁসে না।”

রাইবিলাস বললে—“সেদিন আমি দরজার ফাঁক দিয়ে উঁকি মেরে দেখেছিলুম; মনে হলো যেন গদাই কি লিখেছে।”

কবিকঙ্কণ লাফিয়ে উঠলো। বললে—“ঐরে, সর্বনাশ করেছে। আমার ব্যবসা বুঝি বা মারে। ওর মত অবস্থায় পড়লে আদি-একখানা মহাকাব্য, অন্ততঃ একখানা গীতিকাব্য ত শেষ করে’ ফেলতুম। বিরহের বেগে inspired হ’য়ে হয়ত সে ঐ কাব্যই আরম্ভ করে’ দিয়েছে।

ক্যাবলাকাস্ত এই সময় ঘরে এসে মূচিপাড়ার থানায় একদল স্বদেশী ভলন্টিয়ারের গ্রেপ্তারের খবর দিলে।

রাইবিলাস যেন চমকে উঠলো। সে বললো—“গদাইকে যা লিখতে দেখেছিলাম তা হয়ত তার Last Will and Testament.”

পণ্ডিতজী বললেন—“ভাল রে ভাল; গদাই শুধু শুধু উইল লিখতে যাবে কেন? সে ত আর ষোলবছরী খুকি নয় যে, বিয়ে হ'লো না বলে মনের দুঃখে কেরোসিনে পুড়ে মরবে?”

রাইবিলাস বললেন—“ওগো না, কেরোসিনে পুড়ে বা আফিম খেয়ে তাকে কেউ মরতে বলছে না। সে হয়ত উইল-টুইল করে' ভলন্টিয়ারদের দলে যোগ দেবে।”

ক্যাবলাকাস্ত হেসে ফেলল। সে বললেন—“ভলন্টিয়ার হলেই হয় ছ' মাসের জেল দেবে, নয়ত রাস্তিরে ধরে' নিয়ে গিয়ে ধাপার মাঠে ছেড়ে দেবে। তার জন্তে ত উইল করার দরকার নেই; বরং জেল আজকাল যা হয়ে উঠেছে, তাকে খুশ-বাড়ী বলেই হয়।”

পণ্ডিতজী বললেন—“তা'হলে বিরহের বস্তা হাঙ্গা করার জন্তে ঐ দিকে দ্রাওয়াই স্বাভাবিক। যাই হোক, তার ঘরে গিয়ে একবার খোঁজটাই করা যাক।”

পণ্ডিতজী উঠে পড়লেন। আমরাও সবাই সঙ্গে সঙ্গে উঠলুম। গদায়ের দরজার কাছে গিয়ে পণ্ডিতজী স্বরটা যথাসম্ভব মিষ্ট করে ডাকলেন—“গদাই, ও গদাই, দাদা আমার, দরজাটা খোল ত।”

গদায়ের কোনই সাড়া শব্দ নেই।

কবিকঙ্কণ দরজায় চোখ দিয়ে দেখে চুপি চুপি বললেন—“আরে! গদাই বিরহের জ্বালা ঠাণ্ডা করার জন্তে শুয়ে শুয়ে কমলালেবু খাচ্ছে।”

পণ্ডিতজী বললেন—“চুপ কর তুই। গদাই ছেলেমানুষ হ'লে কি হয়, জ্ঞান ওর টনু টনু করুচে। বৈরাগ্য, বিরহ প্রভৃতি আধ্যাত্মিক ব্যাধির মূল যে পাকস্থলীতে বা শরীরের অন্ত কোনো কেন্দ্রে, তা ও বিলক্ষণই জানে। ছেলেবেলায় আমার যখন ঐ সব ব্যাধির প্রকোপ হোতো, তখন আমি নবীন ময়রার দোকান থেকে গোটাকত-রসপোস্তা আনিয়া টপাটপ মুখে ফেলে দিতুম, আর কিছুকালের জন্ত ব্যাধির উপশম হ'য়ে যেতো। শরীরের সঙ্গে আত্মার যে কি ঘনিষ্ঠ সম্বন্ধ, তা বরং তোরা কলকাতা বিশ্ববিদ্যালয়ের Experimental

psychologyর প্রোফেসরকে জিজ্ঞাসা করে আসিস। তিনি যে একথানা “এনছাইক্রোপিডিয়া ডিভিনা” অর্থাৎ “ভাগবত বিশ্বকোষ” লিখেছেন, তা দেখেছিস ত? তাতে পরমাত্মা, জীবাত্মা, ভূতাত্মা, প্রেতাত্মা, সংঘাত্মা প্রভৃতি আত্মাপুরুষের যত রকমফের আছে, তাঁদের শরীরের কোন্ কোন্ কেন্দ্রের সঙ্গে কি রকম সম্বন্ধ, তার একেবারে সটাক বর্ণনা দেওয়া আছে। গদায়ের যে সমস্ত লক্ষণ দেখছি, তা “ভাগবত বিশ্বকোষের” ‘মহাত্মা’ অধ্যায়ে বর্ণনা করা আছে। আমার মনে হচ্ছে, গদাই আহা-বিহার সংযত করে ‘মহাত্মা’ হবার চেষ্টা করছে।

আমি জিজ্ঞাসা করলুম—“তাহলে এর antidoteটা আপনি বাৎলে দিন।”

পণ্ডিতজী বললেন—“মহাত্মার antidote হচ্ছে সংঘাত্মা। বিশ্বকোষের ‘ভাগবত অর্থশাস্ত্র’ অধ্যায়ে তুমি সাংঘাত্মার বিবরণ দেখতে পাবে। মূল্যধার আর স্বাধিষ্ঠান চক্রেই প্রধানতঃ সাংঘাত্মার স্থিতি। ঐ দুটো চক্রে ধ্যান করলেই ভাগবত অর্থশাস্ত্র তোমার দখলে আসবে; আর তুমি বিরাট আধ্যাত্মিক বাণিজ্য গড়বার ছত্রিশ রকম কৌশল শিখবে; পাইকারী বা খুচরা ভাগবত ব্যবসা চালাইবারও কোন বাধা থাকবে না। ফলে তুমি পায়ের উপর পা দিয়ে গৌকে চাড়া দিতে দিতে সংঘাত্মা হ'য়ে জীবনটা কাটিয়ে দিতে পারবে। আমি দেখছি যে, গদাইকে এই সাংঘাত্মা দীক্ষিত না করলে তার আর রক্ষা নেই।”

গদাই এই সময় খট করে' দরজা খুলে বেরিয়ে এসে বলল—“তথাস্থ।”

শ্রাম না এল

ভোর বেলা লেপখানাকে বেশ করে' জড়িয়ে ধরে কবিকঙ্কণ গান ধরে দিয়েছে—

সখি, শ্রাম না এল।

অবশ অঙ্গ, শিথিল কবরী,

বুঝি বিভাবরী পোহাল।

মিঠে মিঠে শ্রীভের সঙ্গে মিঠে মিঠে সুর মিশে বেশ একটা নেশার আবেজ সৃষ্টি করে' আনছিল, এমন সময় রাইবিলাস লেপের ভিতর থেকে চার হাঁকি লম্বা নাকটি বার করে' বলে উঠলো—

“ধামাও বাবা, কাঁহুনি ধামাও। কাল চার গুণ্ডা পরস্যা খরচ করে’ চুল ছাঁটিয়ে এসেছ, আর আজ রাত কাটতে-না-কাটতে তোমার কবরী একেবারে শিথিল হয়ে গেল। দোহাই কবিকঙ্কণ, তোমার আধ্যাত্মিক বিরহকে খানিকটা লেপচাপা দিয়ে আমাদের আর একটু ঘুমুতে দাও।

কবিকঙ্কণের গান থেমে গেল। সে বিরক্ত হয়ে বললে—“না, তোদের মত বে-রসিকের সঙ্গ ত্যাগ না করলে আর আমার মুক্তি নেই। সকালবেলা কোথায় একটু নাম-কীর্ত্তন করবো, তা’ও তোদের জ্বালায় হবার জো নেই।”

“চোটো না, কবিকঙ্কণ, চোটো না” বলে রাইবিলাস গা ঝাড়া দিয়ে উঠে বসলে। এই non-violence-এর দিনে মনে মনে রাগ করাও একটা ভীষণ পাপ। তা ছাড়া ভক্তি-শাস্ত্র আলোচনা করবারও ত একটা সময়-অসময় আছে। ভগবান ত আর আমাদের মত মেসে পড়ে থাকেন না। বৈকুণ্ঠধাম ত আমাদের মেসের মত লক্ষ্মীছাড়া জায়গা নয়। এই যে শীত কালের দিন ভোরবেলা তুমি ভগবানকে নিয়ে টানাটানি আরম্ভ করেছ, এটা একটা ভক্তির বাজে খরচ। ভগবান বেচারী হয়ত ঘুমিয়ে পড়েছেন, তোমার অত সাধের মিঠে কাঁহুনি হয়ত তাঁর কাণেও পৌঁছোচ্ছে না। আর যদি শুনতে পেয়ে তোমায় বর দেবার জন্তে তিনি বিছানা ছেড়ে ছুটে বেরিয়ে পড়েন, তা’হলে যা লক্ষ্মী তোমার ওপর মনে মনে কি রকম চটে যাবেন তা বুঝতেই পারছ। ভগবানকে চটিয়ে বরং পার পাবে, কিন্তু মা লক্ষ্মী যদি চটেন ত তোমার ভিটের একেবারে ঘুঘু চরিয়ে ছেড়ে দেবেন।”

পণ্ডিতজী এতক্ষণ তুমুল নাসিকাগর্জ্জন করে’ স্নুস্ফুপ্তির আনন্দ উপভোগ করছিলেন। রাইবিলাসের বক্তৃতার ধ্বনি যখন তাঁর নাসিকার ধ্বনিকে পরাজিত করে’ দিলে, তখন তাঁর নিদ্রাভঙ্গ হোলো। রাইবিলাসের শেষ কথাগুলো বোধ হয় তাঁর কাণে গিয়েছিল। তিনি নিদ্রালসকণ্ঠে বলে’ উঠলেন—“ঠিক বলেছি, রাইবিলাস, আধ্যাত্মিক common senseটা তোর বেশ টনটনে। ছেলেবেলা থেকে আমি দেখে আসছি, যারা মা লক্ষ্মীকে চটিয়ে ভগবানকে ধরে টানাটানি করে’ তাদের ‘কোমরে কোপান জোটে না, গায়ে ভস্ম শিরে জটা।’ ঐ জন্তেই ত কবিকঙ্কণ আজ সাত বছর ধরে আলিপুর কোর্টে হাওয়া খেতে যাচ্ছে, তবু সাতটি পরস্যা মুখ দেখতে পেয়েছে কি না সন্দেহ।”

কবিকঙ্কণ দীর্ঘশ্বাস ত্যাগ করে’ বললে—“পণ্ডিতজী, আপনি শেষে ঐ ছোড়াদের দলে গিয়ে জুটলেন।”

পণ্ডিতজী বললেন—“কি করবো, বাবা, আধ্যাত্মিক মোসাহেব-সম্ভে ত আর আমি নাম লেখাইনি যে ভক্তজ্ঞানের সেবেল এঁটে মোটা মোটা মিথ্যা কথা পাচার করবো। চোখের সামনে দেখতে পাচ্ছি যে কাণ টানলেই যেমন মাথা আসে তেমনি মা লক্ষ্মীকে তুষ্ট করলে পারলেই সঙ্গে সঙ্গে ভগবানেরও তুষ্ট। এই দেখো না, ইউরোপের ব্যাপার। ওরা হপ্তায় ছ’দিন মা লক্ষ্মীর সেবা করে আর রবিবারে গির্জায় গিয়ে একবার ভগবানকে সেলাম করে আসে। আর আমাদের দেশে দিন নেই, রাত নেই, আমরা ‘প্রভু হে, দয়াল হে’ বলে কেঁদে কেঁদে মরচি। কিন্তু প্রভু যে আমাদের ওপর তার জন্তে ওদের চেয়ে বিশেষ-কিছু খুসী হয়েছেন, তার ত প্রমাণ পাইনি। ওরা তবু পেট ভরে খেতে পায়, আর আমরা পেটের জ্বালাটা আধ্যাত্মিকতার প্রলেপ দিয়ে শীতল করি।”

কবিকঙ্কণ বলে উঠলো—“না পণ্ডিতজী; এ কথাটা আপনার মনে লাগছে না। শাস্ত্রে বলে’ গেছে ভগবানের পূজা করলেই লক্ষ্মীর পূজা করা হয়; ভগবানের তুষ্টিতেই লক্ষ্মীর তুষ্ট।”

পণ্ডিতজী বললেন—“ই্যাগো কর্ত্তা, হাঁ। কিন্তু নাকি স্মরে কান্নাটাই যে ভগবানকে তুষ্ট করবার প্রকৃষ্ট পন্থা, এ কথা শাস্ত্র কোথাও বলেনি। শাস্ত্র বরং উল্টো কথাই বলে গেছে যে, বৈরিভাবে সাধন করলে তিন জন্মে যা পাওয়া যায়, খোসামোদ করে’ পেতে গেলে তাতে সাতজন্ম লাগে। মডারেটদের স্থান কোথাও নেই—না আধ্যাত্মিক জগতে, না আধিতোত্তিক জগতে।

আধ্যাত্মিক গবেষণা ক্রমে আধিতোত্তিকের দিকে গড়িয়ে আসছে দেখে গদাই ক্ষুভিত চোটে বলে ফেললে—“হায় রে, এ তবু যদি আমাদের আধিতোত্তিক নেতারা বুঝতেন, তা’হলে আজ কি তাঁদের কবিকঙ্কণের মত স্মর করে গাইতে হতো,—

সখি, স্বরাজ না এল;
অবশ অজ, শিথিল কচ্ছ,
ঐ ডিসেম্বর ফুরাল।”

তার সাধের কবিতার এই রকম বেয়াদা parody শুনে কবিকঙ্কণের পিঁপু জ্বলে গেল। সে ধাঁ করে লেপখানা ফেলে দিয়ে একেবারে

রুজুমুত্তি ধরে' গদায়ের ঘাড়ের উপর লাফিয়ে পড়ে' বললে—“খামা তোর কবিতা, পাঞ্জি ; নৈলে তোর গলা টিপে মেরে ফেলবো।”

গদাই লেপের ভিতর ঢুকে গিয়ে কীৰ্ত্তনের সুরে পাইতে লাগলো—

“আমি মরি তাহে কতি নাই হে,

তোমার non-violent নামে যে কলঙ্ক হবে,

তোমার স্বরাজ যে আরও পিছিয়ে যাবে।”

কবিকঙ্কণ ফুঁকুসুরে বললে—“তোমার মত পাষাণ থাকতে স্বরাজের কোনো আশা নেই। আগে আমি তোর গলা টিপে মারবো, তারপর দরকার হয়ত দিন তিনেক উপোস করে' প্রায়শ্চিত্ত করবো।”

গজ-কচ্ছপ বুকের পুনরভিনয় হবার জোগাড় দেখে সবাই হুড়মুড় করে লেপ ছেড়ে উঠে পড়লুম। আধ্যাত্মিক, আধিতোত্তিক, সব গবেষণাই সে-দিনকার মত মাঠে মারা গেল।

নদের চাঁদ

“আরে নদের চাঁদ হঠাৎ ভূতলে উদয় যে।”—বলে তাড়াহুড়া উঠে গিয়ে পণ্ডিতজী নদেরচাঁদকে জাপটে ধরলেন।

নদেরচাঁদ মুসলমানের ছেলে। আসল নাম সেখ ইসমাইল। দিব্যি ফুটুফুটে গৌরবর্ণ দীর্ঘকায় সুপুরুষ! নদেজেলায় বাড়ী বলে পণ্ডিতজী তার নাম রেখেছিলেন নদের চাঁদ।

জাপটা-জাপটি শেষ হবার পর পণ্ডিতজী তার আপাদমস্তক নিরীক্ষণ করে বললেন—“তোমার আবার এ কি হোলো? তোর সেই বালঝুগা সতের গণ্ডা বোতাম জাঁটা আলথেল্লা কোথা গেল? তোর সেই লাল তুর্কি ফেজ কই? তোর চাঁচর চিকণ বাবরীর এমন দশা করলে কে? আজ তোর পায়ে চটি জুতো, আর গায়ে খন্ডবের চাদর—এ আবার তোর কি বেশ?”

নদেরচাঁদ খুব খানিকটা প্রাণখোলা হাসি হো হো করে' হেসে নিয়ে বললে—

“আমি তুরীমানন্দে ছুটে চলি,

আমি উন্মাদ, আমি উন্মাদ,

আমি সহসা আমারে চিনেছি, আমার খুলিয়া গিয়াছে সঙ্ক-বধি।

এবার আমদাবাদে গিয়ে আমার তুর্কি হবার সখ মিটেছে। তাই ফেজটি আমার খসে গেছে।

এই আক্কেল হয়েছে যে আমি মুসলমান বটে, কিন্তু বাঙালী, তুর্কি নই।”

পণ্ডিতজী তার মুখের দিকে চূপ করে' চেয়ে রইলেন।

নদেরচাঁদ পণ্ডিতজীকে চূপ করে' চেয়ে থাকতে দেখে জিজ্ঞেস করলে—“এন্তার পাশাকে স্বাধীন ভারতের সেনাপতি করবার প্রস্তাবটা শোনেন নি?”

পণ্ডিতজী বসলেন—“ওঃ? তাই বটে। হাঁ শুনেছি বৈ কি। কিন্তু তা শুনে ত ফেজটা আরও শক্ত করে' মাথায় জাঁটা উচিত ছিল। তুই সেটা খুলি কি ভেবে?”

নদের চাঁদ বললে, আমার পাশে একজন পাঠান বসেছিল; সে বললে—‘কাবুলের দরবার থেকে চেয়ে পাঠালে কাবুলের আমীরও একজন সেনাপতি পাঠিয়ে দিতে পারেন।’ কাবুলীওয়ালারা এসে ভারতের সেনাপতি হবে—কথাটা আমার একটা বিরাট ঠাট্টা বলে মনে হোলো। অথচ তুর্কী যদি সেনাপতি হ'তে পারে ত কাবুলীই বা কি দোষ করলে? তুর্কিও মুসলমান, কাবুলীও মুসলমান। তুর্কীদের সঙ্গে কখনও আমার যোলায়েশা হয়নি; কিন্তু কাবুলী যে কি চিহ্ন, তা বিলক্ষণই জানি। যে ভারতে কাবুলীওয়ালাকে সেনাপতি করতে হবে, সে ভারত কি রকম স্বাধীন, তা আমি ভেবে উঠতে পারছি নে। তারপর কাবুলীর মাথার দিকে চেয়ে দেখলুম যে তুর্কি ফেজের নাম গন্ধও নেই। তখন আমার মনে হোলো কাবুলীও ত মুসলমান; কিন্তু সে ত তুর্কি সাজতে যায় না। আচার, ব্যবহার, পোষাক পরিচ্ছদে নিজের দেশের কায়দা-কানুন বজায় রাখে; কিন্তু আমরা মুসলমান হলেই নিজের দেশের যা কিছু সব ছেড়ে দিয়ে তুর্কি ফেজ মাথায় তুলি কেন? আরবী, ইরানী, তাতার, আফগান সবাই মুসলমান—কিন্তু কেউ নিজের দেশের ছেড়ে অপরের পোষাক পরতে যায় না। আমরাই বা কোরবো কেন?”

পণ্ডিতজী হাসতে হাসতে বললেন—“আমাদের দেশী খ্রীষ্টানেরা যে জন্তে পীতলুন পরে ফিরিঙ্গি সাজতে যায়, তোমরাও সেইজন্তে ফেজ মাথায় দিয়ে তুর্কি সাজো।”

নদেরচাঁদ বললে—“কথাটা অগ্রিয় হ'লেও ঠিক। বিদেশীর কাছে থেকে যারা ধর্ম পেয়েছে, তারা ধর্ম নেবার সঙ্গে সঙ্গে বিদেশী আচার ব্যবহারও নিয়ে নেয়। তারা ভাবে ওগুলো না হ'লে ধর্মটা খোলতাই হয় না। অথচ ধর্মের সঙ্গে এ সমস্ত বাইরের

আচারের এমন ত কোন ঘনিষ্ঠ সম্বন্ধ নেই। আজ যদি আপনি চীনেয়ানের কাছ থেকে কংফুজের ধর্মে দীক্ষিত হন, তা'হলে আপনাকে আরমুলা বা টিক্‌টিকির চাটনি যে কেন খেতে হবে, তা ত বুঝতে পারছিলেন। সাত হাত নলের ভিতর দিয়ে চতুর খোঁয়া না টানলে কংফুজ চোটে যাবেন—এই বা কেমন আবার ?”

টিক্‌টিকির চাটনির কথা শুনে হলধর খুড়ো মুখ সিঁটুকে বললে—“আরে খুঃ।”

পণ্ডিতজী বললেন—“খুড়ো হে, অত নাক সিঁটুকো না। স্বরাজের যে রকম পরশ্রমপদী আয়োজন, তাতে অদৃষ্টে কি যে ঘটবে তা বলা যায় না। মুসলমানেরা যদি বলেন যে স্বাধীন ভারতের সেনাপতিকে তুর্কিস্থান থেকে আমদানি করতে হবে, তা'হলে চাটগাঁয়ের বোদ্ধ মগেরা আর ব্রহ্মদেশের হুজিরাও ঠিক করতে পারেন যে, একজন চীনে বা জাপানী জাঁদরেল না হলে তাঁদের চলবে না। হিন্দুরা যে রকম উদ্ভট সাঙ্ঘিক হয়ে দাঁড়িয়েছে, তারা বেগভিক দেখলেই পদ্মাসনে ধ্যানস্থ হয়ে তুরীয় লোকের চর্চা করতে আরম্ভ করে দেবে। তখন মুলতান মামুদ আস্বেন কাউন্ট ওকুমাকে তাড়াবার জন্তে, আর কাউন্ট ওকুমা আস্বেন মুলতান মামুদকে তাড়াবার জন্তে। দুজনেই আমাদের শুভার্থী; সুতরাং আমাদের একটা গতি না হওয়া পর্যন্ত দুজনকেই কোত্তাকৃষ্টি করতে হবে। আর কার গুতো বেশী মিষ্টি তা পরীক্ষা করবার আমাদের যথেষ্ট অবসর মিলবে। কাউন্ট ওকুমা যদি হাওয়া বদলাবার জন্তে দিনকতক এ দেশে থেকে যান, তা'হলে বরাতের জোরে টিক্‌টিকির চাটনি জুটেও যেতে পারে। শেষে বলতে হবে—

খাচ্ছিল তাঁতি তাঁত বুনে,
কাল হলো তাঁতির এঁড়ে গরু কিনে।

বিদেশী এঁড়ে গরু কেনবার জন্তে আর ঘরের তাঁত বিক্রি করা কেন ? নিজেদের যদি মর্দানি না থাকে, ত পরের মর্দানি ধার করে আর কত কাল চলবে ?”

হলধর খুড়ো মাথা চুলকুতে চুলকুতে বললেন—“তাই তো, পণ্ডিতজী, তুমি ভাবিয়ে তুললে যে। ঘরে ফিরে সেই বিদেশী ঝুঁর প্রেমে যদি পড়তে হয়, তা'হলে জেনেরাল ডায়ার আর দোষ করলে কি ? তার চেয়ে আমি বলি কি, জনকত মডারেট আর ফিরিঙ্গিকে ধরে একদিন চুপোগলিতে স্বরাজ

ঘোষণা করিয়ে দাও। সঙ্গে সঙ্গে লাট রিডিংকে বড়লাট আর লাট লিটনকে বাংলার লাট নির্বাচন করে ফেল। একবৃন্তে রাজভক্তি আর স্বরাজ দুই এক সঙ্গে ফুটে উঠবে।

হলধর খুড়োর অহিংসা

হলধর খুড়ো আহাঙ্গাদি করে ওঠবার সময় গদাইকে হুকুম করলেন—“ওরে একবার পাঁজিখানা দেখ ত। আজ চতুর্দশী পড়েছে বলে মনে হচ্ছে; তা'হলে তো আমিষ-ভোজন আজ নিষিদ্ধ। তোরা যে এক রকম জোর করেই গলদা চিংড়ির ডালনা খাইয়ে দিয়ে আমার ধর্ম নষ্ট করে দিলি, এতে পরকালে তোদের কি অবস্থা হবে, তা একবার ভেবে দেখেছিস ?”

গদাই তাড়াতাড়ি পাঁজির পাতা ওন্টাতে ওন্টাতে বললে—“না, খুড়ো, চতুর্দশী পড়তে এখনো তিন অন্নপল, আড়াই বিপল বাকি। সুতরাং আপনার ধর্মটা খুব প্রাণে প্রাণে বেঁচে গেছে। আর তা ছাড়া চিংড়ি মাছ ত খুব সাঙ্ঘিক আহার; আমিষের মধ্যেই গণ্য নয়। দেখেছেন ত চিংড়ি মাছের খোঁসা ছাড়ালাই একেবারেই অমল ধবল দিব্য কাস্তি বেরিয়ে পড়ে। যা শ্বেতবর্ণ, তা যে সাঙ্ঘিক, এ একেবারে শাস্ত্রের কথা।”

খুড়ো ঘাড় নাড়তে নাড়তে বললেন—“হাঁ, তা বটে, তা বটে! তবু দেখিস বাপু, আহাঙ্গ-বিহারের ব্যবস্থাগুলো তোরা একটু সাবধান হ'য়ে করিস। দেখিস যেন আমার সাঙ্ঘিকতা না নষ্ট হ'য়ে যায়। দেশ-কালের অবস্থা বুঝে আজকাল আমি কায়মনোবাক্যে অহিংসা প্র্যাকটিস্ করছি তা ত জানিস। রাত্রে মশা-ছারপোকাকার জালায় ঘুম হয় না, কিন্তু ভয়ে মারতে পারিনে, পাছে মনে হিংসাবৃত্তি চুকে যায়। একবার ছারপোকা মারতে আরম্ভ করলে শেষে কি করতে কি করে ফেলবো তা ত বলা যায় না।”

গদাই বিনীত ভাবে বললে—“না খুড়ো, সে ভয় নেই। তোমার শরীরের গ্রন্থি সাঙ্ঘিকতার প্রভাবে যে রকম শিথিল হ'য়ে এসেছে তাতে মশার অদৃষ্টে মৃত্যু লেখা না থাকলে সে আর তোমার হাতে মারা পড়বে না। তুমি মারতে গেলে সে হাসতে হাসতে উড়ে চলে যাবে।”

খুড়ো খুব অনাসক্ত ভাবে একটা হাই তুলতে তুলতে বললেন—“অহিংসা-সিদ্ধির লক্ষণই হচ্ছে তাই।”

গদাই জোড়হস্ত হ’য়ে জিজ্ঞেস করলে—“আচ্ছা, খুড়ো, তা’হলে আমাদের মত রাজসিক জীবন্তুলোর কি গতি হবে? রাত্রে ঘুমের ব্যাঘাত হলে যদি মশাগুলোকে সান্ত্বিক ভাবে ধরে’ আশ্তে আশ্তে তাদের কাণ মলে ছেড়ে দেওয়া যায়, তা হলেও কি ধর্মে পতিত হবার ভয় আছে?”

খুড়ো বললেন—“বড় কঠিন কথা, গদাই; বড় কঠিন কথা জিজ্ঞেস করেছ। ও সম্বন্ধে অহিংসা-সংহিতায় কোনো অনুশাসন দেখতে পাওয়া যাচ্ছে না। আসল কথা হচ্ছে কি জান—মশা হলেন কৃষ্ণের জীব। সুতরাং তিনি যখন লীলাচ্ছলে তোমার অঙ্গে হল ফোটাতে আরম্ভ করবেন, তখন তুমি সেই মশার অন্তর্যায়ী ভগবানকে প্রার্থনা দ্বারা তোমার দুঃখের কাহিনী জানিয়ে দিতে পার। খুব আন্তরিক বিশ্বাস নিয়ে যদি এ কাজ করো তা’হলে একদিন-না-একদিন মশা তোমার দুঃখে কাতর হয়ে অস্ত্র উড়ে যাবেন। তা না করে’ তুমি যদি সরাসরি ব্যবস্থা করে’ মশার হাত থেকে উদ্ধার পেতে চাও, তা’হলে বুঝতে হবে যে, মশার হৃদবিহারী ভগবানের ওপর তোমার প্রত্যাভক্তি নেই; অর্থাৎ তুমি নাস্তিক; আর তোমার ব্যবহার হোলো petulant আর vindictive.”

গদাই কঁাদ কঁাদ হ’য়ে বললে—“না, না, ও-রকম ভীষণ অপবাদ আমায় দেবেন না। আপনি হলেন ভগবানের প্রাইভেট সেক্রেটারি। সুতরাং আপনি যদি বলেন যে, তেড়ার দুঃখে বাঘের চোখ জলে ভেসে যাবে, বা মাছের শোকে বক বানপ্রস্থ অবলম্বন করবে—তা সে কথা প্রত্যক্ষের বিরুদ্ধ হলেও আমি প্রাণে প্রাণে বিশ্বাস কোরবো, আর কেউ যদি বিশ্বাস করতে না চায় ত তার গলার কণ্ঠি হিঁড়ে দেবো। আমি শুধু এই কথা জিজ্ঞেস করছিলাম যে, মশার অন্তর্যায়ী ভগবান সাড়া দিতে যদি একটু বিলম্ব করেন, তা’হলে মশা মশায়ের নাকটা বা কাণটা টেনে দিলে ভগবানের একটু শ্রদ্ধা সাড়া দেবার সুবিধা হবে কি না।”

খুড়ো গদায়ের বিনয়ে গ্রাস হ’য়ে বললেন—“যুদ্ধে দেখো মশার ভগবান সাড়া দেবার আগেই ম্যাশেরিয়া সাড়া দিতে আরম্ভ করেছে, তখন না হয় মশাগুলোকে বস্তায় পুরে সমুদ্রের জলে ভাসিয়ে দিও। বাংলাদেশের যা কিছু, সব সমুদ্রের

জলে ভাসিয়ে দেবার খোলা হুকুম ত পাওয়াই গেছে।”

গদাই হাত জোড় করে’ বললে—“ধন্য, খুড়ো, তুমিই ধন্য। তোমার মীমাংসা শুনে’ আমার মলিন বুদ্ধি চকচকে হ’য়ে উঠলো। যদি অভয় দাও, ত আর দু-একটা সন্দেহ ভঞ্জন করে’ নিই।”

হলধর খুড়ো স্মিতবদনে বললেন—“বলো।”

গদাই জিজ্ঞেস করলে—“রামায়ণ-মহাভারতে অবতার পুরুষদের হিংসাবৃত্তি সম্বন্ধে যে-সব অকথা কুকাণ্ড শুনতে পাই, সে-গুলো কি সত্যি? রামচন্দ্র নাকি একলক্ষ পুত্র আর সত্তালক্ষ নাতি সমেত রাবণ রাজার প্রতি অতি vindictive ব্যবহার করেছিলেন; আর সান্ধ্য ভগবান শ্রীকৃষ্ণ নাকি কুরুক্ষেত্রের যুদ্ধ বাধিয়ে দিয়েছিলেন আর অস্ত্রদের সঙ্গে এমন ব্যবহার করেছিলেন, যা ঠিক অহিংস নয়?”

খুড়ো উত্তেজিত হ’য়ে বলে’ উঠলেন—“তুই ও সেকালে রামায়ণ মহাভারতগুলো পুড়িয়ে ফেলে গন্ধার জলে ভাসিয়ে দে। জানিস্ ত, বাঙ্গালীক মুনি আগে ছিল একটা গুণ্ডা। রামায়ণ লেখবার সময়ও তাহার গুণ্ডামি-বুদ্ধি ছাড়াই, তাই রাম-চরিত্রে সে এমন কলঙ্ক দিয়ে গেছে। আসল গুণ্ডারাতী রামায়ণের আমি যখন বাংলা অনুবাদ বার করবো, তখন তুই তা পড়ে’ দেখিস্। একটা সোজা কথা তোরা ভেবে দেখনা যে, রামচন্দ্র যদি রাবণের বংশ লোপাট করেই দিয়ে গিয়ে থাকেন, তা’হলে দুনিয়ায় আবার এত রাক্ষস জন্মাল কোথা থেকে? আর শ্রীকৃষ্ণ রক্তপাতও করেন নি, অস্ত্রধারণও করেন নি। রণের চাকাটা ত আর Arms Act-এর মধ্যে আসে না! আসল যা খাটি রামায়ণ আর মহাভারত, তা আমি তোদের আর একদিন শুনিতে দেবো। আজ এখন যা। আমি একটু ঘুমাই।”

—

সান্ত্বিকতার সহজ পন্থা

কি হোলো পণ্ডিতজীর, কে জানে? চোরিচোরার দুঃশংবাদ শুনে অবধি সেই যে তিনি তাঁর চামচিকি-বিনিমিত অনন্তশয্যা আঁকড়ে হম্‌ড়ি খেয়ে শুয়ে পড়েছেন, এই তিন দিন হোলো তাঁর নড়ন চড়ন নেই! ক্রমে খড়মের উপর আঙ্গুলের

দাগের মত তাঁর শ্রীঅঙ্গের ছাপ মাথার বালিসে আর বিছানার তোবকে engraved হ'য়ে উঠলো, ঘরে এক ইঞ্চি পুরু ধুলো জমা হোলো; মাঝাড়শারা সুরোগ পেয়ে তাঁর টিকি থেকে দেওয়ালের কোণ পর্যন্ত অনেক রকম দুর্লভ স্বদেশী আর্টের সৃষ্টি করতে লাগলো। এমন কি তাঁর শ্রী-অঙ্গের হাইক্লাস ইয়োলো কাফ লেদারের মত রংটুকু ভূশো-পড়া লঠনের মত মলিন হ'য়ে গেল। আমরা সবাই ভাবিত হ'য়ে উঠলুম। পণ্ডিতজীর পরমভক্ত ভোজপুরী দরওয়ান রামশরণ সিং তো একদিন তাঁর সঙ্গে দেখা করতে এসে একেবারে ঘেউ ঘেউ করে' কেঁদে ফেললে। বেচারীর ভয় হোলো পাছে বাবাঠাকুর এইবার দেহ রক্ষা করে' দেন।

হলধর খুড়ো তাকে সাহুনা দিয়ে বললেন, রামশরণ, তুই ভাবিসনে। আমি পণ্ডিতজীর ঠিকুজী দেখেছি, তাঁর পরমায়ু ১০৮ বছর। ঐ যে গুঁর ভূঁড়িটি দেখছি, ওটি একটি Famine Insurance Fund। উনি যদি বছর কতক অনাহারে যোগ-নিজায় পড়ে থাকেন, তবু গুঁর প্রাণবায়ু বা অপানবায়ু পথ হারিয়ে বেরিয়ে যাবে না। গুঁর অন্তরে অন্তরে জ্ঞান চুনটন করচে। বিশ্বাস না হয়, বরং দু-একটা রাবচিমাটি কেটে দেখতে পারিস্।

রামচিমাটির নাম শুনেই হোক, বা কোন সূক্ষ্ম আধ্যাত্মিক কারণেই হোক, পণ্ডিতজী চক্ষুস্মীলন করে' উঠে বসলেন। আমাদের উড়ে ঠাকুর চোল-গোবিন্দকে ডাক দিয়ে বললেন—“আমার জন্তে এক ছটাক আতপ চাল, আধ পয়সার আগল গন্ধর ঘি, আর পোনু পয়সার কাঁচকলা নিয়ে আয়। আজ আমি হবিষ্যি কোরবো।”

৮২১/০ ওজনের পাঁচপো চালের সোপকরণ অল্প বে উদরে তলিয়ে যেত, সেখানে এক ছটাক হবিষ্যি কি রকম দিশেহারা হ'য়ে ঘুরে বেড়াবে, আমরা তাই ভেবে কাতর হ'য়ে পড়লুম। রামশরণ আবার ডুকরে কেঁদে উঠলো। পণ্ডিতজী তখন সরেহে বললেন—“কাঁদিসনে, রামশরণ কাঁদিসনে। তোদের জন্তেই আমার এ কর্মভোগ। এতদিন যে তোদের আগল রামায়ণ মহাভারত পড়ালুম, সব ভস্মে ঘি ঢালা হ'য়ে গেল। তোদের মন থেকে এখনো রাগ-ঘেব গেল না। তোরা হট করতেই লাঠি চালাস্ আর লোককে অগ্নিপঙ্ক করে' তুলিস্। এমন করলে দেশে স্বরাজই বা আসবে কি করে, আর সত্যযুগই আসবে কি করে’?

হলধর খুড়ো বললেন—“আমি সে দিন পাঁজিতে দেখলুম যে, সত্যযুগ আসতে আর মাত্র হাজার কয়েক বৎসর বাকি। এ কটা দিন যদি সবাই মিলে যোগনিজা দিতে পারে, তা'হলে আর স্বরাজের জন্তে ভাবতে হয় না। ঘুম থেকে উঠলেই স্বরাজ পাকা খেজুরটির মত টুপ করে' গৌফের ডগায় এসে পড়বে।”

পণ্ডিতজী বললেন—“হ্যাঁ, তা হয় বটে; কিন্তু যোগনিজা দেওয়া ত আর যার তার কাজ নয়। ষাঁরা দেবার, তাঁরা ত দিচ্ছেনই, এখন এই সব বাজে লোকগুলোকে নিয়ে করা যায় কি?”

খুড়োও তাঁর কথাই প্রাতিধ্বনি করে' বললেন—“তাই ত, করা যায় কি?”

পণ্ডিতজী বললেন—“বাংলাদেশের জন্তে বিশেষ কিছু ভাবতে হবে না। ম্যালেরিয়ার কল্যাণে বাংলা প্রায় সাস্থক হ'য়ে পড়েছে। বাঙ্গালীর মহাভারত পড়া সার্থক হয়েছে। দেখ, যুধিষ্ঠির যখন শশরায়ে স্বর্গে গেলেন, তখন ভীম, অর্জুন, নকুল, সহদেব, সবাই অর্দ্রেক রাস্তায় কাৎ হ'য়ে পড়লেন। সঙ্গে গেলেন শুধু কুকুর-রূপী ধর্ম। ধর্ম যে কেন কুকুররূপী, তার মর্ম শুধু বাঙ্গালীই বুঝেছে।”

হলধর খুড়ো বললেন—“আজ্ঞে হাঁ; ওটা যা বলেছেন, তা খুবই ঠিক। প্রভুর মুখের দিকে হাঁ করে' চেয়ে থাকতে, পদলেহন করতে, উচ্ছ্রষ্ট খেতে আর স্বজাতিকে দেখে ঘেউ ঘেউ করতে আমাদের আর জুড়ি নেই। কুকুর-রূপী ধর্ম এবার ষোল আনা আমাদের কাঁধে ভর করেছেন।”

পণ্ডিতজী বললেন—“সুতরাং বাঙ্গালীব জন্তে আমার ভাবনা নেই; তারা ত যুধিষ্ঠিরের সঙ্গে স্বর্গে যাবেই। কিন্তু যাদের দেশে ম্যালেরিয়া নেই, ডিস্‌পেন্‌সিয়া নেই, যারা ঘড়পোড়ান মহাবীরের পূজো করে, এ যুগে তাদের গতি কি হবে? তাদের কি করে' সাস্থিক করা যায়?”

হলধর খুড়ো বললেন—“আচ্ছা পণ্ডিতজী, ওদের দেশে হস্তমানের পূজো উঠিয়ে দিয়ে যদি উড়িয়া জগন্নাথের পূজো প্রচলিত করা যায়, তাহলে শ্রীভগবানের চুঁটো রূপ দেখতে দেখতে ওদের লাঠিধরা হাতগুলো ক্রমশঃ পঙ্কু হ'য়ে পড়তে পারে না?”

পণ্ডিতজী বললেন—“ঠিক ব'লেছ। বতকণ ওদের হাত আছে, ততকণ ওদের সাস্থিক হবার উপায় নেই। ওদের চুঁটো না করতে পারলে

দেশে আধ্যাত্মিক স্বরাজ আসবে না। হাত দুখানি ওদের যদি জগন্নাথ-মার্কী হ'য়ে যায়, তাহ'লে সিভিল ডিসোবিডিয়েন্সের সময় আর শাস্তি-ভঙ্গের ভয় থাকবে না। এদেশে ত তা'হলে স্বরাজ হবেই, তা ছাড়া দেশবিদেশে তখন প্রেমের বগা ছুটে পড়বে। আমি বেশ দিব্য চক্ষে দেখতে পাচ্ছি—ওদের সং দুষ্টান্ত দেখে ফিরিঙ্গিদের মাথা থেকে হ্যাট উড়ে গিয়ে একেবারে যাদ্রাজী টিকি গজিয়ে উঠবে, যেম সাহেবদের মুখের পাউডার রসকলিতে পরিণত হবে। সব বিড়ালাকী দাঁড়কাকাকী হয়ে যাবে। টাউসারগুলো কোপীন আর কোটগুলো আলখেল্লা হ'য়ে যাবে। হাইলাণ্ডারেরা প্রেমের ভরে খিন-তা-খিনা করে' নাচতে থাকবে, তাদের রাইফেলগুলো বাঁশের বাঁশরী হ'য়ে দাঁড়াবে, আর বিলেত একেবারে নবরূপ হ'য়ে পড়বে। ঠিক বলেছ খুড়ো, তোমার মেধ-নাড়ী খুলে' গেছে। এখন চল, হুঁটো জগন্নাথের মহিমা প্রচার করে' বেড়ান যাক।”

—

আসন্ন রামায়ণ

হলধর খুড়োকে একখানা পুঁথি বগলে করে ঘরে ঢুকতে দেখে, গদাই আন্নার ধরে' বোললো—“খুড়ো, আজ তোমার রামায়ণ শোনাতেই হবে। আমি দু'হস্তা ধরে ইঁ করে' বসে' আছি, আর এদিকে তোমার দেখা-সাক্ষাৎ নেই।”

হলধর খুড়ো পাঁজিখানা টেবিলের উপর রেখে বিরস্তির সুরে বললেন—“আর দুঃখের কথা বলিস্ কেন গদাই। ঘোষেদের ছোটগিন্নির বুড়ো বয়সে ধর্মেকর্মে মতিগতি হয়েছে, তাই তাঁকে মানভঙ্গনের পালা শোনাতে গেছলাম। কথায় বলে, বুজ্জা—”

গদাই শেষ কথাগুলো চাপা দিয়ে বলল—“ছোটগিন্নির কথা ছেড়ে দাও খুড়ো। তাঁর জীলার আদিও নেই, অন্তও নেই। তাঁর জন্তে ত আর রামায়ণ পাঠ বন্ধ থাকতে পারে না। তুমি আরম্ভ করে' দাও;”

খুড়ো প্রসন্ন হ'য়ে চেয়ারের উপর বসে পুঁথিখানি খুলতে খুলতে বললেন—“এ খাটি রামায়ণের—আয় বোল আনাই কিষ্কিন্দ্যাকাণ্ড। বৈদিক মূনির রামায়ণের সঙ্গে এর তফাৎ অনেকখানি। তবে এখানি যে রকম সাংস্কৃতিক হ'তে

চালা, তাতে এইখানিই যে আদি ও অকৃত্রিম, সে বিষয়ে আর সন্দেহ নেই। রামচরিত্র পড়লেই মনে হয়—ইঁ, এ রাম আমাদেরই অবতার বটে। আমাদের ধাতের সঙ্গে একেবারে খাপে খাপে মিলে যায়। এ রামের প্রকৃতি যেমন মধুর, তেমনি মোলায়েম।”

গদাই ভাবে বিভোর হ'য়ে বলে' উঠলো—“আহা, যেমন রামরম্ভা।”

• ভাবগ্রাহী শ্রোতা পেয়ে হলধর খুড়ো আরম্ভ করলেন—

“শ্রীরামচন্দ্র যখন অযোধ্যাপুরী আঁধার করে' দণ্ডকারণের মাঝখানে আশ্রম তৈরি করে' বসলেন, তখন তাঁর দিন কাটতে লাগলো মন্দ নয়। তাই লক্ষণ তীর-ধনুকগুলি ভেঙ্গে আশ্রমের চারিদিকে বেড়া দিলেন, রাক্ষস, ভূত, প্রেত, পিশাচ না সেখানে ঢুকতে পারে। ভক্ত হুম্মান কিষ্কিন্দ্য থেকে কলা, মূলা, বার্তাকু সরবরাহ করতে লাগলেন। মা জানকী প্রভুর পদসেবা করেন আর মাঝে মাঝে চরকা কাটেন। স্বয়ং প্রভুপাদ আহার করেন, নিদ্রা যান, আর মাঝে মাঝে আশ্রিত বানরসভ্যকে তত্ত্বোপদেশ দেন।

“কিন্তু বিধাতার এমনি কি বিড়ম্বনা—কলা মূলা খেয়ে খেয়ে মা জানকীর অকচি হ'য়ে গেল। তিনি লক্ষণকে একদিন চুপি চুপি বললেন—“লক্ষণ, তোমরা অযোধ্যার লোক, তোমাদের কাঁচামূলা আর একটু মুন হলেই চলে; কিন্তু মিথিলায় আমাদের একটু আমিষ না হলে কোন জিনিষ মুখে রোচে না। একদিন গোদাবরীতে ছিপি ফেলে দুটো মাছ ধরে আনতে পারো না?” লক্ষণ আমিষের নাম শুনেই কাণে আজুল দিয়ে বললেন—“আরো? আমিষের দিকেই যদি মতিগতি থাকবে, তো আমরা রাজ্য ছেড়ে বনবাসী হবো কেন? যদি অমুমতি দেন তো গোদাবরীর চড়া থেকে খুব সাংস্কৃতিক পোশাক আপনাকে এনে দিতে পারি। কিন্তু আপনার জীব-হিংসার প্রস্তাব যদি আর্থ্য একবার শুনতে পান, তো তিনি আমাদের ছেড়ে উদাসী হয়ে হিমালয়ে চলে যাবেন।”

তখন মা জানকী পা ছড়িয়ে বসে' কাঁদতে কাঁদতে শিরে কঙ্কণঘাত করতে লাগলেন। শেষে কঁদে কঁদে যখন পরিশ্রান্ত হয়ে পড়লেন, তখন ঠিক করলেন যে, আশ্রম ত্যাগ করে বাপের বাড়ী চলে' যাবেন। মেয়ে মানুষের মন—অভিমান হ'লে ত আর রক্ষা নেই। লক্ষণ যখন একটু

সাক্ষ্যসমীক্ষণ সেবন করিতে বেরিয়েছেন, আর রামচন্দ্র ধ্যানস্থ হয়ে তামাক সেবন করতেন, তখন তিনি গয়নার পুঁটুলিটি বগলে করে' আশ্রমের খিড়কী-দরজা দিয়ে বেরিয়ে পড়লেন। একে জঙ্গল, তার রাত, তার ওপর স্বীলোক। রাস্তা ভুলে তিনি উত্তর দিকে না গিয়ে একেবারে দক্ষিণ দিকের রাস্তা ধরে রাবণ রাজার মল্লকে গিয়ে হাজির হলেন। সঙ্গে পাসপোর্ট নেই। সুতরাং রাবণ রাজার প্রহরী তাঁকে গ্রেপ্তার করে' একেবারে অশোক বনের অবলা-ব্যারাকে নিয়ে গিয়ে হাজির।

“এদিকে রামচন্দ্রের মনে একটু চা খাবার অভিজ্ঞা উদয় হওয়ায় যখন তাঁর ধ্যানভঙ্গ হোলো, তখন তিনি দেখলেন যে, জানকীও আশ্রমে নেই, আর উম্মনেও আগুন দেওয়া হয়নি। হাহাকার করে' তিনি আর্ধ্যসম্মত প্রথায় ভূমিতলে মুচ্ছা গেলেন। লক্ষণ ফিরে এসে যখন মুখে-চোখে জলের ঝাপটা দিয়ে রামের মুচ্ছাভঙ্গ করলেন, তখন রামচন্দ্র লক্ষণের গলা জড়িয়ে ধরে' কাদতে কাদতে বললেন—‘ভাই লক্ষণ রে, সীতা বিহনে এই বয়সে বুঝি বা আমার বঙ্কল পবুতে হয়! হয় তুই সীতাকে খুঁজে এনে দে, নয় ত আমার আর-একটা বিয়ের জোগাড় কর।’ লক্ষণ আর্ধ্যপুত্রকে এই রকম বিহ্বল দেখে হুমুমানকে স্মরণ করলেন। হুমুমান এসে ব্যাপারটা বুঝে নিয়ে বললেন—‘কুছ পরোয়া নেই, আমি এখনি এর ব্যবস্থা করছি।’

“হুমুমানের যে কথা সেই কাজ। তিনি তড়াক করে' গন্ধমাদন পর্বতের উপর চড়ে' দূরবীণে স্বর্গ, মর্ত্ত, পাতাল তন্ন তন্ন করে' খুঁজতে খুঁজতে দেখতে পেলেন যে, রাবণ রাজার অবলা-ব্যারাকে চেড়ী-পরিবৃত্তা হয়ে মা জানকী ‘হা আর্ধ্যপুত্র, হা নাথ’ বলে বুক চাপড়াচ্ছেন আর বলছেন—‘আর আমি বাপের বাড়ী যাব না, আর মাছ খেতে চাইব না।’

‘মা জানকীর এই অবস্থা দেখে ক্রোধে হুমুমানের লাস্কুল দশ যোজ্জয় বিস্তৃত হয়ে পড়লো। তিনি গন্ধমাদন থেকে নেমে পড়ে রামচন্দ্রের কাছে হাত জোড় করে' বললেন—‘প্রভু, হুমু দিন, এখনি আমি রাবণের দশটা মাথা ছিঁড়ে নিয়ে আসি।’ রামচন্দ্র মুছ-সম্ভাবনা দেখে ঈষৎ চিস্তিত হয়ে পড়লেন। মুখে বললেন—হুমুমান, তোমার ভক্তি দেখে আমি বিশেষ তুষ্ট হয়েছি, কিন্তু তোমার মন থেকে বতকণ হিংসা-প্রবৃত্তি না যাচে, ততক্ষণ তুমি

মুছ করতে যেনো না। সান্ত্বিক ভাবে মুছ যে করবে, তার অঙ্গ হিম হ'য়ে যাওয়া চাই, তার রক্ত জল হ'য়ে যাওয়া চাই। অতএব তুমি প্রথমে তিন দিন উপবাস করো।’

“হুমুমান জোড়হস্তে বললেন—প্রভুপাদ, ঐ কার্যটি এ অধমের দ্বারা হবে না। আমাদের বানর-গীতায় লেখা আছে—‘আহারে নিধনঃ শ্রেয়ঃ অনাহারো ভয়াবহঃ।’ খেতে খেতে যদি পেট ফেটেও যায়, তবু আহার ত্যাগ আমি করতে পারিনে, যেহেতু শাস্ত্রেই লেখা আছে—

‘ভোজনে চাষিকারস্তে মা হজমে কদাচন’

“রামচন্দ্র তখন বললেন—তাই ত, হুমুমান, তুমি যে বিপদে ফেললে! তুমি রাবণের সঙ্গে বাক্যযুদ্ধ কর, লাঙুল আক্ষালন কর, তাতে ত আমার আপত্তি নেই; কিন্তু তুমি যে অসান্ত্বিক ভাবে রাবণের মাথা ছিঁড়ে ফেলবে, এতে ত আমি অমুখিত দিতে পাচ্ছি নে। আচ্ছা, আমি স্বয়ং কি ভাবে সীতা উদ্ধার করি, তা তোমরা একবার দেখো।

“এই কথা বলে শ্রীরামচন্দ্র গোদাবরীতে স্নান করে একখানি বিমুছ খন্ডর পরিধান করলেন। তারপর দক্ষিণাশ্রয় হয়ে বসে রাবণকে কুকর্মের জন্ত অমৃতপ্ত করবার সংকল্প করে হ্রীং কটকটায়ৈ স্বাহা মন্ত্র জপ করতে লগলেন।

“চাক্ষুশ খটা এই রকমে কেটে গেল। রামের নড়নও নেই চড়নও নেই। মুখও শুকিয়ে এসেছে। হুমুমান লক্ষণকে আড়ালে ডেকে নিয়ে গিয়ে বললেন—ছোট প্রভু, রাবণ রাজা ভারি জবরদস্ত। তাকে অমৃতপ্ত করার চেয়ে তপ্ত করে তোলা ঢের সোজা। আপনি যদি আমার লেজে এক জাঁটি খড় বেঁধে একটা দেশলাই জ্বলে দেন, তা হ'লে খুব সহজে রাবণকে এক সঙ্গে তপ্ত ও অমৃতপ্ত করে তুলতে পারি। কিন্তু দোহাই, দাদা, বড়-প্রভুর কাছে গিয়ে যেন চুকলি কোরো না।’

“লক্ষণ তাতেই সম্মত হ'য়ে হুমুমানের লেজে খড় বেঁধে দেশলাই জ্বলে দিলেন। হুমুমান ঝাপাং করে' অশোক বনে লাফিয়ে পড়ে উল্লম্বন, বিলম্বন করতে লাগলেন। চেড়ীরা ভয়ে যে যেখানে পারুলে পালালো, আর হুমুমান গয়নার পুঁটুলি সমেত সীতা ঠাকরণকে বগলোঁড়ের জয়রাম বলে' লাফ দিয়ে গোদাবরী তীরে এসে হাজির হলেন।

“মা জানকী কিরে এসেই তাড়াতাড়ি একটু মিছরির সরবৎ তৈরী করে রামচন্দ্রের মুখের কাছে নিয়ে বললেন—নাথ, আমি এসেছি। রামচন্দ্র তখন পদ্মপলাশলোচন উন্মীলন করে হনুমানের দিকে চেয়ে ঈষৎ হাস্য করে বললেন—দেখলে, soul force এর কি তেজ।”

“হনুমান জোড়হস্ত হ’য়ে বলেন—“আস্তে হাঁ, প্রভু, অধম বানর আমি আপনার মহিমা কি বঝবো? লেজের জালা আমার যতদিন থাকবে, ততদিন এর ভস্ম আমি ভুলবো না।”

“হনুমান আবার এক লম্ফে কিঙ্কিঙ্কায় চলে গেলেন। যাবার সময় লক্ষ্মণকে বলে গেলেন—দেখো ছোট-প্রভু, তোমরা দেবতা বলে তোমাদের একটু ভয় হয়। দেখো যেন বেইমানী করে বসো না। আর্ধ্য যদি টের পান যে, তাঁর soul force এর সঙ্গে পান মিশে গেছে, তা হ’লে ভয় হো বলে বসবেন—এ সীতা-উদ্ধার শাস্ত্র-সম্মত হয় নি। সীতাকে আবার অশোক বনে রেখে এসো। তা’হলে কিন্তু তোমাতে আমাতে একচোট বোকা পড়া হয়ে যাবে।”

লক্ষ্মণ ভিত্তি কেটে বললেন—আরে রামচন্দ্র! তাও কি আমি পারি?

হনুমান অন্তরীক্ষে উঠতে উঠতে বলে’ গেলেন—“কিছু বলা যায় না; তোমরা দেবতা, সব পার।”

হলধর খুড়ো রামায়ণ পাঠ শেষ করে’ পুঁথি-খানি বন্ধ করলেন।

গদাই হাঁ করে’ শুন্ছিল। এইবার জিজ্ঞেস করল—“আচ্ছা খুড়ো, বড় অবতার কে?—রাম না হনুমান?”

নবীন ভারতী

সেদিন সন্ধ্যাবেলা বেশ একটু ফুরুরে হাওয়া বইছে দেখে মনে হোল—যাই একবার পণ্ডিতজীকে সঙ্গে নিয়ে গঙ্গার ধারে বেড়িয়ে আসি। এই বুড়ো হাড়ে একটু মলয় পবন লাগালে পরে কোন্ না ছ দশ বছর পরমায়ু বেড়ে যাবে? আস্তে আস্তে চান্দরখানা কাঁধে ফেলে লাঠিগাছটা বগলে করে’ পণ্ডিতজীর ঘরের কাছে উঁকি মারতে গিয়ে দেখি ছোট্ট ছেলে তক্তপোষের একধারে বসে, হাত-পা ছুঁড়ে তুমুল বক্তৃতা শুরু করে’ দিয়েছে, আর পণ্ডিতজী এক টিপ নস্ত নিয়ে দাঁত মুখ খিচিয়ে

হাঁচবার উত্তোগ করেছেন। আমাকে দেখেই পণ্ডিতজীর হাঁচিটা কাশিতে পরিণত হয়ে গেল। দম্ আটকান থেকে একটু সামলে উঠে পণ্ডিতজী বললেন—“আরে বোসো, ছেলেদের বক্তৃতা শুনে কিঞ্চিৎ জ্ঞান-সঞ্চয় করে’ নাও।”

বুড়ো হাড়ে মলয় পবন লাগান আর হোলো না। বসে পড়ে’ জিজ্ঞেস করলুম—“ব্যাপারখানা কি?”

পণ্ডিতজী বললেন—“কি জানি, দাদা, তাই ত বোঝবার চেষ্টা করছি। পাঁচ-সাত জন বড় বড় স্বদেশী পণ্ডিত মিলে আবিষ্কার করেছেন যে, বাঙ্গালার ছেলেদের পেটে জাতীয়তা ঢোকাতে গেলে আগে তাদের শেখাতে হবে হিন্দুস্থানী। বাংলা বরং না শিখলেও চলতে পারে, কিন্তু হিন্দুস্থানী শেখা চাইই চাই।”

পাশ থেকে একটি ছেলে ফোঁস করে’ উঠল। বললে—“দেখুন, ঐ narrownessটা আমাদের ছাড়তে হবে। আমি বাঙ্গালী, কি পাঞ্জাবী, কি মারাঠী—সে-কথা এখন ভুলে গিয়ে একটা All-India consciousness গড়তে হবে। আমরা এক না হলে যে কিছুই হবে না। এ সোজা কথাটা যে কেন ধরতে পারেন না, তা ত বুঝিনে।”

পণ্ডিতজী বক্তৃতার অবসরে আর এক টিপ নস্ত নিয়ে বললেন—“কি করবো, বাবা, আর দিন কত আগে বললেও বা হতো। এখন এই পঞ্চাশ বছর ভাত খেয়ে খেয়ে বুদ্ধিটা এমনি ভেতো মেরে গেছে যে, তার মধ্যে ছাতু প্রবেশ করান মুশ্কিল। ভাল কথা—ঐ All-India consciousness, ওটার বাংলা মানে কি হে?”

ছেলেটি খানিকক্ষণ চুপ করে’ থেকে মাথা চুলকুতে চুলকুতে বললে—“ওটার মানে কি জানেন—ওটা হচ্ছে কিনা—All-India consciousness, অর্থাৎ—”

পণ্ডিতজী ছেলেটির মুখের দিকে চেয়ে বললেন—“অর্থাৎ?”

ছেলেটি একটু বিরক্ত হ’য়ে বললে, “অর্থাৎ বাংলারও নই, পাঞ্জাবেরও নই, মহারাষ্ট্রেরও নই—আমরা সারা ভারতের।”

পণ্ডিতজী চক্ষু ছাড়িয়ে রসগোল্লার মত করে’ বললেন, “ও! এই কথা! আমরা গোলাপও নই, টেগোরও নই, জু’ইও নই, এমন কি ধোঁটুও নই, আমরা শুধু ফুল। একেবারে আকাশ-কুমুদ! তা, তোমরা ফুলই বটে, শুধু বাংলায় নয়,

ইংরেজীতেও বটে। কিন্তু আমি—আমি বাঙ্গালী, আমার চৌদ্দপুরুষ বাঙ্গালী। আমার রক্ত, মাংস, হাড় বাংলার মাটি থেকে গড়া, বাঙ্গালীর ভাবনা-চিন্তা, সুখ-দুঃখ, হাসি-কান্না, আশা-আকাঙ্ক্ষা আমার মনের পর্দায় পর্দায় জড়ানো। আমি তোমাদের সখের একতার খাতিরে ত নিজেকে তুলো-থোনা করে' উড়িয়ে দিতে পারিনি। তোমরা যাকে একতা বলচ, সেটা এক হয়ে বেঁচে থাকা নয়, সেটা হচ্ছে এক আশানে গিয়ে মরা। সেটা মুক্তি নয়, লয়।”

পণ্ডিতজীর কথায় ছেলেটি যেন একটু হাঁপিয়ে উঠলো। কিছুক্ষণ চুপ করে' থেকে সে জিজ্ঞেস করলে—“আপনি কি বলতে চান যে, আমরা বাঙ্গালী—এই সঙ্কীর্ণ ভাবটা গিয়ে যদি ‘আমরা ভারতীয়’ এই বড় ভাবটা আমাদের আসে, তা’হলে আমাদের মঙ্গল হবে না?”

পণ্ডিতজী একটু হেসে বলেন—“বাংলা বড় কি ভারত বড়, এ কথার উত্তর গজকাটা দিয়ে যেপে বলে' দেওয়া যেতে পারে; কিন্তু বাঙ্গালীও বড় কি ভারতীয়ও বড়, এ কথার উত্তর ও-রকম যেপে-জুপে বলা চলে না। দুখ থেকে দই, ক্ষীর, ছানা, সর, মাখন হয়েছে বলে, এ কথা বলা চলে না যে, এগুলো সব দুধের চেয়ে ছোট বা সঙ্কীর্ণ। বাংলা, পাঞ্জাব, তিব্বত, মহারাষ্ট্র, ইত্যাদি সব বাদ দিলে যেমন ভারতবর্ষ বলে' কিছু আর বাকি থাকে না, তেমনি বাঙ্গালীও, হিন্দুস্থানীও, পাঞ্জাবীও—এ সমস্তগুলো বাদ দিলে তোমার All-India consciousnessটা অস্বাভাবিক হয়ে দাঁড়ায়। ভারতের যা নিয়ে ভারতীয়ত্ব, সেই জিনিষটাই বাঙ্গালীর মধ্যে বাঙ্গালীত্ব, হিন্দুস্থানীর মধ্যে হিন্দুস্থানীত্ব, মারাঠীর মধ্যে মারাঠীত্ব হয়ে ফুটে উঠেছে। বাঙ্গালীর বাঙ্গালীত্ব মারা গেলে সঙ্গে সঙ্গে তার ভারতীয়ত্বও মারা যাবে। ভারতবর্ষের যেটা মানস রূপ, বাংলায় সেইটাই বাঙ্গালীত্ব হয়ে ফুটেছে। এটা ভৌগোলিক ব্যাপার নয় যে, ফুট ইঞ্চি দিয়ে যেপে এর মধ্যে ছোট-বড় ঠিক করবে।”

ছেলেটি একটু ঠুই-গাঁই করতে করতে জিজ্ঞেস করলে—“আচ্ছ, তাও যদি হয় ত ভাবার সঙ্গে তার সম্বন্ধটা কি?”

পণ্ডিতজী বলেন—“আমরা যদি ছেলেবেলা থেকে গাধার দুধ খেয়ে মানুষ (১) না হতুম, তা’হলে

আজ আর আমাদের এ কথাটা বোঝাবার দরকার হতো না। যে-সব জাত বেঁচে আছে, তারা সবাই জানে—তাদের প্রাণ কোথায়, আর ভাবার সঙ্গে সেই প্রাণটার সম্বন্ধই বা কি? গলা টিপে ধরলে যেমন দম্ আটকে মানুষের প্রাণটা বেরিয়ে যায়, ভাষাটাকে মেয়ে দিলেও তেমনি জাতটার প্রাণও বেরিয়ে যায়। পরাধীন জাতের স্বতন্ত্রতা নিজের ভাষা থাকে ততক্ষণ বেঁচে ওঠবার আশাও থাকে। দেখনি সেইজন্তু জর্মেনি পোলাঙের ভাষা মেয়ে ফেলবার চেষ্টা করেছিল, ইংলও আইরিশ ভাষা মেয়ে ফেলবার চেষ্টা করেছিল? আর আজ যদি তোমরা ভারত-জোড়া এক ভাষা করবার খাতিরে বাংলা তুলতে আরম্ভ কর, তা’হলে তোমাদের দুর্দশা দেখে শেয়াল-কুকুর কেঁদে যাবে।”

ছেলেটিও দেখলুম ছাড়বার পাত্র নয়। ভাষাতত্ত্ব ছেড়ে দিয়ে সে রাজনীতির ঘাড়ে লাফিয়ে পড়লো। জিজ্ঞেস করলে—“এক ভাষা না হলে আমরা মিলব কি করে? আর না মিললে এ দেশের দুর্দশা ঘূচবে কোথা থেকে?”

পণ্ডিতজী হেসে উঠে বলেন—“না বাবা, তোমাদের এঁটে ওঠা দায়। বিশ্ব-বিহার নাম করে' যে তোমরা এত অবিজ্ঞা পেটে পুরে' বসে আছ, এ আমার জানা ছিল না। এই ত চোখের সামনে দেখলে এত বড় একটা লড়াই হয়ে গেল। ইংরেজ, ফরাসী, রুশ, জাপান, ইতালী, গ্রীস, সবাই মিলে জার্মানির সঙ্গে যুদ্ধ করলে, কৈ এক ভাষা নয় বলে ওদের একতার ত বাধা হয়নি। সব সৈন্যদের যদি একটা ভাষা শিখিয়ে তারপর যুদ্ধে পাঠান হতো, তা’হলেই কেবলা ফতে হয়েছিল আর কি। আর একটা কথা মনে রেখো যে, সংখ্যায় বেশী হলেই শক্তি সব সময় বাড়ে না। এ জগতে বাঙ্গালীর চেয়ে ইংরেজের সংখ্যা বেশী নয়। ইংরেজ যে আধা দুনিয়ার ঘাড়ে চড়ে' বসে' আছে, আর আমরা যে তার বুটের তলায় পড়ে পাহি—এর সঙ্গে সংখ্যাধিক্যের বড় একটা সম্বন্ধ নেই।”

আমি দেখলুম যে, কথা বাড়তে বাড়তে বেড়েই চলেছে। শেষে কি কেঁচো খুঁড়তে লাগে বা'র হয়ে পড়বে? তাড়াতাড়ি বলে' উঠলুম—“থাক, দাদা, আজ এই পর্যন্ত। রাজনীতির চর্চা কাল হলেও চলবে; কিন্তু এই ফুরুরে মলয় পবন কাল নাও বইতে পারে।”

6.



